

Abhidhammapiṭake

Dhammasaṅgaṇī-aṭṭhakathāya Atthavaṇṇanābhūtā

Bhadantācariya-ānandattherena katā

Dhammasaṅgaṇīmūlaṭīkā

Tapassānuvaṇṇanābhūtā

Bhadantācariyadhammapālattherena katā

Dhammasaṅgaṇī-anuṭīkā



Buddhavasse 2552

Marammavasse 1370

AD. 2008

Romanized from Myanmar version published in 1960

© Buddhasāsana Society

Ṭikā Series 22

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṅa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဠ cca	ဏ္ဍ န္ဍa	ဠ သ္ဃa	ဠ ပာ	လျ လာ
ကျ kya	ဠ ccha	ဏ္ဍ န္ဍa	ဠ န္ဓa	ဠ ဗ္ဗha	လှ လာ
ကြ kri	ဠ jja	ဏ္ဍ န္ဍa	ဠ န္ဓa	ဠ ဗျa	ဂှ ဝာ
ကလ kla	ဠ jjha	တ္တ တa	ဠ န္ဓa	ဠ ဗာ	တ္တ တာ
ကွ kva	ည န္ဏa	တ္တ တa	ဠ န္ဓa	ဠ မ္ဗာ	တ္တ တာ
ချ khya	ည န္ဏa	တွ တa	ဠ န္ဓa	ဠ မ္ဗာ	ဠ နာ
ခွ khva	ည န္ဏa	တွ တa	ဠ န္ဓa	ဠ မ္ဗာ	လျ ဝာ
ဂွ gga	ဠ န္ဏa	တြ တa	ဠ န္ဓa	ဠ မ္ဗာ	သ ဝာ
ဠွ ggha	ည န္ဏa	ဠ န္ဓa	ဠ န္ဓa	ဠ မ္ဗာ	သ ဝာ
ဂျ gya	ည န္ဏa	ဠ န္ဓa	ဠ န္ဓa	ဠ မ္ဗာ	သ ဝာ
ဂြ gra	ဠ တ္တa	ဠ သ္ဃa	ဠ ပာ	ဠ မ္ဗာ	တွ ဝာ
ကံ ṅka	ဠ တ္တa	ဠ သ္ဃa	ဠ ပာ	လျ ယာ	တွ ဝာ
ခံ ṅkha	ည ḍḍa	ဠ သ္ဃa	ဠ ပာ	လျ ယာ	ဠ ḷa
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Nidānakathā

Sirimatā amhākaṃ Buddhena Bhagavatā Arahatā Sammāsambuddhena sakalalokapatthaṭamahākaruṇāsinehasiniddhahadayena sabbattha appaṭihatasabbaññutānāvarenaḍiñāḅobhāsasamujjalitena sanarāmaralokagurunā sadevakassa lokassa atthāya hitāya sukhāya dhammo ca vinayo ca desito paññatto, so pariyattipaṭipattipaṭivedhavasena vibhattesu tīsu saddhammesu pariyattisaddhammo nāma, tadeva ca sāsanaṭṭhitiyā pamāṇaṃ, satiyeva hi tasmim itare uppajjanti, nāsati, vuttañhetam **Aṅguttaraṭṭhakathāyaṃ**— (Aṃ-Tṭha 1. 72 piṭṭhe)

“Suttantesu asantesu, pamuṭṭhe vinayamhi ca.

Tamo bhavissati loko, sūriye atthaṅgate yathā.

Suttante rakkhite sante, paṭipatti hoti rakkhitā.

Paṭipattiyam ṭhito dhīro, yogakkhemā na dhamasati”ti.

Teneva ca saddhammaciraṭṭhitikāmino theravarā Mahākassapādayo pariyattisaddhammasaṅkhātam Tepiṭakam Buddhavacanam saṅgītimāropetvā Buddhasāsanam samrakkhimsu, taṃkālikā ca rājāno saddhammābhivuddhikāmā tesam saṅgītikārānamanubalappadānena sahāyattamupāgamuṃ.

Tathā hi catūhādhikatimāsaparinibbute Bhagavati Mahākassapattherappamukhehi pañcahi arahantasatehi Rājagahe **paṭhamā dhammasaṅgīti** katā rañño Māgadhasa Ajātasattuno visesānuggahamādāya.

Vassasataparinibbute ca Bhagavati Mahāyasattherappamukhehi sattahi arahantasatehi Vesāliyam **dutiyā dhammasaṅgīti** katā, tadā ca Kālāsoko mahīpati tesam sahāyattamupāgato.

Tathāgataparinibbānato pana dvinnam vassasatānamupari pañcattimsatime vasse Mahāmoggaliputtatissattherappamukhehi arahantasahashehi Pāṭaliputte **tatiyā dhammasaṅgīti** katā sakalalokapatthaṭayasassa Dhammāsokassa bhūpatino niratisayānuggaham laddhāna.

Sammāsambuddhapariniibbutito pana catunnaṃ vassasatānamupari paṇṇāse vasse Laṅkādiṭṭe Vaṭṭagāmaṇirājino kāle Mātulajanapade Ālokaleṇe **catutthī dhammasaṅgīti** katā pañcahi arahantasatehi Mahādhammarakkhitattherappamukhehi, yā loke “potthakāropanasāṅgīti”ti pākaṭā.

Buddhavasṣe pana catussatādhikadvisahassānamupari pannarasamasāṅkhyāṃ sampatte imasmimpi Marammaraṭṭhe **Mindonnā**massa mahādhammarājino kāle Mandalay itipākaṭe Ratanāpuñjanagare **pañcamī dhammasaṅgīti** katā catussatādhikadvisahassattherehi Dakkhiṇārāmaṃvāsītipiṭakadharabhadantaṭṭhagarattherappamukhehi tasṣeva rañño anavasesānuggahamādāya, yā loke “selakkharāropanasāṅgīti”ti vuccati.

Itthaṃ sudāṃ Buddhassa Bhagavato sāsanaṃ iddhañceva hoti phītañca vitthārikāṃ bāhujaññaṃ puthubhūtaṃ yāvajjatanā.

Cirakālato panetaṃ Buddhavacanaṃ lekhaṇaparamparāya ceva muddaṇaparamparāya ca anekakkhattuṃ parivattiyābhatāṃ na sakkā dāni vattuṃ “paṭhamadutiyatatiyādīsāṅgītimāropitākāreṇeva sabbaso parisuddhaṃ”ti, aññadatthu paṇādhunikapotthakesu saṃvijjamānehi kehici pamādalekhādīsāṅgītakhalitādhikaparibhaṭṭhapāṭhehi malīnamevetāṃ, tathā hi nāñadesiyapotthakesu aññamaññaṃ saṃsandiyaṃānesu anekā visadisapāṭhā dissanti.

Tatoyeva ca Buddhavacanassa suparisuddhabhāvakāmīno mahātherā sasatthantarapiṭakattayakovidā dhammavinayaṃ vācentāyeva te khalitādhikaparibhaṭṭhapāṭhe disvā evaṃ samacintesuṃ kathesuṃ ca—

“Advayavādīno suparisuddhavacanassa tassa Bhagavato pāvācanaṃ advayaṃ suparisuddhaṃ nimmalamevassa, imesu pana pāvācanapotthakesu aññamaññaṃ visadisā ceva aparisuddhā ca pāṭhā dissanti, nissāṃsayāṃ kho ayameva mūlapāṭho, yo nesāṃ yuttisampanno, tadañño pana pamādalekhaṇapāṭhoyeva, tādisā ca dissanti ādhunikapāvācanapotthakesu kismiñci kismiñci ṭhāne.

Kāmañcetedāni na tāva bahutarā, yāva yathābhūtaṃ Pāliya atthaṃ paṭisedheyyuṃ, etarahi pana asodhiyaṃānā te gacchante gacchante

kāle bahutarā bahutarā jāyeyyūṃ, taṃkālikā ca pacchimā janā te sodhetuṃ asamatthā yathādhippetāṃ Pāḷiyā atthāṃ na sammā jāneyyūṃ, evamete saddhammassa sammosāya antaradhānāya saṃvatteyyūṃ.

Vuttaṃ hetāṃ **Āṅguttaranikāye**— (Am 1. 60 piṭṭhe)

‘Dveme bhikkhave dhammā saddhammassa sammosāya antaradhānāya saṃvattanti, katame dve, dunnikkhittaṃ ca padabyañjanaṃ attho ca dunnīto, dunnikkhittassa bhikkhave padabyañjanassa atthopi dunnayo hoti, ime kho bhikkhave dve dhammā saddhammassa sammosāya antaradhānāya saṃvattanti’ ti.

Yaṃnūna mayāṃ te sodhetvā nimmalaṃ parisuddhaṃ Buddhavacanaṃ sampatiṭṭhāpeyyāma, tadassa saddhammaciraṭṭhitiyā bahujanahitāya bahujanasukhāya ca, taṃ pana na sukaraṃ sampādetuṃ aññatra dhammikaṛājūnāmanuggahenā” ti.

Sā paṇāyaṃ kathā patthaṭā sādhujanaparamparāya, sutā ca **U Nu** nāmadheyyaggamahāmacappamukhehi Marammaratṭhissarehi, sutvāna te evaṃ samacintesuṃ sammantayīṃsu ca “na kho panetaṃ amhākaṃ patirūpaṃ, ye mayāṃ pubbakehi dhammikehi dhammarājūhi samanuggahitassa Buddhasāsanassa parihānikāraṇaṃ passamānāyeva ajjupekkhitvā appossukkā vihareyyāma, yaṃnūna mayāṃ sāsānopakārupāye sampādetvā visesato ca ādhunikapāvācanapotthakesu dissamāne saṃsayaṭṭhāniye pamādalekhapāṭhe saṃsodhetukāmānaṃ mahātherānaṃ ajjhāsayaṃ paripūretvā Buddhasāsanāṃ anuggaṇheyyāmā” ti, atha te sabbepi sāsānānuggahāya katasanniṭṭhānā ahesuṃ.

Anuggahitukāmehipi ca tehi na sakkā āṇāya kātuṃ vinā mahājanacchandasañjātopadesena, mahājanappatinidhibhūtā hi etarahi Marammikā rājāno, upadeso ca santhāgārasamitiyaṃ mahājanappatinidhibhūtānaṃ matisajīvānaṃ chandeneva samuppajjati, tasmā Buddhasāsanānuggahāya santhāgārasamitiyaṃ ekaṃ dhammupadesaṃ paññāpetvā **Buddhasāsanasamiti** nāma mahāsamiti samuṭṭhāpitā. Tassā kho pana samitiyā sabhāpati hoti *Thadosirīsudhammopādhidhārī* **Sir U Thwin** vhayo mahāseṭṭhi, upasabhāpati pana *Thadosirīsudhammopādhidhārī* yeva **U Thein Maung** vhayo padhānaḍḍavinicchayamandiramhi mahākkhadassādhipati, sabbakammavidhāyako pana

hitadharo *Thadomahāsa*resīthūpādhiko **U Chan Htun**vhayo upadesikādhīpatipadhānanīvedimahāmantī. Bhaṇḍuppādako pana raṭṭhissarānaṃ patinidhibhūto **U Win** nāmadheyyo sāsanaṭṭhānikamahāmatto.

Atha te Buddhasāsanasamitikā “yāyeva kho panatthāya samuṭṭhāpitāyaṃ samiti, tadatthamidāni visesato kāhāmā”ti Marammaraṭṭhebbhipākaṭaḡaḡasamudayasamudite tattha tattha padhānanāyakabhūte paropaṇṇāsamahāthere dīghadassino nimantiya evamārocesuṃ “ayaṃ bhante amhākaṃ Buddhasāsanamahāsamiti Buddhasāsanānuggahatthāyeva raṭṭhissarānaṃ dhammupadesena samuṭṭhāpitā, sacedāni bhante pubbe viya dhammasaṅgītiṃ katvā sāsanaṃ paggaṇhituṃ yujjeyya, mahātherā ca tathā kātumiccheyyūṃ, vissatthāva bhante karontu, mayaṃ tattha kāyañāṇapaccayabalehi niravasesaṃ byāvaṭā bhavissāmā”ti.

Atha kho te mahātherā “dhammasaṅgītiṃ karissāmā”ti katasanniṭṭhānā evaṃ pativedesuṃ “kattabbāyevesā dhammasaṅgīti, nesā na kattabbā, tasmā mayaṃ dāni piṭakapotthakāni pañcamasaṅgītisilālekhāya samānetvā tāniyeva sarīraṃ katvā Pāḷisaṃsodhanapubbaṅgamaṃ dhammasaṅgītiṃ kassāma, yāya ādhunikapotthakesu paramparāparivattanavasena sañjātā pamādalekhaṇā ca nirākarīyissanti, visodhitaṅca suparisuddhaṃ pāvacaṇamūlaṃ labhitvā taṃ muddāpetvā sakalaloke nānāraṭṭhesu nānādesesu byāpanavasena Buddhasāsanassa ciraṭṭhiti ca sādhiyissati, sabbe ca Theravādīkā raṭṭhā Marammaraṭṭhasahitā ekato hutvā Buddhasāsanāṃ abhūtapubbapaggahena paggaṇhituṃ labhissanti, sā ca purimikā pañca saṅgītiyo upanidhāya **chaṭṭhasaṅgīti** nāma bhavissati, taṅca sabbaṃ bhavissati bahujaṇahitāya bahujaṇasukhāya atthāya hitāya sukhāya devamanussānaṃ, bahūni panettha āvassakakiccāni paṭikacceva samādapetabbāni tumhākamāyattāni, tasmā saṅgītikālavavattānādikiccaṃ tumhākaṃyeva bhāro hotū”ti.

Atha te Buddhasāsanasamitikā sāsanaṭṭhānikānaṃ mahātherānaṃ chandaṅca ruciṅca samādaya ovādaṅca sirasā sampaṭicchitvā therānaṃ ceva attano ca kattabbakiccānaṃ pariniṭṭhānasamayaṃ sallakkhetvā “ayaṃ chaṭṭhasaṅgīti Sammāsambuddhapariniṭṭhānato catussatādhikānaṃ dvinnaṃ vassasahassānamupari

aṭṭhanavutime vasse vesākhapuṇṇamito paṭṭhāya ārabhitabbā, dve ca vassāni kattabbā, pañcannaṃ ca sāsanaṃvassasahassānamupaḍḍhavasve vesākhapuṇṇamiyaṃyeva pariniṭṭhāpetabbā”ti saṅgītikālaṃ vavatthapesuṃ.

Tato paṭṭhāya ca te punappunaṃ sannipatitvā sammantayitvā saṅgītiyā pubbakiccesu nirantaraṃ byāvaṭṭaṃ honti, “mahantaṃ kho Jinasāsanaṃ mahatiyāyevetaṃ pūjāya pūjanīyaṃ”ti mantvā tehi kārapitāni mahantamahantāni sāsanaṃmandirāni, tattha saṅgītiṃ kurumānassa bhikkhusaṅghassa sukhasannisaṅgātthaṃ sannipātaṭṭhānabhūtaṃ mahantaṃ saṅgītiṃmandiraṃ Yangon nāma rājadhāniyaṃ **Sirīmaṅgalatthale Kaba Aye** (Lokasāma) nāmakassa cetiyassa āsanne selapabbataguḥāvesena kārapitaṃ tibhūmakāṃ pāyaso silā-iṭṭhakāyomaṃ, evaṃ mahantampetaṃ ekasaṃvacchareneva pariniṭṭhāpitaṃ iddhiyā maññe nimmitaṃ, tañca bahi ṭhatvā apekkhattaṃ sayamañjātaselapabbato viya dissati, anto pavisitvā olokayataṃ pana olokitolokitaṭṭhānato dassanīyaṃ pāsādikaṃ ramaṇīyaṃ atittikameva hutvā devavimānaṃmiva khāyati. Tassa panāvidūre aḍḍhateyyānaṃ saṅgītikārabhikkhusahassānaṃ nivāsappahonakā cattāro iṭṭhakamayā mahāpāsādā ceva iṭṭhakamayāyeva bhojanamahāsālā ca mahāsīmāpāsādādayo ca muddaṇayantasālā ca tatheva kārapitā.

Mahātherāpi ca “saṅgītikiccaṃ nāma therādheyyaṃ, therānaṃ ovādeneva kattabbaṃ, na vinā tena, tasmā bhikkhusaṅghassa ceva upāsakānañca sabbampi saṅgītipaṭibaddhamovādaṃ dātum bhavitabbamettha ovādadāyakaṃsaṅghasabhāyapī”ti Marammaraṭṭhadhajūpame aggamahāpaṇḍitopādhidhārino ca raṭṭhovādācariyasammate ca raṭṭhavinayadharasammate ca aññe cābhipākaṭagarubhāvanīyādiguṇagaṇasamaṅginoti parosataṃ nāyakamahāthere uccinitvā “chaṭṭhasaṅgīti-ovādācariyaṃghanāyakaṃsabhaṃ” nāmekāṃ padhānamahāsaṅghasabhāṃ patiṭṭhāpesuṃ, te ca nāyakamahātherā Sambuddhavacanaratanākarapārage vividhasatthantaragahanāsaṅgacārīne therānuthere pañcavīsatiṃmatte samuccinitvā “chaṭṭhasaṅgītidhurandharasabhā”ti ca sammantitvā tassā sabhāya bhāraṃ niyyātesuṃ sabbāni saṅgītipaṭibaddhakiccāni saṃvidahitum. Te ca saṅgītidhurandharasabhikā therā sakalamarammaraṭṭhe **Nyaung Yan Sayadaw**ti abhipākaṭaṃ “Aggamahāpaṇḍito” pādhinā ceva “Abhidhajaṃmahāraṭṭhagurū” pādhinā cāti

dvīhi Marammaraṭṭhissarasamappitopādhīhi virājitam jātiyā āsītivassikam upasampadāya saṭṭhivassam “Bhadantarevatam” nāma mahātheravaram sabhāpatim katvā Tepiṭake Buddhavacane ceva nānāsatthesu ca kovide dhammācariyakavipadappatte bhikkhū uccinitvā aṭṭhadasādivaggavasena parosatam Pāḷivisodhakavagge ceva sambahule ca paṭivisodhakavagge bandhāpetvā visodhanappaṭivisodhanehi Buddhavacanam suparisuddhattam paṭipāpetvā dhammasaṅgītimakaṃsu yathā tam porāṇakasāṅgītikārā.

Evam saṅgītimāropitassa Tepiṭakassa Buddhavacanassa atthasamvaṇṇanābhūtā Aṭṭhakathāyo ca samvijjanti manoramāya tantinayānucchavikāya bhāsāya Ācariyabuddhaghosādīhi theravarehi katā.

Tāsampi Aṭṭhakathānam sadesīyamūlehi ceva videsīyamūlehi ca saṃsanditvā Tepiṭakassa viya Buddhavacanassa visodhanapaṭivisodhanavasena mahātherā pāvacanadassino samvaṇṇanākovidā pāṭhasodhanamakāṃsu.

Icevamaṭṭhakathāyo ca pamādakhalitādhika paribhaṭṭhapāṭhānam nirākaraṇavasena visodhitā ceva paṭivisodhitā ca hutvā Buddhasāsanamuddaṇayantālaye samappitā suṭṭhu muddāpaṇāya.

Muddāpaṇakāle ca Piṭakattayamuddāpaṇe viya mahātheravarā mūlasodheyyapattapāṭhakehi gahaṭṭhapaṇḍitehi ceva dhammācariyabhikkhupaṇḍitehi ca anekavāram parisodhitam osānasodheyyapattam paṭivisodhitamūlapotthakena ceva aññehi sadesa desantarika Aṭṭhakathāpotthakehi ca vividhabyākaraṇādisatthehi ca punappunam saṃsandetvā suvisada paribyattakaṇḍavāra vākyaccheda saṅketatañca sampāpetvā mahatā parissamena osānasodhanamakāṃsu.

Evametāsampi ca suvisodhitānam Aṭṭhakathānam saṅgītibhāranitthārakā mahātherā nikhilamarammaraṭṭhe **Maso Yein Sayadawti** abhipākaṭam “Aggamahāpaṇḍito” pādhinā ceva “Abhidhajamahāraṭṭhagurū” pādhinā cāti dvīhi Marammaraṭṭhissarasamappitopādhīhi virājitam jātiyā chasattativassikam upasampadāya chappaññāsavassam “Bhadantasūriyābhivaṃsam” nāma mahātheravaram sabhāpatim katvā chaṭṭhasaṅgītikārakapariyāpannehi therānutherehi

saṅgama paṭhanatthāya samārabhiṃsu yathā taṃ
chaṭṭhasaṅgītidhammasaṅgāyanākāle.

Evametāsaṃ Aṭṭhakathānaṃ saṃsodhana-muddāpaṇa-samapaṭhanesu
karīyamānesu raṭṭhissaraṅgaṇe aggamahāmacco **U Nu** nāmadheyyo
mahāsayo ceva Buddhasāsanasamitiyaṃ sampati bhaṇḍuppadako
raṭṭhissarānaṃ patinidhibhūto **U Basaw** nāmadheyyo
sāsanatṭhānikamahāmatto cāti-imepi taṃkiccasampādanāya Pāḷisaṅgītikāle
viya mahussāhena byāvaṭā honti.

Icevemetāpi Aṭṭhakathāyo theravādīnekāyikavibudhappamukhānaṃ
sattḥāgamaratanālayasāragāhīnaṃ veyyākaraṇakesarīnaṃ
accantanimmalāñānavārīnā paridhovitā saṅgama ca paṭhitā, tā
vibudhappavarekagocarā vimuttirasassādādāyiniyo Piṭakattayassatthaṃ
paribyattaṃ pakāsentīyo ciraṃ vilasantiyo lokatthasiddhiṃ sādhayantūti.

Tenetaṃ vuccati—

1. Mūlakam pariyaṭṭiva, sāsanaṃ Mahesino.
Pariyaṭṭipamāṇā hi, ciraṃ saddhammasaṅgīhiti.
2. Tasmā taṃ rakkhituṃ therā, dhammasaṅgāhakā purā.
Rājāno upanissāya, akāṃsu dhammasaṅgahe.
3. **Paṭhamam** dhammasaṅgītiṃ, **Ajātasatturājino**.
Anuggahena katvāna, pālayuṃ Jinasāsanam.
4. **Dutiyaṃ** tu tathā katvā, **Kālāsokassa** rājino.
Kāle tamupanissāya, pālayuṃ Jinasāsanam.
5. **Tatiyaṃ** pica katvāna, **Dhammāsokassa** rājino.
Anuggahena Buddhassa, sāsanaṃ abhipālayuṃ.
6. **Catutthiṃ** pana Laṅkāyaṃ, **Vatṭagāmaṇirājino**.
Kālamhi potthakārulhaṃ, katvāna pālayuṃ tathā.
7. Imasmiṃ Marammaraṭṭhepi, **Mindonnāma** narādhipam.
Rajjaṃ samanussāntam, ratanattayamāmakam.

8. Sannissāya mahātherā, thirasilā guṇākarā.
Pañcamim dhammasaṅgītiṃ, karontā sāsanaṭṭhitim.
9. Patthayantā likhāpetvā, silāpaṭṭesu peṭakam.
Vāyāmena mahantena, pālayum Jinasāsanam.
10. Ittham purā mahātherā, rājāno cāpi dhammikā.
Sāsanam paripālesum, jīvitam viya attano.
11. Tathāpi khalitādāni, dissanti Piṭakattaye.
Paramparāya lekhāya, sañjātā muddaṇena ca.
12. Disvāna te mahātherā, vācentāva Tipetakam.
Vuccamānanayenevam, cintesum mantayimsu ca.
13. “Katvāna sādhuṅkam gantha-suddhikam sāsanaṅyukam.
Yamṇūna dhammasaṅgītiṃ, kareyyāma mayam” iti.
14. Etamattham suṇitvāna, **U Nu** nāma mahāsayo.
Marammavisaye **agga-mahāmacca**dhurandharo.
15. “Sāsanaṅyattakiccāni, sampādentā visesato.
Saṅgītiyaṅca therānam, sampūrentā manoratham.
16. Yathā rakkhimsu porāṇā, surājāno tathā mayam.
Samrakkheyyāma Sambuddha-sāsanam” iti cintiya.
17. Mahāmaccehi aññehi, saṅgamehi ca mantiya.
Suppaṭiṭṭhāpayitvāna, **Buddhasāsanasaṅgama**m.
18. Mahātherānamādāya, chandam idha nivāsinam.
Aññesu Sīhaḷādīsu, videsesu ca vāsinam.
19. Kāretvā dhammasaṅgītiṃ, sodhetvā Satthusāsanam.
Saddhammānuggahatthāya, karam daḷhaparakkamam.
20. **Sirīmaṅgala**vikhyaṭe, thalasmim pavare subhe.
Cetiyaṣāvidūramhi, **Kaba Aye** itisaññino.
21. Guhāvesena kāretvā, mahāsaṅgītimandiram.
Āvāsādiṅca bhikkhūnam, kāresi muddaṇālayam.

22. Ganthasaṃsodhanam dhamma-saṅgītiyā tu paṇḍitā.
Mahātheravarākaṃsu, satimantā punappunam.
23. Muddāpente ca passivā, mahātherehi pañcahi.
Sodheyypattamosānam, nimmalattam supāpitam.
24. Katvā suvisadam Buddha-bhāsitam Piṭakattayam.
Yathā muddāpitam āsi, sāsanaṭṭham Mahesino.
25. Tathā Aṭṭhakathāyo ca, saṃsodhetvā punappunam.
Suṭṭhu muddāpitā honti, sabbalokatthasiddhiyāti.

Dhammasaṅgaṇīmūlaṭṭikā

Mātikā		Piṭṭhaṅka
Vīsatiḡāthāvaṇṇanā	...	1
Nidānakathāvaṇṇanā	...	11
Sumedhakathāvaṇṇanā	...	24

1. Cittuppādaḡaṇḡa

Tikamātikāpadavaṇṇanā	...	27
Dukamātikāpadavaṇṇanā	...	49
Suttantikadukamātikāpadavaṇṇanā	...	56
Kāmāvacarakusalapadabhājanīyavaṇṇanā	...	58

Kāmāvacarakusala

Kāyakammadvāarakathāvaṇṇanā	...	72
Vacīkammadvāarakathāvaṇṇanā	...	75
Manokammadvāarakathāvaṇṇanā	...	76
Kammakathāvaṇṇanā	...	77
Akusalakammaṡathakathāvaṇṇanā	...	80
Kusalakammaṡathakathāvaṇṇanā	...	81
Kammaṡathasaṁsandanakathāvaṇṇanā	...	81

Dhammuddesavāarakathā

Phassapañcamakarāsivaṇṇanā	...	85
Jhānaṅgarāsivaṇṇanā	...	88
Indriyarāsivaṇṇanā	...	88
Maggaṅgarāsivaṇṇanā	...	90
Balarāsivaṇṇanā	...	90
Mūlarāsivaṇṇanā	...	91

Mātikā	Piṭṭhaṅka
Kammapatharāsivaṇṇanā	92
Passaddhādiyugalavaṇṇanā	92
Yevāpanakavaṇṇanā	92
Kāmāvacarakusala niddesavāarakathāvaṇṇanā	94
Koṭṭhāsavāraṇṇanā	98
Suññatavāraṇṇanā	99
Dutiyacittādivaṇṇanā	99
Puññakiriyavatthādikathāvaṇṇanā	99

Rūpāvacarakusala

Catukkanayapaṭhamajjhānakathāvaṇṇanā	100
Dutiyajjhānakathāvaṇṇanā	102
Tatijjhānakathāvaṇṇanā	103
Catutthajjhānakathāvaṇṇanā	104
Pañcakanayavaṇṇanā	104
Paṭipadācatukkavaṇṇanā	104
Ārammaṇacatukkavaṇṇanā	105
Ārammaṇapaṭipadāmissakavaṇṇanā	105
Kasiṇakathāvaṇṇanā	105
Abhibhāyatanakathāvaṇṇanā	105
Vimokkhakathāvaṇṇanā	107
Brahmavihāarakathāvaṇṇanā	107
Asubhakathāvaṇṇanā	107
Arūpāvacarakusalakathāvaṇṇanā	108
Tebhūmakakusalavaṇṇanā	110
Lokuttarakusalavaṇṇanā	111
Lokuttarakusala pakiṇṇakakathāvaṇṇanā	115
Paṭhamamaggavīsatimahānayaṇṇanā	118

Mātikā		Piṭṭhaṅka	
Dutiyamaggavaṇṇanā	118
Tatīyacatutthamaggavaṇṇanā	118

Akusalapadadhammuddesavāra

Paṭhamacittakathāvaṇṇanā	119
Niddesavāra-kathāvaṇṇanā	120
Dutiyacittavaṇṇanā	120
Tatīyacittavaṇṇanā	120
Catutthacittavaṇṇanā	121
Navamacittavaṇṇanā	121
Ekādasamacittavaṇṇanā	122
Dvādasamacittavaṇṇanā	122

Abyākatapada

Ahetukakusalavipākavaṇṇanā	124
Aṭṭhamahāvīpākacittavaṇṇanā	127
Vīpākuddhāra-kathāvaṇṇanā	127
Rūpāvacarārūpāvacaravīpākakathāvaṇṇanā	135
Lokuttaravīpākakathāvaṇṇanā	136
Akusalavīpākakathāvaṇṇanā	137

Kiriyābhākata

Manodhātucittavaṇṇanā	137
Kiriyamanoviññādhātucittavaṇṇanā	137
Rūpāvacarārūpāvacarakiriyacittavaṇṇanā	138

2. Rūpakaṇḍa

Uddesavaṇṇanā	139
Tividharūpasaṅgahavaṇṇanā	142

Mātikā			Piṭṭhaṅka
Catubbidhādirūpasaṅgahaṅṅaṇā	142
Rūpavibhatti-ekakaniddesaṅṅaṇā	142
Dukaniddesa			
Upādābhājanīyakathāṅṅaṇā	144
No-upādābhājanīyakathāṅṅaṇā	154
Catukkaniddesaṅṅaṇā	155
Pañcakaniddesaṅṅaṇā	156
Pakiṅṅakakathāṅṅaṇā	156
3. Nikkhepaṅṅa			
Tikanikkhepakathāṅṅaṇā	159
Dukanikkhepakathāṅṅaṇā	167
Suttantikadukanikkhepakathāṅṅaṇā	177
4. Aṭṭhakathāṅṅa			
Tika-atthuddhāraṅṅaṇā	189
Duka-atthuddhāraṅṅaṇā	201

Dhammasaṅgaṇīmūlaṭīkāya mātikā niṭṭhitā.

Dhammasaṅgaṇī-anuṭṭikā

Mātikā		Piṭṭhaṅka
Vīsati-gāthāvaṇṇanā	...	1
Nidānakathāvaṇṇanā	...	12
Sumedhakathāvaṇṇanā	...	26

1. Cittuppāda-kaṇḍa

Tikamātikāpadavaṇṇanā	...	27
Dukamātikāpadavaṇṇanā	...	53
Suttantikadukamātikāpadavaṇṇanā	...	62
Kāmāvacarakusalapadabhājanīyavaṇṇanā	...	64

Kāmāvacarakusala

Kāyakammadvāra-kathāvaṇṇanā	...	78
Vacīkammadvāra-kathāvaṇṇanā	...	81
Manokammadvāra-kathāvaṇṇanā	...	83
Kammakathāvaṇṇanā	...	84
Akusalakamma-pathakathāvaṇṇanā	...	88
Kusalakamma-pathakathāvaṇṇanā	...	90
Kamma-pathasāmsandanakathāvaṇṇanā	...	90
Dhammuddesavāra-kathā phassapañcamakarāsivaṇṇanā	...	92
Jhānaṅgarāsivaṇṇanā	...	94
Indriyarāsivaṇṇanā	...	95
Maggaṅgarāsivaṇṇanā	...	97
Balarāsivaṇṇanā	...	98
Mūlarāsivaṇṇanā	...	98

Mātikā	Piṭṭhaṅka
Kammapatharāsivaṇṇanā	99
Passaddhādiyugalavaṇṇanā	100
Yevāpanakavaṇṇanā	100
Kāmāvacarakusalaniddesavāarakathāvaṇṇanā	101
Koṭṭhāsavāarakathāvaṇṇanā	105
Suññatavārādivaṇṇanā	106

Rūpāvacarakusala

Catukkanaya-Paṭhamajjhānakathāvaṇṇanā	107
Dutiyajjhānakathāvaṇṇanā	108
Tatijjhānakathāvaṇṇanā	109
Pañcakanayavaṇṇanā	110
Paṭipadācatukkādivaṇṇanā	111
Kasiṇakathāvaṇṇanā	112
Abhibhāyatanakathāvaṇṇanā	112
Vimokkhakathāvaṇṇanā	114
Brahmavihāarakathāvaṇṇanā	115
Asubhakathāvaṇṇanā	115
Arūpāvacarakusalakathāvaṇṇanā	116
Tebhūmakakusalavaṇṇanā	117
Lokuttarakusalavaṇṇanā	118
Lokuttarakusalapakiṇṇakakathāvaṇṇanā	122
Paṭhamamaggavīsativārahāyavaṇṇanā	124
Catumagganayasahassavaṇṇanā	125

Akusalapada dhammuddesavāra

Paṭhamacittavaṇṇanā	125
Niddesavāarakathāvaṇṇanā	127

Mātikā			Piṭṭhaṅka
Tatīyacittavaṇṇanā	127
Catutthacittavaṇṇanā	128
Navamacittavaṇṇanā	128
Ekādasamacittavaṇṇanā	129
Dvādasamacittavaṇṇanā	129

Abyākatapada

Ahetukakusalavipākavaṇṇanā	131
Aṭṭhamahāvīpākacittavaṇṇanā	134
Vīpākuddhārahāvaṇṇanā	135
Rūpāvacarārūpāvacaravīpākakathāvaṇṇanā	142
Lokuttaravīpākakathāvaṇṇanā	143
Kiriyābyākatakathāvaṇṇanā	143

2. Rūpakāṇḍa

Uddesavaṇṇanā	146
Tividharūpasaṅgahavaṇṇanā	149
Catubbidhādirūpasaṅgahavaṇṇanā	149
Rūpavibhatti ekakaniddesavaṇṇanā	150
Dukaniddesa upādābhājanīyavaṇṇanā	154
No-upādābhājanīyakathāvaṇṇanā	167
Catukkaniddesavaṇṇanā	169
Pañcakaniddesavaṇṇanā	169
Pakiṇṇakakathāvaṇṇanā	169

3. Nikkhepakāṇḍa

Tikanikkhepakathāvaṇṇanā	172
Dukanikkhepakathāvaṇṇanā	182
Suttantikadukanikkhepakathāvaṇṇanā	189

Mātikā

Piṭṭhaṅka

4. Aṭṭhakathākaṇḍa

Tika-atthuddhāraṇṇanā	205
Duka-atthuddhāraṇṇanā	217

Dhammasaṅgaṇī-anuṭikāya mātikā niṭṭhitā.

Abhidhammapiṭaka

Dhammasaṅgaṇīmūlaṭīkā

Namo tassa Bhagavato Arahato Sammāsambuddhassa.

Viṣatigāthāvaṇṇanā

1. Dhammasaṅvaṇṇanāyaṃ satthari paṇāmakaraṇaṃ dhammassa svākkhātabhāvena satthari pasādajananatthaṃ, satthu ca avitathadesanabhāvappakāsanena dhamme pasādajananatthaṃ. Tadubhayappasādā hi dhammasampañipatti mahato ca atthassa siddhi hotīti. Atha vā ratanattayapaṇānavacanaṃ attano ratanattayapasādassa viññāpanatthaṃ, taṃ pana viññūnaṃ cittārādhanatthaṃ, taṃ aṭṭhakathāya gāhaṇatthaṃ, taṃ sabbasampattinipphādanatthanti. Idaṃ pana ācariyena adhippetappayojanaṃ antarāyavisosanaṃ. Vakkhati hi “nippaccakārassetassa -pa- asesato”ti. Ratanattayapaṇāmakaraṇaṃhi antarāyakarāpuññavighātakarāpuññavisesabhāvato maṅgalabhāvato bhayādi-upaddavanivāraṇato ca antarāyavisosane samatthaṃ hoti. Kathaṃ panetassāpuññavighātakarādibhāvo vijānitabboti? “Yasmiṃ mahānāma samaye ariyasāvako tathāgataṃ anussarati, nevassa tasmīṃ samaye rāgapariyuṭṭhitaṃ cittaṃ hoti”ti¹ ādivacanaṃ, “pūjā ca pūjaneyyānaṃ, etaṃ maṅgalamuttamaṃ”ti² ca, “evaṃ buddhaṃ sarantānaṃ, dhammaṃ saṃghaṇca bhikkhavo. Bhayaṃ vā chambhitattaṃ vā, lomahaṃso na hessatī”ti³ ca vacanatoti.

Tattha yassa satthuno paṇāmaṃ kattukāmo, tassa guṇavisesadassanatthaṃ “**karuṇā viyā**”ti-ādimāha. Guṇavisesavā hi

1. Am 2. 252; Am 3. 531 piṭṭhesu. 2. Khu 1. 3, 391 piṭṭhesu. 3. Sam 1. 222 piṭṭhe.

paṇāmāraho hoti, paṇāmārahe ca kato paṇāmo vuttappayojanasiddhikarova hotīti. Bhagavato ca desanā vinayapīṭake karuṇāppadhānā, suttantapīṭake paññākaruṇāppadhānā. Teneva ca kāraṇena vinayapīṭakassa samvannaṇaṇaṃ karontena karuṇāppadhānā bhagavato thomanā katā, āgamasamvannaṇaṇaṃ karontena ubhayappadhānā, abhidhammadesanā pana paññāppadhānāti katvā paññāppadhānameva thomaṇaṃ karonto **“karuṇā viya sattesū”**ti karuṇaṃ upamābhāvena gahetvā paññāya thomehi.

Tattha **karuṇā viyāti** nidassanavacanametam, yassa yathā karuṇā sabbesu sattesu pavattittha, evaṃ sabbesu ñeyyadhammesu paññāpi pavattitthāti attho. **Sattesū**ti visayanidassanametam. **Paññāti** nidassetabbadhammanidassanaṃ. **Yassāti** tadadhiṭṭhānapuggalanidassanaṃ. **Mahesinoti** tabbisesanaṃ. **Ñeyyadhammesū**ti paññāvisayanidassanaṃ. **Sabbesū**ti tabbisesanaṃ. **Pavattitthāti** kiriyānidassanaṃ. **Yathārucī**ti vasābhāvanidassanaṃ.

Tattha kiratīti **karuṇā**, paradukkhaṃ vikkhipati apanetīti attho. Rūpādīsu sattā visattāti **sattā**. Tassā pana paññattiyā khandhasantāne nirulhabhāvato nicchandarāgāpi “sattā”ti vuccanti. Pajānātīti **paññā**, yathāsabhāvaṃ pakārehi paṭivijjhatīti attho. **Yassāti** aniyamaṇaṃ. “Tassa pāde namassitvā”ti etena niyamaṇaṃ veditabbaṃ. **Mahesī**ti mahante sīlakkhandhādayo esi gavesīti mahesi. **Ñātābbāti** ñeyyā, sabbhāvadhāraṇādinā atthena dhammā. Tattha “ñeyyā”ti vacanena dhammaṇaṃ añeyyattaṃ paṭikkhipati. “Dhammā”ti vacanena ñeyyānaṃ sattaajīvādibhāvaṃ paṭikkhipati. **Ñeyyā** ca te dhammā cāti **ñeyyadhammā**. **Sabbesū**ti anavasesapariyādānaṃ. Tena aññātābhāvaṃ dasseti. **Pavattitthāti** uppajjittha. **Yathārucī**ti yā yā ruci yathārucī, rucīti ca icchā, kattukāmatā sā. Yā yā pavattā tappabhedā, yathā vā ruci tathā, ruci-anurūpaṃ pavattā “yathārucī pavattitthā”ti vuccati. Yathā yathā vā ruci pavattā, tathā tathā pavattā paññā “yathārucī pavattitthā”ti vuccati.

Tattha bhagavati pavattāva karuṇā bhagavato paññāya nidassananti gahetabbā. Sā hi asādhāraṇā mahākaruṇā, na aññā. **Yassāti** ca karuṇāpaññānaṃ ubhinnampi ādhārapuggalanidassanaṃ. Na hi nirādhārā karuṇā

atthīti “karuṇā”ti vutte tadādhārahūto puggalo nidassetabbo hoti, so ca idha añño vutto natthi, na ca āsannaṃ vajjetvā dūrassa gahaṇe payojanaṃ atthīti “yassā”ti nidassitapuggalova karuṇāya ādhāro. Tena idaṃ vuttaṃ hoti “yassa attano karuṇā viya paññāpi pavattitthā”ti. Kathaṃ pana karuṇā sattesu pavattittha yathā paññāpi dhammesu pavattitthāti? Niravasesato yathārucci ca. Bhagavato hi karuṇā kañci sattaṃ avajjetvā sabbesu sattesu niravasesesu pavattati, pavattamānā ca rucivasena ekasmiṃ anekesu ca aññehi asādhāraṇā pavattati. Na hi aññesaṃ “mahoghappakkhandānaṃ sattānaṃ natthañño koci oghā uddhatā aññatra mayā”ti passantānaṃ karuṇokkamaṇaṃ hoti yathā bhagavatoti. Paññāpi bhagavato sabbesu dhammesu niravasesesu pavattati, pavattamānā ca ekasmiṃ anekesu ca dhammesu sabhāvakkiccadijānanaṇa anāvāraṇā asādhāraṇā pavattati yathārucci, yathā ca passantassa bhagavato karuṇā yathārucci pavattati. Taṃ sabbaṃ **paṭisambhidāmagge** mahākaruṇāññānavibhaṅgādivasena jānitabbaṃ, paññāya ca yathārucci pavatti sesāsādhāraṇāññānavibhaṅgādivasena. Paññāgahaṇena ca tīsu kālesu appaṭihataññānaṃ catusaccaññānaṃ catupaṭisambhidāññānaṃ, karuṇāgahaṇena mahākaruṇāsamāpattiññānaṃ gahitattā taṃ vajjetvā aññāni asādhāraṇāññāni catuvesārajjāññānaṃ dasabalāni cha abhiññā catucattālīsa ññāvatthūni sattasattati ññāvatthūnīti evamādayo aneke paññāppabhedā saṅgayhanti, tasmā tassā tassā paññāya pavattivasena yathārucci pavatti veditabbā. Tenāha “karuṇā viya -pa-yathārucci”ti.

Tattha **karuṇā**gahaṇena mahābodhiyā mūlaṃ dasseti.

Mahādukkhasambādhippaṭipannañhi sattānikāyaṃ disvā “tassa natthañño koci saraṇaṃ, ahametaṃ mutto mocessāmī”ti karuṇāya sañcoditamānaso abhinīhāraṃ dīpaṅkarassa bhagavato pādamaṇḍale katvā bodhisambhāre samodhānetvā anupubbena sambodhiṃ pattoti karuṇā mahābodhiyā mūlanti. **Sattesūti** etena mahābodhiyā payojanaṃ dasseti. Sattā hi mahābodhiṃ payojenti. Sattasantāraṇatthañhi sabbaññutā abhipatthitā. Yathāha—

“Kiṃ me ekena tiṇṇena, purisena thāmadassinā.
Sabbaññutaṃ pāpuṇitvā, santāressaṃ sadevakan”ti¹.

Paññāgahaṇena mahābodhiṃ dasseti. Sabbaññutāya hi padaṭṭhānabhūtaṃ maggañāṇaṃ, maggañāṇapadaṭṭhānaṃ ca sabbaññutaññāṇaṃ “mahābodhi”ti vuccatīti. **Ñeyyadhammesu sabbesūti** etena santāretabbānaṃ sattānaṃ abhiññeyyapariññeyyapahātabbabhāvetabbasacchikātabbe khandhāyatanadhātusaccindriyapaṭṭicasamuppādasatipaṭṭhānādibhede kusalādibhede ca sabbadhamme dasseti. **Pavattittha yathārucīti** etena paṭivedhapaccavekkhaṇapubbaṅgamadesanāññāṇappavattidīpanena payojanasampattiṃ dasseti. Sabbadhammānañhi paṭivedhañāṇaṃ bodhipallaṅke ahoṣi. Maggañāṇameva hi tanti. Paccavekkhaṇāñāṇaṃ ca viśesena ratanagharasattāhe ahoṣi. Evaṃ paṭividdhapaccavekkhitānaṃ dhammānaṃ dhammacakkappavattanādīsu desanāññāṇaṃ ahoṣi, viśesena ca paṇḍukambalasilāyaṃ sattappakaraṇadesanāyanti. Desanāññāṇena ca desento bhagavā sattesu hitapaṭipattiṃ paṭipajjatīti. Etena sabbena attahitapaṭipattiṃ parahitapaṭipattiṃ ca dasseti. Mahābodhidassanena hi attahitapaṭipatti, itarehipi parahitapaṭipatti dassitāti. Tena attahitapaṭipannādīsu catūsū puggalesu bhagavato catutthapuggalabhāvaṃ dasseti, tena ca anuttaradakkhiṇeyyabhāvaṃ niratisayapaṇāmārahabhāvaṃ ca attano ca kiriyāya khettaṅgatabhāvaṃ dasseti.

Ettha ca **karuṇā**gahaṇena lokiyesu mahaggatabhāvappattāsādhāraṇaguṇadīpanato sabbalokiyaguṇasampatti bhagavato dassitā hoti, **paññā**gahaṇenapi sabbaññutaññāṇapadaṭṭhānamaggañāṇadīpanato sabbalokuttaraguṇasampatti. Karuṇāvacaṇena ca upagamaṇaṃ nirupakkilesaṃ, paññāvacaṇena apagamaṇaṃ dasseti. Upagamaṇaṃ dassento ca loke sañjātasamvaḍḍhabhāvaṃ dasseti, apagamaṇaṃ dassento lokena anupalittataṃ. “Karuṇā viya sattesū”ti ca lokasamaññānurūpaṃ bhagavato pavattiṃ dasseti, “ñeyyadhammesu sabbesu yathārucci paññā pavattitthā”ti etena samaññāya anatidhāvaṇaṃ. Sabbadhammasabhāvanāvabodhe hi sati samaññaṃ atidhāvitvā “satto jīvo attī”ti parāmasanaṃ hotīti. Sabbesaṅca buddhaguṇānaṃ karuṇā ādi tannidānabhāvato, paññā pariyosānaṃ

1. Khu 4. 310 piṭṭhe buddhavaṃse.

tato uttarikaraṇīyābhāvato. Ādipariyosānadassanena ca sabbe buddhaguṇā dassitāva honti. Karuṇāgahaṇena ca sīlakkhandhapubbaṅgamo samādhikkhandho dassito hoti. Karuṇānidānañhi sīlaṃ tato pāṇātipātādiviratippavattito tassā ca jhānattayasampayogato. Paññāvacanena paññākkhandho. Sīlaṅca sabbabuddhaguṇānaṃ ādi, samādhi majjham, paññā pariyosānanti evampi ādimajjhapariyosānakalyāṇā sabbe buddhaguṇā dassitā honti.

2. Evaṃ saṅkhepena sabbabuddhaguṇehi bhagavantam thometvā yassā saṃvaṇṇanam kattukāmo, tāya abhidhammadesanāya aññehi asādhāraṇāya thometum “**dayāya tāyā**”ti-ādimāha. Tassā pana desanāya nidānaṅca samuṭṭhānaṅca dassetum “**dayāya tāyā**”ti-ādi vuttam. Nidānaṅca duvidham abbhantaram bāhiraṅcāti. Abbhantaram karuṇā, bāhiram desakālādi. Samuṭṭhānam desanāpaññā. Tattha abbhantaranidānam dassento “**dayāya tāya sattesu, samussāhitamānaso**”ti āha. Tattha **dayā**ti karuṇā adhippetā. Tāya hi samussāhito abhidhammakathāmaggaṃ sampavattayīti. **Tāyā**ti ayam ta-saddo pubbe vuttassa paṭiniddeso hoti.

Purimagāthāya ca padhānabhāvena paññā niddiṭṭhā, tabbisesanabhāvena karuṇā. Sā hi tassā nidassanabhūtā appadhānā tam visesetvā vinivattā, tasmā “tāyā”ti paṭiniddesam nārahatī. Yā ca padhānabhūtā paññā, sā desanāya samuṭṭhānam, na samussāhinīti tassā ca paṭiniddeso na yuttoti? Paññāya tāva paṭiniddeso na yuttoti suvuttametaṃ, karuṇāya pana paṭiniddeso no na yutto “dayāya tāyā”ti dvinnam padānam samānādhikaraṇabhāvato. Samānādhikaraṇānañhi dvinnam padānam rūpakkhandhādīnam viya visesanavisesitabbabhāvo hoti. Rūpa-saddo hi aññakkhandhanivattanattham vuccamāno visesanam hoti, khandha-saddo ca nivattetabbagahetabbasādhāraṇavacanabhāvato visesitabbo, evamidhāpi “dayāya tāyā”ti dvinnam padānam ekavibhattiyuttānam samānādhikaraṇabhāvato visesanavisesitabbabhāvo hoti. Tattha dayā samussāhinīti padhānā, nivattetabbagahetabbasādhāraṇavacanañcidaṃ. Tasmā “dayāyā”ti visesitabbavacanametaṃ, tassa ca yathā visesanam hoti

“tāyā”ti idaṃ vacanaṃ, tathā tassa paṭiniddesabhāvo yojetabbo. Na hi paññāpaṭiniddesabhāve dayāvisesanaṃ ta-saddo hoti, karuṇāpaṭiniddesabhāve ca hotīti. Padhānañca paññaṃ vajjetvā “dayāyā”ti etena sambajjhamāno “tāyā”ti ayaṃ ta-saddo appadhānāya karuṇāya paṭiniddeso bhavitumarahati. Ayamettha attho—yāya dayāya samussāhito, na sā yā kāci, sabbaññūtaññāṇassa pana nidassanabhūtā mahākaruṇā, tāya samussāhitoti.

Kathaṃ pana karuṇā “dayā”ti ñātābbā, nanu vuttaṃ “dayāpanno”ti etassa **aṭṭhakathāyaṃ**¹ “mettaccittataṃ āpanno”ti, tasmā dayā mettāti yujjeyya, na karuṇāti? Yadi evaṃ “adayāpanno”ti etassa aṭṭhakathāyaṃ “nikkaruṇataṃ āpanno”ti vuttanti yadā mettāti ca na yujjeyya, tasmā dayā-saddo yattha yattha pavattati, tattha tattha adhippāyavasena yojetabbo. Dayā-saddo hi anurakkhaṇatthaṃ antonītaṃ katvā pavattamāno mettāya ca karuṇāya ca pavattatīti no na yujjati. Evañhi aṭṭhakathānaṃ avirodho hotīti. Karuṇā ca desanāya nidānabhāvena vuttā, na mettā “accantameva hi taṃ samayaṃ bhagavā karuṇāvihārena vihāsī”ti evamādīsu², tasmā idha karuṇāva dayāvacanena gahitāti veditābbā. Sā hi samussāhinī, na mettā, mettā pana paññāgatikapavattinī hotīti.

“Sattesū”ti kasmā evaṃ vuttaṃ, nanu “tāyā”ti etena vacanena sattavisayā karuṇā gahitāti? No na gahitā, purimagāthāya pana “sattesu karuṇā yathārucci pavattitthā”ti sappadesasattavisayā nippadesasattavisayā ca sabbā vuttā, idha pana nippadesasattavisayatāṃ gahetum “sattesū”ti nippadesasattavisayabhūtā dassitā. Tena sabbasattavisayāya karuṇāya samussāhito abhidhammakathāmaggaṃ devānaṃ sampavattayi, na devavisayāya eva, tasmā sabbasattahitattaṃ abhidhammakathāmaggaṃ devānaṃ sampavattayi, na devānaṃyeva atthāyāti ayamattho dassitova hoti. Atha vā “sattesū”ti idaṃ na dayāya ālambananidassanaṃ, samussāhanavisayo pana etena dassito. Abhidhammakathāmaggappavattanattañhi bhagavā karuṇāya na devesuyeva

1. Dī-Ṭṭha 1. 69 piṭṭhe.

2. Dī-Ṭṭha 1. 34; Ma-Ṭṭha 1. 11; Saṃ-Ṭṭha 1. 10; Aṃ-Ṭṭha 1. 10 piṭṭhesu.

samussāhito, sabbabodhaneyyesu pana sattesu samussāhito sabbesaṃ atthāya pavattattā, tasmā **sattesu samussāhitamānasoti** sattesu visayabhūtesu nimittabhūtesu vā samussāhitamānaso uyyojitacittoti attho daṭṭhabbo.

Evam abhantaranidānaṃ dassetvā bāhiraṇidānaṃ dassento “**pāṭihīrāvasānamhī**”ti-ādimāha. Tattha yasmim kāle bhagavatā abhidhammakathāmaggo pavattito, taṃ dassetuṃ “**pāṭihīrāvasānamhi vasanto**”ti vuttaṃ. “Avasānamhi vasanto tidasālaye”ti vacanato yassāvasānamhi tidasālaye vasi, taṃ kaṇḍambamūle kataṃ yamakapāṭihāriyaṃ idha “**pāṭihīran**”ti vuttaṃ, na bodhimūlādīsu kataṃ pāṭihāriyaṃ, nāpi ādesanānusāsaniyoti viññāyati, pākaṭattā ca āsannattā ca tadeva gahitanti daṭṭhabbāṃ. Pāṭihāriyapadassa vacanattam¹ “paṭipakkhaharaṇato rāgādikilesāpanayanato pāṭihāriyan”ti vadanti, bhagavato pana paṭipakkhā rāgādayo na santi ye haritabbā. Puthujjanānampi hi vigatupakkilese atthaṅgaguṇasamannāgate citte hatapaṭipakkhe iddhividhaṃ pavattati, tasmā tattha pavattavohārena ca na sakkā idha “pāṭihāriyan”ti vuttuṃ. Sace pana mahākāruṇikassa bhagavato veneyyagatā ca kilesā paṭipakkhā, tesāṃ haraṇato “**pāṭihāriyan**”ti vuttaṃ, evaṃ sati yuttametam. Atha vā bhagavato ca sāsanaṃ ca paṭipakkhā titthiyā, tesāṃ haraṇato pāṭihāriyaṃ. Te hi diṭṭhiharaṇavasena diṭṭhippakāsane asamatthabhāvena ca iddhi-ādesanānusāsanihi haritā apanitā hontīti. Atha vā **paṭīti** ayaṃ saddo “pacchā”ti etassa atthaṃ bodheti “tasmim paṭipaviṭṭhamhi, añño āgañchi brāhmaṇo”ti-ādīsu² viya, tasmā samāhite citte vigatupakkilese ca katakiccena pacchā haritabbāṃ pavattetabbanti pāṭihāriyaṃ, attano vā upakkilesesu catutthajjhānamaggehi haritesu pacchā haraṇam pāṭihāriyaṃ, iddhi-ādesanānusāsaniyo ca vigatupakkilesena katakiccena ca sattahitattam puna pavattetabbā, haritesu ca attano upakkilesesu parasattānaṃ upakkilesaharaṇāni hontīti pāṭihāriyāni bhavanti, pāṭihāriyameva **pāṭihāriyam**. Pāṭihāriye vā iddhi-ādesanānusāsanisamudāye bhavaṃ ekekaṃ **pāṭihāriyanti** vuccati.

1. Udāna-Ṭṭha 9; Itivuttaka-Ṭṭha 19 piṭṭhesu.

2. Khu 1. 429; Khu 8. 1 piṭṭhesu.

Paṭihāriyaṃ vā catutthajjhānaṃ maggo ca paṭipakkhaharaṇato, tattha jātaṃ, tasmim̄ vā nimittabhūte, tato vā āgataṃti **pāṭihāriyaṃ**. Pāṭihāriyameva idha “pāṭihīraṇa”ti vuttaṃ. **Avasānamhi vasantoti** etehi kālaṃ nidasseti. Pāṭihīrakaraṇāvāsānena hi tidasālayavāsena ca paricchinnā abhidhammakathāmaggaṃpavattanassa kāloti. **Tidasālayeti** desaṃ nidasseti. So hi abhidhammakathāmaggaṃpavattanassa deso tattha vasantena pavattitattāti.

3. Tatthāpi desavisesadassanattamaṃ “**pāricchattakamūlamhī**”ti-ādi vuttaṃ. **Yugandhareti** sītapabbatesveko dveccattālīsayojanasahasubbhedho. Ādicco ca tadubbedha maggaṃcārī, so sati sambhave yathā yugandhare sobheyya, evaṃ sobhamāno nisinnoti attho.

4-5. Idāni puggale dhammapaṭiggāhake apadisanto “**cakkavālasahashe hī**”ti-ādimāha. **Sabbasoti** samantato āgamma sabbehi disābhāgehi, sannivesavasena vā samantato sanniviṭṭhihi dasahi cakkavālasahashehīti adhippāyo, na sabbaso cakkavālasahashehi dasahi dasahīti. Evaṃ sati cattālīsacakkavālasahashehi adhikehi vā āgamaṇaṃ vuttaṃ siyā, na cetamaṃ adhippetanti. Samantato sannisinnenāti vā yojetabbaṃ. Samaṃ, sammā vā nisinnena **sannisinnena**, aññamaññaṃ abyābādhetvā bhagavati gāraṇaṃ katvā sotaṃ odahitvā nisajjadose vajjitabbe vajjetvā nisinnenāti attho. Mātaraṃ pamukhaṃ katvā sannisinnena devānaṃ gaṇena parivāritoti vā, mātaraṃ pamukhaṃ katvā abhidhammakathāmaggaṃ sampavattayīti vā yojanā kātabbā.

Idāni desanāya samuṭṭhānaṃ dassento “**tassa paññāya tejasā**”ti āha. Yā sā ādimhi karuṇāya upamitā sabbañeyyadhammānaṃ yathāsabhāvajānanasamatthā, tesamaṃ desetabbappakārajananasamatthā, bodhetabbapuggalānaṃ āsayādhimuttiyādivibhāvanasamatthā ca paññā, tassā ca yathāvuttabalayogatoti attho. Tena sabbaññutaññānameva abhidhammakathāya samuṭṭhānabhāve samatthamaṃ, nāññanti imamattamaṃ dīpento abhidhammakathāya asādhāraṇabhāvaṃ dasseti. **Maggoti** upāyo. Khandhāyatanādīnaṃ kusalādīnaṃca dhammānaṃ avabodhassa, saccappaṭivedhasseva vā

upāyabhāvato “**abhidhammakathāmaggo**”ti vutto. Pabandho vā “maggo”ti vuccati. So hi dīghattā maggo viyāti **maggo**, tasmā abhidhammakathāpabandho “**abhidhammakathāmaggo**”ti vutto. **Devānaṃ gaṇeṇa parivāritoti** vatvā puna **devānanti** vacanaṃ tesam gahaṇasamatthataṃ dīpeti. Na hi asamatthānaṃ bhagavā desetīti.

6. Evaṃ karuṇāpaññāmukhehi guṇehi bhagavato abhidhammakathāmaggappavattanena ca hitappaṭipattiyā paramapaṇāmārahataṃ dassetvā idāni adhippetam paṇāmaṃ karonto āha “**tassa pāde namassivā**”ti. Bhagavato thomaneneva ca dhammassa svākkhātā saṅghassa ca suppaṭipannatā dassitā hoti tappabhavassa anaññathābhāvato, tasmā paṇāmārahaṃ tañca ratanadvayaṃ paṇamanto “**saddhammañcassa -pa- cañjalin**”ti āha. Tattha yasmā buddho “sadevake loke tathāgato vandanīyo”ti¹, saṅgho ca “suppaṭipanno -pa- añjalikaraṇīyo”ti² vutto, tasmā “**tassa pāde namassivā, katvā saṅghassa cañjalin**”ti vuttam. Dhammo pana svākkhātādiguṇayutto tathānussaraṇeṇa pūjetabbo hoti “tameva dhammaṃ sakkatvā garuṃkatvā upanissāya vihareyyan”ti³ vacanato, kāyavācācittēhi sabbathā pūjetabbo, tasmā “**saddhammañcassa pūjetvā**”ti vuttam. **Sirīmatoti** ettha **sirīti** paññāpuññānaṃ adhivacananti vadanti. Atha vā puññanibbattā sarīrasobhaggādisampatti katapuññe nissayati, katapuññehi vā nissiyatīti “sirī”ti vuccati, sā ca atisayavatī bhagavato atthīti sirīmā, bhagavā, tassa **sirīmato**.

7. **Nipaccakārassāti** paṇāmakiriyāya. **Ānubhāvenāti** balena. **Sosetvāti** sukkhāpetvā antaradhāpetvā atthaṃ pakāsayissāmīti sambandho. **Antarāyeti** atthappakāsanassa upaghātake. **Asesatoti** nissese sakale.

8. Idāni abhidhammassa gambhīratthattā atthappakāsanassa dukkarabhāvaṃ dīpetuṃ “**visuddhācārasīlenā**”ti-ādinā abhiyācanaṃ dasseti. Thullaccayādivisuddhiyā **visuddhācāro**, pārājikasamghādisesavisuddhiyā **visuddhasīlo**.

1. Vi 5. 358 piṭṭhe.

2. Am 2. 252 piṭṭhe.

3. Saṃ 1. 141; Am 1. 329 piṭṭhesu.

Cārittavārittavisuddhiyā vā **visuddhācārasīlo**, tena. **Sakkaccanti** cittim katvā. **Abhiyācitoti** abhimukhaṃ yācito. Tena anādariyaṃ atthappakāsane kātuṃ asakkuṇeyya dasseti.

9. Idāni yassa atthaṃ pakāsetukāmo, taṃ dassetuṃ “**yaṃ devadevo**”ti-ādimāha. Tattha **yanti** abhidhammaṃ. **Devadevoti** visuddhisammuti-upapattidevānaṃ devo. Loke hi ye “saraṇaṃ parāyaṇaṃ”ti gantabbā gatibhūtā, te “devā”ti vuccanti, bhagavā ca sabbadevānaṃ gatibhūtoti. **Nayatoti** saṅkhepato. **Samācikkhīti** sammā ācikkhi yathā thero bujjhati. Veneyyasatte vinetīti **vināyako**, nāyakavirahito vā, sayambhūti attho.

10-12. **Yañcāti** yañca abhidhammaṃ bhikkhūnaṃ payirudāhāsīti sambandho. **Payirudāhāsīti** kathesi. **Itīti** iminā anukkamena. “Yo dhārito”ti **yanti** upayogavasena vutto yaṃ-saddo **dhāritoti** paccattena sambajjhamāno paccattavasena pariṇamati, tasmā yo dhārito, yo ca saṅgīto, tassa atthaṃ pakāsayissāmīti yojanā kātabbā. Vedena paññāya īhati pavattatīti **vedeho**, tena muninā. **Abhiṇhasoti** bahuso. **Abhidhammassāti** etaṃ “atthaṃ pakāsayissāmī”ti etena yojetabbaṃ. Idāni yo atthappakāsanassa nissayo, taṃ dassetuṃ “**ādito**”ti-ādimāha. Tattha **āditoti**-ādimhi paṭhamasaṅgītiyaṃ.

13. Yā aṭṭhakathā saṅgītā, kassa pana sā aṭṭhakathāti? Aññassa vuttassa abhāvā “yassa atthaṃ pakāsayissāmī”ti vuttaṃ, adhikārasena “tassa abhidhammassā”ti viññāyati. **Saṅgītāti** atthaṃ pakāsetuṃ yuttaṭṭhāne “ayaṃ etassa attho, ayaṃ etassa attho”ti saṅgahetvā vuttā, pacchāpi ca dutiyatatiyasāṅgītīsu **anusāṅgītā**.

14-16. **Abhisankhatāti** racitā. **Tatoti** aṭṭhakathāto. **Tantinayānuganti** tantigatiṃ anugataṃ. **Bhāsanti** māgadhabhāsaṃ. **Nikāyantaraḷaddhīhīti** antarantarā anuppavesitāhi. **Asammissanti** avokiṇṇaṃ. **Anākulanti** sanikāyepi anāvilāṃ paricchinnaṃ. Asammisso anākulo ca yo mahāvihāravāsīnaṃ atthavinicchayo, taṃ dīpayanto atthaṃ

pakāsayissāmīti. Etena **tipītakacūlanāgattherā**dihi vutto theravādopi saṅgahito hoti. Atha vā tambapaṇṇibhāsaṃ apānetvā māgadhabhāsaṅca āropetvā pakāsiyamāno yo abhidhammassa attho asammisso anākuloyeva ca hoti mahāvihāravāsīnaṅca vinicchayabhūto, taṃ atthaṃ “eso mahāvihāravāsīnaṃ vinicchayo”ti dīpayanto pakāsayissāmī. Tappakāsaneneva hi so tathā dīpito hotīti.

17. **Tosayanto picakkhaṇeti** vicakkhaṇe tosayanto gahetabbaṃ gahetvānāti evaṃ yojetvā “gahetabbaṭṭhāneyeva gahitaṃ suṭṭhu katann”ti evaṃ tosayantoti atthaṃ vadanti. Evaṃ sati gahetabbaggahaṇeneva tosaṇaṃ kataṃ, na aññaṇa atthappakāsanenāti etaṃ āpajjeyya. Tosayanto atthaṃ pakāsayissāmīti evaṃ pana yojanāya sati gahetabbaggahaṇaṃ aññaṅca sabbhaṃ atthappakāsaṇaṃ hoṭīti sabbena tena tosaṇaṃ kataṃ hoti, tasmā tosayanto atthaṃ pakāsayissāmīti yuttarūpā.

18-20. Idāni yaṃ atthappakāsaṇaṃ kattukāmo, tassa mahattaṃ pariharitum **“kammaṭṭhānāni”**ti-ādimāha. **Atthavaṇṇananti** ettha vaṇṇanā nāma vivarivā vitthāretvā vacanaṃ. **Itīti** “apānetvā tato bhāsaṇ”ti evamādinā yathā dasseti appakāreṇa. Iti sotūnaṃ ussāhuppādanassa hetum dasseti. **Abhidhammakathanti** abhidhammaṭṭhakathaṃ. **Nisāmethāti** suṇātha. Idāni avassaṃ ayaṃ sotabbāyevāti daḥhaṃ ussāhento āha **“dullabhā hi ayaṃ kathā”**ti.

Vīsati gāthāvaṇṇanā niṭṭhitā.

Nidānakathāvaṇṇanā

Aṭṭhasāliniṃ tāva vaṇṇentehi ācariyehi tassā sanniveso vibhāvetabbo. Tasmā idaṃ vuccati—

“Vacanattho paricchedo, sanniveso ca pāḷiyā.

Sāgarehi tathā cintā, desanāhi gambhīratā.

Desanāya sarīrassa, pavattiggahaṇaṃ tathā.
 Therassa vācanāmagga-tappabhāvitatāpi ca.
 Paṭivedhā tathā buddha-vacanādīhi ādito.
 Ābhidhammikabhāvassa, sādhanāṃ sabbadassino.
 Vinayenātha gosiṅga-suttēna ca mahesinā.
 Bhāsītattassa saṃsiddhi, nidānena ca dīpitā.
 Pakāsetvā imaṃ sabbaṃ, paṭiññātakathā katā.
 Aṭṭhasālīniyā etaṃ, sannivesaṃ vibhāvaye”ti.

Vacanatthavijānanena viditābhidhammasāmaññatthassa
 abhidhammakathā vuccamānā sobheyyāti abhidhammaparijānaneva
 ādimhi yuttarūpanti tadatthaṃ pucchati “**tattha kenaṭṭhena abhidhammo**”ti.
 Tattha **tatthāti** “abhidhammassa atthaṃ pakāsayissāmi”ti yadidaṃ vuttaṃ,
 tasmim. “Yassa atthaṃ pakāsayissāmi”ti paṭiññātaṃ, so abhidhammo
 kenaṭṭhena abhidhammoti attho. **Tatthāti** vā “abhidhammakathan”ti etasmim
 vacane yo abhidhammo vutto, so kenaṭṭhena abhidhammoti attho.
Dhammātirekadhammavisesaṭṭhenāti ettha dhammo atireko dhammātireko,
 suttantādhikā pālīti attho. Dhammo viseso dhammaviseso dhammātisayo,
 vicittā pālīti attho, dhammātirekadhammavisesā eva attho
dhammātirekadhammavisesaṭṭho. Dvinnampi atthānaṃ
 abhidhammasaddassa atthabhāvena sāmaññato ekavacananiddeso kato.
Tasmāti yasmā “abhikkamanti, abhikkantavaṇṇā”ti-ādīsu viya
 atirekavisesaṭṭhadīpako abhisaddo, tasmā ayampi dhammo
 dhammātirekadhammavisesaṭṭhena “abhidhammo”ti vuccatīti sambandho.

Tattha siyā—“abhikkamanti, abhikkantavaṇṇā”ti ettha dhātusaddassa
 purato payujjamāno abhisaddo kiriyāya atirekavisesabhāvadīpako hotīti
 yuttaṃ upasaggabhāvato, dhammasaddo pana na dhātusaddoti etasmā purato
 abhisaddo payogameva nārahati. Athāpi payujjeyya, kiriyāvisesakā
 upasaggā, na ca dhammo kiriyāti dhammassa atirekavisesabhāvadīpanaṃ na
 yuttanti? No na yuttaṃ. Aññassapi hi upasaggassa

adhātusaddā purato payujjamānassa akiriyāyapi atirekavisesabhāvadīpakassa dassanatoti etamattham vibhāvetum atichattādi-udāharaṇam dassento āha “**yathā**”ti-ādi. **Evamevāti** yathā chattātirekachattavisesādi-atthena atichattādayo honti atisaddassa upasaggassa adhātusaddassapi purato payujjamānassa akiriyāya ca tabbhāvadīpakattā, evamayampi dhammo dhammātirekadhammavisesatṭhena “**abhidhammo**”ti vuccati abhi-saddassa upasaggassa adhātusaddassapi purato payujjamānassa akiriyāya ca tabbhāvadīpakattāti adhippāyo.

Ekadeseneva vibhattāti “katame ca bhikkhave pañcakkhandhā? Rūpakkhandho -pa- viññāṇakkhandho. Katamo ca bhikkhave rūpakkhandho? Yam kiñci rūpam atītā -pa- santike vā, ayaṃ vuccati rūpakkhandho”ti-evamādinā¹ uddesaniddesamatteneva vibhattā, “tatha katamam rūpam atītan”ti evamādinā² paṭiniddesassa abhidhammabhājanīyassa pañhapucchakassa ca abhāvā na nippadesena. Abhidhammam patvā pana -pa- nippadesatova vibhattā, tasmā ayampi dhammo dhammātirekadhammavisesatṭhena “**abhidhammo**”ti vuccati nippadesānam tiṇṇampi nayānam atirekapālibhāvato visesapālibhāvato cāti adhippāyo. Suttante bāvīsatiyā indriyānam ekato anāgatattā indriyavibhaṅge suttantabhājanīyam natthi. “Avijjāpaccayā saṅkhārā sambhavanti”ti-ādinā paṭiccasamuppāde tassa tassa paccayadhammassa paccayuppannadhammānam paccayabhāvo uddiṭṭho, uddiṭṭhadhammānañca kusalādibhāvo pucchitvā vissajjetabbo, na cettha “avijjāsaṅkhārā”ti evam vutto uddeso atthīti pañhapucchakam natthi. Suttante pañca sikkhāpadāni uddiṭṭhāni pāṇātipātā veramaṇīti-ādīni. Sā pana veramaṇī yadi sabhāvakkiccādivasena vibhajīyeyya, “ārati viratī”ti-ādinā abhidhammabhājanīyameva hoti. Athāpi cittuppādavasena vibhajīyeyya, tathāpi abhidhammabhājanīyameva hoti. Añño pana veramaṇīnam vibhajitabbapakāro natthi, yena pakārena suttantabhājanīyam vattabham siyā. Tasmā sikkhāpadavibhaṅge suttantabhājanīyam natthi.

Vacanathato abhidhamme ñāte paricchedato ñāpetum āha “**pakaraṇaparicchedato**”ti-ādi. **Katipayāva pañhavārā avasesāti** dhammahadayavibhaṅge anāgatā hutvā mahādhammahadaye āgatā

1. Saṃ 2. 39, 83; Abhi 2. 1 piṭṭhesu.

2. Abhi 2. 1 piṭṭhe.

dhammahadayavibhaṅgavacanavasena avasesā katipayāva pañhavārāti attho. Ettheva saṅgahitāti “**apubbarṇ natthi**”ti vuttaṃ. **Appamattitāva tanti avasesāti** dhammahadayavibhaṅge anāgantvā mahādhammahadaye āgatantito yadi pathavī-ādīnaṃ vitthārakathā mahādhatukathā rūpakaṇḍadhātuvibhaṅgādīsu, atha dhātukathāya vitthārakathā dhātukathāya anāgantvā mahādhatukathāya āgatantī appamattikāvāti adhippāyo.

Yaṃ pana vuttaṃ “sāvakabhāsītattā chaḍḍetha nan”ti, taṃ buddhabhāsītabhāvadassanena paṭisedhetuṃ “**sammāsambuddho hī**”ti-ādimāha. **Catūsu pañhesūti** “upalabbhati nupalabbhati”ti paṭiññāya gahitāya paṭikkhepagahaṇattham “yo saccikaṭṭho”ti vuttaṃ saccikaṭṭham nissayaṃ katvā upādāya pavattā dvepi pañcakā eko pañho, “sabbatthā”ti sarīraṃ sabbarṇ vā desarṇ upādāya pavattā eko, “sabbadā”ti kālamupādāya eko, “sabbesū”ti yadi khandhāyatanādayo gahitā, te upādāya pavattā, atha pana “yo saccikaṭṭho sabbattha sabbadā”ti etehi na koci saccikaṭṭho deso kālo vā aggahito atthi, te pana sāmāññavasena gahetvā anuyogo kato, na bhedavasenāti bhedavaseṇa gahetvā anuyuñjituṃ “sabbesū”ti vuttā saccikaṭṭhadesakālappadese upādāya ca pavattā ekoti etesu catūsu. **Dvinnarṇ pañcakānanti** ettha “puggalo upalabbhati -pa- micchā”ti¹ ekaṃ, “puggalo nupalabbhati -pa- micchā”ti ekaṃ, “tvaṃ ce pana maññasi -pa- idaṃ te micchā”ti² ekaṃ, “ese ce dunniggahite -pa- idaṃ te micchā”ti ekaṃ, “na hevaṃ niggahetabbe, tena hi yaṃ niggahaṇhāsi -pa- sukataṃ paṭipādanā”ti³ ekanti evaṃ niggahakaraṇaṃ, paṭikammakaraṇaṃ, niggahassa suniggahabhāvaṃ icchato paṭiññāṭṭhapanena paṭikammaveṭṭhanaṃ, paṭikammaṃ duppaṭikammabhāvaṃ icchato taṃnidassanena niggahassa dunniggahabhāvadassanena niggahanibbeṭṭhanaṃ, aniggahabhāvāropanādinā chedoti ayaṃ eko pañcako, yo aṭṭhakathāyaṃ anulomapañcakapaṭikammacatukkaniggahacatukka-upanayanacatukkanigamanacatukkanāmehi sakavādiṭṭhapakkhe anulomapaccanīkapañcakoti vutto, paravādiṭṭhapakkhe ca evameva paccanīyanulomapañcakoti vutto. Evaṃ dve pañcakā veditabbā. Evaṃ sesapañhesupīti aṭṭha pañcakā **aṭṭhamukhā**

1. Abhi 4. 12 piṭṭhe.

2. Abhi 4. 2 piṭṭhe.

3. Abhi 4. 7 piṭṭhe.

vādayuttīti vuttā. **Yuttī**ti upāyo, vādassa yutti **vādayutti**, vādappavattanassa upāyoti attho.

Anulomapaccanīkapañcake ādiniggahaṃ dassetvā paccanīyānulomapañcake ca ādiniggahameva dassetvā mātikaṃ dīpetuṃ “**sā panesā**”ti-ādimāha. **Puggaloti** attā satto jīvo. **Upalabbhatī**ti paññāya upagantvā labbhati. **Saccikaṭṭhaparamaṭṭhenā**ti māyāmarīci-ādayo viya nābhūtākārena, anussavādīhi gahetabbā viya na anuttamatthabhāvena, atha kho bhūtena uttamatthabhāvena upalabbhatīti pucchati. Itaro tādisaṃ icchanto paṭijānāti. Puna yo saccikaṭṭhaparamaṭṭhena upalabbhati, so saccikaṭṭhaparamaṭṭhato añño tadādhāro, aññatra vā tehi, tesam vā ādhārabhūto, anañño vā tato ruppanādisabhāvato sappaccayādisabhāvato vā upalabbhamāno āpajjati anuyuñjati “**yo saccikaṭṭho -pa- paramaṭṭhenā**”ti. Itaro puggalassa rūpādīhi aññattaṃ anaññattañca anicchanto “**na hevan**”ti paṭikkhipati. Puna sakavādī paṭiññāya ekattāpannam appaṭikkhipitabbam paṭikkhipatīti katvā niggahaṃ āropento āha “**ājānāhi niggahan**”ti. “**Puggalo nupalabbhati**”ti puṭṭho sakavādī puggaladiṭṭhiṃ paṭisedhento “**āmanta**”ti paṭijānāti. Puna itaro yo saccikaṭṭhena nupalabbhati puggalo, so saccikaṭṭhaparamaṭṭhato añño vā anañño vā nupalabbhatīti āpajjati aññassa pakāraṃ abhāvāti anuyuñjati “**yo saccikaṭṭho -pa- paramaṭṭhenā**”ti. Yasmā pana puggalo sabbena sabbam nupalabbhati, tasmā tassa aññattānaññattānuyogo ananuyogo puggalaladdhiṃ paṭisedhentassa anāpajjanatoti “**na hevan**”ti paṭikkhipati. Itaro paṭiññāya āpajjanalesameva passanto aviparītaṃ atthaṃ asambujjhantoyeva niggahaṃ āropeti “**ājānāhi niggahan**”ti.

Itīti yaṃ disvā mātikā ṭhapitā, evaṃ desitattāti adhippāyo. **Yathā kinti** yena pakārena buddhabhāsitaṃ nāma jātaṃ, taṃ nidassanaṃ kinti attho. **Yatonidānanti** yaṃkāraṇā cha-ajjhattikabāhirāyatanādinidānanti attho. **Papañcasaññāsankhāti** taṇhāmānadiṭṭhipapañcasampayuttā saññākoṭṭhāsā. **Samudācarantī**ti ajjhācaranti. **Ettha ceti** etesu āyatanādīsu taṇhāmānadiṭṭhihi abhinanditabbam abhivaditabbam ajjhositabbañca natthi

ce. Nanu natthiyeva, kasmā “natthi ce”ti vuttanti? Saccam natthi, appahīnābhinandanābhivadanajjhosānānam pana puthujjanānam abhinanditabbādippakārāni āyatanādīni hontīti tesam na sakkā “natthī”ti vattum, pahīnābhinandanādīnam pana sabbathā natthīti “natthi ce”ti vuttam. **Esevantoti** abhinandanādīnam natthibhāvakaro maggo tappaṭippassaddhibhūtam phalam vā rāgānusayādīnam anto avasānam, appavattīti attho.

Jānam jānātīti sabbaññutaññāṇena jānitabbaṃ jānāti. Na hi padesaññāvā jānitabbaṃ sabbaṃ jānātīti. **Passam passatīti** dibbacakkhupaññācakkhudhammacakkhubuddhacakkhusamantacakkhusaṅkhātehi pañcahi cakkhūhi passitabbaṃ passati. Atha vā **jānam jānātīti** yathā aññe savipallāsā kāmarūpapariññāvādino jānantāpi vipallāsavasena jānanti, na evam bhagavā, bhagavā pana pahīnavipallāsattā jānanto jānātiyeva, diṭṭhidassanassa ca abhāvā passanto passatiyevāti attho. **Cakkhubhūtoti** paññācakkhumasattā sattesu ca taduppādanato lokassa cakkhubhūto. **Ñāṇabhūtoti** etassa ca evameva attho daṭṭhabbo. **Dhammā** bodhipakkhiyā. **Brahmā** maggo, tehi uppannattā lokassa ca taduppādanato tabbhūto. **Vattāti** catusaccadhamme vadatīti vattā. **Pavattāti** ciram saccappaṭivedham pavattento vadatīti pavattā. **Atthassa ninnetāti** attham uddharitvā dassatā, paramattham vā nibbānam pāpayitā. **Amatassa dātāti** amatasacchikiriyam sattesu uppādentō amataṃ dadātīti amatassa dātā. Bodhipakkhiyadhammānam tadāyattabhāvato **dhammassāmī**. **Suvaṇṇāliṅganti** suvaṇṇamayam āliṅgam khuddakamudiṅgam. Supupphitasatappadumamiva sassirikam sasobham **supupphitasatappattasassirikam**.

Anumoditakālatō paṭṭhāya -pa- buddhabhāsitam nāma jātanti etena anumodanā buddhabhāsitabhāvassa kāraṇanti ayamattho vutto viya dissati, evañca sati kathāvatthussa buddhabhāsitabhāvo na siyā ananumoditattā, tasmā evamettha attho daṭṭhabbo—“mahākaccāyano evam vibhajissati”ti disvā bhagavā mātikam nikkhipitvā vihāram pavitṭho, tatheva ca thero bhagavatā dinnanayena ṭhapitamātikāya vibhajīti buddhabhāsitam nāma jātam, tam pana anumodanāya pākātam jātanti etamatthi sandhāya “evam sathārā -pa- nāma jātan”ti vuttanti.

Idāni pāliyā sannivesaṃ dassetuṃ “**tattha dhammasaṅgaṇīpakaraṇe**”ti-ādimāha. **Kāmāvacarakusalato aṭṭhā**ti kāmāvacarakusale cattāro khandhe gahetvā tato aṭṭha cittāni uddharati. Paṭhamā vibhattītipi vadanti. **Ekūnanavuti cittānī**ti yattha etāni cittāni vibhattāni, te pāḷippadesā “ekūnanavuti cittānī”ti vuttā. Tesañca samudāyo cittavibhatti, tasmā upapannametam “**ekūnanavuti cittāni cittavibhattī**”ti. Mātikañca uddisitvā tattha ekekaṃ padaṃ uddharitvā yasmā cittāni vibhattāni, tasmā mātikāpi cittavibhatti-antogadhāyevāti cittuppādakaṇḍaṃ mātikāpadabhājanīyavasena duvidhanti idampi vacanaṃ yujjati.

Mūlatoti “tīṇi kusalamūlānī”ti-ādinā¹ kusalādināṃ mūlavasena saṅkhipitvā vacanaṃ. “Vedanākkhandho”ti-ādinā **khandhato**. “Kāyakammaṃ”ti-ādinā **dvārato**. “Sukhabhūmiyaṃ kāmāvacare”ti-ādinā¹ **bhūmito**. **Atthoti** hetuphalaṃ. **Dhammoti** hetu. “Tīṇi kusalamūlāni tīṇi akusalamūlānī”ti-ādinā¹ hetuvasena saṅgaho **dhammato** nikkhepo. “Taṃsampayutto, taṃsamuṭṭhānā tadekaṭṭhā ca kilesā”ti-ādinā¹ hetuphalavasena saṅgaho **atthato** nikkhepo. Atha vā **dhammoti** bhāsito. **Atthoti** bhāsitattho. “Tayo kusalahetū”ti² **dhammo**. “Tattha katame tayo kusalahetū alobho”ti-ādi² **attho**, so ca **dhammo**. “Tattha katamo alobho”ti-ādi² **atthoti** evaṃ atthadhammavasena nikkhepo veditabbo. **Nāmatoti** “tīṇi kusalamūlānī”ti vuttadhammānaṃ alobhoti-ādināmasena. **Liṅgoti** uddiṭṭhassa ekasseva dhammassa “alobho alubbhanā alubbhitattan”ti² purisādiliṅgavasena nikkhepo.

Gaṇanacāranti gaṇanappavattim. **Samānentīti** samānaṃ karonti pūrenti, tathā **samānetabbanti** etthāpi. “Vijjābhāgino avijjābhāgino”ti evamādīsu³ ettha viññātesu ābhidhammikattherā suttantaṃ suṇantā cintentā ca suttantesu “vijjābhāgino”ti-ādīsu āgatesu atthassa viññātattā na kilamantīti etamatthaṃ sandhāya vuttaṃ “**ābhidhammikattherānaṃ -pa- akilamatthaṃ ṭhapitā**”ti.

1. Abhi 1. 205 piṭṭhe.

2. Abhi 1. 214 piṭṭhe.

3. Abhi 1. 13 piṭṭhe.

Anamataggoti aññātaggo. **Khandhantaranti** khandhanānattaṃ, khandhameva vā gahetuṃ asakkuṇeyuttā saṅhaṃ, sukhumāya paññāya gahetabbato sukhumāṇca dhammaṃ **saṅhasukhumadhammaṃ**. Balavatā ñāṇavegena pavattattā balavato ñāṇavegassa nimittabhāvato ca **balavaṃ**. Gambhīrameva **gambhīragataṃ**, gambhīrāni vā gatāni gamanāni etassa santīti **gambhīragataṃ**. **Yathānupubbanti** yathānupubbena. **Nikhilenāti** nīravasesena desitaṃ, pañcakhilarahitena vā bhagavatā desitaṃ. **Rūpagataṃvāti** hatthagataṃ rūpaṃ viya cakkhunā. “Paṭivedhañāṇena samantapaṭṭhānaṃ yo passati, so attheva, no natthī”ti attānaṃ sandhāya thero vadatīti.

Khuddakavattu vibhaṅge¹ āgatesu ekādhikesu aṭṭhasu kilesasatesu aṭṭhasatataṅhāvicaritaṇi apantvā sesā dvāsaṭṭhi diṭṭhiyo ca uppannānuppannabhāvena diguṇitaṇi diyaḍḍhakilesasahassāni dasādhikāni honti, appakaṃ pana ūnamadhikaṃ vā na gaṇanūpagaṃ hotīti “**diyaḍḍhakilesasahassan**”ti vuttaṃ. Itaresaṃ atītādibhāvāmasanā aggahaṇaṃ khepane daṭṭhabbaṃ.

Mecakapaṭāti nīlanibhā paṭā. **Cittasamuṭṭhānā vaṇṇadhātūti** citta-paccaya-utusamuṭṭhānā vaṇṇadhātūti attho gahetabbo. Kasmā? Na hi cittasamuṭṭhānaṃ rūpaṃ bahi nigacchatīti, cittasamuṭṭhānarūpaparamparāya āgatattā pana evaṃ vuttaṃ. Atha vā **cittasamuṭṭhānā vaṇṇadhātūti** ettha paccaya-utusaddānaṃ lopaṃ katvā soyeva pubbe vutto attho suvaṇṇatā sussaratā viya. Ettha hi “sussaratā”ti upādinnakādhikāre āgataṃ, na ca saddo upādinnako atthi, tasmā upādinnakarūpa-oṭṭhatālu-ādinissayattā evaṃ vuttanti, evametthāpi citta-paccaya-utusamuṭṭhānaṃ sandhāya “cittasamuṭṭhānā vaṇṇadhātū”ti vadati.

Kāyasakkhinti paccakkhaṃ. **Dantāvaraṇanti** oṭṭhadvayaṃ. **Mukhādānanti** mukhavivaraṃ. **Siliṭṭhanti** saṃgataṃ susaṅghitaṃ. **Sare nimittaṃ gahetvāti** “dhammo eso vuccati”ti dhammassaravasena nimittaṃ gahetvā, na kilesānubyañjanavasena. **Ekappahārenāti** ettha **pahāroti** divasassa tatiyo bhāgo vuccati. **Evaṃ santeti** pubbe vuttamaggahetvā vācanāmaggassa therappabhavattavacanameva gahetvā tena purimavacanaṇca paṭikkhipanto codeti.

1. Abhi 2. 406 piṭṭhe.

Tenetametassāti vinayassa. **Attatthaparattahādibhedeti** yo taṃ suttam̃ sajjhāyati suṇāti vāceti cinteti deseti, suttena saṅgahito silādi-attho tassapi hoti, tena parassa sādhetabbato parassapi hotīti tadubhayaṃ taṃ suttam̃ sūceti dīpeti. Tathā diṭṭhadhammikasamparāyikatthe lokiyalokuttarattheti evamādibhede atthe **ādisaddena** saṅgaṇhāti. **Atthasaddo** cāyaṃ hitapariyāyavacanam̃, na bhāsitatthavacanam̃. Yadi siyā, suttam̃ attanopi bhāsitattham̃ sūceti parasuttassapīti ayamatto siyā, suttena ca yo attho pakāsito, so tasseva hotīti na tena parattho sūcito hoti, tena ca sūcetabbassa paratthassa nivattetabbassa abhāvā attaggaṇaṇam̃ na kattabbaṃ, attatthaparattahavinimuttassa bhāsitatthassa abhāvā ādiggaṇaṇaṇca na kattabbaṃ, tasmā yathāvuttassa atthassa sutte asambhavato suttādhārassa puggalassa vasena attatthaparattahā vuttā.

Atha vā suttam̃ anapekkhitvā ye attatthādayopi atthappabhedā vuttā **niddese**¹ “attattho parattho ubhayattho diṭṭhadhampiko attho samparāyiko attho uttāno attho gambhīro attho gulho attho paṭicchanno attho neyyo attho nīto attho anavajjo attho nikkilesso attho vodāno attho paramattho attho”ti, te suttam̃ sūcetīti attho. Atha vā “attanā ca appiccho hotī”ti attattham̃, “appicchakathaṇca paresam̃ kattā hotī”ti parattham̃ sūcetīti. Evaṃ “attanā ca pāṇātipātā paṭivirato hotī”ti² ādisuttāni yojetabbāni. Vinayābhidhammehi ca viśesetvā suttasaddassa attho vattabbo, tasmā veneyyajjhāsayaśappavattāya desanāya attahitaparāhitādīni sātīsayam̃ pakāsītāni honti, na āṇādhmmasabhāvavasappavattāyāti idameva “**atthānam̃ sūcanato suttan**”ti vuttam̃.

Sutte ca āṇādhmmasabhāvā veneyyajjhāsayaṃ anuvattanti, na vinayābhidhammesu viya veneyyajjhāsayo āṇādhmmasabhāve anuvattati, tasmā veneyyānam̃ ekantahitapaṭilābhasamvattanikā suttantadesanā hotīti “**suvuttā cettha atthā**”ti-ādi vuttam̃. **Pasavatīti**

1. Khu 7. 138; Khu 8. 175 piṭṭhesu.

2. Am̃ 1. 411 piṭṭhe.

phalati. “**Suttāṇā**”ti etassa atthaṃ pakāsetuṃ “**suṭṭhu ca ne tāyati**”ti vuttaṃ. Attatthaparattādividhānesu ca suttassa pamāṇabhāvo tesaṅca saṅgāhakattaṃ yojetabbaṃ, tadatthappakāsane padhānattā suttassa itarehi visesanaṅca. **Etanti** “atthānaṃ sūcanato”ti-ādikaṃ atthavacanaṃ. **Etassāti** suttassa.

Abhikkamantīti ettha **abhi**-saddo kamanassa vuddhibhāvaṃ atirekattaṃ dīpeti. **Abhikkantenā**ti ca ettha kantiyā adhikattaṃ visesabhāvanti yuttaṃ kiriyaṃvisesakattā upasaggassa. **Abhiññātā**, **abhirājā**, **abhivinayeti** ettha lakkhaṇapūjita-paricchinnesu ratti-ādīsu **abhi**-saddo vattatīti kathametaṃ yujjeyyāti? Lakkhaṇakaraṇaṅṇapūjanaparicchedakiriyaḍīpanato tāhi ca kiriyaḥi rattirājavinayānaṃ yuttattā. Bhāvanāpharaṇavuddhiḥi **vuddhimanto**. **Ārammaṇādīhī**ti ārammaṇasampayuttakammadvārapaṭipadādīhi. **Avisiṭṭhanti** aññaṃaññaṃvisiṭṭhesu vinayasuttantābhidhammesu avisiṭṭhaṃ samānaṃ piṭakasaddanti attho. **Yathāvuttenevāti** “evaṃ duvidhatthenā”ti-ādinā nayena.

Kathetabbānaṃ atthānaṃ desakāyattena āṇādividhinā atisaḍḍanaṃ pabodhanaṃ **desanā**. Sāsitaḍḍapuggalagatena yathāparādhādinā sāsitaḍḍabhāvena anusāsaṇaṃ vinayanaṃ **sāsaṇaṃ**. Kathetabbassa samvarāsaṃvarādino atthassa kathanaṃ vacanaḍḍibaddhakarāṇaṃ **kathā**. **Bheda**-saddo visuṃ visuṃ yojetabbo “desanābhedaṃ sāsaṇabhedaṃ kathābhedaṅca yathārahaṃ paridīpaye”ti. **Bhedanti** nānattaṃ, nānākaraṇanti attho. Sikkhā ca pahānāni ca gambhīrabhāvo ca **sikkhāpahānagambhīrabhāvaṃ**, taṅca **paridīpaye**. **Yanti** pariyaṭṭi-ādiṃ. **Yathāti** upārambhādiheṭu pariyaṭṭaṇādiḍḍipakārehi.

Tisupi cetesu ete dhammatthadesanāpaṭivedhāti ettha tanti-attho tantidesanā tanti-atthapaṭivedho ca tantivisaḍḍā hontīti vinayaḍḍiḍḍakādinā atthadesanāpaṭivedhādhārabhāvo yutto, piṭakāni pana tantiyoyevāti dhammādhārabhāvo kathaṃ yujjeyyāti? Tantisamudāyassa avayavatantiyā ādhārabhāvato, dhammādiṅnaṅca dukkhogāhabhāvato tehi vinayādayo gambhīrāti vinayādiṅnaṅca catubbidho gambhīrabhāvo vutto, tasmā “dhammādayo eva dukkhogāhattā gambhīrā,

na vinayādayo”ti na codetabbametaṃ. Tattha paṭivedhassa dukkarabhāvato dhammatthānaṃ, desanāññassa dukkarabhāvato desanāya ca dukkhogāhabhāvo veditabbo. Paṭivedhassa pana uppādetuṃ asakkuṇeyyattā tabbisayaññuppattiyā ca dukkarabhāvato dukkhogāhatā veditabbā.

Hetumhi ñāṇaṃ dhammapaṭisambhidāti etena vacanatthena dhammassa hetubhāvo kathaṃ ñātābhoti? “Dhammapaṭisambhidā”ti etassa samāsapadassa avayavapadatthaṃ dassentena “hetumhi ñāṇaṃ”ti vuttattā. “Dhamme paṭisambhidā”ti ettha hi “dhamme”ti etassa atthaṃ dassentena “hetumhi”ti vuttaṃ, “paṭisambhidā”ti etassa ca atthaṃ dassentena “ñāṇaṃ”ti, tasmā hetudhammasaddā ekatthā ñāṇapaṭisambhidāsaddā cāti imamattaṃ dassentena sādhitō dhammassa hetubhāvo. Atthassa hetuphalabhāvo ca evameva daṭṭhabbo. **Yathādhammanti** ettha **dhamma**-saddo hetuṃ hetuphalañca sabbam gaṇhāti. Sabhāvavācako hesa, na pariyattihetubhāvavācako, tasmā **yathādhammanti** yo yo avijjāsaṅkhārādiddhammo, tasmim tasminti attho. **Dhammābhilāpoti** atthabyañjanako aviparītābhilāpo. Etena “tatra dhammaniruttābhilāpe ñāṇaṃ niruttipaṭisambhidā”ti¹ ettha vuttadhammaniruttim dasseti.

Anulomādivasena vā kathananti etena tassā dhammaniruttiyā abhilāpaṃ kathanam tassa vacanassa pavattanaṃ dasseti. **Adhippāyoti** etena “desanāti paññattī”ti etaṃ vacanaṃ dhammaniruttābhilāpaṃ sandhāya vuttaṃ, na tabbinimuttaṃ paññattim sandhāyāti dasseti.

So ca lokiya lokuttaroti evaṃ vuttaṃ abhisamayaṃ yena pakārena abhisameti, yañca abhisameti, yo ca tassa sabhāvo, tehi pākāṇaṃ kātuṃ “**visayato asammohato ca atthādi-anurūpaṃ dhammādīsu avabodho**”ti āha. Tattha hi **visayato** atthādi-anurūpaṃ dhammādīsu avabodho avijjādidhammasaṅkhārādi-atthata dubhayapaññāpanārammaṇo lokiyo abhisamayo. **Asammohato** atthādi-anurūpaṃ dhammādīsu avabodho nibbānārammaṇo maggasampayutto yathāvuttadhammatthapaññattīsu sammohavidhammasano lokuttaro abhisamayoti. Abhisamayato aññampi paṭivedhatthaṃ dassetuṃ “**tesaṃ tesaṃ vā**”ti-ādimāha.

1. Abhi 2. 307 piṭṭhe.

“Paṭivedhanam paṭivedho”ti iminā hi vacanatthena abhisamayo, paṭivijjhīyatīti paṭivedhoti iminā taṃtaṃrūpādidhammānam aviparītasabhāvo ca paṭivedhoti yujjati.

Yathāvuttehi dhammādīhi piṭakānam gambhīrabhāvaṃ dassetuṃ “**idāni yasmā etesu piṭakesū**”ti-ādimāha. **Yo cetthāti** etesu taṃtaṃpiṭakagatesu dhammādīsu yo paṭivedho etesu ca piṭakesu tesam tesam dhammānam yo aviparītasabhāvoti yojetabbo. Dukkhogāhatā ca vuttanayeneva veditabbā. Ayam panettha viseso “aviparītasabhāvasaṅkhāto paṭivedho dubbiññeyyatāya eva dukkhogāho”ti.

Yanti pariyattiduggahaṇam sandhāya vuttam. **Atthanti** bhāsitattham payo janatthaṅca. **Na upaparikkhantīti** na vicārenti. **Na nijjhānam khamantīti** nijjhānapañnam na khamanti, nijjhāyitvā paññāya disvā rocetvā na gahetabbā hontīti adhippāyo. **Itīti** evam etāya pariyattiyā **vādappamokkhānisamsā** attano upari parehi āropitavādassa niggahassa pamokkhappayojanā hutvā dhammam pariyāpuṇanti. **Vādappamokkhoti** vā nindāpamokkho. **Yassa catthāyāti** yassa ca silādiparipūraṇassa anupādāvimokkhassa vā atthāya. **Dhammam pariyāpuṇantīti** nāyena pariyāpuṇantīti adhippāyo. **Assāti** assa dhammassa. **Nānubhontīti** na vindanti. Tesam te dhammā duggahitattā upārambhamānadappamakkhapalāsādihetubhāvena dīgharattam ahitāya dukkhāya samvattanti. Bhaṇḍāgāre niyutto bhaṇḍāgāriko, bhaṇḍāgāriko viyāti bhaṇḍāgāriko, dhammaratanānupālako. Aññam attham anapekkhitvā bhaṇḍāgārikasseva sato pariyatti **bhaṇḍāgārikapariyatti**.

Tāsamyevāti avadhāraṇam pāpuṇitabbānam chaḷabhiññācatupaṭisambhidānam vinaye pabhedavacanābhāvaṃ sandhāya vuttam. Verañjakaṇḍe hi tisso vijjāva vibhattāti. Dutiye **tāsamyevāti** avadhāraṇam catasso paṭisambhidā apekkhitvā kataṃ, na tisso vijjā. Tā hi chasu abhiññāsu antogadhāti sutte vibhattāyevāti. Ñatvā saṅgayhamānanti yojanā. **Tesanti** tesam piṭakānam. **Sabbampīti** sabbampi buddhavacanam.

Atthānulomanāmato **anulomiko**. Anulomikattamyeva vibhāvetuṃ “**kasmā panā**”ti-ādi vuttam. **Ekanikāyampīti** ekasamūhampi.

Poṇikā ca cikkhallikā ca khattiyā, tesam nivāso **poṇikanikāyo cikkhallikanikāyo** ca. Evaṃ dhammakkhandhato caturāsīti dhammakkhandhasahassānīti buddhavacanapiṭakādīni niṭṭhāpetvā anekacchariyapātubhāvapaṭimaṇḍitāya saṅgītiyā paṭhamabuddhavacanādiko sabbo vuttappabhedo aññopi uddānasaṅgahādibhedo saṅgītiyā nāyatīti etassa dassanattam **“evametaṃ sabbampī”**ti-ādi āradham. **Ayaṃ abhidhammo piṭakato abhidhammapiṭakanti-ādinā piṭakādibhāvadassaneneva** majjhimabuddhavacanabhāvo tathāgatassa ca ādito ābhidhammikabhāvo dassitoti veditabbo.

Ettha siyā “yadi tathāgatabhāsītabhāvo abhidhammassa siddho siyā, majjhimabuddhavacanabhāvo ca siddho bhaveyya, so eva ca na siddho”ti tassa vinayādīhi buddhabhāsītabhāvaṃ sādhetum vatthum dassento **“taṃ dhārayantesu bhikkhūsū”**ti-ādimāha. **Sabbasāmayikaparīsāyāti** sabbanikāyikaparīsāya pañcapi nikāye pariyāpuṇantiyā. **Na uggahitanti** sakalassa vinayapiṭakassa anuggahitattā āha. **Vinayamattaṃ uggahitanti** vibhaṅgadvayassa uggahitattā āha. Vinayaṃ avivaṇṇetukāmatāya “abhidhammaṃ pariyāpuṇassū”ti bhaṇantassa anāpattim, abhidhamme anokāsakataṃ bhikkhum pañhaṃ pucchantiyā pācittiyaṅca vadantena bhagavatā abhidhammassa buddhabhāsītabhāvo dīpito buddhabhāsītehi suttādīhi saha vacanato, bāhirakabhāsītesu ca īdisassa vacanassa abhāvā.

Itopi balavataraṃ ābhidhammikassa sādhu-kāradānena vicikicchāvicchedassa katattā. Kammato aññaṃ kammaṃ **kammantaraṃ**, taṃ kāmāvacarādīm rūpāvacarādībhāvena, kaṇhaviṭṭakādīm sukkaviṭṭakādībhāvena kathento āloṭeti.

Jinacakketi jinasāsane. **Visaṃvādetīti** vippalambheti. **Bhedakaravattḥūsu ekasminti** “bhāsitaṃ lapitaṃ tathāgatena abhāsitaṃ alapitaṃ tathāgatenāti dīpetī”ti ekasmim sandissati. **Uttaripi evaṃ vattabbo -pa- na aññesaṃ visayo -pa- nidānakiccaṃ nāma natthīti** apākaṭānaṃ kāladesadesakaparīsānaṃ pākaṭabhāvavakaraṇatthaṃ tadupadesasahitena nidānena bhavitabbaṃ, aññesaṃ avisayattā desako pākaṭo, okkantikālādīnaṃ pākaṭatthā kālo ca, devaloke desītabhāvassa pākaṭattā desaparīsā ca pākaṭāti kim nidānakiccaṃ siyāti.

Yattha khandhādayo nippadesena vibhattā, so abhidhammo nāma, tasmā tassa nidānena khandhādīnaṃ nippadesatopi paṭividdhaṭṭhānena bhavitabbanti adhippāyena thero “**mahābodhinidāno abhidhammo**”ti dasseti. “So evaṃ pajānāmi sammādiṭṭhipaccayāpi vedayitan”ti¹ādīnā nayena paccayādīhi vedanaṃ upaparikkhanto khandhādīpadesānaṃ vedanākkhandhādīnaṃ vasena vihāsi. **Dhammeti** kusalādi-araṇante.

Dhammaṃ parivattentotisāṭṭhakathaṃ pāḷiṃ parivattento etaṃ paravādīcodanaṃ patvā “**ayaṃ paravādī**”ti-ādīmāha. Amhādisesu nidānaṃ jānantesu paṭisaraṇesu vijjamānesu appaṭisaraṇo araṇṇe kandanto viya nidānasabbhāve sakkhībhūtesupi amhesu vijjamānesu asakkhikaṃ aḍḍaṃ karonto viya hoti, nidānassa atthibhāvampi na jānāti, nanu etaṃ nidānanti kathento evamāha. **Ekamevāti** desanānidānameva ajjhāsayanurūpena desitattā. **Dve nidānānīti** adhigantabbadesetabbadhammānurūpena desitattā. Abhidhammādhigamassa mūlaṃ adhigamaṃ nidetīti **adhigamanidānaṃ**. **Bodhi-abhinīhārasaddhāyāti** yāya saddhāya dīpaṅkaradasabalassa santike bodhiyā cittaṃ abhinīhari paṇidhānaṃ akāsi.

Sumedhakathāvaṇṇanā

Caturo ca asaṅkhiyeti² uddhaṃ ārohanavasena atikkamitvā amaraṃ nāma nagaraṃ ahoṣīti vacanasesayojanā kātabbā. **Dasahīti** hatthi-assarathabherīsaṅkhamudīṅgavīṅgītasammatālehi “asnātha pivatha khādathā”ti dasamena saddena. Te pana ekadesena dassetuṃ “**hatthisaddan**”ti-ādī vuttaṃ. **Hatthisaddanti** karaṇatthe upayogo daṭṭhabbo. Bherīsaṅkharathānaṃca saddehi avivittanti vā ghoṣitanti vā yojetabbaṃ. **Hatthisaddanti** vā hatthisaddavantaṃ nagaraṃ. **Khādatha pivatha cevāti** itisaddo ñātathattā appayutto daṭṭhabbo.

Sabbaṅgasampannaṃ uyyānapokkharāṇī-ādisampannattā. **Lakkhaṇeti** itthilakkhaṇe purisalakkhaṇe ca. **Itihāseti** porāṇe. **Sadhammeti** attano tevijjadhamme ca yaṅṅavidhi-ādike ca. **Pāraminti** pāraṇānaṃ pārādhigamaṃ gato. **Cintesahanti** cintesiṃ ahaṃ sumedhabhūtoti satthā vadati.

1. Saṃ 3. 11 piṭṭhe.

2. Buddhavaṃsa-Ṭṭha 86 piṭṭhādīsipi passitabbaṃ.

Atthi hehitī so vijjamāno bhavissati. **Na hetuyeti** abhavituṃ. **Evamevā**ti evamevaṃ. **Na gavesatī**ti na gantuṃ esati na icchati nānugacchati vā. **Dhoveti** dhovante. **Serī**ti sāyattiko. **Sayamvasī**ti savaso. **Mahācorasamo viyā**ti kāyasārāgavasena duccharitānesanehi kusalabhaṇḍacchedanā. **Nāthā**ti nāthavanto. **Pañcadosavivajjitanti** evamādikassa attho kesuci aṭṭhakathāpotthakesu likhitoti katvā na vakkhāma.

Sāsāneti ettha tāpasasāsanam jhānābhīṇṇā ca. **Vasībhūtassa** sato. Mayi evambhūte dīpaṅkaro jino uppajji. Sodheti jano. **Añjasam vaṭumāyananti** pariyaavacanehi maggameva vadati. **Mā nam akkamitthā**ti ettha **nanti** padapūraṇamatte nipāto. **Ghātiyāmahanti** ettha ca **a-**iti ca **ham-**iti ca nipātā, **aham-**iti vā eko nipāto sānunāsiko kato. **Āhutīnanti** dakkhiṇāhutīnam. **Manti** mama, maṃ vā abravi.

Kappe atikkamivā vuttepi bodhimhi mātādisamkittane saṅgaṇhituṃ “**bodhi tassa bhagavato**”ti-ādimāha. **Sukhenā**ti uttamena sukheṇa. **Asamoti** tāpasehi asamo. Abhiṇṇāsukhatopi viṣiṭṭham **īdisam** buddhattabyākaraṇajam **sukham alabhim**. **Yā**ti yāni nimittāni. **Ābhujatī**ti āvattati. **Abhiravantī**ti saddam karonti. **Chuddhā**ti nikkhantā. **Nuddhamsatī**ti na uddham gacchati. **Ubhayanti** ubhayavacanam. **Dhuvassatanti** ekantasassatam, aviparītamevāti attho. **Āpannasattānanti** gabbhinīnam. **Yāvata** dasa disā, tattha. **Dhammadhātuyā**ti dhammadhātuyam, sabbesu dhammesu vicināmīti attho.

Yassa sampuṇṇo, tam **vamateva** udakam nissesam. **Eteti** ekissāpi dānapāramitāya anekappakāratāya bahuvacananiddeso kato. **Paṭilaggitam** rakkhatīti vacanaseso, bhummatthe vā upayogo. **Catūsu bhūmīsū**ti pātīmokkhādīsū samvarabhūmīsū. **Advejjhamānasoti** kadāci khamanam kadāci akkhamanam, kassaci khamanam kassaci akkhamananti evam dvedhābhāvam anāpannamānasō hutvā. Saccassa vīthi nāma diṭṭhādi ca adiṭṭhādi ca yathābhūtamva vatthu. **Adhiṭṭhānanti** kusalasamādānādhiṭṭhānam, samādinnesu kusalesu acalatā adhiṭṭhānam nāma. **Pathaviyā upekkhanam** nāma vikārānāpattī. **Aññatrā**ti aññam. **Sabhāvarasalakkhaṇeti** ettha **bhāvoti** aviparītatā vijjamānatā, saha bhāvena sabhāvo, aviparīto attano

bodhipariṭācanakiccasaṅkhāto raso, anavajjavatthupariccāgādisaṅkhātāṃ lakkhaṇaṅca **sabhāvarasalakkaṇaṃ**, tato **sammasato**. **Dhammatejēnāti** nāṇatejēna. **Calatāti** calatāya kampanatāya. **Sesīti** sayi. **Mā bhāthāti** mā bhāyittha. **Sabbītiyoti** sabbā itiyō upaddavā taṃ vivajjantu.

Sumedhakathāvaṇṇanā niṭṭhitā.

Pavacchatīti deti. **Yogenāti** upāyena. **Samimsūti** sannipatimsu. **Appattamānasāti** appatta-arahattā bhikkhū varahitā bhavanti. **Rittāti** suññā antarahitā. **Sālakalyāṇī** nāma eko rukkho. Buddhacakkavattikāleyeva kira ekāheneva uppajjati.

Liṅgasampattīti purisaliṅgatā. **Hetūti** tihetukapaṭisandhitā. **Guṇasampattīti** abhiññāsamāpattilābhitā. **Adhikāroti** buddhānaṃ sakkāra karaṇaṃ. **Chandatāti** buddhattappattiyāṃ chandasamāyogo. **Sabbaṅgasampannāti** aṭṭhaṅgāni samodhānetvā katapaṇidhānā. **Pakkhikāti** pīṭhasappikā. **Paṇḍakāti** ubhayaliṅgarahitā. Bodhisattā ca brahmalokūpapattiṭṭhamakappikesu kālesu ubhayaliṅgarahitā honti, na pana paṇḍakapariyāpannāti etamatthaṃ dassetuṃ “**pariyāpannā na bhavanti**”ti vuttaṃ, yathāvuttesu vā dosesu sabbesu **pariyāpannā na bhavanti**, bodhisattesu vā pariyāpannā tadantogadhā, paricchinnasamsārattā vā pariyāpannā bodhisattā ubhatobyañjanapaṇḍakā na bhavanti attho. **Sabbattha suddhagocarā** yasmā, tasmā **micchādiṭṭhiṃ na sevanti**. **Micchādiṭṭhinti** natthikāhetukākiriyaḍṭhiṃ. **Bhavābhaveti** khuddake ceva mahante ca bhavē. **Bhojaputteti** luddake. **Lagananti** saṅgo. **Aññathāti** līnatā. **Gāmaṇḍalāti** gāmadārakā. **Rūpanti** vippakāraṃ. Ayaṃ tāva nidānakathā yāya abhidhammassa buddhabhāsitatāsiddhīti atthayojanā kātabbā.

Nidānakathāvaṇṇanā niṭṭhitā.

1. Cittuppādaṅga

Tikamātikāpadavaṇṇanā

Idāni paṭiññātakathaṃ kātum “**idāni iti me -pa- kathanokāso sampatto**”ti-ādimāha. **Ito paṭṭhāyāti** kusaladhammapadato paṭṭhāya.

1. **Sabbapadehi laddhanāmoti** tīsupi padesu vedanāsaddassa vijjamānattā tena laddhanāmo sabbapadehi laddhanāmo hoti. Nanu sukhāya vedanāya sampayuttā dhammāti cattāri padāni, evaṃ sesesupīti dvādasetaṇi padāni, na tīṇīti vedanāsaddassa padattayāvayavattaṃ sandhāya “sabbapadehi”ti vucceyya, na yuttam. “Vedanāyā”ti hi visum padam na kassaci padassa avayavo hoti, nāpi sukhādipadabhāvaṃ bhajātīti tena laddhanāmo katham sabbapadehi laddhanāmo siyāti?
Adhippetappakāratthagamakassa padasamudāyassa padattā. Pajjati avabujjhīyati etenāti hi padam, “sukhāya vedanāya sampayuttā dhammā”ti etena ca padasamudāyena yathādhippeto attho samatto viññāyati, tasmā so padasamudāyo “padan”ti vuccati. Evaṃ itarepi vedittabbā. Tasmā tesam tiṇṇam samudāyānam avayavena laddhanāmo sabbapadehi laddhanāmoti yutto.

Ganthato ca atthato cāti ettha hetupadasahetukapadādīhi sambandhattā ganthato ca hetu-atthasahetukatthādīhi sambandhattā atthato ca aññamaññasambandho vedittabbo. Sahetukahetusampayuttadukā hi hetuduke hetūhi sambandhattā hetudukasambandhā, hetusahetukaduko hetudukasahetukadukasambandho ubhayekapadavasena. Tathā hetuhetusampayuttaduko hetudukahetusampayuttadukasambandho, nahetusahetukaduko ekadvipadavasena hetudukasahetukadukasambandhoti. **Kaṇṇikā viyāti** pupphamayakaṇṇikā viya. **Ghaṭā viyāti** pupphahatthakādīsu pupphādīnam samūho viya. Kaṇṇikāghaṭādīsu hi pupphādīni vaṇṇādīhi aññamaññasambandhāni hontīti tathāsambandhatā etesam dukānam vuttā. **Dukasāmaññatoti** aññehi hetudukādīhi dukavasena samānabhāvā. **Aññehīti** sārammaṇadukādīhi. Asaṅghito padeso yesam atthi, te **sappadesā**. Yesam pana natthi, te **nippadesā**.

“Kacci nu bhoto kusalan”ti evaṃ pucchitamevatthaṃ pākaṭaṃ katvā pucchitum “kacci bhoto anāmayan”ti vuttaṃ, tasmā kusalasaddo anāmayattho hoti. **Bāhītikasutte**¹ bhagavato kāyasamācārādayo vaṇṇentena dhammabhaṇḍāgārikena “yo kho mahārāja kāyasamācāro anavajjo”ti kusalo kāyasamācāro vutto. Na hi bhagavato sukhavipākaṃ kammaṃ atthīti sabbasāvajjarahitā kāyasamācārādayo kusalāti vuttā. **Kusalesu dhammesūti** ca bodhipakkhiyadhammā “kusalā”ti vuttā. Te ca vipassanāmaggaḥalāsampayuttā na ekantena sukhavipākāyevāti anavajjattho kusalasaddo. **Aṅgapaccaṅgānanti** kusalasaddayogena bhummatthe sāmivacanaṃ, aṅgapaccaṅgānaṃ vā nāmakiriyāpayo janādīsūti attho. **Naccagītassāti** ca sāmivacanaṃ bhummatthe, naccagītassa visesesūti vā yojetabbaṃ. Kusalānaṃ dhammānaṃ samādānāhetu evamidaṃ puññaṃ pavaḍḍhatīti puññavipākanibbattakakammaṃ “kusalan”ti vuttaṃ. **Dhammā hontīti** suññadhammattā sabhāvamattā hontīti attho. Evaṃ **dhammesu dhammānupassīti** etthāpi suññatatho dhammasaddo daṭṭhabbo.

Salayanti -pa- viddhamsentīti ettha purimassa purimassa pacchimaṃ pacchimaṃ atthavacanaṃ. Atha vā salanassa atthadīpanāni calanādīni tīpi tadaṅgappahānādīhi yojetabbāni. Appahīnabhāvena santāne sayamānā akusalā dhammā rāgādi-asucisampayogato nānāvidhadukkhahetuto ca **kucchitena ākārena sayanti**. Nānavippayuttānampi nāṇaṃ upanissayapaccayo hotīti sabbepi kusalā dhammā **kusena** nāṇena pavattetabbāti **kusalā**. Uppannaṃsānuppannaṃsabhāgesu saṅgahitattā **ubhayabhāgataṃ saṃkilesapakkhaṃ** pahānānuppādanehi **lunanti** sammappadhānadvayaṃ viya.

Sattādigāhakānaṃ cittānaṃ gocarā sattādayo viya paññāya upaparikkhiyamānā na nissabhāvā, kintu attano sabhāvaṃ dhārentīti **dhammā**. Na ca dhāriyamānasabhāvā añño dhammo nāma atthi. Na hi rupanādīhi aññe rūpādayo, kakkhaḷādīhi ca aññe pathavī-ādayo dhammā vijjantīti. Aññathā pana avabodhetum na sakkāti nānavasena viññātāviññāte sabhāvadhamme aññe viya katvā “attano sabhāvaṃ

1. Ma 2. 318 piṭṭhe.

dhārentī”ti vuttaṃ. Sappaccayadhammesu viśesaṃ dassento **“dhāriyanti vā paccayehī”**ti āha. **Dhāriyantī**ti upadhāriyanti, lakkhīyantīti attho.

Akusalāti kusalapaṭisedhanamattaṃ kusalābhāvamattavacanaṃ tadaññamattavacanaṃ vā etaṃ na hoti, kintu tappaṭipakkhavadananti dassetuṃ **“mittapaṭipakkhā amittā viyā”**ti-ādi vuttaṃ.

Tappaṭipakkhavadanātā ca abyākatatatiyarāsivacanena viññāyati. Yadi hi kusalābhāvamattavacanaṃ akusalasaddo, tena na koci dhammo vuttoti abyākatavacaneneva ca tatiyo rāsi vutto na siyā, kusalā ceva dhammā abyākatā cāti dukovāyaṃ āpajjati, na tiko, evañca sati akusalavacanena na koci attho. Atha siyā, “anabyākatā”ti ca vattabbaṃ siyā kusalānaṃ viya abyākatānañca abhāvamattasambhavā, tasmā abhāvamattavacane abyākatabhāvamattaṃ viya kusalābhāvamattaṃ akusalaṃ na koci rāsīti “abyākatā”ti tatiyo rāsi na siyā. Tatiyarāsibhāvena ca abyākatā vuttāti akusalo ca eko rāsīti viññāyati. Tasmā nābhāvavadanātā¹, sabhāvadhāraṇādi-atthena dhammasaddena samānādhikaraṇabhāvato ca akusalasaddassa kusalābhāvamattavadanātā na hoti, nāpi tadaññamattavadanātā tatiyarāsivadanato eva. Yadi hi kusalehi aññe akusalā cetāsikehi aññe acetāsikā viya, kusalākusalavacanehi sabbesaṃ dhammānaṃ saṅgahitattā asaṅgahitassa tatiyarāsissa abhāvā cetāsikaduko viya ayañca duko vattabbo siyā “kusalā dhammā akusalā dhammā”ti, na “abyākatā”ti tatiyo rāsi vattabbo, vutto ca so, tasmā na tadaññamattavacanaṃ akusalasaddo, pārisesena tappaṭipakkhesu a-kārassa payogadassanato loke “amittā”ti sāsane “alobho”ti idhāpi tappaṭipakkhavadanātā akusalasaddassa siddhā, tattha niruḷhattā ca na itaravadanātā, tappaṭipakkhabhāvo ca viruddhasabhāvattā tappaheyyabhāvato ca veditabbo, na kusalavināsanato. Na hi kusalā akusalehi pahātabbā, mahābalavatāya pana kusalāyeva payoganipphādītā sadānusayite akusale tadaṅgavikkhambhanasamucchedavasena pajahantīti.

1. Nābhāvamattavadanātā (?)

Na **byākatā**ti akathitā. Kathaṃ panete akathitā honti, nanu “sukhāya vedanāya sampayuttā”ti-ādīhi tikadukapadehi cakkhuviññāṇādivacanehi phassādivacanehi ca kathitāti? No na kathitā, tāni pana vacanāni idha anadhippetāni avuttattā ananuvattanato. Na hi “sukhāya vedanāya sampayuttā dhammā”ti-ādīm vatvā “abyākatā”ti vuttaṃ, tasmā na tāni idha anuvattantīti tabbacanīyabhāvena akathitatā na hoti kusalākusalavacanāni pana idha vuttattā anuvattantīti tabbacanīyabhāvena akathitatā ñāyatīti **“kusalākusalabhāvena akathitāti attho”**ti āha. Na **byākatā**ti vā avipākā, abyākatavacaneneva ca avipākathā ñāyanti. Na hi bhagavato vacanaṃ ñāpakasādhanīyaṃ, āsayānusayacariyādikusalena bhagavatā yesaṃ avabodhanatthaṃ dhammā vuttā tesāṃ vacanānantaraṃ tadatthapaṭivedhato, pacchimehi pana yathā tesāṃ avabodhanatthaṃ bhagavatā taṃ taṃ vacanaṃ vuttaṃ, yathā ca tehi tadattho paṭividdho, taṃ sabbaṃ ācariye payirupāsivā sutvā veditabbaṃ hoti, tasmā kāraṇaṃ avatvā **“kusalākusalabhāvena akathitāti attho”**ti āha. Yo ca vadeyya “akusalavipākabhāvena akathitattā, kusalā abyākatāti āpajjanti, kusalavipākabhāvena akathitattā akusalāpī”ti, sopi “aññāpakasādhanīyavacano bhagavā”ti nivāretabbo anuvattamānavacanavacanīyabhāvena akathitassa ca abyākatabhāvato. Na hi avipākavacanaṃ vuttaṃ kusalavacanaṃca avuttaṃ, yato avipākavacanaṃca adhikatabhāvo kusalassa ca tabbacanīyabhāvena akathitabhāvo siyā, tasmā na kusalānaṃ abyākatatā, evaṃ akusalāna-anabyākatabhāve yojanā kātābbā.

Atha vā **vi**-saddo virodhavacano, **ā**-saddo abhimukhabhāvappakāsano, tasmā attano paccayehi aññamaññavirodhābhimukhā katā, lakkhaṇavirodhato vināsakavināsitabbato cāti byākatā, kusalākusalā. Na byākatāti **abyākatā**. Te hi lakkhaṇato kusalākusalā viya viruddhā na honti. Na hi avipākā dukkhavipākā viya sukhavipākāya sukhavipākā viya ca dukkhavipākāya sukhadukkhavipākāhi virujjhatīti nāpi te kiñci pajahanti, na ca te kenaca pahātābbāti ayamettha attanomatī.

Anavajjasukhavipākalakkhaṇāti ettha natthi etesaṃ avajjanti anavajjā, garahitabbabhāvarahitā niddosāti attho. Tena nesaṃ agarahitabbabhāvaṃ dasseti, na gārayhavirahamattaṃ. Aññepi atthi niddosā abyākatāti anavajjavacanamattena tesampi kusalatāpattidosāṃ disvā taṃ pariharitum sukhavipākavacanāṃ āha. Avajjapaṭipakkhā vā idha anavajjāti vuttā, na **bāhitikasutte**¹ viya paṭippassaddhāvajjā virahitāvajjamattā vā, tasmā anavajjavacanena avajjavinaṣanabhāvo dassito. Abyākatehi pana viṣiṭṭhaṃ kusalākusalānaṃ sādharmaṇaṃ savipākatālakkaṇanti tasmim̃ lakkhaṇe visesadassanattaṃ sukhavipākavacanāṃ avoca. Siddho hi purimeneva akusalābyākatehi kusalānaṃ visesoti. Sukho vipāko etesanti sukhavipākā. Tena kusalākusalānaṃ sāmaññe vipākadhamabhāve sukhavipākavipaccanasabhāvaṃ dasseti, na tesāṃ sukhavipākasabbhāvameva. Anavajjā ca te sukhavipākā cāti anavajjasukhavipākā. Kusalā lakkhīyanti etenāti lakkhaṇaṃ, anavajjasukhavipākalakkhaṇaṃ etesanti **anavajjasukhavipākalakkhaṇā**. Nanu te eva kusalā anavajjasukhavipākā, kathaṃ te sayameva attano lakkhaṇaṃ hontīti? Viññātāviññātasaddatthabhāvena lakkhaṇalakkhitabbabhāvayuttito. Kusalasaddatthavasena hi aviññātā kusalā lakkhitabbā honti, anavajjasukhavipākasaddatthabhāvena viññātā lakkhaṇanti yuttametaṃ. Atha vā lakkhīyatīti lakkhaṇaṃ, sabhāvo. Anavajjasukhavipākā ca te lakkhaṇaṅcāti **anavajjasukhavipākalakkhaṇā**, anavajjasukhavipākā hutvā lakkhiyamānā sabhāvā kusalā nāmāti attho.

Atha vā anavajjavacanena anavajjattaṃ āha, sukhavipākavacanena sukhavipākattaṃ, tasmā anavajjañca sukhavipāko ca anavajjasukhavipākaṃ, taṃ lakkhaṇaṃ etesaṃ karaṇatthe ca kammaṭṭhe ca lakkhaṇasaddhe sabhāvabhūtaṃ **anavajjasukhavipākalakkhaṇā**, anavajjasukhavipākasabhāvena lakkhiyamānā taṃsabhāvavanto ca kusalāti vuttaṃ hoti. Tatha anavajjavacanena pavattisukhataṃ kusalānaṃ dasseti, sukhavipākavacanena vipākasukhataṃ. Purimañhi attano pavattisabhāvavasena lakkhaṇatāvacanāṃ, pacchimaṃ kālantare vipākuppādanasamatthatāyāti. Tathā purimena kusalānaṃ attasuddhiṃ

1. Ma 2. 318 piṭṭhe.

dasseti, pacchimena visuddhaviṭakataṃ. Purimena ca kusalaṃ akusalasabhāvato nivatteti, pacchimena abyākatasabhāvato savipākattadīpakattā pacchimassa. Purimena vā vajjapaṭipakkhabhāvadassanato kiccaṭṭhena rasena akusalavidhānsanarasataṃ dīpeti, pacchimena sampatti-atthēna iṭṭhaviṭakarasataṃ. Purimena ca upaṭṭhānākāraṭṭhena paccupaṭṭhānena vodānapaccupaṭṭhānataṃ dasseti, pacchimena phalathēna sukhaviṭakapaccupaṭṭhānataṃ. Purimena ca yonisomanasikāraṃ kusalānaṃ padaṭṭhānaṃ vibhāveti. Tato hi te anavajjā jātāti. Pacchimena kusalānaṃ aññesaṃ padaṭṭhānabhāvaṃ dasseti. Te hi sukhaviṭakassa kāraṇaṃ hontīti. Ettha ca sukhaviṭaka-sadde sukha-saddo iṭṭhapariyāyavacananti daṭṭhabbo. Iṭṭhacatukkhandhaviṭakā hi kusalā, na sukhavedanāvipākāva. Saṅkhāradukkhopasamasukhaviṭakatāya ca sambhavo eva natthi. Na hi tamvipākoti. Yadi pana vipākāsaddo phalapariyāyavacanāṃ, nissandavipākena iṭṭharūpenāpi sukhaviṭakatā yojetabbā.

Sāvajjadukkhaviṭakalakkhaṇāti ettha ca vuttavidhi-anusārena attho ca yojanā ca yathāsambhavaṃ veditabbā. Vipākārahataṃ kusalākusalānaṃ lakkhaṇabhāvena vuttā, tabbhāvena akathitā abyākatā avipākārahasabhāvā hontīti āha “**avipākalakkhaṇā abyākatā**”ti. Yatheva hi sukhadukkhaviṭakārahā sukhadukkhaviṭakāti evamlakkhaṇatā kusalākusalānaṃ vuttā, evamidhāpi avipākārahā avipākāti evamlakkhaṇatā abyākatānaṃ vuttā. Tasmā “ahosi kammaṃ nāhosi kammavipāko na bhavissati kammavipāko natthi kammavipāko, atthi kammaṃ natthi kammavipāko na bhavissati kammavipāko, bhavissati kammaṃ na bhavissati kammavipāko”¹ti evampakārānaṃ kusalākusalānaṃ kusalākusalabhāvānāpatti abyākatabhāvāpatti vā na hoti. Na hi te sukhadukkhaviṭakārahā na honti vipākadhammattā, avipākārahā vā na honti avipākadhammattābhāvāti.

Kusalāti vā dhammāti vāti-ādīnīti kusaladhammapadāni dve, akusaladhammapadāni dve, abyākatadhammapadāni dveti. **Ekatthanānatthānīti** visuṃ visuṃ dvinnaṃ dvinnaṃ aññamaññāpekkhaṃ ekatthanānatthataṃ codeti, na channaṃ. Dosamettha vattukāmo codako pucchatīti ñatvā ācariyo āha “**kiñcethā**”ti.

1. Khu 9. 271 piṭṭhe.

Ettha ekatthanānatthatāyaṃ kiñci vattabbaṃ asamattā te codanā, avasiṭṭhaṃ tava brūhīti vuttaṃ hoti. Yadi ekatthāni indasakkasaddānaṃ viya saddamatte eva bhedo, evaṃ kusaladhammasaddānaṃ, na attheti. Yathā “indo sakko”ti vutte “indo indo”ti vuttasadisam hoti, evaṃ “kusalā dhammā”ti idaṃ vacanaṃ “kusalā kusalā”ti vuttasadisam hoti. Evaṃ itaresupi “akusalā akusalā”ti vuttasadisatā “abyākatā abyākatā”ti vuttasadisatā ca yojetabbā. Atha nānatthāni, indakuverasaddānaṃ viya saddato atthato ca kusaladhammasaddānaṃ bhedo, tathā akusaladhammasaddānanti chahi padehi catūhi padehi ca cha cattāro ca atthā bhinnā vuttāti kusalattikādīnaṃ kusalachakkādībhāvo, hetudukādīnañca hetucatukkādībhāvo āpajjātīti?.

Nanu tiṇṇaṃ dhammasaddānaṃ tiṇṇaṃ indasaddānaṃ viya rūpābheda atthābhedoti chakkabhāvo na bhavissati, tasmā evamidam vattabbaṃ siyā “tikadukānaṃ catukkatikabhāvo āpajjātī”ti, na vattabbaṃ, tiṇṇaṃ dhammasaddānaṃ ekatthānaṃ tiṇṇaṃ indasaddānaṃ viya vacane payojanābhāvā vuttānaṃ tesam māsasaddānaṃ viya abhinnarūpānañca atthābhedo upapajjātīti, evamapi yathā eko māsasaddo abhinnarūpo kālaṃ aparāṇṇavisesam suvaṇṇamāsañca vadati, evaṃ dhammasaddopi eko bhinne atthe vattumarahatīti kālādīnaṃ māsapadatthatāya viya tabbacanīyabhinnatthānaṃ dhammapadatthatāya abhedoti catukkatikabhāvo eva āpajjātīti, nāpajjati ekassa saddassa jātiḡuṇakiriyābhinnānaṃ anabhidhānato. Na hi māsasaddo eko jātibhinnānaṃ kālādīnaṃ antarena sarūpekasesam vācako hoti. Idha ca yadi sarūpekaseso kato siyā, dutiyo tatiyo ca dhammasaddo na vattabbo siyā, vutto ca so, tasmā kusalādi-saddā viya abhinnakusalādi-jātīsu rūpasāmaññepi māsa-saddā viya tayo vinivatta-aññajātīsu vattamānā tayo dve ca dhammasaddā āpannāti tikadukānaṃ chakkacatukkabhāvo eva āpajjātīti.

Padānañca asambandhoti kusaladhammapadānaṃ aññamaññaṃ tathā akusaladhammapadānaṃ abyākatadhammapadānañca asambandho āpajjātīti attho. Dvinnaṃ dvinnañhi icchito sambandho, na sabbesaṃ channaṃ catunnaṃ vā aññamaññanti. Idaṃ pana kasmā codeti, nanu nānatthatte sati atthantaradassanatthaṃ vuccamānesu dhamma-saddesu

kusalākusalābyākata-saddānaṃ viya asambandho vutto yutto evāti? Saccametaṃ, asambandhaṃ pana siddhaṃ katvā purimacodanā katā “tikadukānaṃ chakkacatukkabhāvo āpajjati”ti, idha pana taṃ asambandhaṃ sādhetuṃ idaṃ coditanti veditabbaṃ. Atha vā evamettha yojanā kātabbā— yadi pana chakkacatukkabhāvaṃ na icchasi, padānaṃ sambandhena bhavitabbaṃ yathāvuttanayena, so ca samānavibhattīnaṃ dvinnaṃ dvinnaṃ sambandho ekatthatte satī yujjeyya, tvaṃ pana nānatthataṃ vadasīti padānañca te asambandho āpajjati, neva nāpajjati. Niyamanattho **ca**-saddo. **Pubbāpara -pa- nippayojanāni nāma** hontīti chakkacatukkabhāvaṃ anicchantaṃ, nānatthataṃ pana icchantassāti adhippāyo. Avassañca sambandho icchitabbo pubbāparavirodhāpattitoti dassetuṃ “**yāpi cesā**”ti- ādimāha. Pucchā hi padavipallāsakaraṇena dhammā eva kusalāti kusaladhamma-saddānaṃ idha uddiṭṭhānaṃ ekatthataṃ dīpeti, tava ca nānatthataṃ vadantassa neva hi dhammā kusalāti katvā tāyapi pucchāya virodho āpajjati, vuccati ca tathā sā pucchāti na nānatthatā yujjati.

Aparo nayoti “kusalā dhammā”ti-ādīnaṃ dvinnaṃ dvinnaṃ ekatthattameva tiṇṇaṃ dhammasaddānaṃ ekatthanānatthattehi codeti. **Tiṇṇaṃ dhammānaṃ ekattāti**-ādimhi yathā tīhi inda-saddehi vuccamānānaṃ indatthānaṃ indabhāvena ekattā tato anaññesaṃ sakkapurindadasahassakkhasaddatthānaṃ ekattaṃ, evaṃ tiṇṇaṃ dhamma-saddatthānaṃ dhammabhāvena ekattā tato anaññesaṃ kusalākusalā byākata-saddatthānaṃ ekattaṃ āpajjati attho. **Dhammo nāma bhāvoti** sabhāvadhāraṇādinā atthena dhammoti vutto, so ca sabhāvasseva hoti, nāsabhāvassāti iminā adhippāyena vadati. Hotu bhāvo, tato kinti? Yadi tiṇṇaṃ dhammasaddānaṃ nānatthatā, tīsu dhammesu yo koci eko dhammo bhāvo, tato anaññaṃ kusalaṃ akusalaṃ abyākataṃ vā ekekameva bhāvo. Bhāvabhūtā pana dhammā aññe dve abhāvā hontīti tehi anañña kusalādīsu dve ye keci abhāvā. Yopi ca so eko dhammo bhāvoti gahito, sopi samānarūpesu tīsu dhammasaddesu ayameva bhāvatttho hotīti niyamassa abhāvā aññassa bhāvattthatte satī abhāvo hotīti tato anaññassapi abhāvattaṃ āpannanti kusalādīnaṃ sabbesampi abhāvattāpatti hoti. Na hi indassa amanussatte tato anaññesaṃ sakkādīnaṃ manussattaṃ atthīti.

Nanu evamāpi ekassa bhāvattaṃ vinā aññesaṃ abhāvattaṃ na sakkā vattuṃ, tatha ca ekeneva bhāvena bhavitabbanti niyamābhāvato tiṇṇampi bhāvatte siddhe tehi anaññesaṃ kusalādīnampi bhāvattaṃ siddhaṃ hotīti? Na hoti tiṇṇaṃ dhamma-saddānaṃ nānatthabhāvassa anuññātattā. Na hi tiṇṇaṃ bhāvatte nānatthatā atthi, anuññātā ca sā tayāti. Nanu tiṇṇaṃ dhammānaṃ abhāvattepi nānatthatā na siyāti? Mā hotu nānatthatā, tava pana nānatthataṃ paṭijānantassa “eso doso”ti vadāmi, na pana mayā nānatthatā ekatthatā vā anuññātāti kuto me virodho siyāti. Atha vā **abhāvattaṃ āpannehi dhammehi anaññe kusalādayopi abhāvā eva siyunti** idaṃ vacanaṃ aniyamena ye keci dve dhammā abhāvattaṃ āpannā, tehi anaññesaṃ kusalādīsu yesaṃ kesañci dvinnaṃ kusalādīnaṃ abhāvattāpattiṃ sandhāya vuttaṃ ekassa bhāvattā. Yampi vuttaṃ “**tehi ca añño kusalaparopi abhāvo siyā**”ti, taṃ aniyamadassanattaṃ vuttaṃ, na sabbesaṃ abhāvasādhanattaṃ. Ayañhi tatha attho akusalaparassa vā abyākataparassa vā dhammassa bhāvatte sati tehi añño kusalaparopi abhāvo siyāti.

Sabbametaṃ akāraṇanti ettha kāraṇaṃ nāma yutti.

Kusalakusalasaddānaṃ viya ekanta-ekatthataṃ, kusalarūpacakkhuma-saddānaṃ viya ekantanānatthatañca vikappetvā yāyaṃ punarutti chakkacatukkāpatti asambandhavirodhābhāvāpatti dosāropanayutti vuttā, sabbā sā ayutti, tathā ekatthanānatthatābhāvato vuttaṃ hoti. Yā yā anumati **yathānumati** anumatiyā anumatiyā vohārasiddhito. Anumatiyā anurūpaṃ vā **yathānumati**, yathā anumati pavattā, tathā tadanurūpaṃ vohārasiddhitoti attho. Anumati hi visesanavisesitabbābhāvato accantamabhinnesu katthaci kiriyāguṇādipariggahavisesena avivaṭasaddatthavivaraṇattaṃ pavattā yathā “sakko indo purindado”ti. Katthaci accantaṃ bhinnesu yathā “dhavo khadiro palāso ca ānīyantū”ti. Katthaci visesanavisesitabbābhāvato bhedaḥbhedavantesu seyyathāpi “nīluppalaṃ paṇḍitapuriso”ti, tāya tāya anumatiyā tadanurūpañca te te vohārā siddhā. Tasmā ihāpi kusaladhamma-saddānaṃ visesanavisesitabbābhāvato visesatthasāmaññatthapariggahena samāne atthe bhedaḥbhedayutte pavatti

anumatāti tāya tāya anumatiyā tadanurūpañca siddho eso vohāro. Tasmā vuttaṃ “sabbametaṃ akāraṇaṃ”ti.

Attano attano atthavisesaṃ tassa dīpentīti attanā pariggahitaṃ attanā vuccamānaṃ anavajjasukhavipākādikusalādibhāvaṃ dhamma-saddassa dīpenti tadatthassa tabbhāvadīpanavaseṇāti adhippāyo. Na hi dhammasaddo kusalādibhāvo hotīti. **Imināvāti** “dhammasaddo pariyatti-ādīsu dissatī”ti-ādīnā “attano sabhāvaṃ dhārentī”ti-ādīnā ca nayena. So hi sabbattha samāno, na kusala-saddo ārogyādīsu dissatīti “kucchite salayantī”ti-ādīko, so ca visesanayo “ito paraṃ visesamattameva vakkhāmā”ti etena apanītoti daṭṭhabbo. Na hi kusalādivisesaṃ gahetvā pavattā sukhāya vedanāya sampayuttāti-ādayo visesāti.

2. **Sukhassa ca pahānāti** ettha sukhindriyaṃ “sukhan”ti vuttaṃ, tañca sukhavedanāva hotīti “**sukhavedanāyaṃ dissatī**”ti vuttaṃ, na pana “tisso imā bhikkhave vedanā sukhā vedanā”ti-evamādīsu¹ sukha-saddo viya sukhavedanāsaddena samānatthattā. Ayañhi sukhindriyattho sukha-saddo kāyasukhanaṃ kāyānuggahaṃ sāvavisesaṃ gahetvā pavatto, na pana sukhā vedanā “yaṃ kiñci vedanaṃ vedeti sukhaṃ vā², yo sukhaṃ dukkhato”ti-evamādīsu³ sukha-saddo viya sāvavisesaṃ gahetvā pavattoti. Yasmiṃ sati sukhahetūnaṃ pavatti, taṃ sukhamūlaṃ. Buddhuppāde ca kāmasamatikkamādike virāge ca sati sukhahetūnaṃ puññapassaddhi-ādīnaṃ pavatti hotīti taṃ “**sukhamūlaṃ sukhan**”ti vuttaṃ. Sukhassa ca ārammaṇattā “**rūpaṃ sukhan**”ti vuttaṃ. **Puññānī**ti yadidaṃ vacanaṃ, taṃ **sukhassa ca adhivacanaṃ** iṭṭhavipākassa adhivacanaṃ tadatthassa iṭṭhavipākavipaccanatoti attho. **Sukhapaccayānaṃ** rūpādīnaṃ iṭṭhānaṃ **ṭhānaṃ** okāso saggā nandanañcāti “**sukhā saggā sukhaṃ nandanā**”ti vuttaṃ. **Dīṭṭhadhammeti** imasmiṃ attabhāve. **Sukhavihārāti** paṭhamajjhānavihārādī. Nīvaraṇādi byābādharahitattā “**abyābajjhā**”ti vuttā. Sabbasaṅkhāraddukkhaniḍḍāpanato taṃnirodhattā vā “**nibbānaṃ sukhan**”ti vuttaṃ. **Ādi**-saddena “adukkhamasukhaṃ santaṃ, sukhamicceva bhāsitaṃ”ti adukkhamasukhe. “Dvepi mayā

1. Saṃ 2. 407, 409 piṭṭhesu.

2. Ma 1. 333 piṭṭhe.

3. Saṃ 2. 409 piṭṭhe.

ānanda vedanā vuttā pariyāyena sukhā vedanā dukkhā vedanā”ti¹
sukhopekkhāsu ca iṭṭhāsūti evamādīsu pavatti saṅgahitā.

Dukkhavattḥūti dukkhassa okāso. Attano paccayehi uppajjamānampi hi taṃ dukkhaṃ jāti-ādīsu vijjamānesu tabbatthukaṃ hutvā uppajjati.

Dukkhapaccayeti dukkhahetumhi, dukkhassa janaketi attho.

Dukkhapaccayaṭṭhāneti dukkhajanakakammassa sahāyabhūtānaṃ aniṭṭharūpādipaccayānaṃ ṭhāne. Paccayasaddo hi janake janakasahāye ca pavattatīti. **Ādi-**saddena “yadaniccaṃ taṃ dukkhaṃ”ti-ādina² saṅkhāradukkhādīsu pavatti daṭṭhabbā. Sampayutte vatthum ca karajakāyaṃ sukhayati laddhassāde anuggahite karotīti **sukhā**. Sukhāti vedanāsaddamapekkhitvā sukhabhāvamattassa appakāsanena napuṃsakaliṅgatā na katā. Sabhāvato saṅkappato ca yaṃ iṭṭhaṃ, tadanubhavanaṃ iṭṭhākārānubhavanaṃ vā **iṭṭhānubhavanaṃ**.

Samanti avisamaṃ. Samā ekībhāvūpagatā viya yuttā, samaṃ vā saha yuttāti yojetabbaṃ. **Ekuppādāti** eko samāno uppādo etesanti **ekuppādā**, samānapaccayehi sahuppattikāti attho. Sahuppattikānaṃ rūpārūpānaṃca aññamaññasampayuttatā āpajjeyyāti **“ekanirodhā”**ti vuttaṃ, ye samānuppādā samānanirodhā ca, te sampayuttāti rūpārūpānaṃ aññamaññasampayogo nivārīto hoti. Evamapi avinibbhogarūpānaṃ aññamaññasampayuttatā āpajjeyyāti **“ekavattḥukā”**ti vuttaṃ, ye ekuppādā ekanirodhā ekavattḥukā ca, te sampayuttāti. Evamapi avinibbhogarūpesu ekaṃ mahābhūtaṃ sesamahābhūtopādārūpānaṃ nissayapaccayo hotīti tena tāni ekavattḥukānīti, cakkhādinissayabhūtāni vā bhūtāni ekaṃ vatthu etesu sannissitanti ekavattḥukānīti kappentassa tesāṃ sampayuttatāpatti siyāti tannivāraṇattham **“ekārammaṇā”**ti vuttaṃ, ye ekuppādā -pa- ekārammaṇā ca honti, te sampayuttāti. Paṭilomato vā **ekārammaṇāti** vutte ekavīthiyaṃca pañcaviññāṇasampañcchanānaṃ nānāvīthiyaṃ parasantāne ca ekasmim ārammaṇe uppajjamānānaṃ bhinnavattḥukānaṃ sampayuttatā āpajjeyyāti **“ekavattḥukā”**ti vuttaṃ, ye ekavattḥukā hutvā ekārammaṇā, te sampayuttāti. Evamapi sampañcchanasantīraṇādīnaṃ sampayuttatā āpajjeyyāti **“ekanirodhā”**ti vuttaṃ, ye

1. Sam 2. 423 piṭṭhe.

2. Sam 2. 19, 37, 68 piṭṭhādīsu.

ekanirodhā hutvā ekavatthukā ekārammaṇā, te sampayuttāti. Kim pana nānuppādāpi evaṃ tividhalakkhaṇā honti, atha ekuppādā evāti vicāraṇāya ekuppādā eva evaṃ tividhalakkhaṇā hontīti dassanattamā **“ekuppādā”**ti vuttaṃ.

3. **Vipakkabhāvamāpannānaṃ arūpadhammānanti** yathā sālibijādīnaṃ phalāni taṃsadisāni nibbattāni vipakkāni nāma honti, vipākaniruttiṇca labhanti, na mūlaṅkurapattakhandhanālāni, evaṃ kusalākusalānaṃ phalāni arūpadhammabhāvena sārammaṇabhāvena sukkakaṇḍhādibhāvena ca taṃsadisāni vipakkabhāvamāpannānīti vipākaniruttiṃ labhanti, na rūpadhammā kammanibbattāpi kammāsadisāti dassetuṃ vuttaṃ. **Jātijarāsabhāvāti** jāyanajīraṇasabhāvā. **Vipākakapatikāti** vipaccanapakatikā. Vipaccanasabhāvātā ca anupacchinnāvijjātaṇḍhāmānasantāne sabyāpārātā, tena abhiññādikusalānaṃ bhāvanāyapahātābbādi-akusalānaṇca vipākānuppādanepi vipākadhammatā siddhā hoti. **Vipakkabhāvanti** cettha **bhāva-**saddena sabhāvo eva vutto. Tam yathāvuttaṃ vipakka-sabhāvaṃ dutiyassa vuttaṃ vipaccanasabhāvaṇca gahetvā **“ubhayasabhāvapaṭikkhepavasenā”**ti āha.

4. **Upetena ādinnā upādinnā.** Kim pana taṃ upetaṃ, kena ca upetaṃ, kathaṇca upetaṃ, ke ca tena ādinnāti? Sati ca lokuttarānaṃ kesaṇci ārammaṇabhāve tannivattanattamā upetasaddasambandhinā upayasaddena vuccamānāhi catubbidhupādānabhūtāhi taṇḍhādīṭṭhīhi upetaṃ, tehi ca ārammaṇakaraṇavasena upetaṃ, na samannāgamavasena. Sati ca sabbatebhūmakadhammānaṃ upādānārammaṇatte yehi vipākakaṭattārūpāni amhehi nibbattattā amhākaṃ etāni phalānīti gaṇhantehi viya ādinnāni, tāni tebhūmakakammāni kammabhāvena ekattaṃ upanetvā upetanti idha gahitāni. Tehi ca nibbattāni vipākakaṭattārūpāni upādinnā dhammāti sabbametaṃ dassetuṃ **“ārammaṇakaraṇavasenā”**ti-ādi vuttaṃ. Ayaṇca atthanayo yathāsambhavaṃ yojetabbo, na vacanānupubbenāti. Etthāha— yadi ārammaṇakaraṇavasena taṇḍhādīṭṭhīhi upetena ādinnā upādinnā, sabbatebhūmakadhammā ca taṇḍhādīnaṃ ārammaṇā honti, na ca upetasaddo kamme eva nirulho, tena kammasseva gahaṇe kāraṇaṃ natthi, tasmā

sabbatebhūmakadhammapaccayuppannānaṃ avijjādihetūhi nibbattānaṃ saṅkhārādīphalānaṃ upādinnattaṃ āpajjati tesampi tehi phalabhāvena gahitattā. **Upa**-saddena ca upetatāmaṃ jotitaṃ, na ārammaṇakaraṇaṃ samannāga-anivattakaṃ, **ādinna**-saddena ca gahitattāmaṃ vuttaṃ, na kammasamuṭṭhānatāviseso. Tasmā sabbapaccayuppannānaṃ upādinnattaṃ āpajjati? Nāpajjati bodhaneyyajjhāsayavasena desanāpavattito. Yesāñhi bodhanatthaṃ “upādinnā”ti etaṃ vuttaṃ, te teneva vacanena yathāvuttappakāre dhamme bujjhimsu, etarahi pana tāvatā bujjhituṃ asakkontena sutvā tadattho vedītabboti esā atthavibhāvanā katā **“kammunā”**ti.

Ayaṃ pana aparo attho daṭṭhabbo—upasaddo upetaṃ dīpeti. Ayañhi upa-saddo samāse payujjamaṇo “atimālā”ti-ādīsu ati-saddo viya atikkamaṇaṃ sasādhanāṃ upagamaṇaṃ sasādhanāṃ vadati, upagamaṇaṃ upādāna-upayo, tena upagataṃ upetaṃ. Kim pana tanti? Yaṃ asati upādāne na hoti, taṃ “upādānapaccayā bhavo”ti evaṃ vuttaṃ tebhūmakakammaṃ paccayabhāvena purimajātuppannena upādānena upagataṃ “upetan”ti vuccati. Na hi koci anupagamma anicchanto kammaṃ karotīti. Tena **upetena kammunā** punabbhavassa ādānaṃ hoti. Kammunā hi sāsavena sattā ādiyanti punabbhavaṃ, tasmā ādātābhāvena pākāṇo punabbhavo. So ca upapattibhavo tebhūmakavipākakaṭattārūpasaṅgaho “bhavapaccayā jāti”ti ettha jātivacane samavaruddhoti upādinnavacanena upapattibhavo vuccati, upapattibhavo ca tebhūmakavipākakaṭattārūpānīti dhātukathāyaṃ pakāsitametaṃ. Tasmā **upetena ādinnā**ti te eva dhammā vuccantīti siddho ayamatthoti. Upādinna-saddassa atthaṃ vatvā taṃ vissajjetvā upādāniya-saddassa visuṃ upādinnasaddānapekkhaṃ atthaṃ vattuṃ **“ārammaṇabhāvaṃ upagantvā”**ti-ādīmāha. Tasmā eva avisesetvā **“upādānassa ārammaṇapaccayabhūtānametaṃ adhivacanaṃ”**ti vuttaṃ. Taṃ pana upādāniyaṃ upādinnaṃ anupādinnanti duvidhaṃ. Tasmā taṃ visesanena dassento **“upādinnā ca te upādāniyā cā”**ti-ādīmāha.

5. **Samkilesoti** dasa kilesavattūni vuccanti. **Samkiliṭṭhā**ti tehi vibādhitā upatāpitā ca. Te pana yasmā samkilesasampayuttā ekuppādādīhi ninnānattā ekībhāvamiva gatā visādīhi viya sappi-ādayo

vidūsitā malinā vibādhitā upatāpitā ca nāma honti, tasmā āha “**saṁkilesena samannāgatā saṁkiliṭṭhā**”ti. **Saṁkilesaṁ arahantī**ti saṁkilesassa ārammaṇabhāvena taṁ laddhuṁ arahantīti attho.

Ārammaṇabhāvānatikkamanatoti etena saṁkilesānatikkamanameva dasseti, vatthayugikasuṅkasālikasaddānaṁ viya saṁkilesika-saddassa pavatti veditabbā.

6. Saha vitakkena hontīti vacanaseso yojetabbo avuccamānassapi bhavati-atthassa viññāyamānattā. **Mattā**ti pamāṇavācakaṁ ekaṁ padanti gahetvā “**vicārova mattā etesaṁ**”ti attho vutto. Aññattha avippayogīsu vitakkavicāresu vicārova etesaṁ mattā, tato uddhaṁ vitakkena sampayogaṁ na gacchantīti attho. Ayamaparo attho—mattasaddo visesanivatti-attho. Savitakkasavicārā dhammā hi vitakkavisiṭṭhena vicārena savicārā, ete pana vicāramattena vitakkasaṅkhātavisesarahitena, tasmā “**vicāramattā**”ti vuccanti, vicāramattavantoti attho. Vicāramattavacanena avitakkatte siddhe avitakkānaṁ aññesampi atthibhāvajotanatthaṁ avitakkavacanāṁ. Avitakkā hi vicāramattā ca santi avicārā cāti nivattetabbā gahetabbā ca honti, tesu avuccamānesu nivattetabbagahetabbassa adassitattā vicāramattāva avitakkāti āpajjeyyāti. Visesanavisesitabbabhāvo pana yathākāmaṁ hotīti sāmāññaena avitakkabhāvena saha vicāramattatāya dhammavisesanabhāvaṁ dassetuṁ “**avitakkavicāramattā**”ti padānukkamo kato.

Atha vā savicārā duvidhā savitakkā avitakkā ca, tesu avitakke nivattetuṁ ādipadaṁ vuttaṁ. Avicārā ca duvidhā savitakkā avitakkā ca, tesu savitakke nivattetuṁ tatiyapadaṁ vuttaṁ. Ye pana dvīhipi nivattitā avitakkā savitakkā ca savicārā avicārā ca, tesu aññataradassanaṁ vā kattabbaṁ siyā ubhayadassanaṁ vā. Ubhayadassane kariyamāne yadi “savitakkasavicārā”ti vucceyya, ādipadatthatāva āpajjati. Atha “avitakka-avicārā”ti vucceyya, antapadatthatā. Atha pana “avitakkasavicārā savitakka-avicārā”ti vucceyya, ajjhatabhahiddhānaṁ viya atthantarābhāvo vā saṅkāradoso vā ekasseva savitakkāvitakkatāsavicārāvicāratāvirodho vā āpajjeyya,

tasmā aññataradassanena itarampi pakāsetum avitakkavacanena dvippakāresu vattabbesu savitakka-avicāre nivattetvā avitakkasavicāre dassento āha “**avitakkavicāramattā**”ti. Atha vā vitakkābhāvena ete vicāramattā, na vicārato aññassa kassaci dhammassa abhāvāti dassetum avitakkavacanena vicāramattā visesitā.

7. **Upekkhatī**ti vedayamānāpi majjhattavedanā sukhākāre dukkhākāre ca udāsinā hotīti attho. Atha vā upetā yuttā sukhadukkhānam aviruddhā ikkhā anubhavanam **upekkhā**. **Visesadassanavasenā**ti nānattadassanavasena. Yadi hi pītisahagatā eva sukhasahagatā siyūm, “pītisahagatā”ti eteneva siddhattā “sukhasahagatā”ti idam na vattabham siyā, “sukhasahagatā”ti vā vuccamāne “pītisahagatā”ti na vattabham, tato tikam pūrentena dukkhasahagatapadam vattabham siyā, evañca sati “vedanāttiko evāyan”ti vuttavacanam āpajjati, tasmā “pītisahagatā”ti vatvā “sukhasahagatā”ti vadanto pītivippayuttampi sukham atthīti tatiyajjhānakāyaviññāṇasampayuttam sukham sappītikasukhato bhinnam katvā dassetīti adhippāyo. Atha vā pītisukhānam dubbivipassanānattānam nānattadassanattham ayam tiko vutto. “Pītisahagatā”ti ettha hi sukhekadeso saṅgahito, na pīti. “Sukhasahagatā”ti ettha pīti saṅgahitā, na sukham. Pītivippayuttasukhasahagatā ca purimena asaṅgahitā pacchimena saṅgahitāti siddho pītisukhānam visesoti.

8. **Nibbānam dassanatoti** nibbānārammaṇatam sandhāyāha. Atha vā dhammacakkhu punappunam nibbattanena bhāvanābhāvam appattam dassanam nāma, dhammacakkhu ca pariññādikiccekaraṇena catusaccadhammadassanam tadatisayo, tasmā natthettha gotrabhussa dassanabhāvāpattīti. **Ubhayapaṭikkhepavasenā**ti dvīhi padehi vuttadhammapaṭikkhepavasena, na pahāyakapaṭikkhepavasena. Tathā hi sati dassanabhāvanāhi añño samucchedavasena pahāyako atthi, tena pahātabbā neva dassanena na bhāvanāya pahātabbāti ayamattho āpajjati, na ca añño pahāyako atthi aññehi vikkhambhitānañca punappavattisabbhāvā, nāpi pahātabbā tatiyapadena saṅgayhanti,

kintu appahātabbā evāti. Tasmā pahātabbapadaṃ paccekaṃ yojetvā neva dassanena pahātabbā na bhāvanāya pahātabbāti dassanena bhāvanāya pahātabbehi aññe gahitāti veditabbā.

9. **Evamattham aggahetvāti** atthāyuttito ca saddāyuttito ca aggahetabbataṃ dasseti. Dassanabhāvanāhi appahātabbahetumattesu hi gayhamānesu ahetukā asaṅgahitāti yathādhippetassa atthassa aparipuṇṇatā atthāyutti, pahātabbasaddassa nicasāpekkhatte ca satī na sambandhīsaddato pahāyakato aññaṃ paṭisedhaṃ apekkhamānassa hetusaddena samāso upapajjatīti saddāyutti ca veditabbā. **Evamattho gahetabboti** pahātabbasaddaṃ paṭisedhena ayojetvā yesaṃ aññapadatthe samāso, tabbisesanaṃ atthīti idaṃ paṭisedhena yojetvā dassanabhāvanāhi pahātabbo hetu etesaṃ nevathīti attho gahetabboti vuttaṃ hoti. Evañca satī yathādhippetattho sabbo saṅgahitoti. Atthāyutti mā hotu, saddo pana idhāpi na yutto. Ekantayogīnaṃ atthi-saddameva hi apekkhamānānaṃ ubhinnaṃ pahātabbahetu-saddānaṃ samāso yutto, na paṭisedhaṃ apekkhamānānanti, tasmā gahetabbatthadassanamattaṃ etaṃ kataṃ, saddo pana yathā yujjati, tathā yojetabbo. Evaṃ pana yujjati—pahātabbo hetu etesaṃ atthīti pahātabbahetukā. Kena pahātabbotti? Dassanena bhāvanāya ca tayidaṃ pahātabbahetukapadaṃ dassanabhāvanāpadehi visuṃ visuṃ yojetvā tehi yuttena ye dassanena pahātabbahetukā neva hontī, bhāvanāya pahātabbahetukā ca na hontīti paṭisedhañca visuṃ visuṃ yojetvā te neva dassanena na bhāvanāya pahātabbahetukāti vuccanti. Nevavipākanavipākadhammadhammavacanaṃ viya hi purimapadadvayasaṅgahitadhammapaṭisedhanena tadaññadhammanidassanametaṃ hoti, na ahetukapadaṃ viya hetuvirahappakāsanenāti. Evañca katvā dve paṭisedhā yuttā hontī.

Hetuyeva hi tesam natthi, yo dassanabhāvanāhi pahātabbo siyāti purimasmiñhi atthe hetūnaṃ dassanabhāvanāhi ahātabbatā paṭikkhittā, paṭikkhepo ca pahātabbāsaṅkāsabbhāve hoti, pahātabbāsaṅkā ca hetumhi satī siyā, tesam pana ahetukānaṃ hetu yeva natthi, yo dassanabhāvanāhi pahātabbo siyā, tadabhāvā

pahātabbāsāṅkā natthīti taṃnivāraṇattho paṭikkhepo na sambhavati, tasmā “neva dassanena na bhāvanāya pahātabbo hetu etesan”ti evaṃ ahetukānaṃ gahaṇaṃ na bhaveyyāti attho. Atha vā **itarathā hi ahetukānaṃ aggahaṇaṃ bhaveyyāti** atthassa pākaṭattā na kāraṇasādhanīyo esoti gahetabbatthasseva kāraṇaṃ vadanto “**hetuyeva hi tesam natthi**”ti-ādimāha. Tesaṃhi nevadassanena na bhāvanāyapahātabbahetukapadavacanīyānaṃ yo dassanabhāvanāhi pahātabbo siyā, so evaṃpakāro hetu natthi. Te hi anekappakārā sahetukā ahetukā cāti, tasmā nevadassanena na bhāvanāya pahātabbo hetu etesaṃ atthīti ayamattho gahetabboti attho.

10. **Taṃ ārammaṇaṃ katvāti** idaṃ catukiccasādhanavasena ārammaṇakaraṇaṃ sandhāya vuttanti veditabbaṃ. Aññathā gotrabhuphalapaccavekkhaṇādīnampi apacayagāmitā āpajjeyyāti. Atha vā hetubhāvena apacayaṃ nibbānaṃ gacchantīti **apacayagāmino**. Nibbānassa hi anibbattaniyattepi samudayappahānasamudayanirodhānaṃ adhigama-adhigantabbabhāvato hetuhetuphalabhāvo magganibbānānaṃ yujjati. Yathāha “dukkhanirodhe ñāṇaṃ atthapaṭisambhidā, dukkhanirodhagāminiyā paṭipadāya ñāṇaṃ dhammapaṭisambhidā”ti¹. **Atthoti** hi hetuphalam. **Dhammoti** hetūti. Purimapacchimānaṃ purime sasampayuttā vuttā, pacchime kevalā. Purime viya pana pacchime atthepe ariyamaggasīsenā sabbalokuttarakusalacittuppādā gahetabbā. Dutiye atthavikappe “ācayaṃ gāmino”ti vattabbe anunāsikalopo katoti daṭṭhabbo. Ācinantīti vā ācayā, ācayā hutvā gacchanti pavattantītepi attho daṭṭhabbo.

11. Satta pana sekkhā sikkhanasīlāti sekkhā, tesam imeti **sekkhā**, aññāsādhāraṇā maggaphalattayadhammā. **Sayameva sikkhantīti** sikkhanasīlānametaṃ nidassanaṃ. Ye hi dhammā sikkhanti, te sikkhanasīlā hontīti. Akkharattho pana sikkhā etesaṃ sīlanti sekkhāti. **Na sekkhāti** yattha sekkhabhāvāsāṅkā atthi, tatthāyaṃ paṭisedhoti

1. Abhi 2. 307 piṭṭhe.

lokiyanibbānesu asekkhabhāvānāpatti daṭṭhabbā. Silasamādhipaññāsaṅkhātā hi sikkhā attano paṭipakkhakilesehi vippamuttā parisuddhā upakkilesānaṃ ārammaṇabhāvampi anupagamanato etā sikkhāti vattum yuttā aṭṭhasu maggaphalesu vijjanti, tasmā catumaggahetṭhimaphalattayadhammā viya arahattaphaladhammāpi tāsū sikkhāsu jātāti ca, taṃsikkhāsamaṅgino arahato itaresaṃ viya sekkhatte sati sekkhassa eteti ca, sikkhā sīlaṃ etesanti ca sekkhāti āsaṅkitabbā siyunti tadāsaṅkānivattanatthaṃ “asekkhā”ti yathāvuttasekkhabhāvapaṭisedho kato. Arahattaphale hi pavattamānā sikkhā pariniṭṭhitasikkhākiccattā na sikkhākiccaṃ karonti, kevalaṃ sikkhāphalabhāveneva pavattanti, tasmā tā na sikkhāvacaṇaṃ arahanti, nāpi taṃsamaṅgino sekkhavacaṇaṃ, na ca taṃsampayuttā sikkhanasīlāti sikkhāsu jātāti-ādi-atthehi aggaphaladhammā sekkhā na honti, hetṭhimaphalesu pana sikkhā sakadāgāmimagavipassanādīnaṃ upanissayabhāvato sikkhākiccaṃ karontīti sikkhāvacaṇaṃ arahanti, taṃsamaṅgino ca sekkhavacaṇaṃ, taṃsampayuttā ca sikkhanasīlavuttīti tattha dhammā yathāvuttehi atthehi sekkhā honti eva.

Sekkhāti vā apariyositasikkhā dassitā. Anantameva “asekkhā”ti vacaṇaṃ pariyositasikkhānaṃ dassananti na lokiyanibbānānaṃ asekkhatāpatti. **Vuddhippattā vā sekkhāti** etasmim atthe sekkhadhammesu eva kesañci vuddhippattānaṃ asekkhatā āpajjati, tena arahattamaggadhammā vuddhippattā ca yathāvuttehi ca atthehi sekkhāti katvā asekkhā āpannāti? Na, taṃsadisesu tabbohārā. Arahattamaggato hi ninnānākaraṇaṃ arahattaphalaṃ ṭhapetvā pariññādikiccakaraṇaṃ vipākabhāvañca, tasmā te eva sekkhā dhammā arahattaphalabhāvaṃ āpannāti sakkā vattum, kusalasukhato ca vipākasukhaṃ santataratāya paṇītataranti vuddhippattā ca te dhammā hontīti **asekkhāti** vuccantīti.

12. Kilesavikkhambhanāsamatthatādīhi **parittā**. “Kilesa -pa- tāyā”ti atthattayampi kusalesu yujjati, vipākakiriyesu dīghasantānatāva. Pamāṇakarehi vā oḷārikehi kāmataṇhādīhi paricchinnā **parittā**. Tehi aparicchinnattā sukhumehi rūpataṇhādīhi paricchinnā pamāṇamahattaṃ gatāti **mahaggatā**. Aparicchinnā **appamāṇā**.

14. **Atappakattthenā**ti divasampi paccavekkhiyamānā lokuttaradhammā tittim na janenti samāpajjiyamānāpi phaladhammāti.

15. Mātughātādīsu pavattamānāpi hitasukhaṃ icchantāva pavattantīti te dhammā hitasukhāvahā me bhavissantīti āsītā honti, tathā asubhāsukhāniccānattesu subhādivipariyāsadalhatāya ānantariyakammaniyatamicchādīṭṭhīsu pavatti hotīti te dhammā asubhādīsu subhādiviparītappavattikā honti. **Micchāsabhāvā**ti musāsabhāvā. Anekesu ānantariyesu katesu yaṃ tattha balavaṃ, taṃ vipaccati, na itarānīti ekantavipākajanakatāya niyatatā na sakkā vattunti **“vipākadāne sati”**ti-ādimāha. Tattha **khandhabhedānantaranti** cuti-anantaram. Cuti hi **marañaniddese**¹ “khandhānaṃ bhedo”ti vuttāti. Etena vacanena sati phaladāne cuti-anantaro eva, na añño etesaṃ phalakālōti phalakālaniyameneva niyatatā vuttā hoti, na phaladānaniyamenāti niyataphalakālānaṃ aññesampi upapajjavedanīyānaṃ dīṭṭhadhammavedanīyānampi niyatatā āpajjati, tasmā vipākadhammadhammānaṃ paccayantaravikalatādīhi avipaccamānānampi attano sabhāvena vipākadhammatā viya balavatā ānantariyena vipāke dinne avipaccamānānampi ānantariyānaṃ phaladāne niyatasabhāvā ānantariyasabhāvā ca pavattīti attano sabhāvena phaladānaniyameneva niyatatā ānantariyatā ca vedītabbā. Avassañca niyatasabhāvā ānantariyasabhāvā ca tesāṃ pavattīti sampañcchitabbametāṃ aññassa balavato ānantariyassa abhāve cuti-anantaram ekantena phaladānato.

Nanu evaṃ aññesampi upapajjavedanīyānaṃ aññasmiṃ vipākadāyake asati cuti-anantameva ekantena phaladānato ānantariyasabhāvā niyatasabhāvā ca pavatti āpajjati? Nāpajjati asamānājātikena cetopaṇidhivasena upaghātakena ca nivattetabbavipākattā anantarekantaphaladāyakattābhāvā, na pana ānantariyakānaṃ paṭhamajjhānādīnaṃ dutiyajjhānādīni viya asamānājātikāṃ phalanivattakāṃ atthi sabbānantariyakānaṃ avīciphalattā, na ca heṭṭhu papattim icchato sīlavato cetopaṇidhi viya uparūpapattijanakaṃ kammaphalaṃ ānantariyakaphalaṃ nivattetuṃ

1. Abhi 2. 104 piṭṭhe.

samattho cetopañidhi atthi anicchantasseva avīcipātanato, na ca ānantariyakopaghātakam kiñci kammaṃ atthi, tasmā tesameva anantarekantavipākajanakasabhāvā pavattīti.

Anekāni ca ānantariyakāni katāni ekante vipāke sanniyatattā uparatāvīpaccanasabhāvāsāṅkattā nicchitāni sabhāvato niyatāneva. Cuti-anantaram pana phalam anantaram nāma tasmim anantare niyuttāni tannibbattanena anantarakaraṇasīlāni anantarappayojanāni cāti sabhāvato ānantariyakāneva ca honti. Tesu pana samānasabhāvesu ekena vipāke dinne itarāni attanā kattabbassa kiccassa teneva katattā na dutiyam tatiyampi ca paṭisandhim karonti, na samatthatāvighātattāti natthi tesam niyatānantariyatānivattīti. Na hi samānasabhāvam samānasabhāvassa samatthatam vihanatīti. Ekassa pana aññānipi upatthambhakāni hontīti daṭṭhabbānīti. **Sammā sabhāvā**ti saccasabhāvā.

16. Paripuṇṇamaggakiccattā cattāro ariyamaggāva idha “maggā”ti vuttā. **Paccayaṭṭhenā**ti maggapaccayaṭṭhena. Nikkhepakaṇḍepi hi ye maggapaccayam labhanti, na pana sayam maggapaccayabhāvam gacchanti, te maggahetukāti dassetuṃ “ariyamaggasamaṅgissa maggaṅgāni ṭhapetvā”ti-ādi¹ vuttam. Yo pana tattheva “ariyamaggasamaṅgissa alobho adoso amoho, ime dhammā maggahetū”ti¹ ādinayo vutto, tam dassetuṃ “**maggasampayuttā vā**”ti-ādi vuttam. “Ariyamaggasamaṅgissa sammādiṭṭhi maggo ceva hetu cā”ti-ādinā¹ pana vuttanayam dassetuṃ “**sammādiṭṭhi sayan**”ti-ādimāha. Tattha pana asaṅgahitasāṅgaṇhanavasena paṭipāṭiyā tayo nayā vuttā, hetubahutāvasena tatiyo nayo idha dutiyo vutto.

Abhibhavitvā pavattanattṭhenāti saha-jātādhipatipi pubbābhisaṅkhārasena jeṭṭhakabhāve pavattamāno saha-jāte attano vase anuvattayamāno te abhibhavitvā pavattati, ārammaṇādhipatipi tadārammaṇe dhamme tatheva attānam anuvattayamāno te dhamme abhibhavitvā ārammaṇabhāvena pavattati, na paccuppannabhāvena, tasmā adhipatidvayampi saṅgahitanti veditabbam. “Maggo adhipati etesan”ti ayañca attho nikkhepakaṇḍe

1. Abhi 1. 212 piṭṭhe.

udāharaṇavasena āgataṃ atthanayaṃ gahetvā vutto. Yasmā pana **paṭṭhāne**¹ “maggādhipatiṃ dhammaṃ paṭicca maggādhipati dhammo uppajjati nādhipatipaccayā, maggādhipatī khandhe paṭicca maggādhipati adhipatī”ti vuttaṃ, tasmā maggo adhipati maggādhipatīti ayampi attho pāḷiyaṃ sarūpekasesavasena samānasaddatthavasena vā saṅgahitoti veditaḅbo.

17. **Anuppannā**ti etena sabbo uppannabhāvo paṭisiddho, na uppannadhammabhāvo evāti tena uppannā vigatā atītāpi na saṅgahitāti daṭṭhabbā. Yadi hi saṅgahitā siyūṃ, “anuppanno dhammo uppannassa dhammassa anantarapaccayena paccayo”ti evamādi vucceyya, na tu vuttanti. Anāgatāni vipākakaṭattārūpāni atīte anāgate vā kamme purimanipphanne eva uppajjissanti, nānipphaneti pariniṭṭhitakāraṇekadesāneva honti, tasmā tāni “**avassaṃ uppajjissanti uppadino dhammā**”ti vuccanti.

18. **Attano sabhāvanti** kakkhaḷaphusanādisabhāvaṃ.

20. **Evam pavattamānā**ti evaṃ cakkhādibhāvena phusanādibhāvena ca ekasantatipariyāpannatāvasena pavattamānā. Attānaṃ adhi **ajjhattāti adhi-**saddo samāsavisaye adhikāratthaṃ pavatti-atthaṅca gahetvā pavattatīti attānaṃ adhikicca uddissa pavattā **ajjhattā**. **Tenā**ti yassa jhānā vuṭṭhahitvā ajjhattaṃ bahiddhā ajjhattabahiddhā ca suññataṃ āneñjaṅca manasikaroto ajjhattasuññatādisu cittaṃ na pakkhandati na pasīdati na santiṭṭhati nādhimuccati, yo ca itīha tattha sampajāno, **tena bhikkhunā**. **Tasmimyeva purimasmiṃ samādhinimitteti** paṭhamajjhānādisamādhinimitteti. **Ajjhattamevā**ti jhānagocare kaṣiṇādimhi. **Cittaṃ saṅghapetabbanti** paṭhamajjhānādicittaṃ saṅghapetabbaṃ. **Ajjhattaratoti** gocarajjhatte nibbāne rato, samādhigocare kammaṭṭhāne vā rato. “Samāhito eko santusito tamāhu bhikkhun”ti² gāthāseso.

Ajjhattaṃ sampasādananti ettha jhānaṃ sakasantatipariyāpannatā “ajjhattan”ti vuttanti niyakajjhattattho ajjhattasaddo hoti. **Ajjhattanti** sakasantatiniyataṃ. Ajjhatte bhavā **ajjhattikā**ti niyakajjhattesupi abbhantarā cakkhādayo vuccanti. Ettha pana ajjhattika-saddo cakkhādisu pavattamāno

1. Abhi 9. 388 piṭṭhe.

2. Khu 1. 65 piṭṭhe.

dassito na ajjhattasaddo, atthi ca ajjhatta-ajjhattikasaddānaṃ bahiddhābāhīrasaddānaṃ viya viseso. Ajjhattikasaddo hi saparasantānikesu sabbesu cakkhādīsu rūpādīsu bāhira-saddo viya pavattati, ajjhatta-saddo pana sakasantānikesveva cakkhurūpādīsu tato aññesveva bahiddhāsaddo viya pavattatīti tasmā saddato atthato ca asamānattā na idamettha udāharaṇaṃ yuttanti. Ayaṃ panettha adhippāyo daṭṭhabbo—ajjhatte bhavā ajjhattikāti ayañhi vacanatto. Yañca ajjhatte bhavaṃ, tena ajjhatteneva bhavitabbaṃ, tena taṃvācākassa ajjhatta-saddassa ajjhattikasaddassa ca samānatthata. Ubhinnampi saddānaṃ samānatthabhāvato ajjhattajjhatte pavattamāne ajjhattika-sadde ajjhatta-saddo tattha pavattoti sakkā vattanti.

Ayaṃ kho panānanda vihāroti vihārasuññatāsutte¹ saṅgaṇikārāmatāya rūpādiratīyā ca ādīnavaṃ vatvā tappaṭipakkhavihāradassanattaṃ vuttaṃ. **Ajjhattaṃ suññatanti** visayabhūtaṃ issariyaṭṭhānabhūtaṃ suññataṃ, suññatāphalasaṃpattinti attho. Cittissarā hi buddhā bhagavanto dhammaṃ desetāpi yaṃ muhuttaṃ tuṅhī bhavitabbaṃ hoti, taṃ muhuttaṃ phalasaṃpattim samāpajjanti, pageva aññasmiṃ kāle, tasmā sabbatthāpi issariyānaṃ bahulaṃ phalasaṃpattiyānaṃ issariyassa pavattanato phalasaṃpatti “issariyaṭṭhānaṃ”ti vuttā. Arahattaphalādhigamena vā tathāgatānaṃ issariyaṃ nibbattaṃ taṃjanakeneva maggenāti taṃ tesānaṃ issariyaṭṭhānaṃ. Visayo ca anaññatthabhāvova yathā “ākāse sakuṇā udake macchā”ti, buddhā ca aññattha dissamānāpi vivekapabbhāratāya phalasaṃpattininnāva, tena tassā tassā kiriyāya anantaraṃ phalasaṃpattiyāmyeva bhavantīti sā tesānaṃ visayo, tabbisayatā ca **saccakasuttena**² dīpetabbā.

22. Yesānaṃ daṭṭhabbabhāvo atthi, te **sanidassanā**.

Cakkhuvīññāṇagocarabhāvova daṭṭhabbabhāvo, tassa rūpāyatanā anaññattepi aññehi dhammehi rūpāyatanānaṃ visesetuṃ aññaṃ viya katvā “**saha nidassanenāti sanidassanā**”ti vuttaṃ. Dhammasabhāvasāmaññaṃ hi ekībhūtesu dhammesu yo nānattakaro sabhāvo, so añño viya katvā upacaritum

1. Ma 3. 153 piṭṭhe.

2. Ma 1. 299 piṭṭhe.

yutto. Evañhi atthavisesāvabodho hotīti. Sayañca nissayavasena ca sampattānaṃ asampattānañca paṭimukhabhāvo aññamaññapataṇaṃ paṭihanaṇabhāvo, yena byāpārādivikārapaccayantarasaḥitesu cakkhādīnaṃ visayesu vikāruppatti.

Tikamātikāpadavaṇṇanā niṭṭhitā.

Dukamātikāpadavaṇṇanā

1-6. **Mūlaṭṭhenā**ti suppatiṭṭhitabhāvasādhanena mūlabhāvena, na paccayamattaṭṭhena. Hetudhammā hetū dhammāti samāsasamāsaniddesabhāvo dvinnaṃ pāṭhānaṃ viseso. **Tathevā**ti sampayogato. Sahetukānaṃ hetusampayuttabhāvato “**sampayogato**”ti vuttanti veditabbaṃ, na sahasaddassa sampayogatthattā. **Saha**-saddo pana ekapuñje uppādato yāva bhaṅgā sahetukānaṃ hetūhi samānadesagahaṇānaṃ hetu-ādisabbhāvaṃ dīpeti, **sampayutta**-saddo ekuppādādivasena saha hetūhi ekībhāvupagamaṇaṃ, tato eva ca dvinnaṃ dukānaṃ nānattaṃ veditabbaṃ. Dhammanānattābhāvepi hi padatthanānattena dukantaraṃ vuccati. Na hi hetudukasaṅgahitehi dhammehi aññe sahetukadukādīhi vuccanti, te eva pana sahetukāhetukādībhāvato sahetukadukādīhi vuttā. Evaṃ sahetukadukasaṅgahitā eva hetusampayuttavippayuttabhāvato hetusampayuttadukena vuttā. Na hi dhammānaṃ avuttatāpekkhaṃ dukantaravacananti natthi punaruttidoso. Desetabbappakārajānanañhi desanāvīlāso tathā desanāññāñcāti. Tena dhammānaṃ tappakāratā vuttā hoti. Sakalekadesavasena paṭhamadukaṃ dutiyatatiyehi saddhim yojtvā catutthādayo tayo dukā vuttā. Sakalañhi paṭhamadukaṃ dutiyadukekadesena sahetukapadena tatiyadukekadesena hetusampayuttapadena ca yojtvā yathākkamaṃ catutthapañcamadukā vuttā, tathā paṭhamadukekadesaṃ nahetupadaṃ sakalena dutiyadukena yojtvā chaṭṭhaduko vutto. **Idampi sambhavatī**ti etena avuttampi sambhavavasena dīpitanti dasseti. Sambhavo hi gahaṇassa kāraṇanti. Yathā hetusahetukāti idaṃ sambhavatīti katvā gahitaṃ, evaṃ hetu-ahetukāti idampi sambhavatīti katvā gahetabbamevāti evaṃ aññatthāpi yojetabbaṃ.

Evam paṭhamadukam dutiyatatiyadukesu dutiyapadehi yojetvā “hetū ceva dhammā ahetukā ca, ahetukā ceva dhammā na ca hetū, hetū ceva dhammā hetuvippayuttā ca, hetuvippayuttā ceva dhammā na ca hetū”ti ye dve dukā kātabbā, tesam sambhavavaseneva saṅgaham dassetvā **kho pana-** padena aparesampi dukānam saṅgaham dassetum “**tatra yadetan**”ti-ādimāha. **Tatrā**ti pāḷiyam. **Ayam atirekatthoti** idāni yaṃ vakkhati, tamatthamāha. Tattha pana **aññepi aññathāpī**ti etesam visum pavattiyā dve dukā dassitā, saha pavattiyā pana ayampi duko veditabbo “hetū ceva dhammā hetusampayuttāpi hetuvippayuttāpī”ti, etesu pana pañcasu dukesu dutiyadukena tatiyaduko viya, catutthadukena pañcamaduko viya ca chaṭṭhadukena ninnānatthattā “na hetu kho pana dhammā hetusampayuttāpi hetuvippayuttāpī”ti ayam duko na vutto. Dassitaninnānatthanayo hi so purimadukehīti. Itaresu catūsu hetū ceva ahetukadukena samānatthattā hetū ceva hetuvippayuttaduko, hetusahetukadukena samānatthattā hetuhetusampayuttaduko ca nahetuhetusampayuttaduko viya na vattabbo. Tesu pana dvīsu pacchimaduke “hetū kho pana dhammā sahetukā”ti padaṃ catutthaduke paṭhamapadena ninnānakaraṇattā na vattabban, “hetū kho pana dhammā ahetukā”ti padaṃ “hetū ceva dhammā ahetukā”ti etena ninnānatthā na vattabban. Avasiṭṭhe pana ekasmiṃ duke “ahetukā ceva dhammā na ca hetū”ti padaṃ chaṭṭhaduke dutiyapadena ekatthattā na vattabban. Idāni “hetū ceva dhammā ahetukā cā”ti idamevekaṃ padaṃ avasiṭṭham, na ca ekena padena duko hotīti hañca na vuttanti. Catutthaduke dutiyapadena pana samānatthassa chaṭṭhaduke paṭhamapadassa vacanam dukapūraṇattham, etena vā gatidassanena sabbassa sambhavantassa saṅgaho katoti daṭṭhabbo. Tathā hi sabbo sambhavaduko paṭhamaduke dutiyatatiyadukapakkkhepena dassito, tesu ca paṭhamadukapakkkhepenāti.

7-13. Samānakālena asamānakālena kālavimuttana ca paccayena nipphannānam paccayāyattānam paccayabhāvamattana tesam paccayānam atthitam dīpetum **sappaccaya**vacanam, na sahetukavacanam viya samānakālānameva, nāpi sanidassanam viya tamsabhāvassa anattantarabhūtassa. **Saṅkhata**-saddo pana

sameteḥi nipphāditabhāvaṃ dīpetīti ayametesam̐ viseso dukantaravacane kāraṇam̐. Ettha ca **appaccayā asaṅkhatā**ti bahuvacananiddeso avinicchitatthaparicchedadassanavasena mātikāṭṭhapanato katoti veditabbo. Uddesena hi kusalādisabhāvānaṃ dhammānaṃ atthitāmatthaṃ vuccati, na paricchediti aparicchadena bahuvacanena uddeso vuttoti. **Rūpanti** rūpāyatanam̐ pathaviyādi vā. Purimasmiṃ atthavikappe rūpāyatanassa asaṅgahitatā āpajjatīti **ruppanalakkhaṇam̐ vā rūpanti** ayam̐ atthanayo vutto. Tattha **rūpanti** ruppanasabhāvo. Na lujjati na palujjatīti yo gahito tathā na hoti, so lokoti taṅgahaṇarahitānaṃ lokuttarānaṃ natthi lokatā. Dukkhasaccam̐ vā loko, tattha teneva lokasabhāvena veditāti **lokiyā**.

Evam̐ sante cakkhuviññāṇena vijānitabbassa rūpāyatanassa teneva navijānitabbassa saddāyatanādikassa ca nānattā dvinnampi padānaṃ atthanānattato duko hoti. Evam̐ pana duke vuccamāne dukabahutā āpajjati, yattakāni viññāṇāni, tattakā dukā vuttā samattā ṭhapetvā sabbadhammārammaṇāni viññāṇāni. Tesu ca dukassa pacchedo āpajjati, tathā ca sati “kenacī”ti padaṃ sabbaviññāṇasaṅgāhakaṃ na siyā, niddesena ca viruddham̐ idaṃ vacanaṃ. Yo ca tattha “ye te dhammā cakkhuviññeyyā, na te dhammā sotaviññeyyāti ayam̐ duko na hotī”ti paṭisedho kato, so ca katham̐ yujjeyya. Na hi samatthā aṭṭhakathā pāḷim̐ paṭisedhetunti, na ca **kenaci**-saddassa tenevāti ayam̐ padattho sambhavati, “**kenacī**”ti etassa ādipadassa aniyamitaṃ yaṃ kiñci ekaṃ padattho, taṃ vatvā vuccamānassa “**kenacī**”ti dutiyapadassa yaṃ kiñci aparaṃ aniyamitaṃ padatthoti lokasiddhametaṃ, tatheva ca niddeso pavatto, na cettha viññātabbadhammabhedenā dukabhedo samatto āpajjati yattakā viññātabbā, tattakā dukāti, tasmā natthi dukabahutā. Na hi ekaṃyeva viññātabbam̐ kenaci viññeyyam̐ kenaci na viññeyyañca, kintu aparaṃpi aparaṃpīti sabbaviññātabbasaṅgahe duko samatto hoti, evañca sati “kenacī”ti padaṃ aniyamena sabbaviññāṇasaṅgāhakanti siddham̐ hoti, viññāṇanānattena ca viññātabbam̐ bhinditvā ayam̐ duko vutto, na viññātabbānaṃ atthantarātāyāti. Etassa pana dukassa nikkheparāsinniddeso

dukasaṅgahitadhammekadesesu dukapadadvayappavattidassanavasena pavatto. Atthuddhāraniddeso niravasesadukasaṅgahitadhammadassanavasenāti veditabbo.

14-19. **Cakkhutopi -pa- manatopīti** cakkhuviññāṇādivīthīsu tadanugatamanoviññāṇavīthīsu ca kiñcāpi kusalādīnampi pavatti atthi, kāmāsavādayo eva pana vaṇato yūsaṃ viya paggharaṇaka-asucibhāvena sandanti, tasmā te eva “**āsavā**”ti vuccanti. Tattha hi paggharaṇaka-asucimhi niruḷho āsavasaddoti. **Dhammato yāva gotrabhūnti** tato paraṃ maggaphalesu appavattito vuttam. Ete hi ārammaṇakaraṇavasena dhamme gacchantā tato paraṃ na gacchantīti. Nanu tato paraṃ bhavaṅgādīnipi gacchantīti ce? Na, tesampi pubbe ālambitesu lokiyadhammesu sāsavabhāvena antogadhattā tato paratābhāvato. Ettha ca gotrabhuvacanena gotrabhuvodānaphalasangamāpattipurecārikaparikkammāni vuttānīti veditabbāni, paṭhamamaggapurecārikameva vā gotrabhu avadhīnidassanabhāvena gahitam, tato paraṃ maggaphalasangamānatāya pana aññesu maggesu maggavīthiyāṃ phalasangamāpattivīthiyāṃ nirodhānantaraṅca pavattamānesu phalesu nibbāne ca pavatti nivāritā āsavānanti veditabbā. **Savantīti** gacchanti. Duvidho hi avadhī abhividhivīsayo anabhividhivīsayo ca. Abhividhivīsayam kiriyā byāpetvā pavattati “ābhavaggā bhagavato yaso gato”ti, itaram bahi katvā “āpāṭaliputtā vuṭṭho devo”ti. Ayaṅca ā-kāro abhividhī-attho idha gahitoti “**antokaraṇattho**”ti vuttam.

Ciraparivāsīyattho ciraparivutthatā purāṇabhāvo. **Ādi-saddena** “purimā bhikkhave koṭi na paññāyati bhavataṇhāyā”ti¹ idam suttam saṅgahitam. Avijjāsavabhavāsavānaṅca ciraparivutthatāya dassitāya tabbhāvabhāvīnam kāmāsavadiṭṭhāsavānaṅca ciraparivutthatā dassitā hoti. Aññesupi yathāvutte dhamme okāsaṅca ārammaṇam katvā pavattamānesu mānādīsu vijjamānesu attattaniyādiggāhasena abhibyāpanam madakaraṇavasena āsavasadisatā ca etesaṃyeva, nāññesanti etesveva āsavasaddo niruḷho daṭṭhabbo. Āyatam vā savanti phalantīti

1. Am 3. 348 piṭṭhe.

āsāvā. Na hi kiñci saṃsāradukkhaṃ āsavehi vinā uppajjamānaṃ atthīti. Ārammaṇabhāvena ye dhammā vaṇo viya āsave paggharanti, te asampayoge atabbhāvepi saha āsavehīti **sāsavā**, āsavavantoti attho.

Osānaduke “no āsavā kho panā”ti avatvā “**āsavavippayuttā kho panā**”ti vacanaṃ sāsavānaṃ sahetukānaṃ viya sampayuttehi taṃsahitatā na hotīti dassanattamaṃ. Evaṃ sesagocchakesupi yathāsambhavaṃ vippayuttaggahaṇe payojanaṃ datṭhabbaṃ. Apica “no āsavā kho pana dhammā sāsavā”ti idaṃ padaṃ catutthaduke dutiyapadena ninnānaṃ, na ca ekena duko hoti, tasmā āsavavippayuttapadameva gahetvā osānadukayojanā ñāyāgatāti katā. Hetugocchake pana hetuvippayuttānaṃ sahetukatā natthīti te gahetvā dukayojanāya asakkuṇeyyattā nahetupadaṃ gahetvā osānadukayojanā katā. Ye vā pana paṭhame duke dutiyassa pakkhepe eko, tatiyassa dve paṭhamassa dutiye eko, tatiye dve, dutiyassa tatiye eko, dutiye ca tatiyassa ekoti aṭṭha dukā labbhanti, tesu tīhi itare ca nayato dassitāti veditabbā. Esa nayo sesagocchakesupi.

20-25. Kilesakammavipākavaṭṭānaṃ paccayabhāvena tattha saṃyojenti, satipi aññesaṃ tappaccayabhāve na vinā saṃyojanāni tesam tappaccayabhāvo atthi, orambhāgiyuddhambhāgiyasaṅgahitehi ca taṃtambhavanibbattakakammaniyamo bhavaniyamo ca hoti, na ca upacchinnasaṃyojanassa katānipi kammāni bhavaṃ nibbattenti. Saṃyojetabbāti vā **saṃyojanīyā**, saṃyojane niyuttāti vā. Dūragatassapi ākaḍḍhanato nissarituṃ appadānavasena bandhanaṃ saṃyojanaṃ, ganthakaraṇaṃ saṅkhalikacakkalakānaṃ viya paṭibaddhataḅkaraṇaṃ vā ganthanaṃ gantho, saṃsilisakaraṇaṃ yojanaṃ yogoti ayametesam visesoti veditabbo. Dhammānaṃ sabhāva kiccavisesaññunā pana bhagavatā sampayuttesu ārammaṇesu tappaccayesu ca tehi tehi nipphādiyamānaṃ taṃ taṃ kiccavisesaṃ passantena te te dhammā tathā tathā āsavasaṃyojanaganthādivasena vuttāti “kimatthaṃ eteyeva dhammā evaṃ vuttā, kasmā ca vuttā eva puna vuttā”ti na codetabbametaṃ.

26-37. **Ganthaniyā**ti ettha ayamañño attho “ganthakaraṇaṃ ganthanaṃ, ganthane niyuttāti ganthaniyā, ganthayitum sakkuṇeyyā, ganthayitum arahantīti vā ganthaniyā”ti. Evaṃ oghaniyādīsupi daṭṭhabbam. Tenātikkatatīti etaṃ dhātuvattham gahevā **oghaniyā**ti padasiddhi katā.

50-54. Dhammasabhāvaṃ aggahetvā parato āmasantīti **parāmāsā**. **Paratoti** niccādito. **Āmasantīti** sabhāvapaṭisedhena parimajjanti.

55-68. Sabhāvato vijjamānaṃ avijjamānaṃ vā vicittasaññāya saññitaṃ ārammaṇaṃ aggahetvā appavattito ālambamānā dhammā **sārammaṇā**. Cintanaṃ gahaṇaṃ ārammaṇūpaladdhi. Cetasi niyuttā, cetasā saṃsaṭṭhā vā **cetasikā**. Dubbiññeyyanānattatāya ekībhāvamivupagamaṇaṃ nirantarabhāvupagamaṇaṃ. Yesaṃ rūpānaṃ cittaṃ sahaḷāpaccayo hoti, tesāṃ cittaṃ ca suviññeyyanānattanti nirantarabhāvānupagamaṇaṃ veditabbam. **Ekato vattamānāpīti api**-saddo ko pana vādo ekato avattamānāti etamattham dīpeti. Idamettha vicāretabbam—
avinibbhogarūpānaṃ kiṃ aññamaññaṃ saṃsaṭṭhatā, udāhu visāsaṭṭhatāti? Visuṃ ārammaṇabhāvena suviññeyyanānattatā na saṃsaṭṭhatā, nāpi visāsaṭṭhatā saṃsaṭṭhāti anāsaṅkaṇīyasabhāvattā. Catunnañhi khandhānaṃ aññamaññaṃ saṃsaṭṭhasabhāvattā rūpanibbānehipi so saṃsaṭṭhabhāvo atthi natthīti siyā āsaṅkā, tasmā tesāṃ itarehi, itaresañca tehi visāsaṭṭhasabhāvattā vuccati, na pana rūpānaṃ rupehi katthaci saṃsaṭṭhatā atthīti tadāsaṅkābhāvato visāsaṭṭhatā ca rūpānaṃ rupehi na vuccatīti. Esa hi tesāṃ sabhāvoti. **Cittasaṃsaṭṭhasamuṭṭhānā**dipadesu saṃsaṭṭhasamuṭṭhānādisaddā cittaṃsaddāpekkhāti paccekam cittaṃsaddasambandhattā cittaṃsaṃsaṭṭhā ca te cittaṃsamuṭṭhānā cāti paccekam yojetvā attho vutto. **Upādiyantevā**ti bhūtāni gaṇhanti eva, nissayanti evāti attho. Yathā bhūtāni upādiyanti gayhanti nissīyanti, na tathā etāni gayhanti nissīyanti, tasmā **upādā**. Atha vā bhūtāni amuñcitvā tesāṃ vaṇṇanibhādibhāvena gahebbato **upādā**.

75-82. **Samkiliṭṭhattike vuttanayenā**ti sam-saddam apanetvā kilisantīti kilesāti-ādinā nayena.

83-100. **Kāmāvacarā**dīsu ayamaparo attho—kāmataṇhā kāmo, evaṃ rūpārūpataṇhā rūpaṃ arūpaṇca. Ārammaṇakaraṇavasena tāni yattha avacaranti, te **kāmāvacarā**dayoti. Evañhi sati aññabhūmīsu uppajjamānānaṃ akāmāvacarādītā kāmāvacarādītā ca nāpajjatīti siddhaṃ hoti.

Nikkhepakandēpi “etthāvacarā”ti vacanaṃ

avīciparanimmitaparicchinnokāsāya kāmataṇhāya ārammaṇabhāvaṃ sandhāya vuttanti veditabbaṃ, tadokāsātā ca taṇhāya tanninnatāya veditabbā. Yadi pariyāpannasaddassa antogadhāti ayamattho, maggādidhammānaṃca lokuttarantogadhattā pariyāpannatā āpajjati. Na hi “pariyāpannā”ti ettha tebhūmakagahaṇaṃ atthiti? Nāpajjati sabbadā pavattamānassa paccakkhassa lokassa vasena pariyāpannicchayato. Atha vā paricchedakārikāya taṇhāya paricchinditvā āpannā paṭipannā gahitāti **pariyāpannā**.

Anīyasaddo bahulā¹ kattu-abhidhāyakoti vaṭṭacārakato niyyantīti niyyānīyā, nī-kārassa rassattaṃ ya-kārassa ca ka-kārattaṃ katvā “**niyyānikā**”ti vuttaṃ, niyyānakaraṇasīlā vā **niyyānikā**. Uttaritabbassa aññassa niddiṭṭhassa abhāvā niddisiyamānā sa-uttarā dhammāva uttaritabbāti “**attānan**”ti āha. **Rāgādīnanti** rāgādīnaṃ dasannaṃ kilesānaṃ sabbaniyatākusalānaṃ vā. Tehi nānappakāradukkhanibbattakehi abhibhūtā sattā kandanti akandantāpi kandanakāraṇabhāvato. Yasmā pana pahānekaṭṭhatāvasena ca “**saraṇā**”ti āha, tasmā “rāgādīnan”ti vacanena rāgadosamohāva gahitāti nāyati. **Raṇa**-saddo vā rāgādireṇūsu nirulho daṭṭhabbo, raṇaṃ vā yuddhaṃ, “kāmā te paṭhamā senā”ti² evamādikā ca akusalā senā ariyamaggayuddhena jetabbattā sayuddhattā “**saraṇā**”ti vuccantīti. **Araṇavibhaṅgasutte**³ pana sadukkhā sa-upaghātā sa-upāyāsā sapaṭiḷhā micchāpaṭipadābhūtā kāmasukhānuyogādayo “saraṇā”ti vuttātidukkhādīnaṃ raṇabhāvo tannibbattakasabhāvānaṃ akusalānaṃ saraṇatā ca veditabbā.

Piṭṭhidukā samattā.

1. Bahulaṃ (Ka)

2. Khu 1. 342; Khu 7. 73, 135, 259; Khu 8. 114 piṭṭhesu.

3. Ma 3. 274 piṭṭhe.

Suttantikadukamātikāpadavaṇṇanā

101-108. Vijjārāsantogadhadhammā vijjāsabhāgatāya tadekadese vijjakoṭṭhāse vattantīti vuttā. Vajirassa yattha taṃ patati, tattha abhejjaṃ nāma kiñci maṇipāsāṇādi natthi, na ca tena gamanamaggo viruhati, evameva arahattamaggena yattha so uppajjati, tasmim̐ santāne abhejjo kilesa nāma natthi, na ca bhinno pana viruhatīti vajirupamatā vedivabbā. **Tadupacārena bālā** yathā “mañcā ghosantī”ti. **Kaṇhābhijātīti** apāyā vuccanti manussesu ca dobhaggiyaṃ. Tapanassa vā dukkhassa hitāti **tapaniyā**.

Dāsādīsupi sirivaḍḍhakādisaddā viya atathattā vacanamattameva adhikāraṃ katvā pavattā **adhivacanā**. Yasmā pana adhvavananiruttipaṇṇattipadāni samānatthāni, sabbañca vacanaṃ adhvavanādibhāvaṃ bhajati, tasmā tesupi vacanavisesesu visesena pavattehi adhvavanādisaddehi sabbāni vacanāni atthappakāsanasāmaññena vuttānīti etenādhippāyena ayaṃ atthayojanā katāti veditabbā. Atha vā **adhi**-saddo uparibhāve, uparivacanaṃ **adhivacanaṃ**. Kassa upari? Pakāsetabbassa atthassāti viditovāyamattho. Adhīnaṃ vā vacanaṃ **adhivacanaṃ**. Kena adhīnaṃ? Atthena. Tathā taṃtaṃ-atthappakāsaṇe nicchitaṃ, niyataṃ vā vacanaṃ **nirutti**. Pathavīdhātupurisādi-taṃtaṃpakārena nāpanato **paññattīti** evaṃ adhvavanādīpadānaṃ sabbavacanesu pavatti veditabbā. Aññathā sirivaḍḍhakadhanavaḍḍhakappakārānameva abhilāpānaṃ adhvavanatā, abhisankharontīti evaṃ pakārānameva niddhāraṇavacanānaṃ niruttikā, takko vitakkoti evaṃ pakārānameva ekamevatthaṃ tena tena pakārena nāpentānaṃ paññattitā ca āpajjeyyāti.

109-118. Phasso vedanāti sabbadāpi arūpadhammānaṃ phassādināmakattā pathaviyādīnaṃ kesakumbhādīnāmantarāpatti viya nāmantarānāpajjanato ca sadā attanāva katanāmatāya catukkhandhanibbānāni **nāmakaraṇatṭhena nāmaṃ**. **Namanaṃ** avinābhāvato ārammaṇābhimukhatā, namanahetubhūtā **nāmanaṃ**. Atha vā adhvavanasamphasso viya adhvavananaṃ nāmamantarena ye anupacitabodhisambhārānaṃ gahaṇaṃ na gacchanti, te nāmāyattaggahaṇā **nāmaṃ**. Rūpaṃ pana vināpi nāmasādhanānaṃ attano ruppanasabhāvena gahaṇaṃ upayātīti **rūpaṃ**.

119-123. Ito pubbe parikammaṃ pavattaṃ, ito paraṃ bhavaṅgaṃ, majjhe samāpattīti evaṃ samāpattīnaṃ appanāparicchedapaññā **samāpattikusalatā. Vuṭṭhāne kusalabhāvo** pubbe vuṭṭhāne paricchedakaraṇaññaṃ. Lakkhaṇādivasena aniccādivasena ca manasi karaṇaṃ **manasikāro.**

124-134. Sucisīlatā **soraccaṃ.** Sā hi sobhanakammaratatāti, sammodakassa, sammodako vā mudubhāvo **sammodakamudubhāvo,** saṅhavācatā. **“Aguttadvāratā”**ti vutte kesu dvāresūti na paññāyatīti **“indriyesū”**ti vuttaṃ. Sampajānātīti sampajāno, tassa bhāvo **sampajāññaṃ.** Tadapi ñāṇaṃ yasmā sampajānāti, tasmā **“sampajānātīti sampajāññaṃ”**ti āha. **Appaṭisaṅkhāne** nimitte visaye vā. **Vīriyasīsenāti** vīriyapāmoḁkhena. **Uppannaṃ balanti** vīriyopatthambhena hi kusalabhāvanā balavatī thirā uppajjatīti tathā uppannā balavatī kusalabhāvanā balavanto satta bojjhaṅgātipi vuccanti. Kasiṇanimittaṃ viya saññāṇaṃ viya saviggahaṃ viya ca suṭṭhu-upalakkhetabbākāraṃ “nimittan”ti vuccati. Samatho ca evaṃ ākāroti “nimittan”ti vutto. Tathā hi so paccavekkhantena paccavekkhāṇato gayhatīti. Uddhaccamivacittaṃ na vikkhipatīti, vikkhepapaṭikkhepo vā **avikkhepo.**

135-142. Sīlameva punappunaṃ āseviyamānaṃ lokiyaṃ lokuttarampi sīlaṃ paripūretīti **“sīlparipūraṇato”**ti vuttaṃ. **Sīlassa sampadāti** kāraṇasīlampi phalasīlampi sampannasamudāyassa ekadesavasena vuttaṃ. Atha vā “katame ca thapati akusalā sīlā? Akusalaṃ kāyakammaṃ akusalaṃ vacīkammaṃ pāpako ājīvo”ti¹ vuttattā sabbampi kusalākusalaṃ “sīlan”ti gahetvā tattha kusalasīlaṃ niddhāretvā **“sīlasampadā”**ti vuttaṃ. Evaṃ **diṭṭhisampadāpi** veditabbā.

Diṭṭhivisuddhi kho pana yathādiṭṭhissa ca padhānanti **kammassakatañāṇadisāṅkhātā diṭṭhivisuddhi cevāti** paṭipāṭiyā diṭṭhivisuddhi diṭṭhivisuddhi kho panāti ca padadvayassa samānattā paññā. **Yathādiṭṭhissāti** nibbattitappakāradīṭṭhissa nibbattetabbapadhānānurūpadiṭṭhissa vā yathādiṭṭhipavattakiriyassa vā. **Samvegoti** sahotappamā ñāṇaṃ ottappameva vā. Samattaṃ tussanaṃ

1. Ma 2. 217 piṭṭhe.

titti santuṭṭhi, natthi etassa santuṭṭhīti asantuṭṭhi, asantuṭṭhissa bhāvo **asantuṭṭhitā**. Vīriyappavāhe pavattamāne antarā eva paṭigamanam nivattanam paṭivānam, tam assa atthīti paṭivānī, na paṭivānī appaṭivānī, tassa bhāvo **appaṭivānitā**. Vimuccanam nāma ārammaṇe adhimuttatā kilesehi sabbasaṅkhārehi ca nissatā ca. **Paṭisandhivasenā**ti kilesānam taṃtaṃmaggavajjhānam uppannamagge khandhasantāne puna saṃdahanavasena. **Anuppādabhū**teti taṃtaṃphale. **Anuppādapariyosā**neti anuppādakaro maggo anuppādo, tassa pariyosāne.

Suttantikadukamātikāpadavaṇṇanā niṭṭhitā.

Dukamātikāpadavaṇṇanā niṭṭhitā.

Kāmāvacarakusalapadabhājanīyavaṇṇanā

1. “Ye vā pana -pa- arūpino dhammā”ti idam “phasso hotī”ti evamādikaṃ viya na visum “tepi hontī”ti hoti-saddena sambandham katvā vuttam, uddiṭṭhāvasese ca pana gahetvā “ime dhammā kusalā”ti appetum vuttanti appanāya avarodhitam. Evañca katvā niddese pi etassa padabhājanīyam na vuttanti. Sarūpena pana adassitattā “atthī”ti vatvā dutiyena hoti-saddena sambandho niddeso ca na kato, saṅkhepena pana uddisitvā saṅkhepeneva ye vā pana dhammā niddiṭṭhātī etassa dhammassa uddese avarodho yutto. Dhammaniddese ca niddesāvasāne vuttassāti.

Pucchāparicchavedavacaneneva pucchābhāve viññāte pucchāvisesañāpanattham āha “**ayam kathetukamyatāpucchā**”ti. **Pañcavidhā hīti mahāniddese**¹ āgatā pucchā dasseti. **Lakkhaṇanti** nātum icchito yo koci sabhāvo. **Aññānti** yena kenaci ñāṇena aññātabhāvam āha. **Adiṭṭhanti** dassanabhūtena ñāṇena paccakkham viya adiṭṭhatam. **Atulitanti** “ettakam idan”ti tulābhūtāya paññāya atulitatum. **Atīritanti** tīraṇabhūtāya paññāya akataññakiriyāsamāpanatam. **Avibhūnti** ñāṇassa

1. Khu 7. 263; Khu 8. 50, 62 piṭṭhesu.

apākaṭabhāvaṃ. **Avibhāvanti** nāṇena apākaṭikatabhāvaṃ. Adiṭṭhaṃ jotiyati etāyāti **adiṭṭhajotanā**. Anumatiyā pucchā **anumatipucchā**. “Taṃ kiṃ maññatha bhikkhave”ti-ādipucchāya hi “kā tumhākaṃ anumati”ti anumati pucchitā hoti. **Kathetukamyatā**ti kathetukamyatāya.

Pabhedato dhammānaṃ desananti mātikādesanaṃ āha. Tattha hi purato kusalādike pabhede vatvā pacchato dhammā vuttāti “**pabhedavantadassanatthan**”ti niddesaṃ āha. Idaṃ vuttaṃ hoti—mātikāya savisesanā dhammā vuttā, te ca visesitabbattā padhānā, padhānañca itikattabbatāya yujjati dhammānameva padhānānaṃ pucchitabbatā vissajjitabbatā ca hoti, tasmā te pucchitabbe dassetuṃ “**katame dhammā**”ti vuttaṃ, te pana visesavanto pucchitāti dassetuṃ puna “**kusalā**”ti vuttanti evaṃ pabhedavantadassanatthaṃ ayaṃ padānukkamo katoti. “Ime dhammā kusalā”ti vissajjanepi evameva yojanā kātabbā. “**Pabhedato dhammānaṃ desanaṃ dīpetvā**”ti etassa atthaṃ vivarituṃ “**imasmiñhī**”ti-ādimāha. Anekappabhedā desetabbāti sambandho. **Tasmāti** avohāradesanato dhammānameva desetabbattā tesañca ghanavinibbhogaṭṭhisambhidāñāṇāvahanato pabhedavantānaṃ desetabbattā “kusalā -pa- dīpetvā”ti etena sambandho. Evameva hi yathāvuttadīpanassa hetuṃ sakāraṇaṃ pakāsetuṃ puna “**dhammāyevā**”ti-ādi vuttanti. **Dhammāti** sāmāñnamattavacanena samūhādighanavasena ekattaggahaṇaṃ hotīti ekattavinibbhogakaraṇaṃ ghanavinibbhogañāṇaṃ āvahati pabhedadesanā, tathā kusalādidhammānaṃ abyākatādi-atthānañca dīpanato dhammaṭṭhisambhidādiñāṇaṃ āvahati. “**Pabhedavanta dassanatthan**”ti etaṃ vivarituṃ “**idāni ye tenā**”ti-ādimāha. **Pabheda -pa- yujjati** itikattabbatāyuttassa visesanattā. Atha vā uddeso dhammapadhāno, pucchā saṃsayitappadhānā, na ca dhammabhāvo saṃsayito, kusalādibhedo pana saṃsayitoti nicchitasāmsayitavasenāyaṃ padānukkamo kato.

Etthāti etasmim vacane. Kimatthamāha bhagavāti taṃ dassetuṃ āha “**samaye niddisi cittaṃ**”ti. **Pariyosāneti** samaye cittaniddesassa “yasmim -pa- ārabbhā”ti etassa pariyosāne. **Tasmim samayeti** tasmim

cittuppādasamaye. Cittena samayaṃ niyamevāna atha pacchā bodhetunti sambandho. Vijjamānepi bhojanagamanādīsamayanānante samavāyādīnānante ca yathāvuttacittaniyamitā visesitā aññasmim samaye yathādhippetānaṃ phassādīnaṃ abhāvā cittaniyamite samaye phassādayo bodhetum visesanameva tāva cittaṃ dassetum samaye cittaṃ niddisīti attho. Visetitabbopi hi samayo attano upakāratthaṃ visesanabhāvaṃ āpajjati, visesanabhūtaṅca cittaṃ tadupakāratthaṃ visetitabbabhāvanti. Santatighanādīnaṃ ayaṃ viseso—purimapacchimānaṃ nirantarātāya ekībhūtānamiva pavatti **santatighanatā**, tathā phassādīnaṃ ekasamūhavasena dubbhiññeyyakiccabhedavasena ekārammaṇatāvasena ca ekībhūtānamiva pavatti **samūhādighanatā**ti.

Kālaṅca samayaṅcāti yuttakālaṅca paccayasāmaggiṅca. **Khaṇoti** okāso. Tathāgatuppādādiko hi maggabrahmacariyassa okāso tappaccayaapaṭilābhahetuttā. Khaṇo eva ca **samayo**. **Yo** “khaṇo”ti ca “samayo”ti ca vuccati, so **ekovā**ti attho. **Mahāsamayoti** mahāsamūho. **Samayopi khoti** sikkhāparipūraṇassa hetupi. **Samayappavādaketi** diṭṭhippavādake. Tattha hi nisinnā titthiyā attano attano samayaṃ pavadantīti. **Atthābhisamayā**ti hitapaṭilābhā. Abhisametabboti abhisamayo, abhisamayo attho **abhisamayattḥoti** pīlanādīni abhisamitabbabhāvena ekībhāvaṃ upanetvā vuttāni, abhisamayassa vā paṭivedhassa visayabhūto attho **abhisamayattḥoti** tāneva tathā ekattena vuttāni. Tattha **pīlanam** dukkhasaccassa taṃsamaṅgino himsanam avipphārikatākaraṇam. **Santāpo** dukkhadukkhatādibhāvena santāpanam paridahanam.

“**Idhā**”ti vacanam akusalesu abyākatesu ca kesuci khaṇassa asamभवato. Nanu kusalānaṅca navamena khaṇena vinā uppatti hotīti? No na hotī, na pana navamo eva khaṇo, catucakkānipi khaṇoti vuttāni. Sabbantimena paricchedena attasammāpaṇidhikhaṇamantarena natthi kusalassa uppattīti khaṇo idha gahito. Indriyavisayamanasikārādhīnam viññāṇanti evamādi sādharāṇaphalam daṭṭhabbam. **Navamoti** atthakkhaṇe upādāya vuttam. **Catucakkaṃ vattatī**ti puna patirūpadesavāsādisampatti catucakkaṃ

viparivattatīti attho. **Okāsabhūtānī**ti attano nibbattiyā “idāni uppajjantu kusalānī”ti anumatiḍānaṃ viya bhūtāni.

Cittakāloti dhammeneva satā kālo visesito, na tassa pavattittha pavattissati pavattatīti etena avatthāvisesena, nāpi tassa vijānanakiccena, tasmā evaṃvidhe dhamme upādāya paññattoti vutto. Kamappavattā visesā eva paṭipāṭīti bijabhāvo ca paṭipāṭīti vattumarahatīti iminādhippāyena “**bījakāloti dhammapaṭipāṭim upādāya paññatto**”ti āha. **Dhammapaṭipāṭim vāti** aṭṭha kalāpadhamme sandhāyāha. Sañcitā viya gayhamānakālā eva **kālasañcayo**, yathā vā tathā vā kāloti ekaṃ sabhāvaṃ gahetvā abhinivesaṃ karontassa tadabhinivesanisedhanattham “**so panesa sabhāvato avijjamānattā paññattimattako**”ti āha. ņatvā viññeyyoti sambandho. **Itaro pana hetūti** esa samayo paccayova viññeyyo. **Etthāti** etasmim adhikāre na hetuhetu sādharmaṇahetu cāti attho. Samavāyo paccayasāmaggī, hetu pana ekeko paccayoti ayametesam viseso veditabbo. Cakkhuviññāḍāḍīnam anekapaccayadassanena taṃtaṃdvārikānaṃ kusalānañca tappaccayatam dasseti.

Pariggaho kato aṭṭhakathācariyehi. **Ekakāraṇavādoti** pakatikāraṇavādo, issarakāraṇavādo vā. **Aññamaññāpekkhoti** avayavānaṃ aññamaññāpekkhatāya samudāyo vutto. Apekkhā ca yāva sahāyakāraṇasamāgamo na hoti, tāva phalassa anipphādanam samāgame nipphādanasamatthassa nipphādanañca. Samāgamo ca yesu yujjamānesu nibyāpāresupi phalassa pavatti, tesam sabbhāvoti.

Asāmaggī -pa- pattitoti cakkhurūpālokamanasikārānaṃ asamavetānaṃ cakkhuviññāḍassa ahētubhāve sati samavetānañca taṃsabhāvāvinivattito hetubhāvānāpattitoti attho. Na hi sabhāvantaram aññena sahitaṃ sabhāvantaram hotīti. **Ekasminti** andhasate ekekasmiṃ andheti adhippāyo. Aññathā yathārutavasena atthe gayhamāne ekassa andhassa dassanāsamatthatā sabbesampi na hoti, nāpi ekassa asamatthatāya sabbesampi asamatthatā vuttā, kintu sabbesam visum asamatthatāya evāti upamāvacaṇam na yujjeyya, nāpi upamopamitabbasambandho.

Na hi upamitabbesu cakkhādīsu ekassa asamatthatāya sabbesampi asamatthatā vuttā, kintu sabbesaṃ visuṃ asamatthatāya sahitānaṃ asamatthatāti. **Andhasataṃ passatīti** ca andhasataṃ sahitānaṃ passatīti adhippāyo aññathā vuttanayena upamitabbāsamānatāpattito. **Sādhā -pa-ṭhitabhāvoti** yesu vijjamānesu phalappavatti tesāṃ samodhāne, yathā pavattamānesu tesu phalappavatti, tathā pavattimāha. Na yesāṃ kesañci anekesaṃ samodhānamattaṃ sāmaggī. Na hi saddagandharasaphoṭṭhabbasamodhānaṃ cakkhuviññāṇassa, kaṭṭhakapālapāsāṇasamodhānaṃ vā sotaviññāṇassa hetūti. **Tanti** taṃ dassanaṃ. **Asā -pa- siddhoti** nāyamattho sādhetabbo visuṃ ahētūnaṃ cakkhādīnaṃ sahitānaṃ hetubhāvassa paccakkhasiddhattāti attho. Na hi paccakkhasiddhe yuttimagganaṃ yuttanti.

Manussattādīnaṃ khaṇāvayavānaṃ sāmaggī khaṇasāmaggī, taṃ vinā so navamacakkasampattisaṅkhāto khaṇo natthi. Sā eva hi khaṇasāmaggī so khaṇoti attho. **Khaṇa -pa- dīpeti** attano dullabhatāyāti attho. Khaṇattho vā samayasaddo khaṇasaṅkhāto samayoti vutto. So yasmiṃ dullabhe khaṇe satīti imassatthassa vibhāvanavasena tadāyattāya kusaluppattiyā dullasabhāvaṃ dīpeti. Etenupāyena **samavāya -pa- vuttiṃ dīpetīti** ettha ito paresu ca yojanā tassa tassa taṃtaṃdīpane kātābbā.

Tassa purisassāti “seyyathāpi bhikkhave cattāro daḥhadhammā dhanuggahā sikkhitā katahatthā katupāsanā catuddisā ṭhitā assu, atha puriso āgaccheyya ‘ahaṃ imesaṃ -pa- katupāsanānaṃ kaṇḍe khitte khitte appatiṭṭhite pathaviyaṃ gahetvā āharissāmi’ti”¹ evaṃ vuttajavanapurisassa. **Tāva parittakoti** gamanassādānaṃ devaputtānaṃ heṭṭhupariyāyena paṭimukhaṃ dhāvantaṃ sirasi pāde ca baddhakhuradhārāsannipātato ca parittataro kālo. Kālasaṅkhāto samayo cittapariicchinnō vuccamāno teneva paricchadakacittena “evaṃ paritto ahan’ti attano parittataṃ dīpeti. Yathā cāhaṃ, evaṃ sabbo kusalacittappavattikāloti tassa parittakaṃ dīpeti. Saddassa dīpanā vuttanayānusārena veditābbā.

1. Saṃ 1. 456 piṭṭhe.

Pakativādīnaṃ mahato viya aṇuvādīnaṃ dvi-aṇukassa viya ca ekasseva. **Hetu -pa- vuttitaṃ dīpetīti** paccayāyattavuttidīpanato tapparabhāvā hetusaṅkhātassa parāyattavuttidīpanatā vuttā. Sati pana paccayāyattabhāve paccayasāmaggī-āyattatā samavāyasaṅkhātena dīpiyatīti atapparabhāvato tassa taṃdīpanatā na vuttā. Anena samayena kattubhūtena, anena samayena vā karaṇabhūtena bhagavatā paṭisedhitoti attho. Esa nayo purimāsu dīpanāsu.

Adhikaraṇavasenāti ādhāravasena. **Etthāti** kālasamūhasaṅkhāte samaye gahitoti attho. Kālopi hi cittapariicchinnō sabhāvato avijjamānōpi ādhārabhāveneva saññāto “adhikaraṇaṃ”ti vutto taṃkhaṇappavattānaṃ tato pubbe parato ca abhāvā. **Bhāvoti** kiriyā. Kiriyāya kiriyantaralakkhaṇaṃ bhāvenabhāvalakkhaṇaṃ. Yathā gāvīsuṃ duyhamānāsu gato, duddhāsu āgatoti dohanakiriyā gamanakiriyāya lakkhaṇaṃ hoti, evamihāpi “yasmim samaye tasmim samaye”ti ca vutte satīti ayamattho viññāyamāno eva hoti aññakiriyāsambandhābhāvena padatthassa sattāvīrahābhāvatoṭi samayassa sattākiriyāya cittuppādakiriyā phassādibhavanakiriyā ca lakkhīyatīti ubhayattha samayasadde bhummaniddeso kato lakkhaṇabhūtabhāvayuttoti.

Uddānatoti uddesato saṅkhepatō. Kilesakāmo vatthukāmabhāvaṃ bhajanto kāmanīyavasena bhajati, na kāmanavasenāti kāmanavasena kilesakāmo eva hoti, na vatthukāmo. **Duvidhopesoti** vacanena duvidhassapi sahitassa avacaraṇappadesaṃ saṅgaṇhāti. Tena vatthukāmasseva pavattideso rūpārūpadhātudvayaṃ apanītaṃ hoti. Nanu ca duvidhōpi sahito rūpārūpadhātūsu pavattati rūpārūpāvacaradhammānaṃ vatthukāmattā tadārammaṇānaṃ rūpārūparāgānaṃca kilesakāmabhāvasiddhitoti? Taṃ na, bahalakilesassa kāmarāgassa kilesakāmabhāvena idha saṅgahitattā. Evaṃca katvā rūpārūpadhātūsu pavattamānesu kāmāvacaradhammesu nikanti idha na saṅgahitā sukhumattā. “Uddānato dve kāmā”ti sabbakāme uddisitvāpi hi “duvidhopeso”ti ettha tadekadesabhūtā aññamaññasahitatāparicchinnā kāmarāgatabbatthukadhammāva saṅgahitāti,

niravaseso vā kilesakāmo kāmarāgo kāmatanḥārūpatanḥā-
arūpatanḥānirodhataṇḥābhedo idha pavattatīti anavasesappavattitaṃ
sandhāya “duvidhopeso”ti vuttaṃ, vatthukāmopi ca appako idhāpi na vattati
rūpārūpāvacaravipākamatto, tathāpi paripuṇṇavatthukāmattā
kāmvacaradhammāva idha gahitā. Evañca katvā sasatthāvacaropamā yuttā
hoti. “Rūpūpapattiyā maggaṃ bhāveti”ti¹ ettha rūpabhavo uttarapadalopam
katvā “rūpan”ti vutto, evamidhāpi uttarapadalopo daṭṭhabbo. Aññathā hi
cittaṃ kāmvacarāvacaranti vucceyyāti. **Ārammaṇakaraṇavasenā**ti-ādike
“kāmo”ti sabbaṃ taṇhamāha, tasmā “**kāmañcesā**”ti-ādi vuttaṃ, “kāme
avacāretīti kāmvacāran”ti vattabbe **cā**-saddassa rassattaṃ kataṃ.

Ruḷisaddenāti nāṇasampayuttesu ruḷhena saddena, nāṇasampayuttesu vā
pavattitvā anavajjasukhavipākatāya taṃsadisesu nāṇavippayuttesu ruḷhena
saddena. Atha vā kiñci nimittaṃ gahetvā satipi aññasmim taṃnimittayutte
kismiñcideva visaye sammutiyā cirakālatāvasena nimittavirahepi pavatti
ruḷhi nāma yathā “mahiyam setīti mahimso, gacchantīti gāvo”ti, evam
kusalasaddassapi ruḷhibhāvo veditabbo. Paññānidese “kosallan”ti
abhidhamme² vuttaṃ, tassa ca bhāvā kusalasaddappavattīti kosallayogā
kusalanti ayaṃ abhidhammapariyāyo hoti. **Kusalanti** kusalabhāvaṃ āha.

Vipākādīnaṃ avajjapaṭipakkhatā natthīti kusalameva
anavajjalakkhaṇaṃ vuttaṃ. **Anavajjalakkhaṇamevā**ti sukhavipākasabhāvassa
lakkhaṇabhāvanivāraṇatthaṃ avadhāraṇaṃ kataṃ, taṃnivāraṇaṃ tassa
paccupaṭṭhānataṃ vatthukāmatāya kataṃ. Sampatti-atthena rasena
vodānabhāvarasaṃ. Phalaṭṭhena paccupaṭṭhānena
iṭṭhavipākapaccupaṭṭhānaṃ. **Sabhāvo** kakkhaḷādiphusanādiko asādhāraṇo.
Sāmaññaṃ sādharmaṇo aniccādisabhāvo. Idha ca kusalalakkhaṇaṃ
sabbakusalasādhāraṇasabhāvattā sāmaññaṃ daṭṭhabbaṃ, akusalādīhi
asādhāraṇatāya **sabhāvo** vā. **Upaṭṭhānākāro**ti gahetabbabhāvena nāṇassa
upaṭṭhānākāro. **Phalaṃ** pana attano kāraṇaṃ paṭicca
tappaṭibimbabhāvena, paṭimukhaṃ vā upaṭṭhātīti **paccupaṭṭhānaṃ**.

1. Abhi 1. 44; Abhi 2. 276 piṭṭhesu.

2. Abhi 1. 19 piṭṭhe.

Vijānāti saññāpaññākiccavisiṭṭhaṃ visayaggahaṇaṃ āha. Sabbacittasādhāraṇattā yattha yattha yathā yathā attho labbhati, tattha tattha tathā tathā gahetabboti. Yaṃ āsevanapaccayabhāvena **cinoti**, yañca kammunā abhisankhatattā **citaṃ**, taṃ tathā “**cittan**”ti vuttaṃ. Yaṃ pana tathā na hoti, taṃ parittakiriyadvayaṃ antimajavanañca labbhamānacintanavicittatādivasena “**cittan**”ti veditabbaṃ. Hasituppādo pana aññajavanagatikova. **Cittānaṃ panāti** vicitrānanti attho. Tadantogadhattā hi samudāyavohārena avayavopi “**cittan**”ti vuccati yathā pabbatanadisamuddādi-ekadesesu diṭṭhesu pabbatādayo diṭṭhāti vuccantīti. **Carāṇaṃ** nāma gahetvā caritabbacittapaṭo. **Rūpānīti** bimbāni.

Ajjhattikanti indriyabaddhaṃ vadati. **Cittakatamevāti** cittassa mūlakāraṇataṃ sandhāya vuttaṃ. Kammaṃsa hetuṃ cittaṃ kāraṇanti. Taṃ pana atthaṃ vibhāvetuṃ “**kāyakammādibhedan**”ti-ādimāha. **Liṅganānattanti** saṅghānanānattam, bhinnasaṅghānaṅgapaccaṅgavato sarīrassa vā nānattam. Vohārasena itthipurisādibhāvena voharitabbesu patthanāvisesā uppajjanti, tato kammavisesā. Evamidam **kammanānattam** vohāranānattato hoti. **Apā-pa-kāditāti** evamādisu **ādi**-saddehi gahiyā upapattiyā attabhāve lokadhammesu ca nānakāraṇāni suttāgatāni saṅgaṇhāti.

Kammanānattādivasenāti ettha kusalākusalavasena **kammanānattam** veditabbaṃ. Visadisasabhāvatā hi nānattanti. Kusalakammaṃsa dānādivasena kāyasucaritādibhāvena ca **puthuttam**, akusalakammaṃsa ca macchariyādīhi kāyaduccaritādīhi ca **puthuttam** veditabbaṃ. Bahuppakāratā hi puthuttanti. Annadānādivasena dānādīnam pāṇātipātāvīrati-ādivasena kāyasucaritādīnam āvāsamacchariyādivasena macchariyādīnam pāṇātipātādivasena kāyaduccaritādīnañca **pabhedo** veditabbo. Ekekassa hi pakārasa bhedo pabhedoti. Nānattādīnam **vavatthānaṃ** tathā tathā vavatthitatā nicchitatā. Etenupāyena liṅganānattādīni veditabbāni. Kammanānattādīhi nibbattāni hi tānīti.

Paccuppanassa liṅgassa kammato pavattiṃ tadanukkamena paccuppanakammaṃsa nipphattiñca dassetvā tato anāgataliṅganānattādi-nipphattidassanena samsāraṃ ghaṭento “**kammanānakāraṇaṃ paṭicca**”ti-ādimāha. Tattha purimena

kammavacanena avijjāsaṅkhārā, liṅgādivacanena viññāṇādīni bhavapariyosānāni, gati-ādivacanena jātijarāmarañāni gahitānīti daṭṭhabbāni. Tatha **gatīti** nirayādayo pañca gatiyo vuccanti, tāsāṃ nānākaraṇaṃ apadādibhāvo. Tā hi tathā bhinnāti. **Upapattīti** gomahiṃsādikhattiyādicātumahārājikādi-upapattīyo, tāsāṃ nānākaraṇaṃ uccāditā. Khattīyo eva hi ekacco kulabhoga-issariyādīhi **ucco** hoti, ekacco **nīco**. Tehi eva hīnatāya **hīno**, padhānabhāvaṃ nītatāya **paṇīto**, aḍḍhatāya **sugato**, daliddatāya **duggato**. Kulavasena vā **uccanīcatā**, issariyavasena **hīnapaṇītatā**, bhogavasena **sugataduggatatā** yojetabbā. **Suvaṇṇadubbaṇṇatāti** odātasāmādivaṇṇasuddhi-asuddhivasena vuttaṃ. **Sujātadujjātātāti** nigrodhaparimaṇḍalādi-ārohapariṇāhehi lakkhaṇehi vā attabhāvaparipuṇṇāparipuṇṇajātātāvasena. **Susaṅṭhitadussaṅṭhitātāti** aṅgapaccāṅgaṇaṃ saṅṭhānavasena.

Aparampi vuttaṃ ajjhattikacittassa yathāvuttassa cittakatabhāvasādhakaṃ suttam “**kammato**”ti-ādi. Kammañhi cittato nibbattanti tato nipphajjamānaṃ sabbampi cittaṃ cittakatamevāti sādheti. Kammanibbattato liṅgato pavattamānalīngasaññā mūlakāraṇato kammato āsannakāraṇato liṅgato ca pavattā hotīti “**kammato -pa- pavattare**”ti āha. Atha vā liṅgaṇca saññā ca **liṅgasaññā**, tā yathāsaṅkhyam kammato liṅgato ca pavattareti attho. **Saññāto bhedaṃ gacchantīti** te itthipurisādiliṅgasaññāto itthipurisādivohārabhedaṃ dhammā gacchanti, tathā tathā voharitabbāti attho. Imāya gāthāya atītapaccuppannaddhapaṭiccasamuppādavāsena cittakataṃ cittaṃ dassitaṃ.

Loko eva pajātattā **pajāti** purimapādassa vivaraṇaṃ pacchimapādo daṭṭhabbo. Yathā rathassa āṇi nibandhanā, evam satta lokarathassa kammaṃ nibandhananti upamāsaṃsandanaṃ veditabbaṃ. Imāya ca gāthāya addhadvayavasena cittassa kammaviññāṇakatatā dassitā. **Kittinti** parammukhā kittanaṃ patthaṭayasataṃ. **Pasaṃsanti** sammukhā pasaṃsanaṃ thutiṃ. **Kammanānākaraṇanti** kammato nibbattanānākaraṇaṃ kammajehi anumiyamānaṃ kammasseva vā nānākaraṇaṃ.

Kammasakāti kammasayā. Kammasa dāyaṃ tena dātabbaṃ ādiyantīti **kammadāyādā**. Aṇḍajādīnaṃca yonīnaṃ kammato nibbattatā kammameva yoni attabhāvapaṭilābhanimittam etesanti **kammayonī**. Bandhanaṭṭhena kammaṃ bandhu etesanti **kammabandhū**.

Cittassāti kammaviññāṇassa. Tassa pana aladdhokāsātā aññena kammena paṭibāhitattā tadavipaccanokāse puggalassa nibbattatā ca veditabbā. Vijjamānampi aparāpariyavedanīyakammaviññāṇam kālagatipayogādisahakārīpaccayavikalatāya **avasesapaccayavekallam** daṭṭhabbam. **Ekaccacittanti** cittena kattabbacitrena ekaccabhūtam tena kattabbacitramāha.

Anubhavitvā bhavitvā ca apagataṃ **bhūtāpagataṃ**. Anubhūtabhūtātā hi bhūtātāsāmaññena bhūtasaddena vuttā. Sāmaññameva hi upasaggena visesīyatīti. Anubhūta-saddo ca kammavacanicchābhāvato anubhavakavācako daṭṭhabbo. Vikappagāhavasena rāgādīhi tabbipakkhehi ca akusalam kusalaṃca ārammaṇarasam anubhavati, na vipāko kammavegakkhittatā, nāpi kiriyā ahetukānam atidubbalatāya sahetukānaṃca khīṇakilesassa chaḷaṅgupekkhāvato uppajjamānānam atisantavuttittā. Ettha ca purimanaye kusalākusalameva vuttam adhippāyavasena “bhūtāpagatan”ti vuttam. Yam “uppannānam akusalānam dhammānam pahānāya uppannānam kusalānam dhammānam ṭhitiyā”ti¹ ettha uppannanti gahetvā taṃsadisānam pahānam, vuddhi ca vuttā, pacchimanaye pana **ca**-saddena kusalākusalaṃca ākaḍḍhitvā sabbam saṅkhataṃ vuttam bhūtāpagatabhāvābhidhānādhippāyena.

Vipaccitum okāsakaraṇavasena uppatitam atītakammaṃca tato uppajjitum āradhho anāgato vipāko ca “**okāsakatuppannan**”ti vutto. Yam uppannasaddena vināpi viññāyamānam uppannam, tam sandhāya “nāham bhikkhave sañcetanikānan”ti-ādi² vuttam. **Tāsu tāsu bhūmīsūti** manussadevādi-attabhāvasaṅkhātesu upādānakkhandhesu. Tasmim tasmim santāne anuppatti-anāpāditatāya **asamūhataṃ**. Ettha ca laddhabhūmikam “**bhūmiladdhan**”ti vuttam aggi-āhito viya. Okāsakatuppannasaddepi ca okāso kato etenāti, okāso kato etassāti ca duvidhatthepe evameva katasaddassa paranipāto veditabbo.

1. Sam 3. 214; Abhi 2. 216 piṭṭhesu.

2. Am 3. 497, 503 piṭṭhesu.

Sabbadā avattamānampi gamiyacittam paṭipakkhapaccavekkhaṇāya avikkhambhitattā “**uppannan**”ti vuttam. **Antaradhāpetīti** vikkhambhikā ānāpānassati vikkhambheti. **Antarāyevāti** bhūmiladdhe sabhūmiyam abbochinne vicchinditvāti attho. Anātītam ananāgatañca khaṇattayekadesagatampi uppajjamānam “**khaṇattayagatan**”ti vuttam. Desanāya padhānena gahito attho “**sīsan**”ti vuccati. Lokiyadhammañhi desetabbam patvā desanāya cittam pubbaṅgamam hoti, dhammasabhāvam vā sandhāyetam vuttam. **Akusalāti** sabbepi akusalā dhammā vuttā. Cetanāti keci. **Akusalabhāgiyāti** rāgādayo ekanta-akusalā. **Akusalapakkhikāti** phassādayopi tappakkhikā. **Mano tesam dhammānam paṭhamam uppajjati** sahaḷātopi mano sampayutte saṅgaṇhitvā adhipatibhāvena pavattamāno paṭhamam uppanno viya hotīti evam vutto. Sampayuttāpi tadanuvattanatāya anvadeva akusalā dhammāti vuttā, anantarapaccayamanam vā sandhāya manopubbaṅgamatā vuttā. **Cittena nīyatīti** abhisankhāravinnānam sandhāyāha, taṇhāsampayuttam vā. **Pabhassaranti** sabhāvapaṇḍarataṃ sandhāyāha. **Arakkhite** satiyā anunayapaṭighādīhi arakkhite, rāgādīhi **byāpanne**, tehi eva **avassute**. Cittassa pubbaṅgamabhāvasādhane aññamaññam baladānavasena suttānurakkhaṇam, idha vā upasamhatānam ābhidhammikehi viññātānam cirakālapavattivasena veditabbam.

Katarapañnam tvanti-ādi na pāli-āruḷham, evam bhagavā pucchati aṭṭhakathāyameva vuttam. **Paññā pana kimatthiyāti** idampi ekam suttam. “Abhiññatthā pariññatthā pahānatthā”ti tassa vissajjanam.

Sātanti sabhāvavasena vuttam, **madhuranti** madhuram viyāti upamāvasena **ponobbhavikāti** punabbhavakaraṇasīlā. Tatrataṭṭhābhinandanato nandī nandibhūto rāgo nandirāgo, nandirāgabhāvena sahaḷatāti **nandirāgasahaḷatāti** na ettha sampayogavasena sahaḷatābhāvo atthīti sahaḷatasaddo taṇhāya nandirāgabhāvam joteti. **Nandirāgabhūtāti** cassa attho. **Nissayeti** pādake. **Rūpārūpārammaṇānanti** pathavīkasiṇādi-ākāsādi-ārammaṇānam. **Samsatṭheti** khīrodakam viya samodite ekībhāvamiva gate. **Sahaḷateti** sampayuttasahaḷate, na sahaḷatamatte. **Idhāpīti** “imasmimpi pade ayameva attho adhippeto”ti imissā aṭṭhakathāya

yathādassitasam̐saṭṭhasaddo sahaḷāte adhippetoti. **Arūpaṃ rūpenāti** paṭisandhikkhaṇe vatthunā. **Ukkaṭṭhaniddeso**ti anavasesasaṅghena kato atisayaniddeso.

Anābhaṭṭhatāyevāti “diṭṭhaṃ sutan”ti-ādīsu diṭṭhatādayo viya abhāsitaḷbatā anābhaṭṭhatā. Sabbākārena sadisassa dutiyacittassa sasaṅkhārikatāvacaṇena imassa asaṅkhārikatā viññāyati, tasmā abhāsitaḷbatāya na gahitoti attho yujjati. Adhippāyo pana pāḷiyaṃ abhāsitaḷtā eva tattha desetabbabhāvena na **gahito** na saṅghaḷito na tassatthassa abhāvāti. Atha vā pāḷiyaṃ anābhaṭṭhatāya eva aṭṭhakathāyaṃ **na gahito** na tassattho vutto. **Niyametvāvāti** parato evaṃvidhasseva sasaṅkhārikabhāvavacaṇato idha tadavacaṇeneva asaṅkhārikabhāvāṃ niyametvā.

Manoviññāṇanti ettha dvāraṃ vatthūti vuttaṃ, dvārena vā taṃsaḷhāyabhūtaṃ hadaya vatthu vuttaṃ. **Sarasabhāvenāti** sakiccabhāvena. Avijjā hi saṅkhārāṇaṃ paccaya bhāvakiccā, aññāsādhāraṇo vā rasiṭabbo viññāṭabbo bhāvo sarasabhāvo, avijjāsabhāvo saṅkhārasabhāvoti evaṃādiko. “Sarasabhāvenā”tipi pāṭho, soyeva attho. Avijjāpaccayāti vā sarasena, saṅkhārāti sabhāvena.

Ekasamuṭṭhānādītā rūpadhammesu eva yojetabbā tesu tabbohārabāhullato. Atītādībhāvo rūpārūpadhammesu, cittacetāsikanibbānāṇampi vā yathāsabhāvāṃ ekadvinakutocisamuṭṭhānatā yojetabbā. **Anāpāthagatāti** cakkhādīnaṃ agocaragatā sukhumarajādīrūpaṃ viya vatthuparittatāya tattāyogule patitodakabindurūpaṃ viya khaṇaparittatāya atidūratāya accāsannādītāya atītānāgatatāya ca. Visayo anaññatthabhāvena, gocarā ca tattha caraṇena vutto, tabbisayanicchayena mano paṭisaraṇāṃ. Ayamatto siddho hoti aññathā tesāṃ dhammārammaṇabhāvena “nesāṃ gocaravisayaṃ paccanubhotī”ti vacanassa anupapattito. Dibbacakkhū dibbasota-iddhividhaññāṇehi yathāvuttanayena anāpāthagatāni rūpādīni ālambiyamānāni na dhammārammaṇanti katthaci vuccamānāni diṭṭhāni, itarathā ca diṭṭhāni “dibbena cakkhunā rūpaṃ passatī”ti-ādīsūti.

Āpāthamāgacchati manasā pañcaviññāṇehi ca gahetabbabhāvūpagamanena. **Ghaṭṭetvā** paṭimukhabhāvāpātham gantvā. **Sarabhānakassa** osārakassa. Pakatiyā diṭṭhādivasena āpāthagamanañca bhojanapariṇāma-utubhojanavisesa-ussāhādīhi kalyaṇ, roginō vātādīhi ca upaddutaṃ vā kāyaṃ anuvattantassa jāgarassa bhavaṅgassa calanapaccayānaṃ kāyikasukhadukkha-utubhojanādi-upanissayānaṃ cittapaṇidahanasadisāsadisāsambandhadassanādipaccayānaṃ, suttassa ca supinadassane dhātukkabhādipaccayānaṃ vasena veditabbaṃ. Adiṭṭhassa asutassa anāgatabuddharūpādino pasādadaṭtukāmatāvattussa taṃsadisatāsankhātena diṭṭhasutasambandheneva. Na kevalaṃ taṃsadisatāva ubhayasambandho, kintu tabbipakkhatā tadekadesatā taṃsampayuttatādiko ca veditabbo. Kenaci vutte kismiñci sute avicāretvā saddahaṇaṃ **saddhā**, sayameva taṃ vicāretvā rocanaṃ **ruci**, “evaṃ vā evaṃ vā bhavissatī”ti ākāravicaṇaṃ **ākāraparivitakko**, vicārentassa katthaci diṭṭhiyā nijjhānakkhamaṇaṃ **diṭṭhinijjhānakkhanti**.

Gerukaharitalāñjanādihātūsu. **Subhanimittaṃ** subhaggahaṇassa nimittaṃ. Taṃ subhanimittatā rañjanīyattā ca **lobhassa vatthu**. Niyamitassa cittassa vasena **niyamitavasena**. Evamitaressu dvīsu. Ābhogo **ābhujitaṃ**. **Lūkhapuggalā** dosabahulā. Adosabahulā **siniddhapuggalā**. **Tadadhimuttatā**ti pīṭininnacittatā. **Imehi -pa- veditabbo** pīṭiyā somanassavippayogāsambhavatoti adhippāyo.

Jīvitavuttiyā āyatanabhāvato hatthārohādisippameva **sippāyatanam**. Kasivāṇijjādikammameva **kammāyatanam**. Āyavedādivijjā eva **vijjāṭṭhānam**. **Abyāpajjeti** domanassabyāpādarahite rūpabhāve. **Dhammapadā**ti dhammakotṭhāsā. **Pilavantī**ti upaṭṭhahanti padissanti. **Yogā**ti bhāvanābhīyogā samādhito. **Vatthuisadakiriyā**ti ajjhattikabāhirānaṃ vatthūnaṃ nimmalabhāvakiriyā. **Saddhādīnaṃ** indriyānaṃ aññamaññānativattanaṃ **indriyasamattapaṭipādanatā**. Gambhīrānaṃ ñāṇena caritabbānaṃ, gambhīrañāṇena vā caritabbānaṃ suttantānaṃ paccavekkhaṇā **gambhīrañāṇacariyapaccavekkhaṇā**.

Vamsoti anukkamo. **Tantī**ti santati. **Pavenī**ti sambandho. Sabbametam cārittakiriyāpabandhassa vacanaṃ. Cārittasilattā **sīlamayaṃ**. “Dassāmi”ti vacībhedenā vatthussa pariṇatattā tato paṭṭhāya dānaṃ āradhāṃ nāma

hoti, yato tassa attano pariṇāmanādīsu āpatti hoti. Vijjamānavatthusmiṃ cintanakālato paṭṭhāya dānaṃ āraddhanti tattha dānamayaṃ kusalaṃ hotīti adhippāyo. Na hi dānavatthuṃ avijjamānakampi saṅkharontassa kusalaṃ na hotīti. Taṃ pana dānamayassa pubbhāgoti tadeva bhajeyya, vuttaṃ aṭṭhakathāyaṃ. **Kulavaṃsādivasenā**ti udāharaṇamattamevetaṃ. Attanā samādinnavattavasena sappurisavattagāmajanapadvattādivasena ca cārittasīlatā veditabbā.

Savatthukanti bheri-ādivatthusahitaṃ katvā. **Vijjamānakavatthunti** bheri-ādivatthuṃ. Dhammassavanaghosanādīsu ca savatthukaṃ katvā saddassa dānaṃ saddavatthūnaṃ ṭhānakaraṇānaṃ sasaddapavattikaraṇamevāti tassa cintanaṃ vijjamānavatthupariccāgo veditabbo. Bhājetvā dassesi dhammarājā idha ca rūpārammaṇādibhāvaṃ, aññattha ca “tīṇimāni bhikkhave puññakiriyavatthūnī”¹ dānamayādibhāvaṃ, aparattha ca “katame dhammā kusalā. Tīṇi -pa-taṃsamuttāhānaṃ kāyakammaṃ”ti-ādinā kāyakammādibhāvaṃca vadanto. **Apariyāpannā cāti** paramatthato avijjamānattā aññāyatanattā ca asaṅgahitā.

Paribhogaraso paribhogapaccayaṃ pītisomanassaṃ. Ayaṃ pana rasasamānatāvasena gahaṇaṃ upādāya rasārammaṇanti vutto, na sabhāvato. Sabhāvena pana gahaṇaṃ upādāya pītisomanassaṃ dhammārammaṇameva hotīti “sukhā vedanā dhammārammaṇaṃ”ti vuttaṃ. **Ārammaṇameva nibaddhanti** rūpārammaṇaṃ -pa- dhammārammaṇanti evaṃ niyametvā vuttaṃ. **Kammaṃsā nibaddhattā**ti kammaṃsā aniyatattā. Yathā hi rūpādīsu ekārammaṇaṃ cittaṃ anaññārammaṇaṃ hoti, na evaṃ kāyadvārādīsu ekadvārikakammaṃ aññasmim dvāre nuppajjati, tasmā kammaṃsā dvāraniyamarahitattā dvārampi kammaniyyamarahitanti idha ārammaṇaṃ viya niyametvā na vuttaṃ. **Vinā ārammaṇena anuppajjanatoti** etassapi cattho “yathā kāyakammādīsu ekaṃ kammaṃ tena dvārena vinā aññasmim dvāre carati, na evaṃ rūpādīsu ekārammaṇaṃ cittaṃ tenārammaṇena vinā ārammaṇantare uppajjati”ti veditabbo. Na hi yathā vacīdvāre uppajjamānampi “kāyakammaṃ”ti vuccati, evaṃ saddārammaṇe uppajjamānaṃ “rūpārammaṇaṃ”ti vuccati.

1. Dī 3. 182 piṭṭhe.

Kāmāvacarakusala**Kāyakammadvārakathāvaṇṇanā**

Imassa panatthassāti kammadvārānaṃ aññamaññasmiṃ aniyatatāya “dvāre caranti kammāni”ti-ādinā pakāsanattham. **Pañca viññāṇānī**ti ettha chaṭṭhassa viññāṇassa tassa ca dvārassa anuddeso dvāradvāravantānaṃ sahābhāvā. Niyatarūparūpavasena catusamuṭṭhānikakāyā vuttāti saddassa vikārarūpādīnañca asaṅgaho.

Paṭhamajavanasamuṭṭhitā vāyodhātu yadipi tasmim̐ khaṇe rūpānaṃ desantaruppattihetubhāvena cāletum̐ na sakkoti, tathāpi viññattivikārasahitāva sā veditabbā. Dasasu hi disāsu yaṃ disaṃ gantukāmo aṅgapaccaṅgāni vā khipitukāmo, taṃdisābhimukhāneva rūpāni sā santhambheti sandhāreti cāti tadabhimukhabhāvavikāravatī hoti, adhippāyasahabhāvī ca vikāro viññattīti. Evañca katvā āvajjanassapi viññattisamuṭṭhāpakabhāvo yathādhippāyavikārarūpuppādanena upapanno hoti, yato bāttimsa cittāni rūpiriyāpathaviññattijanākāni vuttānīti. Yojanaṃ gato, dasayojanaṃ gatoti vattabbataṃ āpajjāpeti anekasahassavāraṃ uppannā.

Vāyodhātuyā -pa- paccayo bhavitunti thambhanacalanesu vāyodhātuyā paccayo bhavitum̐ samattho cittasamuṭṭhānamahābhūtānaṃ eko ākāraviseso atthi, ayaṃ viññatti nāma. Tesañhi tadākārattā vāyodhātu thambheti cāleti cāti. **Na cittasamuṭṭhānāti** etena paramatthato abhāvaṃ dasseti. Na hi rūpaṃ appaccayaṃ atthi, na ca nibbānavajjo attho nicco atthīti. **Viññattitāyāti** viññattivikāratāya. Cittasamuṭṭhānabhāvo viya mahābhūtavikāratāya upādārūpabhāvo ca adhippetoti veditabbo.

Kāyikakaraṇanti kāyadvārappavattaṃ cittakiriyaṃ, adhippāyanti attho. **Kāreti maññeti** etena vaṇṇaggahaṇānusāreṇa gahitāya viññattiyā yaṃ karaṇaṃ viññātabbam̐, tassa vijānanena viññattiyā viññātattaṃ dasseti. Na hi viññattirahitesu rukkhacalanādīsū “idamesa kāreti”ti vijānanam̐ hotīti. Cakkhuvīññāṇassa hi rūpe abhinipātamattaṃ kiccaṃ, na adhippāyasahabhūno calanavikāraṃ gahaṇaṃ. Cittassa pana lahuparivattitāya

cakkhuviññānavīthiyā anantaram manoviññāṇena viññātampi calanam cakkhunā diṭṭham viya maññanti avisesaviduno, tasmā yathā nīlābhiniṭāvasappavattāya cakkhuviññānavīthiyā nīlanti pavattāya manoviññānavīthiyā ca antaram na viññāyati, evaṃ aviññāyamānantarena manodvāravīññāṇena gahite tasmim cittaena saheva anuparivatte kāyathambhanavikāracopanasāṅkhāte “idamesa kāreti, ayamassa adhippāyo”ti vijānanam hoti.

Tālapaṇṇādirūpāni disvā tadanantarappavattāya manodvāravīthiyā aviññāyamānantarāya tālapaṇṇādīnam udakādisahacārippakāratam saññāṇākāram gahetvā udakādiggahaṇam viya. **Ettha udakam bhavissatī-**ādinā ca udakādisambandhanākārena rūpaggaṇānusāraviññāṇena yaṃ udakādi viññātabbam, tassa vijānana tadākārassa viññātata vuttati datṭhabbā. Etassa pana kāyikakaraṇaggahaṇassa udakādiggahaṇassa ca purimasiddhasambandhaggahaṇam upanissayo hotīti datṭhabbam. Atha pana nālambibhāpi viññatti kāyikakaraṇaggahaṇassa ca paccayo purimasiddhasambandhaggahaṇopanissayavasena sādhippāyavikārabhūtavaṇṇaggahaṇānantaram pavattamānassa adhippāyaggahaṇassa adhippāyasahabhūvikārābhāve abhāvato, evaṃ sati vaṇṇaggahaṇānantarena udakādiggahaṇeneva tālapaṇṇādisaññāṇākāro viya vaṇṇaggahaṇānantarena adhippāyaggahaṇeneva viññatti pākāṭa hotīti “idañcidañca esa kāreti maññe”ti adhippāyavijānaneneva viññattiyā viññātata vuttā.

Ayam no paharitukāmoti adhippāyavijānana viññattiyā pākāṭabhāvam dasseti. Na hi tadapākāṭabhāve adhippāyavijānanam hotīti. **Sammukhī -pa-**yeva **nāma hotīti** asammukhībhūtāya anāpāthagatānam rūpādīnam cakkhuviññeyyādibhāvo viya sabhāvabhūtam tam dvidhā viññattibhāvam sādheti. Param bodhetukāmatāya vināpi abhikkamanādippavattanena so cittasahabhūvikāro adhippāyam viññāpeti, sayañca viññāyatīti dvidhāpi viññattiyevāti veditabbā.

Tasmim dvāre siddhāti tena dvārena viññātabbabhāvato teneva dvārena nāmalābhato tasmim dvāre pākāṭabhāvavasena siddhā. Kusalam vā akusalam vāti ṭhapetabbam. Kasmā? Yasmā paravādino avipākassa

kammabhāvo na siddho, itarassa pana siddhoti viññattisamuṭṭhāpakānaṃ ekādasannaṃ kiriyacittānaṃ vasena tikaṃ pūretvā ṭhapetabbaṃ.

Dvāre caranti kammānīti ettha ayamadhippāyo—yadi dvārā dvārantaracārino hontī, dvārasambhedā kammāsambhedopīti kāyakammaṃ kāyakammadvāranti aññamaññavavatthānaṃ na siyā, kammānampi kammantaracaraṇe eseva nayo. Yadi pana dvārānampi dvārabhāvena kammantaracaraṇaṃ kammānañca dvārantaracaraṇaṃ na siyā, suṭṭhutarānaṃ kammadvāravavatthānaṃ siyā. Na pana kammānaṃ dvārantare acaraṇaṃ atthi, kintu dvāre aññasmiñci caranti kammāni aññānīpi. Yasmā pana dvāre dvārāni na caranti, tasmā advārācārīhi dvārehi kāraṇabhūtehi kammāni dvārantare carantānīpi vavatthitāni. Na kevalaṃ kammāneva, tehi pana dvārānīpīti evaṃ kammadvārāni aññamaññaṃ vavatthitāni “yebhuyyenavuttitāya tabbahulavuttitāya cā”ti vuccamānāya vavatthānayuttīyā. Tattha dvārāpekkhattā kammānaṃ kāyakammādībhāvassa advārācārīhi dvārehi vavatthānaṃ hoti, na pana dvārantarācārīhi kammehi dvārānaṃ avavatthānaṃ kammānapekkhakāyadvārādībhāvehi dvārehi vavatthitānaṃ kāyakammādīnaṃ kāyakammadvārādīvavatthānakarattā. Atha vā dvārantare carantānīpi kāyādīhi upalakkhitāneva caranti paṇātipātādīnaṃ evaṃsabhāvattā āṇattihattavikārādīhi vuccamānassapi kāyādīhi sādhetabbasabhāvāvabodhato, tasmā na kammantarassa attani carantassapi dvārantaraṃ sanāmaṃ deti, nāpi kammaṃ dvārassa, taṃtaṃdvārameva pana kammaṃ kammañca dvārantare carantampi attanoyeva dvārassa nāmaṃ detīti siddhaṃ aññamaññavavatthānaṃ. Pubbe pana dvāresu anibaddhatā kammānaṃ dvārantaracaraṇameva sandhāya vuttā, na etaṃ vavatthānanti.

Tatthāti tesu dvārakammesu. **Kāyakammaṃ uppajjanatthānanti** taṃsahajātā viññattiyeva vuccatī. Kiñcāpi hi sā tassa kenaci pakārena paccayo na hoti, tathāpi kammaṃ viśesikā viññatti taṃsahajātā hotīti tassa uppattitthānabhāvena vuttā yathāvuttaniyamena aññavisesanassa kammaṃ viśesanantare uppatti-abhāvā. **Kāyena pana katattāti** kāyaviññattim janetvā tāya jīvitindriyupacchedādīnipphādanato attano nipphattivasena “kāyena kataṃ kammaṃ”ti vuttam. Kāraṇabhūto hi panettha kāyoti.

Aññamaññaṃ vavatthitāti ettha kammunā kāyo kāyakammadvāranti evaṃ vavatthito, na kāyo icceva. Yathā sūcikkammunā sūcikkammaraṇanti vavatthitā, na sūci icceva, tathā idampi daṭṭhabbaṃ. **Aññamaññaṃ vavatthitā**ti ca aññamaññaṃ visesitāti attho. **Evaṃ santeti** yathāvuttaṃ vavatthānaniyamaṃ aggahetvā “dvāre caranti kammānī”ti-ādivacanameva gahetvā codeti. Tattha **evaṃ santeti** kammānaṃ dvāracaraṇe aññamaññaṃ ca vavatthāne nāmalābhe visesane satīti attho.

Kāyakammadvārakathāvaṇṇanā niṭṭhitā.

Vacikkammadvārakathāvaṇṇanā

Catūhi bhikkhave aṅgehi samannāgatāti ettha subhāsita bhāsanasaṅkhātā apisuṇavācā, dhammabhāsanasaṅkhāto asamphappalāpo, piyabhāsanasaṅkhātā apharusavācā, saccabhāsanasaṅkhāto amusāvādo cāti etā vācā tathāpavattā cetanā daṭṭhabbā. **Sahasaddā panā**ti tassa vikārassa saddena saha sambhūtattā vuttaṃ. Cittānuparivattitāya pana so na yāva saddabhāvīti daṭṭhabbo, vitakkavipphārasaddo na sotaviññeyyoti pavattena mahā-aṭṭhakathāvādena cittasamuṭṭhānasaddo vināpi viññattighaṭṭhanena uppajjatīti āpajjati. “Yā tāya vācāya viññattī”ti¹ hi vacanato asotaviññeyyasaddena saha viññattiyā uppatti natthīti viññāyatīti.

Cittasamuṭṭhānaṃ saddāyatananti ettha ca na koci cittasamuṭṭhāno saddo asaṅgahito nāma atthīti adhippāyena mahā-aṭṭhakathāvādaṃ paṭisedheti. Chabbidhena rūpasāṅgahādīsu hi “sotaviññeyyan”ti “diṭṭhaṃ sutan”ti ettha “sutan”ti ca na koci saddo na saṅgayhatīti. Mahā-aṭṭhakathāyaṃ pana viññattisahajameva jivhātālucalanādīkaravitakkasamuṭṭhitaṃ sukhumasaddaṃ “dibbasotena sutvā ādisatī”ti **sutte**² **paṭṭhāne**³ ca oḷārikasaddaṃ sandhāya “sotaviññāṇassa ārammaṇapaccayena paccayo”ti vuttanti iminā adhippāyena asotaviññeyyatā vuttā siyā.

1. Abhi 1. 168 piṭṭhe.

2. Khu 9. 403 piṭṭhe.

3. Abhi 8. 2 piṭṭhe.

saddo ca asotaviññeyyo cāti viruddhametanti pana paṭikkhepo veditabbo. Viññattipaccayā ghaṭṭanā **viññattighaṭṭanā** viññatti eva vā. Ghaṭṭanākārappavattabhūtavikāro hi “ghaṭṭanā”ti vutto. Saṅghaṭṭanena saheva saddo uppajjati, na pubbāparabhāvena. **Pathavīdhātuyāti** idaṃ vāyodhātuyā viya cālanam pathavīdhātuyā saṅghaṭṭanam kiccam adhikanti katvā vuttam, vikārassa ca tappaccayabhāvo vuttanayeneva veditabbo. Tabbikārānañhi bhūtānam aññamaññassa paccayabhāvoti. Aññampi sabbam vidhānam kāyaviññattiyam viya veditabbanam.

Tisamuṭṭhānikakāyam -pa- na labbhati. Na hi cālanam upādinnaghaṭṭananti. Cālanañhi desantaruppādanaparamparatā, ghaṭṭanam paccayavisesena bhūtakalāpānam āsannataruppādoti. **Upatthambhanakiccampi natthīti** upatthambhanena vinā paṭhamacittasamuṭṭhānāpi ghaṭṭanākārena pavattatīti ghaṭṭanattham upatthambhanena payojanam natthi, laddhāsevanena citteneva ghaṭṭanassa balavabhāvato cāti adhippāyo. Upatthambhanam natthi atthīti vicāretvā gahetabbanam.

Vacīkammadvāarakathāvaṇṇanā niṭṭhitā.

Manokammadvāarakathāvaṇṇanā

Ayam nāma cetanā kammam na hotīti na vattabbāti idaṃ yassa dvāram mano, taṃdassanattham vuttam. **Kappetīti** “tvaṃ phusanam karohi, tvaṃ vedayitan”ti evam kappentam viya pavattatīti attho. **Pakappanañca** tadeva. **Kim piṇḍam karotīti** āyūhanatthavasena pucchati. Phassādidhamme hi avippakiṇṇe katvā sakiccesu pavattanam **āyūhanam**, tattheva byāpāraṇam **cetayanam**, tathākaraṇam **abhisaṅkharanti**. Tebhūmakasseva gahaṇam lokuttarakammassa kammakkhayakarattā.

Manokammadvāarakathāvaṇṇanā niṭṭhitā.

Kammakathāvaṇṇanā

Cetayitvā kammaṃ karotīti ettha yasmā purimacetanāya cetayitvā sanniṭṭhānakammaṃ karoti, tasmā cetanāpubbakam kammaṃ taṃcetanāsabhāvamevāti cetaṇaṃ ahaṃ kammaṃ vadāmīti attho. Atha vā samānakālattepi kāraṇakiriyaṃ pubbakālā viya vattum yuttā, phalakiriyaṃ ca aparakālā viya. Yasmā ca cetaṇāya cetayitvā kāyavācāhi copanakiriyaṃ manasā ca abhijjhādikiriyaṃ karoti, tasmā tassā kiriyāya kārikaṃ cetaṇaṃ ahaṃ kammaṃ vadāmīti attho. **Kāye vāti** kāyaviññattisaṅkhāte kāye vā. **Satīti** dharamāne, anirodhite vā. Kāyasamuṭṭhāpikā cetaṇā **kāyasañcetanā**. Ettha ca sukhadukkhuppādakena kammaṇa bhavitabbaṃ, cetaṇā ca sukhadukkhuppādikā vuttāti tassā kammabhāvo siddho hoti. **Sañcetanīyanti** sañcetasabhāvavantaṃ. **Samiddhittherena** “sañcetanīyaṃ āvuso -pa-manasā sukhaṃ so vedayati”¹ ti¹ avibhajitvā byākato. **Sukhavedanīyanti**-ādinā pana vibhajitvā byākātabbo so pañho, tasmā sammā byākato nāma na hoti. Itaradvayepi eseva nayo. Yathā pana suttāni ṭhitāni, tathā copanakiriyaṇissayabhūtā kāyavācā abhijjhādikiriyaṇissayo ca manodvārāni, yāya pana cetaṇāya tehi kāyādīhi karaṇabhūtehi copanābhijjhādikiriyaṃ karonti vāsi-ādīhi viya chedanādim, sā cetaṇā kammanti dvārappavattiyampi kammadvārābhedanañca kammadvāravavattihānañ ca dissati, evañca sati “kāyena ce kataṃ kamman”² ti-ādigāthāyo² ativiya yujjanti.

Lokuttaramaggo idha lokiyakammakathāyaṃ anadhippetopi bhajāpiyamāno tīṇi kammāni bhajati. **Manena dussīlyanti** kāyikavācasikavītikkamavajjaṃ sabbaṃ akusalaṃ saṅgaṇhāti, micchādiṭṭhisāṅkappavāyāmasatisamādhim vā. Tampi cetaṃ “manasā saṃvaro sādhu”³ ti³ vuttassa saṃvarassa paṭipakkhavasena vuttaṃ, na sīlavipattivasena. Na hi sā mānasikā atthīti maggasseva bhajāpanaṃ mahāvisayattā. Bojjhaṅgā hi manokammameva bhajeyyūṃ, na ca na sakkā maggabhajāpaneneva tesam bhajāpanaṃ viññātunti.

1. Ma 3. 251; Abhi 4. 290 piṭṭhesu.

2. Abhi-Ṭṭha 1. 127 piṭṭhe.

3. Saṃ 1. 73; Khu 1. 65 piṭṭhesu.

Kammapatham̃ appattānampi taṃtaṃdvāre saṃsandanaṃ avarodhanaṃ dvārantare kammantaruppattiyampi kammadvārābhedanañca **dvārasaṃsandanaṃ** nāma. “Tividhā bhikkhave kāyasañcetanā akusalaṃ kāyakammaṃ”ti-ādinā¹ kammapathappattāva sanniṭṭhāpakacetanā kammanti vuttāti purimacetanā sabbā kāyakammaṃ na hotīti vuttaṃ. **Āṇāpetvā -pa-alabhantassāti** āṇattehi amāritabhāvaṃ sandhāya vuttaṃ, vacīduccaritaṃ nāma hoti akammapathabhāvatoti adhippāyo. “Ime sattā haññantū”ti pavattabyāpādavasena **cetanāpakkhikā vā bhavanti** kāyakammavohāralābhā. **Abbohārikā vā** manokammavohāravirahā. Sasambhārapathavī-ādīsu āpādayo ettha nidassanaṃ.

Kulumbassāti gabbhassa, kulasseva vā. Tissopi saṅgītiyo āruḷhatāya ananujānato “**tava suttassā**”ti vuttaṃ. **Dasavidhā iddhi** paṭisambhidāmagge iddhikathāya gahetabbā. **Bhāvanāmayanti** adhiṭṭhānidhiṃ sandhāya vadati. Ghaṭabhedo viya parūpaghāto, udakavināso viya iddhivināso ca hotīti upamā saṃsandati. **Tava pañhoti** bhāvanāmayāya parūpaghāto hotīti vutto ñāpetum icchito attho. **Ātabbaniddhi** vijjāmayiddhi hoti. **Sattame padeti** maṅgalādito sattame pade.

Vacanantarena gametabbattham̃ **neyyattham̃**, sayameva gamitabbattham̃ **nītattham̃**. **Kiriyato samuṭṭhāti**, **udāhu akiriyatoti** tenādhippetam̃ sampajānamusāvādaṃ sandhāya pucchati, na uposathakkhandhake vuttaṃ. Tattha avuttameva hi so anariyavohāraṃ vuttanti gahetvā voharatīti. **Vācāgiranti** vācāsaṅkhātāṃ girāṃ, vācānucāraṇaṃ vā.

Khandasivādayo seṭṭhāti khandāti kumārā. **Sivāti** mahessarā, micchādīṭṭhiyā nidassanatthamidam̃ vuttanti daṭṭhabbam̃. Natthikadīṭṭhādayo eva hi kammapathappattā kammanti. **Cetanā panettha abbohārikāti** kāyadvāre vacīdvāre ca samuṭṭhitāpi kāyakammaṃ vacīkammanti ca vohāraṃ na labhati abhijjhādippadhānattā. “Tividhā bhikkhave manosañcetanā akusalaṃ manokammaṃ”ti¹ pana vacanato sabhāveneva sā manokammaṃ na abhijjhādīpakkhikattāti “abhijjhādīpakkhikāvā”ti na vuttaṃ. Imasmim̃ pana ṭhāne kāyaṅgavācaṅgāni acopetvā cintanakāle cetanāpi cetanāsampayuttadhammāpi

1. Abhi 4. 290 piṭṭhe.

manodvāre eva samuṭṭhahanti, tasmā cetanāya abbohārikabhāvo kathañci natthīti adhippāyo.

“Tividhā bhikkhave kāyasañcetanā kusalam kāyakamman”¹
ādivacanato pāṇātipātādipaṭipakkhabhūtā tabbirativisiṭṭhā cetanāva
pāṇātipātavirati-ādikā hontīti “cetanāpakkhikā vā”²ti vuttam, na
“viratipakkhikā”²ti. **Rakkhatīti** avināsetvā katheti. **Bhindatīti** vināsetvā
katheti.

Kammakathāvaṇṇanā niṭṭhitā.

Cakkhuviññānadvāranti cakkhuviññāṇassa dvāraṃ. Cakkhu ca taṃ
viññānadvārañcāti vā **cakkhuviññānadvāram**. Cakkhu viññānadvāranti vā
asamāsaniddeso. Taṃ pana cakkhumeva. Esa nayo sesesupi. “Cakkhunā
saṃvaro sādhu”²ti-ādikāya² gāthāya pasādakāyacopanakāyasaṃvare
ekajjhaṃ katvā kāyena saṃvaro vutto, taṃ idha bhinditvā aṭṭha saṃvarā,
tappaṭipakkhabhāvena asaṃvarā aṭṭha kathitā. Silasaṃvarādayopi pañceva
saṃvarā sabbadvāresu uppajjamānāpi, tappaṭipakkhabhāvena dussilyādīni
asaṃvarāti vuttāni. Tattha **dussilyaṃ** pāṇātipātādicetanā. **Muṭṭhassaccaṃ**
satipaṭipakkhā akusalā dhammā. Pamādanti keci. Sītādīsu paṭigho **akkhanti**.
Thinamiddham **kosajjam**.

Vinā vacīdvārena suddham kāyadvārasaṅkhātanti idaṃ
vacīdvārasallakkhitassa musāvādādinopi kāyadvāre pavattisabbhāvā
asuddhatā atthīti taṃnivāraṇatthaṃ vuttam. Na hi taṃ kāyakammaṃ hoti.
Suddhvacīdvāropalakkhitam pana vacīkammameva hotīti. **Ettha asaṃvaroti**
etena suddhakāyadvārena upalakkhito asaṃvaro dvārāntare uppajjamānopi
vutto. Dvārāntarānopalakkhitam sabbam taṃdvārikākusalañceti veditabbam.
Evañca katvā kammapathasaṃsandane “copanakāya-asaṃvaradvāravasena
uppajjamāno asaṃvaro akusalam kāyakammameva hotī”²ti-ādi “akusalam
kāyakammaṃ copanakāya-asaṃvaradvāravasena vacī-asaṃvaravasena ca
uppajjati”²ti-ādinā saha aviruddham hoti. Asaṃvaro hi

1. Abhi 4. 290 piṭṭhe.

2. Khu 1. 65 piṭṭhe Dhammapade.

dvārantare uppajjamānopi sadvāre evāti vuccati, sadvāravasena uppannoti ca, kammañ aññadvāre aññadvāravasena cāti evaṃ aviruddhañ.

Atha vā **etthā**ti suddhañ asuddhanti etañ avicāretvā etasmim copaneti vuttañ hoti. Evañ sati dvārantaropalakkhitañ kammaṭṭhabhāvappattatāya vacīmanokammañ copanakāya-asamvaradvāre uppannañ, sesañ sabbañ tañdvāruppannākusalañ viya “copanakāya-asamvaro”ti vuccati. Kammaṭṭhabhāvappattiyā dvārantaruppannañ kāyakammañca tathā na vuccatīti kammaṭṭhasamsandanavirodho siyā, tadavirodhañ tattheva vakkhāma. Sīlasamvarādayo pañca nikkhepakaṇḍe āvi bhavissanti. Tattha ñāṇasamvare paccayasannissitasīlassa, vīriyasamvare ca ājīvapārisuddhiyā antogadhatā daṭṭhabbā.

Akusalakammaṭṭhakathāvaṇṇanā

Saraseneva ca patanasabhāvassa paṇassa antarā eva atīva pātaṇaṃ **atipāto**, saṇikaṃ patitum adatvāva sīghaṃ pātaṇanti attho. Atikkamma vā sathādīhi abhibhavivā pātaṇaṃ **atipāto**. Payogavatthumahantatādīhi **mahāsāvajjātā** tehi paccayehi uppajjamānāya cetanāya balavabhāvato. Yathāvuttapaccayavipariyāyepi taṃtaṃpaccayehi uppajjamānāya cetanāya balavābalavavaseneva appasāvajjamahāsāvajjātā veditabbā. **Iddhimayo** kammavipākajiddhimayo dāḥhakoṭīkādīnaṃ viya.

Gottarakkhitā sagottehi rakkhitā. **Dhammarakkhitā** sahadhammikehi rakkhitā. Sasāmikā **sārakkhā**. Yassā gamane raññā daṇḍo ṭhapito, sā **saparidaṇḍā**. **Atthabhañjakoti** kammaṭṭhappattañ vuttañ. Kammaṭṭhakathā hesāti. **Attano santakaṃ adātukāmatāyāti**-ādi musāvādasāmaññato vuttañ. Hasādhippāyena visamvādanapurekkhārasseva musāvādo. **Suññabhāvanti** pītivirahitatāya rittatañ. Atthavipannaṭāya **na hadayaṅgamā**. **Aggaṇhanteti** asaddahante kammaṭṭhabhedo na hoti. Yo koci pana samphappalāpo dvīhi sambhārehi sijjhatīti. Attano pariṇāmanaṃ cittenevāti veditabbañ. **Micchā passatīti** vitathañ passati.

Koṭṭhāsatoti phassapañcamakādīsu cittaṅgakoṭṭhāsesu ye koṭṭhāsā honti, tatoti attho. Nanu ca cetanā kammaopathesu na vuttāti paṭipāṭiyā sattannaṃ kammaopathabhāvo na yuttoti? Na, avacanassa aññahetuttā. Na hi cetanāya akammaopathattā kammaopatharāsīmhi avacannaṃ, kadāci pana kammaopatho hoti, na sabbadāti kammaopathabhāvassa aniyatattā avacannaṃ. Yadā pana kammaopatho hoti, tadā kammaopatharāsisāṅgaho na nivāritoti. “Pañca sikkhāpadā parittārammaṇā evā”ti etena adinnādānādīnaṃ sattārammaṇabhāvavirodhaṃ “sattasaṅkhāte saṅkhāre eva ārabha pavattito”ti sayameva pariharissati. “Natthi sattā opapāṭikā”ti pavattamānā diṭṭhi tebhūmakadhammavisayāvāti saṅkhārārammaṇatā vuttā. Vipākanissandaphalāni yathākkamaṃ nirayādivipākaduggatatādīni.

Akusalakammaopathakathāvaṇṇanā niṭṭhitā.

Kusalakammaopathakathāvaṇṇanā

Pāṇātipātādīhi pana viratiyoti etaṃ yāhi viratihi sampayuttā cetanā “kāyavacīkammāni”ti vuccanti, tāsāṅca kammaopathabhāvo yuttoti katvā vuttaṃ. Tathā hi vakkhati “paṭipāṭiyā satta cetanāpi vaṭṭanti viratiyopī”ti. **Allasasamaṅsanti** jīvamānakasasamaṅsaṃ. Voropetā hutvā nābhijānāmi. Dussīlyādārammaṇā tadārammaṇā. Jīvitindriyādi-ārammaṇā kathaṃ dussīlyādīni pajahantīti taṃ dassetuṃ “**yathā panā**”ti-ādi vuttaṃ. **Anabhijjhā-pa-viramantassāti** abhijjhaṃ pajahantassāti attho. Na hi manoduccaritā virati atthi anabhijjhādīheva tappahānato.

Kammaopathasaṃsandanakathāvaṇṇanā

Kammaopathappattānaṃ dussīlyādīnaṃ asaṃvarānaṃ tathā duccaritānaṅca akusalakammaopathēhi kammaopathappattānameva ca susīlyādīnaṃ saṃvarānaṃ tathā sucaritānaṅca kusalakammaopathēhi atthato nānattābhāvadassanaṃ. Atha vā tesāṃ phassadvārādīhi avirodhabhāvena dīpanaṃ kammaopathasaṃsandananti keci

vadanti, tadetaṃ vicāretabbaṃ. Na hi pañcaphassadvāra pañca-
 asaṃvaradvāra pañcasamvaradvāresu uppannānaṃ asaṃvarānaṃ
 samvarānañca kamma-pathatā atthi paṇātipātādīnaṃ
 parasantakavatthulobhaparasantārammaṇabyāpāda-ahetukadiṭṭhi-ādīnañca
 tesu dvāresu anuppattito. Tividhakāyaduccarītādīni ca kamma-pathatī pākaṭā
 evāti kiṃ tesam kamma-pathēhi nānattābhāvadassanena, na ca duccharitānaṃ
 sucaritānañca phassadvārādivasena uppatti dīpitā, nāpi asaṃvarānaṃ
 samvarānañca yato tesam phassadvārādīhi avirodhabhāvena dīpanā siyā,
 kevalaṃ pana phassadvārādivasena uppannānaṃ asaṃvarānaṃ
 samvarānañca kāyakammādītā dīpitā. Yadi ca ettakaṃ
 kamma-pathasamsandanaṃ, “akusalaṃ kāyakammaṃ
 pañcaphassadvāravasena nuppajjati”ti-ādī kamma-pathasamsandanaṃ na
 siyā. Esāpi chaphassadvārādīhi avirodhadīpanāti ce, vuttameva
 pakārantarena dassetuṃ “atha vā”ti na vattabbaṃ. Samuccayatthe ca atha
 vā-sadde kamma-pathappattāneva dussilyādīni kāyakammādināmehi
 vadantehi manokamma-sa chaphassadvāravasena uppatti na vattabbā. Na hi
 taṃ cakkhudvārādivasena uppajjati. Yadi ca kamma-pathappattā eva
 asaṃvarādayo gahitā, duccharitehi aññesaṃ asaṃvarānaṃ abhāvā tesañca
 taṃtaṃkammabhāvassa vuttattā “copanakāya-asaṃvaradvāravasena
 uppanno asaṃvaro akusalaṃ kāyakammameva hoti”ti-ādī na vattabbaṃ
 siyā. Vuccamāne hi tasmim saṅkaro siyā, vacīmanokammānīpi hi kāyadvāre
 uppajjanti, tathā sesadvāresupi kammantarānīti.

Atha pana dvārantare uppajjamānaṃ kammantarampi
 taṃdvārikakammameva siyā “tividhaṃ kāyaduccaritaṃ akusalaṃ
 kāyakammamevā”ti-ādī, “akusalaṃ kāyakammaṃ copanakāya-
 asaṃvaradvāravasena vācā-asaṃvaradvāravasena ca uppajjati”ti-ādī ca
 virujjheyya. Duccharitānañhi aññadvāracaraṇaṃ atthi, na cassa
 dvārantaruppannaṃ kammantaraṃ hotīti. Tasmā heṭṭhā
 kamma-pathappattānaṃ eva kāyakammādibhāvassa vuttattā sesānañca
 taṃtaṃdvārappannānaṃ kusalākusalānaṃ dvārasamsandane
 taṃtaṃdvārappakkhikabhāvassa katattā idha kamma-pathaṃ appattānañca
 cetanābhāvato akammānañca asaṃvarānaṃ samvarānañca
 bhajāpiyamānānaṃ kamma-pathānaṃ viya kāyakammādītādīpanaṃ,
 kamma-pathappattānaṃ tividhakāyaduccarītādīnaṃ
 tividhakāyasucarītādīnañca
 dvārantaracaraṇepikāyakammādibhāvāvijahanadīpanaṃ, yathāpakāsītānañca
 kamma-pathabhāvaṃ

pattānaṃ apattānaṃ akusalakāyakammādīnaṃ kusalakāyakammādīnaṃ phassadvārādīhi uppattipakāsanaṃ kammaṭṭhasaṃsandanaṃ nāma. Kasmā? Akammaṭṭhānaṃ kammaṭṭhesu kammaṭṭhānaṃ akammaṭṭhesu samānaṃamātāvasena, kammaṭṭhānaṃ kammaṭṭhesu sāmānaṃamāvijahanavasena, ubhayaṃ uppattivaseṇa dvāresu ettha saṃsanditattā.

Tattha tividhakammaṭṭhavasena uppannaṃ kammaṇaṃ nātakammaṭṭhāvāya taṃtaṃkammaṭṭhavasā avacaṇiyattā kammaṭṭhavasēsu tesāṃ uppattiyā ca vuttattā pañcaviṇṇāṇadvāravasena asaṃvarādīnaṃ uppattipariyāyavacaṇābhāvato ca kammaṭṭhāvaviṇṇāṇadvārāni virajjhivā **“pañcaphassadvāravasena hi uppanno”**ti-ādi vuttāṃ. **“Yampidaṃ cakkhusamphassapaccayā uppajjati sukhaṃ vā”**ti-ādinā **“cakkhusamphassapaccayā vedanākkhandho atthi kusalo”**ti-ādinā ca pañcaphassadvāravasena asaṃvarādīnaṃ uppattipariyāyo vutto, na ca **“yamidaṃ cakkhuviṇṇāṇapaccayā”**ti-ādivacaṇaṃ atthīti. Vuttampi cetāṃ **“cakkhuviṇṇāṇasahajāto hi phasso cakkhusamphasso”**ti-ādi¹. Tena hi asaṃvarānaṃ saṃvarānaṃ cakkhusamphassādīhi asahajātattā manosamphassasahajātānaṃ cakkhusamphassadvārādivaseṇa uppatti dīpitāti. **“So hi kāyadvāre copanaṃ patto akusalaṃ kāyakammaṃ hotī”**ti-ādinā **“copanakāya-asaṃvaradvāravasena uppanno akusalaṃ kāyakammameva hotī”**ti-ādinā ca vacīkammādīnaṃ kammaṭṭhappattānaṃ asaṃvarabhūtaṃ kāyakammādibhāve āpanne **“catubbidhaṃ vacīduccaritaṃ akusalaṃ vacīkammameva hotī”**ti-ādinā apavādena nivatti daṭṭhabbā. Evaṃ katvā pubbe dassitesu asaṃvaravinicchayesu dutiyavinicchayesu ca na koci virodho. Na hi vacīkammādibhūto copanakāya-asaṃvaro kāyakammādi hotīti.

Akusalaṃ manokammaṃ pana chaphassadvāravasena uppajjati, taṃ kāyavacīdvāresu copanaṃ pattāṃ akusalaṃ kāyavacīkammaṃ hotīti ettha kiṃ taṃ akusalaṃ manokammaṃ nāma, heṭṭhā dassitanayena ca kāyavacīdvāresu uppannaṃ tividhaṃ manoduccaritaṃ copanaṃ appattāṃ sabbākusalaṃca. Yadi evaṃ tassa kāyavacīkammabhāvo natthīti **“copanappattāṃ kāyavacīkammaṃ hotī”**ti na

1. Abhi-Ṭṭha 1. 138; Mahāniddeśa-Ṭṭha 291 piṭṭhesu.

yujjati? No na yujjati copanappattaṃ kāye vācāya ca akusalaṃ kammaṃ hotīti atthasiddhito. Kammaṃ pana hontaṃ kiṃ kammaṃ hotīti? Manokammameva hotīti. Idam vuttaṃ hoti—copanappattaṃ akusalaṃ kāyadvāre vacīdvāre ca manokammaṃ hotīti. Atha vā taṃ-saddassa manokammena sambandhaṃ akatvā chaphassadvāravasena yaṃ uppajjati, tanti yathāvutta-uppādamattaparicchinnena sambandho kātabbo. Kiṃ pana tanti? Kammakathāya pavattamānattā kammanti viññāyati, tañca manosamphassadvāre uppajjamānampi tividhaṃ kammaṃ hotīti. Yathā taṃ hoti, taṃ dassetuṃ **“kāyavacīdvāresu copanaṃ pattaṃ”**ti-ādimāha. Tattha niyamaṃ atatattā copanappatti upalakkhaṇabhāvena kāyavacīkammaṃ nāmasādhikāva, na pana sabbampi copanappattaṃ kāyavacīkammameva, nāpi kusalapakkhe copanaṃ pattaṃ kāyavacīkammaṃ na hotīti ayamatto siddhova hotīti.

Atha vā **tanti** taṃ chaphassadvāravasena uppajjamānaṃ manokammanti sabbam manasāpi nipphajjamānaṃ kammaṃ manokammanti codakādhippāyena gahetvā vadati, na pubbe dassitamanokammanti. Yo hi parassa adhippāyo “manasā nipphattito sabbena manokammeneva bhavitabbaṃ, na kāyavacīkammenā”ti, taṃ nivattetvā kammattayaniyamaṃ dassetuṃ idamāradhaṃ **“taṃ kāyavacīdvāresu copanaṃ pattaṃ”**ti-ādi. Ettha ca saṅkarābhāvo purimanayeneva veditaṃ. Atha vā kammanti avisesena kammassaddamattena sambandhaṃ katvā yathāvutto kammappabhedo yathā hoti, taṃ pakāraṃ dasseti. Asaṅkaro ca vuttanayova. Yaṃ pana vadanti “kāyavacīkammāsahajāta abhijjhādayo yadā cetanāpakkhikā honti, tadā tāni manokammāni kāyavacīkammāni honti”ti, tañca na, cetanāpakkhikānaṃ manokammattābhāvā. Abbohārikatte ca manokammataṃ suṭṭhutaṃ natthi. Vuttampi cetam “abbohārikā vā”ti. Tasmā manokammassa kāyavacīkammataṃ na vattabbā. Abhijjhādikiriyaṅkārikāya eva cetanāya sampayuttā abhijjhādayo manokammaṃ, na pañātipātadikāyavacīkiriyaṅkārikāyāti bhiyyopi tesam manokammataṃ na tesam manokammānaṃ sataṃ kāyavacīkammataṃ vattabbāti. Evaṃ kammānaṃ dvāresu dvārānañca kammesu aniyatattā dvāranibandhanaṃ na kataṃ. Idāni akatepi ca dvāranibandhane yesam dvārānaṃ vasena idam cittaṃ uppajjati, tesam taṃtaṃdvārakammāpathānañca vasena uppattiyā yathābhaṭṭhapāliya

vuttāya ca dīpanattham **“tatha kāmāvacaran”**ti-ādimāha. **Cittam tividhakammadvārasena uppajjati** idam manokammadvārabhūta tena sabhāvena uppattim gahetvā vuttam. Yathā vā cittam cittādhipateyyanti sampayuttavasena vuccati, evamidhāpīti veditabham. Copanadvayarahitassa manopabandhassa manokammadvārabhāve pana vattabbameva natthi.

Kammapathasamsandanakathāvaṇṇanā niṭṭhitā.

Dvārakathāvaṇṇanā niṭṭhitā.

Ayam yojanāti “rūpārammaṇam vā -pa- dhammārammaṇam vā”ti etena saha “yam yam vā panā”ti etassa ayam sambandhoti attho. Ko panāyam sambandhoti? Yena vacanāni aññamaññaṃ sambajjhanti, tam pubbāparavacane payojanam sambandho. Idha ca sabbārammaṇatādidassanam “rūpārammaṇam vā -pa- dhammārammaṇam vā”ti etassa anantaram “yam yam vā panā”ti etassa vacane payojanam yojanā daṭṭhabbam. Tattha **“rūpārammaṇam vā -pa- dhammārammaṇam vā ārabbhā”**ti ettakena āpannam dosaṃdassetvā tannivattanavasena “yam yam vā panā”ti etassa payojanam dassetum **“heṭṭhā”**ti-ādimāha. Dutiye atthavikappe “yam yam vā panā”ti etena appadhānampi rūpādim ākaḍḍhati. Na hi padhānassa cittassa attanoyeva ārammaṇabhāvo atthīti. **Heṭṭhā vuttanayenā**ti sabbārammaṇatādinayena. “Heṭṭhā gahitameva gahitanti vatvā tassa vacane payojanam dassetum ‘rūpam vā -pa- idam vā idam vā ārabbhā’ti kathetum idam vuttan”ti vuttam. Tattha **idam vā idam vā**ti etam sabbārammaṇatādim sandhāya kathitanti veditabham.

Dhammuddesavārakathā

Phassapañcamakarāsivaṇṇanā

Ācariyānanti revatācariyassa. Na panetam sārato daṭṭhabbam. Na hi phassādīnam kāmāvacarādibhāvadassanattham idamāraddham kintu tasmim samaye phassādisabhāvadassanatthanti.

Cittassa paṭhamābhiniṭṭhāti sabbe cetasikā cittāyattā cittaṅkiriyābhāvena vuccantīti phasso “cittassa paṭhamābhiniṭṭhā”ti vutto.

Kāmaṃ uppannaphasso puggalo cittacetasikarāsi vā ārammaṇena phuṭṭho phassasahajātāya vedanāya taṃsamakārameva vedeti, phasso pana obhāsassa padīpo viya vedanādīnaṃ paccayaviseso hotīti purimakālo viya vutto. Gopānasīnaṃ upari tiriyaṃ ṭhapitakaṭṭhaṃ **pakkhapāso**. Kaṭṭhadvayādi viya ekadesena ekapassena anallīyamānopi rūpena saha phassassa sāmāññaṃ anallīyamānaṃ saṅghaṭṭanameva, na visayabhāvo, saṅghaṭṭanañca phassassa cittārammaṇānaṃ sannipatanabhāvo eva. Vatthārammaṇasannipātena sampajjatīti saṅghaṭṭanasampattiko phasso. Pāṇidvayassa sannipāto viya cittārammaṇasannipāto phasso cittassa ārammaṇe sannipatitappavattiyā paccayo hotīti **kiccaṭṭheneva rasena saṅghaṭṭanaraso**. Tathā paccayabhāvo hi tassa phassassa saṅghaṭṭanakiccanti. Yathā hi pāṇiyā pāṇimhi saṅghaṭṭanaṃ tabbisesabhūtā rūpadhammā, evaṃ cittassa ārammaṇe saṅghaṭṭanaṃ tabbisesabhūto eko cetasikadhammo daṭṭhabbo. **Citteyevāti** etena cetasikasabhāvataṃ vatthārammaṇehi asaṃsaṭṭhaṃ saṅghaṭṭanaṃ vedanāya dasseti, na pana vatthunissayataṃ paṭikkhipati. Tassa phassassa kāraṇabhūto tadanurūpo samannāhāro tājāsamannāhāro. Indriyassa tadabhimukhabhāvo āvajjanāya ca ārammaṇakaraṇaṃ visayassa parikkhatatā abhisāṅkhatatā viññāṇassa visayabhāvakaraṇanti attho.

Sukhavedanāyameva labbhati assādabhāvatoti adhippāyo. **Vissavitāyāti** arahatāya. Anekatthattā hi dhātūnaṃ arahattho vipubbo susaddo. Vissavaṃ vā sajanaṃ vasitā kāmakāritā **vissavitā**. **Ārammaṇarasekadesameva anubhavantīti** idaṃ phusanādikiccaṃ ekadesānubhavanamiva hotīti katvā vuttaṃ. Vedayitasabhāvo eva hi anubhavananti. Phusanādibhāvena vā ārammaṇaggahaṇaṃ ekadesānubhavanaṃ, vedayitabhāvena gahaṇaṃ yathākāmaṃ sabbānubhavanaṃ. Evaṃ sabbhāvāneva tāni gahaṇānīti na vedanāya viya phassādīnampi yathāsakakiccakaraṇena sāmibhāvānubhavanaṃ codetabbaṃ. **Ayaṃ idhāti** etena pañcasu vedanāsu imasmim citte adhippetāṃ somanassavedanaṃ vadati, tasmā asomanassavedanaṃ apanetvā gahitāya somanassavedanāya samānā iṭṭhākārasambhogarasatā vuttāti veditabbā.

Nimittena punasañjānanakiccā **paccābhiññāṇarasā**. Punasañjānanassa paccayo punasañjānanapaccayo, tadeva nimittam puna -pa- nimittam, tassa karaṇam **puna -pa- karaṇam**. Punasañjānanapaccayabhūtam vā nimittakaraṇam **puna -pa- karaṇam**, tadassā kiccanti attho. Punasañjānanapaccayanimittakaraṇam nimittakārikāya nimittena sañjānantiyā ca sabbāya saññāya samānam veditabham. **Ñānameva anuvattati**, tasmā abhinivesakārikā viparītaggāhikā ca na hotīti adhippāyo. Etenupāyena samādhisampayuttāya aciraṭṭhānatā ca na hotīti daṭṭhabbā.

Abhisandahatīti pabandhati pavatteti. **Cetanābhāvo** byāpārabhāvo. **Diguṇussāhātī** na diguṇam vīriyayogaṃ sandhāya vuttam, attano eva pana byāpārakiccassa mahantabhāvaṃ dīpeti. **Ussāhanabhāvenātī** ādarabhāvena. Sā hi sayam ādarabhūtā sampayutte ādarayatīti.

Vijānanam ārammaṇassa upaladdhi. **Sandahanam** cittantarassa anuppabandhanam. **Cakkhunā hi diṭṭhanti** cakkhunā daṭṭhabbam. Yathā “diṭṭham sutam mutam viññātan”ti daṭṭhabbādi vuccati, evamidhāpi veditabbam. **Cakkhunā hīti**-ādīsu cakkhunā -pa- manasā dvārenātī attho. Nagaraguttikassa viya cittassa ārammaṇavibhāvanamattam upadhāraṇamattam upaladdhimattam kiccam, ārammaṇapaṭivedhanapaccābhiññāṇādi pana kiccam paññāsaññādīnanti veditabbam. **Purimaniddiṭṭhanti** samayavavatthāne niddiṭṭham. Bhāvanto viya na na uppajjati, kintu uppajjatīti dassetum “**cittamhotī**”ti vuttanti etam hoti-saddassa uppajjati-saddassa ca samānatthatte sati yujjeyya, tadatthatte ca tattha uppannam hotīti na vucceyya. Na hi yuttam uppannam uppajjatīti vuttum. Cittassa ca uppannatā samayavavatthāne vuttā evāti kim tassa puna uppattidassanena. Yena ca samayavavatthānam kataṃ, tassa niddeso na na sakkā kātunti kim tam niddesattham uddesena dutiyena, niddeseneva ca phassādīhi ca aññattam cittassa sijjhatīti kim tadatthena puna vacanena, aññappayojanattā pana purimassa cittavacanassa pacchiram vuttam. Purimañhi samayavavatthānattameva vuttam, na vavatthitasamaye vijjamānadhamaḍḍassanattam, itarañca tasmim samaye vijjamānadhamaḍḍassanattam vittam, na samayavavatthānattham, na ca aññadattham vacanam aññadattham vadati, na ca lesena vuttoti katvā mahākāruṇiko attham pākāṭam na karotīti.

Phassāpañcamakarāsivaṇṇanā niṭṭhitā.

Jhānaṅgarāsivaṇṇanā

Vitakketīti dhammato aññassa kattunivattanatthaṃ dhammameva kattāraṃ niddisati. Tassa pana vasavattibhāvanivāraṇatthaṃ “**vitakkanam vā**”ti bhāvaniddeso. Rūpaṃ rūpanti pathavī pathavīti vā ākoṭento viya hotīti **ākoṭanalakkhaṇo**. Ādīto, abhimukhaṃ vā hananaṃ **āhananaṃ**, parīto, parivattetvā vā āhananaṃ **pariyāhananaṃ**. Vicārato oḷārikatṭhena vicārasseva pubbaṅgamaṭṭhena anuravato oḷāriko tassa ca pubbaṅgamo **ghaṇṭābhīghāto viya** hoti **vitakko**. So yathā ghaṇṭābhīghāto paṭhamābhiniṇṇāto hoti, evaṃ ārammaṇātimukhaniropanaṭṭhena paṭhamābhiniṇṇāto hoti. **Vipphāravāti** vicalanayutto. **Anuppabandhena pavattiyanti** upacāre vā appanāyaṃ vā santānena pavattiyaṃ. Tattha hi vitakko niccalo hutvā ārammaṇaṃ anupavisitvā pavattati. **Maṇḍalanti** khalamaṇḍalaṃ.

Piṇayatīti tappeti, vaḍḍheti vā. **Pharaṇarasāti** paṇītarūpehi kāyassa byāpanarasā. Udaggabhāvo **odagyaṃ**. **Khuddikā** lahuṃ lomahaṃsanamattaṃ katvā bhinnā na puna uppajjati. **Khaṇikā** bahulaṃ uppajjati. Ubbegato **pharaṇā** niccalattā ciraṭṭhitikattā ca paṇītatarā. Passaddhiyā nimittabhāvena gabbhaṃ gaṇhanti. Appanāsampayuttāva pīti **appanāsamādhīpūrikāti** katvā sā ṭhapitā. **Itarā dve** khaṇīkopacārasamādhīpūrikā pīti.

Samādhicittentiti samādhisahitacittena. **Avisāro** attano eva avisaraṇasabhāvo. **Avikkhepo** sampayuttānaṃ avikkhittatā. Yena sampayuttā avikkhittā honti, so dhammo avikkhepoti. **Visesatoti** yebhuyyena. Sukhavirahitopi hi atthi samādhīti. Padīpanidassanena santānaṭṭhitibhāvaṃ samādhissa dasseti.

Jhānaṅgarāsivaṇṇanā niṭṭhitā.

Indriyarāsivaṇṇanā

Saddahanti etāyāti saddahanakiriyāya pavattamānānaṃ dhammānaṃ tattha ādhipaccabhāvena saddhāya paccayataṃ dasseti. Tassā hi dhammānaṃ

tathāpaccayabhāve sati “puggalo saddahatī”ti vohāro hoti. Pasādanīyaṭṭhānesu pasādassa paṭipakkhabhūtaṃ akusalaṃ assaddhiyaṃ micchādhimokkha ca. Pasādabhūto nicchayo vatthugato adhimokkhalakkhaṇaṃ, na yevāpanakādhimokkhoti. **Indaṭṭham kāretīti** “maṃ antarena tumhākaṃ adhimuccanaṃ natthi, mayā saddahathā”ti viya attānaṃ anuvatteti sampayuttadhamme. Evaṃ sesesupi. **Pakkhandananti** saṃsīdanaṃ. **Paṅko** kaddamato ghaṇibhūto hoti. **Paṇakaṃ** picchilaṃ udakamalaṃ. Pītaṃ udakaṃ. **Okappanalakkhaṇāti** anupavisitvā evametanti kappanalakkhaṇā. Akalusabhāvo **akālusiyaṃ**, anāvilabhāvoti attho. Buddhādivatthūni **saddheyāni**. Sappurisūpasevanasaddhammasavana yonisomanasikāra dhammānudhammapaṭipattiyo **sotāpattiyaṅgāni**. Kusaldhammānaṃ ādāne **hattho** viya, sabbasampattinipphādane **vittaṃ** viya, amatakasiphalaphalane **bijaṃ** viya daṭṭhabbā.

Vīrabhāvoti yena vīro nāma hoti, so dhammoti attho. Anubalappadānaṃ **paggaho**. Maggo gantabbo hoti, maggo gato, kammaṃ kattabbaṃ, kammaṃ kataṃ, appamattako ābādho uppanno, gilānā vuṭṭhito hoti aciravuṭṭhito gelaṇṇā, gāmaṃ vā nigamaṃ vā piṇḍāya caranto na labhati lūkhassa vā paṇītaṃ vā bhojanassa yāvadattham pāripūriṃ, labhati -pa- pāripūrinti etāni anurūpapaccavekkhaṇāsahitāni aṭṭha vīriyārambhavatthūni taṃmūlakāni vā paccavekkhaṇāni.

Cirakatādi-ārammaṇaṃ upagantvā ṭhānaṃ, anissajjanaṃ vā ārammaṇassa **upaṭṭhānaṃ**. Udake alābu viya ārammaṇaṃ pilavitvā gantum appadānaṃ pāsāṇassa viya niccalassa ārammaṇassa ṭhapanāṃ sāraṇaṃ asammuṭṭhatākaraṇaṃ **apilāpanaṃ**. Apilāpe karoti **apilāpeti**. **Gatīyoti** nipphattiyo sambhavato phalato ca. **Aparo** nayoti rasādidassanattamaṃ āraddhaṃ. Sammosapaccanīkaṃ kiccaṃ **asammoso**, na sammosābhāvamattaṃ. Satiyā vatthubhūtā kāyādayo **kāyādisatiṭṭhānā**, satiyoyeva vā purimā pacchimānaṃ padaṭṭhānaṃ.

Vikkhepassa uddhaccassa. **Paññāpetīti** pakārehi jānāpeti. **Ekālokā hotīti** vipassanupakkilesobhāsaṃ sandhāyāha. Manate vijānāti etenāti vā **mano**, evaṅca katvā “manaṅca paṭicca dhamme cā”ti¹

1. Ma 1. 158, 326; Ma 3. 328, 333 piṭṭhesu.

kāraṇabhāvena mano vutto. Sabbo hi mano attano anantarassa viññāṇassa kāraṇanti. **Vijānāti** paricchinnopaladdhivasena jānāti, na saññāpaññā viya sañjānanapaṭivijjhanavasena.

Pītisomanassasampayogatoti vutte yena yogā sumano hoti, taṃ somanassanti vuccatīti pītiyā ca somanassabhāvo āpajjati, tasmā vināpi kāyena vatthunā sātavedanāsampayogatoti yojetabbam. Evañca nippītikam somanassañca saṅgahitam hoti, pīti-upalakkhitam vā somanassam sappītikam nippītikañca somanassanti attho daṭṭhabbo.

Pavattasantatādhipateyyanti pavattasaṅkhātāya santatiyā adhipatibhūtam. Jīvitindriyassa hi attano vijjamānakkhaṇe anupālentassa anantarañca sānupālanānam uppattiyā hetubhūtassa vasena pavattam ciraṭṭhitikam hoti, taṃtamkammavisesena visesayuttam yāva cuti avisesena vā yāva parinibbānam avicchinnam pavattati jīvamānatāvisesayuttañcāti rūpārūpajīvitindriyānam samānalakkhaṇādim vattum “**attanā avinibhuttadhammānan**”ti āha. Anupāletabbānam **atthikkhaṇeyeva**. Asati hi anupāletabbe uppalādimhi kiṃ udakam anupāleyyāti. **Tassa tassāti** anupālanādikassa. **Sōdhanatoti** sādhanena. Taṃsādhanañca jīvamānavisesapaccayabhāvato.

Indriyarāsivaṇṇanā niṭṭhitā.

Maggaṅgarāsivaṇṇanā

Sammāti aviparītanīyānikabhāvena. **Pasatthatā** ca evameva daṭṭhabbā.

Balarāsivaṇṇanā

Assaddhiyeti assaddhiyakāraṇā. **Ubhayapadavasenāti** saddhāpadam balapadanti evamādīpadadvayavasena. Niyakajjhattam jāti-ādisamuṭṭhānam etissāti **ajjhattasamuṭṭhānā**. Garunā kismiñci vutte gāravavasena patissavanam patissavo, saha patissavena **sappatissavam**, patissavabhūtam taṃsabhāgañca

yaṃkiñci gāravanti attho. **Jāti**-ādimahattapaccavekkhaṇena uppajjamānā ca hirī tattha gāravavasena pavattatīti “**sappatissavalakkhaṇā**”ti vuccati. Vajjam bhāyati tañca bhayato passatīti **vajjabhīrukabhayadassāvī**. Evaṃsabhāvaṃ ottappaṃ. Hirī pāpadhamme gūtham viya passati, ottappaṃ uṇham viya. **Dāyajjam** navalokuttaradhammādi. Ajjhattasamuṭṭhānādītā ca hirī-ottappānam tattha tattha pākaṭabhāvena vuttā, na pana tesam kadāci aññamaññam vippayogā. Na hi lajjanam nibbhayam pāpabhayam vā alajjanam hotīti.

Mūlarāsivaṇṇanā

Agedho anabhijjhanam anabhikaṅkhanam. Anallīno bhāvo adhippāyo etassāti **anallīnabhāvo**, evañhi upamāya sameti. **Anukūlamitto** anuvattako. **Vinayarasoti** vinayanaraso. **Adoso dussīlyamalassāti** idam dussīlyassa dosasamuṭṭhānatam dosūpanissayatañca sandhāya vuttam. **Abhāvanāyāti** “tattha jātānam dhammānam anativattanaṭṭhena bhāvanā-indriyānam ekarasaṭṭhena bhāvanā tadupagavīriyavāhanaṭṭhena bhāvanā āsevanaṭṭhena bhāvanā”ti evam vuttāya paññāsādhānāya bhāvanāya appavatti, tappaṭipakkhabhūto vā akusalā **abhāvanā**. Nigguṇepi guṇaggahaṇam **adhikaggahaṇam**. Vijjamānampi guṇam viddhamsetvā gahaṇam **ūnaggahaṇam**. Catuvipallāsaggahaṇam **viparītaggahaṇam**.

Yāthāvasabhāveti “ettako etassa guṇo, ettako doso”ti guṇadosānam sabhāve “jarā dhammo jīrati, tam kutettha labbhā mā jīrī”ti evamādi paccavekkhaṇasambhavato. **Alobhena ca gahaṭṭhānam** khettavatthādīsu vivādābhāvato. **Amohena pabbajitānam** diṭṭhigatavivādābhāvato. Kāmarāgābhīnivesavinibandhā hi gahaṭṭhā gahaṭṭhehi vivadanti, diṭṭhirāgābhīnivesavinibandhā samaṇā samaṇehīti. Rāgavasena mittasanthavo dosavasena virodho ca tabbisesena **upagamāpagamā**, ārammaṇe vā rūpādīmhi anurodhavirodhā. **Amajjhatabhāvassa** paṭighānūnayasaṅkhātassa mohena pavatti. Sukhavipariṇāme dukkhasamāyoge ca paṭighapavattiyam vedanāpariggaho na sijjhatīti adosānubhāvena vedanāsatipattihānam sijjhati. **Dibbavīhārassāti** catunnam jhānānam. **Ariyavīhāro** phalasamāpatti. Mohena avicārento udāsīnapakkhesupi sattaṅkhāresu

sabbesu abhisāṅgaṃ karotīti amūlhassa tadabhāvo veditabbo.
Dukkhadassanassa āsannaṭṭipakkhattā dosassa tappaṭṭipakkhena adosena
dukkhadassanaṃ hoti.

Kammaṭṭharāsivaṇṇanā

Sukhādīni attano **na byāpādeti** na vināseti parassa cāti daṭṭhabbaṃ.
Kammaṭṭhatātāmsabhāgatāhi **kammaṭṭhavasena**.

Passaddhādiyugalavaṇṇanā

Daratho sārāmbho, dukkhadomanassapaccayānaṃ uddhaccādikānaṃ
kilesānaṃ catunnaṃ vā khandhānaṃ etaṃ adhivacanaṃ. Uddhaccappadhānā
kilesā uddhaccādikilesā, uddhaccaṃ vā ādiṃ katvā sabbakilese saṅgaṇhāti.
Suvaṇṇavisuddhi viyāti yathā suvaṇṇavisuddhi
alaṅkāravikativiniyogakkhamā, evaṃ ayampi hitakiriyāviniyogakkhamā.

Samāṃ, samantato vā pakārehi jānanaṃ **sampajaññaṃ**.
Cetiyaṇḍānaṃ atthaṃ atikkamādisu atthānaṭṭhapaṇḍānaṃ
sāttahasampajaññaṃ. Sati ca atthe sappāyāsappāyarūpādipariḍḍānaṃ
sappāyasampajaññaṃ. Gocaraḡāmaḡbhikkamaṇḡdisu kammaṭṭhānāvijānaṃ
gocarasampajaññaṃ. Abhikkamaṇḡdīnaṃ dhātu-ādivasena pavacayo
asammohasampajaññaṃ. Sabbakammaṭṭhānabhāvaṇḡnuyuttānaṃ
sabbayogīnaṃ sabbadā upakāraḡā ime dve dhammā pāripanthakaharaṇato
bhāvaṇḡvaḡḡhanato ca. Yathāha “dve dhammā bahukāraḡā sati ca
sampajaññaḡcā”¹. Yuge naddhā viyāti **yuganaddhā**, aññaḡmaññaṃ
nimittabhāvena samāṃ pavattāti attho. “Puna caparaṃ āvuso bhikkhu
samathaviḡpassanaṃ yuganaddhaṃ bhāveti”² hi sutte etesaṃ yuganaddhatā
vuttā. Sabbakusaladhammesu līnuddhaccābhāvo etehi dvīhi samāṃ yuttehīti
“**vīriyasamādhijōjanaṭṭhāyā**”³ti āha, yogavacanaṭṭhāyāti attho.

Yevāpanakavaṇṇanā

Rūpābhāvenāti ruppanābhāvena. **Dhammā**ti etassa attho sabhāvato
upalabbhamānāti. **Mettāpubbabhāvoti** appanāpattāyā mettāyā

1. Dī 3. 228 piṭṭhe.

2. Am 1. 475; Khu 9. 283 piṭṭhesu.

pubbabhāgo, parikammamettā etasmim citta atthīti attho. **Virativasenā**ti vacīpavattiyā na pūreti, kintu viratiyogenāti attho. **Apaṇṇakaṅgānī**ti aviraddhaṅgāni. Yathā tathā vā ārammaṇe vinicchayanam **adhimuccanam**. Na hi anadhimuccanto pāṇātipātādīsu dānādīsu vā pavattati, saddhā pana pasādanīyesu pasādādhimokkhoti ayametesam viseso. Darakassa viya ito cito ca saṃsappanassa karissāmi na karissāmīti avinicchayassa paṭipakkhakiriyā **asaṃsappanam**. **Purimamanatoti** bhavaṅgato. **Visadisam** vīthijavanam **manam karotīti** manasikārasāmaññena vīthijavanapaṭipādake dasseti. **Tesu dhammesūti** cittacetasikadhammesu. Atadārammaṇattepi hi tesu samappavattesu udāsīnabhāvato **tatramajjhataṭīti** vuccati. Alīnānuddhatappavattipaccayattā **ūnādhikanivāraṇasā**. **Kāyaduccaritādivatthūnanti** pāṇādīnam. **Amaddanā** maddanapaṭipakkhabhāvova.

Tamtamrāsikiccavasena vibhāgarahitā **avibhattikā**. **Etthāti** etesu savibhattikesu dutiyaṭṭhānādīsupi bhājīyamānesu apubbam natthīti attho. **Padam pūritanti** jhānātipadam pañcakādivasena pūritam. Pañca hi aṅgāni jhānapadassa attho, tesu ekasmiṅca ūne jhānapadam ūnam hotīti. Padasamūho padakoṭṭhāso vā tam tameva vā padam, avuttam hāpitam nāma hotīti vuttam “pūritan”ti. Vuttasmiññeva vuccamāne anekesam purisasaddānam viya koci sambandho natthīti maññamāno āha “**anusandhikā kathā**”ti. Antarantarā vuttasmiññeva vuccamāne anukkamena dhammā kathitā na hontīti āha “**uppaṭipāṭiyā**”ti. Phassapañcamakarāsi sabbacittuppādasādhāraṇavasena catukkhandhatappaccayaṅgahavasena ca vutto. Yathāvuttetu pana rāsīsu ekarāsikiccassapi abhāvā chandādayo yevāpanakavasena vuttā. Vuttānampi ca dhammānam yathā vedanādīnam jhānaṅgādibhāvo vutto, na evam sovacassatākalyāṇamittatādiviseso vuttoti tassa saṅgaṇhanattham keci dhamme visum ṭhapetvā te ca tañca visesam “**ye vā panā**”ti āha. Veneyyajjhāsayasena vā sāvasese dhamme vatvā “**ye vā panā**”ti vuttam.

Yevāpanakavaṇṇanā niṭṭhitā.

Dhammuddesavārakathāvaṇṇanā niṭṭhitā.

Kāmāvacarakusala niddesavāarakathāvaṇṇanā

2. **Phusanakavasenā**ti sante asantepi visaye āpāthagate cittassa sannipatanavasena “cittaṃ mano”ti-ādīsu¹ viya kiccavisesaṃ, “mānasaṃ”ti-ādīsu¹ viya samāne atthe saddavisesaṃ, “paṇḍaraṃ”ti-ādīsu¹ viya guṇavisesaṃ, “cetasikaṃ sātaṃ”ti-ādīsu¹ viya nissayavisesaṃ, “cittassa ṭhiti”ti-ādīsu² viya aññassa avatthābhāvavisesaṃ, “alubbhanā”ti-ādīsu³ viya aññassa kiriyābhāvavisesaṃ, “alubbhitattaṃ”ti-ādīsu³ viya aññassa kiriyābhāvabhūtatāvivesanti-ādikaṃ anapekkhitvā dhammamattadīpanaṃ sabhāvapadaṃ. Phusantassa hi cittassa phusanakiriyā **phusanākāro**. **Samphusanā**ti ārammaṇasamāgamaphusanā, na paṭilābhasamphusanā. Samphusitassa ārammaṇena samāgatassa cittassa bhāvo **samphusitattaṃ**. Yasmim sati cittaṃ samphusitanti vuccati, so tassa bhāvo. Evaṃ aññesupi bhāvaniddesesu daṭṭhabbaṃ.

Aparassa vevacanassa, aparena vā purimatthassa dīpanā **aparadīpanā**. “Paṇḍiccaṃ kosallaṃ”ti evamādayo paññāvisesā nānākāle labbhamānapi ekasmiṃ citte labbhanti. Ekasmiṃca visese itarepi anugatā hontīti dassetuṃ tathā vibhatti atthato vibhatti hoti atthanānattena katattā. Atha vā yathā “kodho kujjhanā kujjhitattaṃ”ti⁴ sabhāvākārabhāvaniddesehi kodhoti evamākārova attho vutto, na evamidha, idha pana paṇḍitādibhāvākārabhinno attho vuttoti idaṃ vibhattigamaṇaṃ atthavasena hoti. **Samphusitattanti** etthāpi na “phasso”ti evamākārova attho vutto. **Samphassoti** evamākāro pana vuttoti atthato vibhattigamaṇanti vuttaṃ.

Doso byāpādoti uddesepe nāmanānattena nānābhūto uddiṭṭho. Niddesepe teneva nānattena niddiṭṭho. **Ekova khandho hotīti** ekena khandhasaddena vattabbaṃ sandhāyāha. **Cetanā**ti saṅkhārakkhandhaṃ dasseti tappamukhattā. **Asaddhammā**ti asataṃ, asanto vā dhammā, na vā saddhammāti asaddhammāti asaddhammavacanīyabhāvena ekībhūtopi asaddhammo kodhagarutādivisiṭṭhena saddhammagarutāpaṭikkhepanānattena nānattaṃ gatoti

1. Abhi 1. 18, 20 piṭṭhesu.

3. Abhi 1. 22, 23 piṭṭhesu.

2. Abhi 1. 19, 21 piṭṭhesu.

4. Abhi 1. 216 piṭṭhesu.

“**cattāro**”ti vuttaṃ. **Na saddhammagarutā**ti vuccamānā vā asaddhammagarutā asaddhammagarutābhāvena ekībhūtāpi kodhādivisiṭṭhapaṭikkhepanānattena nānattaṃ gatā. Paṭipakkho vā paṭikkhipīyati tena, sayam vā paṭikkhipatīti paṭikkhepoti vuccatīti saddhammagarutāpaṭikkhepanānattena asaddhammagarutā asaddhammā vā nānattaṃ gatā. **Alobhoti**-ādīnaṃ phassādīhi nānattaṃ lobhādivisiṭṭhena paṭikkhepena lobhādivisiṭṭhena vā veditabbaṃ. Alobhādosāmohānaṃ aññamaññānānattaṃ yathāvuttena paṭikkhepanānattena yojetabbaṃ. Padatthassa padantarena vibhāvanaṃ **padatthuti**. Tena hi taṃ padaṃ mahatthanti dīpitaṃ hoti alaṅkatañcāti. Atthavisesābhāvepi ābharaṇavasena ca ādaravasena ca puna vacanaṃ **dalhīkammaṃ**.

3. **Tajjanti** tassa phalassa anucchavikaṃ. Na kevalaṃ niddisiyamānaṃ sātameva adhikataṃ, atha kho yathāniddiṭṭhāni ārammaṇānipīti “**tehi vā**”ti-ādi vuttaṃ. Tassa vā jātā kāraṇabhāvena phassatthaṃ pavattāti **tajjā**. Tamsamaṅgīpuggalaṃ, sampayuttadhamme vā attani sādāyatīti **sātaṃ** dakāraṇassa ta-kāraṃ katvā. Suṭṭhu khādāti, khaṇāti vā dukkhanti **sukhaṃ**.

5. **Pāsoti** rāgapāso. So hi nirāvaraṇattā **antalikkhacaro**. Akusalampi **paṇḍaranti** vuttaṃ, ko pana vādo kusalanti adhippāyo. Tañhi paṇḍarato nikkhantaṃ sayañca paṇḍaranti. Atha vā sabbampi cittaṃ sabhāvato paṇḍarameva, āgantukopakkilesavodānehi pana sāvajjānavajjānaṃ upakkiliṭṭhavisuddhataratā hontīti. Dārūppamaṇesu silādīsu khandhapaññattiyā abhāvā kiñci nimittaṃ anapekkhitvā dārumhi pavattā khandhapaññattīti “**paṇḍattimattatṭhena**”ti vuttaṃ. Taṃ-saddena manoviññādhātuyeva vucceyya niddisitabbattāti na tassā tajjatā. Tehi ārammaṇehi jātā **tajjāti** ca vuccamāne samphassajatā na vattabbā. Na hi so ārammaṇaṃ, nāpi visesapaccayo. “Tiṇṇaṃ saṅgati phasso”ti viññāṇameva phassassa visesapaccayoti vuttoti tasmā na viññāṇaṃ visesapaccayabhūtaṃ samphassajatāya tajjāmanoviññādhātusamphassajāpaññattim labhati, na ca tadeva tassa kāraṇabhāvena phalabhāvena ca vuccamānaṃ suviññeyyaṃ hotīti. Kim vā etena, yathā bhagavatā vuttā taṃsabhāvāyeva te dhammāti na evaṃvidhesu kāraṇaṃ maggitabbaṃ.

7. **Evaṃ takkanavasena** lokasiddhenāti adhippāyo. Evañcevañca bhavitabbanti vividhaṃ takkanaṃ kūpe viya udakassa ārammaṇassa ākaḍḍhanaṃ vitakkaṇaṃ.

8. Samantato caraṇaṃ **vicaraṇaṃ**.

9. **Attamanatāti** ettha **atta**-saddena na cittaṃ vuttaṃ. Na hi cittaṃ mano atthīti. Attamanassa pana puggalassa bhāvo attamanatāti vatvā puna puggaladiṭṭhinisedhanatthaṃ “**cittassā**”ti vuttaṃ.

11. Na balavatī, kasmā avaṭṭhiti vuttāti? Ekaggacittena pāṇavadhādikaraṇe tathā avaṭṭhānamattabhāvato. Virūpaṃ, vividhaṃ vā saṃharaṇaṃ vikiraṇaṃ **visāhāro**, saṃharaṇaṃ vā sampiṇḍanaṃ, tadabhāvo **visāhāro**.

12. **Aññasmiṃ pariyāyeyeti** aññasmiṃ kāraṇe. **Samānādhikaraṇabhāvo** dvinnāṃ bahūnaṃ vā padānaṃ ekasmiṃ atthe pavatti.

13. **Ārambhati cāti** āpajjati ca. Uddhaṃ yamaṇaṃ **uyyāmo**. **Dhuranti** nipphādetuṃ āradhaṃ kusalaṃ, paṭiññaṃ vā.

14. **Tiṇṇanti** buddhādīnaṃ. Citte ārammaṇassa upaṭṭhānaṃ jotanañca satiyevāti tassā etaṃ lakkhaṇaṃ.

16. Pāsāṇasakkharavālikādirahitā bhūmi saṇhāti “**saṇhaṭṭhenā**”ti vuttaṃ.

19. **Ayantīti** ekakammaṇibbattamanussādisantati-avicchedavasena pavattanti. Kusalākusalesupi hi jīvitaṃ indriyapaccayabhāvena sampayutte pavattayamānameva tadavicchedassa paccayo hoti.

30. **Yaṃ hiriyatīti** hiriyatisaddena vutto bhāvo yaṃ-saddena vuccatīti **yanti** bhāvanapūmsakaṃ vā etaṃ daṭṭhabbaṃ. **Hiriyitabbenāti** ca hetu-atthe karaṇavacanaṃ yujjati.

32. **Alubbhanakavasenā**ti ettha alubbhanameva alubbhanakanti bhāvaniddeso daṭṭhabbo.

33. **Abyāpajjoti** byāpādena dukkhena domanassasaṅkhātena dosena viya na byāpādetabbotipi attho yujjati.

42-43. Thinamiddhādipaṭipakkhabhāvena kusaladhamme aniccādīmanasikāre ca sīghaṃ sīghaṃ parivattanasamatthatā **lahupariṇāmatā**, avijjānīvaraṇānañhi taṇhāsāmyojanānaṃ sattānaṃ akusalappavatti pakatibhūtāti na tatha lahupariṇāmatāya attho. Tesaṅca bhāvo garutāyevāti tabbidhurasabhāvānaṃ **lahutā** daṭṭhabbā. Sā hi pavattamānā sīghaṃ bhavaṅgavuṭṭhānassa paccayo hoti.

44-45. Ye ca dhammā mohasampayuttā viya avipannalahutā, tesaṅca kusalakaraṇe appaṭighāto mudutā. Appaṭighātena mudutādirūpasadisatāya arūpadhammānampi mudutā maddavatāti-ādi vuttaṃ.

46-47. Sinehasasena kilinnaṃ atimudukāṃ cittaṃ akammaññaṃ hoti vilīnaṃ viya suvaṇṇaṃ, mānādivasena atithaddhaṅca atāpitaṃ viya suvaṇṇaṃ, yaṃ panānurūpamudutāyuttaṃ, taṃ kammaññaṃ hoti yuttamaddavaṃ viya suvaṇṇaṃ. Tasseva mudukassa yo kammaññākāro, sā **kammaññatā**ti mudutāvisiṭṭhā kammaññatā veditabbā.

50-51. Paccosakkanabhāvena pavattaṃ akusalameva **paccosakkanā**. **Ekavīsati anesanā** nāma vejjakammaṃ karoti, dūtakammaṃ karoti, paṇḍakammaṃ karoti, gaṇḍaṃ phaleti, arumakkhanaṃ deti, uddhamvirecanaṃ deti, adhovirecanaṃ deti, natthutelaṃ pacati, cakkhutelaṃ pacati, veḷudānaṃ deti, paṇḍadānaṃ deti, pupphadānaṃ deti, phaladānaṃ deti, sinānadānaṃ deti, dantakaṭṭhadānaṃ deti, mukhodakadānaṃ deti, cuṇṇadānaṃ deti, mattikādānaṃ deti, cāṭukakammaṃ karoti, muggasūpiyaṃ, pāribhaṭyaṃ, jaṅghapesaniyaṃ dvāvīsatiṃ dūtakammaṃ sadisaṃ, tasmā ekavīsati. **Cha agocarā** vesiyāvocaro, vidhavā, thullakumārī, paṇḍaka, pānāgāra, bhikkunī-agocaroti. **Saṅkhepatoti** sarūpena anuddiṭṭhattā “tatha katamo chando”ti-ādi

na sakkā vattunti “yo chando chandikatā”ti-ādiniddesaṃ saṅkhipitvā “**ye vā panā**”ti niddeso katoti attho.

Niddesavāarakathāvaṇṇanā niṭṭhitā.

Koṭṭhāsavāraṇṇanā

58-120. Niddesavāre pucchādīnaṃ paccekaṃ anekattepi pucchādibhāvena ekattaṃ upanetvā catuparicchata vuttā. Cattāro dveti evamādikāṃ saṅkhipitvā saha vā gahaṇaṃ **saṅgaho**. **Ṭhapetvā yevāpanaketi** saṅgahetabbe sandhāya vuttaṃ. Te hi visuṃ visuṃ uddiṭṭhattā niddiṭṭhattā ca vippakiṇṇāti saṅgahetabbā honti, na yevāpanakā saṅgahagamaneneva tathā avippakiṇṇattā. Yasmā pana saṅkhārakkhandhapariyāpanā honti, tasmā taṃniddese akhandhabhāvanivāraṇatthaṃ yevāpanātveva vuttāti na yevāpanakā ṭhapetabbāti. **Paccayasāṅkhātenāti** āhārapaccayasāṅkhātenāti vuttaṃ hoti. Atha vā “hetu paccayo”ti etesu dvīsu janako hetu upatthambhako paccayoti evaṃ visesavantesu **paccayasāṅkhātena**. Yathā hi kabalīkārāhāro ojaṭṭhamakarūpāharaṇena rūpakāyaṃ upatthambheti, evamimepi vedanādi-āharaṇena nāmakāyanti. **Tathā ca hontīti** sādharmaṇe sahaṇātipaccaye sandhāyāha. **Aññathā cāti** aññena ca ekenākārena paccayā hontiyevāti āhārāti vuccantīti attho. Tasmā āharaṇakiccarahitānaṃ hetu- adhipati-ādīnaṃ natthi āhārabhāvappasaṅgo. **Tisso ca vedanā āharatīti**-ādi yathāsambhavavasena vuttaṃ, na imasmimyeva citte phassādivasena. **Tayo ca bhaveti** kāmādibhavabhūtaṃ viññāṇaṃ visesena, avisesena ca pañcupādānakkhandhe.

Ārammaṇaṃ upagantvā nijjhāyanaṃ cintanaṃ **upanijjhāyanaṃ**. **Hetvaṭṭhenāti** upāyatthena, na mūlatthena. Pubbabhāge gato paṭipanno nānākkhaṇiko aṭṭhaṅgiko maggo lokuttarakkhaṇeva saha pavatto **yathāgatamaggoti** vutto. Vipassanākkhaṇato pubbeva kāyakammādīnaṃ suparisuddhatāya aṭṭhaṅgikamaggupanissayassa¹ “ariyo aṭṭhaṅgiko maggo bhāvanāpāripūrim

1. Aṭṭhaṅgikamaggupanissayo (Ka)

gacchatī”¹ti evaṃ vuttena pariyāyena pubbhāgamaggassa aṭṭhaṅgikatā yathāgatavacanena dīpitā, na ekakkhaṇe aṭṭhannaṃ aṅgānaṃ sabbhāvāti evamassapi pariyāyadesanatā veditabbā. Vijānanaṃeva cittavicittatāti “**cittavicittatṭhena ekova dhammo viññāṇakkhandho**”ti āha. Cattāro khandhā hontīti-ādīsu vedanākkhandhādīnaṃ saṅgahe katepi puna “eko vedanākkhandho hotī”ti-ādivacanāṃ na aneke vedanākkhandhādayo jātiniddesena² idha vuttāti dassanatthaṃ. Indriyesu ca ekassa jātiniddesabhāve³ paṭikkhitte aññesaṃ indriyānaṃ āhārādīnaṃca tappaṭikkhepo kato hotīti pubbaṅgamassa manindriyasappaṭṭhābo.

Koṭṭhāsavāraṇṇanā niṭṭhitā.

Suññatavāraṇṇanā

121-145. **Etthā**ti etasmim yathāvutte samaye, etesu vā dhammesu. **Bhāvoti** satto, yo koci vā attho.

Dutiyacittādivaṇṇanā

146. **Sappayogenā**ti līnassa cittassa ussāhanapayogasahitena. **Sa-upāyenā**ti kusalassa karaṇākaraṇesu ādīnavānisaṃsapaccavekkhaṇaṃ parehi ussāhananti evamādi-upāyasahitena.

156-159. **Mahā-aṭṭhakathāyaṃ anuññātā** nātisamāhitāya bhāvanāyāti yevāpanakehipi nibbisesataṃ dasseti.

Puññakiriyavatthādīkathāvaṇṇanā

Apaciti eva **apacitisahagataṃ** puññakiriyāvatthu yathā “nandirāgasahagatā”ti. Apaciti vā cetanāsampayuttakadhammā kāyavacīkiriyaṃ vā, taṃsahitā cetanā **apacitisahagataṃ**. **Hitapharaṇenā**ti desake mettāpharaṇena, “evaṃ me hitaṃ bhavissatī”ti pavattena hitacittena vā.

1. Ma 3. 337 piṭṭhe.

2. Jātinissayena (?)

3. Jātinissayabhāve (?)

Kammassakatāñāṇaṃ **diṭṭhijukammaṃ**. Niyamalakkhaṇanti mahapphalatānīyamassa lakkhaṇaṃ. **Sīlamaye saṅghaṃ gacchanti** cārittavasena. Anavajjavatthum pariccajanto viya abbhanumodamānopi parassa sampattiyā modatīti **abbhanumodanā dānamaye saṅgahitā**. **Bhāventopī**ti asamattabhāvanam sandhāyāha. Samattā hi appanā hotīti. **Aṭṭheva koṭṭhāse katvā**ti ekassa sattassa ekasmiṃ khaṇe uppannamekaṃ paṭhamacittam dassetvā aññāni tādisāni adassentena sabbāni tāni sarikkhaṭṭhena ekīkatāni honti, tathā sesānipīti evaṃ aṭṭha katvā.

Kāmāvacarakusalavaṇṇanā niṭṭhitā.

Rūpāvacarakusala

Catukkanayapaṭhamajjhānakathāvaṇṇanā

160. Uttarapadalopaṃ katvā **rūpabhavo rūpanti** vutto. Jhānassa amaggabhāvepi sati maggavacanam aññamaggabhāvanivāraṇatthanti imasmim atthe maggaggahaṇassa payojanam vuttam, na sabbassa kusalajjhānassa maggabhāvoti. Tattha maggassa bhāvanāya samayavavattānassa katattā amaggabhāvanāsamaye pavattānam phassādīnam kusalabhāvo na dassito siyā, tasmā sabbassa maggabhāvo dassetabboti. **Ito añño maggo natthī**ti evam aññabhūmikavidhuro sati paccayantare rūpūpapattijanakasabhāvo vipākadhammasabhāvo viya vipākadhammasavasena sabbasamāno maggasaddena vuttoti dassetīti vedītabbāṃ. **Kusalam dānanti** alobho daṭṭhabbo. Atha vā cetanā dānam, tam vajjetvā itare dve cetanāsampayuttakāti vuttā. **Vaṭṭantī**ti maggabhāvato jhānavacanena saṅgahetvā maggoti vuttum vaṭṭantīti attho. **Okappanā**ti saddahanā. Aññattha diṭṭham attham pariccajitvā “janeti vaddhetī”ti ayamattho kasmā vuttoti nirupasaggassa aññattha evamatthasseva diṭṭhattāti imamattham vibhāvetum “**puna caparam udāyī**”ti¹ suttamāhaṃ. Kesañci ariyānam ariyamaggena siddhāni aññāni ca jhānāni bhāvanāsabhāvānevāti tesupi bhāventena samayavavattānam ijjatīti.

1. Ma 2. 203 piṭṭhe.

Nissaranti niggacchanti etena, ettha vāti **nissaraṇaṃ**. Ke niggacchanti? Kāmā tesam kāmānaṃ nissaraṇaṃ pahānanti attho. Evañhi “kāmānaṃ”ti kattari sāmivacanaṃ yujjati. **Vatthukāmehipī**ti vatthukāmehi viviccevatīpi attho yujjatīti evaṃ yujjamānatthantarasaṃuccayattho **pi**-saddo, na kilesakāmasaṃuccayattho. Kasmā? Imasmiṃ atthe kilesakāmānaṃ dutiyapadena vivekassa vuttatā. Akusalasaddena yadipi kilesakāmā, athāpi sabbākusalā gahitā, sabbathā pana kilesakāmehi viveko vuttoti āha “**dutiyaena kilesakāmehi vivekavacana**to”ti. Kāmaguṇādhigama hetupi paṇātipātādi-asuddhappayogo hotīti tabbivekena payogasuddhi vibhāvītā. Taṇhāsamkilesasodhanaena **āsaya**posanaṃ.

Aññesampi cāti diṭṭhimānādīnaṃ phassādīnaṃca. Upari vuccamānāni jhānaṅgāni **uparijjhānaṅgāni**, tesam attano vipaccanīkānaṃ paṭipakkhabhāvadassanattamaṃ tappaccanīkanīvaraṇavacanaṃ. Byāpādavivekavacanaena “anattamaṃ me acari”ti-ādi-āghātavatthubhedavisayassa dosassa mohādhikānaṃ thinamiddhādīnaṃ vivekavacanaena paṭicchādanavasena dukkhādi pubbantādibhedavisayassa mohassa vikkhambhanaviveko vutto. Kāmarāgabyāpādatadekaṭṭhathinamiddhādivikkhambhanakañcedaṃ sabbākusalapaṭipakkhasabhāvattā sabbākusalānaṃ tena sabhāvena sabbākusalānaṃ pahānaṃ hontampi kāmarāgādivikkhambhanasabhāvamevāti taṃsabhāvattā avisesetvā nīvaraṇākusalamūlādīnaṃ vikkhambhanaviveko vutto hotīti āha.

Vitakkassa kiccavisesena thirabhāvappatte paṭhamajjhānasamādhimhi paccanīkadūrībhāvakatena thirabhāvena taṃsadesesu vitakkarahitesu dutiyajjhānādisamādhīsu ca appanāti aṭṭhakathāvohāroti vitakkassa appanāyogo vutto, aññathā vitakkova appanāti tassa taṃsappayogo na siyāti. **Attho -pa- daṭṭhabbo** jhānasamaṅgino vitakkavicārasamaṅgitā dāssanaena jhānasseva savitakkasavicārabhāvassa vuttatā.

Vivekajaṃ pītisukhanti ettha purimasmiṃ atthe **vivekajanti** jhānaṃ. Pītisukha-saddato ca atthi-atthavisesavato assa, asmiṃ vāti ettha **a-kāro** vutto. Dutiye pītisukhameva vivekajaṃ. **Vivekajaṃ pītisukhanti** ca aññapadatthe samāso paccattaniddesassa ca alopo kato, lope

vā sati “vivekajapītisukhan”ti pāṭhoti ayam viseso. **Gaṇanānupubbatā**ti gaṇanānupubbatāya, gaṇanānupubbatāmattam vā paṭhamanti vacananti attho. Niccādivipallāsappahānena maggo asammohato aniccādīlakkaṇāni paṭivijjhatīti **lakkhaṇūpanijjhānam**. Asammosadhammam nibbānam aviparītalakkhaṇattā anaññathābhāvato **tathalakkhaṇam**.

Dutiyajjhānakathāvaṇṇanā

161-2. **Vitakkavicārānam vūpasamā**ti etena yehi vitakkavicārehi paṭhamajjhānassa oḷārikatā, tesam samatikkamā dutiyajjhānassa samadhigamo, na sabhāvato anoḷārikānam phassādīnam samatikkamāti ayamattho dīpito hoti. Evam “pītiyā ca virāgā”ti-ādīsu nayo. Tasmā vitakkavicārapītisukhasamatikkamavacanāni oḷārikoḷārikaṅgasamatikkamā dutiyādi-adhigamaparidīpakānīti tesam ekadesabhūtam vitakkavicārasamatikkamavacanam taṃdīpakanti vuttam. Atha vā vitakkavicāravūpasamavacaneneva taṃsamatikkamā dutiyādhigamadīpakena pītivirāgādivacanānam pītiyādisamatikkamā tatiyādi-adhigamadīpakatā hotīti tassa taṃdīpakatā vuttā.

Nīlavaṇṇayogato nīlavattham viyāti nīlayogato vattham nīlam viyāti adhippāyo. Yena sampasādanena yogā jhānam sampasādanam, tasmiṃ dassite “sampasādanam jhānam”ti samānādhikaraṇaniddeseneva taṃyogā jhāne taṃsaddappavatti dassitāti avirodho yutto. Ekodibhāve kathanti ekodimhi dassite “ekodibhāvam jhānam”ti samānādhikaraṇaniddeseneva jhānassa ekodivaḍḍhanatā vuttā hotīti. **Ekodibhāvanti** panidam uddharitvā ekodissa niddeso na kattabbo siyāti ekodibhāvasaddo eva samādhimhi pavatto sampasādanasaddo viya jhānamhi pavattatīti yuttam.

Appitāti gamitā vināsam. Dutiyajjhānādi-adhigamupāyadīpakena ajjhattasampasādanatāya cetaso ekodibhāvatāya ca hetudīpakena avitakkāvicārābhāvahetudīpakena ca vitakkavicāravūpasamavacaneneva vitakkavicārābhāvo dīpitoti kiṃ puna avitakka-avicāravacanena katenāti? Na, adīpitattā. Na hi vitakkavicāravūpasamavacanena vitakkavicārānam appavatti vuttā hoti. Vitakkavicāresu hi taṇhāpahānaṅca

etesam vūpasamanam. Ye ca saṅkhāresu taṅhāpahānam karonti, tesu maggesu pahīnataṅhesu phalesu ca saṅkhārapavatti hoti, evamidhāpi vikkhambhitavitakkavicārataṅhassa dutiyajjhānassa vitakkavicārasampayogo purimena na nivārito siyāti taṃnivāraṇattham āvajjitukāmatādi-atikkamova tesam vūpasamoti dassanatthaṅca “**avitakkaṃ avicāraṇ**”ti vuttaṃ.

Tatiyajjhānakathāvaṇṇanā

163. **Parisuddhapakati** khīṇāsavapakati nikkilesatā. **Upekkhānimittanti** ettha līnuddhaccapakkhapātarahitaṃ majjhantaṃ vīriyaṃ “upekkhā”ti vuttaṃ, tadeva taṃ ākāraṃ gahetvā pavattetabbassa tādisassa vīriyassa nimittabhāvato upekkhānimittaṃ. Paṭhamajjhānapaṭilābhatthāya nīvaraṇe -pa- nevasaññānāsaññāyatanasamāpattiapaṭilābhatthāya ākiñcaññāyatanasaññāṃ paṭisaṅkhāsantiṭṭhanā paññā saṅkhārupekkhāsu ñāṇanti imā aṭṭha samāpattivaseṇa uppajjanti. Sotāpattimaggaapaṭilābhatthāya uppādam pavattaṃ nimittaṃ āyūhanaṃ paṭisandhiṃ gatiṃ nibbattiṃ upapattiṃ jātiṃ jarāmaṇasokaparidevadukkhadomanassa-upāyāse. Sotāpattiphalaṃ samāpattatthāya uppādam -pa- upāyāse -pa- arahattamaggapaṭilābhatthāya uppādam -pa- upāyāse. Arahattaphalaṃ samāpattatthāya -pa- suññatavihārasamāpattatthāya -pa- animittavihārasamāpattatthāya uppādam pavattaṃ āyūhanaṃ paṭisandhiṃ -pa- paṭisaṅkhāsantiṭṭhanā paññā saṅkhārupekkhāsu ñāṇanti imā dasa vipassanāvasena uppajjanti.

Yadatthi yaṃ bhūtaṃ khandhapañcakaṃ, taṃ muñcitukamyatāññāṇena pajahati. Diṭṭhasovatthikattayassa sappalakkhaṇavicinane viya diṭṭhalakkhaṇattayassa bhūtassa saṅkhāralakkhaṇavicinane upekkhāṃ paṭilabhati. **Anābhogarasāti** paṇītasukhepi tasmiṃ avanati paṭipakkhakiccāti attho. Nāmakāyena cetāsikasukhaṃ kāyikasukhahetu rūpasamuṭṭhāpanena kāyikasukhaṅca jhānasamaṅgī paṭisaṃvedetīti vuccati. **Phuṭattā** byāpitattā. Yathā hi udakena phuṭasarīrassa tādisa nātipaccanīke vātādike phoṭṭhabbe phuṭṭhe sukhaṃ uppajjati, evaṃ etehi phuṭasarīrassapi.

Catutthajjhānakathāvaṇṇanā

165. **Avibhūtapaccupaṭṭhānā**ti sukhadukkhāni viya avibhūtākārā piṭṭhipāsāṇagatamigamaggo viya tadanumātabbāvibhūtākāropaṭṭhānā.

Catukkanayavaṇṇanā niṭṭhitā.

Pañcakanayavaṇṇanā

167. **Yassā pana dhammadhātuyā**ti sabbaññutaññāṇassa. Tena hi dhammānaṃ ākārabhedānaṃ ñatvā tadanurūpaṃ desanaṃ niyāmetīti. Ettha ca pañcakanaye dutiyajjhānaṃ catukkanaye dutiyajjhānapakkhikaṃ katvā vibhattaṃ “yasmim -pa- maggaṃ bhāveti avitakkaṃ vicāramattaṃ samādhijaṃ pītisukhaṃ dutiyajjhānaṃ upasampajja viharatī”ti. Kasmā? Ekattakāyaṇānattasaññāsattāvāsaphalatāya dutiyajjhānena samānaphalatā paṭhamajjhānasamādhito jātattā ca. Paṭhamajjhānameva hi kāmehi akusalehi ca vivittanti tadabhāvā na idha “viviceva kāmehi vivicca akusalehi”ti sakkā vattum, nāpi “vivekajan”ti. Suttantadesanāsu ca pañcakanaye dutiyatatiyajjhānani dutiyajjhānameva bhajanti vitakkavūpasamā vicāravūpasamā avitakkattā avicārattā cāti.

Paṭipadācatukkavaṇṇanā

176-180. **Tassa tassa jhānassa upacāranti** nīvaraṇavitakkavicāranikantiyādīnaṃ vūpasamā thirabhūto kāmāvacarasamādhī. **Tadanudhammatā**ti tadanurūpatābhūtā, sā pana tadassādasāṅkhātā tadassādasampayuttakkhandhasāṅkhātā vā micchāsātīti vadanti. Avigatanikantikā taṃtaṃpariharaṇasātītipi vattum vaṭṭatīti evaṅca katvā “**satiyā vā nikantiyā vā**”ti vikappo kato. **Āgamanavasenāpi ca paṭipadā hontiyevā**ti idaṃ kadāci dutiyādīnaṃ paṭhamādi-āgamanakatapaṭipadatanā sandhāya vuttam. **Apisaddo** hi anekantikatanā dīpeti, etassa anekantikattā eva ca pāḷiyā ekekasmim jhāne catasso paṭipadā cattāri āramaṇāni soḷasakkhattukaṅca visum visum yojitam. Aññathā ekekasmim paṭipadādimhi nava nava jhānāni yojetabbāni siyunti.

Ārammaṇacatukkavaṇṇanā

181. **Appaḡuṇanti** pañcahi vasitāhi avasīkatam.

Ārammaṇapaṭipadāmissakavaṇṇanā

186. **Heṭṭhāti** soḷasakkhattukato pubbe. **Ye keci jhānam uppādentī nāmāti** vacanena ye katādhikārā sekkhā maggeneva uppāditajjhānā, tesam jhānāni maggapaṭibaddhatāya suddhikanavakasaṅgahitānīti veditabbāni. Na hi te uppādentī nāmāti.

Kasiṇakathāvaṇṇanā

203. Nirodhapādakatāvacanena āruppapādakatā ca dassitā. Khippadassanam khippābhiññatā **khippantisantibhāvo**.

Abhibhāyatanakathāvaṇṇanā

204. **Aññampīti** kevalam kasiṇāyatanasaṅkhātameva ahutvā abhibhāyatanasaṅkhātampi pavattatīti satipi abhibhāyatanānam kasiṇāyatanatte kasiṇāyatanabhāvato añño abhibhāyatanabhāvo kasiṇanimittābhibhavanakabhāvanānimittanānattatoti dasseti. Tattha abhibhavatīti abhibhu, parikammam, ñāṇam vā. Abhibhu āyatanam etassāti **abhibhāyatanam**, jhānam. Abhibhavitabham vā ārammaṇasaṅkhātam āyatanam etassāti **abhibhāyatanam**, jhānam. Ārammaṇābhibhavanato abhibhu ca tam āyatanaṅca yogino sukhavisesānam adhiṭṭhānabhāvato manāyatanadhammāyatanabhāvato cātipi sasampayuttam jhānam **abhibhāyatanam**. Maggapaṭibaddhatāya tadā samāpattito vuṭṭhitassa ābhogo pubbhāgabhāvanāvasena jhānakkhaṇe pavattam abhibhavanākāram gahetvā pavatto vuttoti daṭṭhabbo. Āgamesu pana “ajjhattam rūpasaññī eko bahiddhā rūpāni passati parittāni suvaṇṇadubbaṇṇāni. Appamāṇāni suvaṇṇadubbaṇṇāni. Ajjhattam arūpasaññī eko -pa- parittāni suvaṇṇadubbaṇṇāni. Appamāṇāni suvaṇṇadubbaṇṇāni”¹ti¹ imesam catunnam abhibhāyatanānam āgatattā

1. Dī 2. 92; Ma 2. 205; Am 3. 125 piṭṭhesu.

āgamatṭhakathāsu¹ “vaṇṇavasena ābhoge vijjamānepi paritta-appamāṇavaseneva imāni abhibhāyatanāni desitāni”ti vuttaṃ. Paritta-appamāṇatā hi abhibhavanassa kāraṇaṃ vaṇṇābhoge satipi asatipi. Tattha ca vaṇṇābhogarahitāni sahitāni ca sabbāni parittāni “suvaṇṇadubbaṇṇāni”ti vuttāni, tathā appamāṇānīti daṭṭhabbāni. Atthi hi eso pariyāyo parittāni abhibhuyya tāni ce kadāci vaṇṇavasena ābhujitāni honti suvaṇṇadubbaṇṇāni abhibhuyyāti. Idha pana nippariyāyadesanattā vaṇṇābhogarahitāni visum vuttāni sahitāni ca. Atthi hi ubhayattha abhibhavanavisesoti.

Tattha ca pariyāyadesanattā vimokkhānampi abhibhavanapariyāyo atthīti “ajjhataṃ rūpasaññī”ti abhibhāyatanadvayaṃ vuttaṃ, tatiyacatuttha-abhibhāyatanesu dutiyavimokkho vaṇṇābhibhāyatanesu tatiyavimokkho ca abhibhavanappavattito saṅgahito, idha pana nippariyāyadesanattā vimokkhābhibhāyatanāni asaṅkarato dassetuṃ vimokkhe vajjetvā abhibhāyatanāni kathitāni. Sabbāni ca vimokkhakiccāni vimokkhadesanāya vuttāni, tadetam **“ajjhataṃ rūpasaññī”**ti āgatassa abhibhāyatanadvayassa abhibhāyatanesu avacanato “rūpī rūpāni passatī”ti-ādīnañca sabbavimokkhakiccasaḍhāraṇavacanabhāvato vavatthānaṃ katanti viññāyati.

Ajjhattarūpānaṃ anabhibhavanīyatoti idam katthacipi “ajjhataṃ rūpāni passatī”ti avatvā sabbattha yaṃ vuttaṃ “bahiddhā rūpāni passatī”ti, tassa kāraṇavacanāṃ. Tena yaṃ aññahetukaṃ, taṃ tena hetunā vuttaṃ. Yaṃ pana desanāvīlāsahetukaṃ ajjhataṃ arūpasaññītāya eva idha vacanaṃ, na tassa aññaṃ kāraṇaṃ maggitabbanti dasseti. Ajjattarūpānaṃ anabhibhavanīyatā ca bahiddhārūpānaṃ viya avibhūtattā, desanāvīlāso ca yathāvuttavavatthānavasena veditabbo. **Suvaṇṇadubbaṇṇānī**ti eteneva siddhattā nīlādi-abhibhāyatanāni na vattabbānīti ce? Na, nīlādīsu katādhikāraṇaṃ nīlādibhāvasseva abhibhavanakāraṇattā. Na hi tesam parisuddhāparisuddhavaṇṇaparittatā tadappamāṇatā vā abhibhavanakāraṇaṃ, atha kho nīlādibhāvo evāti.

Abhibhāyatanakathāvaṇṇanā niṭṭhitā.

1. Dī-Ṭṭha 2. 152; Ma-Ṭṭha 3. 179; Am-Ṭṭha 3. 243 piṭṭhesu.

Vimokkhakathāvaṇṇanā

248. **Rūpīti** yenāyaṃ sasantatipariyāpannena rūpena samannāgato, taṃ yassa jhānassa hetubhāvena visiṭṭhaṃ rūpaṃ hoti. Yena visiṭṭhena rūpīti vucceyya, tadeva sasantatipariyāpannarūpanimittam jhānamiva paramatthato rūpībhāvasādhakanti daṭṭhabbam. Kasiṇadesanā jhānānameva kasiṇabhāvena pavattā abhidhamme, sutte pana ārammaṇānanti “**abhidhammasena**”ti vuttam.

Vimokkhakathāvaṇṇanā niṭṭhitā.

Brahmavihāarakathāvaṇṇanā

251. Somanassadomanassarahitam aññāṇameva **aññāṇupekkhā**. Kilesodhīnam maggodhīhi ajitattā **anodhijinassa**. Sattamabhavāditto uddham pavattavipākassa ajitattā **avipākajinassa**. **Niddosabhāvenāti** nippaṭighabhāvena. Ekassapi sattassa appaṭibhāganimitattā paricchadaggahaṇam natthi, na ca sammutisaccavasena pavattam sattaḡgahaṇam paricchinnarūpādiggahaṇam hotīti appanāppattiyāpi aparāmāsasattaḡgahaṇamuddhabhūtānam mettādīnam ekasattārammaṇānampi appamāṇagocaratā vuttāti veditabbā.

Brahmavihāarakathāvaṇṇanā niṭṭhitā.

Asubhakathāvaṇṇanā

263. Uddham dhumātattā **uddhumātam**. Setarattehi paribhinnam vimissitam nīlam **vinīlam**, purimavaṇṇavipariṇāmabhūtam vā nīlam **vinīlam**. **Saṅghāto** aṅgānam susambaddhatā. **Ārammaṇassa dubbalatā** paṭipakkhabhāvena cittaṃ ṭhapetum asamatthatā. Attani ānisaṃsadassananīvaraṇarogavūpasamānam yathākkamaṃ pupphachaddakavamanavirecana-upamā yojetabbā. Paṭikūlamanasikārasāmaññena asubhehi kesādīhi paṭikūlajjhānassa gahaṇam sivathikāvaṇṇajjhānassa ca. Tampi hi paṭikūlamanasikāraseneva uppajjatīti, sivathikappakārāni vā sivathikāvaṇṇāni.

Rūpāvacarakusalakathāvaṇṇanā niṭṭhitā.

Arūpāvacarakusalakathāvaṇṇanā

265. **Sabbākārenā**ti evaṃ rūpanimittam daṇḍādānasambhavadassanādinā sabbena rūparūpanimittesu tadārammaṇajjhānesu dosadassanākārena, rūpādīsu nikantippahāna-anāvajjitukāmatādinā vā. **Virāgā**ti jigucchanā. Āneñjābhisaṅkhāravacanādīhi āneñjatā “santā ime cunda ariyassa vinaye vimokkhā”ti-ādinā santavimokkhatā ca vuttā.

Dosadassanaṭṭipakkabhāvanāvasena ṭṭiḥhasaññānam suppahīnattā mahatāpi saddena arūpasamāpattito na vuṭṭhāti. Tathā pana na suppahīnattā sabbarūpasamāpattito vuṭṭhānam siyā, ṭṭhamajjhānam pana appakampi saddam na sahatīti tam samāpannassa saddo kaṇṭakoti vuttam.

Ārupabhāvanāya abhāve cutito uddham uppattirahānam rūpasaññāṭṭiḥhasaññānam yāva attano vipākappavatti, tāva anuppattidhammatāpādanena samatikkamo atthaṅgamo ca vutto. Nānattasaññāsu pana yā tasmiṃ bhava na uppajjanti, tā anokāsātāya na uppajjanti, na ārupabhāvanāya nivāritattā. Anivāritattā ca kāci uppajjanti. Tasmā tāsam amanasikāro anāvajjanam apaccavekkhaṇam, javanaṭṭipādakena vā bhavaṅgamanassa antare akaraṇam appavesanam vuttam, tena ca nānattasaññāmanasikārahetūnam rūpānam samatikkamā samādhissa thirabhāvam dasseti. Rūpasamatikkamābhāveneva hi rūpasamāpattīsu “nānattasaññānam amanasikārā”ti ekassa avacananti. Ko ānisaṃso, na hi sabbassādavattthurahite ākāse pavattitasaññāya ānisaṃso dissatīti vuttam hoti. Rūpasaññāsamatikkamanādikaṃ vacanam ānisaṃsassa pakāsanam, na attho.

Aññatthāti suttesu. Tattha hi parittakasiṇugghāṇepi rūpavivekamattaggahaṇena paricchedassa aggahaṇato anantapharaṇatā ca¹ vuttā idha pana anantapharaṇatāsabbhāvepi ugghāṇitakasiṇavasena parittānantatā hotīti dassanattam “ananto ākāso”ti na vuttanti adhippāyo. Samayavavattthāpanajhānavisesanenevettha attho, na ṭṭipattiyāti tadavacanam.

1. Anantapharaṇatāva (?)

266. Paṭhamāruruppaviññānaṃ attano pharaṇākāreṇeva anantanti manasikātabbattā “**anantan**”ti vuttaṃ. Ugghāṭabhāvo **ugghāṭimaṃ**.

267. **Akiñcananti** viññāṇassa kiñci pakāraṃ aggahetvā sabbena sabbhaṃ vibhāvanaṃ āha.

268. **Yāyāti** saṅkhārāvasesasaññāya. **Taṃ** tāva paṭipattim. **Āvajjissāmīti**-ādinā tanninnāvajjanādipavattiyā abhāvaṃ dasseti, na tadatikkamanatthāya āvajjanabhāvanāpavattiyā. **Nāsaññāti** saññābhāvo ca etissā atthīti attho. Samūhagahaṇavasena pavattaṃ **kalāpasammasanaṃ**. Passādi-ekekadhammagahaṇavasena pavattā **anupadadhammavipassanā**.

Ākāse pavattitaviññāṇātikkamato tatiyā. Tadatikkamato hi tasseva vibhāvanaṃ hoti. Dutiyāruruppaviññāṇavibhāvane hi tadeva atikkantaṃ siyā, na tassa ārammaṇaṃ, na cārammaṇe dosaṃ disvā anārammaṇassa vibhāvanātikkamo yujjati. Pāḷiyañca “viññāṇañcāyatanasamāpattim sato samāpajjitvā tato vuṭṭhahitvā taññeva viññāṇaṃ abhāvetī”¹ti vuttaṃ, na vuttaṃ “taññeva viññāṇañcāyatanam abhāvetī”²ti, “taññeva abhāvetī”²ti vā. “Anantaṃ viññāṇanti viññāṇañcāyatanam upasampajjā”²ti ettha pana dvayaṃ vuttaṃ ārammaṇaṃca viññāṇaṃ viññāṇañcāyatanañca. Tasmim dvaye yena kenaci yato vā vuṭṭhito, teneva paṭṭhānaniddiṭṭhena taṃsaddassa sambandhe āpanne viññāṇañcāyatanassa nivattanatthaṃ viññāṇavacanaṃ, tasmā paṭhamāruruppaviññāṇasseva abhāvanātikkamo vutto. **Tannissitanti** tena nissitam. Taṃ maṇḍapalaggaṃ anissāya tena vinābhūte vivitte bahi okāse ṭhānaṃ viya ākāsalaggaviññāṇassa viveke tadapagame tatiyāruruppassa ṭhānaṃ.

Arūpāvacarakusalakathāvaṇṇanā niṭṭhitā.

1. Khu 8. 104 piṭṭhe.

2. Abhi 2. 254 piṭṭhe.

Tebhūmakakusalavaṇṇanā

269. **Ime tāva chandāhipateyye pañca nayāti** chandāhipateyyanaye ante purimanayānaṃ taṃnayābhimukhappavattiṃ sandhāya vuttaṃ, ayaṃ pana pakāro na pāli-anugato. Na hi pāliyaṃ suddhikanayādayo vatvā vīriyādhipeyyādinayā vuttāti. Mahāpakaraṇe sattahi mahāvārehi anulomādinayavicittehi hīnattiko vibhatto. Tattha ca majjhimadhammekadesabhūtā ime vīsati lokiyamahānayāti katvā “tattha vibhattā”ti vuttaṃ, na, etena kamena imesaṃ nayānaṃ tattha āgatattā.

Evametesāṃ vibhattaṭṭhānaṃ dassetvā idāni etasmiṃ tebhūmakakusalakathāvasānaṭṭhāne aṭṭhārasakammadvāradassanattānaṃ “**imasmiṃ pana ṭhāne**”ti-ādimāha. Atha vā hīnapañitehi vinivattetvā majjhimarāsi-antogadhabhāvaṃ dassentena etesaṃ tebhūmakakusalānāyānaṃ hīnattike vibhāgo kato. “Imasmiṃ pana ṭhāne”ti-ādikassa yathāvuttova sambandho. Hīnattike majjhimarāsimhi ye savipākā vaṭṭanissiteneva dānādivasena pavattitā, te hīnāti kātābbā. Ye vivaṭṭanissitena dānādivasena pavattitā, te paṇītāti kātābbā. Avipākā majjhimāti kātābbā. Avipākattā ca tesu majjhimarāsim ṭhapetvā itare dve ekantavaṭṭanissitā nava, vivaṭṭupanissayabhūtā ca navāti aṭṭhārasa kammadvārāni, kammāni ca tāni tassa tassa phalassa kāraṇabhāvena dvārāni cāti **kammadvārāni**. Tattha tattha vā cittāni kammadvārānīti āha. Taṃtaṃdvārāni vā kāyādīni. Aṭṭhārasa khattiyā ca abhabbā hīnahīnattayādayo nava, bhabbā ca paṇītapañītattayādayo navāti kammānurūpeneva veditābbā. Evaṃ brāhmaṇādayo devā ca yojetābbā. Aṭṭhacattālīsa gottacaraṇāni tesaṃneva khattiyādīnaṃ bheda. “Kāmāvacaraṃ kusalaṃ cittaṃ uppannaṃ hoti -pa- cittādhipeyyan”ti¹ evaṃ vutto cittassa cittādhipeyyabhāvo, cittacetāsikasamudāye samayavavatthāpako cittasaddo pavattoti “**sampayuttadhammānaṃ vasena vutto**”ti āha.

Tebhūmakakusalavaṇṇanā niṭṭhitā.

1. Abhi 1. 69 piṭṭhe.

Lokuttarakusalavaṇṇanā

277. **Lokaṃ taratīti** etena lokasamatikkamapaṭipattimāha. **Uttaratīti** etena lokassantagamanam phale patiṭṭhānam phalam. **Samatikkammāti**-ādinā nibbānam. **Samatikkammāti** hi nissarivā. **Abhibhuyyāti** visamyuttam hutvāti attho. Tividhopi cattho maggādīsu ekekasmim yojetabbo, maggeyeva vā idha tassa adhippetattā. **Ekacittakkhanikanti** ekamagghassa dve vāre anuppattim sandhāyāha. Aññamaññam dhammānam anativattanādisādhikāya paññāya vaḍḍheti. “Niyyatīti niyyānīyan”ti vattabbe i-kārassa rassattam ya-kārassa ca ka-kāramkatvā “**niyyānikan**”ti vuttam. Niyyatī etenāti niyyānam, niyyānameva **niyyānikam** venayiko viya. Ettha “neyyānikan”ti vattabbe i-kārassa e-kārattam akatvā vuttam.

Phalanti cittacetasarāsi vuccati, tam aññamaññam sampayuttānam dhammānam attano avayavabhūtānam nissayo hoti. Phalaññam vā **phalam**, sammādiṭṭhi-ādayo aṅgāni vā. **Lokuttarabhāveti** lokaṃ uttiṇṇabhāve. Tena phalanibbānāni saṅgaṇhāti. Tesu yaṃ bhavati phalam, tam “**bhūmī**”ti vuccati. Yathā vā kammanibbattā kāmabhavādayo taṃsamaṅgino nissayabhāvena “bhūmī”ti vuccanti, evaṃ maggena nibbattam phalam ariyasāvakkassakālena kālam samāpajjitabbatāya nissayabhāvato “bhūmī”ti vuccati, tato yeva ariyā cirataram tiṭṭhanti. **Samucchedavivekavaseṇāti** ettha apāyagamanīyānam accantasamucchedo itaresaṅca vijjutobhāsenā viya tamassa samucchedo daṭṭhabbo. Lokiyajjhānampi puthujjanassa ariyassa ca akatādhikārassa na vinā paṭipadāya ijjhati, katādhikārassa pana ariyassa maggeneva samijjhanato vipākānam viya kusalena tathā samiddhassa ariyamaggena sadisatāya abhāvato atabbipākattā ca na maggapaṭipadā tassa jhānassa paṭipadāti sakkā vattunti tattha tathā garuṃ katvā paṭipadāhi eva desanā na katā, yathāvuttajjhānasaṅgahattham suddhikadesanāpi katā.

Idha pana kassaci vinā paṭipadāya asiddhito garuṃ katvā dassetuṃ “**dukkhapaṭipadan**”ti-ādi vuttam. **Yo koci vāroti** sakim dvikkhattuṃ tikkhattuṃ catukkhattuṃ anekakkhattunti evamādīsu vikkhambhanavāresu yo koci. Sakim dvikkhattuṃ vikkhambhanavārā sukhā paṭipadā eva, na ca tato uddham sukhā

paṭipadā hotīti tikkhattum vikkhambhanavāram dukkhā paṭipadāti rocesum aṭṭhakathācariyā. Tasmim tathārocite tato paresu catukkhattum vikkhambhanavārādīsu vattabbameva natthīti. Rūpārūpānam lakkhaṇādīhi paricchinditvā gahaṇam rūpārūpapariggaho, nāmarūpamattametam, na añño koci sattādikoti vavattthāpanam nāmarūpavavattthāpanam. Pariggahitarūpārūpassa maggapātubhāvadandhatā ca nāmarūpavavattthāpanādīnam kicchāsiddhito siyāti na rūpārūpapariggahakicchātāya eva dukkhapaṭipadatā vattabbāti ce? Tam na, nāmarūpavavattthāpanādīnam paccanīkakilesamandatāya sukhasiddhiyampi tathāsiddhavipassanāsahagatānam indriyānam mandatāya maggapātubhāvadandhabhāvato.

Rūpārūpam pariggahetvāti akicchenapi pariggahetvā. Kicchena pariggahite vattabbameva natthi. Evaṃ sesesupi. **Imam vāram rocesunti** kalāpasammasanāvasāne udayabbayānupassanāya vattamānāya uppanassa vipassanupakkilesassa tikkhattum vikkhambhanena kicchātāvāram dukkhā paṭipadāti rocesum etadantattā paṭipadāya. Etassa akicchattepi purimānam kicchatte dukkhapaṭipadatā vuttanayāvāti na paṭisiddhāti daṭṭhabbam. Yathāvuttam vā sabbam rūpārūpapariggahādīkicchataṃ tikkhattum vikkhambhanavāratāvasena “**imam vāram**”ti āha. Yassa pana sabbattha akicchata, tassa sukhā paṭipadā veditabbā.

Musāvādādīnam visamvādanādīkicatāya lūkhānam apariggāhakānam paṭipakkhabhāvato pariggāhakasabhāvā sammāvācā. Sā siniddhabhāvato sampayuttadhamme pariggāhāti sammāvācāpaccayasubhāsitasotāraṇca janam. Kāyīkariyākiccam kattabbam samuṭṭhāpeti, sayaṇca samuṭṭhānam ghaṇam hotīti sammākamantasaṅkhātā viratipi samuṭṭhānasabhāvāti vuttā. Sampayuttadhammānam vā ukkhipanam samuṭṭhānam kāyīkariyāya bhārukkhipanam viya, jīvamānassa sattassa, sampayuttadhammānam vā suddhi vodānam ājīvasseva vā jīvitindriyavuttīyā.

283. **Maggasannissanti** paramatthamaggasabhāvattā maggāvayavabhāvena samudāyasannissanti attho.

285. **Paṭiṭṭhānam** kilesavasena, **āyūhanam** abhisāṅkhārasena. Taṇhāvasena vā **paṭiṭṭhānam**, diṭṭhivasena **āyūhanam**. **Bodhīti** yā ayam dhammasāmaggi vuccatīti yojetabbā. **Senāgarathāṅgādayo** viyāti

etena puggalapaññattiyā avijjamānapaññattibhāvaṃ dasseti. Aṅgasaddo kāraṇatthopi hotīti catusaccabodhāya samvattantīti **bojjhaṅgā**. Bujjhantīti bodhiyo, bodhiyo eva aṅgāti “**anubujjhantīti bojjhaṅgā**”ti vuttam. Vipassanādīnaṃ kāraṇānaṃ bujjhitabbānaṃ ca saccānaṃ anurūpaṃ paccakkhabhāvena paṭimukhaṃ aviparītātāya sammā ca bujjhantīti evamatthavisesadīpakehi upasaggehi “**anubujjhantī**”ti-ādi vuttam. Bodhi-saddo hi sabbavisesayuttam bujjhanaṃ sāmāññena saṅgaṇhātīti.

299. **Tiṇṇanti** rāgādīnaṃ. **Karoti nāma** kiṃ duccharitāni anuvattamānāni.

301. Pāṇātipātādinipphāditapaccayānaṃ niccasevanam **dhuvapaṭisevanam**. **Sakiccakoti** visum attano kiccavā. **Na hotīti** atthantarabhāvaṃ paṭikkhipati. Paccayapaṭisevanasāmanta-jappana-iriyāpathappavattanāni pāpicchatānibbattāni **tīṇi kuhanavatthūnīti**.

343. Vuṭṭhānagāminīvipassanā saṅkhārupekkhā sānulomā, sā suññato passantī “suññatā”ti vuccati, dukkhato passantī taṇhāpaṇidhisosanato “appaṇihitan”ti. Sā āgamanīyaṭṭhāne maggādhi gamatthaṃ āgamanapaṭipadāṭṭhāne ṭhatvā suññatappaṇihitanti nāmaṃ deti. Āgamanato nāme laddhe saḡuṇato ārammaṇato ca nāmaṃ siddhameva hoti, na pana saḡuṇārammaṇehi nāmalābhe sabbattha āgamanato nāmaṃ siddham hotīti paripuṇṇanāmasiddhihetuttā saḡuṇārammaṇehi sabbesampi nāmattayayogo, na āgamanatoti vavatthānakarattā ca nippariyāyadesanāya āgamanatova idha nāmaṃ labhati, na itarehīti vuttam.

350. **Animittavipassananti** aniccānupassanaṃ. **Nimittadhammesūti** samūhādighanavasena ca sakiccaparicchedatāya ca saporiggahesu khandhesu. **Animittavimokkhoti** aniccānupassanaṃāha. **Evamsampadamidanti** kathamidha upamāsamsandanam hoti. Na hi chandacittānaṃ maggasaṅkhāta-adhipatibhāvābhāvo viya saddhindriyādhikassa animittavimokkassa animittabhāvābhāvo atthi, na ca amaggādhipatīnaṃ maggādhipatināmadānābhāvo viya animittassa animittanāmadānābhāvoti sakkā vattum animittavimokkassa ananimittatāya

abhāvato. Maggo adhipati etesanti ca maggādhipatinoti yutto tattha chandacittehi taṁsampayuttānaṁ maggādhipatibhāvābhāvo. Idha pana maggo animittaṁ etassāti maggānimittoti ayamatto na sambhavatīti na tena amaggena maggassa animittabhāvo na yujjati, kiṁ vā ettha sāmaññaṁ adhippetanti. Amaggaṅgamaggaṅgābhāvo. Yathā satipi adhipatibhāve chandacittānaṁ na maggādhipatīti maggaṅgānaṁ, na ca tehi maggassa tesāṁ amaggaṅgattā, tathā satipi saddhāya āgamanabhāvena tassā animittanti maggaṅgānaṁ, na ca tāya maggassa tassā amaggaṅgattā. Evaṁ animittavipassanāyapi animittabhāvo nippariyāyena natthīti dīpito hoti.

Nanu ca idha jhānaṁ suññatādināmena vuttaṁ, na maggoti ce? Na, maggasampayogato jhānassa suññatādināmakattā. Suttantapariyāyena saguṇārammaṇehi idha abhidhammepe nāmaṁ labhatīti āhaṁsu. Tasmā paṭikkhittā “**na pana labhanti**”ti. **Kiṁ kāraṇā?** Abhidhamme sarasaṁ anāmasitvā paccanīkatova nāmalābhāti adhippāyo. Yo hi saguṇārammaṇehi nāmalābho so sarasappadhāno hoti. Saraseneva ca nāmalābhe sabbamaggānaṁ suññatādibhāvoti vavatthānaṁ na siyā. Tasmā abhidhamme satipi dvīhi nāmalābhe paccanīkato nāmavavatthānakaraṁ gahitanti saguṇārammaṇehi suññatappaṇihitamaggā nāmaṁ na labhanti āha. Atha vā **na pana labhanti**ti aññanirapekkhehi saguṇārammaṇehi na labhanti. **Kiṁ kāraṇā?** Abhidhamme sarasapaccanīkehi sahitehi nāmalābhāti attho. Paccanīkāñhi vavatthānakaraṁ anapekkhitvā kevalassa sarasassa nāmahetubhāvo abhidhamme natthi avavatthānāpattito. Tasmā attābhinivesapaṇidhipaṭipakkhavipassanānulomā maggā satipi sarasantare paccanīkasahitena sarasena nāmaṁ labhanti. Animittamaggassa pana vipassanā nimittapaṭipakkhā na hoti sayāṁ nimittaggahaṇato nimittaggahaṇānivāraṇāhi tadanulomamaggopi na nimittassa paṭipakkho. Yadi siyā, nimittagahavipassanāyapi paṭipakkho siyāti. Tasmā vijjamānopi saraso vavatthānakarapaccanīkābhāvā abhidhamme animittanti nāmadāyako na gahito. Aniccānupassanānulomo pana maggo suddhikaṭipadānāyeyeva saṅgahitoti datṭhabbo. Tasmā eva ca so nayo vuttoti. **Evanti**

yaṃ vakkhati “aniccato vuṭṭhahantassa maggo animitto hotī”¹, evaṃ āharitvā aṭṭhakathācariyehi so animittamaggo dīpitoti attho.

Vuṭṭhāna -pa- kimārammaṇāti aniccādito vuṭṭhahantassa vuṭṭhānagāminiyā lakkhaṇārammaṇatte sati saṅkhārehi vuṭṭhānaṃ na siyā, saṅkhārārammaṇatte ca lakkhaṇapaṭivedhoti maññamāno pucchati. “Aniccan”²ti-ādinā saṅkhāresu pavattamānena ñāṇena lakkhaṇāni paṭividdhāni honti tadākārasaṅkhāragahaṇatoti āha “**lakkhaṇārammaṇā**”³ti. Saṅkhārārammaṇā eva yathāvuttādhippāyena “lakkhaṇārammaṇā”⁴ti vuttāti dassento “**lakkhaṇaṃ nāma**”⁵ti-ādimāha. Aniccataṃ dukkhatā anattatāti hi visuṃ gayhamānaṃ lakkhaṇaṃ **paññattigatikaṃ** paramatthato avijjamānaṃ, avijjamānattā eva parittādivasena **navattabbadhamabhūtaṃ**. Tasmā visuṃ gahetabbassa lakkhaṇassa paramatthato abhāvā “aniccaṃ dukkhamanattā”⁶ti saṅkhāre sabhāvato sallakkhentova lakkhaṇāni sallakkheti nāmāti āha “**yo pana aniccaṃ dukkhamanattāti tīṇi lakkhaṇāni sallakkheti**”⁷ti. Yasmā ca **aniccanti**-ādinā saṅkhārāva dissamānā, tasmā te kaṇṭhe baddhakuṇapaṃ viya paṭinissajjanīyā honti.

Lokuttarakusala pakiṇṇakakathāvaṇṇanā

Tatrāti lokuttarajjhāne. **Ajjhattaṅcā**ti upaḍḍhagāthāya abhinivisitabbaṃ vuṭṭhātabbaṃ vipassanābhūmiṃ pañcadhā uddisati. Satta-aṭṭhādīni aṅgāni **sattaṭṭhaṅgāni**ti ādisaddassa lopo daṭṭhabbo. **Nimittanti** yato vuṭṭhānaṃ, tāni nimittapavattāni nimittavacaneneva uddisati. **Saṅkhārupekkhā ñāṇameva ariyamaggassa bojjaṅgādivisesaṃ niyame**ti. Kasmā? Tato tato dutiyā dipādakajjhānato uppannassa sasaṅkhārupekkhāñāṇassa pādakajjhānatikkantānaṃ aṅgānaṃ asamāpajjitukāmatāvirāgabhāvanābhāvato itarassa ca atabbhāvato. **Tesampi vādesu -pa- vipassanāva niyame**ti **veditabbā**. Kasmā? Vipassanāniyameneva hi paṭhamattheravādepi apādakapaṭhamajjhānapādakamaggā paṭhamajjhānikāva honti, itare ca pādakajjhānavipassanāniyamehi taṃtamajjhānikā. Evaṃ sesavādesupi vipassanāniyamo yathāsambhavaṃ yojetabbo.

1. Abhi-Ṭṭha 1. 269 piṭṭhe.

Pakiṇṇakasaṅkhāreti pādakajjhānato aññasāṅkhāre. Tena pādakajjhānasāṅkhāresu sammāsitesu vattabbameva natthīti dasseti. **Tatrāpīti** dutiyattheravādepi. Taṁtaṁjñānikatā taṁtaṁsammāsitasāṅkhāravipassanāniyamehi hoti. Tatrāpi hi vipassanā taṁtaṁvirāgāviraṅgabhāvanābhāvena somanassasahagatā upekkhāsahagatā ca hutvā jhānaṅgādiniyamam maggassa karotīti **evam vipassanāniyamo vuttanayeneva veditabbo**.

Tanti taṁtaṁjñānasadisabhavanam. **Svāyamattho** pādakajjhānasammāsitaajjhānupanissayehi vinā ajjhāsaya mattena asijjhanā upanissayena vinā saṅkappamattena sakadāgāmiphalaḍḍinam asijjhanadīpakena **nandakovādena**¹ dīpetabbo. Tattha hi sotāpannāyapi paripuṇṇasaṅkappabhāvam vadantena bhagavatā yassa yassa upanissayo atthi, tassa tasseva ajjhāsayo niyāmakō, nāññassāti tena tena paripuṇṇasaṅkappatā hoti, na tato param saṅkappasabbhāvepi asijjhanatoti ayamattho dīpito hoti. Evamidhāpi yassa yassa dutiyādijjhānikassa maggassa yathāvutto upanissayo atthi, tassa tasseva ajjhāsayo niyāmakō, nāññassa satipi tasmim asijjhanato. Imasmim pana vāde pādakasammāsitaajjhānupanissayasabbhāve ajjhāsayo ekantena hoti, taṁtaṁphalūpanissayasabbhāve taṁtaṁsaṅkappo viyāti tadabhāvābhāvato ajjhāsayo niyameṭīti vuttaṁ.

Yasmim pana pādakajjhānam natthīti catutthajjhānikavajjānam pādakāni lokiyajjhānāni sandhāya vuttaṁ. Appanāppatti ca oḷārikaṅgātikkamanupanissayābhāve pañcahi aṅgehi vinā na hotīti “**somanassasahagatamaggo hotī**”ti āha. **Upekkhāsahagatamaggoti** etena catutthajjhānikatāpi samānā anusayasamugghāṭanasamatthassa na saṅkhārāvasesatāti dasseti. **Te ca vādā na virujjhanti** ajjhāsaya vasena pañcamajjhānikatāya paṭhamādijjhānikatāya ca sambhavatoti adhippāyo. Ajjhāsayo ca sātthako hoti, aññathā pādakasammāsitaajjhāneva niyamassa siddhattā ajjhāsayo niyāmakō vuccamāno niratthako siyāti. **Idha pana** aṭṭhasāliniyā niyāmane ekantikaṁ vipassanāsaṅkhātāṁ **atthameva** uddharitvā “tesampi vādesu ayaṁ -pa- vipassanāva niyameṭī”ti

1. Ma 3. 315 piṭṭhe.

vadantena tayopete vāde vipassanāva niyametīti dassitaṃ.
Tambhaṃvādānañhi vipassanāsahitānameva siddhi, nāññathāti dassitanti.

Pavedhatīti gotrabhussa paccayo bhavitum na sakkotīti attho. Yadi pañcamacittakkhaṇe javanaṃ patitaṃ nāma hoti, kathaṃ tadā gotrabhu tadanantarañca maggo javanassa patitakkhaṇe uppajjatīti? Apubbassa javanantarassa patitatābhāvato. Tadeva hi javanaṃ anekakkhattum pavattamānaṃ patitaṃ siyāti, gotrabhu pana ārammaṇantare uppannaṃ apubbaṃ javanaṃ, tathā maggo bhūmantarato cāti. Nanu ca sattamajavanacetanāya balavatāya upapajjavedanīyabhāvo hoti ānantariyatāpīti, tatthāyaṃ adhippāyo siyā “paṭisandhiyā anantarapaccayabhāvino vipākasantānassa anantarapaccayabhāvena antimajavanacetanāya susaṅkhatattā sā sattamajavanacetanā upapajjavedanīyā ānantarikā ca hoti, na apatitajavanacetanā viya balavatāyā”ti.

Puna anulomaṃ taṃ anubandheyāti gotrabhussa hi saṅkhārārammaṇatte sati tadapi anulomamevāti purima-anulomaṃ viya taṃ tadapi aññaṃ anulomaṃ anubandheyāya, na maggoti maggavuṭṭhānameva ca na bhaveyya attano sadisālanassa āvajjanaṭṭhāniyassa paccayassa alābhā. Appahīnabhāvena pañcasu upādānakkhandhesu anusayitā kilesā sā bhūmi etehi laddhāti katvā **bhūmiladdhā**. Vaṭṭaṃ sinonti bandhantīti katvā **vaṭṭasetū** ca, tesam **samugghātakaraṇanti** etadevassa lobhakkhandhādipadālanam vuccati. **Tanti** pavattaṃ. **Ekaṃ bhavanti** anāgāmino anekakkhattuñca tattheva upapajjantassa heṭṭhā anāgamanavasena eko bhavoti gahetvā vuttaṃ.

Imassa panatthassāti yathāvuttassa upādinnakapavattato vuṭṭhānassa. Apāyesu sattamabhavato uddhaṃ sugatiyañca vipākadāyakassa abhisāṅkhāraviññāṇassa paccayaghāto sotāpattimaggaññaṇena abhisāṅkhāraviññāṇassa nirodho daṭṭhabbo. **Dvīsu bhavesūti** anāgāmimagge abhāvite sakadāgāmissa kāmadhātuyam ye dve bhavā upapajjeyyūṃ, tesūti attho. **Calatīti** etena calanasabhāvameva dasseti, na acalanābhāvaṃ, tasmā acalanaṃ dassetvā puna calanaṃ dassetuṃ “**tathāgatassa hī**”ti-ādimāha. Yepi vā katthaci cattāropi magge samānapaṭipade disvā sabhāvato

acalanameva gaṇheyyum, tesam taṃgahaṇanivāraṇattham “calatī”ti vuttam, na calanāvadhāraṇatthanti yuttam ubhayadassanam. Atha vā yadipi kesañci cattāropi maggā samānapaṭipadā, tathāpi kilesindriyehi sijjhamānā paṭipadā tesam vasena calanapakatikā evāti “calatī”cceva vuttam, na “na calatī”ti.

Lokuttarakusalapakiṇṇakakathāvaṇṇanā niṭṭhitā.

Paṭhamamaggavīsati mahānaya vaṇṇanā

357. Yassa pubbhāge “maggam bhāvemī”ti ajjhāsayo pavatto, so maggam bhāveti. Evaṃ sabbattha ajjhāsaya visesena taṃtambhāvanāviseso daṭṭhabbo.

358. **Chandhādhipeyyanti-ādīsu** ekacittakkhaṇe vattamānesu dhammesu katham chandassa taṃsahajātassa adhipatibhāvo vīriyādīnañcāti? Upanissayavasena. Yassa hi sace chandavato kusalam nipphajjati, “aham nipphādessāmī”ti pavattamānassa kusalam nipphannaṃ, tassa taṃsahajāto chando tena purimupanissayena viṣiṭṭho sahajātadhamme attano vase vatteti. Tasmīṃca pavattamāne te pavattanti, nivattamāne nivattanti, tadanurūpabalā ca honti rājapurisā viyāti. Evaṃ vīriyādīsu. Sesadhammānam pana katthaci vuttappakārappavattisabbhāvepi atāmsabhāvattā adhipatibhāvo natthīti daṭṭhabbo.

Dutiyamaggavaṇṇanā

361. Ā-kārassa rassattam katvā aññindriyam vuttam, ā-kāro ca dhammamariyādattho.

Tatiyacatutthamaggavaṇṇanā

362. **Maggaṅgāni na pūrenti** akiccakattā sammādiṭṭhiyāti adhippāyo. Mārento gacchatīti hi maggo, na cetāya māretabbaṃ atthīti. Mānassa

diṭṭhisadisā pavatti ahamasmīti pavattamānassa diṭṭhiṭṭhāne ṭhānaṃ.
Ālokasseva pavattikālo viyāti cirappavattiṃ sandhāyāha.
 Ekadesasāmaññaena hi yathāhippetena upamā hotīti. **Khāre vāti**
 kaṭṭhādīnaṃ khāracchārikāyaṃ. **Sammadditvāti** kiledetvā. **Chandoti** taṇhā.
Anusayoti taṇhā mānānusayo ca. Etasmiṅca sutte asamūhatassa gandhassa
 samugghāṭanaṃ viya asamūhatamānādisamugghātaṃ dassentena aññaamañña
 kilese pajahatīti dassitanti ānītaṃ, na yathāvuttanayena upamāya vuttattāti
 daṭṭhabbaṃ. Nirantaraṃ pavattamāne citte tassa saṅkilesavodānakaṛā
 sāvajjānavajjā cetasikā uppajjamānā tassaṅgabhūtā avayavā viya hontīti
 “**cittaṅgavasenā**”ti vuttaṃ.

Lokuttarakusalavaṇṇanā niṭṭhitā.

Kusalakathāvaṇṇanā niṭṭhitā.

Akusalapada dhammuddesavāra

Paṭhamacittakathāvaṇṇanā

365. Kusale vuttanayaṃ anugantvā yathānurūpaṃ veditabbatāya
 “**vuttanayenā**”ti āha. **Gantabbābhāvatoti** bujjhitabbābhāvato. **Diṭṭhiyā**
gatamattanti diṭṭhiyā gatimattam gahaṇamattam. Āsannakāraṇattā
 ayonisomanasikārassa visum gahaṇam ekantakāraṇattā ca. **Satisaṃvaroti**
 idha sītādīhi phuṭṭhassa appamajjanaṃ khamanaṃ daṭṭhabbaṃ.
Pahānasamvaroti vīriyasamvaro.

Assādadassananti assādadiṭṭhi. Phalaṭṭhena paccupaṭṭhānena
asammāpaṭipattipaccupaṭṭhāno moho,
 sammāpaṭipattipaṭipakkhabhāvaggahaṇākāro vā. Sabbassa lobhassa
 abhijjhābhāve satipi visesayuttāya abhijjhāya kammaṭṭhappattāya
 idhuppajjamānāya lakkhaṇādīṃ dassetuṃ “**sā parasampattīnan**”ti-ādimāha.
 Attano pariṇāmanassa purecārikā taṇhābhirati **abhirati.**

Anupaparikkhā moho. Mohavasena hi diṭṭhivasena vā avatthusmiṃ sānunayo adhimokkho uppajjati. **Asatiyacitteti** ahirikādīhi ārakkharahitacitte. **Satirahitattā satipaṭipakkhattā cāti** etena satirahitā satipaṭipakkhā ca akusalā khandhā eva micchāsatiṭi dasseti. Te pana upanāhādippavattiyam cirakatādisallakkhaṇe paṭusaññāsampayuttā daṭṭhabbā. **Sadarathādibhāvo** avisesena kilesasampayogato vutto lahutādi-ekantapaṭipakkhānam thinamiddhādīnam kesañci idha abhāvā. **Avūpasamoti** asannisinnasabbhāvamāha. **Anavaṭṭhānarasanti** calanakiccaṃ. **Cetaso avūpasameti** nipphādetabbe payojane bhummaṃ, avūpasamapaccayabhūtaṃ ārammaṇaṃ vā “avūpasamo”ti vuttaṃ.

Dhammuddesavāarakathāvaṇṇanā niṭṭhitā.

Niddesavāarakathāvaṇṇanā

377. **Sahajātadhammesu akampanaṃ** na kosajjesu akampanaṃ viya tappaṭipakkhabhāvato daṭṭhabbaṃ, taṃtampāpakiriyāya ussahanavasena pana thiratā tattha akampanaṃ.

381. **Diṭṭhiyā virūpaṃ phanditanti** tathā tathā sassatādivasena pavattā diṭṭhi eva vuccati. **Tarantīti** titthe viya pilavanti. **Vipariyesatoti** vatthussa viparītato.

390. Sabhāvapaṭicchādanavasena pakati-attādi-asantagahaṇassa aniccādīnaṃ niccādivisamagahaṇassa ca saññādivipariyesassa nissayattā “asantam asamañca bujjhatī”ti vuttaṃ.

Dutiyacittavaṇṇanā

399. **Kiñcāpi -pa- parāmasantassa uppajjati** purimacittena avisesaṃ dasseti. Anussāhanāvāsīdanabhāvena saṃhatabhāvo **thinam**.

Tatiyacittavaṇṇanā

400. **Idha mānena saddhim pañca apanṇakaṅgānīti** avirajjhanakaṅgāni uppatti-araṅgāni hontīti attho daṭṭhabbo. Mānassa aniyatattā na

niyatayevāpanakāti. Paṭṭhāne¹ hi “saṃyojanaṃ dhammaṃ paṭicca saṃyojano dhammo uppajjati hetupaccayā”ti ettha “catukkhattum kāmārāgena tikkhattum paṭighena ca māno vicikicchā bhavarāgo tayopete sakadāgāmino saṃyojanānaṃ saṃyojanehi dasavidhā yojanā”ti dassitāya dasavidhāya yojanāya “kāmārāgasamyojanaṃ paṭicca mānasamyojanaṃ avijjāsamyojanan”ti vatvā “kāmārāgasamyojanaṃ paṭicca avijjāsamyojanan”ti “mānasamyojanaṃ paṭicca bhavarāgasamyojanaṃ avijjāsamyojanan”ti ca vatvā “bhavarāgasamyojanaṃ paṭicca avijjāsamyojanan”ti vuttāhi yojanāhi mānassa aniyatabhāvo pakāsito, tathā kilesadukepi. Idha ca vakkhati “dasavidhā saṃyojanānaṃ yojanaṃ, tathā dasavidhā kilesānaṃ”ti ca. Unnamanavaseneva **sampaggaharaso**, na vīriyaṃ viya taṃtaṃkiccasādhane abhussāhanavasena. Omānassapi attānaṃ avamkatvā gahaṇaṃ sampaggahoti daṭṭhabbo.

Catutthacittavaṇṇanā

402. Pariharaṇatthaṃ vikkhittā hutvā ussāhaṃ janento “pariharaṇatthaṃ sa-ussāhā”ti vuttā, tesam.

Navamacittavaṇṇanā

413. Visappana-aniṭṭharūpasamuṭṭhānavasena attano pavatti-ākāravasena ca **visappanaraso**. Doso upayogaphalesu² aniṭṭhattā visasaṃsaṭṭhapūtimuttaṃ viya daṭṭhabbo. **Anabhiratirasāti** evaṃpakāresu paṭikkhepena rasavacanesu taṃtaṃpaṭipakkhakkicagahaṇaṃ daṭṭhabbaṃ. Kaṭukākāragati **kaṭukañcukatā**, **attasampatti** āvāsādi, parāyattatāya **dāsabyaṃ viya daṭṭhabbaṃ**. Yathā hi dāsabye sati dāso parāyatto hoti, evaṃ kukkuce sati taṃsamaṅgī. Na hi so attano dhammatāya pavattitum sakkoti kusaleti. Atha vā katākatākusalakusalānusocane āyattatāya tadubhayavasena kukkuccena taṃsamaṅgī hotīti dāsabyaṃ viya taṃ hoti.

1. Abhi 10. 209 piṭṭhe.

2. Upabhogaphalesu (?)

418. **Viruddhākāro**ti viruddhassa puggalassa, cittassa vā ākāro viruddhabhāvo. Tena virujjhanam virodhoti dasseti. **Vacananti** etam nidassanamattam datṭhabbam. Sabbameva hi kiccam etena kariyamānam suropitam sujanitam na hotīti. Ropasaddavacanatthameva keci vaṇṇenti. **Tam appamaṇanti** kodhassa tathāpavattanasabhāvābhāvā aññena kenaci kāraṇena pariṇaṇṇatā siyāti sandhāya vuttam.

Ekādasamacittavaṇṇanā

422. **Vigatā cिकicchā**ti cिकicchitum dukkaratāya vuttam, na sabbathā cिकicchābhāvā vicिकicchāyāti tadattham dasseti.

424. Nicchayābhāvā asaṅṭṭhahanato cetaso pavattipaccayamattatāya “**pavattitṭhitimattan**”ti vuttam.

425. Ekam ākāram gantum asamatthatāya attano āmukham sappanato **osakkati**.

Dvādasamacittavaṇṇanā

429. Uddhaccam attano gahitākāre eva ṭhatvā bhamatīti **ekārammaṇasmimyeva vipphandanam** hoti. Vicिकicchā pana yadapi rūpādīsu ekasmīññevārammaṇe uppajjati, tathāpi “evam nu kho, idam nu kho”ti uppajjamānā “nanu kho, aññam nu kho”ti aññam gahetabbākāram apekkhatīti **nānārammaṇe** calanam hoti.

“**Evamsampadamidam veditabban**”ti ettāvātā imasmim cittadvaye uttapakiṇṇakam dassetvā dvādasasu dassetum “**sabbesupī**”ti-ādimāha. Kusalesupi ārammaṇādhipatim anuddharitvā sahaṭādhīpatino eva uddhaṭattā idhāpi so eva uddharitabbo siyāti “**sahaṭādhīpati labbhamānopi na uddhaṭo**”ti vuttam nārammaṇādhipatino alabbhamānattā. Sopi hi aṭṭhasu lobhasahagatesu labbhatīti. **Sesopī**ti vīmaṃsato aññopi sahaṭādhīpati natthi, yo uddharitabbo siyā. Ārammaṇādhipatimhi vattabbameva natthi. **Kañci dhammanti** chandādīsu ekampi sahaṭām. Kusalattike tāva paṭiccavārādīsu “na hetupaccayā adhipatipaccayā”ti ekassapi

pañhassa anuddhaṭṭā paṭṭhāne paṭisiddhatā veditabbā. Aññathā hi “akusalaṃ dhammaṃ paṭicca akusalo dhammo uppajjati na hetupaccayā adhipatipaccayā”¹ ti etassa vasena “ekan”² ti vattabbaṃ siyā.

Dassanena pahātabbābhāvato dassanena pahātabbassa abhāvato, dassanena pahātabbesu vā abhāvato. Etena paṭisandhi-anākaḍḍhanato dassanena pahātabbesu anāgamananti tattha anāgamanena paṭisandhi-anākaḍḍhanaṃ sādheti. Anākaḍḍhanato anāgamaṇaṃ pana sādhetuṃ “**tesu hī**”³ ti-ādimāha. Ettheva paṭisandhidānaṃ bhaveyya. Tathā ca sati dassanena pahātabbaṃ siyā apāyagamaṇiyassa dassanena pahātabbābhāvato. Na cetam dassanena pahātabbaṃ siyā, tasmā dassanena pahātabbavibhaṅge nāgatanti adhippāyo.

Katham panetaṃ nāyati “paṭisandhi-anākaḍḍhanato dassanena pahātabbesu anāgamaṇaṃ”⁴ ti? Dassanena pahātabbānaññeva nānākkhaṇikakammaṇapaccayabhāvassa vuttattā. Duvidhā hi akusala dassanena pahātabbā bhāvanāya pahātabbāti. Tattha bhāvanāya pahātabbacetanānaṃ nānākkhaṇikakammaṇapaccayabhāvo na vutto, itarāsaññeva vutto. “Bhāvanāya pahātabbo dhammo neva dassanena na bhāvanāya pahātabbassa dhammassa kammaṇapaccayena paccayo”⁵ ti² ettha hi sahaṇāyameva vibhattaṃ, na nānākkhaṇikanti. Tathā paccanīyepi “bhāvanāya pahātabbo dhammo neva dassanena na bhāvanāya pahātabbassa dhammassa āramaṇapaccayena paccayo. Sahaṇāyapacca. Upanissayapacca. Pacchāṇāyapaccayena paccayo”⁶ ti³ ettakameva vuttaṃ, na vuttaṃ “kammaṇapaccayena paccayo”⁷ ti. Itarattha ca vuttaṃ. Uddhaccasahagatā ca cetanā bhāvanāya pahātabbesu eva āgatāti nānākkhaṇikakammaṇapaccayo na siyāti. Yadi siyā, bhāvanāya pahātabbacetanāya ca nānākkhaṇikakammaṇapaccayabhāvo vucceyya, na tu vutto. Tasmā uddhaccasahagatā nānākkhaṇikakammaṇapaccayabhāve sati dassanena pahātabbesu vattabbā siyā, tadabhāvā na vuttāti. Paṭisandhi-anākaḍḍhanato tattha anāgatāti ayametthādhippāyo. Nānākkhaṇikakammaṇapaccayāvacaṇena pana bhāvanāya pahātabbānaṃ pavattivipākatā paṭikkhittā. Pavattivipākassapi hi nānākkhaṇikakammaṇapaccayatā na sakkā nivāretuṃ.

1. Abhi 8. 31 piṭṭhe.

2. Abhi 8. 228 piṭṭhe.

3. Abhi 8. 214 piṭṭhe.

Vuttañca “sukhāya vedanāya sampayutto dhammo dukkhāya vedanāya sampayuttassa dhammassa kammaṭṭhāyena paccayo, nānākkhaṇikā”ti-ādi¹. Yadi bhāvanāya pahātabbānaṃ vipākadānaṃ natthi, kathaṃ te vipākadhammadhammā hontīti? Abhiññācittādīnaṃ viya vipākārahasabhāvattā. Yaṃ pana vuttaṃ “yasmim̐ samaye akusalaṃ cittaṃ uppannaṃ hoti upekkhāsahagataṃ uddhaccasampayuttaṃ -pa- avikkhepo hoti, imesu dhammesu ñāṇaṃ dhammapaṭṭisambhidā, tesāṃ vipāke ñāṇaṃ atthapaṭṭisambhidā”ti² idampi tesāṃ vipākārahataññeva sandhāya vuttaṃ siyā. Idaṃ pana ṭhānaṃ suṭṭhu vicāretabbaṃ. Atthi hi ettha vacanokāso. Na hi vipāketi vacanaṃ vipākadhammavacanaṃ viya vipākārahataṃ vadatīti.

Akusalapadavaṇṇanā niṭṭhitā.

Abyākatapada ahetukakusalavipākavaṇṇanā

431. **Tesu vipākābyākatanti-ādīnaṃ** “bhājetvā dassetuṃ katame dhammā abyākatāti-ādi āraddhaṃ”ti etena sambandho. **Tassāpīti** etassa “uppattiṃ dīpetuṃ kāmā -pa- ādi vuttaṃ”ti etena sambandho. **Upacittatīti** yathā aññassa vipākaṃ paṭibāhitvā attano vipākābhimukhaṃ hoti tathā vadḍhitattā. Rūpādīnaṃ paccayānaṃ aññaviññāṇasādhāraṇattā asādhāraṇena vatthunā cakkhuviññāṇaṃ sotaviññāṇanti nāmaṃ uddhaṭaṃ. Cakkhādīnaṃ tikkhamandabhāve viññāṇānaṃ tikkhamandabhāvā visesapaccayattā ca.

Cakkhusannissitañca taṃ rūpavijānanañcāti **cakkhusannissitarūpavijānanaṃ**. Evaṃlakkhaṇaṃ cakkhuviññāṇaṃ. Tattha cakkhusannissitavacanena rūpārammaṇaṃ aññaviññāṇaṃ paṭikkhipati. Rūpavijānavacanena cakkhunissaye phassādayo nivatteti. Cakkhurūpavacanehi ca nissayato ārammaṇato ca vijānanaṃ vibhāveti. Rūpamattassa ārammaṇassa gahaṇaṃ kiccametassāti **rūpamattārammaṇarasāṃ**. **Jhānaṅgavasena**ti idaṃ dvipaṅcaviññāṇavajjesu vijjamaṇānaṃ upekkhāsukhadukkhekaggatānaṃ jhānaṅgikattā imāpi taṃsadisānaṃ

1. Abhi 8. 319 piṭṭhe.

2. Abhi 2. 311 piṭṭhe.

tadupacāraṃ katvā vuttaṃ. Na hi jhānapaccayattābhāve jhānaṅgatā atthi. Vuttañhi “jhānaṅgāni jhānasampayutta -pa- rūpānaṃ jhānapaccayena paccayo”ti¹. Etesañca jhānapaccayabhāvo paṭikkhitto. Yathāha “abyākataṃ dhammaṃ paṭicca abyākato dhammo uppajjati na jhānapaccayā. Pañcaviññāṇasahagataṃ ekaṃ khandhaṃ paṭicca tayo khandhā”ti-ādi². Jhānapaccayattābhāvepi vedanācittaṭṭhitīnaṃ upekkhādibhāvato tathābhūtānaṃ vacane aññaṭṭhānābhāvato ca dutiyarāsiniddeso.

436. **Vatthupaṇḍarattā**ti sayāṃ kaṇhadhammānaṃ appaṭipakkhattā sabhāvaparissuddhānaṃ pasādahadayavattunissayānaṃ vasena paṇḍarasabhāvaṃ jātanti adhippāyo. Ayaṃ pana nayo catuvokāre na labbhatīti tattha bhavaṅgassa tato nikkhantākusalassa ca paṇḍaratā na siyā, tasmā tattha paṇḍaratāya kāraṇaṃ vattabbaṃ. Sabhāvovāyaṃ cittassa paṇḍaratāti.

439. **Idampī pi**-saddo ṭhitimattasahitaṃ pubbe vuttaṃ vicikicchāsahagataṃ apekkhitvā vutto. **Pakatiyā**ti anatikkamanena. **Sopi viseso. Kāyappasādaṃ ghaṭṭetvā pasādapaccayesu mahābhūtesu paṭihaññatī**ti āpāthaṃ gantvā paṭihaññatīti attho. Yathā ca “rūpaṃ ārabha uppannaṃ”ti vutte na ārammaṇuppādānaṃ pubbāparakālatā hoti, evamidhāpi ghaṭṭanapaṭihananesu daṭṭhabbaṃ. Upamāpi ubhayaghaṭṭanadassanattamaṃ vuttā, na nissitanissayaghaṭṭanānaṃ pubbāparatādassanattamaṃ. Ettha ca **bahiddhā**ti etaṃ nidassanamattaṃ. Ajjhattampi hi ārammaṇaṃ hotīti. Viññāṇadhātunissayabhūtehi vā aññaṃ “bahiddhā”ti vuttaṃ. Paṭighaṭṭanānighaṃso balavā hoti, tato eva iṭṭhāṇiṭṭhaphoṭṭhabbasamāyoge sukhadukkhapaccayā dhātu-anaggahadhātukkabhā ciraṃ anuvattanti.

455. Aññesaṃ cittānaṃ sabhāvasuññatasabbhāvā manodhātubhāvo āpajjatīti ce? Na, visesasabbhāvā. Cakkhuviññāṇādīnañhi cakkhādinissitatā cakkhādīnaṃ savisayesu dassanādippavattibhāvātā ca viseso. Manoviññāṇassa pana anaññanissayamanopubbaṅgamatāya aññanissayaviññāṇassa anantarapaccayattābhāvena manodvāraniggamanamukhabhāvābhāvato ca sātisayavijānanakiccataṃ viseso. Tabbisesavirahā manomattā

1. Abhi 8. 378 piṭṭhe.

2. Abhi 8. 37 piṭṭhe.

dhātu manodhātūti tividhā manodhātu eva vuccati, na visesamano. Tasmā ettha **mano eva dhātu manodhātūti eva**-saddo mattasaddattho daṭṭhabbo.

Visesanivattanattho hi so viññāṇassati.

Manodvāraniggamanapavesamukhabhāvato pana manodhātuyā vijānavisesaviraho daṭṭhabbo, tato eva manoviññānantipi na vuccati. Na hi taṃ viññāṇaṃ manato pavattaṃ manaso paccayo, nāpi manaso paccayabhūtaṃ manato pavattaṃ, dassanādīnaṃ pana paccayo, tehi ca pavattaṃ tesam purecaraṃ anucarañcāti. Sammāsaṅkappoti¹ avacanaṃ mahāvīpākānaṃ viya janakasadisattābhāvato. Tattha hi tihetukato duhetukampi uppajjamānaṃ sammāsaṅkappatādīhi sadisaṃ sahetukatāyāti. **Pañcaviññāṇasoteti** ettha yathā paguṇaṃ ganthaṃ sajjhāyanto sajjhāyasote patitaṃ kañci kañci vācanāmaggaṃ na sallakkheti, evaṃ tathāgatassa asallakkhaṇā nāma natthi, na ca pañcaviññāṇasote jhānaṅgābhāvo idha avacanassa kāraṇaṃ. Yadi tadanantaraṃ niddeso taṃsotapatitatā, ito paresaṃ dvinnaṃ manoviññāṇadhātūnaṃ taṃsotapatitatā na siyā. Tasmā pañcaviññāṇaṃ viya ahetukatāya maggapaccayavirahā ca vijjamānesupi vitakkavicāresu jhānaṅgadhammānaṃ dubbalattā pañcaviññākesu viya agaṇanupagabhāvā ca pañcaviññāṇasotapatitatā. Tato eva hi ahetukakiriyattayepi jhānaṅgāni balāni ca saṅgahavāre na uddhaṭāni, jhānapaccayakiccamattato pana paṭṭhāne dubbalānaṃ ettha vitakkādīnaṃ jhānapaccayatā vuttā.

469. Samānavatthukaṃ anantarapaccayaṃ labhitvā uppajjamānaṃ santīraṇaṃ manodhātuto balavataṃ hotīti thaṃ yathārammaṇaṃ ārammaṇarasam anubhavantaṃ iṭṭhe somanassasahagataṃ hoti, iṭṭhamajjhatte upekkhāsahagataṃ sātisayānubhavattā, tasmā **“ayañhi iṭṭhārammaṇasmimīyevā”**ti-ādi vuttaṃ. Voṭṭhabbanam pana satipi balavabhāve vipākappavattiṃ nivattetvā visadisaṃ manam karontaṃ manasikāra-kiccantarayogato vipāko viya anubhavanameva na hotīti sabbattha upekkhāsahagatameva hoti, tathā pañcadvārāvajjanaṃ manodvārāvajjanañca kiccavasena apubbattā.

Ahetukakusalavīpākavaṇṇanā niṭṭhitā.

1. Sammāsaṅkappo micchāsaṅkappoti vā (Ka)

Aṭṭhamahāvīpākacittavaṇṇanā

498. **Alobho abyākatamūlanti**-ādīsu kusalapakkhe tāva alobhādosānaṃ niddesesu “yo tasmim̄ samaye alobho alubbhanā -pa- alobho kusalamūlan”¹, “yo tasmim̄ samaye adoso adussanā -pa- adoso kusalamūlan”¹ ca vuttattā idhāpi taṃniddesesu “alobho abyākatamūlan”² ti “adoso abyākatamūlan”² ti vacanaṃ yujjeyya. Paññindriyādiniddesesu pana “paññāratanaṃ amoho dhammavicayo sammādiṭṭhī”² evaṃ tatthapi vuttaṃ, na vuttaṃ “amoho kusalamūlan”² ti. Tasmā idhāpi “amoho abyākatamūlan”² ti pāṭhena na bhavitabbaṃ siyā. Alobhādosānaṃ viya amohassapi abyākatamūladassanattaṃ panetaṃ vuttanti vedītabbaṃ. **Aviññattijanakatoti** kāyavacīkammadvāranivāraṇaṃ karoti. **Avīpākadhammatoti** manokammadvāranivāraṇaṃ. **Vīpākadhammānaṃhi** kammadvāraṃ vuttanti. **Tathā appavattitoti** dānādīpuññakiriyabhāvena appavattito. Etena puññakiriyavattubhedameva nivāreti.

Balavacappayehīti payogena vinā nipphannehi ārammaṇādīpaccayehi. Asaṅkhārikādīsu hi yena kenaci cittena kamme āyūhite asaṅkhārena appayogena kammakammanimittagatinimittapaccupaṭṭhāne paṭisandhi uppajjamānā asaṅkhārikā hoti, sasaṅkhārena sappayogena kammādīpaccupaṭṭhāne sasaṅkhārikā. Bhavaṅgacutiyo pana paṭisandhisadisāva. Tadārammaṇaṃ kusalākusalāni viya asaṅkhārikaṃ sasaṅkhārikaṃ ca daṭṭhabbanti. Etesu balavaṃ dubbalaṃ vicāretuṃ “**tattha sabbepi sabbaññubodhisattā**”² ti-ādīmāha. **Kālavasena pana pariṇamatī**ti appāyukasamvattanīkammabahule kāle taṃkammāsahitasantānajanitasukkasoṇītapaccayānaṃ taṃmūlakānaṃ candasūriyavisamaparivattādījanīta-utāhārādīvisamapaccayānaṃ vasena pariṇamati.

Vīpākuddhārakathāvaṇṇanā

Yato yattako ca vīpāko hoti, yasmiṃ ca ṭhāne vīpaccati, taṃ dassetuṃ vīpākuddhārakathā āradhā. **Etthevā**ti ekāya cetaṇāya kamme āyūhiteyeva. Duhetukapaṭisandhivasena dvādasakamaggopi

1. Abhi 1. 22 piṭṭhe.

2. Abhi 1. 22, 23 piṭṭhesu.

hoti, dvādasakappakāropīti attho. Ahetukapañisandhivasena ahetukaṭṭhakampi. Asaṅkhārikasasaṅkhārikānaṃ sasaṅkhārika-sasaṅkhārikavipākasaṅkaraṃ anicchanto dutiyatthero “**dvādasā**”ti-ādimāha. Purimassa hi paccayato sasaṅkhārika-sasaṅkhārikabhāvo, itaresaṃ kammato. Tatiyo tihetukato duhetukampi anicchanto “**dasā**”ti-ādimāha.

Imasmim vipākuddhāraṭṭhāne kammapañisandhivavattḥānatthaṃ **sāketapañhaṃ gaṇhimsu**. Kammavasena vipākassa taṃtaṃguṇadosussadanimitataṃ dassetuṃ **ussadakittanaṃ gaṇhimsu**. **Hetukittanaṃ** idha paṭhamattherassa adhippāyena vuttaṃ. Dutiyattheravādādisu visesaṃ tattha tattheva vakkhāmi. Nāṇassa jaccandhādivipattinimittapaṭipakkhabhāvato tihetukaṃ atidubbalaṃpi samānaṃ pañisandhiṃ ākaḍḍhantaṃ duhetukaṃ ākaḍḍheyyāti “**ahetukā na hoti**”ti āha. Yaṃ pana **pañisambhidāmagge** sugatiyaṃ jaccandhabadhirādivipattiyā ahetuka-upapattiṃ vajjetvā gatisampattiyā sahetukopattiṃ dassentena “gatisampattiyā nāṇasampayutte katamesaṃ aṭṭhannaṃ hetūnaṃ paccayā upapatti hoti”cceva¹ vuttaṃ. Tena nāṇavippayuttena kammunā nāṇasampayuttapañisandhi na hotīti dīpitaṃ hoti. Aññathā “sattannaṃ hetūnaṃ paccayā upapatti hoti”ti idampi vuccēyya. Tathā hi “gatisampattiyā nāṇasampayutte katamesaṃ aṭṭhannaṃ hetūnaṃ paccayā upapatti hoti? Kusalassa kammaṃ javanakkhaṇe tayo hetū kusalā tasmim khāṇe jātacetanāya sahajātapaccayā honti. Tena vuccati kusalamūlapaccayāpi saṅkhārā. Nikantikkhaṇe dve hutū akusalā tasmim khāṇe jātacetanāya sahajātapaccayā honti. Tena vuccati akusalamūlapaccayāpi saṅkhārā. Pañisandhikkhaṇe tayo hetū abyākatā tasmim khāṇe jātacetanāya sahajātapaccayā honti. Tena vuccati nāmarūpapaccayāpi viññānaṃ, viññānapaccayāpi nāmarūpan”ti¹ vissajjitaṃ nāṇasampayuttapañisandhiyaṃ.

Evam nāṇavippayuttato nāṇasampayuttapañisandhiyaṃ ca vijjamānāya “gatisampattiyā nāṇasampayutte katamesaṃ sattannaṃ hetūnaṃ paccayā upapatti hoti? Kusalassa kammaṃ javanakkhaṇe dve hetū kusalā”ti vatvā aññattha ca pubbe vuttanayeneva sakkā vissajjanaṃ kātunti.

1. Khu 9. 226 piṭṭhe.

yathā pana “ñāṇasampayutte sattannaṃ hetūnaṃ paccayā”ti avacanato ñāṇavippayuttato ñāṇasampayuttā paṭisandhi na hoti, evaṃ “gatisampattiyā ñāṇavippayutte channaṃ hetūnaṃ paccayā upapatti hoti”¹ cceva¹ vatvā “sattannaṃ hetūnaṃ paccayā”ti avacanato ñāṇasampayuttato ñāṇavippayuttāpi paṭisandhi na hotīti āpannaṃ. Etthāpi hi na na sakkā kammanikantikkhāṇesu tayo ca dve ca hetū yojetvā paṭisandhikkhāṇe dve yojetunti. Imassa pana therassa ayamadhippāyo siyā “kammasarikkhakavipākadassanavasena idha pāṭho sāvaseso kathito”ti. “Ñāṇasampayutte aṭṭhannaṃ hetūnaṃ paccayā”ti etthāpi pāṭhassa sāvasesatāpattīti ce? Na, dubbalassa duhetukakammassa ñāṇasampayuttavipākādāne asamatthattā. Tihetukassa pana ahetikavipaccane viya duhetukavipaccanepi natthi samatthatāvighātoti. **Ārammaṇena vedanā parivattetabbā**ti santīraṇatadārammaṇe sandhāya vuttaṃ. Vibhagaggahaṇasamatthatābhāvato hi cakkhuviññāṇādīni iṭṭha-iṭṭhamajjhattesu upekkhāsahagatāneva honti, kāyaviññāṇaṅca sukhasahagatameva paṭighaṭṭanāvīsesenāti.

Visesavatā kālena tadārammaṇapaccayasabbajavanavatā vipākappavattim dassetum “**sarṇvarāsarṇvare -pa- upagatassā**”ti vuttaṃ aññakāle pañcaviññāṇādiparipuṇṇavipākappavatti-abhāvā. **Kakkaṭaka -pa- bhavaṅgotaraṇanti** etena idaṃ dasseti—kedāre pūretvā nadīpavesanamaggabhūtaṃ mātikaṃ appavisitvā kakkaṭakamaggādīnā amaggena nadī-otaraṇaṃ viya cittassa javitvā bhavaṅgappavesanamaggabhūte tadārammaṇe anuppanne maggena vinā bhavaṅgotaraṇanti.

Etesu tīsu moghavāresu dutiyo upaparikkhitvā gahetabbo. Yadi hi anulome vedanāttike paṭicavārādīsu “āsevanapaccayā na magge dve”ti “na maggapaccayā āsevane dve”ti ca vuttaṃ siyā, sopi moghavāro labbheyya. Yadi pana voṭṭhabbanampi āsevanapaccayo siyā, kusalākusalānampi siyā. Na hi āsevanapaccayaṃ laddhum yuttassa āsevanapaccayabhāvī dhammo āsevanapaccayoti avutto atthi. Voṭṭhabbanassa pana kusalākusalānaṃ āsevanapaccayabhāvo avutto.

1. Khu 9. 269 piṭṭhe.

“Kusalāṃ dhammāṃ paṭicca kusalo dhammo uppajjati nāsevanapaccayo. Akusalāṃ dhammāṃ -pa- nāsevanapaccayā”¹ vacanato paṭikkhittova. Athāpi siyā “asamānavedanānaṃ vasena evaṃ vuttan”²ti, evamapi yathā “āvajjanā kusalānaṃ khandhānaṃ akusalānaṃ khandhānaṃ anantarapaccayena paccayo”² vuttan, evaṃ “āsevanapaccayena paccayo”²tipi vattabbaṃ siyā, jātibhedā na vuttanti ce? Bhūmibhinnassa kāmāvacarassa rūpāvacarādīnaṃ āsevanapaccayabhāvo viya jātibhinnassapi bhavyeyyāti vattabbo eva siyā. Abhinna-jātikassa ca vasena yathā “āvajjanā sahetukānaṃ khandhānaṃ anantarapaccayena paccayo”²ti vuttan, evaṃ “āsevanapaccayena paccayo”²tipi vattabbaṃ siyā, na tu vuttan. Tasmā vedanāttikepi saṅkhittāya gaṇanāya “āsevanapaccayā na magge ekaṃ, na maggapaccayā āsevane ekan”²ti evaṃ gaṇanāya niddhāriyamānāya voṭṭhabbanassa āsevanapaccayattassa abhāvā yathāvuttappakāro dutiyo moghavāro vīmaṃsitabbo.

Voṭṭhabbanāṃ pana vīthivipākasantatiyā āvaṭṭanato āvajjanā, tato visadisassa javanassa karaṇato manasikāro ca. Evañca katvā paṭṭhāne “voṭṭhabbanāṃ kusalānaṃ khandhānaṃ anantarapaccayena paccayo”²ti-ādi na vuttan, “āvajjanā”²icceva vuttan. Tasmā voṭṭhabbanato catunnaṃ vā pañcannaṃ vā javanānaṃ ārammaṇapurejātaṃ bhavituṃ asakkantaṃ rūpādi-āvajjanādīnaṃ paccayo bhavituṃ na sakkoti, ayametassa sabhāvoti javanāpāripūriyā dutiyo moghavāro dassetuṃ yutto siyā, ayampi aṭṭhakathāyaṃ anāgatattā suṭṭhu vicāretabbo. Bhavaṅgassa javanānubandhanabhūtattā **“tadārammaṇaṃ bhavaṅgan”**³ti vuttan. Paṭṭhāne³ ca vuttan “sahetukaṃ bhavaṅgaṃ ahetukassa bhavaṅgassa anantarapaccayena paccayo”²ti, “ahetukaṃ bhavaṅgaṃ sahetukassa bhavaṅgassa anantarapaccayena paccayo”²ti ca. Kusalākusalānaṃ sukhadukkhavipākamatto vipāko na iṭṭhāniṭṭhānaṃ vibhāgaṃ karoti. Javanaṃ pana rajjanavirajjanādivasena iṭṭhāniṭṭhavibhāgaṃ karotīti **“ārammaṇarasāṃ javanameva anubhavati”**³ti vuttan.

Avijjamāne kārake kathaṃ āvajjanādibhāvena pavatti hotīti taṃ dassetuṃ **pañcavidhaṃ niyāmaṃ nāma gaṇhimsu**. Niyāmo ca dhammānaṃ sabhāvakkapaccayabhāvavisesova. **Taṃtaṃsadisaphaladānanti** tassa tassa attano

1. Abhi 8. 36 piṭṭhe.

2. Abhi 8. 138 piṭṭhe.

3. Abhi 10. 42, 43 piṭṭhesu.

anurūpaphalassa dānaṃ. **Sadisavipākadānanti** ca anurūpavipākadānanti attho. **Idaṃ vatthunti** ekavacananiddeso ekagāthāvattubhāvena kato. **Jagatippadesoti** yathāvuttato aññopi lokappadeso. Kālagati-upadhipayogapaṭibālhañhi pāpaṃ na vipacceyya, na padesapaṭibālhanti. Sabbaññutaññānapadaṭṭhānapaṭisandhiyādidhammānaṃ niyāmo dasasahassikampanapaccayabhāvo **dhammaniyāmo**. **Ayaṃ idha adhippetoti** etena niyāmasena āvajjanādibhāvo, na kārakavasenaṭi etamatthaṃ dasseti.

Imasmim thāneti soḷasavipākakathāthāne. Dvādasahi vāhetabbā nāḷiyantopamā na dvādasannaṃ cittānaṃ ekasmim dvāre ekārammaṇe saha kiccakaraṇavasena vuttā, atha kho dvādasannaṃ ekasmim dvāre sakiccakaraṇamattavasena. Ahetukapaṭisandhijanakasadisajavanānantaram ahetukatadārammaṇaṃ dassento “**catunnaṃ pana duhetukakusalacittānaṃ aññatarajavanassa -pa- paṭiṭṭhāti**”ti āha. Ahetukapaṭisandhikassa pana tihetukajavane javite paṭisandhidāyakena kammaena ahetakassa tadārammaṇassa nibbatti na paṭisedhitā. Evaṃ duhetukapaṭisandhikassapi tihetukānantaram duhetukatadārammaṇaṃ appaṭisiddhaṃ daṭṭhabbaṃ. Paripuṇṇavipākassa ca paṭisandhijanakakammassa vasenāyaṃ vipākavibhāvanā tassā mukhanidassanamattamevāti pavattivipākassa ca ekassa tihetukādikammassa soḷasavipākacittādīni vuttanayena yojetabbāni. Tasmā yena kenaci kammunā ekena anekam tadārammaṇaṃ pavattamānaṃ kammavisesābhāvā yesam taṃ anubandhabhūtaṃ, tesam javanasāṅkhātānaṃ paccayānaṃ visesena viṣiṭṭhaṃ hotīti javanenāyaṃ tadārammaṇaniyāmo vutto, na nānākammunā nibbattamānassa vasena. Evañca katvā paṭṭhāne¹ “sahetuke khandhe aniccato dukkhato anattato vipassati. Kusalākusale niruddhe ahetuko vipāko tadārammaṇatā uppajjati”ti nāñānantaram ahetukatadārammaṇaṃ, “kusalākusale niruddhe sahetuko vipāko tadārammaṇatā uppajjati”ti akusalānantarañca sahetukatadārammaṇaṃ vuttaṃ, na ca “taṃ etena therena adassitan”ti katvā tassa paṭisedho kato hotīti.

1. Abhi 10. 39 piṭṭhe.

Yaṃ pana javanena -pa- taṃ kusalaṃ sandhāya vuttanti idaṃ kusalassa viya akusalassa sadiso vipāko natthīti katvā vuttaṃ.

Sasaṅkhārikāsaṅkhārikaniyamanam̐ pana sandhāya tasmim̐ vutte akusalepi na taṃ na yujjatīti. **Aṭṭhānametanti** idaṃ niyomitādivasena yoniso ayoniso vā āvaṭṭite ayoniso yoniso vā vavatthāpanassa abhāvaṃ sandhāya vuttaṃ.

Paṭisiddhanti avacanameva paṭisedhoti katvā vuttaṃ.

Kāmatanṇhānibbattena kammunā mahaggatalokuttarānubhavanavipāko na hotīti tatha tadārammaṇābhāvo veditabbo. Āpāthagate visaye tanninnaṃ bhavaṅgam̐ āvajjanaṃ uppādetīti āvajjanaṃ visaye **ninnattā** uppajjati. Bhavaṅgam̐ pana sabbadā savisaye ninnamevāti visayantaraviññāṇassa paccayo hutvāpi tadabhāvā vinā āvajjanaṃ savisaye ninnattāva uppajjati. **Ciṇṇattāti** āvajjanaṃ vinā bahulaṃ uppannapubbattā. **Samudācārattāti** āpāthagate visaye paṭisandhivisaye ca bahulaṃ uppāditapubbattā. **Ciṇṇattāti** vā puggalena āsevitabhāvo vutto. **Samudācārattāti** sayam̐ bahulaṃ pavattabhāvo. **Nirodhassa anantarapaccayaṃ nevasaññānāsaññāyatananti** idaṃ tadanantameva nirodhaphusaṃ sandhāya vuttaṃ, na arūpakkhāndhānaṃ viya nirodhassa anantarapaccayabhāvaṃ. Nevasaññānāsaññāyatanam̐ pana kiñci parikammena vinā uppajjamānaṃ natthi. Parikammāvajjanaṃ tassa āvajjananti aññassa viya etassapi sāvajjanatāya bhavitabbaṃ.

Ayam̐ panetthādhippāyo daṭṭhabbo—nevasaññānāsaññāyatanassa na nirodhassa anantarapaccayabhāve ninnāditā aññattha diṭṭhā atadatthaparikammabhāve ca uppattiyā, atha ca taṃ tassa anantarapaccayo hoti, tathā ca uppajjati. Evaṃ yathāvuttā manoviññāṇadhāhu asatipi nirovajjanuppattiyam̐ ninnādibhāve nirāvajjanā uppajjatīti. Evañca katvā **“ariyamaggacittam̐ maggānantarāni phalacittāni”**ti idaṃ vuttaṃ. Yadi hi nibbānārammaṇāvajjanābhāvaṃ sandhāyetaṃ vuttaṃ siyā, gotrabhuvodānāni nidassanāni siyūṃ teheva etesaṃ nirāvajjanatāsiddhito. Phalasaṃpattikāle ca “parittārammaṇam̐ mahaggatārammaṇam̐ anulomaṃ

phalasaṃpattiyā anantarapaccayena paccayo”ti¹ vacanato samānārammaṇāvajjanarahitattā “maggānantarāni phalacittāni”ti evaṃ phalasaṃpatticittāni na vajjetabbāni siyūṃ, gotrabhuvodānāni pana yadipi nibbāne ciṅṇāni samudācārāni ca na honti, ārammaṇantare ciṅṇasamudācārāneva. Phalasaṃpatticittāni ca maggavīthito uddham tadatthaparikkamasabbhāvāti tesam gahaṇaṃ na kataṃ, anulomānantaraṅca phalasaṃpatticittam ciṅṇam samudācāram, na nevasaññānāsaññāyatanānantaram maggānantarassa viya tadatthaparikkamābhāvāti “nirodhā vuṭṭhahantassā”ti taṅca nidassanaṃ. **Ārammaṇena pana vinā nuppajjati** idaṃ etassa mahaggatārammaṇattābhāvā puccham karetvā ārammaṇaniddhāraṇattham vuttam.

Tatthāti vipākakathāyaṃ. Jaccandhapīṭhasappi-upamānidassanaṃ vipākassa nissayena vinā appavattidassanattham. **Visayaggāhoti** idaṃ cakkhādīnam savisayaggahaṇena cakkhuviññāṇādivipākassa dassanattham vuttam. Upanissayato cakkhādīnam dassanādi-atthato ca tasseva vipākassa dassanattham **“upanissayamatthaso”**ti vuttam. **Hadayavatthumevāti** yathā purimacittāni hadayavatthunissitāni ca pasādavatthu-anugatāni ca aññārammaṇāni honti, na evaṃ bhavaṅgam, taṃ panetaṃ vatthārammaṇantararahitam kevalam hadayavatthumeva nissāya pavattatīti vuttam hoti. **Hadayarūpapatthukanti** idhāpi aññavatthānugatanti adhippāyo veditabbo. Makkaṭakassa hi suttārohaṇam viya pasādavatthukam cittam, suttana gamanādīni viya tadanugatāni sesacittānīti. Suttaḡaṭṭanamakkaṭakacalanāni viya pasādaghaṭṭanabhavaṅgacalanāni saha hontīti dīpanato **“ekekam -pa- āgacchatī”**tipi dīpeti.

Bhavaṅgassa āvaṭṭitakāloti idaṃ dovārikasadisānam cakkhuviññāṇādīnam pādaparimajjakasadisassa āvajjanassa saññādānasadisā anantarapaccayabhāvo eva bhavaṅgāvaṭṭananti katvā vuttam. Vipākamanodhātu-ādīnam adisvāva sampaṭicchanaṇādikaraṇam gāḷhaggahaṇamattaputhulacaturassabhāva vijānanamattakahāpaṇabhāvavijāna namattakammopanayanamattasāmaññavasena vuttam, na gāḷhaggāhakādīnam kahāpaṇadassanassa bhāvo taṃsamānabhāvo ca sampaṭicchanaṇādiṇam adhippetoti veditabbo.

1. Abhi 10. 351, 352 piṭṭhesu.

Paṇḍaram etanti paṇḍararūpadassanasāmaññato cakkhuviññāṇameva dassanakiccaṃ sādhetīti dīpanaṃ veditabbaṃ. Evaṃ sotadvārādīsupi yojetabbaṃ savanādivasena. Santāpanavasena guḷasīlo guḷappayojano vā **goḷiyako**. **Upanissayatoti** na upanissayapaccayaṃ sandhāya vuttaṃ. Yasmiṃ pana asati yo na hoti, so idha “upanissayo”ti adhippeto. **Ālokasannissitanti** idampi āloke sati sabbhāvaṃ sandhāya vuttaṃ, na upanissayapaccayatāṃ. **Mandathāmagataṃ** nāma kiriyacittassa paccayabhāvaṃ anupagantvā sayameva pavattamānaṃ.

Asaṅkhārikasasaṅkhārikesu dosaṃ disvāti na kammaṃ viruddhasabhāvena vipākena bhavitabbanti asaṅkhārikakammaṃ sasaṅkhārikavipākesu, sasaṅkhārikakammaṃ ca asaṅkhārikavipākesu dosaṃ disvā. Ahetukānaṃ pana rūpādīsū abhinipātamatādikkānaṃ na sasaṅkhārikaviruddho sabhāvoti asaṅkhārikatā natthi, asaṅkhārikaviruddhasabhāvābhāvā nāpi sasaṅkhārikatāti ubhayāvirodhā ubhayenapi tesāṃ nibbattiṃ anujānāti. **Cittaniyāmanti** tadārammaṇaniyāmaṃ. **Kiriyato pañcāti imesaṃ -pa- patiṭṭhātīti** kiriyajavanānantaraṃca tadārammaṇaṃ vuttaṃ. Paṭṭhāne¹ pana “kusalākusale niruddhe vipāko tadārammaṇatā uppajjati”ti vipākadhammadhammānameva anantarā tadārammaṇaṃ vuttaṃ. Kusalattike ca “sekkhā vā puthujjanā vā kusalaṃ aniccato”ti-ādina² kusalākusalajavanameva vatvā tadanantaraṃ tadārammaṇaṃ vuttaṃ, na abyākatānantaraṃ, na ca katthaci kiriyānantaraṃ tadārammaṇassa vuttaṭṭhānaṃ dissati. Vijjamāne ca tasmīṃ avacane kāraṇaṃ natthi, tasmā upaparikkhitabbo eso theravādo. Vipphārikañhi javanaṃ nāvaṃ viya nadīsoto bhavaṅgaṃ anubandhatīti yuttaṃ, na pana chaḷaṅgupekkhavato santavuttiṃ kiriyajavanaṃ paṇḍapaṭaṃ viya nadīsototi.

Piṇḍajavanaṃ javatīti kusalākusalakiriyajavanāni piṇḍetvā kathitānīti tathā kathitāni javanāni piṇḍitāni viya vuttāni, ekasmiṃ vā tadārammaṇe piṇḍetvā dassitāni hutvā javitāneva vuttāni. Imaṃca pana piṇḍajavanaṃ vadantena akusalato cattāriyeva upekkhāsahagatāni gahetvā dvādasupekkhāsahagatajavanāni piṇḍitāni viya vuttāni. Paṭṭhāne pana “kusalaṃ assādeti abhinandati, taṃ ārabba rāgo uppajjati. Diṭṭhi

1. Abhi 8. 366 piṭṭhe.

2. Abhi 8. 133 piṭṭhe.

vicikicchā, uddhaccaṃ, domanassaṃ uppajjati. Akusale niruddhe vipāko tadārammaṇatā uppajjati”ti vuttattā itarāni dve iṭṭhārammaṇe pavattavicikicchuddhaccasahagatānipi kusalavipāke tadārammaṇe piṇḍetabbāni siyūṃ. Tesam̐ pana anantaram̐ ahetikavipākeneva tadārammaṇena bhavitabbaṃ, so ca santīraṇabhāveveva gahitoti apubbaṃ gahetabbaṃ natthi. Ahetuke ca piṇḍetabbam̐ nārahantīti adhippāyena na piṇḍetīti.

Tihetukajavanāvasāne panetthāti etasmim̐ dutiyavāde tihetukajavanāvasāne tihetukatadārammaṇam̐ yuttanti dassetuṃ yuttam̐ vadati javanasamānattā, nālabbhamānattā aññassa. Paṭhamattherena akusalānantaram̐ vuttassa ahetikatadārammaṇassa, kusalānantaram̐ vuttassa ca sahetukatadārammaṇassa akusalānantaram̐ uppattim̐ vadantassa hi paṭisandhijanakam̐ tihetukakammam̐ duhetukāhetukam̐ vipākam̐ janayantampi tihetukajavanānantaram̐ na janetīti na ettha kāraṇam̐ dissatīti evam̐ yuttam̐ gahetabbaṃ avuttampīti adhippāyo. Atha vā tasmim̐ tasmim̐ theravāde yena adhippāyena sasaṅkhārāsāṅkhāravidhānādi vuttam̐, tam̐ teneva adhippāyena yuttam̐ gahetabbaṃ, na adhippāyantaram̐ adhippāyantarena āloḍetabbanti attho. **Hetusadisamevāti** janakakammahetusadisameva. **Mahāpakaraṇe āvi bhavissatīti** mahāpakaraṇe āgatapāḷiyā pākaṭam̐ uppattividhānam̐ āvi bhavissatīti adhippāyena vadati.

Kāmāvacarakusalavipākakathāvaṇṇanā niṭṭhitā.

Rūpāvacarārūpāvacaravipākakathāvaṇṇanā

499. **Anantarāyenāti** parihānipaccayavirahena. **Paṭipadādibhedoti** paṭipadārammaṇabhedo. Tathā hi dukkhapaṭipadam̐ dandhābhiññam̐ jhānam̐ uppādetvā punappunam̐ samāpajjantassa tam̐ jhānam̐ tam̐paṭipadameva hoti. Etasmim̐ aparihīne tassa vipāko nibbattamāno tappaṭipadova bhavitum̐ arahatīti. Chandādhipateyyādibhāvo pana tasmim̐ khaṇe vijjamānānam̐ chandādīnam̐ adhipatipaccayabhāvena hoti, na āgamanavasena. Tathā hi

ekameva jhānaṃ nānākkhaṇesu nānādhipateyyaṃ hoti. Catutthajjhānasseva hi caturiddhipādabhāvena bhāvanā hoti, tasmā vipākassa āgamanavasena chandādhipateyyādītā na vuttā.

Rūpāvacarārūpāvacaravipākakathāvaṇṇanā niṭṭhitā.

Lokuttaravipākakathāvaṇṇanā

505. Yathā vaṭṭaṃ ācīnati, tathā taṇhādīhi abhisāṅkhatāṃ lokiyakammaṃ **upacitanti** vuccati. Lokuttaraṃ pana evaṃ na hotīti tathā na vuttaṃ. **Suddhāgamanavasenā**ti animittāppaṇihitaṇāmadāyakehi saguṇārammaṇehi vijjamānehipi phalassa suññatanāmadānādīpane aggahitabhāvene va avomissenāti attho. Āgamanato suññatāppaṇihitaṇāmavato maggassa āgamanīyaṭṭhāne ṭhatvā attano phalassa nāmattayadānaṃ yojitaṃ, itarassapi pana tatheva yojetabbaṃ. Nayamattadassanañhetāṃ. Saguṇārammaṇehi pana nāmattayavato aniccānupassanānantarassapi maggassa āgamanīyaṭṭhāne ṭhatvā attano phalassa nāmattayadānaṃ nu nivāritanti. Vaḷaṅjanakaphalasamāpattiyā ca vipassanāgamanavasena nāmalābhe maggassa viya animittanāmalābho na siyā. Yathā pana maggānantarassa viya vaḷaṅjanakaphalasamāpattiyāpi jhānapaṭipadābhedo hoti, evaṃ suññatādināmalābhe sati animittanāmañca labhatīti. **Avūpasantāyā**ti idaṃ kenaci aññena anantaritattā tādisāya eva saddhāya -pa- paññāya ca anantarapaccayabhāvaṃ sandhāya vuttaṃ. Tena chandādayopi attano anantarasadisānaṃ chandādīnaṃ uppādakā adhipatibhūtā adhipatibhūte eva uppādentīti imamatthaṃ dīpeti.

555. Kilesasamucchedakassa maggassa sammādiṭṭhi-ādikassa niyyānikasabhāvassa phalenapi paṭippassaddhakilesena niyyānasabhāvene va bhavitabbaṃ, tasmā phalepi “**maggāṅgaṃ maggapariyāpannaṃ**”ti vuttaṃ. Evañca katvā maggavibhaṅge phalesu ca aṭṭhaṅgiko pañcaṅgiko ca maggo uddhaṭo, evaṃ bojjaṅgāpīti. **Maggāṃ upādāyā**ti maggasadisatāya maggoti imamatthaṃ sandhāyāha.

Lokuttaravipākakathāvaṇṇanā niṭṭhitā.

Akusalavipākakathāvaṇṇanā

556. Ittha-itthamajjhattesu viya na aniṭṭha-aniṭṭhamajjhattesu santīraṇaviseso atthi, aniṭṭhārammaṇameva pana adhimattaṃ mandañca evaṃ dvidhā vuttaṃ.

Akusalavipākakathāvaṇṇanā niṭṭhitā.

Kiriyābyākata

Manodhātucittavaṇṇanā

566. **Vātapupphanti** moghapupphaṃ. Taṃ acchinnepi rukkhe na phalati, chinnarukkhapupphaṃ pana acchinne phaleyya. Evaṃ acchinnabhavamūlassapi pavattamānaṃ yaṃ na phalati, taṃ vātapupphasadisāṃ. Itarasseva pana pavattamānaṃ chinnarukkhapupphasadisāṃ. Tañhi acchinne bhavamūle phaleyyaṭi.

Kiriyamanoviññādhātucittavaṇṇanā

568. **Loluppataṇhā pahīnāti** imassa cittassa paccayabhūtā purimā pavatti dassitā. Idam pana cittaṃ vicāraṇapaññārahitanti kevalaṃ somanassamattaṃ uppādentassa hotīti. Evaṃ cetiyapūjādīsupi daṭṭhabbaṃ. **Vattaṃ karontoti** idam vattaṃ karontassa phoṭṭhabbārammaṇe kāyadvāraccittappavattim sandhāya vuttaṃ. Pañcadvārānugataṃ hutvā labbhamānaṃ sandhāya pañcadvāre eva vā loluppataṇhāpahānādipaccavekkhaṇahetubhūtaṃ idameva pavattim sandhāya tattha tattha “**iminā cittaṃ somanassito hotī**”ti vuttanti “**evaṃ tāva pañcadvāre labbhati**”ti āha. Atītaṃsādīsū appaṭihataṃ ñāṇaṃ vatvā “imehi tīhi dhammehi samannāgatassa buddhassa bhagavato sabbaṃ kāyakammaṃ ñāṇānuparivattī”ti-ādivacanato¹ “bhagavato idam uppajjati”ti vuttavacanaṃ vicāretabbaṃ. Ahetukassa mūlābhāvena suppatiṭṭhitatā natthīti balabhāvo aparipuṇṇo, tasmā uddesavāre “samādhibalaṃ hoti, vīriyabalaṃ hotī”ti na vuttaṃ. Tato eva hi ahētukānaṃ saṅgahavāre jhānaṅgāni ca na uddhaṭāni. Teneva imasmimpi ahētukadvaye balāni anuddesāsaṅgahitāni. Yasmā pana vīriyassa vijjamānattā

1. Khu 7. 278; Khu 9. 376 piṭṭhesu. (Atthato samānaṃ)

sesāhetukehi balavaṃ, yasmā ca ettha vitakkādīnaṃ jhānapaccayamattatā viya samādhivīriyānaṃ balamattatā atthi, tasmā niddesavāre “samādhibalaṃ vīriyabalaṃ”ti vatvā ṭhapitaṃ. Yasmā pana neva kusalaṃ nākusalaṃ, tasmā sammāsamādhī micchāsamādhīti, sammāvāyāmo micchāvāyāmoti ca na vuttanti adhippāyo. Evaṃ sati mahākiriya-cittesu ca etaṃ na vattabbaṃ siyā, vuttañca, tasmā sammā, micchā vā niyyānikasabhāvābhāvato maggapaccayabhāvaṃ appattā samādhivāyāmo idha tathā na vuttāti daṭṭhabbā.

574. Indriyaparopariyatta-āsayaṇusayasabbaññutānāvarenañāṇāni imassānantaraṃ uppajjamānāni yamakapāṭihāriyamahākaruṇāsamāpattiñāṇāni ca imassa anantaraṃ uppannaparikammānantarāni iminā āvajjitārammaṇeyeva pavattantīti āha “**cha -pa- gaṇhanti**”ti. Mahāvisayattā mahāgajo viya mahantanti **mahāgajam**.

Rūpāvacarārūpāvacarakiriya-cittavaṇṇanā

577. Idāni yāni kiriyāni jātāni, tāni veditabbānīti evaṃ yojanā kātabbā. **Attabhāvoti** pañcakkhandhā vuccanti.

Cittuppādakaṇḍavaṇṇanā niṭṭhitā.

2. Rūpakaṇḍa

Uddesavaṇṇanā

Idāni rūpamabyākataṃ bhājetabbaṃ, tañca kenaci samayavavatthānaṃ katvā na sakkā bhājetuṃ. Na hi rūpassa cittuppādena samayavavatthānaṃ sakkā kātuṃ acittasamuṭṭhānasabbhāvato, cittasamuṭṭhānassa ca anekacittasamuṭṭhānatāya rūpasamuṭṭhāpakacittānañca kesañci katthaci asamuṭṭhāpanatāya vavatthānābhāvato, viññattidvayavajjitassa rūpassa acittasahabhūbhāvato ca, na ca rūpānaṃ upasampajja viharaṇena samayavavatthānaṃ yujjati mahaggaṭappamaṇānaṃ jhānaṃ viya rūpānaṃ upasampajja vihātabbatābhāvā, upādārūpehi ca na yujjati tesāṃ sahaṇṭātipaccayabhāvena appavattanato, nāpi mahābhūtehi yujjati kesañci mahābhūtānaṃ kehici upādārūpehi vinā pavattito asamānakālānañca sabbhāvato. Na hi “yasmim̐ samaye pathaviḍhātu uppannā hoti, tasmim̐ samaye cakkhāyatanāṃ hoti”ti sakkā vattuṃ sotādinissayabhūtāya pathaviyā cittādisamuṭṭhānāya ca saha cakkhāyatanassa abhāvā. Evaṃ sotāyatanādīsupi yojetabbaṃ.

Mahābhūtehi asamānakālāni viññatti-upacayādīnipi tasmim̐ samaye hontīti na sakkā vattuntī. Ekasmiñca kāle anekāni kalāpasahassāni uppajjanti pavattanti ca, na arūpadhammānaṃ viya rūpānaṃ kalāpadvayasahābhāvo atthi. Ekasmiñca kalāpe vattamāne eva aññassa nirodho, aññassa cuppatti hotīti sabbathā rūpābyākataṃ samayavavatthānaṃ katvā na sakkā vibhajitum. Ekakādīhi pana nayehi na hetu-ādinā sabhāvena vibhajitum sakkāti tathā vibhajanattham̐ cittuppādakaṇḍe tāva avibhattam̐ abyākataṃ atthīti dassetum̐ samayavavatthānena vinā abyākatassa sabhāvatoyeva niddese ekadesam̐ niddisitvā nigamanakaraṇassa anupapattito ca vibhattañca avibhattañca sabbam̐ saṅgaṇhanto āha “katame dhammā abyākatā? Kusalā -pa- asaṅkhatā ca dhātu. Ime dhammā abyākatā”ti. Avibhatte hi vibhajitabbe dassite vibhajanam̐ yuttam̐ ñātuṃ icchāya uppāditāyāti. Ettha pana vipākakiriyābyākataṃ

vibhattattā na vibhajitabbaṃ, asaṅkhatā ca dhātu bhedaḅbhāvato. Yaṃ panettha bhedayuttattā avibhattattā ca vibhajitabbaṃ, taṃ vibhajanto āha “**tattha katamaṃ sabbaṃ rūpaṃ**”ti-ādi. Ayamettha pāliyojana.

Nayaṃ dassetvāti ettha heṭṭhā gahaṇameva nayadassanaṃ. Taṃ vipākesu katvā viññātattā kiriyābyākatesu nissaṭṭhaṃ. Kāmāvacarādibhāvena vattabbassa kiriyābyākatassa vā dassanaṃ, taṃ katvā kāmāvacarāti-ādikaṃ gahetvā vuttattā nissaṭṭhaṃ. **Pañcavīsati rūpānī**ti pāliyaṃ vuttāni dasāyatanāni pañcadasa ca sukhumarūpāni, upacayasantatiyo vā ekanti katvā hadayavatthuṅca. **Channavutī**ti cakkhādidasa kā satta utusamuṭṭhānādayo tayo aṭṭhakā utucittajā dve saddā ca. Kalāpabhāvena pavattarūparūpāni “rūpakoṭṭhāsā”ti vuttāni rūpakalāpakoṭṭhāsabhāvato. **Koṭṭhāsā**ti ca aṃsā, avayavāti attho. **Koṭṭhanti** vā sarīraṃ, tassa aṃsā kesādayo koṭṭhāsāti aññepi avayavā koṭṭhāsā viya **koṭṭhāsā**. **Nibbānaṃ nippadesato gahitanti** sopādisesanirupādisesarāgakkhayādi-asaṅkhatādivacanīyabhāvena bhinnaṃ nippadesato gahitaṃ. Atthato hi ekāva asaṅkhatā dhūtūti.

584. **Sabbanti sakalaṃ cakkavāḷaṃ. Parimaṇḍalaṃ** parimaṇḍalasaṅghānaṃ, parikkhepato chaṭṭiṃsa sataśassāni dasa ceva śassāni aḍḍhacatuṭṭhāni ca yojanasatāni hontīti attho. Ettha ca vaṭṭaṃ “parimaṇḍalaṃ”ti vuttaṃ. **Cattāri nahutānī**ti cattālīsa śassāni. **Nagavhayā**ti nagāti avhātābbā nagasaddanāmāti attho.

Devadānavādīnaṃ tigāvutādisarīrasena mahantāni pātubhūtāni. Tatthāyaṃ vacanatto—bhūtāni jātāni nibbattāni mahantāni **mahābhūtānī**ti. Anekacchariyadassanena anekābhūtavisesadassanavasena ca māyākāro mahanto bhūtoti **mahābhūto**. Yakkhādayo jātivāseneva mahantā bhūtāti **mahābhūtā**. Niruḷho vā ayaṃ mahābhūta-saddo tesu daṭṭhabbo. Pathaviyādayo pana mahābhūtā viya **mahābhūtā**. Bhūtasaddassa ubhayalingattā napuṃsakatā katā. **Mahāparihāratoti** ettha vacanattamaṃ vadanto āha “**mahantehi bhūtāni**,

mahāparihārāni vā bhūtāni”ti. Tattha pacchimatthe purimapade uttarapadassa parihārasaddassa lopam katvā **“mahābhūtāni**”ti vuccanti.

Accimatoti aggissa. Koṭisatasahassaṃ ekaṃ **koṭisatasahassekam**. **Cakkavāḷanti** taṃ sabbaṃ āṇākkhettavasena ekaṃ katvā voharanti. **Vilīyati** khārodakena. **Vikīratīti** viddhamsati. Upādinnakesu vikāraṃ dassento **“patthaddho”**ti-ādimāha. **Kaṭṭhamukhena vāti vā-saddo** upamattho. Yathā kaṭṭhamukhasappena daṭṭho patthaddho hoti, evaṃ pathavīdhātuppakopena so kāyo kaṭṭhamukheva hoti, kaṭṭhamukhamukhagato viya patthaddho hotīti attho. Atha vā **vā-saddo** evasaddassatthe. “Pathavīdhātuppakopenā”ti etassa ca parato āharitvā veditabbo. Tatrāyamattho—“kaṭṭhamukhena daṭṭhopi kāyo pathavīdhātuppakopeneva patthaddho hoti, tasmā pathavīdhātuyā aviyutto so kāyo sabbadā kaṭṭhamukhamukhagato viya hotī”ti. Atha vā aniyamattho **vā-saddo**. Tatrāyamattho—“kaṭṭhamukhena daṭṭho kāyo patthaddho hoti vā na vā hoti mantāgadavasena, pathavīdhātuppakopena pana mantāgadarahito so kāyo kaṭṭhamukhamukhagato viya hoti ekantapatthaddho”ti. **Pūtiyoti** kuthito. **Mahāvikārāni bhūtāni**ti mahāvikārāni jātāni, vijjāmānāni vā attho. Ettha ca purimapade uttarapadassa vikārasaddassa lopam katvā **“mahābhūtāni**”ti vuttāni.

Pathavīti-ādinā sabbalokassa pākaṭānipi vipallāsaṃ muñcitvā yathāsabhāvato pariggayhamānāni mahantena vāyāmena vinā na pariggayhantīti pākaṭānipi duviññeyyasabhāvattā **“mahantāni**”ti vuccanti. Tāni hi suviññeyyāni amahantāni gahetvā ṭhito tesam duppariggahitatan disvā “aho mahantāni etāni”ti pajānāti. **Upādāyati** etena viññāyamānā pacchimakālakiriyā pavattīti katvā **“pavattarūpan”**ti vuttam. Evañhi **“upādāyā”**ti etena paṭiccasamuppannatā vuttā hotīti. Atha vā upādāyati nissayatīti upādāyaṃ, upādāyameva rūpaṃ **upādāyarūpaṃ**, aññanissayassa ekantanissitassa rūpassetaṃ adhivacanaṃ. Taṃ pana na sattassa, nāpi vedanādino tadabhāvepi bhāvatoti dassetuṃ **“catunnaṃ mahābhūtānan”**ti-ādimāha. Bhavati hi nissayarūpānaṃ sāmibhāvoti.

Tividharūpasaṅgahavaṇṇanā

585. Pakiṇṇakadukesu ajjhattikadukaṃ muñcitvā añño sabbadukehi tikavasena yojanaṃ gacchanto natthi, viññattiduko ca yojanaṃ na gacchatīti sabbadukayogīsu ādibhūtaṃ ajjhattikadukameva gahetvā sesehi sabbadukehi yojetvā tikā vuttā. Sakkā hi etena nayena aññesampi dukānaṃ dukantarehi labbhamānā tikayojanā viññātunti.

Catubbidhādirūpasaṅgahavaṇṇanā

586. Catukkesu ekantacittasamuṭṭhānassa viññattidvayabhāvato viññattidukādīhi samānagatiko cittasamuṭṭhānadukoti tena saha upādādukassa yojanāya labbhamānopi catukko na vutto, tathā sanidassanadukādīnaṃ tena tassa ca oḷārikadūradukehi yojanāya labbhamānā na vuttā, dhammānaṃ vā sabhāvakkicāni bodhetabbākāraṇca yāthāvato jānantena bhagavatā tena aññesaṃ tassa ca aññehi yojanā na katāti kiṃ ettha kāraṇapariyesanāya, addhā sā yojanā na kātabbā, yato bhagavatā na katāti veditabbā. Aññe pana pakiṇṇakadukā aññehi pakiṇṇakadukehi yojetuṃ yuttā, tehi yojitā eva. Vatthudukādīsu pana sotasamphassārammaṇadukādayo vajjetvā aññehi ārammaṇabāhirāyatanādilabbhamānadukehi upādinnakadukassa upādinnupādāniyadukassa ca yojanāya catukkā labbhanti, cittasamuṭṭhānadukassa ca sabbārammaṇabāhirāyatanādilabbhamānadukehi. Avasesehi pana tesāṃ aññesaṇca sabbavatthudukādīhi yojanāya na labbhantīti veditabbā.

Uddesavaṇṇanā niṭṭhitā.

Rūpavibhatti-ekakaniddesavaṇṇanā

594. Avijjamānavibhāgassa vibhāgābhāvadassanameva **niddeso** nicchayakaraṇato, tasmā “sabbaṃ rūpaṃ na hetumevā”ti-ādinā

ekībhāvena gahetvā arūpato vidhurassa chahi viññāṇehi viññeyya sabhāvassa dassanato. Paccuppannarūpameva chahi viññāṇehi viññeyyanti etasmim̐ pana niyame “sabbarūpan”ti etthāyaṃ viññeyyabhāvanīyamo na vutto atha kho¹ paccuppannanti sabbarūpassa ekantalakkhaṇanīyamo dassito na siyā. Pāḷiyañca **viññeyyamevāti eva-kāro** vutto, na uppannamevāti. Tasmā uppannasseva manoviññeyyanīyamāpatti natthīti kim̐ sotapatitattena, tasmā vuttanayenattho yojetabbo.

Katham̐vidhanti guṇehi katham̐ saṅghitaṃ. Ñāṇameva **ñāṇavattthu**. Samānajātikānaṃ saṅgaho, samānajātiyā vā saṅgaho **sajātisāṅgaho**. Sañjāyanti etthāti sañjāti, sañjātiyā saṅgaho **sañjātisāṅgaho**, sañjātideseṇa saṅgahoti attho. Aññamaññopakāravasena avippayogena ca samādhidese jātā sammāsati-ādayo samādhikkhandhe saṅgahitā. Yattha ca sati-ādisahāyavato samādhissa attano kiccakaraṇaṃ, so cittuppādo samādhideso. Sammāsaṅkappassa ca appanābhāvato paṭivedhasadisāṃ kiccanti samānena paṭivedhakiccena diṭṭhisāṅkappā paññakkhandhe saṅgahitā.

Rūpavibhatti-ekakaniddesavaṇṇanā niṭṭhitā.

Dukaniddesa

Upādābhājanīyakathā vaṇṇanā

596. Apparajakkhādisattasamūhadassanaṃ **buddhacakkhu**, chasu asādhāraṇāñṇesu indriyaparopariyattañāṇaṃ daṭṭhabbaṃ. Sabbasaṅkhatāsaṅkhatadassanaṃ **samantacakkhu**. “Dukkhaṃ pariññeyyaṃ pariññātan”ti² evamādinā ākārena pavattaṃ ñāṇadassanaṃ **ñāṇacakkhu**, tampi purimadvayamiva kāmāvacaraṃ. Catusaccadhammadassanaṃ **dhammacakkhu**. Upatthambhabhūtā catusamuṭṭhānikarūpasantatiyo sambhārā. Saha sambhārehi **sasambhāraṃ**, sambhāravantaṃ. **Sambhavoti** āpodhātumeva sambhavasambhūtamaḥa. **Saṅghānanti** vaṇṇāyatanaṃ eva parimaṇḍalādisaṅghānabhūtāṃ. Tesāṃ pana visuṃ vacanaṃ tathābhūtānaṃ atathābhūtānañca

1. Atha vā (Ka)

2. Saṃ 3. 369; Vi 3. 15 piṭṭhesu.

āpodhātuvaṇṇāyatanānaṃ yathāvutte maṃsapiṇḍe vijjamānattā.
Cuddasasambhāro hi maṃsapiṇḍo. Sambhavassa catudhātunissitehi saha
vuttassa dhātuttayanissitatā yojetabbā. Āpodhātuvaṇṇāyatanānameva vā
sambhavaśaṅṭhānābhāvā visum vuttāti catudhātunissitatā ca na virujjhati.
Yaṃ maṃsapiṇḍaṃ setādinā sañjānanto na pasādacakkhum sañjānāti,
paṭṭhiṇṇatādivisesaṃ vattukāmo “pathavīpi atthī”ti-ādi vuttampi vadati.

Sarīrasaṅṭhānuppattidesabhūteti etena avasesaṃ kaṇhamaṇḍalaṃ
paṭikkhipati. Snehamiva sattakkhipaṭalāni byāpetvā ṭhitāheva attano
nissayabhūtāhi catūhi dhātūhi katūpakāraṃ taṃnissitehi eva āyuvaṇṇādīhi
anupālitaparivāritaṃ tisantatirūpasamuṭṭhāpakehi utucittāhārehi
upatthambhiyamānaṃ tiṭṭhati. Sattakkhipaṭalānaṃ byāpanavacanena ca
anekakalāpagatabhāvaṃ cakkhussa dasseti. **Pamāṇato ūkāsiramattanti**
ūkāsiramatte padese pavattanato vuttaṃ. **Rūpāni manupassatīti ma-kāro**
padasandhikaro. Atha vā **manūti** macco. Upakārabhūtehi **saṅgahito**.
Pariyāyenāti catunnaṃ pasādo tesu ekassa dvinnañcātipi vattum yutto
samānadhanānaṃ dhanam viyāti etena pariyāyena. **Sarīram** rūpakkhandho
eva. Paṭighaṭṭanameva nighaṃso **paṭighaṭṭanānighaṃso**.
Rūpābhimukhabhāvena cakkhuviññāṇassa nissayabhāvāpattisaṅkhāto
paṭighaṭṭanato jāto vā nighaṃso **paṭighaṭṭanānighaṃso**.

Parikappavacanam “sace āpātham āgaccheyyā”ti hetukiriyaṃ,
“passeyyā”ti phalakiriyañca parikappetvā tena parikappena vacanaṃ. Ettha
ca hetukiriyaṃ anekattā avuttāpi viññāyatīti daṭṭhabbā. “Passe vā”ti iminā
vacanena tīsupi kālesu cakkhuviññāṇassa nissayabhāvaṃ anupagacchantam
cakkhum saṅgaṇhāti. Dassane pariṇāyakabhāvo **dassanapariṇāyakaṭṭho**.
Yathā hi issaro “idañcidañca karoṭhā”ti vadanto tasmim tasmim kicce
sapurise pariṇāyati pavattayati, evamidampi cakkhusamphassādīnaṃ
nissayabhāvena te dhamme dassanakicce āṇāpentam viya pariṇāyatīti
cakkhūti vuccati. Cakkhatīti hi **cakkhu**, yathāvuttena nayena ācikkhati
pariṇāyatīti attho. Atha vā samavisamāni rūpāni cakkhati ācikkhati,
pakāsetīti vā **cakkhu**. Sañjāyanti etthāti **sañjāti**. Ke sañjāyanti?

Phassādīni. Tathā **samosaraṇaṃ**. Cakkhusamphassādīnaṃ attano tikkhamandabhāvānupavattanena **indaṭṭhaṃ kāretī**. Niccaṃ dhuvaṃ attāti gahitassapi **lujjanapalujjanatṭhena**. Vaḷañjanti pavisanti etenāti vaḷañcanaṃ, taṃdvārikānaṃ phassādīnaṃ **vaḷañjanatṭhena**.

597. Pubbe vutto parikappo eva **vikappanatto**. **Ghaṭṭayamānamevāti** pasādassa abhimukhabhāvavisesaṃ gacchantameva.

599. Rūpaṃ ārabha cakkhusamphassādīnaṃ uppattivacaneneva tesāṃ taṃdvārikānaṃ aññesaṅca rūpaṃ ārabha uppatti vuttā hoti. Yathā ca tesāṃ rūpaṃ paccayo hoti, tena paccayena uppatti vuttā hotīti adhippāyena **“iminā”**ti-ādimāha. Tattha **cakkhupasādavatthukānaṃ phassādīnanti** iminā vacanena tadālabhanarūpārammaṇatāya taṃsadisānaṃ manodhātu-ādīnaṅca purejātapaccayena uppatti dassitāti daṭṭhabbā. Yattha pana viseso atthi, taṃ dassetuṃ **“cakkhudvārajanavīthipariyāpannānaṃ”**ti-ādimāha. Tāni hi rūpaṃ garuṃ katvā pavattamānassādanābhinandanabhūtāni taṃsampayuttāni ca ārammaṇādhipati-ārammaṇūpanissayehi uppajjanti, aññāni ārammaṇapurejātenevāti evaṃ **“ārabhā”**ti vacanaṃ ārammaṇapaccayato aññapaccayabhāvassapi dīpakāṃ, ārammaṇavacanaṃ ārammaṇapaccayabhāvassevāti ayametesāṃ viseso.

600. **Suṇātī**ti sotaviññānaṃ nissayabhāvena suṇātī. Jivhāsaddena viññāyamānā kiriyā sāyananti katvā **“sāyanatṭhenā”**ti āha. Kucchitānaṃ dukkhasampayuttaphassādīnaṃ āyoti **kāyo**, dukkhadukkhavipariṇāmadukkhānaṃ vā. Kāyāyatanassa byāpitāya cakkhupasāde kāyapasādabhāvopi atthi, tena cakkhupasādassa anuviddhattā no byāpitā ca na siyā, vuttā ca sā. Tasmā cakkhupasādassa phoṭṭhabbāvabhāsaṃ kāyapasādassa ca rūpāvabhāsaṃ āpannanti lakkhaṇasammissataṃ codeti. Cakkhukāyānaṃ aññanissayattā kalāpantaragatatāya **“aññassa aññattha abhāvato”**ti āha. Rūparasādīnidassanaṃ samānanissayānaṅca aññamaññasabhāvānupagamena aññamaññasmim abhāvo, ko pana vādo asamānanissayānanti dassetuṃ vuttaṃ.

Rūpābhigātāraho ca so bhūtapasādo cāti
rūpābhigātārahabhūtapasādo. Evamlakkhaṇaṃ cakkhu. **Rūpābhigātoti** ca rūpe, rūpassa vā abhigātoti attho.
 Paripuṇṇāparipuṇṇāyatanattabhāvanibbattakassa kammaṃsa nidānabhūtā kāmataṇhā rūpataṇhā ca tadāyatanikabhavapatthanābhāvato daṭṭhukāmatādivohāraṃ arahaṭīti dutiyo nayo sabbattha vutto. Tattha daṭṭhukāmatānidānaṃ kammaṃsa samuṭṭhānametesanti **daṭṭhukāmatānidānakammasamuṭṭhānāni**, evaṃvidhānaṃ bhūtānaṃ pasādalakkhaṇaṃ cakkhu, evaṃvidho vā bhūtapasādo **daṭṭhukāmatāni -pasasādo.** Evamlakkhaṇaṃ cakkhu. Rūpesu puggalassa vā viññāṇassa vā **āviññāṇasānaṃ.**

Kāyo sabbesanti ko ettha viseso, nanu tejādi-adhikānaṃ ca bhūtānaṃ pasādā sabbesaṃyevāti? Saccametāṃ, idaṃ pana “sabbesaṃ”ti vacanaṃ “samānānaṃ”ti imamatthaṃ dīpeti anuvattamānaṃsa ekadesādhikabhāvassa nivāraṇavasena vuttatā. **Tejādīnanti** paḍīpasānaṃkhātassa tejaṃsa obhāseṃsa vāyussa saddena pathaviyā gandhena kheḷasaṃkhātassa udakassa rasenaṃti purimavāde pacchimavāde ca yathāyogaṃ taṃtaṃbhūtaguṇehi anuggayabhāvato rūpādiggahaṇe upakaritabbatoti attho. **Rūpādīnaṃ adhikabhāvadassanatoti** agginhi rūpassa pabhassaṃsa vāyhamhi saddassa sabhāvena suyyamānaṃsa pathaviyā surabhi-ādīno gandhassa āpe ca rasassa madhuraṃsa visesayuttānaṃ dassanato **“rūpādāyo tesāṃ guṇā”**ti paṭhamavādī āha. Tasseva ca **“iccheyyamā”**ti-ādīnaṃ uttaramāha. Imināvupāyena dutiyavādissapi niggaho hotīti.

Atha vā rūpādīvisesaguṇehi teja-ākāsapathavī-āpavāyūhi cakkhādīni katānīti vadantassa kaṇāḍassa vādaṃ tatiyaṃ uddharitvā taṃ niggahetuṃ **“athāpi vadeyyun”**ti-ādī vuttanti daṭṭhabbaṃ. Āsave upalabbhamānopi gandho pathaviyā āposāṃyuttāya kappāsato visadisāyāti na kappāsagandhassa adhikabhāvāpatīti ce? Na, anabhibhūtattā. Āsavehi udakaṃyuttā pathavī udakena abhibhūtā, na kappāsapathavīti tassāyeva adhikena gandhena bhavitabbanti. Uṇhodakasaṃñutto ca agginhi upalabbhanīyo mahantoti katvā tassa phasso viya vaṇṇopi pabhassaro upalabbhitabboti uṇhodakapaṇṇato agginā anabhisambandhassa sītudakassa vaṇṇo parihāyetha. **Tasmāti** etassubhayassa abhāvā. Tadabhāvena

hi rūpādīnaṃ tejādivisesaḡuṇatā nivattitā, taṃnivattanena “tejādīnaṃ ḡuṇehi rūpādīhi anuḡḡayabhāvato”ti idaṃ kāraṇaṃ nivattitanti. Evaṃ paramparāya ubhayābhāvo visesakappanappahānassa kāraṇaṃ hotīti āha “**tasmā pahāyethetan**”ti-ādi. Ekakalāpepi rūparasādayo visadisā, ko pana vādo nānākalāpe cakkhādayo bhūtavisesābhāvepīti dassetuṃ **rūparasādinidassanaṃ** vuttaṃ.

Yadi bhūtaviseso natthi, kiṃ pana cakkhādivisesassa kāraṇanti taṃ dassetuṃ “**yaṃ aññamaññassa**”ti-ādimāha. Ekampi kammaṃ pañcāyatanikattabhāvapatthanānipphannaṃ cakkhādīnaṃ visesahetuttā “aññamaññassa asādhāraṇaṃ”ti ca “kammaviseso”ti ca vuttanti daṭṭhabbaṃ. Na hi taṃ yena visesena cakkhussa paccayo, teneva sotassa hoti indriyantarābhāvappattito. “Paṭisandhikkhaṇe mahaggaṭā ekā cetanā kaṭattārūpānaṃ kammaḡaccayena paccayo”ti¹ vacanena paṭisandhikkhaṇe vijjamaṇānaṃ sabbesaṃ kaṭattārūpānaṃ ekā cetanā kammaḡaccayo hotīti viññāyati. Nānācetanāya hi tadā indriyupattiyaṃ sati parittena ca mahaggaṭena ca kammaṇā nibbattitaṃ kaṭattārūpaṃ āpajjeyyāti na cekā paṭisandhi anekakammaṇibbattā hotīti siddhamekena kammaṇa anekindriyupatti hotīti. Anallīno nissayo etassāti **anallīnanissayo**, rūpa-saddasaṅkhāto visayo. Gandharasānaṃ nissayā ḡhānajiḡhānissaye allīyantīti te nissayavasena allīnā, phoṭṭhabbaṃ sayāṃ kāyanissaya-allīnaṃ bhūṭattayattā. **Dūre -pa- sampatto eva nāma** paṭighaṭṭananighaṃsajanakatoti adhippāyo. Saddo pana **dhātuparamparāya** vāyu viya **āḡantvā** nissayavasena sotanissaye allīyitvā **sotaṃ ḡhaṭṭetvā** vavatthānaṃ ḡacchanto **saṇikaṃ vavatthānaṃ ḡacchatīti** vutto. Evaṃ pana sati cittasamuṭṭhānaṃ saddāyatanāṃ sotaviññāṇassa kadācipi ārammaṇapaccayo na siyā. Na hi bahiddhā cittasamuṭṭhānupatti upapajjatīti.

Cirena suyyeyyāti kasmā etaṃ vuttaṃ, nanu dūre ṭhitehi rajakādisaddā cirena suyyantīti? Na, dūrāsannānaṃ yathāpākaṭe sadde ḡaṇaṇavisesato. Yathā hi dūrāsannānaṃ vacanasadde yathā pākaṭībhūte ḡaṇaṇavisesato ākāravisesānaṃ ḡḡaṇaṇaṃ ḡaṇaṇaṇca hoti, evaṃ rajakādisaddepi āsannaṇṇa ādito pabhutī yāvāvasānā kamena

1. Abhi 9. 335 piṭṭhe.

pākaṭībhūte dūrassa cāvasāne majjhe vā piṇḍavasena pavattipākaṭībhūte nicchayagahaṇānaṃ sotaviññānavīthiyā parato pavattānaṃ visesato lahukaṃ suto cirena sutoti abhimāno hoti. So pana saddo yattha uppanno, taṃnissitova attano vijjamānakkhaṇe sotassa āpāthamāgacchati. Dūre ṭhito pana saddo aññattha paṭighosuppattiyā bhājanādicalanassa ca ayokanto viya ayocalanassa paccayo hotīti daṭṭhabbo. Yathā vā ghaṇṭābhigāhātānujāni bhūtāni anuravassa nissayabhūtāni ghaṭṭanasabhāvāni, evaṃ ghaṭṭānānujāni yāva sotappasādā uppattivasena āgatāni bhūtāni ghaṭṭanasabhāvānevāti taṃnissito saddo nissayavasena dhātuparamparāya ghaṭṭetvā saṅkaṃ vavattānaṃ gacchatīti vutto. **Asukadisāya nāmāti na paññāyeyya.** Kasmā? Sotappadesasseva saddassa gahaṇato.

Visame ajjhāsayo etassāti visamajjhāsayo, ajjhāsayarahitampi cakkhu visamaninnattā visamajjhāsayaṃ viya hotīti “**visamajjhāsayan**”ti vuttaṃ. Cakkhumato vā puggalassa ajjhāsayavasena cakkhu “**visamajjhāsayan**”ti vuttaṃ.

Kaṇṇakūpachiddeyeva pavattanato ārammaṇaggahaṇahetuto ca tattheva “**ajjhāsayaṃ karotī**”ti vuttaṃ. Tassa sotassa sotaviññānanissayabhāvena saddasavane. **Ajaṭākāsopi vaṭṭatīti** etassa aṭṭhakathādhippāyena atthaṃ vadanto “**antoleṇasmin**”ti-ādimāha. Attano adhippāyena vadanto “**kiṃ etāya dhammatāyā**”ti-ādimavoca.

Vātūpanissayo gandho gocaro etassāti **vātūpanissayagandhagocaraṃ.** Ettha ca gandhaggahaṇassa vāto upanissayo, tabbohārena pana gandho “vātūpanissayo”ti vutto. Atha vā vāto eva upanissayo vātūpanissayo. Kassāti? Ghānaviññāṇassa. So sahakārīpaccayantarabhūto etassa atthīti **vātūpanissayo**, gandho paccayo.

Āpo ca sahakārīpaccayantarabhūto kheḷādiko. Tathā pathavī. Gahetabbassa hi phoṭṭhabbassa uppīḷiyamānassa ādhārabhūtā pathavī kāyassa ca phoṭṭhabbena uppīḷiyamānassa nissayabhūtānaṃ ādhārabhūtā

sabbadā phoṭṭhabbagahaṇassa upanissayoti. Uppīlanena pana vinā phoṭṭhabbagahaṇe kāyāyatanassa nissayabhūtā pathavī upanissayoti daṭṭhabbā. Sabbadāpi ca tassā upanissayabhāvo yutto eva.

Pañcavaṇṇānanti vacanaṃ tadādhārānaṃ suttānaṃ nānattadassanattamaṃ. Pañcappakārā pañcavaṇṇā. **Ekantatoti** idaṃ sabbadā uppīlanena vinibbhujjitum asakkuṇeyyānaṃ kalāpantararūpānaṃ sabbhāvā tesam nivattanattamaṃ vuttaṃ. Na hi tāni ekantena avinibhuttāni kalāpantaragattatāti.

616. **Vaṇṇanibhāti** rūpāyatanameva niddiṭṭhanti tadeva apekkhitvā “**sanidassanan**”ti napuṃsakaniddeso kato. **Tasmāti** nippariyāyarūpānaṃ nīlādīnaṃ phusitvā ajānitabbato dīghādīnaṃca phusitvā jānitabbato **na nippariyāyena dīghaṃ rūpāyatanam. Tam tam nissāyāti** dīghādisannivesaṃ bhūtasamudāyaṃ nissāya. **Tathā tathā ṭhitanti** dīghādisannivesena ṭhitaṃ vaṇṇasamudāyabhūtaṃ rūpāyatanameva dīghādivohārena bhāsitaṃ. **Aññamaññaparicchinnam** ekasmiṃ itarassa abhāvā. Visayagocarānaṃ vireso anaññatthabhāvo tabbahulacāritā ca cakkhuviññāṇassa.

620. Bherisaddādīnaṃca vāditasaddattā “**vuttāvasesānan**”ti āha. Amanussavacanena na manussehi aññe paṇino eva gahitā, atha kho kaṭṭhādayopīti adhippāyena “**seso sabbopī**”ti āha. Evaṃ santepi vatthuvisesakittanavasena pāḷiyam anāgato tathā kittetabbo **ye vā panāti** vuttoti adhippāyo.

624. **Vissagandhoti** virūpo maṃsādīgandho. **Lambilanti** madhurambilaṃ.

632. Sañjānanti etenāti **sañjānanam**, upalakkhaṇam. Sakena sakena kammacittādinā paccayena samuṭṭhitānipi itthilingādīni indriyasahite sarīre uppajjamānāni taṃtadākārāni hutvā uppajjantīti “**itthindriyam paṭicca samuṭṭhahantī**”ti vuttāni. Itthilingādīsu eva ca adhipatibhāvā etassa indriyatā vuttā, indriyasahite santāne itthilingādi-ākārārūpapaccayānaṃ aññathā anuppādanato itthiggahaṇassa ca tesam rūpānaṃ paccayabhāvato. Yasmā pana bhāvadasakepi rūpānaṃ itthindriyam na janakam, nāpi anupālakam upatthambhakam vā, na ca aññakalāparūpānaṃ, tasmā tam jīvitindriyam viya sakalāparūpānaṃ

āhāro viya vā kalāpantararūpānañca indriya-atthi-avigatapaccayoti na vuttaṃ. Esa nayo purisindriyepi. Liṅgādi-ākāresu rūpesu rūpāyatanassa cakkhuvīñṇeyyattā liṅgādīnaṃ cakkhuvīñṇeyyatā vuttā.

633. **Ubhayampi -pa- kusalena paṭiṭṭhātī**ti sugatiṃ sandhāya vuttanti veditabbaṃ. Duggatiyañhi paṭisandhi akusalenevāti tadā uppajjamāno bhāvopi akusaleneva bhaveyya, paṭisandhiyaṃ viya pavattetīti. Tayidaṃ dvayaṃ yasmā santāne saha na pavattati “yassa itthindriyaṃ uppajjati, tassa purisindriyaṃ uppajjati? No”ti-ādivacanato¹, tasmā ubhatobyañjanakassapi **ekamevindriyaṃ hotīti** vuttaṃ.

635. Ekantaṃ kāyaviññattiyaṃ kāyavohārassa pavattidassanattamaṃ “**kāyena saṃvaro sādhu**”ti² sādhakasuttaṃ āhaṭaṃ. Bhāvassa gamanaṃ pakāsaṇaṃ **copanaṃ. Thambhana**ti vāyodhātu-adhikānaṃ bhūtānaṃ thambhanākāro viññattīti attho. Uddhaṅgamavātādayo viya hi yo vātādhiko kalāpo, tatthabhūtānaṃ viññatti-ākāratā hotīti. Teneva “**kāyaṃ thambhetvā thaddhaṃ karotīti thambhana**”ti vāyodhātukiccavasena viññatti vuttā. Tato eva ca “vāyodhātuyā ākāro kāyaviññatti”ti ca vattum vaṭṭati, tathā “pathavīdhātuyā vacīviññatti”ti pathavīdhātu-adhikabhūtavikārato.

636. **Pabhedagatā vācā evāti** tissa phussāti pabhedagatā. Atha vā vacīsaṅkhārehi vitakkavicārehi pariggahitā savanavisayabhāvaṃ anupanītatāya abhinnā tabbhāvaṃ nīyamānā vācā “**vacībhedo**”ti vuccati. **Iriyāpathampi upatthambhenti**ti yathāpavattaṃ iriyāpathaṃ upatthambhenti. Yathā hi abbokiṇṇe bhavaṅge vattamāne aṅgāni osīdanti pavīṭṭhāni viya honti, na evaṃ “dvattimsa chabbīsā”ti vuttetu jāgaraṇacittesu vattamānesu. Tena pana vattamānesu aṅgāni upatthaddhāni yathāpavattiriyāpathabhāveva pavattantīti. **Khīṇāsavaṇaṃ cuticittanti** visesetvā vuttaṃ, “kāmāvacarānaṃ pacchimacittassa uppādakkaṇe yassa cittassa anantarā kāmāvacarānaṃ pacchimacittaṃ uppajjissati, rūpāvacare arūpāvacare pacchimbhavikānaṃ, ye ca rūpāvacaraṃ arūpāvacaraṃ upapajjitvā parinibbāyissanti, tesam

1. Abhi 7. 117 piṭṭhe.

2. Khu 1. 65; Saṃ 1. 73 piṭṭhesu.

cavantānaṃ tesāṃ vacīsaṅkhāro nirujjhissati, no ca tesāṃ kāyasaṅkhāro nirujjhissati”¹ti¹ pana vacanato aññesampi cuticittaṃ rūpaṃ na samuṭṭhāpetīti viññāyati. Na hi rūpasamuṭṭhāpakacittassa gabbhagamanādivinibaddhābhāvena kāyasaṅkhārāsamuṭṭhāpanaṃ atthi, na ca yuttaṃ “cuto ca cittasamuṭṭhānañcassa pavattatī”ti, nāpi “cuticittaṃ rūpaṃ samuṭṭhāpetī”ti pāḷi atthīti.

637. Na **kassatīti** na vilekhiyati. **Gatanti** viññātaṃ. **Asamphuṭṭhaṃ catūhi mahābhūtehīti** yasmim kalāpe bhūtānaṃ paricchedo, teheva asamphuṭṭhaṃ. Vijjamānēpi hi kalāpantarabhūtānaṃ kalāpantarabhūtasamphuṭṭhabhāve taṃtaṃbhūtavivittatā rūpapariyanto ākāsoṭi yesaṃ yo paricchedo, tehi so asamphuṭṭhova, aññathā paricchinnabhāvo na siyā tesāṃ bhūtānaṃ byāpitabhāvāpattito. Abyāpitā hi asamphuṭṭhatīti.

638. Lahutādīnaṃ aññamaññāvijahanena dubbīññeyyanānattatā vuttāti taṃtaṃvikārādhikarūpehi taṃtaṃnānattappakāsanatthaṃ “**evaṃ santepī**”ti-ādimāha. Yathāvuttā ca paccayā taṃtaṃvikāraṃ viśesapaccayabhāvato vuttā, avisesena pana sabbe sabbesaṃ paccayāti.

641. Ādito cayo **ācayo**, paṭhamuppatti. Upari cayo **upacayo**. Pabandho **santati**. Tattha uddese avuttopi ācayo upacayasaddeneva viññāyatīti “**yo āyatanānaṃ ācayo punappunaṃ nibbattamānānaṃ, sova rūpassa upacayo**”ti āha. Pāḷiyaṃ pana **upa**-saddo paṭhamattho upari-attho ca hotīti “ādicayo upacayo, uparicayo santatī”ti ayamattho viññāyatīti. Aññathā hi ācayasāṅkhātassa paṭhamuppādassa avuttatā āpajjeyya.

Evanti “yo āyatanānaṃ ācayo”ti-ādiniddesena kiṃ kathitaṃ hoti? Āyatanena ācayo kathito. Ācayūpacayasantatiyo hi nibbattibhāvena ācayo evāti āyatanēhi ācayādīnaṃ pakāsittatā tehi ācayo kathito. Āyatanānaṃ ācayādivacaneneva ācayasabhāvāni uppādadhamaṇi āyatanānīti ācayena

1. Abhi 6. 28, 29 piṭṭhesu.

taṃpakatikāni āyatanāni kathitāni. Lakkhaṇāñhi uppādo, na rūparūpanti. Tenevādhippāyenāha “**āyatanameva kathitan**”ti. Ācayāñhi lakkhaṇaṃ kathayantena taṃlakkhaṇāni āyatanāneva kathitāni honṭīti. **Evampi kiṃ kathitaṃ hotīti** āyatanācayehi ācayāyatanehi ācayameva āyatanameva kathentena uddese niddese ca ācayoti idameva avatvā upacayasantatiyo uddisitvā tesāṃ vibhajanavasena āyatanena ācayakathanādinā kiṃ kathitaṃ hotīti adhippāyo. **Ācayoti** upacayamāha, **upacayoti** ca santatiṃ. Tadevubhayaṃ yathākkamaṃ vivaranto “**nibbatti vaḍḍhi kathitā**”ti āha. Upacayasantatiyo hi atthato ekattā ācayovāti taduddesavibhajavasena āyatanena ācayakathanādinā nibbattivaḍḍhi-ākāranānattaṃ ācayassa kathitanti attho. Imamevatthaṃ vibhāvetuṃ “**atthato hi**”ti-ādimāha. Yasmā ca ubhayampi etaṃ jātirūpassevādhivacanaṃ, tasmā jātirūpassalakkhaṇādivisesesu ācayādīsu pavatti-ādīsu ca ācayādilakkhaṇādikā upacayo, pavatti-ādilakkhaṇādikā santatīti veditabbāti attho.

643. **Pakatiniddesāti** phalavipaccanapakatiyā niddesā, jarāya pāpuṇitabbaṃ phalameva vā pakati. **Na ca khaṇḍiccādīneva jarāti** kalalakālato pabhuti purimarūpānaṃ jarāpattakkhaṇe uppajjamānāni pacchimarūpāni paripakkarūpānurūpāni pariṇataparīṇatāni uppajjantīti anukkamena supariṇatarūpaparipākakāle uppajjamānāni khaṇḍiccādisabhāvāni uppajjanti. Tāni udakādimaggesu tiṇarukkhasambhagatādayo viya paripākagatamaggasaṅkhātesu paripakkarūpesu uppannāni jarāya gatamaggo-icceva vuttāni, na jarāti. Aviññāyamānantarajarā **avīcījarā**. Maraṇe **upanayanarasā**.

644. **Taṃ patvāti** taṃ attano eva khayavayasāṅkhātāṃ sabhāvaṃ patvā rūpaṃ khīyati veti bhijjati. Pothetvā pātītassa dubbalatā parādhīnatā sayanaparāyaṇatā ca hoti, tathā jarābhībhūtassāti pothakasadisī jarā.

645. **Kattabbatoti** kattabbasabhāvato. Visāṇādīnaṃ taracchakheḷatemitānaṃ pāsāṇānaṃ viya thaddhabhāvābhāvato ahivicchikānaṃ

viya savisattābhāvato ca sukhumatā vuttā. **Ojālakkaṇoti** ettha aṅgamaṅgānusārino rasassa sāro upatthambhabalakāro bhūtanissito eko viseso ojāti.

Upādābhājanīyakathāvaṇṇanā niṭṭhitā.

No-upādābhājanīyakathāvaṇṇanā

646. Na upādiyatevāti na nissayati eva, kintu nissayati ca nissīyati cāti attho.

647. **Purimā panāti** pañcavidhasaṅgahe pathavīdhātu-āpodhātutejodhātuvāyodhātūnaṃ purimuddesavasena vuttaṃ. Phoṭṭhabbāyatananiddese vā vuttānaṃ pathavīdhātu-ādīnaṃ purimā uddese vuttā āpodhātūti adhippāyo, vuttassa vā phoṭṭhabbāyatanassa atītātāya pacchimatā, anāgatātāya ca āpodhātuyā purimatā vuttāti daṭṭhabbā. **Āyūti** jīvitindriyaṃ. Kammajatejaṃ **usmā**. **Yaṃ kiñci dhātuṃ -pa- ekappahārena nuppajjati**ti ekasmim̐ khaṇe anekāsu pathaviṣu āpāthagatāsu tāsu tāsu saha nuppajjati, tathā tejavāyūsu cāti attho. Anekesu ārammaṇesu sannipatitesu ābhujitavasena ārammaṇapasādāmimattatāvasena ca paṭhamam̐ katthaci uppatti dassitā, aññattha ca pana uppatti atthi eva. Sāyam̐ ārammaṇato ārammaṇantarasaṅkanti yena upāyena hoti, tassa vijānanattham̐ pucchati **“katham̐ pana cittassa ārammaṇato saṅkanti hoti”**ti.

651. Ayopiṇḍi-ādīsu pathavīdhātu tādisāya āpodhātuyā anābaddhā santī visareyya, tasmā **“tāni āpodhātu ābandhitvā baddhāni karoti”**ti vuttaṃ. Yathā hi yuttappamāṇam̐ udakam̐ paṃsucunṇāni ābandhitvā mattikāpiṇḍam̐ katvā ṭhapeti, evam̐ ayopiṇḍi-ādīsupi tadanurūpapaccayehi tattheva uppannā āpodhātu tathā ābandhitvā ṭhapeti ti daṭṭhabbā.

Aphusitvā patiṭṭhā hotiti āpodhātuyā aphoṭṭhabbābhāvato vuttaṃ, tathā **“aphusitvāva ābandhati”**ti. Na hi yathā phoṭṭhabbādhātūnaṃ

phoṭṭhabbhābhāvena aññamaññanissayatā, evaṃ
 phoṭṭhabbāphoṭṭhabbhadhātūnaṃ hotīti adhippāyo veditabbo.
 Avinibbhogavuttīsu hi bhūtesu aññamaññanissayatā
 aññamaññapaccayabhūtesu na sakkā nivāretum, nāpi sahajātesu
 avinibbhogatāya ekībhūtesu phusanāphusanāni vicāretum yuttānīti. **Na uṇhā
 hutvā jhāyatīti** tejosabhāvataṃyeva paṭikkhipati, na sītattaṃ anujānāti,
 tejosabhāvapaṭikkhepeneva ca sītattañca paṭikkhittaṃ hoti. Tejo eva hi sītāṃ
 himapātasamayādīsu sītassa paripācakatādassanato, sītuṇhānañca
 aññamaññapaṭipakkhabhāvato uṇhena saha na sītāṃ bhūtantaraṃ pavattatīti
 yujjati. Uṇhakalāpe pana sītassa appavatti sītakalāpe ca uṇhassa dvinnāṃ
 aññamaññapaṭipakkhattā tejovisesabhāve yujjatīti. **Bhāvaññathattanti**
 kharānaṃ guḷādīnaṃ davatā mudutā rasādīnañca davānaṃ kharatā
 paccayavisesehi omattādhimattapathavīdhātu-ādikānaṃ uppatti.
Lakkhaṇaññathattarāṃ kakkhaḷādilakkhaṇavijāhanāṃ, taṃ etesaṃ na hoti,
 omattādhimattatāsaṅkhātāṃ bhāvaññathattarāṃyeva hotīti attho.

652. **Anupādinnaḍḍīnaṃyevāti** ekanta-anupādinna-
 ekantanacittasamuṭṭhānāḍḍīnaṃ niddesesu gahaṇesu gahitāti attho. **Yaṃ vā
 panaññāmpīti** pana vacanena purimānampi nakammassakatattābhāvādīkaṃ
 dīpeti. Tā hi anupādinnaḍḍīnakammassakatattādivacanānaṃ samānatthattā
 ekena avattabbatte itarenapi avattabbā siyūṃ, vattabbatte vā vattabbā.
 Tasmā ekantākammajādīsiveva gahetabbattā tā anekantesu na gahitāti
 daṭṭhabbā.

666. **Ekanta -pa- paññāyati** tesāṃ vikāratā, anipphannattā pana tassa
 uppādo na kenaci sakkā vattunti adhippāyo.

Dukaniddesavaṇṇanā niṭṭhitā.

Catukkaniddesavaṇṇanā

966. **Pacchimapadassāti** viññātapadassa. Sabbameva hi rūpaṃ
 viññātanti tassa abhīnditabbattā viññātato aññāṃ diṭṭhaṃ sutāṃ mutañca na
 hotīti pucchāṃ akatvāya vissajjitaṃ. Na hi sakkā viññātato aññāṃ
 “katamaṃ rūpaṃ

diṭṭhan”ti pucchitunti adhippāyo. Yathā hi dvīsu uddiṭṭhesu nopādato aññattam sandhāya “katamam tam rūpam upādā”ti pucchitam, evam diṭṭhādīsu catūsu uddiṭṭhesu sutādīhi tīhipi aññattam sandhāya “katamam tam rūpam diṭṭhan”ti pucchitabbam siyā, tadabhāvo na pucchitam, evam sutādīsupīti. Dassanādiggahaṇavisesato pana diṭṭhādīhi aññassa viññātassa sabbhāvato ca catukko vutto.

Pañcakaniddesavaṇṇanā

969. **Tejobhāvaṃ gatanti** sabhāveneva tejobhāvaṃ pattanti attho. Vuttassapi aññena pakārena saṅghārahassa saṅgaṇhanam nayakaraṇam idha daṭṭhabbam, tayidaṃ “viññāyan”ti catukkapadepi yojetabbam. Phoṭṭhabbassa bhedasabbhāvo aṭṭhake nayo.

Pakiṇṇakakathāvaṇṇanā

975. **Natthi nīvaraṇā**ti vacanena middhassapi nīvaraṇassa pahānam vuttam, na ca rūpam pahātabbam, na ca rūpakāyagelaññam munino natthīti sakkā vuttum “piṭṭhi me āgilāyati, tamaham āyamissāmi”ti¹ vacanato. **Saviññānakasaddoti** viññāṇena pavattito vacīghosādisaddo. **Na hi etāni jāyantī**ti paripaccayamānassa rūpassa paripaccanam jarā, khīyamānassa khayō aniccatāti rūpabhāvamattāni etāni, na sayam sabhāvavantānīti sandhāya vuttam. Tathā jāyamānassa jananam jāti, sā ca rūpabhāvova, na sayam sabhāvavatīti “**na pana paramatthato jāti jāyati**”ti vuttam.

Tesam paccayo etissāti tappaccayā, tappaccayāya bhāvo tappaccayabhāvo, tappaccayabhāvena pavatto vohāro **tappaccayabhāvavohāro**, tam labhati. **Abhinibbattitadhammakkaṇesminti** abhinibbattiyamānadhammakkaṇasminti adhippāyo. Na hi tadā te dhammā na jāyantīti jāyamānabhāvova jātīti yuttā tassā kammādisamuṭṭhānatā taṃnibbattatā ca, na pana tadā te dhammā jāyanti khīyanti ca, tasmā na tesam te jīraṇabhijjanabhāvā cittādisamuṭṭhānā taṃnibbattā cāti vacanam arahanti. Evamapi upādinnasaddo upetena kammunā ādinnatam vadati, na nibbattinti upādinnapākabhedānam upādinnatā tesam vattabbāti ce? Na, ādinna-saddassa nibbattivācakattā.

1. Ma 2. 17 piṭṭhe.

Upetena nibbattañhi upādinnanti paccayānubhāvakkhaṇaṅca nibbattiṅca gahetvāva pavatto ayaṃ vohāro tadā abhāvā jarāmarañe na pavattatīti. Paṭiccasamuppannānaṃ dhammānaṃ jarāmarañattā tesāṃ uppāde sati jarāmarāṇaṃ hoti, asati na hoti. Na hi ajātaṃ paripaccati bhijjati vā, tasmā jātipaccayataṃ sandhāya “**jarāmarāṇaṃ paṭiccasamuppannaṃ**”ti vuttaṃ.

Nissayapaṭibaddhavuttitoti jāyamānaparipaccamānabhijjamānānaṃ jāyamānādibhāvamattattā jāyamānādinissayapaṭibaddhavuttikā jāti-ādayoti vuttaṃ hoti. Yadi evaṃ upādāyarūpānaṅca cakkhāyatanādīnaṃ uppādādisabhāvabhūta jāti-ādayo taṃnissitā hontīti bhūtanissitānaṃ tesāṃ lakkhaṇānaṃ upādāyabhāvo viya upādāyarūpanissitānaṃ upādāyupādāyabhāvo āpajjati ce? Na, bhūtaṭibaddha-upādāyarūpalakkhaṇānaṅca bhūtaṭibaddhabhāvassa avinivattanato. Apica ekakalāpapariyāpannānaṃ rūpānaṃ saheva uppādādippavattito ekassa kalāpassa uppādādayo ekekāva hontīti yathā ekekassa kalāpassa jīvitindriyaṃ kalāpānupālakaṃ “upādāyarūpan”ti vuccati, evaṃ kalāpuppādādisabhāvā jāti-ādayo “upādāyarūpāni”ccheva vuccanti. Evaṃ vikāraparicchedarūpāni ca yojetabbāni.

Kammasamuṭṭhānasambandhaṃ utusamuṭṭhānaṃ kammavisesena suvaṇṇadubbaṇṇasusaṅghitadussaṅghitādivisesaṃ hotīti “**kammapaccayaṃ**”ti vuttaṃ. Kammavipākānubhavanassa kāraṇabhūtaṃ bāhira-utusamuṭṭhānaṃ **kammapaccaya-utusamuṭṭhānaṃ**. Kammasahāyo paccayo, kammaṃsa vā sahāyabhūto paccayo kammapaccayo, sova utu kammapaccaya-utu, so samuṭṭhānaṃ etassāhi **kammapaccaya-utusamuṭṭhānanti** vacanatto. Sīte uṇhe vā kismiṅci utumhi samāgate tato suddhaṭṭhakaṃ uppajjati, tassa so utu samuṭṭhānaṃ. Dutiyaṃsa suddhaṭṭhakassa utusamuṭṭhānikaṭibandhakassa so eva purimo utu paccayo. Tatiyaṃ pana suddhaṭṭhakaṃ purima-utusahāyena utunā nibbattattā pubbe vuttanayeneva “**utupaccaya-utusamuṭṭhānaṃ**”ti vuttaṃ. Evamayāṃ purimo utu tisso santatiyo ghaṭṭeti, tato paraṃ añña-utusamāgame aññasantatittayaṃ, tato ca aññena aññanti evaṃ pavatti daṭṭhabbā. Tadetāṃ sītuṇhānaṃ appabāhubhāve taṃsamphassaṃsa acirappavattiyā

cirappavattiyā ca veditabbaṃ, anupādinna dīpanā na santatittayavasena, atha kho meghasamuṭṭhāpakamūla-utuvaseṇa pakārantareṇa daṭṭhabbā, taṃ dassetuṃ “**utusamuṭṭhāno nāma valāhako**”ti-ādimāha. Rūparūpānaṃ vikārādimattabhāvato apariniṭṭhānatā vuttā. Tesaṃhi rūpavikārādhāvato rūpatāti adhippāyo. Rūpavikārādhāvato eva pana rūpe sati santi, asati na santīti asaṅkhatabhāvanivāraṇatthaṃ pariniṭṭhānatā vuttāti.

Rūpakaṇḍavaṇṇanā niṭṭhitā.

3. Nikkhepaṇḍa

Tikanikkhepakathāvaṇṇanā

985. **Sabbesanti** cittuppādasasena rūpāsaṅkhatavasena ca bhinnānaṃ sabbesaṃ phassādicakkhādīpadabhājananayena vitthārito. Tattha pana asaṅkhatassa bhedābhāvato asaṅkhatā dhūtūtveva padabhājanaṃ daṭṭhabbaṃ. Yevāpanakānaṃ pana sukhumupādāyarūpassa ca indriyavikāraparicchedalakkaṇarūpupatthambhakabhāvarahitassa hadayavatthussa paduddhārena idha niddesānarahattā niddeso na katoti daṭṭhabbo. Na hi tathāgatassa dhammesu ācariyamuṭṭhi atthīti. **Nikkhipitvāti** vitthāradesanaṃ ṭhapetvā, apanetvāti attho, vitthāradesanaṃ antogadhaṃ katvāti vā. Gāthāttho nidāne vutto eva.

Mūlavasena paccayabhāvo **hetupaccayattho**. Pabhavati etasmāti **pabhavo**, so eva “**janako**”ti visesito. Samuṭṭhāti etenāti **samuṭṭhānaṃ**, tassa visesanaṃ **nibbattakanti**. Sabbāni vā etāni pariyāyavacanāni. **Atthavasena**ti kasmā vuttaṃ, nanu kusalamūlānaṃ hetubhāvato dhammavasena ti yuttanti? Saccametaṃ, alobhādīnaṃ pana tiṇṇaṃ samānassa mūlaṭṭhassa vasena dassitataṃ sandhāya “atthavasena”ti vuttaṃ. Iminā **dhammoti** bhāvo, **atthoti** dhammakiccaṃ adhippetanti viññāyati. “Alobho nidānaṃ kammānaṃ samudayaṃ”ti¹ādivacanaṃ tāni kusalamūlāni samuṭṭhānaṃ etassātipi **taṃsamuṭṭhānaṃ**. Taṃ pana tehi samuṭṭhitaṃ hotīti “**alobhādīhi samuṭṭhitaṃ**”ti āha. Te kusalamūlataṃsampayuttā samuṭṭhānaṃ etassātipi attho sambhavati. Ettha pana cetanaṃ ṭhapetvā aññe “taṃsampayuttā”ti samuṭṭhānabhāve vattabbā. Tattha mūlehi attano paccayato kusale pariyādiyati, khandhehi sabhāvato, kammehi aññassa nibbattanakkato. Mūlehi ca kusalānaṃ anavajjatāya hetuṃ dasseti, khandhehi taṃsampayogakataṃ anavajjasabhāvaṃ, kammehi sukhavipākataṃ. Mūlehi vā nidānasampattiyā ādikalyāṇataṃ, khandhehi sabhāvasampattiyā majjhakalyāṇataṃ, kammehi nibbattisampattiyā pariyosānakalyāṇataṃ.

1. Am 1. 134 piṭṭhe.

986. **Taṃ -pa- uddhaṃ akusalaṃ nāma natthī**ti kasmā vuttaṃ, nanu vicikicchuddhaccasahagatamoho atthīti? Saccametam, tena pana vinā taṃsampayuttatā natthīti taṃsampayuttesu gahitesu moho gahito evāti katvā “tato uddhaṃ natthī”ti vuttaṃ aññattha abhāvā. Ekasmiṃ ṭhitam ekaṭṭham, sahabhāvena ekaṭṭham **sahajekaṭṭham**. Pahātabbanti pahānam, pahānabhāvena ekaṭṭham **pahānekaṭṭham**. Yena hi yaṃ saha pahātabbam, tena taṃ ekasmiṃ puggale ṭhitam hoti, ekasmiṃ samucchinne asamucchinne ca itarassa samucchinatāya asamucchinatāya ca vasena aññamaññāvirahitato.

987. **Tiṇi lakkhaṇānī**ti aniccadukkha-anattatā. Nāmakasiṇasattapaññattiyo **tisso paññattiyo**. Paramatthe amuñcitvā vohariyamānā vihāramañcādikā upādāpaññatti sattapaññattiggahaṇena gahitāti veditabbā, etāni ca lakkhaṇādīni heṭṭhā dṛṣu kaṇḍesu viññatti-ādīni viya na vuttāni, na ca sabhāvadhammāti katvā na labbhantīti vuttāni. Na hi koci sabhāvo kusalattikāsaṅgahitoti vuttam yuttanti.

988. **Sukhabhūmī**ti kāmāvacarādayopi yujjanti. Sukhasahagatā hi kāmāvacarādibhūmi sukhabhūmi. **Kāmāvacarādibhūmī**ti ca kāmāvacarādītāya dhammā eva vuccantīti kāmāvacarādicittuppādesūti atthato viññāyati. Evañca katvā “sukhabhūmiyan”ti vatvā tassā eva vibhāgadassanattam **“kāmāvacare”**ti-ādi vuttaṃ. **Bhūmi**-saddo ca abhidhamme kāmāvacarādīsu niruḥhoti “catūsu bhūmīsu kusalan”ti-ādīsu¹ aññabhūmiggahaṇam na hotīti. **Pālito cāti** “visiṭṭhānam pākāti vipākā”ti-ādivacanattavibhāvanena pālito. “Vipakkabhāvamāpanānam arūpadhammānametaṃ adhivacanan”ti-ādinā bhāsittavibhāvanena **atthato ca**. Nāmaparicchedādīhi tikadukānam vavattānadassanena vā **pālito**, tadatthaviññāpanena **atthato**.

991. **Sāliphalanti** sālipākamāha.

994. **Amhākam mātulattheroti** puggalārammaṇassapi upādānassa upādānakkhandhā eva paccayo, na lokuttarā, ko pana vādo khandhārammaṇassa. Tenāha **“aggahitānī”**ti.

1. Abhi 1. 266 piṭṭhe.

998. Yathā upādānehi aggahetabbā anupādāniyā, evaṃ saṅkilesehi aggahetabbā asaṅkilesikāti kavā “**asam -pa- eseva nayo**”ti āha.

1006. Diṭṭhiyā gahito attā na vijjati. Yesu pana vipallatthagāho, te upādānakkhandhāva vijjanti. Tasmā yasmim avijjamānaniccādivipariyāsākāragahaṇaṃ atthi, sova upādānakkhandhapañcakasaṅkhāto kāyo. Tattha niccādi-ākārassa avijjamānatādassanattamaṃ ruppanādisabhāvasseva ca vijjamānatādassanattamaṃ vijjamāno kāyoti visesetvā vutto, lokuttarā pana na kadāci avijjamānākārena gayhantīti na idaṃ visesanaṃ arahanti. Sakkāye diṭṭhi, satī vā kāye diṭṭhi **sakkāyadiṭṭhi**. Attanā gahitākārassa avijjamānatāya sayameva satī, na tāya gahito attā attaniyaṃ vāti attho. Ayaṃ panattho sambhavatīti katvā vutto, purimo eva pana padhāno. Dutiye hi diṭṭhiyā vatthu avisesitaṃ hoti. Kāyoti hi khandhapañcake vuccamāne lokuttarāpanayanaṃ natthi. Na hi lokuttaresu kāya-saddo na vattati. Kāyapassaddhi-ādīsu hi lokuttaresu kāya-saddopi lokuttarakkhandhavācakoti. **Sīlenā**ti suddhiyā ahetubhūtena sīlena. **Gahitasamādānanti** uppāditaparāmāsova. So hi samādiyanti etena kukkurasīlavatādīnīti “samādānaṃ”ti vutto. Tattha avītikkamanīyatāya “**sīlaṃ**, bhattivāsena satataṃ caritabbatāya **vataṃ** daṭṭhabbaṃ.

1007. **Idheva tiṭṭhamānassā**ti imissāyeva indasālaguhāyaṃ tiṭṭhamānassa. Vācuggatakaraṇaṃ **uggaho**. Atthaparipucchanaṃ **paripucchā**. Kusalehi saha codanāpariharaṇavasena vinicchayakaraṇaṃ **vinicchayo**. Bahūnaṃ nānappakāraṇaṃ sakkāyadiṭṭhīnaṃ avihatattā tā janenti, tāhi janitāti vā **puthujjanā**. Avighātimeva vā jana-saddo vadati. **Puthu sathārānaṃ mukhullokikā**ti ettha puthū janā etesanti **puthujjanā**ti vacanatto. **Puthu -pa- avuṭṭhitā**ti ettha janetabbā, jāyanti vā etthāti janā, gatiyo. Puthū janā etesanti **puthujjanā**. Ito pare jāyanti etehīti janā, abhisāṅkhārādayo. Te etesaṃ puthū vijjantīti **puthujjanā**. Abhisāṅkharaṇādi-attho eva vā jana-saddo daṭṭhabbo. Rāgaggi-ādayo **santāpā**. Ke eva sabbepi vā kilesā **pariḷāhā**. **Puthu**

pañcasu kāmagaṇesūti ettha jāyatīti jano, “rāgo gedho”ti evamādiko. Puthu jano etesanti **puthujjanā**. Puthūsu vā janā jātā rattāti evaṃ rāgādi-attho eva jana-saddo daṭṭhabbo. **Palibuddhā**ti sambaddhā upaddutā vā. **Assutavā**ti etena andhatā vuttāti “**andhaputhujjano vutto**”ti āha.

Anayeti avadḍhiyaṃ. Sabbattha nirutilakkhaṇena padasiddhi veditabbā anekesu ca kappasatasahassesu kataṃ jānanti, pākāṇaṃ karonti upakāraṃ satijanana-āmisapaṭiggahaṇādinā paccekasambuddhā, tatheva dukkhitassa sakkaccaṃ kātappaṃ karonti. Sammāsambuddho pana asaṅkhyeyya-appameyyesupi kataṃ upakāraṃ maggaphalānaṃ upanissayaṇa jānāti, pākāṇaṃ karoti, siho viya ca javaṃ sabbattha sakkaccameva dhammadesanaṃ karoti. **Ariyabhāvoti** yehi yogato ariyā vuccanti, te maggaphaladhammā daṭṭhabbā. **Ariyakaradhammā** aniccadassanādayo, vipassiyamānā vā aniccādayo.

Sotānīti taṇhādiṭṭhikilesaduccarita-avijjāsotāni. “**Sotānaṃ saṃvaraṃ brūmī**”ti vatvā “**paññāyete pidhīyare**”ti vacanena sotānaṃ saṃvaro pidhanaṃ samucchedañāṇanti viññāyati. **Khantī**ti adhivāsanā, sā ca tathāpavattā khandhā. Paññāti eke, adoso eva vā. **Kāyaduccaritādīnanti** dussīlyasaṅkhātānaṃ kāyavacīduccaritānaṃ muṭṭhassaccasaṅkhātassa pamādassa abhijjhādomanassanaṃ pāpakānaṃ akkhanti-aññāṇakosajjānaṇa. **Anupekkhā** saṅkhārehi avivaṭṭanaṃ, sālayatāti attho. Dhammaṭṭhitiyaṃ paṭiccasamuppāde paṭilomabhāvo sassatucchadagāho, tappaṭicchādakamoho vā. **Nibbāne paṭilomabhāvo** saṅkhāresu rati, nibbānapaṭicchādako moho vā. **Saṅkhāranimittaggāhoti** yādisassa kilesassa appahīnattā vipassanā saṅkhāranimittaṃ na muñjati, so kilesa daṭṭhabbo. Saṅkhāranimittaggahaṇassa atikkamanaṃ vā **pahānaṃ**.

Catunnaṃ ariyamaggānaṃ bhāvitattā accantaṃ appavattibhāvena yaṃ pahānanti yojanā veditabbā. Kena pana pahānanti? Ariyamaggehevāti viññāyamāno ayamatto tesāṃ bhāvitattā appavattivacanena. **Samudayapakkhitasā**ti ettha cattāropi maggā catusaccābhisamayāti katvā tehi

pahātabbena tena tena samudayena saha pahātabbattā samudayasabhāgattā ca saccavibhaṅge ca sabbakilesānaṃ samudayabhāvassa vuttattā “samudayapakkhikā”ti diṭṭhi-ādayo vuccanti. Kāyavācācittānaṃ virūpappavattiyā nayanānaṃ apayāpanānaṃ, kāyaduccaritādīnaṃ vināsanayanānaṃ vā vinayo, tesānaṃ vā jimhappavattim vicchinditvā ujukanayanānaṃ **vinayanānaṃ**. **Eseseti** eso so eva, atthato anaññoti attho. **Tajjātetī** atthato tamsabhāvova. Sappuriso ariyasabhāvo, ariyo ca sappurisabhāvoti attho.

Advayanti dvayatārahitānaṃ, vaṇṇameva “accī”ti gahetvā accim vā “vaṇṇo evā”ti tesānaṃ ekattaṃ passanto viya yathātakkitaṃ attānaṃ “rūpaṃ”ti, yathādiṭṭhaṃ vā rūpaṃ “attā”ti gahetvā tesānaṃ ekattaṃ passanto daṭṭhabbo. Ettha ca “rūpaṃ attā”ti imissā pavattiyā abhāvepi rūpe attaggahaṇānaṃ pavattamānaṃ acciyaṃ vaṇṇaggahaṇānaṃ viya. Upamāyo ca anaññattādiggaṇānidassanavaseneva vuttā, na vaṇṇādīnaṃ viya attano vijjamānattassa, attano viya vā vaṇṇādīnaṃ avijjamānattassa dassanattānaṃ.

1008. **Sarīranipphattiyā**ti sarīrapāripūriyā. Nicchetuṃ asakkonto vicinanto kicchati **vicikicchā**. **Idappaccayānaṃ bhāvoti** jāti-ādisabhāvameva āha, jāti-ādīnaṃ vā jarāmarañādi-uppādanasamatthataṃ. Sā pana jāti-ādivinimuttā natthīti tesāmyevādhivacanānaṃ hoti “idappaccayatā”ti.

1009. Idha anāgatakilesā “tadekaṭṭhā kilesā”ti vuccantīti te dassetuṃ “**imissā ca pāliyā**”ti-ādi āraddhaṃ. **Sahajekaṭṭhavasenā**ti attha uppannadiṭṭhiyā sahajekaṭṭhavasenāti atthato viññāyati. **Taṃsampayuttoti** tehi saṃyojanakilesehi sampayuttotipi attho yujjati. Tathā te saṃyojanakilesā samuṭṭhānaṃ etassāti **taṃsamuṭṭhānanti** vā. Saṃyojanarahitehi ca pana kilesehi sampayuttānaṃ samuṭṭhitānaṃca sabbhāvato kileseheva yojanā kattā.

1011. **Saṃyojanādīnaṃ viyā**ti saṃyojanatadekaṭṭhakilesādīnaṃ yathāvuttānaṃ vā. **Tehī**ti dassanabhāvanāmaggehi. **Abhisāṅkhāravīññānaṃ**

kusalākusalam, nāmarūpañca vipākanti katvā “**kusalādīnampi pahānam anuññātan**”ti āha.

1013. **Hetū cevāti** “pahātabbahetukā”ti etasmim samāsapade ekadesena samāsapattham vadati. Ettha ca purimanayena “ime dhammā dassanenapahātabbahetukā”ti imeyeva dassanenapahātabbahetukā, na ito aññeti ayam niyamo paññāyati, na ime dassanenapahātabbahetukāyevāti. Tasmā imesaṃ dassanenapahātabbahetukabhāvo aniyato vicikicchāsahagatamohassa ahētukattāti purimanayo vivaraṇiyatthavā hoti. Tasmā purimanayena dhammato dassanenapahātabbahetuke nikkhipitvā atthato nikkhipitum dutiyanayo vutto.

1029. **Mahaggatā vā** iddhividhādayo. **Appamāṇārammaṇā mahaggatā** cetopariyapubbenivāsānāgatamsaññānasampayuttā.

1035. Anantare niyuttāni, anantaraphalappayojanāni, anantaraphalakaraṇasīlāni vā **ānantarikāni**. Tāni pana paṭipakkhena anivāraṇiyaphalattā antarāyarahitānīti “**anantarāyena phaladāyakāni**”ti vuttaṃ. Anantarāyāni vā **ānantarikānīti** niruttivasena padasiddhi veditabbā. **Ekasmimpīti pi**-saddena anekasmimpi āyūhite vattabbameva natthīti dasseti. Na ca tesam aññamaññapaṭibāhakattaṃ atthi appaṭipakkhattā, appaṭipakkhattā ca samānaphalattā anubalappadānato ca. “Natthi hetu natthi paccayo sattānam saṃkilesāyā”ti¹ evamādiko **ahētukavādo**. “Karoto kho kārayato chindato chedāpayato -pa- karoto na karīyati pāpan”ti² evamādiko **akiriyavādo**. “Natthi dinnan”ti³ evamādiko **natthikavādo**. Etesu purimavādo bandhamokkhānam hetum paṭisedheti, dutiyo kammaṃ, tatiyo vipākanti ayametesam viseso. **Tañhīti** ahētukādiniyatamicchādiṭṭhim, na pana niyatabhāvaṃ appattaṃ.

1039. **Paccayatthenāti** maggapaccayasāṅkhātena sampayogavasiṭṭhena paccayabhāvenāti veditabbaṃ. Ettha ca maggaṅgānam ṭhapanam maggapaccayabhāvarahite

1. Dī 1. 50 piṭṭhe. 2. Dī 1. 49 piṭṭhe. 3. Dī 1. 51; Ma 2. 63; Ma 3. 72 piṭṭhesu.

maggaḥetuke dassetuṃ, tena maggaḥetuke asaṅkarato vavattḥapeti. Sace pana koci vadeyya “ekekam̄ aṅgam̄ ṭhapetvā taṃtaṃsampayuttānaṃ maggaḥetukabhāvepi ‘maggaṅgāni ṭhapetvā’ ti idam̄ vacanaṃ yujjati” ti. Evañhi sati tatiyanaye viya idhāpi “ṭhapetvā” ti na vattabbaṃ siyā, vutañcetaṃ, tasmā vuttanayenevattho veditabbo. Maggaṅgāmaggaṅgānañhi sampayuttānaṃ visesadassanatto ayaṃ nayoti. **Sesamaggaṅgānaṃ** pubbe ṭhapitānanti adhippāyo. Phassādīnañhi purimanayepi maggaḥetukatā siddhāti.

Sammādiṭṭhiyā dutiyanayepi ṭhapitāya tatiyanaye saḥetukabhāvo dassito. Kathaṃ dassito, nanu ariyamaggasamaṅgissa “alobho adoso ime dhammā maggaḥetū” ti avatvā “alobho adoso amoho ime dhammā maggaḥetū” ti¹ visuṃ sammādiṭṭhi-ādike maggaḥetū dassetvā “taṃsampayutto -pa- viññāṇakkhandho” ti¹ visuṃ maggaḥetukānaṃ dassitattā “maggaḥetūsu amoho” ti¹ vuttāya sammādiṭṭhiyā maggaḥetukatā na dassitā siyā? No na dassitā. Yathā hi tīṇi saṃyojanāni dassetvā “tadekaṭṭho lobho doso moho, ime dhammā dassanena pahātabbahetū” ti² visuṃ pahātabbahetū niyametvā “tadekaṭṭhā ca kilesā” ti-ādivacanena² lobhadosaṃmohā ca aññamaññasahajekaṭṭhā aññamaññasampayuttā saṅkhārakkhandhabhūtā ca dassanenapahātabbahetukāti dassitā honti, evamidhāpi “alobhādayo ime dhammā maggaḥetū” ti nigamitāpi aññamaññasampayuttasaṅkhārakkhandhabhāvato taṃsampayuttasaṅkhārakkhandhavacanena “maggaḥetukā” ti dassitā evāti siddhaṃ hoti, sammādiṭṭhiyāpi amohoti vuttāya maggaḥetukabhāvadassanaṃ. Sace pana yo dutiyanaye maggo ceva hetu cāti vutto, tato aññasseva aññena asādhāraṇena pariyāyena maggaḥetubhāvaṃ dassetvā taṃsampayogato sammādiṭṭhiyā maggaḥetukabhāvadassanatto tatiyanayo siyā. “Ariyamaggasamaṅgissa alobho adoso ime dhammā maggaḥetū” ti-ādi vattabbaṃ siyā. Yasmā pana “maggaḥetū” ti iminā aññena sādāhāraṇena pariyāyena yesaṃ maggaḥetubhāvo sambhavati, te sabbe “maggaḥetū” ti dassetvā

1. Abhi 1. 212 piṭṭhe.

2. Abhi 1. 209 piṭṭhe.

tāṃsāmpayuttānaṃ tesāṃ aññesaṅca maggaḥetukabhāvadassanatto tatiyanayo, tasmā tatha “amoho”tipi vuttaṃ. Na hi so maggaḥetu na hotīti. Ime pana tayopi nayā atthavisesavasena nikkhittattā atthato nikkhepā daṭṭhabbā. Atha vā sarūpena vacanaṃ dhammato nikkhepo atthena atthatoti evampi yojanā sambhavati. Tattha dutiyatatiyanayā sarūpato hetuhetumantudassanavasena dhammato nikkhepo. Paṭhamanayo tathā-adassanato atthena ca maggaṅgataṃsāmpayuttānaṃ hetuhetumantubhāvāvagamano atthato nikkhepoti.

1040. Yasmim̄ sabhāvadhamme ninnapoṇapabbhārabhāvena cittaṃ pavattati, so tassa ārammaṇādhipati veditabbo. Cetopariyañāṇena jānitvā paccavekkhamāno tena paccavekkhamānoti vutto. **Etthāpīti** etasmimpi aṭṭhakathāvacane, **ettha** vā paṭṭhāne maggādīni ṭhapetvā aññesaṃ adhipatipaccayabhāvassa avacaneneva paṭikkhepapāliyaṃ. **Ayamevatthoti** attano maggaphalaṃ ṭhapetvāti attho. **Vīmaṃsādhipateyyanti** padhānena adhipatinā sahaḥjātādhipati nidassito, tayidaṃ nayadassanamattameva hotīti aññopi evaṃpakāro sahaḥjāto maggādhipati nidassito hoti, tasmā vīriyādhipateyyanti ca yojetabbaṃ. Idampi hi atthato vuttamevāti.

1041. Attano sabhāvo **attabhāvo**. Laddhokāsassa kammassa vipāko kappasahassātikkame uppajjati anekakappasahassāyukānaṃ sattānaṃ, kappasahassātikkamepi vā laddhokāsaṃ yaṃ bhavissati, tadapi laddhokāsamevāti attano vipākaṃ sandhāya vuccati. **Natthi nāma na hotīti** anuppanno nāma na hotīti adhippāyo. Uppādīsū antogadhattā “uppādino dhammā”ti etena vacanena vuccatīti katvā āha “**uppādino dhammā nāma jāto**”ti. **Arūpasaṅkhāto attāti** arūpabhavaṅgaṃ āha. Tattha ākāsaṅgācāyatanasaṅgādimayo attāti hi atthato vohāro pavattoti.

Yadi pana āyū -pa- sabbaṃ vipākaṃ dadeyya, aladdhokāsaṅgaṃ vipākaṃ detīti katvā vipakkavipākaṅca dadeyya, tato ekasseva kammassa sabbavipākena bhavitabbanti aññassa kammassa okāso na bhaveyya

niratthakattā, uppattiyāyeva okāso na bhaveyya, uppanassa vā phaladāne. Atha vā aladdhokāsassa vipākadāne paccayantararahitassapi vipākadānaṃ āpannanti avijjātaṇhādipaccayantarapakassa aññassa apacayagāmikammassa kammakkhayakarassa okāso na bhaveyya. Bhāvitepi magge avijjādipaccayantararahitassa ca kammassa vipaccanato samatthataṃ na siyāti attho. Sabbadā vā vipākappavattiyā eva bhavitabbatā vipākato aññassa pavatti-okāso na bhaveyya. **Taṃ panāti** āyūhitaṃ kammaṃ. Idam pana dhuvavipākassa vipākena adhuvavipākassapi laddhokāsassa vipākaṃ uppādīti dassetuṃ āraddhanti daṭṭhabbaṃ. Aṭṭha samāpattiyō ca balavavirahe aggamaggabhāvanāvirahe ca appahīnasabhāvato dhuvam vipaccantīti **dhuvavipākāti** vuttā. Āyūhitakamme vuccamāne anuppannaṃ kasmā vuttanti? Yaṃ āyūhitaṃ bhavissati, tatthāpi āyūhitasaddappavattisabbhāvā.

1050. **Upādinnāti** ettha na upetena ādinnāti ayamattho, upasaddo pana upasaggamattameva, tasmā upādānārammaṇā upādānehi, aññe ca anabhinivesena “ahaṃ maggaṃ bhāvayim, mama maggo uppanno”ti-ādikena gahaṇena ādinnā icceva upādinnā. **Upādinna**-saddena vā amaggaphaladhammāyeva vuttā, itarehi maggaphaladhammā cāti veditabbaṃ.

Tikanikkhepakathāvaṇṇanā niṭṭhitā.

Dukanikkhepakathāvaṇṇanā

1062. **Mettāyanavasena**ti mettāpharaṇavasena. “Mettayanavasena”ti vattabbe dīghaṃ katvā vuttanti daṭṭhabbaṃ. Mettā, medanaṃ vā mettāyanaṃ, tañca sinehasasena. Anudayatīti anudāti vattabbe “**anuddā**”ti da-kārāgamaṇaṃ katvā vuttaṃ. **Anuddāyanākāro**ti anurakkhaṇākāro. Rakkhaṇaṇhi dāyanā. **Anuddāyitassāti** anuddāya ayitassa. “Jātipi dukkhā”ti-ādiṃ suṇantassa savane, aniccādito sammasantassa sammasane, maggenettha sammohaṃ viddhamsentassa paṭivedhe, paṭivijjhivā paccavekkhantassa paccavekkhaṇeti catūsu kālesu dukkhe ñāṇaṃ vattati.

1065. Cittassa samrañjanam **cittassa sārāgo**. **Gijjhantīti** abhikañkhanti. **Sañjantīti** bandhanti. **Lagganaṭṭhenāti** samvaraṇaṭṭhena, olambanaṭṭhena vā. **Tassa tasseva bhavassāti** kāmabhavādisaṅkhātassa vipākakaṭattārūpassa abhinibbatti-attham paṭisandhiyā paccayabhāvavasena parikaḍḍhati. **Cittamassa** bhavantare **vidhāvati** nibbattati. **Tañhāvipphanditaniveso** aṭṭhasatatañhāvīcaritādibhāvena tañhāpavattiyeva.

Saritānīti rāgavasena allāni. Tamsampayuttapītivasena siniddhāni **sinehitāni**. **Visatāti** vittatā. Rūpādīsu tebhūmakadhammesu byāpanavasena **visatā**. Purimavacanameva ta-kārassa ṭa-kāram katvā vuttam. **Visālāti** vipulā. **Visakkatīti** parisappati, sahati vā. Ratto hi rāgavatthunā pādena tāliyamānopi sahatīti. Osakkamam, vipphandanam vā visakkananti vadanti. Aniccādim niccādito gaṇhanṭī **visamvādikā** hoti. **Visamharatīti** tathā tathā kāmesu ānisamsam passantī vividhehākārehi nekkhammābhimukhappavattito cittam samharati sañkhipati. **Visam** vā dukkham, tam **harati** vahatīti attho. Dukkhanibbattakassa kammassa hetubhāvato **visamūlā**, visam vā dukkhavedanāmūlam etissāti **visamūlā**. Dukkhasamudayattā visam phalam etissāti **visaphalā**. Tañhāya rūpādikassa dukkhasseva paribhogo hoti, na amatassāti sā “**visaparibhogā**”ti vutto. Sabbattha niruttivasena padasiddhi veditabbā. Yo panettha padhāno attho, tam dassetum puna “**visatā vā panā**”ti-ādi vuttam. **Itthabhāvāññathābhāvanti** manussabhāvadevādibhāvabhūtam.

Pañidhānakavasenāti cittassa rūpādīsu ṭhapanakavasena. Aññopi bandhu tañhāya eva hoti, so pana abandhupi hoti. Tañhā pana niccasannissitāti “**pāṭiyekko bandhū**”ti vuttā. **Asanatoti** byāpanato bhuñjanato ca. Tadubhayam dasseti “**ajjhottharaṇato**”ti-ādinā. **Āsīnavasenāti** icchanavasena. **Aññenākārenāti** jappanājappitattānam jappāya anaññattadassanākārena. **Cittam pariyoṭṭhātīti** cittam mūsati. **Mārapāsoti** mārena gahitatāya rāgo mārapāso.

1066. **Saṅkhāresu uppanno kammapathabhedam na karotīti** etena sattesu uppanno aṭṭhānakopo karotīti viññāyati. “Attham me

nācari, na carati, na carissati, piyassa me manāpassa atthaṃ nācari, na carati, na carissati, appiyassa me amanāpassa anattaṃ nācari, na carati, na carissati”ti uppajjamānopi hi kopo avatthusmiṃ uppannattā aṭṭhānakopo eva bhavituṃ yutto. **Āghātentoti** hananto. **Punaruttidoso paṭisedhitoti** dosa-padassa paṭivirodha-padassa ca dvikkhattuṃ āgatattā vuttaṃ. Paṭighassa vā visesanatthaṃ pubbe “paṭivirodho”ti, padosādivisesanatthaṃ “doso”ti ca vuttaṃ, dussanādivisesanatthaṃ pacchā “doso”ti, virodhavisesanatthañca “paṭivirodho”ti vuttanti natthi punaruttidoso.

1091. Aniddhāritaparichede dhammānaṃ atthitāmattadīpake mātikuddese aparicchedena bahuvacanena uddeso katoti bahuvacaneneva pucchati “katame dhammā appaccayā”ti. Sabhāvasaṅkhāparicchedādivasena hi dhamme ajānantassa vasena uddeso pucchā ca karīyatīti. Tasmā paricchedaṃ akatvā uddiṭṭhā pucchitā ca. **Imeti** asaṅkhatadhātuto uddhaṃ natthīti dīpanatthaṃ ekampi taṃ niddisivā bahuvacaneneva nigamaṇaṃ kataṃ niddesato pubbe bodhaneyyassa ajānanakālaṃ upādāya.

1101. Kiṃ pana natthi, kiṃ tena na vuttāti yojanā kātabbā. Idameva manoviññeyyanti niyamābhāvo **vavatthānābhāvo**. Cakkhuvīññādiviññeyyameva cakkhādiviññeyyanti pāliyaṃ vuttanti manoviññānaviññeyyenapi manoviññeyyena bhavitabbanti katvā aṭṭhakathāya “**kiṃ pana manoviññāṇena**”ti-ādi vuttaṃ. **Kehici viññeyyā kehici aviññeyyāti** idaṃ kāmāvacaraṃ manoviññāṇaṃ ārammaṇādivasena bhinditvā yojetabbaṃ. Rūpāvacarādi-ārammaṇena hi kāmāvacaramanoviññāṇena rūparāgādisampayuttena ca kāmāvacaradhammā na viññeyyā, itarena ca viññeyyā. Evaṃ kāmāvacarānameva ārammaṇānaṃ kesañci saddādīnaṃ rūpārammaṇādīhi aviññeyyatā viññeyyatā ca yojetabbā, tathā dvārabhedavasena. Atha vā somanassasahagatasantīraṇaṃ iṭṭhārammaṇamevāti itaraṃ tena na viññeyyaṃ. Evaṃ upekkhāsahagate kusalavipāke akusalavipāke cāti sabbattha yathāyogaṃ yojetabbaṃ, rūpāvacarādayo kāmāvacaravipākādīhi aviññeyyā, kecideva

viññeyyā arūpāvacarehīti yojetabbaṃ anuvattamānattā. **Nibbānena aviññeyyattāti** “kehici aviññeyyā”ti imassa padassa atthasambhavamattaṃ sandhāya vuttaṃ, na nibbānassa anuvattamānamanoviññābhāvato.

1102. **Pañcakāmaguṇikarāgoti** ukkaṭṭhavasena vuttaṃ. Bhavāsavaṃ ṭhapetvā sabbo lobho kāmāsavoti yuttaṃ siyā. Sassatadiṭṭhisahagato rāgo bhavadiṭṭhisampayuttattā “bhavāsavo”ti aṭṭhakathāyaṃ vutto. Bhavāsavo pana “diṭṭhigatavippayuttesu eva uppajjati”ti pāliyaṃ vutto. Sopi rāgo kāmāsavo bhavitum yutto. Diṭṭhadhammikasamparāyikadukkhānaṃ kāraṇabhūtā kāmāsavādayopi dvidhā vuttā.

1103. Kāmāsavaniddese ca **kāmesūti** kāmarāgadiṭṭhirāgādi-ārammaṇabhūtesu tebhūmakesu vatthukāmesūti attho sambhavati. Tattha hi uppajjamānā sā taṇhā sabbāpi na kāmacchandādināmaṃ na labhatīti. Kattukamyatāchando akusalepi uppajjati, na pana dhammacchando.

1105. Aññaṃ jīvanti gahaṇaṃ yadipi upādānakkhandhesveva pavattati, rūpe. Va. Viññāṇe vā pana na patiṭṭhāti. Tato aññaṃ katvā jīvaṃ gaṇhātīti **sassatadiṭṭhi** hotīti. Brahmādiṃ ekaccaṃ attānaṃ “hoti”ti niccato aññaṅca “na hoti”ti aniccato gaṇhantassa “hoti ca na ca hoti”ti **ekaccasassatadiṭṭhi**. “Hoti”ti ca puṭṭhe “nevā”ti, “na hoti”ti ca puṭṭhe “na”iti sabbattha paṭikkhipantassa **amarāvikkhepadīṭṭhi**, amarā anupacchedā, amaramacchasadisī vā vikkhepadīṭṭhī attho.

Pañcakāmaguṇiko rāgo kāmāsavoti vuttoti katvā brahmānaṃ vimānādisu rāgassa diṭṭhirāgassa ca kāmāsavabhāvaṃ paṭikkhipati. Yadi pana lobho kāmāsavabhavāsavavinimutto atthi, so yadā diṭṭhigatavippayuttesu uppajjati, tadā tena sampayutto avijjāsavo āsavavippayuttoti domanassavicikicchuddhaccasampayuttassa viya tassapi āsavavippayuttatā vattabbā siyā “catūsu diṭṭhigatavippayuttesu lobhasahagatesu cittuppādesu uppanno moho siyā āsavasampayutto siyā āsavavippayutto”ti. “Kāmāsavo aṭṭhasu lobhasahagatesu cittuppādesu uppajjati”ti, “kāmāsavaṃ paṭicca diṭṭhāsavo

avijjāsavo”¹ti ca vacanato diṭṭhisahagato rāgo kāmāsavo na hotīti na sakkā vattum. **Kilesapaṭipāṭiyāpi āharitum vaṭṭatīti** āsavānaṃ vacanaṃ pahātabbadassanattanti katvā te pahāne āhariyamānā pahātabbānampi tesam kilesānaṃ uddesakkamena āharitum vaṭṭanti pajahanakānaṃ maggānampīti attho.

1121. **Paṭhamakamānabhājanīyeti** “seyyohamasmī”²ti mānassa niddese. Tattha hi “ekacco jātiyā vā gottena vā kolaputtiyena vā vaṇṇapokkharatāya vā dhanena vā ajjhenena vā kammāyatanena vā sippāyatanena vā vijjāṭṭhānena vā sutena vā paṭibhānena vā aññataraññatarena vā vatthunā mānaṃ jappeti, yo evarūpo māno maññanā -pa- ketukamyatā cittassā”²ti² seyyassa sadisassa hīnassa ca pavattamāno puggalavisesaṃ anāmasitvā seyyamāno vibhattoti imamatthaṃ sandhāya **“eko māno tiṇṇaṃ janānaṃ uppajjatīti kathito”**ti āha. Na kevalaṅcāyaṃ paṭhamakamānabhājanīye eva evaṃ kathito, dutiyakatiyakamānabhājanīyepi kathito evāti nidassanamatthaṃ etaṃ daṭṭhabbaṃ. Atha vā puggale anissāya vuttānaṃ tiṇṇampi mānānaṃ bhājanīyaṃ **“paṭhamakamānabhājanīye”**ti āha. Seyyassa “seyyohamasmīti māno”²ti-ādīnaṃ hi puggalaṃ āmasitvā vuttānaṃ navannaṃ mānānaṃ bhājanīyaṃ dutiyakamānabhājanīyaṃ hoti, tassa mānarāsissa puggalaṃ anāmasitvā vuttamānarāsito dutiyatatiyakattāti, athāpi ca yathāvutte dutiyakamānabhājanīye “ekekassa tayo tayo mānā uppajjantīti kathitan”²ti idha vuttāya atthavaṇṇanāya samānadassanattam **“paṭhamakamānabhājanīye”**ti vuttam. So eva māno idhāgatoti tattha kathito eva attho yujjatīti adhippāyo. **Mānakaraṇavasena**ti “seyyo”²ti-ādikkakaraṇavasena. **Aparāpare upādāyāti** idaṃ purimapurimā mānā aparāpare upanissayabhāvena te uppādentā accuggacchantīti imamatthaṃ sandhāya vuttam. Ketukamyatācittaṃ accuggatabhāvaṃ gacchatīti katvā citteneva visesitaṃ.

1126. Akkhamanabhāvappakāsaṇaṃ **khiyyanaṃ**. **Manena piyakaraṇanti** evaṃkāraṃ pūjanaṃ mānananti vuccatīti attho. **Issākaraṇavasena**ti sābhādi-akkhamaṇakiccavasena.

1. Abhi 10. 154 piṭṭhe.

2. Abhi 2. 366 piṭṭhe.

1127. **Ariyasāvaka**ti vacanaṃ “ariyasāvakanāmyeva paṭivedho atthi, te ca taṃ na maccharāyanti”ti paṭivedhadhamme macchariyābhāvadassanattamaṃ. **Ganthoti** pāḷi. **Kathāmaggoti** aṭṭhakathāpabandho. **Dhammantaranti** kusalādidhammaṃ bhinditvā akusalādiṃ attano lolatāya tathāgatabhāsitaṃ titthiyabhāsitaṃ vā karonto ālolessati. **Attānaṃ āvikatvā**ti attānaṃ aññathā santaṃ aññathā pavedayitvā. **Yo panā**ti titthiyo gahaṭṭho vā attano samayassa sadosabhāvaṃ daṭṭhuṃ anicchanto aññāṇena abhinivesena vā.

Byāpitumanicchoti viviccho, tassa bhāvo **veviccharaṃ**. **Anādaroti** macchariyena dāne ādararahito. Kaṭacchunā gāho bhattassa kaṭacchuggāho, kaṭacchuggāho viya **kaṭacchuggāho**. Yathā hi kaṭacchuggāho yathāvutte bhatte na saṃpasārayati, evaṃ macchariyampi āvāsādisūti. Gayhati etenāti vā gāho, kaṭacchu eva gāho **kaṭacchuggāho**. So yathā saṅkuṭitaggo na saṃpasārayati, evaṃ macchariyampīti. Āvaritvā gahitaṃ aggahitaṃ, tassa bhāvo **aggahitattaṃ**, macchariyaṃ. “Āvāsādi parehi sādharmaṇamasādhāraṇaṃ vā mayheva hotū”ti pavattivasena attasampattiggahaṇalakkhaṇatā, “mā aññassā”ti pavattivasena attasampattinigūhaṇalakkhaṇatā ca yojetabbā. Yaṃ pana “pārasantakaṃ gaṇhitukāmo”ti vuttaṃ, taṃ macchariyassa parasantakalobhassa upanissayabhāvaṃ dassetuṃ vuttanti daṭṭhabbaṃ. Yadi hi taṃ macchariyappavattidassanaṃ, parasampattiggahaṇalakkhaṇatā ca vattabbā siyāti.

1140. Abhijjhākāmarāgānaṃ viseso āsavadvaya-ekāsavabhāvo siyā, na-abhijjhāya no-āsavabhāvo cāti no-āsavalobhassa sabbhāvo vicāretabbo. Na hi atthi “āsavo ca no-āsavo ca dhammā āsavassa dhammassa āsavassa ca no-āsavassa ca dhammassa hetupaccayena paccayo”ti sattamo ca navamo ca pañho. Gaṇanāya ca “hetuyā sattā”ti vuttaṃ, na “navā”ti. Diṭṭhisampayutte pana lobhe no-āsave vijjamāne sattamanavamāpi pañhavissajjanaṃ labheyyuṃ, gaṇanā ca “hetuyā navā”ti vattabbā siyā. Diṭṭhivippayutte ca lobhe no-āsave vijjamāne pubbe dassito dosoti.

1159. Kāmacchandanivaraṇaniddese **kāmesūti** tebhūmakesu sāsavesu sabbesu vatthukāmesu. Sabbo hi lobho kāmacchandanivaraṇaṃ. Teneva tassa āruppe uppatti vuttā “nīvaraṇaṃ dhammaṃ paṭicca nīvaraṇo dhammo uppajjati na purejātapaccayā. Āruppe kāmacchandanivaraṇaṃ paṭicca uddhaccanīvaraṇaṃ avijjānīvaraṇaṃ. Āruppe kāmacchandanivaraṇaṃ paṭicca thinamiddhanīvaraṇaṃ uddhaccanīvaraṇaṃ avijjānīvaraṇaṃ”ti¹.

1162. **Iriyāpathakacittanti** iriyāpathūpatthambhakaṃ aṭṭhapaññāsavidhaṃ cittaṃ. Tattha pana balavathinamiddhasahagataṃ cittaṃ “**iriyāpathaṃ sandhāretuṃ asakkontaṃ**”ti vuttaṃ. **Oliyatīti** olambati.

1163. **Onayhatīti** chādeti, avattharati vā. Nānārammaṇesu pavattinivāraṇena, vipphārikatānivāraṇeneva vā **antosamorodho**. **Ekaccānanti** sirīsādirukkhānaṃ. **Rūpakāyeneva siyuruṃ**, tena sukhaṇṇapaṭisaṃvedananibbānasacchikiriyānaṃ rūpatāpatti siyāti adhippāyo. **Tasmāti** “kāyassā”ti vacanassa rūpatāsādhakattā. **Na hi nāmakāyo supatīti** idaṃ thinamiddhasamuṭṭhitarūpehi rūpakāyassa garubhāvappattaṃ aṅgapaccaṅgādīnaṃ saṃsīdanaṃ soppanti sandhāya vuttaṃ, na jāgaraṇacittarahitaṃ bhavaṅgasantatinti. **Tassa phalattāti** phalūpacārena indriyaṃ viya middhaṃ dassetuṃ middhassa phalattā indriyaniddese viya liṅgādīni middhaniddeseṇi soppādīni vuttānīti attho.

Rūpakāyassa antosamorodho natthīti so nāmakāye vuttoti viññāyati. Tena saha vuttā onāhapariyonāhā ca. Rūpakāyassa vā vipphārikāvīpphārikabhāvo nāma attano sabhāvena natthi, nāmakāyassa nāmakāye vipphārike lahuco, avīpphārike garukoti avīpphārikabhāvena onāhanādi nāmakāyasseva hotīti onāhanādayopi nāmakāye viññāyanti. Tenāha “**na hi rūpaṃ nāmakāyassa onāho -pa- hotī**”ti. Āvaraṇabhāvo viya hi onāhanādibhāvopi nāmakāyasseva hotīti. Itaro adhippāyaṃ ajānanto meghādīhi rūpehi rūpānaṃ onāhanādiṃ passanto “**nanu cā**”ti-ādimāha. **Yadi evanti** yadi rūpassa onāhanādītā siddhā, arūpassa na

1. Abhi 10. 298 piṭṭhe.

siyā, setubandhādīsu rūpassa āvaraṇaṃ diṭṭhanti āvaraṇampi arūpassa na bhaveyyāti attho.

Surāmerayapānaṃ akusalanti katvā yutto tassa upakkilesabhāvo, surā -pa- pamādaṭṭhānānuyogassa ca akusalattā paññāya dubbalīkaraṇabhāvo yutto, tathāpi parassa adhippāyaṃ anujānitvā surāmerayassa upakkilesatā paññāya dubbalīkaraṇatā ca upakkilesānaṃ paññāya dubbalīkaraṇānaṃ paccayattā phalavohārena vuttāti dassento āha “**na, paccayaniddesato**”ti. **Evameva khoti** yathā jātarūpassa ayo lohaṃ tipu sīsaṃ sajjanti pañcupakkilesehi upakkiliṭṭhaṃ jātarūpaṃ na ceva mudu hoti, na ca kammaniyaṃ, na ca pabhassaraṃ pabhaṅgu ca, na ca sammā upeti kammāya, evameva. **Paccayaniddesatoti** upakkilesapaññādubbalīkaraṇānaṃ paccayabhāvaniddesato paccaye phalaniddesatoti attho. Sayameva kilesa upakkilesaniddesesu niddiṭṭhoti adhippāyo.

Nīvaraṇaṃ hutvāva nīvaraṇasampayutte dassiyamāne na nīvaraṇatādassanattho ārambho, atha kho siddhanīvaraṇabhāvassa nīvaraṇasampayuttatā dassanatthoti yathālābhavasena ca asampayuttassa vacanaṃ na yujjati yathā hi **tiṭṭhantampi carantampī**ti sippisambukādīsu yathālābhasambhavaṃ taṃ dvayaṃ vuttaṃ, na evaṃ “thinamiddhanīvaraṇaṃ sampayuttampi asampayuttampī”ti vacanaṃ atthi, yaṃ yathālābhaṃ sambhaveyyāti. **Cittajassāsambhavavacanatoti** “cattattā”ti-ādivacanassa jhānakkhaṇe cittajassa thinamiddhassa asambhavavacanabhāvatoti attho, “cattattā”ti-ādivacanena vā asambhavassa vacanato pakāsanatoti attho.

Kāmesu kho pana -pa- sudiṭṭhoti iminā kāmādīnave aññāṇassa pahānamāha. **Taṃ tattha pahānanti** taṃ tattha rūpe pahānanti pahānaṃ apekkhitvā “tan”ti vuttaṃ, taṃ vinayananti vā attho. Tena rūpassa appahātabbameva dasseti, na pana “cha dhamme pahāyā”ti-ādīsu middhassa appahātabbatādassanato¹ añño pakāro vutto. **Na yathā -pa- vuttanti** cha dhammā pañca nīvaraṇāni ca yathā pahātabbāneva

1. Pahātabbatādassanato (Ka)

hontāni “pahātabbānī”ti vuttāni, na evaṃ rūpaṃ pahātabbameva hontaṃ
“pahātabban”ti vuttanti attho.

Aññehi ca suttehīti vuttasuttānaṃ dassanatthaṃ “**tathā hī**”ti-ādimāha.
Kusalappavattim āvarantīti **āvaraṇā**. Nīvārentīti **nīvaraṇā**. Cittaṃ
abhibhavantā ārohanīti **cetaso ajjhāruhā**. Āvaraṇādikiccaṅca arūpasseva
yujjati, tathā andhakaraṇādikiccaṃ. Tattha catūsu padesu purimapurimassa
pacchimapacchimo attho. Samsāradukkhaṃ vighāto, tamjanakatāya
vighātapakkhikaṃ. Cetaso pariyuṭṭhānaṃ ayonisomanasikārato uppatti
akusalarāsibhāvo ca arūpasseva hotīti arūpameva middhaṃ.

1166. Gaṇabhojanādi-akappiyabhojanaṃ kappiyasaññī bhuñjitvā puna
jānitvā koci vippaṭṭisārī hoti, anavajjaṅca bhikkhudassanacetiyaṃ vandanādiṃ
vajjasaññī akatvā katvā ca koci assaddho vippaṭṭisārī hoti. **Vatthunti** mūlaṃ.
Evarūpanti mūlavasena evaṃpakāranti attho. Kukkucapadaṃ
yevāpanakesu “kucchitaṃ kataṃ kukataṃ, tassa bhāvo”ti vuttatthameva.
Kukkuccāyanākāroti kukkucabhāvanākāro kukkucakaraṇākāro
kukkucagamānākāro vā. Etena kukkucāṃ kiriyabhāvena dasseti. “Kappati
na kappati”ti pavattacittuppādova **vinayakukkucāṃ**.

1176. Cittavikkhipanakicca-sāmaññena uddhaccaṃ kukkucāṅca saha
vuttanti veditabbaṃ. Kāmacchandassa anāgāmi maggena pahānaṃ
ukkaṭṭhanīvaraṇavasena vuttanti veditabbaṃ. Yadi hi lobho nonīvaraṇo siyā,
“nonīvaraṇo dhammo nīvaraṇassa dhammassa hetupaccayena paccayo”ti-ādi
vattabbaṃ siyā, na cetaṃ vuttaṃ. Gaṇanāya ca “hetuyā cattārī”ti vuttaṃ, na
“navā”ti. Tasmā sabbo lobho kāmacchandanivaraṇanti arahattamaggenassa
pahānavacanaṃ vuttaṃ.

1219. **Kāmo cāti** kilesakāmo ca. **Purimadiṭṭhim uttaradiṭṭhi upādiyatī**
purimadiṭṭhim “sassato”ti gaṇhantī upādiyati, purimadiṭṭhi-ākāreneva vā
uppajjamānā uttaradiṭṭhi teneva purimadiṭṭhim dalhaṃ karontī tam
upādiyatīti vuttaṃ. **Gosīlagovatādīnī**ti tathābhūtaṃ diṭṭhimāha.

Abhinivesatoti abhinivesabhāvato, abhinivisanato vā. **Attavādamattamevāti** attassa abhāvā “attā”ti idaṃ vacanamattameva. **Upādiyanti** daḷhaṃ gaṇhanti. Kathaṃ? **Attāti**. Attāti hi abhinivisanā vacanameva daḷhaṃ katvā gaṇhantīti attho. Evaṃ attavādamattameva upādiyantīti vuttaṃ. “Attavādamattan”ti vā vācāvattumattamāha. Vācāvattumattameva hi “attā”ti upādiyanti atthassa abhāvāti.

1221. **Dinnanti** dānamāha, taṃ aphaḷattā rūpaṃ viya dānaṃ nāma na hotīti paṭikkhipati. Mahāvijitayaññasadiso yañño **mahāyāgo**. Āmantetvā havanaṃ dānaṃ **āhunaṃ**, pāhunaṃ atithīnaṃ atithikiriya **pāhunaṃ**, āvāhādīsu maṅgalatthaṃ dānaṃ **maṅgalakiriya**. **Paraloke ʘhito imaṃ lokaṃ “natthī”ti gaṇhātīti** imaṃ lokaṃ avekkhitvā paraloko, parañca avekkhitvā ayaṃ loko hoti gantabbato āgantabbato cāti paralokato idhāgamanassa abhāvā tattheva ucchijjanato cittaṃ paraloke ʘhito imaṃ lokaṃ “natthī”ti gaṇhātīti attho veditabbo. Na hi ayaṃ diṭṭhi paraloke nibbattasseva hotīti. **Idhalokethitoti** etthāpi ayaṃ nayo. Ayaṃ vā ettha attho “saṃsaraṇappadeso idhaloko ca paraloko ca nāma koci natthi saṃsaraṇassa abhāvā tattha tattheva ucchijjanato”ti. Purimabhavato pacchimabhava upapataṇaṃ upapāto, so yesaṃ sīlaṃ, te **opapātikā**. Te pana cavanakā upapajjanakā hontīti katvā āha “**cavanaka-upapajjanakasattā natthīti gaṇhātī**”ti. **Anulomappaṭipadanti** nibbānānukūlaṃ sīlādippaṭipadaṃ.

1236. **Nippadesatova gahitoti** iminā yaṃ āsavagocchake brāhmānaṃ kapparukkhādīsu rāgassa ca diṭṭhirāgassa ca asaṅgahaṇena nīvaraṇagocchake ca kāmaccchandassa anāgāmimaggena pahātabbatādassanena sappadesattaṃ vuttaṃ, taṃ nivāritaṃ hoti. **Arahattamaggenāti** vacanena catūhi maggehi pahātabbatā vuttāti daṭṭhabbaṃ. Na hi purimehi atanukatā mohādayo arahattamaggena pahīyantīti.

1287. **Nirati-atthenāti** pītivirahena, balavanikantivirahena vā. Na hi dukkhāya vedanāya rajjanīti. Ava-saddena avagāhattho adho-attho cāti dvidhā **ava-saddassa** attho vutto.

1301. Vicikicchāsahagato moharaṇo pahānekaṭṭhena diṭṭhisampayuttena rāgaraṇena **saraṇo**, uddhaccasahagato rūparāga-arūparāgasañkhātena. **Araṇavibhaṅgasutte**¹ pana “yo kāmapaṭisandhisukhino somanassānuyogo hīno gammo pothujjaniko anariyo anatthasamhito, sadukkho eso dhammo sa-upaghāto sa-upāyāso sapaṇiḷāho micchāpaṭipadā. Tasmā eso dhammo saraṇo”ti-ādivacanato phalabhūta dukkha-upaghāta-upāyāsapaṇiḷāhasabhāvabhūto micchāpaṭipadābhāvova “saraṇo”ti viññāyatīti tehi sabbākusalānaṃ saraṇatā siddhā hotīti.

Suttantikadukanikkhepakathāvaṇṇanā

1303. **Vivecitattā**ti visum katattā pakāsittatā. **Asesetvā khepetī**ti vajjiraṃ attanā patitaṭṭhānaṃ asesetvā khepeti puna apākatikatā-āpādanena.

1311. **Tappatī**ti vipaṭisārī hoti, anusocati vā.

1313. **Ahanti** iti-saddaparena ahaṃ-saddena hetubhūtena yo attho viññāyati, so saṃkathīyati, udīriyatīti attho. Aññathā hi vuccamānassa vacanena pakāsiyamānassa padatthassa **saṅkhā**dibhāve sabbesaṃ kusalādidhammānaṃ adhivacanādītā siyāti. **Bhāvoti** sattavevacananti bhaṇanti, dhātuyā vā etaṃ adhivacanam. **Dattoti** ettāvataṃ sattapaññattim dassetvā aññampi upādāpaññattim dassetuṃ “**mañco**”ti-ādimāha. **Ahanti** ca pavattaṃ adhivacanam vadantena suṇantena ca pubbe gahitasaññena atthapakāsanabhāvena viññāyati. Na hi tasmim aviññāte tadatthavijānaṃ atthīti visesena adhivacanam “ñāyatīti **samaññā**”ti vuttam. Etassatthassa ahanti idaṃ adhivacananti evaṃ vā saññāgahaṇavasena ñāyati samaññāyati pākātā hotīti **samaññā**. **Paññāpiyatī**ti ahanti idaṃ etassa adhivacananti evaṃ ṭhapīyatīti attho. **Vohariyatī**ti vuccati. **Uddheyyanti** uddharitabbaṃ. **Api nāmasahassatoti** anekehipi nāmasahassehīti attho. Sayameva upapatanasīlam nāmaṃ “**opapāṭikanāman**”ti vuccati.

1. Ma 3. 278 piṭṭhe.

Karīyatīti kammaṃ, nānameva kammaṃ **nāmakammaṃ**. Tathā **nāmaveyyaṃ**. Karaṇaṭhapanasaddāpi hi kammaṭṭhā hontīti. Atha karaṇaṭṭhā, karīyati ca ṭhapīyati ca etena attho evaṃnāmoti paññāpīyatīti karaṇaṃ ṭhapanāṅca nāma hoti. Atha bhāvatthā, ñāpanamattameva karaṇaṃ ṭhapananti ca vuttaṃ. **Nāmanirutti nāmabyañjananti** nāmamicceva vuttaṃ hoti. Na hi pathavīsaṅkhātaṃ atthappakāramattaṃ nivadati byañjayati vā pathavīti nāmaṃ nivadati byañjayati vā, tasmā anāmassa niruttibyañjanabhāvanivāraṇaṭṭhaṃ “nāmanirutti nāmabyañjanan”ti vuttaṃ. Evaṃ **nāmābhilāpoti** etthāpi nayo. Ettha pana saṅkhā samaññā paññatti vohāroti catūhi padehi paññāpitabbato paññatti vuttā, itarehi paññāpanato.

Tattha ca “purimā upādāpaññatti uppādavayakiccarahitā lokasaṅketasiddhā, pacchimā nāmapaññatti, yāya purimā paññatti rūpādayo ca sotadvāraṇiññāṇasantānānantaramuppanna gahitapubbasāṅketena manodvāraṇiññāṇasantānena gahitāya paññāpīyanti”ti ācariyā vadanti. Etasmim̐ pana imissā pāḷiyā aṭṭhakathāya ca atthe sati yaṃ vuttaṃ mātīkāyaṃ “vacanamattameva adhikāraṃ katvā pavattā adhvacaṇā nāma, sahetukaṃ katvā vuccamānā abhilāpā nirutti nāma, pakārena ñāpanato paññatti nāmā”ti¹, tena virodho siyā. Na hi uppādavayakiccarahitassa vacanamattaṃ adhikāraṃ katvā pavatti atthi uppādādisahitasseva pavatti sabbhāvato, na ca vacanavacanatthavimuttassa nāmassa niddhāretvā sahetukaṃ katvā vuccamānatā atthi, nāpi aniddhāritasabbhāvassa padatthassa tena tena pakārena ñāpanaṃ atthīti.

Duvidhā cāyaṃ paññatti yathāvuttappakārāti aṭṭhakathāvacanaṅca na dissati, aṭṭhakathāyaṃ pana vijjamānapaññatti-ādayo cha paññattiyova vuttā. Tattha “rūpaṃ vedanā”ti-ādikā vijjamānapaññatti. “Itthi puriso”ti-ādikā avijjamānapaññatti. “Tevijjo chaḷabhiñño”ti-ādikā vijjamānena avijjamānapaññatti. “Itthisaddo purisasaddo”ti-ādikā avijjamānena vijjamānapaññatti. “Cakkhuvīññāṇaṃ sotavīññāṇaṃ”ti-ādikā vijjamānena vijjamānapaññatti. “Khattiyakumāro brāhmaṇakumāro”ti-ādikā avijjamānena avijjamānapaññatti. Na cettha yathāvuttappakāro duvidhā paññatti

1. Abhi-Ṭṭha 1. 94 piṭṭhe.

vuttāti sakkā viññāturū. Vijjamānassa hi saṅkhā -pa- abhilāpo vijjamānapaññatti. Avijjamānassa ca saṅkhādikā avijjamānapaññatti. Tesāmyeva visesanavisesitabbabhāvena pavattā saṅkhādayo itarāti.

Avijjamānapaññattivacanena paññāpitabbā upādāpaññatti, tassā paññāpanabhūtā nāmapaññatti ca vuttā, itarehi nāmapaññattiyeva yathāvuttāti ce? Na, asiddhattā. Sati hi ujuke purime pāḷi-anugate atthe ayamatto imāya aṭṭhakathāya vuttoti asiddhametaṃ. Yadi ca sattarathaghaṭādidisākālakasiṇa-ajaṭākāsakasiṇuḅghāṭimākāsa-ākīṇcaññāyatanavisayanirodhasamāpatti-ādippakārā upādāpaññatti avijjamānapaññatti, eteneva vacanena tassā avijjamānatā vuttāti na sā atthīti vattabbā. Yathā ca paññāpitabbato avijjamānānaṃ sattādīnaṃ avijjamānapaññattibhāvo, evaṃ rūpādīnaṃ vijjamānānaṃ paññāpetabbato vijjamānapaññattibhāvo āpajjati. Tato “sabbe dhammā paññatti”ti paññattipathehi avisiṭṭho paññattidhammaniddeso vattabbo siyā. Athāpi paññāpitabbapaññāpanavisesadassanatto saṅkhādiniddeso, tathāpi “ekadhammo sabbadhammesu nipatati, sabbadhammā ekadhammasmiṃ nipatanti”ti-ādīnā paññāpitabbānaṃ paññattipathabhāvassa dassitattā paññāpitabbānaṃ paññattibhāve paññattipathā paññattisaddeneva vuttāti paññattipathapadaṃ na vattabbaṃ siyā, nāpi sakkā paññāpitabbapaññāpanavisesadassanatto saṅkhādiniddesoti vattum saṅkhādisaddānaṃ samānatthattā. Vuttañhi “maraṇenapi taṃ pahiyati, yaṃ puriso mamidanti maññati”ti¹ ettha “purisoti saṅkhā samaññā -pa- abhilopo”ti¹. Tathā “māgaṇḍiyoti tassa brāhmaṇassa nāmaṃ saṅkhā samaññā”ti-ādi. Na ca “ayaṃ itthannāmo”ti saṅketaggahaṇaṃ “rūpaṃ tisso”ti-ādivacanaggahaṇaṃ muñcitvā aññassa asiddhasabhāvassa atthapaññāpane samatthatā sambhavati, tesaṅca asamatthatā. Yadi hi tesāṃ vinā paññattiyā atthapaññāpane asamatthatā siyā, paññattipaññāpane ca asamatthatāti tassā aññā paññatti vattabbā siyā, tassā tassāti anavatthānaṃ, tato atthavijānanaṃeva na siyā, nāpi saṅketaggahaṇaṃ saṅketassa paññattibhāve “ayaṃ imassa bhāsitaṃ attho”ti vā, “imassatthassa idaṃ vacanaṃ jotakan”ti vā. Saññuppādamatte pana saṅketaggahaṇe vacanassa

1. Khu 7. 96 piṭṭhe.

2. Khu 7. 144, 148 piṭṭhesu.

vacanatthavinimuttassa kappane payojanaṃ natthi. “Buddhassa bhagavato vohāro lokiye sote paṭihaññati”¹, “abhiñāsi no tvaṃ ānanda ito pubbe evarūpaṃ nāmadheyyaṃ sutāṃ yadidaṃ janavasabho”², “nāmañca sāveta koṇḍañño ahaṃ bhagavā”³ ādīhi ca paññattiyā vacanabhāvo siddho. Tasmā pāliyā aṭṭhakathāya ca aviruddho attho vicāretvā gahetabbo.

Yadi sattādayo avijjamānapaññatti na honti, kā pana avijjamānapaññatti nāmāti? Pakāsito ayamatto “avijjamānānaṃ sattādīnaṃ saṅkhā -pa-abhilāpo avijjamānapaññatti”⁴ti. Sattādīnañca avijjamānatā atthitā neva vattabbā, ye ca vadeyyuṃ, “rūpādīni viya avijjamānatā avijjamānatā vuttā, na natthibhāvato”⁵ti, ayañca vādo hevatthikathāya⁴ paṭisiddho, na ca rūpaṃ vedanā na hotīti avijjamānaṃ nāma hoti. Evaṃ sattādayopi yadi atthi, rūpādayo na hontīti avijjamānāti na vattabbā. Yasmā pana yesu rūpādīsu cakkhādīsu ca tathā tathā pavattamānesu “satto itthī ratho ghaṭo”⁴ti-ādikā vicittasaññā uppajjati, saññānulomāni ca adhivacanāni, tehi rūpacakkhādīhi añño sattarathādīsaññāvalambito vacanattho vijjamāno na hoti, tasmā sattarathādī-abhilāpā “avijjamānapaññatti”⁴ti vuccanti, na ca te “musā”⁴ti vuccanti lokasamaññāvasena pavattattā. Tato eva te abhilāpā “sammutisaccan”⁴ti vuccanti. So ca vacanattho sayāṃ avijjamānopi vijjamānassa vacanasseva vasena paññattivohāraṃ labhati, “sammutisaccan”⁴ti ca vuccati yathāgahītasāññāvasena pavattavacanatthabhāvato. “Sammutiññānaṃ saccārammaṇameva, nāññārammaṇan”⁵ti⁵ kathāya ca “pathavīkasiṇādi cīvarādi ca sammutisaccamhī”⁴ti imināva adhippāyena vuttanti viññāyati. Yasmā rūpādīsu santānena pavattamānesu ekattaggahaṇavasena te amuñcitvā pavattaṃ sattādiggahaṇaṃ cakkhuvīññānādīni viya rūpādīsu tesu khandhesu cakkhādīsu ca asantaṃ avijjamānaṃ sattarathādīṃ gaṇhāti, tasmā taṃ parittārammaṇādibhāvena na vattabbanti vuttaṃ. Tathā yaṃ khandhasamūhasantānaṃ ekattena gahitaṃ upādāya “kalyāṇamitto

1. Abhi 4. 169 piṭṭhe.

2. Dī 2. 166 piṭṭhe.

3. Saṃ 1. 195 piṭṭhe.

4. Sovatthikathāya (Ka) Abhi 4. 124 piṭṭhe pana passitabbaṃ.

5. Abhi 4. 233 piṭṭhe.

pāpamitto puggalo”ti gahaṇaṃ paññatti ca pavattati, taṃ tadupādānabhūtaṃ puggalasaññāya sevamānassa kusalākusalānaṃ uppatti hotīti “puggalopi upanissayapaccayena paccayo”ti¹ vuttaṃ. Yasmā pana puggalo nāma koci bhāvo natthi, tasmā yathā āpodhātu-ādīni cittena vivecetvā pathavīdhātu upalabbhati, na evaṃ rūpādayo khandhe vivecetvā puggalo upalabbhati. Paṭisedhitā ca puggalakathāya puggaladiṭṭhi. Vajirāya ca bhikkhuniyā vuttaṃ—

“Kaṃ nu sattoti paccesi, māra diṭṭhigataṃ nu te.
Suddhasaṅkhārapuñjoyaṃ, nayidha sattupalabbhatī”ti².

Sattoti pana vacanassa paññattiyā pavattim dassetum sā evamāha—

“Yathāpi aṅgasambhārā, hoti saddo ratho iti.
Evaṃ khandhesu santesu, hoti sattoti sammutī”ti².

Yadi puggalo na vijjati, kathaṃ puggalaggahaṇassa sārammaṇatā siyāti? Avijjamānassapi ārammaṇassa gahaṇato. Avijjamānampi hi parikappitaṃ lokasaññātaṃ vā vijjamānaṃ vā sabhāvabhūtaṃ ārammaṇaṃ gahetvāva uppajjanato sārammaṇatā vuttā. Sārammaṇāti hi vacanaṃ cittacetāsikānaṃ ārammaṇena vinā appavattiññeva dīpeti, na tehi gahitassa ārammaṇassa vijjamānataṃ avijjamānataṃ vāti. Ayaṃ saṅkhatāsaṅkhatavinimuttassa atthitapaṭisedhaṃ sabbathā anuvattantānaṃ vinicchayo.

1316. **Nāmakaraṇaṭṭhenā**ti aññaṃ anapekkhitvā sayameva attano nāmakaraṇasabhāvatoti attho. Yañhi parassa nāmaṃ karoti, tassa ca tadapekkhattā aññāpekkhaṃ nāmakaraṇanti nāmakaraṇasabhāvatā na hoti. Tasmā mahājanassa ñātīnaṃ guṇānañca sāmāññanāmādikāraṇānaṃ nāmabhāvo nāpajjati. Yassa ca aññehi nāmaṃ kariyati, tassa ca nāmakaraṇasabhāvatā natthīti natthiyeva nāmabhāvo, vedanādīnaṃ pana sabhāvasiddhattā vedanādīnaṃmassa nāmakaraṇasabhāvato nāmatā vuttā. Pathavī-ādinidassanena nāmassa sabhāvasiddhataṃyeva nidasseti, na nāmabhāvasāmāññaṃ, niruḷhattā pana nāmasaddo arūpadhammesu eva vutto, na pathavī-ādīsūti na tesam nāmabhāvo. Mātikāya ca pathavī-ādīnaṃ

1. Abhi 8. 6 piṭṭhe.

2. Saṃ 1. 137; Khu 7. 347; Abhi 4. 58 piṭṭhesu.

nāmatānāpatti vuttāva. Na hi pathavī-ādināmaṃ vijahitvā kesādināmehi rūpadhammānaṃ viya vedadādināmaṃ vijahitvā aññena nāmena arūpadhammānaṃ voharitabbena piṇḍākārena pavatti atthīti.

Atha vā rūpadhammā cakkhādayo rūpādayo ca tesam pakāsakapakāsitabbabhāvato vinā nāmena pākaṭā honti, na evaṃ arūpadhammāti adhivacanasamphasso viya nāmāyattagahaṇīyabhāvena “nāman”ti vuttā, paṭighasamphassopi na cakkhādīni viya nāmena vinā pākaṭoti “nāman”ti vutto. Arūpatāya vā aññanāmasabhāvattā saṅgahitoyam, aññaphassasabhāgattā vā. Vacanatthopi hi “rūpayatīti rūpaṃ, nāmayaṭīti nāman”ti idha pacchimapurimānaṃ sambhavati. **Rūpayatīti** vināpi nāmena attānaṃ pakāsayaṭīti attho, **nāmayaṭīti** nāmena vinā apākaṭabhāvato attano pakāsakaṃ nāmaṃ karotīti attho. **Ārammaṇādhipatipaccayatāyāti** satipi rūpassa ārammaṇādhipatipaccayabhāve na paramassāsabhūtaṃ nibbānaṃ viya sātisaṃ tamnāmanasabhāvena paccayoti nibbānameva “nāman”ti vuttaṃ.

1318. **Vaṭṭamūlasamudācāradasanattanti** sattānaṃ vaṭṭamūlasamudācāro nāma avijjā ca bhavataṇhā ca, taṇḍassanattanti attho. Tattha samudācaratīti samudācāro, vaṭṭamūlameva samudācāro vaṭṭamūlasamudācāro, vaṭṭamūladassanena vaṭṭamūlānaṃ pavatti dassitā hotīti vaṭṭamūlānaṃ samudācārassa dassanattantipi attho.

1320. Ekekasmīṇca attāti ca lokoti ca gahaṇavisesaṃ upādāya “**attā ca loko cā**”ti vuttaṃ. Ekaṃ vā khandhaṃ attato gahetvā aññaṃ attano upabhogabhūto lokoti gaṇhantassa attano attānaṃ “attā”ti gahetvā parassa attānaṃ “loko”ti gaṇhantassa vā vasena “**attā ca loko cā**”ti vuttaṃ. **Tam bhavissatīti** taṃ dvidhāpi gahitaṃ khandhapañcakaṃ bhavissatīti niviṭṭhā parāmasantīti attho.

1332. Saha sikkhitabbo dhammo sahadhammo, tattha bhavaṃ **sahadhammikaṃ**. Kammatthe vattamānato dovacassasaddato āya-saddaṃ anaññatthaṃ katvā “dovacassāyan”ti vuttanti adhippāyena “**dubbacassa kamman**”ti āha. Dovacassassa vā ayaṇaṃ pavatti **dovacassāyaṃ**. Vacanassa paṭiviruddhavacanaṃ

paṭāṇīkagahaṇaṃ. Guṇehi garūsu gāravena vasanaṃ **garuvāso.** Jāti-ādīhi jeṭṭhakesu paṭissuṇitabbesu vasanaṃ **sajeṭṭhakavāso.** Ottappitabbā vā **garuno.** Hiriyitabbā **jeṭṭhakā.** Yāya cetaṇāya dubbaco hoti, sā dovacassatā bhavituṃ arahaṭīti “**saṅkhārakkhandhoyevā**”ti āha.

1333. Du-saddena yuttaṃ nāmaṃ **dunnāmaṃ.** Anupasaṅkamantassapi anusikkhanaṃ sevanāti adhippāyena “**bhajanāti upasaṅkamaṇā**”ti āha. **Sabbatobhāgenāti** kāyavācācittēhi āvi ceva raho ca.

1336. **Vinayoti** vibhaṅgakhandhakā vuttā. Vatthuvītikkamato pubbe parato ca āpattiṃ āpajjanto nāma na hotīti saha vatthunā āpattiṃ paricchindati. Tenāha “**saha vatthunā -pa- āpattikusalatā nāmā**”ti. **Saha kammavācāyāti** abbhānatiṇavattthārakakammavācāya “ahaṃ bhante itthannāmaṃ āpattiṃ āpajjin”ti-ādikāya ca. Saheva hi kammavācāya āpattivuṭṭhānaṅca paricchindaṭīti. Āpattiyā vā kāraṇaṃ **vatthu,** vuṭṭhānassa kāraṇaṃ **kammavācāti** kāraṇena saha phalassa jānanavasena “**saha vatthunā saha kammavācāyā**”ti vuttaṃ.

1338. Ayamevattho **saha parikammenāti** ettha vutto. **Vuṭṭhānakapaññāyāti** vuṭṭhānassa kāraṇabhūtāya parikammaapaññāya.

1340. Dhātuvisayā sabbāpi paññā **dhātukusalatā,** tadekadesā manasikārakusalatāti adhippāyena purimapadepi **uggahamanasikārajānanapaññā** vuttā. Purimapade vā vācuggatāya dhātupāḷiyā manasikāraṇaṃ “manasikāro”ti vuttaṃ. Tattha uggaṇhantī manasikarontī dhātupāḷiyā atthaṃ suṇantī ganthato ca atthato ca dhārentī “ayaṃ cakkhudhātu nāmā”ti-ādinā sabhāvato aṭṭhārasevāti gaṇanato ca paricchedaṃ jānantī ca paññā **uggahapaññādikā** vuttā. Pacchimapade pañcavidhāpi sā paññā uggaḥoti tato ca pavatto aniccādīmanasikāro “uggahamanasikāro”ti vutto, tassa jānanaṃ pavattanameva, yathā pavattaṃ vā uggaḥaṃ, evameva pavatto uggaḥoti jānanaṃ **uggahajānanaṃ.** Manasikāropi “evaṃ pavattetabbo evaṅca pavatto”ti jānanaṃ **manasikārajānanaṃ.** Tadubhayampi

manasikāraḥkosallanti vuttaṃ. Uggahopi hi manasikārasampayogato manasikāraniruttiṃ laddhuṃ yuttoti yo ca manasi kātabbo, yo ca manasikaraṇupāyo, sabbo so manasikāroti vuttuṃ vaṭṭatīti tattha ca kosallaṃ **manasikāraḥkosallatīti**.

1342. **Tisupi vā -pa- vaṭṭatīti** tassā ca uggahādibhāvo vutto.

Sammasanaṃ paññā, sā maggasampayuttā aniccādisammasanakkiccamā sādheti niccasaññādipajahanato. **Manasikāro** sammasanasampayutto tatheva aniccādimanasikāraḥkosallatīti maggasampayutto sādheti. Tenāha “**sammasanamanasikāraḥ lokiyalokuttaramissakā**”ti. **Iminā pana paccayena idaṃ hotīti** evaṃ avijjādīnaṃ saṅkhārādipaccayuppannaṃ paccayabhāvajānaṃ **paṭiccasamuppādakusalatīti** dasseti.

1344. **Ambabījādīni** anupādinnaḥkosallatīti vuttāni.

Sotaviññāḥkosallatīnaṃ visabhāgā ananurūpā anuppādakāyeva cakkhādayo “**visabhāgapaccayā**”ti vuttā, tehi anuppajjamānāneva ca sotaviññāḥkosallatīni “**visabhāgapaccayasamuppādanadhammā**”ti. Sotaviññāḥkosallatīnaṃ vā visabhāgassa cakkhuviññāḥkosallatīnaṃ paccayoti visabhāgapaccayo, cakkhāyatanassa visabhāgena sotāyatanena paccayena samuppanno **visabhāgapaccayasamuppanno**.

1346. Ajjavaniddese **ajjavo ajjavatīti** ujutā ujukatā icceva vuttaṃ hotīti ajjavamaddavaniddesesu ujukatā mudutānidheschi visesaṃ maddavaniddese vuttaṃ “**nīcacittatā**”ti padamāha. Tattha “nīcacittatā mudutā”ti puna mudutāvacaṇaṃ nīcacittatāya visesaṇatthaṃ. Omānopi hi nīcacittatā hoti, na pana mudutāti.

1348. Pasesaṃ dukkaṭaṃ duruttaṅga paṭivirodhākarāṇena **attano upari āropetvā vāsenti**. **Cittassa sakamanatīti** cittassa abyāpanno sako manobhāvoti attho. Cittanti vā cittappabandhaṃ ekattena gahetvā tassa antarā uppannaṃ pītisahagatamaṇaṃ sakamanattaṃ āha. Attamaṇo vā puggalo, tassa bhāvo attamaṇatā. Sā na sattassatīti puggaladiṭṭhinivāraṇattaṃ “**cittassā**”ti vuttaṃ.

1349. Kāyavācāhi kattabbassa akaraṇena asādiyitabbassa sādīyanena ca **manasāpi ācarati** eva, indriyasamvarādibhedanavasena vā etaṃ vuttanti veditabbam.

1350. Sadosavaṇe rukkhe niyyāsapiṇḍiyo, ahicchattakāni vā uṭṭhitāni “**aṇḍakāni**”ti vadanti. Pheggurukkhasa pana kuthitassa aṇḍāni viya uṭṭhitā cuṇṇapiṇḍiyo gaṇṭhiyo vā “**aṇḍakāni**”ti veditabbā. Padumanālaṃ viya sotaṃ ghaṃsayamānā viya pavisantī **kakkasā** daṭṭhabbā. Kodhena nibbattā tassa parivārabhūtā **kodhasāmantā**. Pure samvaḍḍhanārī porī, sā viya sukumārā mudukā vācā porī viyāti **porī**. **Tatthāti** “bhāsītā hotī”ti vuttāya kiriyāyātipi yojanā sambhavati, **tattha** vācāyāti vā. **Sanhavācatāti**-ādinā taṃ vācam pavattayamānaṃ cetanaṃ dasseti.

1351. Āmisālābhena yaṃ chiddaṃ hoti, taṃ āmisālābhena “**chiddan**”ti vuttaṃ. **Dveyeva hīti** yathāvuttāni āmisadhammālābhehi pavattamānāni chiddāni āha. **Gamanasabhāgenāti** gamanamaggassa anucchavikadisābhāgena. **Sanḅahapakkhe thatvāti** saṅghaṃ karomicceva kathetabbam, na lābhasakkāraḅamatādīhīti attho. Avassaṃ kātabbam **kiccaṃ**, itaraṃ **karaṇīyaṃ**. Abbhānato aññaṃ āpattivuṭṭhānaṃ “**vuṭṭhānan**”ti vuttaṃ.

1352. **Sasambhāarakathāti** dassanassa kāraṇasahitāti attho, sasambhāarassa vā dassanassa kathā **sasambhāarakathā**. **Yassa cakkhundriyāsamvarassa hetūti** vatvā puna “**tassa cakkhundriyassa satikavāṇena pidahanatthāyā**”ti vuttaṃ, na asamvarassāti. Tadidaṃ yaṃ cakkhundriyāsamvarassa hetu abhijjhādi-anvāssavanaṃ dassitaṃ, taṃ asamvutacakkhundriyasseva hetupavattaṃ dassitanti katvā vuttanti vedibbam, **yatvādhikaraṇanti** hi yassa cakkhundriyassa kāraṇāti attho. Kassa ca kāraṇāti? Asamvutassa. Kiṅca asamvutaṃ? Yassa cakkhundriyāsamvarassa hetu anvāssavanti tadupalakkhitaṃ, tassa samvarāyāti ayamatthayojanā.

Javanakkhaṇe pana dussīyaṃ vāti-ādi puna avacanattham idheva sabbaṃ vuttanti chasu dvāresu yathāsambhavaṃ yojetabbam. Na hi pañcadvāre kāyavacīduccaritasāṅkhātāṃ dussīyaṃ atthīti. **Yathā kinti**-ādinā nagaradvāre asamvare

sati taṃsambandhānaṃ gharādīnaṃ asaṃvutatā viya javane asaṃvare sati taṃsambandhānaṃ dvārādīnaṃ asaṃvutatāti evaṃ aññesaṃ saṃvare, aññesaṃ saṃvutatāsāmaññaeva nidasseti, na pubbāparasāmaññaṃ anto bahi sāmaññaṃ vā. Sati vā dvārabhavaṅgādike puna uppajjamānaṃ javanaṃ bāhiraṃ viya katvā nagaradvārasamānaṃ vuttaṃ, itarañca antonagaradvārasamānaṃ. Javane vā asaṃvare uppanne tato paraṃ dvārabhavaṅgādīnaṃ asaṃvarahetubhāvāpattito nagaradvārasadisena javanena pavasitvā dussīlyādicorānaṃ dvārabhavaṅgādīmūsaṃ kusalabhaṇḍavināsaṃ kathitanti daṭṭhabbaṃ.

1353. Iminā āhārena nittharaṇatthena atthikabhāvo **idamatthikatā**. **Āhāraparibhoge asantussanā**ti āhāraparibhogakkhaṇe pavattā asantussanā, davatthādi-abhilāsoti attho. Ettha ca **asantuṭṭhitā** lobho, **amattaññūtā appaṭisaṅkhā** ca mohoti ime dve dhammā **“bhojane amattaññūtā”**ti veditabbā.

1355. “Seyyohamasmī”ti-ādinā pavattamānova **mānamado**. Asaddhammasevanāsamatthatā nissāya pavatto māno, rāgo eva vā **purisamado**. Sakkarasappikhīrādīni yojetvā bahalapakkaṃ bhojanaṃ **piṇḍarasabhojanaṃ**, bahalapakkaṃ vā maṃsarasādibhojanaṃ. **Mandanti** appaṃ. **Ṭhitiyāti** ṭhitattham. Tadatthañca bhuñjanto yasmā “kāyaṃ ṭhapessāmi”ti bhuñjati, tasmā **“ṭhapanatthāyā”**ti vuttaṃ. **Abhuttapaccayā uppajjanakā**ti idaṃ khudāya visesaṃ yassā appavatti bhojanena kātabbā, tassā dassanattham. **Sakalaṃ sāsanaṃ**ti pāliddhammampi sabbakusalepi saṅgaṇhāti. Abhuttapaccayā uppajjanakavedanā, bhuttapaccayā na uppajjanakavedanāti etāsaṃ ko viseso? Purimā yathāpavattā jighacchānimittā vedanā. Sā hi abhuñjantassa bhiyyo pavattanavasena uppajjati. Pacchimāpi khudānimittāva aṅgadāhasūlādivedanā appavattā. Sā hi bhuttapaccayā pubbe anuppannāva na uppajjissati. Vihimsānimittatā cetāsaṃ vihimsāya viseso.

Yātrāti yāpanā vuttā, pubbepi “yāpanāyā”ti vuttaṃ, ko ettha viseso? Pubbe “yāpanāyāti jīvitindriyayāpanatthāyā”ti vuttaṃ, idha pana catunnaṃ iriyāpathānaṃ avicchedasaṅkhātā yāpanā yātrāti ayamettha

viseso. Dāyakadeyyadhammānaṃ attano ca pamāṇaṃ ajānitvā paṭiggahaṇaṃ, saddhādeyyavinipātanatthaṃ vā paṭiggahaṇaṃ **adhammikapaṭiggahaṇaṃ**, yena vā āpattiṃ āpajjeyya.

Apaccavekkhitaparibhogo **adhammena paribhogo**. Anavajje aninditabbe paccaye sāvajjaṃ sanindaṃ paribhogena attānaṃ karoti. **Anavajjatā ca bhavissatī**ti attano pakati-aggibalādiṃ jānitvā “evaṃ me agarahitabbatā ca bhavissatī”ti pamāṇayuttaṃ āhāretīti attho.

Sukho iriyāpathavihāro **phāsuvihāro**. **Ettakañhi bhuñjītvā -pa-pavattantī**ti iriyāpathānaṃ sukhappavattiyā kāraṇabhūtaṃ bhuñjanaṃ pivanañca iriyāpathēhi kāraṇabhāvena gahitattā tehi sādhitā viya vuttaṃ. “Abhutvā udakaṃ pive”ti likhanti, “bhutvānā”ti pana pāṭho. Punapi hi appasseva anujānavasena—

“Kappiyaṃ taṃ ce chādeti, cīvaraṃ idamatthikaṃ.

Alaṃ phāsuvihārāya.

Pallaṅkena nisinnassa, jaṇṇuke nābhivassati.

Alaṃ phāsuvihārāya”ti¹—

āha.

Bhojanānisamsoti yathāvuttehi aṭṭhahaṅgehi samannāgatassa bhojanassa agarahitabbatā sukhavihāro ca ānisamsoti attho. Yuttassa niddosassa bhojanassa parimāṇassa ca vasena jānaṃ **yuttamāṇajānaṃ** nāma.

1356. Vināsaṃ pattiyā naṭṭhā, paṭipakkhehi abhibhūtattā muṭṭhā ca sati yassa, so naṭṭhamuṭṭhassati, tassa bhāvo **naṭṭhamuṭṭhassatī**.

1368. **Visuddhippattanti** maggaphalasīlaṃ vuccati.
Lokuttaradhammāvāti lokuttarasati-ādidhammāva. Sīlasampadā pana rūpārūpāvacarā natthīti sambhavato yojetabbā.

1. Khu 2. 343 piṭṭhe.

1373. Bhogūpakaraṇehi **sabhogo. Catunnaṃ saccānaṃ anulomanti** catusaccappaṭivedhassa anulomanti attho. “Saccānan”ti hi paṭivijjhitabbehi paṭivedho vutto, catusaccappaṭivedhassa vā upanissayabhūtaṃ paṭivijjhitabbānaṃ catunnaṃ saccānaṃ anulomanti vuttaṃ.

1378. “Mama gharaṃ dhuraṃ katvā bhikkhaṃ pavisathā”ti diyyamānaṃ **dhurabhattanti** vadanti. Niccabhattādi vā aññepi āṇāpetvā sayāṃ dhuraṃ hutvā dinnāṃ **dhurabhattaṃ**.

1379. **Paṭivāseti nāmāti** nivatteti nāma osakketi nāma.

1380. **Pubbe nivutthakkhandhāti** purimajāṭīsu santatipariyāpanne khandhe āha. **Khandhapaṭibaddhanti** vatthābharaṇayānagāmajanapadādi. **Khayasamayeti** maggakkhaṇaṃ āha.

1381. **Adhimuccanaṭṭhena**ti aniggahitapakkkhandanasāṅkhātena yathāsukhaṃ pavattanaṭṭhena.

1382. Khīṇānaṃ anto avasānaṃ niṭṭhitabhāvo khīṇanto, khīṇānaṃ vā ādikālo, tasmim̐ **khīṇante**. Esa nayo **niruddhanteti**-ādīsu.

Dukanikkhepakathāvaṇṇanā niṭṭhitā.

Nikkhepakaṇḍavaṇṇanā niṭṭhitā.

4. Aṭṭhakathākaṇḍa

Tika-atthuddhāraṇṇā

1384. **Nayamagganti** suttantabhājanīyādinayagamanam anulomādinayagamanam ca. Tampi hi ettha atthesu nicchitesu sukham samānenti. **Pañhuddhāranti** ekūnapaññāsāya ekūnapaññāsāya navasu navasu ca pañhesu labbhamānassa uddharaṇam, tesuyeva labbhamānānam gaṇanānam ṭhapanam **gaṇanācāro**. **Atthuddhāranti** “ime nāma cittuppādādayo atthā kusalādikā”ti uddharaṇam. **Kaṇṇikam kaṇṇikanti** cittuppādakaṇḍarūpakaṇḍesu vibhatte pasaṭe dhamme “catūsu bhūmīsu kusalam dvādasākusalacittuppādā”ti-ādinā rāsirāsivasena saha ganthetvāti attho. Ghaṭagocchakā kaṇṇikavevacanāneva. Ettha pana **catūsu bhūmīsu kusalanti** ekavacanāniddeso catubhūmakānam kusalaphassādīnam kusalabhāve ekattūpagamanato. Cittuppādakaṇḍarūpakaṇḍesu catubhūmicittuppādādivasena viññātadhammassa vasenāyam atthuddhāradesanā āradhāti tattha yaṁ catūsu bhūmīsu kusalam vibhattam yāva viññātam, ime dhammā kusalāti attho.

Yadipi kusalattikavittāro pubbe viññāto, tathāpi tattha dhammā samayavasena phassādisabhāvavasena ca vibhattā bhinnā viññātā, na pana ekasmim lakkhaṇe samānetvā, tasmā tattha vuttam samayādibhedam vajjetvā sabbabhedabhinnānam ekasmim kusalādīlakkhaṇe samānetvā bodhanattham idha kusalattikaniddeso puna vibhatto. Ettha ca ekavacanena kusalaniddesam katvā bahuvacanena nigamanassa kāraṇam vuttameva. Yadi dhammānam kusalatte ekattūpagamanam, kasmā ekavacanena pucchāpi na katā? Uddese kusala-saddassa dhammavisesanabhāvato tabbisesanānam dhammānam pucchitattā tesaṅca aniddhāritasaṅkhāvisesattā, niddese pana catūhi bhūmīhi vitthārato viññātāhi kusale visesetvā dassetīti yuttam “catūsu bhūmīsu kusalan”ti ekattam netvā vacanam. Kusalapadañhi ettha padhānam, taṅca visesitabbānapekham kusalākārameva attano sabhāve ṭhitaṁ gahetvā pavattamānam ekattameva upādāya pavattati, na bhedanti.

1385. **Dvādasa akusalacittuppādā**ti etthāpi paṭhamākusalacittuppādo samayaphassādivasena bhedaṃ anāmasitvā somanassasahagatadiṭṭhigatasampayuttacittuppādabhāve ekattaṃ netvā vutto, evaṃ yāva dvādasamoti “**dvādasa akusalacittuppādā**”ti vuttaṃ. Evaṃ **catūsu bhūmīsu vipākoti**-ādīsupi yathāyogaṃ yojetabbaṃ. **Cittuppādā**ti ettha uppajjati etthāti uppādo, kiṃ uppajjati? Cittaṃ, cittaṃ uppādo cittuppādoti evaṃ avayavena samudāyopalaṅkhaṇavasena attho sambhavati. Evañhi sati cittacetasikarāsi cittuppādoti siddho hoti. Aṭṭhakathāyaṃ pana “cittameva uppādo cittuppādo”ti aññassuppajjanakassa nivattanatthaṃ cittaggahaṇaṃ kataṃ, cittaṃ anuppajjanakabhāvanivattanatthaṃ uppādaggahaṇaṃ, cittuppādakaṇḍe vā “cittaṃ uppannaṃ hoti”ti cittaṃ anuppajjanakabhāvo pākaṭoti katvā “cittameva uppādo”ti vuttaṃ, cittaṃ anuppajjanakassa nivattetabbassa sabbhāvā uppādaggahaṇaṃ katanti vedittabbaṃ. Ayañcattho “dvepañcaviññāṇāni”ti-ādīsū viya cittappadhāno niddesoti katvā vuttoti daṭṭhabbo.

1420. **Chasu dvāresū**ti ettha pañcadvāre vattabameva natthi, manodvārepi parittārammaṇameva javanaṃ tadārammaṇasaṅkhātāṃ bhavaṅgaṃ anubandhati. Tañhi parittassa kammaṃ vipāko, vipāko ca iṭṭhāniṭṭhārammaṇānubhavanaṃ, kammānurūpo ca vipāko hotīti parittakammavipāko parittārammaṇasseva anubhavanaṃ hoti. Tasmā sabbaṃ tadārammaṇaṃ “parittārammaṇaṃ”ti vuttaṃ. Yadi evaṃ mahaggatavipākopi mahaggatānubhavanaṃ āpajjatīti ce? Na, samādhippadhānassa kammaṃ appanāpattassa saññāvasārammaṇassa tādiseneva vipākena bhavitabbatā. Tasmā samādhi sukhānubhavanabhūto, sopi kammānurūpatoyeva kammārammaṇo hotīti daṭṭhabbo. Kammānurūpato eva ca tadārammaṇaṃ parittārammaṇampi mahaggatajavanaṃ nānubandhati. Tato eva paṭisandhi-ādibhūto kāmāvacaravipāko kammanimittampi parittameva ārammaṇaṃ karoti, na mahaggataṃ appamāṇaṃ vā. Yasmā pana vuttaṃ “mahaggatārammaṇo dhammo parittārammaṇassa dhammassa kammaṃ paccayena paccayo, appamāṇārammaṇo dhammo parittārammaṇassa dhammassa kammaṃ paccayena paccayo”ti, na ca mahaggatappamāṇavipāko parittārammaṇo atthi, idha ca sabbakāmāvacaravipākānaṃ parittārammaṇatāva vuttā, tasmā kammānurūpato

mahaggaṭappamaṅgārammaṇampi parittakammaṃ yadi paṭisandhiṃ deti, kammagatinimittārammaṇameva deti. Pavattivipākampi rūpādiparittārammaṇamevāti veditabbaṃ. Khīṇāsavānaṃ vāsanāvasena sativippayuttahasanaṃ pavattamānaṃ parittesveva pavattati, na itaresu kilesavirahe tādisahasanaṃpaccayabhāvābhāvato. Tasmā tassa parittārammaṇatā vuttā. Khīṇāsavānaṃ asakkaccadānādīni ādarākaraṇavaseneva veditabbāni, na kosajjādi-akusalavasena. Paṭippassaddhasabbussukkā hi te uttamaṃpurisāti. Tesāṃ ādarākaraṇaṇca nirussukkatā evāti veditabbā.

1421. **Atipaguṇānanti** vacanaṃ nirādarassa ñāṇavippayuttapaccavekkhaṇassa visayadassanaṃ, na tassevāti visayaniyamaṇaṃ. Ñāṇasampayuttassapi hi atipaguṇānaṃ visayatā suṭṭhutaṃ hoti eva. Yathā paguṇaṃ ganthaṃ sajjhāyanta dve tayo vācanaṃmagge gatepi na sallakkheti ñāṇavippayuttasatimantena sajjhāyitattā, evaṃ paguṇajjhānesupi pavatti hotīti āha “**atipaguṇānan**”ti-ādi. **Kasiṇanimittādipaṇṇattī**ti pubbe dassitaṃ sabbaṃ upādāpaṇṇattimāha. Taṃ pana rūpādayo viya avijjamāno vijjamāno ca atthoti ācariyā vadanti. Sammutisacce pana vuccamānānaṃ kasiṇanimittādi vācāvattthumattato vacanavohāreneva paṇṇattīti vuccati. Tassa hi paṇṇāpanaṃ avijjamānapaṇṇattīti tassa avijjamānattaṃ aṭṭhakathāyaṃ vuttanti. Avijjamānampi pana taṃ vijjamānamiva gahetvā pavattamānāya saññāya parittādīsu “ayaṃ nāma dhammo ārammaṇaṃ”ti na sakkā vattuṃ te eva dhamme upādāya pavattamānāyapi dhammesveva aṭṭhānato. Tasmā sā sasampayuttā parittādi-ārammaṇāti na vattabbāti vuttā. **Navattabbārammaṇāti** idamaṃ pana vacanaṃ yathāgahitākārassa saññāvisayassa navattabbataṃ sandhāya navattabbaṃ ārammaṇaṃ etesanti navattabbārammaṇā, cittuppādāti aññāpadatthasamāsaṃ katvā aṭṭhakathāyaṃ vuttamā.

Catupaṇṇāsacittuppādānaṃ rūpassa ca vasena **pañcapanṇāsāya**. **Kevalanti** vinā parāmasanena. **Aniṭṭhaṅgatavasenāti** anicchayaḡamanavasena, anicchayaṃ vā dveḷhaṃ gato cittuppādo aniṭṭhaṅgato, tenākārena pavatti “**aniṭṭhaṅgatavasena pavattī**”ti vuttā. Nānārammaṇesu cittassa vikkipanaṃ **vikkhepo**. Anavaṭṭhānaṃ **avūpasamo**. Gotrabhuvodāne gotrabhūti gahetvā “**gotrabhukāle**”ti āha.

Sabbatthapādakacatuṭṭhanti idha **sabbattha**-saddo sāmi-attho daṭṭhabbo, sabbesu vā vipassanādīsu pādakam kāraṇam sabbatthapādakanti phalassa visayabhāvena niddeso. **Ākāsakaṣiṇacatuṭṭhanti** paricchedākāsakaṣiṇacatuṭṭhamāha. Tañhi rūpāvacaṇam, na itaranti. **Kusalatopi dvādasavidham kiriyatopi** catuvīsatividhatā vuttā hoti. **Vaṭṭassapi pādakam hotiyevā**ti kusalam kiriyāñca ekato katvā sabbatthapādakam vuttanti kiriyajjhānassa avaṭṭapādakattā sāsāṅkam vadati. **Mahagatacitte samodahatī**ti idam “so evam samāhite citte”ti-ādinā nayena vuttam pākaṭam pādakajjhānacittam parikkammehi gahetvā citte rūpakāyam adhiṭṭhānacittena samodahatīti katvā vuttam. **Pādakajjhānacittam rūpakāye samodahatī**ti idampi yathāvuttam pādakajjhānacittam ārammaṇam katvā cittasantānam rūpakāye samodahitam tadanugatikam katvā adhiṭṭhātīti katvā vuttam, idam pana adhiṭṭhānavayam adissamānakāyatham dissamānakāyathañca āpādeti. Gantukāmatāparikkammavasena taṃsamyuttāya saññāya sukhasaññālahusaññābhāvato gamanampi nipphādetīti daṭṭhabbam.

Sotāpannessa cittanti sotāpannessa pāṭipuggalikam maggaphalacittanti veditabbam. Mārādīnañhi bhagavato cittajānanam vuttanti cetopariyaññalābhī kasmā sāsavacittam na jānissatīti. **Chinnavaṭṭumakā** chinnasaṃsāraṇavāṭṭā buddho. **Maggaphalanibbānapaccavekkhaṇatopi**ti ettha maggaphalapaccavekkhaṇāni tāva pubbenivāsānussatiññāna maggaphalesu ñātesu pavattanti, nibbānapaccavekkhaṇāñca nibbānārammaṇesu appamāṇadhammesu ñātesūti maggādipaccavekkhaṇāni pubbenivāsānussatiññāna appamāṇārammaṇatam sādhentīti veditabbāni. “Appamāṇā khandhā pubbenivāsānussatiññāna ārammaṇapaccayena paccayo”iceva¹ hi vuttam, na nibbānanti. Tasmā pubbenivāsānussatiññāna eva maggaphalapaccavekkhaṇakicce vuccamānēpi nibbānapaccavekkhaṇatā na sakkā vuttam, aṭṭhakathāyam pana tassapi nibbānārammaṇatā anuññātīti dissati. **Kāmāvacare nibbattissatī**ti nibbattakkhandhajānanamāha. **Nibbānadhātuyā parinibbāyissatī**ti nibbānārammaṇehi maggaphalehi kilesaparinibbānabhūtehi parinibbāyissatīti attho sambhavati.

1. Abhi 9. 324 piṭṭhe.

1429. **Asahajātattā**ti asampayuttattāti attho. Na hi arūpadhammānaṃ arūpadhammehi sahajātataṃ sampayogato aññā atthīti.
“Aññadhammārammaṇakāle”ti vuttam, maggārammaṇakālepi pana garuṃ akaraṇe maggādhipatibhāvena navattabbatā yojetabbā.

1433. **Niyogā**ti niyogatoti imamattam sandhāya **“niyamenā”**ti āha, niyogavanto vā **niyogā**, niyatāti attho. Cittuppādakaṇḍe hi bodhitesu cittuppādesu ekantena anāgatārammaṇo koci natthīti.

1434. **Kammaṃ vā kammanimittam vā ārabba pavattiyam atītārammaṇāvā**ti vuttam, kammanimittam pana ārabba pavattiyam paccuppannārammaṇabhāvaṅca paṭisandhiyā **paṭiccasamuppādavibhaṅgavaṇṇanāyam** vakkhati. Tasmā idam manodvāracutiyam atītakammanimittam manodvāre āpāthagatam sandhāya vuttanti veditabbam. Satadārammaṇāya cutiyā pañcacittakkhaṇāvasiṭṭhāyuke gatinimittē paṭisandhiyā pavattāya cattāri bhavaṅgāni paccuppannārammaṇāni, itarattha ca cha sandhāyāha **“tato param bhavaṅgakāle cā”**ti. Yadā hi gatinimittārammaṇe javane pavatte anuppanne eva tadārammaṇe cuti hoti rūpāvacarārūpāvacarasattassa viya kāmādhātum upapajjantassa, tadā paṭisandhito parāni cha bhavaṅgāni paccuppannārammaṇāni hotīti. Diṭṭhisampayuttehi assādanādīni saparāmāsāneva daṭṭhabbāni. **Paṇṇattinibbānārammaṇānaṅca javanānam purecārikakāle**ti yesam purecārikakāle ekantena āvajjanāya atītādi-ārammaṇabhāvena navattabbatā, tesam vasena nayam dasseti. Nibbānārammaṇānampi javanānam purecārikakāle sā tathā na vattabbā, na pana ekantena maggaphalavīthīsu tassā anibbānārammaṇattā.

Ime gandhāti nanu paccuppannā gandhā gahitā, katham ettha anāgatārammaṇatā hotīti? **“Aṭṭhārasavassādhikāni dve vassasatāni mā sussimsu”**ti pavattito, anāgate mā sussimsūti hi anagatam gandham gahetvā pavattatīti adhippāyo. Cittavasena kāyam pariṇāmento abhimukhībhūtam tadā vijjāmanameva kāyam ārammaṇam karotīti paccuppannārammaṇa adhiṭṭhānacittam hoti. Tathā attano kāyassa dīgharassāṇuthūlanīlādibhāvāpādanavasena aññassa ca pāḷihāriyassa karaṇe

yojetabbaṃ. **Etthantare ekadvesantativārā veditabbā**ti etthantare pavattā rūpasantati-arūpasantativārā ekadvesantativārā nāmāti veditabbāti attho. Atiparittasabhāva-utu-ādisamuṭṭhānā vā “ekadvesantativārā”ti vuttā.

Ubhayametaṃ paccuppananti addhāpaccuppannaṃ hontaṃ etaṃ ubhayaṃ hotīti attho. **Saṃhīratī**ti taṇhādīṭṭhābhinandaṇāhi ākaḍḍhiyati.

Kecīti abhayagirivāsinoti vadanti, te pana cittaassa ṭhitikkhaṇaṃ na icchantīti “ṭhitikkhaṇe vā paṭivijjhatī”ti na vattabbaṃ siyā. Tathā ye “iddhimassa ca parassa ca ekakkhaṇe vattamānaṃ cittaṃ uppajjati”ti vadanti, tesaṃ “ṭhitikkhaṇe vā bhaṅgakkhaṇe vā paṭivijjhatī”ti vacanaṃ na sameti. Na hi tasmim̄ khaṇadvaye uppajjamānaṃ paracittena saha ekakkhaṇe uppajjati nāmāti. Ṭhitibhaṅgakkhaṇesu ca uppajjamānaṃ ekadesaṃ paccuppannāramaṇaṃ, ekadesaṃ atītāramaṇaṃ āpajjati. Yaṅca vuttaṃ “parassa cittaṃ jānissāmīti rāsivasena mahājanassa citte āvajjite”ti, ettha ca mahājano attanā pare aneke puggalāti paresaṃ cittaṃ jānissāmīti āvajjanappavatti vattabbā siyā. Athāpi **parassā**ti mahājanassāti attho sambhaveyya, tathāpi tassa puggalasseva vā cittarāsim̄ āvajjivā ekassa paṭivijjhanaṃ ayuttaṃ. Na hi rāsi-āvajjanaṃ ekadesāvajjanaṃ hotīti. Tasmā tehi “mahājanassa citte āvajjite”ti-ādi na vattabbaṃ.

Yaṃ pana te vadanti “yasmā iddhimassa ca parassa ca ekakkhaṇe cittaṃ uppajjati”ti, tatthāyaṃ adhippāyo siyā—cetopariyaññalābhī parassa cittaṃ nātukāmo pādakajjhānaṃ samāpajjitvā vuṭṭhāya atītādivibhāgaṃ akatvā cittaśamaññena “imassa cittaṃ jānāmī”ti parikammaṃ katvā puna pādakajjhānaṃ samāpajjitvā vuṭṭhāya sāmaññeneva cittaṃ āvajjitvā tiṇṇaṃ catunnaṃ vā parikammānaṃ anantarā cetopariyaññena paracittaṃ paṭivijjhati vibhāveti rūpaṃ viya dibbacakkhunā. Tato paraṃ pana kāmāvacaracittehi sarāgādivavatthānaṃ hoti nīlādivavatthānaṃ viya. Tattha dibbacakkhunā diṭṭhahadayavatthurūpassa sattassa abhimukhībhūtaṃ cittaśamaññena cittaṃ āvajjayamānaṃ āvajjanaṃ abhimukhībhūtaṃ vijjamānaṃ cittaṃ āramaṇaṃ katvā cittaṃ āvajjeti. Parikammāni ca taṃ taṃ vijjamānaṃ cittaṃ cittaśamaññeneva

ārammaṇaṃ katvā cittaajānanaparikkammāni hutvā pavattanti. Cetopariyañāṇaṃ pana vijjamaṇaṃ cittaṃ paṭivijjhantaṃ vibhāventamaṃ tena saha ekakkhaṇe eva uppajjati. Tattha yasmā santānassa santānaggahaṇato ekattavasena āvajjanādīni cittantveva pavattāni, taṅca cittameva, yaṃ cetopariyañāṇena vibhāvitaṃ, tasmā samānakārappavattito na anitṭhe maggaphalavīthito aññasmim̐ ṭhāne nānārammaṇatā āvajjanajavanānaṃ hoti. Paccuppannārammaṇaṅca parikkammaṃ paccuppannārammaṇassa cetopariyañāṇassa āsevanapaccayoti siddhaṃ hoti. Atītattiko ca evaṃ abhinno hoti. Aññathā santatipaccuppanne addhāpaccuppanne ca paccuppannanti idha vuccamaṇe atītānāgatānaṅca paccuppannatā āpajjeyya, tathā ca sati “paccuppanno dhammo paccuppannassa dhammassa anantarapaccayena paccayo”ti-ādi vattabbaṃ siyā, na ca taṃ vuttaṃ. “Atīto dhammo paccuppannassa dhammassa anantarapaccayena paccayo, purimā purimā atītā khandhā pacchimānaṃ pacchimānaṃ paccuppannānaṃ khandhānaṃ anantara -pa- anolomaṃ gotrabhussā”ti-ādivacanato¹ pana addhāsantatipaccuppannesveva anantarātītā cattāro khandhā atītāti viññāyanti, na ca abhidhammamatikāya āgatassa paccuppannapadassa addhāsantatipaccuppannapadatthataṃ katthaci pāḷiyaṃ vuttā. Tasmā tehi iddhiṃmassa ca parassa ca ekakkhaṇe cittupattiyā cetopariyañāṇassa paccuppannārammaṇatā vuttā. Yadā pana “yaṃ imassa cittaṃ pavattaṃ, taṃ jānami. Yaṃ bhavissati, taṃ jānissāmī”ti vā ābhogaṃ katvā pādakajjhānasamāpajjanādīni karoti, tadā āvajjanaparikkammāni cetopariyañāṇaṅca atītānāgatārammaṇāneva honti āvajjaneneva vibhāgassa katattā.

Ye pana “iddhimā parassa cittaṃ jānitukāmo āvajjeti, āvajjanaṃ khaṇapaccuppannaṃ ārammaṇaṃ katvā teneva saha nirujjhati, tato cattāri pañca vā javanāni. Yesam̐ pacchimaṃ icchicittaṃ, sesāni kāmāvacarāni, tesam̐ sabbesampi tadeva niruddhaṃ cittaṃārammaṇaṃ hoti, na ca tāni nānārammaṇāni honti, addhāvasena paccuppannārammaṇatā”ti idaṃ vacanaṃ nissāya “āvajjanajavanānaṃ paccuppannātītārammaṇabhāvepi nānārammaṇattābhāvo viya ekadviticatupañcacittakkhaṇānāgatesupi cittesu āvajjitesu āvajjanajavanānaṃ yathāsambhavaṃ anāgatapaccuppannātītārammaṇabhāvepi nānārammaṇatā

1. Abhi 9. 413 piṭṭhe.

na siyā, tena catupañcacittakkhaṇānāgate āvajjite
 anāgatārammaṇaparikkammānantaram khaṇapaccuppannārammaṇam
 cetopariyaññaṇam siddhan”ti vadanti, tesam vādo “anāgatārammaṇo dhammo
 paccuppannārammaṇassa dhammassa āsevanapaccayena paccayo,
 paccuppannārammaṇo dhammo atītārammaṇassa dhammassa
 āsevanapaccayena paccayo”ti imesaṃ pañhānaṃ anuddhaṭṭā gaṇanāya ca
 “āsevane tīṇī”ti vuttattā na sijjhati. Na hi kusalakiriyamahaggataṃ
 anāsevanam atthīti.

Etassa ca vādassa nissayabhāvo āvajjanajavanānaṃ
 khaṇapaccuppannaniruddhārammaṇatāvacaṇassa na sijjhati, yaṃ pavattaṃ
 yaṃ pavattissatīti vā visesaṃ akatvā gahaṇe āvajjanassa
 anāgataggahaṇabhāvaṃ, tadabhāvā javanānampi vattamānaggahaṇābhāvaṃ
 sandhāyeva tassa vuttattā. Tadā hi bhavaṅgalanānantaram
 abhimukhībhūtameva cittaṃ ārabha āvajjanā pavattatīti. Jānanacittassapi
 vattamānārammaṇabhāve āvajjanajānanacittānaṃ sahaṭṭhānadosāpattiyā
 rāsi-ekadesāvajjanapaṭivedhe sampattasampattāvajjanajānane ca anitṭhe
 ṭhāne āvajjanajavanānaṃ nānārammaṇabhāvadosāpattiyā ca yaṃ vuttaṃ
 “khaṇapaccuppannaṃ cittaṃ cetopariyaññaṇassa ārammaṇam hotī”ti, taṃ
 ayuttanti paṭikkhipivā yathāvuttadosānāpattikālavaseneva
 addhāsantatipaccuppannārammaṇattā nānārammaṇatābhāvaṃ disvā
 āvajjanajavanānaṃ vattamānataṃ niruddhārammaṇabhāvo vuttoti, tampi
 vacanaṃ purimavādino nānujāneyyuraṃ. Tasmiṃhi sati āvajjanā kusalananti-
 ādisu viya aññapadasaṅgahitassa anantarapaccayavidhānato
 “paccuppannārammaṇā āvajjanā atītārammaṇānaṃ khandhānaṃ
 anantarapaccayena paccayo”ti vattabbaṃ siyā, na ca vuttanti.

Kasmā panevaṃ cetopariññaṇassa paccuppannārammaṇatā vicāritā, nanu
 “atīto dhammo paccuppannassa dhammassa, anāgato dhammo
 paccuppannassa dhammassa ārammaṇapaccayena paccayo”ti¹ etesaṃ
 vibhaṅgesu “atītā khandhā iddhividhaññaṇassa cetopariyaññaṇassa
 pubbenivāsānussatīññaṇassa yathākammūpagaññaṇassa āvajjanāya
 ārammaṇapaccayena paccayo”ti¹, “anāgatā khandhā iddhividhaññaṇassa
 cetopariyaññaṇassa anāgataṃsaññaṇassa āvajjanāya ārammaṇapaccayena
 paccayo”ti¹, uppannattike ca “anuppannā khandhā,

1. Abhi 9. 412 piṭṭhe.

uppādino khandhā iddhividhañāṇassa cetopariyañāṇassa anāgataṃsañāṇassa āvajjanāya ārammaṇapaccayena paccayo”ti¹ cetopariyañāṇaggahaṇaṃ katvā “paccuppanno dhammo paccuppannassā”ti etassa vibhaṅge “paccuppannā khandhā iddhividhañāṇassa āvajjanāya ārammaṇapaccayena paccayo”ti², uppannattike ca “uppannā khandhā iddhividhañāṇassa āvajjanāya ārammaṇapaccayena paccayo”ti¹ ettakasseva vuttattā “paccuppannacitte cetopariyañāṇaṃ nappavattati”ti viññāyati. Yadi hi pavatteyya, purimesu viya itaresu ca cetopariyañāṇaggahaṇaṃ kattabbaṃ siyāti? Saccaṃ kattabbaṃ, nayadassanavasena panetaṃ saṅkhittanti aññāya pāṭiyā viññāyati. “Atītārammaṇo dhammo paccuppannārammaṇassa dhammassa ārammaṇapaccayena paccayo”³, anāgatārammaṇo dhammo paccuppannārammaṇassa. Paccuppannārammaṇo dhammo paccuppannārammaṇassā”ti⁴ etesañhi vibhaṅgesu “cetopariyañāṇena atītārammaṇapaccuppannacittasamaṅgissa cittaṃ jānāti. Atītārammaṇā paccuppannā khandhā cetopariyañāṇassa āvajjanāya ārammaṇapaccayena paccayo”ti⁴, “cetopariyañāṇena anāgatārammaṇapaccuppannacittasamaṅgissa cittaṃ -pa- cetopariyañāṇena paccuppannārammaṇapaccuppannacittasamaṅgissa cittaṃ jānāti. Paccuppannārammaṇā paccuppannā khandhā cetopariyañāṇassa āvajjanāya ārammaṇapaccayena paccayo”ti⁴ cetopariyañāṇassa paccuppannārammaṇe pavatti vuttāti. Tenevāyaṃ vicāraṇā katāti veditabbā.

Tesanti tesu dvīsu ñāṇesūti niddhāraṇe sāmivacanaṃ. **Kusalā khandhāti** iddhividhapubbenivāsānāgataṃsañāṇāpekkho bahuvacananiddeso, na cetopariyañāṇayathākammūpagañāṇāpekkhoti. Tesam catukkhandhārammaṇabhāvassa asādhakoti ce? Na, aññattha “avitakkavicāramattā khandhā ca vicāro ca cetopariyañāṇassa pubbenivāsānussatiñāṇassa anāgataṃsañāṇassa ārammaṇapaccayena paccayo”ti⁵, “savitakkasavicārā khandhā ca vitakko ca cetopariyañāṇassa pubbenivāsānussatiñāṇassa anāgataṃsañāṇassa ārammaṇapaccayena paccayo”ti⁶ ca vuttattā cetopariyañāṇāpekkhopi bahuvacananiddesoti imassatthassa siddhito.

1. Abhi 9. 405 piṭṭhe.

2. Abhi 9. 413 piṭṭhe.

3. Abhi 9. 423 piṭṭhe.

4. Abhi 9. 424 piṭṭhe.

5. Abhi 9. 44 piṭṭhe.

6. Abhi 9. 41 piṭṭhe.

evamapi yathākammūpagaññaṇassa “apitakkavicāramattā khandhā ca vicāro cā”ti-ādīsu avuttattā catukkhandhārammaṇatā na sijjhatīti? Na, tattha avacanassa aññākāraṇattā. Yathākammūpagaññaṇena hi kammasaṃsaṭṭhā cattāro khandhā kammappamukhena gayhanti. Tañhi yathā cetopariyaññaṇam purimaparikkammavasena savitakkādivibhāgaṃ sarāgādivibhāgaṃca cittaṃ vibhāveti, na evaṃ savibhāvaṃ vibhāveti, kammavaseneva pana samudāyaṃ vibhāvetīti “avitakkavicāramattā khandhā ca vicāro cā”ti-ādike vibhāgakarāṇe taṃ na vuttaṃ, na catukkhandhānārammaṇatoti. Idaṃ pana avacanassa kāraṇanti. Keci tatthāpi “pubbenivāsānussatiññaṇassa yathākammūpagaññaṇassa anāgataṃsaññaṇassā”ti paṭhanti eva. Na hi taṃ kusalākusalavibhāgaṃ viya savitakkādivibhāgaṃ kammaṃ vibhāvetuṃ asamatthaṃ. Duccaritasucaritabhāvavibhāvanampi hi lobhādi-alobhādisampayogavisesavibhāvaṇaṃ hotīti.

1435. **Niyakajjhatapariyāyassa abhāvenā**ti sabhāvadhammattā kenaci pariyāyena niyakajjhataṃ ahontaṃ sabbathā bahiddhābhāveveva “ekantabahiddhā”ti vuttaṃ, na asabhāvadhammattā bahiddhāpi ahontaṃ kasiṇādi viya **niyakajjhataṃsaṃsaṃbhavato**. Asabhāvadhammattā eva hi kasiṇādi-ajjhataṃdhammabhūto ca koci bhāvo na hotīti ajjhataṃtike na vuttanti adhippāyo. Taṃ sabbāṃ ākiñcaññāyatanādi atītārammaṇattike “navattabbārammaṇaṇaṃ”ti vuttanti sambandho. Ettha ca **vuttanti** anuññātattā vacanatoti etehi kāraṇehi pakāsanti attho.

Idāni tanti “etañhi ākiñcaññāyatanānaṃ”ti vuttaṃ ākiñcaññāyatanānaṃ **taṃ**-saddena ākaḍḍhitvā vadati. Yo panāyamaṃttha attho vutto “ākiñcaññāyatanānaṃ ekampi idha vuccamānaṃ atītārammaṇattike tena sahekārammaṇatampi sandhāya kāmāvacarakusalādīnaṃ navattabbārammaṇatāya vuttattā idhāpi tesāṃ navattabbārammaṇabhāvaṃ dīpetīti katvā tasmīṃ vutte tānīpi vuttāneva hontī, tasmā visuṃ na vuttānī”ti, tamaññe nānujānanti. Na hi īdisāṃ lesavacanāṃ aṭṭhakathākaṇḍe atthi. Yadi siyā, parittārammaṇattike yesāṃ samānārammaṇānaṃ parittādi-ārammaṇatā navattabbatā ca vuttā. Puna atītārammaṇattike tesu ekameva vatvā aññaṃ na vattabbānaṃ siyā. Tathā vedanāttike samānavedanānaṃ yesāṃ sukhāya vedanāya

sampayuttatā vuttā, tesu ekameva pītittike sukhasahagataniddese vatvā aññaṃ na vattabbaṃ siyā. Evaṃ upekkhāsahagataniddesādīsu yojetabbaṃ. Lesena pana vinā aṭṭhakathākaṇḍe atthuddhārassa katattā ākiñcaññāyatanassa viya kāmāvacarakusalādīnampi ajjhattāramaṇattike navattabbatāya sati tānīpi navattabbānīti vattabbāni, na pana vuttāni. Tasmā abhāvanāsāmaññepi yāya abhāvanāniṭṭhappavattiyā ākiñcaññāyatanam pavattamānam navattabbaṃ jātam, tassā pavattiyā abhāvena tāni navattabbānīti na vuttāni. Gahaṇavisesanimmitāneva hi kasiṇādīni sabhāvato avijjamānānīti tadārammaṇānam bahiddhāgahaṇavasena bahiddhārammaṇatā vuttā. Ākiñcaññāyatanam pana na bahiddhāgahaṇabhāvena pavattati, nāpi ajjhattaggahaṇabhāvena pavattatīti navattabbanti vuttam. Yena pana gahaṇākāreṇa ākiñcaññāyatanam pavattati, na tena sabbaññutaññānampi pavattati. Yadi pavatteyya, tampi ākiñcaññāyatanameva bhaveyya. Yathā hi kilesānam gocaraṃ pavattivisesaṅca sabbaṃ jānantam sabbaññutaññānam na yathā te gaṇhanti, tathā gaṇhāti tassapi kilesabhāvāpattito, evaṃ ākiñcaññāyatanassa ca pavattanākāraṃ yathāsabhāvato jānantam tam ākiñcaññāyatanamiva na gaṇhāti, kimaṅgaṃ pana aññanti. Tena kāmāvacarakusalānam navattabbatā na vuttatī. Ayaṃ “ākiñcaññāyatanassa visayabhūto apagamo nāma eko attho atthī”ti anicchantānam ācariyānam vinicchayo.

Vipākam pana na kassaci ārammaṇam hotīti vipākam
 ākāsaṇāñcāyatanam vipākādīsu viññāṇaṇcāyatanesu na kassaci ārammaṇam hotīti attho, tathā ākiñcaññāyatanaṅca nevaññānāsaññāyatanassa. Yathā hi vipākattike
 vipākadhammadhammanevavipākanavipākadhammadhammamūlakesu pañhesu “ākāsaṇāñcāyatanakusalam viññāṇaṇcāyatanakusalassa ārammaṇapaccayena paccayo, ākiñcaññāyatanakusalam nevaññānāsaññāyatanakusalassa, tathā vipākassa kiriyaṃ. Ākāsaṇāñcāyatanakiriyaṃ viññāṇaṇcāyatanakiriyaṃ. Ākiñcaññāyatanakiriyaṃ nevaññānāsaññāyatanakiriyaṃ ārammaṇapaccayena paccayo”ti¹ vuttam,

1. Abhi 8. 133, 135 piṭṭhesu.

na tathā vipākadhammamūlakesu “ākāsānañcāyatana-ākiñcaññāyatana vipākā viññānañcāyatana nevasaññānāsaññāyatana vipākakusalakiriyaṇaṃ ārammaṇapaccayena paccayo”ti vuttā. **Vipākato vuṭṭahitvā cittassa abhinīhārāsambhavatoti** vipākāṃ ārammaṇaṃ katvā abhinīhārāsambhavatoti attho. Vipākassa hi ārammaṇaṃ katvā natthi abhinīhāroti.

Attano khandhādīnīti arūpakkhandhe “kandhā”ti gahetvā **ādi**-saddena rūpaṃ gaṇhāti. Ajjhataṃ vā gayhamānaṃ ahanti paññattiṃ **ādi**-saddena gaṇhāti. Esa nayo paresaṃ khandhādiggahaṇe ca. Puna paññattiggahaṇena tasiṇavihārādi-anindriyabaddhupādāyapaññattimāha. **Ādi**-saddena vā ahaṃ paraṃ paññattiggahaṇe sabbaṃ upādāyapaññattiṃ. Kammādīsu kammaṃ ajjhataṃ, kammanimittaṃ ubhayaṃ, gatinimittaṃ bahiddhāti daṭṭhabbaṃ. Attano sarīre eva kimi hutvā nibbattamānassa gatinimittampi ajjhataṃ siyā. **Mallikāya** kummāsaṃ dadamānassa rañño aggamaheṣiṭṭhānalābhaṃ **santatimahāmattassa** hatthikkhandhagatassa arahattappattiṃ **sumanamālākārassa** ca pupphamuṭṭhinā pūjentassa paccakabodhisacchikiriyaṃ nissāya bhagavā sitaṃ pātvākāsi.

Imasmim tike okāsaṃ labhantīti parittārammaṇātītārammaṇattikesu aladdhokāsāni navattabbānīti vuttāni, idha pana navattabbāni na honti, ajjhataṃ ekārammaṇataṃ labhantīti attho. Etāni hi pañca sabbatthapādakākāsālokakasiṇacatutthānaṃ kasiṇārammaṇattā, brahmavihāracatutthassa paññatti-ārammaṇattā, ānāpānacatutthassa nimittārammaṇattā **bahiddhārammaṇānīti**. **Sakāyacittānanti** sakakāyacittānaṃ, tena payojaṇaṃ natthi, tasmā na taṃ ajjhataṃ ārammaṇanti attho. **Anindriyabaddhassa vā rūpassāti** ettha “tissannaṃ vā paññattīnaṃ”ti idampi **vā**-saddena āharitabbaṃ, nayadassanaṃ vā etaṃ daṭṭhabbaṃ. Īdise hi kāle bahiddhārammaṇanti.

Tika-atthuddhāraṇṇanā niṭṭhitā.

Duka-atthuddhāraṇṇā

1473. **Māno -pa- ekadhāvāti** idam avuttappakāradassanavasena vuttam, aññathā māno kāmarāgāvijjāsaññojanehi ekato uppajjatīti dvidhāti vattabbo siyā. Esa nayo bhavarāgādisu. **Tathā vicikicchāti** ettha **tathāti** etassa ekadhāvāti attho.

1511. **Sasaṅkhārikesūti** idam kāmaccandanīvaraṇassa tīhi nīvaraṇehi saddhim uppajjanatthānadassanamattam daṭṭhabbam, na niyamato tattha tassa tehi uppattidassanattham thinamiddhassa aniyatattā. **Heṭṭhimaparichedenāti**¹ uddhaccassa sabbākusale uppajjanato uddhaccasahagahe dve, aññesu thinamiddhakukkucavirahe tīṇi heṭṭhimantato uppajjantīti katvā “dve tīṇi”ti vuttanti attho. Yattakānam pana ekato uppattiyam nīvaraṇā ceva nīvaraṇasampayuttā cāti ayamatto sambhavati, heṭṭhimantena tesam dassanattham “**dve**”ti vuttam. Tato uddhampi pavattiyam ayamatto sambhavati evāti dassanattham “**tīṇi**”ti vuttam. **Dve tīṇi**ti ca dve vā tīṇi vāti aniyamaniddesoti cattāri vā pañca vātipi viññāyati. Yattha sahuppatti, tattha nīvaraṇā ceva nīvaraṇasampayuttā ca hontīti etassa vā lakkhaṇassa dassanametanti. Yattha cattāri pañca ca uppajjanti, tattha cāyamatto sādhitō hoti. Evañca katvā kilesagocchake ca “dve tayo”ti vuttam. Lakkhaṇadassanavasena hi kilesā ceva kilesasampayuttā ca vuttā, na sabbesam sambhavantānam sarūpena dessanavasenāti.

Yadi uddhaccam sabbākusale uppajjati, kasmā vuttam “uddhaccanīvaraṇam uddhaccasahagate cittuppāde uppajjati”ti? Suttante vuttasu pañcasu nīvaraṇesu aññanīvaraṇarahitassa uddhaccassa visayavisesadassanattham. Chaṭṭham pana nīvaraṇam abhidhamme itarchi sahagatanti tassa aññanīvaraṇarahitassa na koci visayaviseso atthi, attanā sahagatehi vinā uppajjanatthānābhāvā tadupalakkhitassa cittuppādassa abhāvā ca natheva visayaviseso, tasmā “tam sabbākusale uppajjati”ti vuttam. Uddhaccasahagato pana vuttacittuppādo sesadhammānam uddhaccānuvattanabhāvena tadupalakkhito uddhaccasa visayaviseso, tasmā sabbākusale uppajjamānam uddhaccam samaññena

1. Heṭṭhimaparichedavasenāti (Aṭṭhakathāyam)

“uddhaccanīvaraṇaṃ”ti gahetvāpi taṃ attano visayavisesena pakāsetuṃ
 “uddhaccasahagate cittuppāde uppajjati”ti āha. Evañca pakāsaṇaṃ
 visayavisesesu lobhadomanassasahagatasasāṅkhārika-
 vicikicchuddhaccasahagatesu pañca nīvaraṇāni vavatthapetvā tesam
 byāpakabhāvena chaṭṭhaṃ pakāsetuṃ katanti veditabbaṃ.

Keci pana “uddhaccasahagatehi sāmāññena sabbaṃ uddhaccaṃ
 ‘uddhaccaṃ’ti gahetvā tena sahagate cittuppāde”ti vadanti, ayaṃ panattho na
 bahumato dvādasamacittuppādassa viya sabbākusalacittuppādānaṃ
 uddhaccena anupalakkhitattā, sati ca upalakkhitatte “aṭṭhasu
 lobhasahagatesū”ti-ādīsu viya aññesaṃ cittuppādānaṃ nivattanatthaṃ
 “dvādasasu uddhaccasahagatesū”ti vattabbattā. Uddhaccānupalakkhitattā
 pana sabbākusalānaṃ avijjānīvaraṇaṃ viya idampi “sabbākusalesu
 uppajjati”ti vattabbaṃ siyā, na pana vuttaṃ, tasmā vuttanayeneva attho
 veditabbo. Yasmā ca avijjānīvaraṇaṃ viya uddhaccanīvaraṇaṇca
 sabbākusalesu uppajjati, tasmā nikkhepaṅḍe “kāmacchandanaīvaraṇaṃ
 uddhaccanīvaraṇena nīvaraṇaṇceva nīvaraṇasampayuttañcā”ti-ādi¹ vuttaṃ.
 Tena ekasmiṃyeva cittuppāde uddhaccanīvaraṇaṃ uppajjati aggahetvā
 adhippāyo maggitabboti.

Kilesagocchake lobhādīni dasa kilesavatthūni iminā anukkamena idheva
 abhidhamme āgatāni. Tasmā idheva vuttassa uddhaccakilesassa attanā saha
 vuttehi kileschi rahitassa visayaviseso natthīti visayavisesena pakāsaṇaṃ
 akatvā “uddhaccañca ahirikañca anottappañca sabbākusalesu uppajjati”ti
 vuttaṃ. Kilesā ceva saṃkiliṭṭhapadaniddese yasmā saṃkiliṭṭhapadaṃ
 kilesasampayuttapadena asamānatthaṃ kevalaṃ malena upatāpitataṃ
 vibādhitatañca dīpeti, tasmā kilesā ceva kilesasampayuttapadaniddesena
 samānaṃ niddesaṃ akatvā “teva kilesā kilesā ceva saṃkiliṭṭhā cā”ti vuttaṃ.

1577. **Dve tayo kilesā**ti ettha “**dve tayoti** hetugocchakādīsu
 vuttādhikārasena ruḷhiyā vuttaṃ”ti keci vedanti. Yadi atthaṃ anapekkhitvā
 ruḷhiyā vucceyya, ganthagocchake ca “yattha dve tayo

1. Abhi 1. 231 piṭṭhe.

ganthā ekato uppajjantī”ti vattabbaṃ siyā. Yañca vadanti “yattha dve tayo aññehi ekato uppajjantīti imassatthassa sambhavato ekato-saddo kilesagocchake sātthako, na hetugocchakādīsu tena vināpi adhippāyavijānanato”ti, tampi na, hetugocchakādīsupi nānā-uppattiyam hetū ceva hetusampayuttādiggahaṇanivāraṇatthattā ekato-saddassa, tasmā ruḥhī-anvatthakathāropanañca vajjetvā yathāvutteneva nayena attho veditabboti. **Lobho chadhā**ti-ādinā lobhapaṭighamohānaṃ aññehi ekato uppattidassaneneva tesampi lobhādīhi ekato uppatti dassitāti veditabbā. Sesam uttānatthamevāti.

Aṭṭhakathākaṇḍavaṇṇanā niṭṭhitā.

Cattāri ca sahaṣṣāni, puna tīṇi satāni ca.

Aṭṭhasālīniyā etc, padā linatthajotakā.

Dhammamittoti nāmena, sakkaccaṃ abhiyācito.

Ānando-iti nāmena, katā ganthā subuddhināti.

Iti aṭṭhasālīniyā linatthapadavaṇṇanā

Dhammasaṅgaṇīmūlaṭīkā samattā.

Dhammasaṅgaṇīmūlaṭṭikāya

Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akampanaṃ	120	Adiṭṭhaṃ	58
Akālusiyaṃ	89	Adiṭṭhajotaṇā	59
Akiriyaṇo	164	Advayaṃ	163
Akusalā	29	Adhammikaṭṭiggahaṇaṃ	187
Akkhanti	79	Adhikaraṇavasena	63
Agedho	91	Adhigamaṇidānaṃ	24
Aggaḥitaṭṭaṃ	172	Adhiṭṭhānaṃ	25
Accimato	141	Adhimuccanaṃ	93
Ajjhattaṃ	47	Adhivacanaṃ	56
Ajjhattarato	47	Adhivacana	56
Ajjhattasamuṭṭhānā	90	Anantaṃ	109
Ajjhattā	47	Anantarapaccayaṃ	132
Ajjhāruhā	175	Anantarāyena	135
Aññatarajavanassa	131	Anabhivhavaṇiyato	106
Aññāṇupekkhā	107	Anabhiratiraṣā	121
Aññātaṃ	58	Anamataggo	18
Aṭṭhānaṃ	132	Anaye	162
Atipāto	80	Anallīnaṇissayo	148
Atīritaṃ	58	Anallīnabhāvo	91
Atulitaṃ	58	Anavaṭṭhānaraṣaṃ	120
Attabhāvo	138	Anākulaṃ	10
Attamaṇatā	96	Anādarō	172
Attasampatti	121	Anāpāthagaṭā	69
Atthābhisaṃmayā	60	Anābhaṭṭhaṭā	69
Atthuddhāraṃ	189	Anābhogaṣā	103
Attho	17	Aniccaṃ	115

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Aniṭṭhaṅgatavasena	191	Appaṭivānitā	58
Anibaddhattā	71	Appaṭisaṅkhāne	57
Animittavipassanaṃ	113	Appamāṇaṃ	122
Animittavimokkho	113	Appamāṇā	44
Anukūlamitto	91	Appitā	102
Anuddāyanākāro	167	Abbhanumodanā	100
Anuddāyitassa	167	Abyākatamūlaṃ	127
Anupadadhammavipassanā	109	Abyāpajje	70
Anupaparikkhā	120	Abyāpajjo	97
Anupekkhā	162	Abhāvanāya	91
Anuppannā	47	Abhikkantena	20
Anuppabandhena	88	Abhiṅhaso	10
Anuppādapariyosāne	58	Abhinivesato	176
Anuppādabhūte	58	Abhibhāyatanam	105
Anubandheyya	117	Abhibhuyya	111
Anubujjhanti	113	Abhirati	119
Anubhavati	130	Abhiravanti	25
Anumatipucchā	59	Abhisaṅkhatā	10
Anulomappaṭipadaṃ	176	Abhisaṅkharāṇaṃ	76
Anusayo	119	Abhisaṅkhāraviññāṇaṃ	163
Anodhijinassa	107	Abhisandahati	87
Antaradhāpeti	68	Abhisamayaṭṭho	60
Andhaputhujjano	162	Amaddanā	93
Apacayagāmino	43	Amarāvikkhepadiṭṭhi	170
Apacitisahagataṃ	99	Ariyakaradhammā	162
Apaṇṇakaṅgāni	93	Ariyabhāvo	162
Apariyāpannā	71	Ariyamaggacittaṃ	132
Apilāpanaṃ	89	Ariyavihāro	91
Apilāpeti	89	Arūpadhammānaṃ	38
Appagaṇaṃ	105	Alubbhanakavasena	97

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Alobho	127	Assutavā	162
Allasasamaṁsaṁ	81	Ahetukavādo	164
Avikkhepo	57		
Avicāraṁ	103	[Ā]	
Aviññattijanakato	127	Ākāraparivitakko	70
Avitakkam	103	Āghātento	169
Avipākajinassa	107	Ācayo	152
Avipākadhammato	127	Āthabbaṇiddhi	78
Avibhattikā	93	Ānantarikāni	164
Avibhāvitaṁ	59	Ānubhāvena	9
Avibhūtaṁ	58	Āpannasattānaṁ	25
Avibhūtapaccupaṭṭhānā	104	Ābhujati	25
Avisāro	88	Ābhujitaṁ	70
Avīcījarā	153	Āmasanti	54
Avūpasantāya	136	Āyu	154
Avūpasame	120	Āyūhanaṁ	76, 112
Asaṁsappanaṁ	93	Ārambhati	96
Asaddhammā	94	Ārammaṇaṁ	43
Asanato	168	Ārammaṇarasam	130
Asantaṁ	120	Ālokasannissitaṁ	134
Asantuṭṭhitā	58	Ālokasseva	119
Asamañca	120	Āvajjissāmi	109
Asamo	25	Āvaṭṭitakālo	133
Asammissam	10	Āvaraṇā	175
Asammohato	21	Āviñchanarasam	147
Asammohasampajaññaṁ	92	Āsavā	53
Asammoso	89	Āsīsanavasena	168
Asahajātattā	193	Āhananaṁ	88
Assaddhiye	90	Āhutīnaṁ	25
Assādadassanaṁ	119	Āhunaṁ	176

Padānukkamo	Piṭṭhaṅko	Padānukkamo	Piṭṭhaṅko
[I]		[U]	
Itihāse	24	Upādāya	136
Itthabhāvaññathābhāvaṃ	168	Upādāyarūpaṃ	141
Idamatthikatā	186	Upādinna	38
Iddhimayo	80	Upādiyateva	154
Iriyāpathikacittaṃ	173	Upādiyanti	176
Issākaraṇavasena	171	Upekkhā	41
[U]		Upekkhānimittaṃ	103
Uggahajānaṇaṃ	183	Upekkhāsahagatamaggo	116
Uggaho	161	Uppannaṃ	57
Ugghāṭimaṃ	109	Uyyāmo	96
Utupaccaya-utusamuṭṭhānaṃ	157	Usmā	154
Uttarati	111	Ussadakittanaṃ	128
Uttamahetu	143	Ussāhanabhāvena	87
Uddānato	63	[Ū]	
Uddhumātaṃ	107	Ūkāsiramattaṃ	145
Uddheyyaṃ	177	[E]	
Upagatassa	129	Ekacittakkhaṇikaṃ	111
Upacayo	152	Ekaccacittaṃ	67
Upacitaṃ	136	Ekaccasassatadiṭṭhi	170
Upacitattā	124	Ekattā	34
Upaṭṭhānaṃ	89	Ekatthanānatthāni	32
Upatthambhanakiccaṃ	76	Ekuppādā	37
Upanijjhāyaṇaṃ	98	[O]	
Upanissayato	134	Okappanalakkhaṇā	89, 100
Upararikkhanti	22	Okāsakatuppannaṃ	67
Uparijjhānaṅgāni	101	Okāsabhūtāni	61
Upalabbhati	15	Ojālakkhaṇo	154
Upasaṅkamaṇā	183		
Upādā	54		

Padānukkamo	Piṭṭhaṅko	Padānukkamo	Piṭṭhaṅko
[O]		[Ka]	
Odagyaṃ	88	Kāyappasādaṃ	125
Onayhati	173	Kāyasañcetanā	77
Opapāṭikanāmaṃ	177	Kāyikakaraṇaṃ	72
Opapāṭikā	176	Kāyo	146
Oliyati	173	Kālasañcayo	61
Osakkati	122	Kiccaṃ	185
[Ka]		Kittim	66
Kakkasā	185	Kiriyato	134
Kaṭacchuggāho	172	Kilesakāmehi	101
Kaṭukañcukatā	121	Kukkuccāyanākāro	175
Kaṭṭhamukhena	141	Kulumbassa	78
Kaṇṇikaṃ	189	Kusena	28
Kathāmaggo	172	Kuhanavattḥūni	113
Kappeti	76	Koṭṭhaṃ	140
Kammaññatā	97	Koṭṭhāsā	140
Kammadāyādā	67	Kodhasāmantā	185
Kammanānattaṃ	65	Kosajjaṃ	79
Kammantaraṃ	23	[Kha]	
Kammapaccaya- utusamuṭṭhānaṃ	157	Khaṇattayagataṃ	68
Kammabandhū	67	Khaṇikā	88
Kammayonī	67	Khantī	162
Kammassakā	67	Khandhato	17
Kammāyatanaṃ	70	Khandhantaraṃ	18
Karaṇīyaṃ	185	Khandhabhedānantaraṃ	45
Karuṇā	2	Khippanisantibhāvo	105
Kalāpasammasanaṃ	109	Khiyyanaṃ	171
Kassati	152	Khīṇante	188
Kāmesu	170	Khuddikā	88
Kāyaduccaritādīnaṃ	162	Khepeti	177

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ca]	
Gaṇanācāraṃ	17	Ciṇṇattā	132
Gaṇanānupubbatā	102	Cittakālo	61
Gataṃ	152	Cittaniyāmaṃ	134
Gatamattaṃ	119	Cittānaṃ	65
Gatiyo	89	Cittuppādā	190
Gantabbābhāvato	119	Cirapārivāsiyaṭṭho	52
Ganthaniyā	54	Cetanābhāvo	87
Gantho	172	Cetasikā	54
Gamanasambhāgena	185	Copanaṃ	151
Gambhīragataṃ	18		
Garuno	183	[Cha]	
Garupāso	183	Chandatā	26
Gahitasamādānaṃ	161	Chandādhigateyyaṃ	118
Gāmaṇḍalā	26	Chandādhigateyye	110
Gijjhanti	168	Chando	119
Gocarasampajaññaṃ	92	Chinnaṇṇamakā	192
Gottarakkhitā	80		
Gotrabhuṃ	52	[Ja]	
Goḷiyako	134	Jagatippadeso	131
		Javati	134
[Gha]		Javanameva	130
Ghaṭṭetvā	70, 125	Jātijarāsabhāvā	38
Ghātiyāmi	25	Jānaṃ	16
		Jinacakke	23
[Ca]		Jeṭṭhakā	183
Cakkavāḷaṃ	141		
Cakkhu	145	[Ña]	
Cakkhubhūto	16	Ñāṇabhūto	16
Cakkhuvinnāṇadvāraṃ	79	Ñāṇavattho	144
Caraṇaṃ	65	Ñeyyadhammā	2
Calatā	26		

Padānukkamo	Piṭṭhaṅko	Padānukkamo	Piṭṭhaṅko
[Ta]		[Da]	
Taṃtaṃsadisaphaladānaṃ	130	Diṭṭhinijjhānakkhanti	70
Taṃsamuṭṭhānaṃ	160	Diṭṭhiyā	119
Tajjaṃ	95	Dibbavihārassa	91
Tajjā	95	Dukkhapaccayaṭṭhāne	37
Tajjāte	163	Dukkhaṭipadaṃ	111
Taṇhāvipphanditaniveso	168	Dukkhavatthu	37
Tathāgatassa	117	Dunnāmaṃ	183
Tadanudhammatā	104	Dussīlyaṃ	79
Tadārammaṇaṃ	130	Duhetukakusalacittānaṃ	131
Tanti	70	Devadevo	10
Tapaniyā	56	Desanaṃ	59
Tappati	177	Dovacassāyaṃ	182
Tarati	111	Dosaṃ	134
Taranti	120	Dvārasaṃsandanaṃ	78
Tejobhāvaṃ	156	[Dha]	
[Tha]		Dhammacakkhu	144
Thambhanā	151	Dhammatejena	26
[Da]		Dhammato	52
Datto	177	Dhammadhātuyā	104
Dantāvaraṇaṃ	18	Dhammaniyaṃ	131
Daratho	92	Dhammantaraṃ	172
Dasā	128	Dhammapadā	70
Dassanena	123	Dhammarakkhitā	80
Daḷhikammaṃ	95	Dhammassāmī	16
Dāsabyaṃ	121	Dhammābhilāpo	21
Diṭṭhaṃ	87	Dhammo	43
Diṭṭhadhamme	36	Dhātukusalatā	183
Diṭṭhijukammaṃ	100	Dhura	96
		Dhurabhataṃ	188

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhuvapaṭisevanam	113	Niyamalakkhaṇam	100
Dhuvavipākā	167	Niyamitavasena	70
Dhuvasassatam	25	Niyamena	193
Dhove	25	Niyāmam	130
[Na]		Niyogā	193
Nagavhayā	140	Niyyānikam	111
Natṭhamuṭṭhassatitā	187	Niyyānikā	55
Natthikavādo	164	Nirati-atthena	176
Nandakovādena	116	Nirutti	56
Nandirāgasahagatā	68	Niruddhante	188
Navattabbadhammabhūtam	115	Nirodhassa	132
Nānārammaṇe	122	Nivutthakkhandhā	188
Nāmakammaṃ	178	Nisāmetha	11
Nāmakaraṇaṭṭhena	181	Nissaraṇam	101
Nāmadheyyam	178	Nītattham	78
Nāmanirutti	178	Nīlavaṇṇayogato	102
Nāmanam	56	Nīlavattham	102
Nāmabyañjanam	178	Nīvaraṇā	175
Nāmābhilāpo	178	Neyyattham	78
Nāmayati	182	[Pa]	
Nāmasahassato	177	Pakatiniddesā	153
Nāsaññā	109	Pakiṇṇakasaṅkhāre	116
Nikhilena	18	Pakkhandanam	89
Nijjhānam	22	Pakkhapāso	86
Ninnattā	132	Pakkhikā	26
Nippadesato	140	Paggaho	89
Nibbānam	41	Paṅko	89
Nimittam	115	Paccayaṭṭhena	46
Nimittadhammesu	113	Paccābhiññāṇarasā	87

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paccupaṭṭhānaṃ	64	Pariyāyena	145
Paccuppannaṃ	194	Pariyāhananaṃ	88
Paccosakkaṇaṃ	97	Pariyuṭṭhāti	168
Pajā	66	Parivattetabbā	129
Pañcaviññāṇasote	126	Parisuddhapakati	103
Pañhuddhāraṃ	189	Pariharaṇatthaṃ	121
Paññatti	56	Pariḷāhā	161
Paññattigatikaṃ	115	Palibuddhā	162
Paññāpiyati	177	Pavacchati	26
Paṭāṇikagahaṇaṃ	183	Pavattasantaṭādhipateyyaṃ	90
Paṭikkhepaniddeso	143	Pavattā	16
Paṭighaṭṭanānighaṃso	145	Pavattikālo	119
Paṭipadādibhedo	135	Pavattiṭṭhitimattaṃ	122
Paṭivāseti	188	Paveṇī	70
Paṭisiddhaṃ	132	Pavedhati	117
Paṭihaññati	125	Pasaṃsaṃ	66
Paṇakaṃ	89	Pasavati	19
Paṇidhānakavasena	168	Pasādapaccayesu	125
Paṇḍaraṃ	134	Pahātabbābhāvato	123
Paṭṭhaddho	141	Pahānaṃ	162
Papañcasaññāsaṅkhā	15	Pahānasaṃvaro	119
Pabhavo	159	Pahānekaṭṭhaṃ	160
Pabhassaraṃ	68	Pahāro	18
Parāmasantassa	120	Pahīnā	137
Pariṇamati	127	Pāṭihāriyaṃ	7
Parittā	44	Pāḍakajjhānaṃ	116
Paripucchā	161	Pāramiṃ	24
Paribhogaraso	71	Pāhunaṃ	176
Parimaṇḍalaṃ	140	Piṇayati	88
Pariyāpannā	55	Piṇḍajavanaṃ	134

Padānukkamo	Piṭṭhaṅko	Padānukkamo	Piṭṭhaṅko
[Pa]		[Ba]	
Pilavanti	70	Bodhi	112
Pītisukhaṃ	101	Byāpādeti	92
Puthujjanā	161	Brahmā	16
Puthuttam	65	[Bha]	
Purimamanato	93	Bhavaṅgaṃ	130
Purisamado	186	Bhavaṅgassa	133
Pūtiyo	141	Bhavaṅgotaraṇaṃ	129
Pūrenti	118	Bhāvaññathattam	155
Ponobbhavikā	68	Bhāvo	99
Porī	185	Bhūtāpagataṃ	67
[Pha]		Bhūmi	111
Phanditaṃ	120	Bhūmito	17
Pharaṇarasā	88	Bhūmiladdhaṃ	67
Pharaṇā	88	Bhūmiladdhā	117
Pharati	143	[Ma]	
Phalaṃ	64	Maggam	136
Phalacittāni	132	Maggaṅgaṃ	136
Phāsuvihāro	187	Maggapariyāpannam	136
Phusanākāro	94	Maggasannissitam	112
[Ba]		Maggāntarāni	132
Balaṃ	57	Mañco	177
Balavaṃ	18	Maṇḍalaṃ	88
Balavapaccayehi	127	Mattā	40
Bahiddhā	125	Manasikāro	57
Bujjhati	120	Manu	145
Buddhacakkhu	144	Manodhātu	126
Bojjhaṅgā	113	Mandaṃ	186

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Mandathāmagataṃ	134	Yathāgatamaggo	98
Mahaggaṭā	44	Yātrā	186
Mahāgajam	138	Yugandhare	8
Mahāparihārato	140	Yutti	15
Mahābhūtā	140	Yogā	70
Mahābhūtāni	141	Yogena	26
Mahābhūto	140	[Ra]	
Mahāyāgo	176	Rittā	26
Mahesi	2	Rūpaṃ	51
Mahesino	2	Rūpamattārammaṇarasam	124
Mānakaraṇavasena	171	Rūpayati	182
Mānamado	186	Rūpāni	65
Mānena	120	Rūpābhāvena	92
Mārapāso	168	Rūpābhigāto	147
Micchā	80	Rūpārūpaṃ	112
Micchāsabhāvā	45	Rūpī	107
Mukhādānaṃ	18	[La]	
Muṭṭhassaccaṃ	79	Lakkhaṇam	58
Mūlaṭṭhena	49	Lakkhaṇaññathattam	155
Mūlato	17	Lakkhaṇārammaṇā	115
Mecakapaṭā	18	Lakkhaṇūpanijjhānam	102
Mettāpubbabhāgo	92	Lakkhaṇe	24
Mettāyanavasena	167	Laganam	26
[Ya]		Lambilaṃ	150
Yatvādhikaraṇam	185	Lahutā	97
Yathādhammam	21	Lahupariṇāmatā	97
Yathānupubbam	18	Liṅgato	17
Yathānumati	35	Liṅganānattam	65
Yathāruci	2		

Padānukkamo	Piṭṭhaṅko	Padānukkamo	Piṭṭhaṅko
[La]		[Va]	
Liṅgasaññā	66	Vikkhepo	191
Liṅgasampatti	26	Vigatā	122
Lūkhapuggalā	70	Vicaraṇaṃ	96
Lokaṃ	111	Vicikicchā	122
Lokiyā	51	Vijānaṃ	87
Lokuttarabhāve	111	Vijānāti	91
Loko	182	Vijjamānakavatthum	71
Loluppataṇhā	137	Vijjāṭṭhānaṃ	70
[Va]		Viññattighaṭṭanā	76
Vaṃso	70	Viññattitāya	72
Vacanaṃ	122	Viññeyyaṃ	143
Vajjabhīrukabhayaḍassāvī	91	Vitakkaṇaṃ	88
Vaṭṭasetū	117	Vitakketi	88
Vaṇṇanibhā	150	Vidhāvati	168
Vataṃ	161	Vinayakukkuccaṃ	175
Vattaṃ	137	Vinayaṇaṃ	163
Vattā	16	Vinayo	183
Vatthum	175	Vināyako	10
Vatthukāmehi	101	Vinicchayo	161
Vatthupaṇḍarattā	125	Vinīlaṃ	107
Vavatthānaṃ	65	Vipariyesato	120
Vavatthānābhāvo	169	Vipassanāniyamo	116
Vaḷaṅjanaṭṭhena	146	Vipākapatikā	38
Vācāgiraṃ	78	Vipākābyākataṃ	124
Vātapupphaṃ	137	Vipphandaṇaṃ	122
Vātūpanissayo	149	Vipphāravā	88
Vādappamokkho	22	Virativasena	93
Vikīrati	141	Viramantassa	81
Vikkhepassa	89	Viruddhākāro	122

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Virūpaṃ	120	Saṃvarāsaṃvare	129
Vilīyati	141	Saṃvego	57
Vivekajaṃ	101	Saṃsaṭṭhe	68
Vivecitattā	177	Sahīrati	194
Visaṃvādikā	168	Sa-upāyena	99
Visaṃvādeti	23	Sakamanatā	184
Visaṃharati	168	Sakāyacittānaṃ	200
Visakkati	168	Sakkaccam	10
Visaṭā	168	Sakkāyadiṭṭhi	161
Visaparibhogā	168	Saṅkhāranimittagāho	162
Visappanaraso	121	Saṅkhārānaṃ	143
Visaphalā	168	Saṅgītā	10
Visamajjhāsayaṃ	149	Saṅghāto	107
Visamūlā	168	Sajātisaṅgaho	144
Visayaggāho	133	Sajettṭhakavāso	183
Visālā	168	Sañcetanīyaṃ	77
Visāhāro	96	Sañjāti	145
Visuddhasīlo	9	Sañjātisaṅgaho	144
Visuddhācārasīlo	10	Sañjānaṃ	150
Visuddhācāro	9	Sañṭhānaṃ	144
Visuddhippattāṃ	187	Sañhasukhumadhammaṃ	18
Vissagandho	150	Satipaṭipakkhattā	120
Vissavitāya	86	Satirahitattā	120
Vuṭṭhānakapaññāya	183	Satisavipākādānaṃ	131
Vedeho	10	Saddhā	70
Vevicchaṃ	172	Sadhamme	24
Voharīyati	177	Sanidassanā	48
[Sa]		Santati	152
Saṃkiliṭṭhā	39	Santatighanatā	60
Saṃkilesa	39		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Santāpā	161	Sambhavo	144
Santāpo	60	Sammadditvā	119
Sandahanam	87	Saraṇo	177
Saparidaṇḍā	80	Sarabhāṇakassa	70
Sappatissavam	90	Sarasabhāvena	69
Sappayogena	99	Saritāni	168
Sappāyasampajaññam	92	Sarīranipphattiyā	163
Sabbaṅgasampannam	24	Savatthukam	71
Sabbaṅgasampannā	26	Savanti	52
Sabbaññubodhisattā	127	Saviññāṇakasaddo	156
Sabbītiyo	26	Sasambhāram	144
Sabhāvo	64	Sasambhāarakathā	185
Sabhogo	188	Sassatadiṭṭhi	170
Samaññā	177	Sahajātadhammesu	120
Samatikkamma	111	Sahajekaṭṭham	160
Samantacakkhu	144	Sahadhammikam	182
Samayappavādake	60	Sāketapañham	128
Samādhicittena	88	Sātam	95
Samānādhikaraṇabhāvo	96	Sāttakasampajaññam	92
Samānenti	17	Sādhanato	90
Samāpattikusalatā	57	Sāmaññam	64
Samugghātakaraṇam	117	Sārakkhā	80
Samucchedavivekavasena	111	Sārammaṇā	54
Samuṭṭhānam	159	Sārāgo	168
Samudayapakkhikassa	162	Sāliphalam	160
Samudācārattā	132	Sāsavā	53
Samūhādighanatā	60	Sikkhanti	43
Sampaggaharaso	121	Siniddhapubbalā	70
Sampajaññam	92	Sinehitāni	168
Samphusittam	94	Sippāyatanaṃ	70

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sirī	9	Suyyeya	148
Siliṭṭhaṃ	18	Suvaṇṇadubbaṇṇāni	106
Sivā	78	Sekkhā	43
Sīlaṃ	161	Somanassito	137
Sukhaṃ	95	Sosetvā	9
Sukhabhūmi	160	[Ha]	
Sukhavihārā	36	Hadayarūpavattukaṃ	133
Sukhā	37	Hadayavattumeva	133
Suññataṃ	48	Hitapharaṇena	99
Suññabhāvaṃ	80	Hetukittanaṃ	128
Suddhāgamanavasena	136	Hetuhetu	143
Subhanimittaṃ	70		

Abhidhammapiṭaka

Dhammasaṅgaṇī-anuṭṭikā

Namo tassa Bhagavato Arahato Sammāsambuddhassa.

Visatigāthāvaṇṇanā

1. Abhidhammasaṁvaṇṇanāya atthaṁ saṁvaṇṇetukāmo tassā ādigāthāya tāva payojanasambandhābhidhānapubbaṅgamaṁ atthaṁ niddhārento uḷārajjhāsayaṇaṁ nisammakārīnaṁ paṭipatti paresaṁ vividhahitasukhanipphādanappayojanāti ācariyassāpi dhammasaṁvaṇṇanāya ādimhi satthari nipaccakārassa antarāyavisosanatthabhā viya satthari dhamme ca paresaṁ accantasukhappaṭilābhasaṁvattaniyasaddhāratanuppādanatthatāpi siyāti dassetuṁ “**dhammasaṁvaṇṇanāya**”ti-ādimāha. Tattha yathānusiṭṭhaṁ paṭipajjamāne apāyesu apatamāne dhāretīti **dhammoti** sāmāññavacanopi dhamma-saddo saddantarāsannidhānena idha pariyattivisesavisayo. Saṁvaṇṇīyati attho etāyāti **saṁvaṇṇanā**, aṭṭhakathā.

Tividhayānamukhena vimuttidhammaṁ yathārahamaṇṣāsati **satthā**. Paṇamaṇaṁ paṇāmo, kāyavācācittēhi satthu guṇaninnatā. Kiriyaṁ karaṇaṁ paṇāmassa karaṇaṁ **paṇāmakaraṇaṁ**, vandanāpayogo. So ca kiñcāpi “idāni adhippetāṁ paṇāmaṁ karonto”ti-ādinā “tassa pāde namassitvā”ti-ādikassa adhippetapaṇāmahāvaṁ dassessati, “karuṇā viyā”ti-ādikassa pana sabbassa thomanāvasena vuttassapi vasena veditabbo. So hi satthu mahākaruṇādiguṇavisesakittanavasena pavatto mahākaruṇādiguṇavisesāvinābhāvinā saṁvaṇṇīyamānasāvaṇṇanādhammavibhāvitena **dhammassa svākkhātabhāvena** svākkhātabhāveṇa

satthari anuppannasaddhānaṃ saddhājananāya uppannasaddhānañca bhiyyobhāvāya hoti. Satthuno ca aviparītadhammadesanabhāvena avitathadesanābhūte dhammeti etena satthuno mahākaruṇādiguṇānaṃyeva ca phalavisesanipphādanasamatthatāya pasādāvahataṃ āha. Dhammena hi satthusiddhi, satthārā ca dhammasiddhi, dhammasampattiyāpi satthuguṇatāya satthuguṇavibhāvanena sampajjatīti.

Evam satthari paṇāmakaraṇassa ekaṃ payojanaṃ dassetvā idāni sambandhaṃ vibhāveti **“tadubhayappasādā hī”**ti-ādinā. Na hi satthari dhamme vā appasanno saṃvaṇṇiyamāne tadadhigantabbe ca dhamme sammā paṭipajjati, nāpi sīlādi-anupādāparinibbānantarā mahantarā atthaṃ sādheti, tasmā dhammasaṃvaṇṇanāsu paresaṃ sammāpaṭipatti-ākaṅkhāya tathārūpadhammapaṭiggāhakehi ca viniyojitena satthari dhamme ca pasāduppādanāṃ satthari paṇāmakaraṇaṃ vihitanti adhippāyo.

Bhagavato guṇasaṃkittanaṃ tassa dhammasaṃghānampi thomaṇā hotiyevāti vuttaṃ **“ratanattayapaṇāmovacanaṃ”**ti. Tathā ca vakkhati **“bhagavato thomanenevā”**ti-ādi¹. Vakkhamānaṃ vā **“saddhammañcassa pūjetvā”**ti-ādiṃ sandhāya vuttaṃ. Viññāpanatthaṃ paresaṃ viññūnanti vā sambandhanīyaṃ. Aviññūnaṃ appamāṇatāya abhājanatāya ca viññūnaṃ gahaṇaṃ. Te hi buddhādīsu sagāravassa pamāṇabhūtataṃ jānantā tassa vacanaṃ sotabbaṃ saddhātappaṃ maññanti, sammadeva ca naṃ anutiṭṭhantā tadadhippāyaṃ pūrenti. Idhāpi purimanayeneva sambandho veditabbo pasāviññāpanādīmukhenapi sammāpaṭipatti-ākaṅkhāya paveditattā.

Ettha ca paṭhamo atthavikappo saddhānusārīnaṃ puggalānaṃ vasena vutto, dutiyo dhammānusārīnaṃ. Paṭhamo vā asaṃsiddhasatthudhammānaṃ vasena vutto, dutiyo saṃsiddhasatthudhammānaṃ. Tathā paṭhamo paṭhame ratane paṇāmakiriyādassanaparo, dutiyo itaresu pīti ayaṃ viseso veditabbo.

Paṇāmo karīyati etāyati paṇāmakaraṇaṃ, paṇāmakiriyābhiniṭṭhādikā cetanā. Sā hi khetasampattiyā ācariyassa ca ajjhāsayasampattiyā diṭṭhadhammavedanīyabhūtā yathāladhasampattinimitthakassa

kammasa balānuppādānavasena purimakammanipphannassa vipākasantānassa antarāvemajjhe āyanti āpatantīti antarāyāti laddhanāmānaṃ rogādi-anatthānaṃ vidhāyakassa upapīlakassa upacchedakassa vā kammasa viddhamśanasamattho puññātisayoti imamattaṃ dasseti “**ratanattayapaṇāma -pa- visesabhāvato**”ti. Evañca katvā rāgādipariyuṭṭhānābhāvavacanena antarāyassa kāraṇabhūtāya payogavipattiyā abhāvassa, atthalābhādivacanena anantarāyatāhetubhūtāya payogasampattiyā sabbhāvassa, “sabyāpajjhāya pajāya abyāpajjho viharatī”ti¹ vacanena diṭṭheva dhamme sukhavihāritāya ca pakāsaṇaṃ **mahānāmasuttam**yeva udāhaṭaṃ.

Guṇavisesadassanatthanti etena satipi kāyamanopaṇāmānaṃ antarāyavisosanasamatthabhāve tehi paṇāmavisayassa paṇāmārahabhāvavibhāvanena sātisayo vacīpaṇāmo vihitoti dasseti. **Guṇavisesavā hīti**-ādina ācariyassa yuttapattakāritaṃ dasseti. **Desanā vinayapiṭaketi** ettha nanu vinayapiṭakassapi desanābhāvato desanāvinayapiṭakānaṃ bhedavacanānaṃ na yuttanti? No na yuttaṃ “tīsupi cetesu ete dhammatthadesanāpaṭivedhā”ti² ettha viya samudāyadesanāya avayavadesanānaṃ ādhārabhāvato. Desanākāle vā manasā vavatthāpitāya vinayatantiyā vinayapiṭakabhāvato tadatthapaññāpanassa ca desanābhāvato bhedavacanānaṃ. Atha vā desīyati etenāti **desanā**, desanāsamuṭṭhāpako cittuppādo, tassa ca vinayapiṭakavisayo karuṇāpubbaṅgamo ca sotī evamettha bhedavacanopapatti datṭhabbā. **Suttantapiṭaketi**-ādīsupi eseva nayo.

Kathaṃ pana bhagavato desanā vinayapiṭake karuṇāppadhānā, suttābhidhammapīṭakesu ca paññākaruṇāpaññāppadhānāti viññāyatīti? Yato ukkaṃsapariyantagatahirottappopi bhagavā lokiyasādhujanehipi pariharitabbāni “sikharaṇī”ti-ādīni vacanāni yathāparādhañca garahavacanāni vinayapiṭakadesanāyaṃ mahākaruṇāsañcoditamānaso mahāparisamajjhe abhāsi, taṃtāmsikkhāpadapaññattikāraṇāpekkhāya verañjādīsu

1. Am 2. 255; Am 3. 534 piṭṭhesu.

2. Abhi-Ṭṭha 1. 23; Dī-Ṭṭha 1. 21; Vi-Ṭṭha 1. 18 piṭṭhesu.

sārīrikañca khedamanubhosi, tasmā kiñcāpi
 bhūmantarapaccayākārasamayantarakathānaṃ viya vinayapaññattiyāpi
 samuṭṭhāpikā paññā anaññasādhāraṇatāya atisayakiccavāṭī, tatopi karuṇāya
 kiccaṃ adhikanti adhippāyena vuttam **“vinayapiṭake karuṇāppadhānā”**ti.
 Karuṇābyāpārādhikatāya hi desanāya karuṇāppadhānatā, suttantadesanāya
 mahākaruṇāsamāpattibahulo veneyyasantānesu tadajjhāsayanulomena
 gambhīramatthapadaṃ patiṭṭhapesīti karuṇāpaññāppadhānatā,
 abhidhammadesanāya pana sabbaññūtaññāṇassa visayabhāvappahonako
 rūpārūpaparicchedo dhammasabhāvānurodhena pavattitoti paññāppadhānatā.
Teneva ca kāraṇenāti-ādinā desanānurūpatamāsaṃvaṇṇanāya thomanā
 ācariyassa pakatīti dasseti.

Kusalā rūpaṃ cakkhumā dasa dāḷimādi samūhavasena
 atthānavabodhanattho viya atthāvabodhanattho hi saddappayogo
 attaparādhīno kevalo atthapadatthako, so padatthavipariyesakārinā iti-
 saddena saddapadatthako jāyatīti āha **“karuṇā viyāti nidassanavacanan”**ti.
 Nidassanaṃ hi nāma nidassitabbadhamme tena ca sambandhe sati hoti,
 nāññathāti tassa nidassanabhāvaṃ vibhāvento āha **“yassa yathā -pa-
 pavattitthāti attho”**ti.

“Tattha karuṇā viyāti nidassanavacanan”ti-ādinā
 nidassananidassitabbadhammānaṃ ādhāraṇavisayabyāpārehi savisesanehi saha
 pakāsanavasena gāthāya atthatatvaṃ dassetvā avayavabhedavasena attham
 dassetuṃ **“kiratīti karuṇā”**ti-ādi vuttam. Tattha nicchandarāgānaṃ
 bhūtapubbagatiyā vā sattatā veditabbā. Ekassapi dhammassa
 anekasāmaññākāravantatāya **“yathāsabhāvaṃ pakārehi”**ti vuttam. Tathā hi
 vuttam—“sabbe dhammā sabbākārenā”ti¹ dhammānaṃ aññeyyattaṃ
 paṭikkhipati ñātuṃ asakkuṇeyyattābhāvato. Etena tassā paññāya
 akicchavuttitaṃ āha. Yatheva hi “ñeyyesu sabbesu pavattitthā”ti ettāvātā
 adhippetatthe siddhe tesam attattaniyatāviraḥasamsūcanattham paresam
 sattādimicchāgāhapaṭisedhanena **dhamma**-saddena ñeyyā visesitabbā, evaṃ
“dhammesu sabbesu pavattitthā”ti

1. Khu 7. 277; Khu 8. 175; Khu 9. 376 piṭṭhe.

ettāvata ca adhippetatthe siddhe dhammesu tassā paññāya
 ākaṅkappaṭibaddhatāya akicchavuttitaṃ dassetuṃ aññeyyattaṭṭisedhanena
ñeyyasaddena dhammā visesitāti. **Ñeyyadhamma**-saddā nīluppallasaddā viya
 aññamaññaṃ bhedaḍbhedayuttāti “**ñeyyā ca te dhammā cā**”ti vuttaṃ. **Yā yāti**
 yathā-saddassatthaṃ dasseti. Byāpanicchāyaṃ hi ayaṃ **yathā**-saddo,
 tappabhedā paññā pavattitthāti sambandhoti.

Bhagavati pavattāvāti idaṃ yebhuyyena upamānopameyyatthānaṃ
 bhinnādhārātāya bhinnādhārassa ca upamānatthassa idha asamभवतो
 vuttaṃ. Bhagavato karuṇāya aññehi asādhāraṇabhāvo satte saṃsāradukkhatō
 uddharitvā accantasukhe nibbāne patiṭṭhapetuṃ attano
 sarīrajīvitapariccāgenapi ekantahitajjhāsayatāvasena veditabbo, yato
 vineyyānaṃ kosohitavatthaguyhapahūtajivhāvidaṃsanampi kataṃ, yañca
 yadime sattā jāneyyūṃ, bhagavato sāsanaena rahadamiva sītalāṃ
 sampajjalitaṃ aggikkhandhampi samogāheyya. Aññesaṃ passantānanti
 sambandho. **Uddhaṭāti** padaṃ apekkhitvā **mahoghapakkhandhānaṃ**
sattānanti kammattthe sāmivacanaṃ. Ayañhettha saṅkhepattho—
 kāmādimahoghapakkhande satte tato uddhaṭā natthañño koci maṃ ṭhapetvāti
 passato yathā bhagavato karuṇāya āvisanaṃ hoti, na evaṃ aññesaṃ
 tathādassanasseva abhāvato. Atha vā **aññesaṃ passantānanti** yadipi pare
 passeyyūṃ, tathāpi na tesāṃ bhagavato viya karuṇokkamaṃ atthi
 appaṭipattito attahitamattapaṭipattito cāti attho.

Anāvaraṇā tīsu kālesu sabbattha appaṭihata vuttitāya, **asādhāraṇā**
 sabbadhammānaṃ niravasesahetupaccayapariggahavasena tesaṃca
 sabhāvakkiccādi-avatthāvisesādi pari jānanaena āyūhanavelāyameva
 taṃtaṃkammānaṃ taṃtaṃphalavisesahīnamajjhima paṇītādivibhāgassa¹
 indriyabaddhesu anindriyabaddhesu ca atisukhumatirohitavidūravutti-
 atītānāgatādivibhedabhinnānaṃ rūpadhammānaṃ
 taṃtaṃkāraṇasamavāyavibhāvaneneva taṃtaṃphalesu
 vaṇṇasaṅṭhānagandharasaphassādivisesassa niravasesato paṭivijjanena
 veditabbā. Ayañca attho bhagavato anekadhātunānādhātulokaṃ yathābhūtaṃ
 ñāṇādivasena veditabbo. **Yathā ca passantassāti** idaṃ

1. Virāgassa (Ka)

rāgaggi-ādīhi lokasannivāsassa ādittatādi-ākāradassanaṃ bhagavato mahākaruṇokkamanupāyaṃ sandhāya vuttaṃ. Taṃ pana bahukehi ākārehi passantānaṃ buddhānaṃ bhagavantānaṃ sattesu mahākaruṇā okkamati.

“Āditto lokasannivāso -pa-. Uyyutto -pa-. Payāto -pa-.

Kummaggappaṭipanno -pa-. Upanīyati loko adhuvo -pa-. Atāṇo loko anabhissaro -pa-. Assako loko sabbaṃ pahāya gamanīyaṃ -pa-. Ūno loko katitto taṇhādāsoti passantānaṃ buddhānaṃ bhagavantānaṃ sattesu mahākaruṇā okkamati”ti-ādinā paṭisambhidāmagge¹ parosataṃ ākārehi dassitanti ganthavitthāraṃ pariharitum samvaṇṇayituṅca upāyaṃ dassetum āha “**taṃ sabbaṃ paṭisambhidāmagge mahākaruṇāñāṇavibhaṅgasena jānitabban**”ti. Indriyaparopariyatta āsayānusaya yamakapāṭihāriya sabbaññūtānāvarenañāṇāni sesāsādhāraṇaṇāni. Tesampi hi vibhaṅgo “idha tathāgato satte passati apparajakkhe”ti-ādinā paṭisambhidāmagge² nānappakārena dassitoti purimanayeneva atidisati. **Ādi**-saddena tattha vibhattānaṃ paṭisambhidāsaccañāṇādīnaṃ saṅgaho katoti veditabbo.

Nippadesasappadesavisayā karuṇā viya bhagavato paññāpi idha nippadesasappadesavisayā niravasesā adhippetāti tassā katipayabhedadassanena nayato tadavasiṭṭhabhedā gahetabbāti dassento “**paññāggahaṇena cā**”ti-ādimāha. Te pana sīla samādhi paññāvimuttivimuttiñāṇadassana, dvācattālīsasatadukadhamma, bāvisatitīkadhamma, catusatipaṭṭhāna sammappadhāna itthipāda sāmāññaphala ariyavaṃsādi, pañcagati pañcapadhāniyaṅgapañcaṅgikasamādhi indriya bala nissāraṇiyadhātu vimuttāyatana vimutti-paripācanīyadhammasaññādi, chasāraṇiyadhamma anussatiṭṭhāna agāravagāra nissāraṇiyadhātu satatavihāra anuttariya nibbedhabhāgiyapaññādi, satta-aparihāniyadhamma ariyadhana bojjhaṅga sappurisadhammanijjaravatthu saññā dakkhiṇeyyapuggalakhīṇāsavabalādi, aṭṭhapaññāpaṭilābhahetu micchatta sammatta lokadhamma ariyānariyavohāra ārambhavatthu kusītavatthu akkhaṇa mahāpurisavitakka abhibhāyatana vimokkhādi, navayonisomanasikāramūladhamma-

1. Khu 9. 121 piṭṭhe.

2. Khu 9. 116 piṭṭhe.

pārisuddhipadhāniyaṅga sattāvāsa āghātavatthu āghātapāṭivīnaya
 saññānānatta anupubba vihārādi, dasanāthakaradhamma kasiṇāyatana
 akusalakammāpatha kusalakammāpatha micchattha sammatta ariyavāsa
 dasabalañña asekkhadhammādi, ekādasamettānisamsa sīlānisamsa
 dhammatā buddhihetu, dvādasāyatanaapaṭiccasamuppāda dhammacakkākāra,
 terasadhutagaṇa, cuddasabuddhañña,
 pañcadasacaraṇavimutti-paripācanīyadhamma, soḷasa-ānāpānassati saccākāra
 suttantapaṭṭhāna, aṭṭhārasa buddhadhammadhātu bhedakaravatthu,
 ekūnavīsati-paccavekkhaṇa, catuvīsati-paccaya, aṭṭhavīsatisuttantapaṭṭhāna,
 paṇṇāsa-udayabbayadassana, paro-paṇṇāsakusaladhamma,
 dvāsaṭṭhidiṭṭhigata, aṭṭhasatataṇhāvicarītādibhedānaṃ dhammānaṃ
 paṭivijjhanadesanākārappavattā, ye ca
 catuvīsati-koṭṭisatasahassasamāpattisañcārīmahāvajiraññaṇappabhedā, ye ca
 anantanayasamantapaṭṭhānapavicayadesanākārappavattā, ye ca anantāsu
 lokadhātūsu anantānaṃ sattānaṃ
 āsayānusayacaritādivibhāvanākārappavattāti evaṃpakārā bhagavato
 paññāpabhedā, sabbepi idha **ādi**-saddena nayato saṅgayhantīti veditabbaṃ.
 Ko hi samattho bhagavato paññāya pabhede anupadaṃ niravasesato
 dassetuṃ. Teneva bhagavantaṃ ṭhapetvā paññāvantānaṃ aggabhūto
 dhammasenāpatisāriputtattheropi buddhagaṇaparicchanaṃ pati-anuyutto
 “apica me bhante dhammanvayo vidito”¹ āhāti.

Samsāramahāghapakkhandānaṃ sattānaṃ tato santāraṇatthaṃ paṭipano
 tehi payojito nāma hoti asatipi tesāṃ tathāvidhe abhisandhiyanti vuttaṃ
 “**sattā hi mahābodhiṃ payojenti**”^{ti}. **Etena sabbenāti**
 mahābodhimūlādīdassanena. Apagamaṇaṃ nirupakkilesanti yojetabbaṃ.
 Jātasāmvaddhabhāvadassanena “anādi anidhano ca satto”^{ti} evaṃpakārā
 micchāvādā paṭisedhitā honti. **Samaññā -pa- dasseti** satte paramatthato
 asatipi sattapaññattivohārasūcanato. **Karuṇā ādi paññā pariyośanti** idaṃ
 sambharaṇanipphattikālāpekkhāya vuttaṃ, na paricchadvantatāya.
 Tenevāha “**tannidānabhāvato tato uttarikaraṇīyābhāvato**”^{ti}. **Sabbe**
buddhagaṇā dassitā honti nayato dassitattā. Eso eva hi anavasesato
 buddhagaṇadassanupāyo yadidaṃ nayaggāhaṇaṃ. Paradhanaharaṇādītopi
 virati paresaṃ

anattapariharaṇavasappavattiyā siyā karuṇūpanissayāti **karuṇānidānaṃ sīlaṃ**. Tato eva “**tato paṇātipātādiviratippavattito**”ti vuttaṃ.

2. **Yassā samvaṇṇananti**-ādinā “dayāyā”ti-ādithomanāya sambandhaṃ dasseti. Payojanaṃ pana vuttanayena veditabbaṃ. **Abbhantaraṃ** niyakajjhattaṃ, tato bahibhūtaṃ **bāhiraṃ**. **Dayāti karuṇā adhippetāti dayā-**saddassa mettākaruṇānaṃ vācakattā vakkhamānañca anuyogaṃ manasi katvā vuttaṃ. Tāya hi samussāhito, na mettāyāti adhippāyo. **Pubbe vuttassa paṭiniddeso hotīti ta-**saddassa atthaṃ āha. **Tanti paññaṃ visesetā** upamābhāvena **vinivattā** caritatthatāya. **Paṭiniddesaṃ nārahati** padhānāpadhānesu padhāne kiccadassanato. **Dvinnam padānaṃ -pa-** vatoti karuṇāvācinā **dayā-**saddena ekādhikaraṇabhāvena vuccamāno **ta-**saddo tato aññadhammavisayo bhavituṃ na yuttoti adhippāyo. Apariyāyasaddānaṃ samānādhikaraṇabhāvo visesanavisesitabbabhāve sati hoti, nāññathāti āha “**samānā -pa-** hotī”ti. Samānādhikaraṇabhāvena hettha visesanavisesitabbabhāvo sādhiyati, sā ca samānādhikaraṇatā viṣiṭṭhavihattikānaṃ na hotīti samānavibhattitāyapi tameva sādhiyatīti “**dayā -pa-** cidan”ti idaṃ dayāya visesitabbabhāve kāraṇavacanāṃ. Padhānatāya hi sāmāññatāya ca sā visesitabbā jātā. Tatha bhagavato tadanñesañca karuṇānaṃ vācakattā sāmāññatā veditabbā. **Tassa cāti dayā-**saddassa. “Padhānañca paññaṃ”ti-ādinā kiñcāpi purimagāthāya paññāppadhānā, “tāyā”ti pana kevalaṃ avatvā dayāvisesanabhāvena vuttattā appadhānāyapi karuṇāya paṭiniddeso yuttoti dasseti. Appadhānatā ca karuṇāya purimagāthāya vasena vuttā, idha pana padhānā eva. Tathā ca vuttaṃ “dayāsamussāhinīti padhānā”ti¹.

Kathaṃ pana -pa- nātabbāti vakkhamānaññeva atthaṃ hadaye ṭhapetvā codeti. **Yadi evanti** yadi aṭṭhakathāya adhippāyaṃ aggahetvā vacanamattameva gaṇhasi. **Mettāti ca na yujjeyyāti** yathā “mettacittataṃ āpanno”ti etissā aṭṭhakathāya vasena na dayā

1. Mūlaṭi 1. 5 piṭṭhe.

karuṇā, evaṃ “nikkaruṇataṃ āpanno”ti etissā aṭṭhakathāya vasena na dayā mettāti vacanamattaggahaṇe aṭṭhakathānampi virodhaṃ dasseti. “Adhippāyavasena yojetabbo”ti vatvā tameva adhippāyaṃ **dayā-saddo hīti-**ādinā vivarati. Akkharacintakā hi **dayā-saddaṃ** dānagatirakkhaṇesu paṭhanti. Anurakkhaṇaṅca mettākaruṇānaṃ hitūpasamhāradukkhāpanayanākāravuttīnaṃ samānakiccaṃ, tasmā ubhayattha **dayā-saddo** pavattatīti vuttaṃ. **Antonīanti** antogadhaṃ, rukkhattho viya dhavakhadirādīnaṃ anurakkhaṇattho mettākaruṇānaṃ sāmāññanti attho, adhippāyo pana “dayāpanno”ti ettha sabbapāṇabhūtahitānukampīti anantaraṃ karuṇāya vuttattā **dayā-saddo** mettāpariyāyoti viññāyati. Mettāpi hi karuṇā viya pāṇātipātaviratiyā kāraṇanti. “Adayāpanno”ti ettha pana kāruṇiko avihimsajjhāsayaṭṭā paresaṃ vihesāmatampi na karoti, ko pana vādo pāṇātipātaneti nikkaruṇatāya pāṇātipātītā dassitāti vedītabbā. Etamevatthaṃ sandhāya “**evañhi aṭṭhakathānaṃ avirodho hotī**”ti āha. Yadi dayā-saddo mettākaruṇānaṃ vācako, evampi kathaṃ pana karuṇā “dayā”ti jānitabbāti anuyogo tadavattho evāti codanaṃ manasi katvā **karuṇā ca desanāyāti-**ādinā karuṇāya eva gahaṇe kāraṇamāha.

Nanu tāyāti-ādinā sāmattihiyatopi pakaraṇaṃ balavanti pakaraṇavaseneva karuṇāvisayassa ñātataṃ dasseti. **Yathārucci pavattitthāti** etaṃ purimagāthāya sappadesanippadesasattavisayāya karuṇāya gahitabhāvassa kāraṇavacanāṃ. Yathāruccipavattim hi ekasmiṃ anekesu ca ichānurūpappavattīti. “**Idha pana nippadesasattavisayataṃ gahetun**”ti etena siddhe sati ārambho ñāpakattho hotīti puna “sattesū”ti vacanaṃ imamatthavisesaṃ bodhetīti dasseti. **Na devesuyevāti-**ādināpi dayāsādhanassa samussāhanassa sattavisayabhāve sāmattihiyaladdhepi “sattesū”ti vacanaṃ tassa nippadesasattavisayabhāvo adhippetoti imaṃ visesaṃ ñāpetīti dasseti.

Kāladadesakaparīsādi-paridīpanaṃ bāhiraṇidānanti kālādīni niddhārento “**yasmiṃ kāle**”ti-ādimāha. **Avasānamhi vasanto tidasālayeti vacanatoti** etena tassa pāṭihāriyassa

saddantarāsannidhānena avacchinnatāṃ dasseti. **Tattha pavattavohārena ca na sakkāti** puthujjanasantānēpi rāgādipaṭipakkhaharaṇassa abhāvato nicchandarāgesu sattavohāro viya puthujjanasantāne rāgādipaṭipakkhaharaṇavasena pavattāṃ tadabhāvepi bhagavato santāne ruḥhīvasena pāṭihāriyantveva vuccatīti na sakkā vattunti adhippāyo. **Diṭṭhiharaṇavasena** ye sammādiṭṭhikā jātā acelakakassapādayo viya, **diṭṭhippakāsane asamatthabhāvena** appaṭibhānabhāvādippattiyā saccakādayo viya.

3. **Sītapabbatā** nāma “sineruṃ parivāretvā ṭhitā yugandharo -pa-giribrahā”ti¹ evaṃ vuttapabbatā.

4-5. Sabbaso cakkavāḷasahashehi sabbaso āgamma sabbaso sannisinnenāti sambandhavasena tayo vikappā yuttā, sabbaso cakkavāḷasahashehi dasahi dasahīti pana aniṭṭhasādhanato paṭisedhito. **Vajjitabbeti** ye vajjetuṃ sakkā “atisammukhā atisamīpaṃ unnatappadeso”ti, ete. Itare pana tassā parisāya mahantabhāvena na sakkā pariharitum.

“Sabbañeyya -pa- samatthā”ti vatvā **tesaṃ desetabbappakārajānanasamatthā**ti vacanaṃ attanā paṭividdhākārassa dhammasāmināpi paresaṃ desetuṃ asakkuṇeyyattā vuttaṃ. Aññathā sabbepi sattā diṭṭhasaccā eva bhaveyyuṃ. Sabbañeyyadhammānaṃ yathāsabhāvajānanasamatthataḍḍiyeva **yathāvuttabalaṃ. Tesaṃ gahaṇasamatthataṃ dīpeti**, adhikavacanamaññamattham bodhetīti adhippāyo.

6. **Tathāgato vandaniyoti**-ādinā “namassitvā”ti-ādikiriyaṃvisesānaṃ taṃtaṃsuttānuurodhena pavattitamāha. **Sarīrasobhaggādīti ādi**-saddena kalyāṇavākkaraṇatā-ādhipaccaparivārasampatti-ādi saṅgayhati.

7. **Antaradhāpetvāti** nirodhetvā nirodhanañcettha uppādakahetupariharaṇavasena tesaṃ anuppattikaraṇanti vedittabbaṃ. **Atthaṃ pakāsayissāmīti sambandhoti** “sosetvā”ti pubbakālakiriyaṃ aparakālakiriyaṃpekkhatāya vuttaṃ.

1. Visuddhi 1. 200; Vi-Ṭṭha 1. 91 piṭṭhesu.

8. **Dukkarabhāvaṃ dīpetunti** adukkarassa tathā-abhiyācetabbatābhāvato adhippāyo. Pārājikasamghādisesānaṃ sīlavipattibhāvato thullaccayādīnaṅca yebhuyyena ācāravipattibhāvato ācārasīlānaṃ tathā yojanā katā, tathā cārittasilassa ācārasabhāvattā itaraṃ sabhāveneva gahetvā dutiyā. **Asakkuṇeyyanti** visuddhācārādiguṇasamannāgatena sabrahmacārīnā saddhammaciraṭṭhitattham sādaraṃ abhiyācitena tena ca abhidhammatthappakāsane samatthoti yāthāvato pamāṇitena tabbimukhabhāvo na sukaroti adhippāyo.

9. **Devadeva**-saddassa attho paṭṭhānaṃvaṇṇanāṭikāyaṃ vipaṇcitoti na vitthārayimha.

13. **Paṭhamasaṅgītiyaṃ yā aṭṭhakathā saṅgītā**ti vacanena sā bhagavato dharamānakālepi aṭṭhakathā samvijjati, tena pāṭho viya bhagavaṃmūlikāvāti viññāyati. “Abhidhammassā”ti padam “attham pakāsayissāmī”ti etadapekkhanti “kassa pana sā aṭṭhakathā”ti pucchitvā adhikārasena tameva abhidhammapadam ākaḍḍhati. Āvutti-ādivasena vā ayamattho vibhāvetabbo.

16. Ariyamagassa bojjaṅgamaggaṅgajhānaṅgavisesaṃ pādakajjhānameva niyametīti-ādinayappavatto **tipītakacūḷanāgattaravādo ādisaddena** vipassanāya ārammaṇabhūtā khandhā niyamenti, puggalajjhāsayo niyametīti evamādayo **moravāpivāsimahadattattheratipītakacūḷābhayattaravādā**dayo saṅgayhanti. **Tappakāsanenevā**ti abhidhammassa atthappakāsaneneva. **Soti** mahāvihāravāsīnaṃ vinicchayo. **Tathā**ti asammissanākulabhāvena. Asammissānākulabhūto vā vinicchayo mahāvihāravāsīnaṃ santakabhāvena, etena abhidhammassa atthappakāsaneneva mahāvihāravāsīnaṃ vinicchayo idha abhinipphādiyatīti dasseti. Atha vā **tappakāsanenevā**ti asammissānākulabhāvappakāsaneneva. **Soti** pakāsiyamāno abhidhammattho. **Tathā**ti mahāvihāravāsīnaṃ vinicchayabhāvena. Imasmim atthavikappe “asammissaṃ anākulaṃ attham pakāsayissāmī”ti sambandhanīyaṃ.

17. **Aññañca sabbañ atthappakāsañ hotīti tosañ hotīti attho.** Tenevāha “**sabbena tena tosañ katañ hotī**”ti. Yuttarūpā yojanā.

Vīsati-gāthāvaṇṇanā niṭṭhitā.

Nidānakathāvaṇṇanā

Paricchedo sattappakaraṇabhāvo. **Sanniveso** sattannañ pakaraṇānañ tadavayavānañca vavatthānañ. **Sāgarehi tathā cintāti** “imassa abhidhammassa gambhīrabhāvavijānanatthañ cattāro sāgarā veditabbā”ti-ādinā nayena jalasāgarādīhi saha nayasāgaravicāro. “Satabhāgena sahasabhāgena dhammantarā dhammantarañ sañkamitvā sañkamitvā desesī”ti-ādinā desanābhedehi abhidhammassa gambhīrabhāvakathā **desanāhi gambhīratā.**

“Evañ temāsañ nirantarañ desentassā”ti-ādinā desanākāle bhagavato sarīrassa yāpitākāravacāro **desanā -pa- gahaṇaṇ.** **Tathā therassa -pa- pi cāti** “abhidhamme vācanāmaggo nāmā”ti-ādinā abhidhamme vācanāmaggassa sārīputtattherasambandhitatā tassa ca teneva uppāditatā. Yo hi bhagavatā devatānañ desitākāro, so aparicchinnavāranayatantitāya ananto aparimāṇo na bhikkhūnañ vācanāyoggo, yo ca therassa desitākāro, so atisañkhittatāya. Nātisañkhepanātivitthārahūto pana pāṭhanayo therappabhāvito vācanāmaggoti.

Vacanatthavijānanenāti-ādinā kusalā dhammāti-ādīpadānaññeva atthavaṇṇanañ akatvā abhidhamma-saddavicārassa sambandhamāha. “Ye te mayā dhammā abhiññā desitā. Seyyathidañ—cattāro satipaṭṭhānā -pa-sikkhitañ sikkhimsu dve bhikkhū abhidhamme nānāvādā”ti-ādisuttavasena kiñcāpi bodhipakkhiyadhammā “abhidhammo”ti vuccanti, dhamma-saddo ca samādhi-ādīsū diṭṭhappayogo, pariyaṭṭidhammo eva pana idha adhippetoti dassento “**suttantādhikā pālīti attho**”ti āha. Tattha dhammabyabhicārahāvena visesato abhidhammo viya suttentopi “dhammo”ti vuccati.

“Yo vo ānanda mayā dhammo ca vinayo ca desito paññatto”ti-ādīsu¹
 aññattha cāsambhavato abhi-saddena nivattetabbattham dīpetum “suttantā”ti
 vuttam. Nanu ca atirekavisesaṭṭhā bhinnasabhāvā yato te yathākkamam
 adhikavicittapariyāyehi bodhitā, tasmā
 “dhammātirekadhammavisesaṭṭhehī”ti bahuvacanena bhavitabban, na
 ekavacanenāti anuyogam manasi katvā āha “**dvinnampi -pa-
 ekavacananiddeso kato**”ti.

Payogameva nārahati upasagga-saddānam dhātu-saddasseva purato
 payojanīyattā. **Athāpi payujjeyya** atimālādīsu **ati**-saddādayo viya. Evampi
 yathā “atimālā”ti ettha samāsavasena anāvibhūtāya kamanakiriyāya visesako
ati-saddo, na mālāya, evamidhāpi **abhi**-saddo na dhammavisesako yuttoti
 adhippāyo. **Aññassapi hi upasaggassāti** idam ruḥhīvasena, atthe upasajjātī
 vā upasaggassa anvatthasaññatam gahetvā vuttam. Atichattādīsu hi **ati**-saddo
 idha upasaggoti adhippeto. Tattha yathā kalyāṇo pūjito vā puriso atipurisoti
 bhavati, evam atirekavisesaṭṭhānampi kalyāṇapūjitatthabhāvasambhavato
 kalyāṇam vā pūjitam vā chattam atichattanti saddanayo veditabbo.
 Kalyāṇapūjita bhāvā hi guṇavisesayogena icchitabbā. Guṇaviseso cesa
 yadidam pamāṇātireko ca vicittarūpatā ca. Evañca pana katvā
 “akiriyāyapī”ti vacanam samatthitam bhavati. Yathā ca atichakkādīsu, evam
 abhidhamma-saddepi daṭṭhabbam. Anekatthā hi nipātāti.
Tabbhāvadīpakattāti atirekavisesabhāvāvadīpakattā.

Ekato anāgatattāti idam suttante ekato āgatānam khandhāyatanādīnam
 suttantabhājanīyassa diṭṭhattā “cha imāni bhikkhave indriyāni”ti-ādīnā²
 cakkhādīnam channam itthindriyādīnam tiṇṇam sukhindriyādīnam
 pañcannaṃ saddhindriyādīnam pañcannaṃ
 anaññātaññassāmītindriyādīnañca tiṇṇam vasena visum visum
 suttantabhāvena āgatattā ekasuttabhāvena anāgatānam bāvīsatiyā indriyānam
 suttantabhājanīyassa adiṭṭhattā ca vuttam, na suttante ekato āgamanassa
 suttantabhājanīyassa kāraṇattā. Suttante ekato sabbena sabbañca anāgatā hi
 bhūmantaraparicchedapaṭisambhidā suttantabhājanīyavasena vibhattā
 dissanti, ekato āgatāni

1. Dī 2. 126 piṭṭhe.

2. Sam 3. 180 piṭṭhe.

ca sikkhāpadāni tathā na vibhattāni. Veramaṇīnaṃ viya pana sabhāvakkiccādivibhāgavinimutto bāvisatiyā indriyānaṃ samāno vibhajanappakāro natthi, yo suttantabhājanīyaṃ siyāti **indriyavibhaṅge suttantabhājanīyaṃ natthīti** yuttaṃ siyā.

Yadipi paccayadhammavinimutto paccayabhāvo nāma natthi, yathā pana pavatto paccayadhammo paccayuppannadhammānaṃ paccayo hoti, so tassa pavatti-ākāraviseso hetu-ādibhāvo tato añño viya paccayadhammassa paccayabhāvoti vutto, so ca “avijjāpaccayā saṅkhārā sambhavanti”ti-ādīsu padhānabhāvena vutto. Tattha ca guṇibhūtā hetuhetuphalabhūtā avijjāsaṅkhārādayoti vuttaṃ **“paccayabhāvo uddiṭṭho”**ti.

Uddiṭṭhadhammānanti-ādi uddesena paricchinnānaṃyeva khandhādīnaṃ khandhavibhaṅgādīsu pañhapucchakanayo dassito, na ito aññathāti katvā vuttaṃ.

Suttante saṅgītisuttantādike. **Pañca sikkhāpadāni** pāṇātipātā -pa-pamādaṭṭhānā veramaṇīti evaṃ uddiṭṭhāni. **Añño pana veramaṇīnaṃ vibhajitabbappakāro natthīti** idam atītāniccādivibhāgo veramaṇīnaṃ khandhāyatanādīsu antogadhattā tabbaseneva vijānitabbo, tato pana añño abhidhammanayavidhuro veramaṇīnaṃ vibhajitabbappakāro natthīti adhippāyena vuttaṃ. Tathā ca **paṭisambhidāmagge** “cakkhum aniccaṃ -pa-jarāmaṇaṃ aniccaṃ”ti anupadadhammasammasanakathāyaṃ na veramaṇīyo uddhaṭā.

Nanu dhammasaṅgaṇidhātukathādīnampi vasena abhidhammapāḷiyā atirekavisesabhāvo dassetabboti? Saccametaṃ so pana ekanta-abhidhammaniyanissito avuttopi siddhoti katvā na dassito. Etena vā nidassanena sopi sabbo netabbo. Abhidhammanayasāmaññena vā abhidhammabhājanīyapañhapucchakehi so vutto evāti na vuttoti daṭṭhabbo.

Pañhavārāti pucchanavissajjanavasena pavattā pāḷinayā. **Etthevāti** dhammahadayavibhaṅge eva. Apekkhāvasikattā appamahantabhāvassa yato appamattikā mahādhatukathātanti dhammahadayavibhaṅgavacanavasena avasesā, taṃ dassanatthaṃ **“dhammahadayavibhaṅge anāgantvā mahādhammahadaye āgatantito”**ti vuttaṃ. Dhammahadaya -pa-āgatantito rūpaṅgaḍadhātuvibhaṅgādīsu anāgantvā mahādhatukathāyaṃ āgatantanti appamattikāvāti

sambandho. Atha dhātukathāya vittārakathā mahādhātukathā dhammahadayavibhaṅge anāgantvā mahādhammahadaye āgatantito dhātukathāyaṃ anāgantvā mahādhātukathāya āgatantanti appamattikāvāti yojetabbaṃ.

Upalabbhatī anulomapaccanīyapañcakassa, **nupalabbhatī** paccanīyānulomapañcakassa upalakkhaṇavasena vuttaṃ. **Saccikaṭṭhaṃ nissayanti** “sabbathā”ti-ādinā desādi-anāmasanena rūpādisattapaññāsadhammappabhedam saccikaṭṭhameva nissayabhūtam. **Sabbathāti** etthāpi “upalabbhati nupalabbhatī paṭiññāya gahitāya paṭikkhepaggaṇaṭṭhan”ti ānetvā sambandhanīyaṃ, bhathā **sabbadā sabbesūti** etthāpi. Yadi khandhāyatanādayo gahitā aṭṭhakathāyaṃ āgatanayena, atha pana vuttanti sambandho. **Yo saccikaṭṭhoti** saccikaṭṭhanissayaṃ upalakkheti. **Etehīti** etehi vacanehi. Saccikaṭṭhadesakālappadesehi katham saccikaṭṭhādīnaṃ padeso ekadesabhūto sabboti vuccati? Padesānaṃ puthuttā. “Sabbesu padesesū”ti paccemaṃ bhedāmasanavasena cāyaṃ pañho pavattoti na purimehi avasesi.

Upalabbhati -pa- micchāti ekanti upalabbhatī paṭiññāggahaṇa paṭikkhepaggaṇaṇiggaṇhanānaṃ anulomapaṭilomato paṭiññāṭṭhapananiggahapāpanāropanānañca vasena pavattā tanti paṭhamapañcakassa ekaṃ aṅgaṃ eko avayavoti attho. Evaṃ sesesupi netabbaṃ. **Niggahassa suniggahabhāvaṃ icchato** sakavādino “tvaṃ ce pana maññasi vattabbe kho puggalo nupalabbhatī”ti-ādinā¹ **paṭiññāṭṭhapanena**, tena “tava tattha hetāya paṭiññāya hevaṃ paṭijānanto hevaṃ niggahetabbe atha taṃ niggaṇhāma suniggahito ca hotī”ti vatvā “hañci puggalo nupalabbhatī”ti-ādinā² paravādino attano paṭikammaṃ yathā sakavādī na nibbeṭheti, evaṃ karaṇaṃ **paṭikammaveṭṭhanam**. Paravādino **paṭikamma** **duppaṭikammabhāvaṃ icchato** sakavādino **tamnidassanena** “eso ce dunniggahito hevaṃ”ti paṭikammaṇidassanena, “vattabbe kho puggalo upalabbhati -pa- paramatthenāti³. No ca mayaṃ tayā tattha hetāya paṭiññāya hevaṃ paṭijānanto hevaṃ niggahetabbā. Atha amhe niggaṇhāsi dunniggahitā ca homā”ti vatvā “hañci puggalo upalabbhatī”ti-ādinā⁴ **niggahassa**

1. Abhi 4. 2, 5 piṭṭhesu.

3. Abhi 4. 1, 2 piṭṭhesu.

2. Abhi 4. 2, 3 piṭṭhesu.

4. Abhi 4. 1, 3 piṭṭhesu.

dunniggaḥitabhāvadassanena aniggahitabhāvakarāṇaṃ **niggahanibbēṭhanāṃ**. “Tena hi yaṃ niggaṇhāsi kañci puggalo upalabbhatī”ti-ādiṃ vatvā “tena hi ye kate niggahe se niggahe dukkaṭe sukate paṭikamme sukataṃ paṭipādanā”ti sakavādinō niggahassa, aniggahabhāvāropanena attano paṭikammaṃ supaṭikammabhāvakarāṇena ca sakavādinō niggahassa **chedo** vināsanāṃ puggalavādanisedhanavasena samuṭṭhitattā. Dhammatāya anulomanavasena uṭṭhahitvā tabbilomanavasena pavatto **anulomapaccanīkapañcako** vuttavipariyāyena dutiyapañcako veditabbo.

Tadādhāroti te saccikaṭṭhaparamattā rūpādayo ādhārā etassāti tadādhāro. Etena “rūpasmiṃ attā”ti evaṃpakāro puggalavādo dassito hoti. **Tesaṃ vā ādhārabhūto**ti etena “attani rūpan”ti evaṃpakāro. **Aññatra vā tehi**ti tehi rūpādihi vinā. Ādhārādheyyādibhāvena asaṃsaṭṭho visumyeva vinā. Tena sattādiguṇehi avokiṇṇo purisoti evamādiko. Taṃsāmibhūtatāya vā tadadhīnabhāvena “aññatra vā tehi”ti vuttanti “rūpavā attā”ti evaṃpakāro puggalavādo dassitoti veditabbo. **Anaññoti** etena “rūpaṃ attā”ti evaṃpakāro. **Ruppanādisabhāvo** rūpakkhandhādīnaṃ visesalakkhaṇaṃ, **sappaccayādisabhāvo** sāmāññalakkhaṇaṃ. Rūpādito añño **anañño vā** aññatte ca tadādhārādibhūto **upalabbhamāno āpajjatīti anuyuñjati** sakavādī pakārantarassa asambhavato. Puggalavādī **puggalassa rūpādihi na aññattaṃ icchati** rūpādi viya paccavekkhato anumānato vā gāhayitum asakkuṇeyyattā tassa ca kāravēdakabhāvassa ayujjamānakattā. **Nāpi anaññattaṃ** ruppanasappaccayādisabhāvappasaṅgato puggalasseva abhāvappasaṅgato ca. Yatheva hi na vinā indhanena aggi paññāpiyati, na ca aññaṃ indhanato aggiṃ sakkā paṭijānitum, nāpi anaññaṃ. Yadi hi añño siyā, na uṇhaṃ indhanaṃ siyā. Atha anañño, niddahitabbaṃyeva dāhakaṃ siyā. Evameva na vinā rūpādihi puggalo paññāpiyati, na ca tehi añño, nāpi anañño sassatucchedabhāvappasaṅgatoti laddhiyaṃ ṭhatvā puggalavādī “na hevā”ti paṭikkhipati. Tattha agginindhanopamā tāva yadi lokavohārena vuttā, apaḷittaṃ kaṭṭhādi indhanaṃ niddahitabbañca, paḷittaṃ bhāsuruṇhaṃ aggi dāhakañca, tañca ojaṭṭhamakarūpaṃ

purimapacchimakālikam aniccam saṅkhatam paṭiccasamuppannam, yadi evam puggalo rūpādīhi añño anicco ca āpanno. Atha paramatthato, tasmimyeva kaṭṭhādike paḷitte yam usumam so aggi, taṁsahajātāni tīṇi bhūtāni, indhanam, evampi siddham lakkhaṇabhedato aggindhanānam aññattanti aggi viya indhanato rūpādīhi añño puggalo anicco ca āpannoti byāhatāti veditabbanam.

Puggalo upalabbhatīti paṭijānantassa pakārantarassa asambhavato vuttesu pakāresu ekena pakārena upalabbhamāno upalabbhatīti “āpannan”ti vuttam “**paṭiññāya ekattāpannan**”ti. Ekattāpannattā eva **appaṭikkhipitabbanam**, puggale paṭisiddhe tadabhinivesopi ayāthāvato puggalavādino gahitākārasuññatāvibhāvanena sakaṭṭhānato cāvito paṭisedhito eva nāma hotīti vuttam “**puggaladiṭṭhim paṭisedhento**”ti. Puggaloyeva vā tathā passitabbattā diṭṭhi. “Sāmī nivāsī kārako vedako nicco dhuvo”ti abhinivesavisayabhūto hi parikappamattasiddho puggalo idha paṭikkhipiyati, “na cattārome bhikkhave puggalā”ti-ādinā vuttavohārapuggaloti **ananuyogo** ākāsakusumassa rattanīlādibhāvavicāraṇā viyāti attho. Pube “nupalabbhatī”ti paṭijānitvā visesacodanāya anāpajjanato puna “na hevā”ti paṭikkhepo **paṭiññāya āpajjanaleso**. Vañjhāputtakassa dīgharassatānuyogassa viya sabbena sabbam paramatthato anupalabbhamānassa puggalassa rūpādīhi aññānaññatānuyogassa ananuyogabhāvo eva idha **aviparītattho**.

Yamkāraṇāti etena “yatoniḍānan”ti ettha vibhatti-alopo daṭṭhabboti dasseti. **Ajjhācarantī**ti abhibhavanti. Abhinandanādayo taṇhādīhi yathasaṅkhyam yojetabbā, taṇhādīṭṭhīhi vā abhinandanajjhosānāni, tīhipi abhivadanam avisesena vā tīhipi tayo yojetabbā. **Ettha ce natthi abhinanditabbanti**-ādinā abhinandanādīnam abhāvasūcanena phalūpacārato abhinandanādīnam samucchepaṭippassaddhibhūtam maggaphalam vuccati, tam paccāmasanañca esevāti idanti katvā vuttam “**abhi -pa- phalam vā**”ti.

“Ñāyatīti jānan”ti ukkaṁsagativijānanena niravasesam ñeyyajātam pariggayhatīti tabbisayāya **jānatī**kiriyāya sabbaññutaññānameva karaṇam

bhavitumarahaṭṭi “**sabbaññutaññāna jānitabbarā jānāti**”ti vuttaṃ. Atha vā pakaraṇavasena, “bhagavā”ti saddantarāsannidhānena vā ayaṃ attho vibhāvetabbo. **Passaṃ passatīti** etthāpi eseva nayo. **Jānantāpi vipallāsavasena jānanti** titthiyā paṭhamajjhāna-arūpajjhānehi kāmarūpapariññāvādino. **Jānanto jānātiyeva bhagavā** anāgāmi-arahattamaggehi taṃpariññāvādītāya. Ayañca attho **dukkhakkhandhasuttavasena**¹ vibhāvetabbo. Paññācakkhunā uppannattā vā **cakkhubhūto. Nāṇabhūtoti**-ādīsūpi eseva nayo. Atha vā dibbacakkhu-ādikaṃ pañcavidhampi cakkhum bhūto pattoti **cakkhubhūto**. Evaṃ **ñāṇabhūtoti**-ādīsūpi daṭṭhabbarā. Sāmuksāsikāya dhammadesanāya sātisayo bhagavato vattu-ādibhāvoti vuttaṃ “**catusaccadhamme vadatīti vattā**”ti-ādi. “Pavattā”ti ettha pa-kārassa pakatṭhatthataṃ dassetuṃ “**ciraṃ -pa- pavattā**”ti āha. Niddhāretvā netā **ninnetā**.

“**Ekūnanavuti cittāni**”ti **vuttā** cittasahacariyāya yathā “kuntā pacarantī”ti. Tesañca pāḷipadesānaṃ ekekaṃ padaṃ uddharitvāpi kiñcāpi kusalattikapadāniyeva uddharitvā cittuppādakaṇḍe cittāni vibhattāni, kusalattikena pana sabhāvadhammasaṅgahitānaṃ sesattikadukapadānaṃ asaṅgahitānaṃ abhāvato kusalattikapaduddhārena nayadassanabhūtena itarattikadukapadānīpi uddhāṇevāti vuttaṃ. Evañca katvā mātikāggahaṇaṃ samatthitaṃ bhavati.

So ca dhammoti “tayo kusalahetū”ti-ādīsū² purimāya purimāya pāḷiyā pacchimā pacchimā atthaniddesoti vuttaṃ. “**Samānentī**”ti saddassa paṭapaṭāyati-saddassa viya saddanayo daṭṭhabboti dassetuṃ “**samānaṃ karontī**”ti vuttaṃ. Samānakaraṇaṅca ūnapakkipanena adhikāpanayanena vā hoti, idha ūnapakkipanēnāti dassetuṃ “**pūrentī**”ti vuttaṃ. **Samānetabbanti etthāpīti** “paṭṭhānaṃ samānetabban”ti ettha.

Balavatā nāṇavegena abhidhammapaccavekkhaṇavasappavattena. **Balavato nāṇavegassa** sabbakilesakkhepanāsappavattassa. **Gambhīrameva gambhīragataṃ** diṭṭhigatanti-ādīsū viya. **Nīravasesenāti** na kiñci avasesetvā. **Pañcakhīlarahitenā**”ti pañcacetokhīlarahitena.

1. Ma 1. 118, 126 piṭṭhesu.

2. Abhi 1. 214 piṭṭhe.

Ekādhikesu aṭṭhasu kilesasatesūti “jātimado”ti-ādinā ekakavasena āgatā tesattati, “kodho ca upanāho cā”ti-ādinā dukavasena chattimsa, “tīṇi akusalamūlāni”ti-ādinā tikavasena pañcāmikaṃ sataṃ, “cattāro āsavā”ti-ādinā catukkavasena chappaññāsa, “pañcorambhāgiyāni saṃyojanāni”ti-ādinā pañcakavasena pañcasattati, “cha vivādamūlāni”ti-ādinā chakkavasena caturāsīti, “satta anusayā”ti-ādinā sattakavasena ekūnapaññāsa, “aṭṭha kilesavattḥūni”ti-ādinā aṭṭhakavasena catusaṭṭhi, “nava-āghātavattḥūni”ti-ādinā navakavasena ekāsīti, “dasa kilesavattḥūni”ti-ādinā dasakavasena sattati, “ajjhattikassuppādāya aṭṭhārasa taṇhāvicarītāni”ti-ādinā aṭṭhārasakavasena aṭṭhasatanti evaṃ ekādhikesu aṭṭhasu kilesasatesu. **Sesā** tenavutādhikaṃ chasataṃ kilesā. Te brahmajālasuttāgatāhi dvāsaṭṭhiyā diṭṭhīhi saha pañcapaññāsādhikaṃ sattasataṃ honti.

Atha vā cuddasekantākusalā, pañcavīsati kusalābyākatasādhāraṇā, cuddasa kusalattikasādhāraṇā, upacayādidvayaṃ ekaṃ katvā sattavīsati rūpāni cāti ime asīti dhammā, imesu bhāvadvaye ekaṃ ṭhapetvā ajjhattikā ekūnāsīti, bāhirā ekūnāsītīti sabbepi aṭṭhapaññāsādhikaṃ sataṃ honti. Imesu ekekasmim dasannaṃ dasannaṃ kilesānaṃ uppajjanato **asīti-adhikaṃ** **diyadḍhakilesasahasam** honti.

Atha vā tepaññāsa arūpadhammā, aṭṭhārasa rūparūpāni, ākāsadhātu, lakkhaṇarūpāni cāti pañcasattati dhammā ajjhatabahidhābhedato paññāsasataṃ honti. Tattha ekekasmim dasa dasa kilesātipi diyadḍhakilesasahasam. Tathā ettha vedanaṃ sukhindriyādivasena pañcavidhaṃ katvā sattapaññāsa arūpadhammā, aṭṭhārasa rūparūpāni cāti pañcasattati vipassanūpagadhammā ajjhatabahidhābhedato paññāsasataṃ honti. Etesu ekekasmim dasa dasa kilesātipi **diyadḍhakilesasahasam**.

Aparo nayo—dvādasa-akusalacittuppādesu paṭhame cha kilesā, dutiye satta, tatiye cha, catutthe satta, pañcame cha, chaṭṭhe satta, sattame cha, aṭṭhame satta, navame pañca, dasame cha, ekādasame pañca, dvādasame cattāroti sabbe dvāsattati ime pañcadvārikā pañcasu rūpādīsu

tīsu kālesu dassanādīpahātabbavacanāṃ kataṃ, taṃ atītādīnaṃ
saṃkiliṭṭhatāya apāyagamaṇīyatāya ca dassanapahātabbehi
niratisayattāvuttanti daṭṭhabbāṃ.

Na **bhāsitatthavacananti** idaṃ “hitapariyāyavacanaṃ”ti etena nivattitassa
ekadesakathanāṃ. Yathā hi ayaṃ **attha**-saddo na bhāsitatthavacanāṃ, evaṃ
visayappayojanādivacanampi na hotīti. **Yathāvuttassāti** hitapariyāyassa. “Na
ha’ññadattha’tthipasaṃsalābhā”ti padassa niddese “attattho vā parattho
vā”ti-ādinā¹ kiñcāpi suttanirapekkhaṃ attatthādayo vuttā suttatthabhāvena
aniddiṭṭhattā, tesu pana ekopi atthappabhedo suttana dīpetabbatāṃ
nātikkaṃatīti āha “**te suttāṃ sūceti**”ti. Imasmiṃ vikappe **attha**-saddho
bhāsitatthavacanampi hoti. Purimakā hi pañca atthappabheda hitapariyāyā,
tato pare cha bhāsitatthappabheda, pacchimakā pana ubhayasabhāvā. Tattha
duradhigamatāya vibhāvane aladdhagādho **gambhīro**, na vivaṭṭo **guḷho**,
mūludakādayo viya paṃsunā akkharasannivesādinā tirohito **paṭicchanno**,
niddhāretvā ñāpetabbo **neyyo**, yathārutavaseneva veditabbo **nīto**.

Anavajjanikkilesavodānā pariyāyavasena vuttā,
kusalavipākakiriyadhammasena vā. **Paramattho** nibbānaṃ,
aviparītasabhāvo eva vā. Sāṭisayaṃ pakāsitāni tapparabhāvena pakāsitattā.
“Ettakaṃ tassa bhagavato suttāgatāṃ suttapariyāpannaṃ”ti², “sakavāde
pañcasuttasatānī”ti ca evamādīsu **sutta**-saddo upacaritoti adhippāyenāha
“**idameva atthānaṃ sūcanaṃ suttanti vuttan**”ti.

Ekantahitapaṭilābhasaṃvattanikā suttantadesanāti idampi vineyyānaṃ
hitasampāpane suttantadesanāya tapparabhāvaṃyeva sandhāya vuttanāṃ.
Tapparabhāvo ca vineyyajjhāsāyānulomato daṭṭhabbo, tathā
attatthādippakāsanapadhānatāpi. Itarehīti vinayābhidhammehi.

Rattī-ādīsūti rattirājavinayesu visayabhūtesu. Nanu ca “abhirattī”ti
avuttattā rattiggahaṇaṃ na kattabbaṃ, “abhiññātā abhilakkhitā”ti ca
ñāṇalakkhaṇakiriyāvisesako **abhi**-saddoti? Na. “abhiññātā abhilakkhitā”ti
abhi-saddavisiṭṭhānaṃ ñātalakkhitasaddānaṃ

1. Khu 7. 138 piṭṭhe.

2. Vi 2. 470 piṭṭhe.

3. Abhi-Ṭṭha 1. 5; Abhi-Ṭṭha 3. 105 piṭṭhesu.

rattisaddena samānādhikaraṇatāya rattivisayattā. Ettha ca vācakasaddasannidhāne nipātānam tadatthajotakamattattā lakkhitaladdatthajotako **abhi**-saddo lakkhaṇe vattatīti vutto. Abhilakkhitasaddapariyāyo ca abhiññātasaddoti daṭṭhabbo, abhivinayasaddassa pana abhipurisassa viya samāsasiddhi daṭṭhabbā. Anekathā hi nipātā, anekathabhedo ca saddānam payogavisayoti.

Kiñcāpi desanādayo desetabbādinirapekkhā na santi, āṇādayo pana visesato desakādi-adhīnāti taṃtaṃvisesayogavasena tesam bhedo vutto. Yathā hi āṇāvīdhānam visesato āṇārahādīnam tattha kosallayogato, evaṃ vohāraparamatthavidhānāni ca vidhāyakādīnānīti **āṇādividhino desakāyattatā** vuttā. Aparādhajjhāsayanurūpaṃ viya dhammānurūpampi sāsanaṃ visesato tathāvinetabbapuggalāpekkhanti vuttam **“sāsitabba -pa-tabbabhāvenā”**ti. Saṃvarāsaṃvaranāmarūpānam viya viniveṭhetabbāya diṭṭhiyāpi kathanam sati vācāvattusmiṃ, nāsati visesato tadadhīnanti āha **“kathetabbassa -pa- kathā”**ti. **upārambhādīti** upārambhanissaraṇadhammakosarakkhaṇāni. **Pariyāpuṇanādīti** pariyāpuṇanasuppaṭipattiduppaṭipattiyo.

Tantisamudāyo avayavatantiyā ādhāro yathā “rukkhe sākhatī. **Na codetabbametam** samukhena, visayavisayimukhena vā vinayādīnamyeva gambhīrabhāvassa vuttattāti adhippāyo. Dhammo hi¹ vinayādayo, tesaṇca visayo attho, dhammatthavisayā ca desanā paṭivedhāti. “Paṭivedhassā”ti-ādinā dhammatthānam duppaṭividdhattā desanāya uppādetum asakkuṇeyyattā paṭivedhassa uppādetuṇca paṭivijjhituṇca asakkuṇeyyattā dukkhogāhatam dasseti.

Dhammānurūpaṃ **yathādhammanti** ca attho yujjati. Desanāpi hi paṭivedho viya aviparītam savisayavibhāvanato dhammānurūpaṃ pavattati yato “aviparītabhilāpo”ti vuccati. **Dhammaniruttim dasseti**ti etena desanāsaddasabhāvāti dīpeti. Tathā hi niruttipaṭisambhidāya parittārammaṇādībhāvo pāḷiyam vutto, aṭṭhakathāyaṇca “taṃtaṃsabhāvaniruttisaddam ārammaṇam katvā”ti-ādinā saddārammaṇatā. Imassa atthassa ayam saddo vācakoti

1. Dhammoti (Ka)

vacanavacanīyaṃ vavatthapetvā taṃtaṃvacanīyavibhāvanavasena pavattito hi saddo desanāti. Nanu ca “dhammo tanti”ti imasmiṃ pakkhe dhammassapi saddasabhāvattā dhammadesanānaṃ viseso na siyāti? Na, tesam tesam atthānaṃ bodhakabhāvena ñāto uggahitādivasena ca pubbe pavattito saddappabandho dhammo, pacchā paresam avabodhanatthaṃ pavattito tadatthappakāsanako saddo desanāti. Atha vā yathāvuttasaddasamuṭṭhāpako cittuppādo desanā musāvādādayo viya. **Vacanassa pavattananti** ca yathāvuttacittuppādamāha. So hi vacanaṃ pavatteti, taṃ vā etena pavattīyatīti **pavattanaṃ**. Desīyati attho etenāti **desanā**. Pakārehi ñāpīyati etena, pakārato ñāpetīti vā **paññattīti** vuccatīti. Tenevāha “**adhippāyo**”ti-ādi. Abhisameti, abhisamīyati vā etenāti **abhisamayoti** evampi abhisamayattho sambhavati. abhisametabbato pana abhisamayoti dutiyavikappe paṭivedhoyevāti.

Vuttanayena veditabbāti avijjāsaṅkhārādīnaṃ dhammatthānaṃ duppaṭivijjhatāya dukkhogāhatā, tesam paññāpanassa dukkarabhāvato taṃdesanāya paṭivedhanasaṅkhātassa paṭivedhassa uppādanavisayikaraṇānaṃ asakkuṇeyyatāya dukkhogāhatā veditabbā.

Kāraṇe phalavohārena te dhammā dukkhāya saṃvattantīti vuttanti āha “**upārambha -pa- hetubhāvenā**”ti. **Aññaṃ atthanti** upārambhaṃ nissāraṇaṇca. **Niṭṭhāpetvāti** kathanavasena pariyosāpetvā. Tassa “āraddhan”ti etena sambandho. **Uddānasaṅgahādibhedo saṅgītoti** pāṭho yutto, “saṅgītiyā”ti pana likhanti. Purimaṃ vā **saṅgītiyāti** bhāvena bhāvalakkhaṇe bhummaṃ, pacchimaṃ adhikaraṇe. **Piṭakādīti** piṭakanikāyaṅgadhammakhandhāni.

Tattha aṅgesu suttāgameva na sambhavati “sagāthakaṃ suttam geyyaṃ, niggāthakaṃ suttam veyyākaraṇan”ti¹ vuttattā, maṅgalasuttādīnaṃca suttāṅgasaṅgaho na siyā gāthābhāvato dhammapadādīnaṃ viya, geyyāṅgasaṅgaho vā siyā sagāthakattā sagāthāvaggassa viya, tathā ubhatovibhaṅgādīsu sagāthakapadesānanti? Vuccate—

1. Dī-Ṭṭha 1. 25; Vi-Ṭṭha 1. 22; Abhi-Ṭṭha 1. 27 piṭṭhesu.

Suttanti sāmāñṇavidhi, visesavidhayo pare.
Sanimittā niruḷhattā, sahatāñṇena nāñṇato¹.

Sabbassapi hi buddhavacanassa suttanti ayam **sāmāñṇavidhi**. Tenevāha āyasmā mahākaccāyano **nettiyam** “navadhisuttantapariyeṭṭhī”ti². “Ettakam tassa bhagavato suttāgataṃ suttapariyāpannam³ sakavāde pañca suttasatānī”ti⁴ evamādi ca etassa atthassa sādhakam, tadekadesesu pana geyyādayo **visesavidhayo** tena tena nimittena patiṭṭhitattā. Tathā hi geyyassa sagāthakattam tabbhāvanimittam. Lokepi hi sasilokam sagāthakam vā cuṇṇiyagantham “geyyam”ti vadanti. Gāthāvirahe pana sati puccham katvā vissajjanabhāvo veyyākaraṇassa. Pucchāvissajjanam hi byākaraṇanti vuccati. Byākaraṇameva veyyākaraṇanti.

Evam sante sagāthakānampi pañhavissajjanavasena pavattānam veyyākaraṇabhāvo āpajjati? Nāpajjati veyyākaraṇādisaññānam anokāsabhāvato “gāthāvirahe pana satī”ti visesitattā ca. Tathā hi dhammapadādīsu kevalam gāthābandhesu sagāthakattepi somanassañānamayikagāthāpaṭisaṃyuttesu “vuttañhetan”ti-ādivacanasambandhesu abbhutadhammapaṭisaṃyuttesu ca suttavisesesu yathākkamam gāthā-udāna-itivuttaka-abbhutadhammasaññā patiṭṭhitā, tathā satipi gāthābandhabhāve bhagavato atītāsu jātīsu cariyānubhāvappakāsakesu jātakasaññā. Satipi pañha vissajjanabhāve sagāthakatte ca kesuci suttantesu vedassa labhāpanato vedallasaññā patiṭṭhitāti evam tena tena sagāthakattādīnā nimittena tesu tesu suttavisesesu geyyādisaññā patiṭṭhitāti visesavidhayo suttāngato pare geyyāngādayo. Yam panettha geyyāngādinimittarahitam, tam suttāngam visesasaññāparihārena sāmāñṇasaññāya pavattanatoti.

Nanu ca sagāthakam suttam geyyam, niggāthakam suttam veyyākaraṇanti suttāngam na sambhavatīti codanā tadavatthāti? Na, sodhitattā. Sodhitam hi pubbe gāthāvirahe sati pucchāvissajjanabhāvo veyyākaraṇabhāvassa nimittanti. Yañca vuttam “gāthābhāvato maṅgalasuttādīnam suttāngasaṅgaho na siyā”ti,

1. Netti-Ṭṭha 13 piṭṭhepi.

2. Khu 10. 1 piṭṭhe.

3. Vi 2. 470 piṭṭhe.

4. Abhi-Ṭṭha 1. 5; Abhi-Ṭṭha 3. 105 piṭṭhesu.

taṃ na, **niruḷhattā**. Niruḷho hi maṅgalasuttādīsu suttabhāvo. Na hi tāni dhammapadabuddhavaṃsādayo viya gāthābhāvena paññātāni, kintu suttabhāveneva. Teneva hi aṭṭhakathāyaṃ suttanāmakanti nāmaggaṇaṃ katam. Yaṃ pana vuttam “sagāthakattā geyyaṅgasaṅgaho vā siyā”ti, tadapi natthi. Yasmā **sahatāññaena**. Saha gāthāhīti sagāthakaṃ sahabhāvo ca nāma attato aññaena hoti, na ca maṅgalasuttādīsu gāthāvinimutto koci suttappadeso atthi, yo “saha gāthāhī”ti vucceyya, na ca samudāyo nāma koci atthi. Yadapi vuttam “ubhatovibhaṅgādīsu sagāthakappadesānaṃ geyyaṅgasaṅgaho siyā”ti tadapi na, **aññato**. Añña eva hi tā gāthā jātakādipariyāpannattā. Ato na tāhi ubhatovibhaṅgādīnaṃ geyyaṅgabhāvoti evaṃ suttādīnaṃ aṅgaṇaṃ aññaṃaññaṃsaṅkarābhāvo veditabbo.

Jinasāsanam abhidhammo. **Paṭividdhatṭhānam** paṭivedhabhūmi paṭivedhāvattā, paṭivedhahetu vā. “So evaṃ pajānāmi sammādiṭṭhipaccayāpi vedayitan”ti¹ vuttam. Pāḷiyam pana “so evaṃ pajānāmi micchādiṭṭhipaccayāpi vedayitam. Sammādiṭṭhipaccayāpi vedayitan”ti¹ āgataṃ. **Paccayādīhīti** paccayasabhāvavūpasamatadupāyādīhi. **Paravādicodanam** patvāti aṭṭhakathāyaṃ āgataṃ paravādicodanam patvā. **Adhiga -pa- rūpenāti** adhigantabbo ca so desetabbo cāti adhigantabbadesetabbo, so eva dhammo, tadanurūpena. Ettha ca yathādharmasāsanattā yathādhigatadhammadesanābhāvato abhidhammassa abhisambodhi adhigamanidānam. Desakālādiyeva desanānidānam. Yaṃ pana aṭṭhakathāyaṃ “desanānidānam yāva dhammacakkappavattanā”ti vuttam, taṃ abhidhammadesanāvīsesena dhammacakkappavattananti katvā vuttam. Dhammacakkappavattanasutte vā desitehi ariyasaccehi sakalābhidhammapadatthasaṅgahato, paramatthato abhidhammabhūtānaṃ vā sammādiṭṭhi-ādīnaṃ tattha desitattā vuttam. Tattakānaṃyeva desanāruḷhatāya aḍḍhachakkesu jātakasatesu paripācanaṃ vuttanti daṭṭhabbam. Na hi ettakāsu eva jātīsu puññādisambhārasambharaṇam, kim pana kāraṇam ettakā eva jātiyo desitāti? Tadaññesaṃ aṭṭhuppattiyā abhāvato.

1. Saṃ 3. 11 piṭṭhe.

Sumedhakathāvaṇṇanā

Uppanne buddhe tato attānaṃ seyyato vā sadisato vā dahanto jhānābhiññāhi parihāyati, na tathā sumedhapaṇḍito aṭṭhāsīti tassa jhānābhiññāhi aparihāni daṭṭhabbā. Tenevāha “**tāpasehi asamo**”ti. Yathā nibbānaṃ, aññaṃ vā niccābhimataṃ aviparītavuttitāya sabbakālaṃ tathābhāvena “sassatan”ti vuccati, evaṃ buddhānaṃ vacananti tassa sassatata vuttā. Tenevāha “aviparītimevā”ti. Upapāramī-ādivibhāgena **anekappakāratā. Samādānādhiṭṭhānanti** samādānassa adhiṭṭhānaṃ pavattanaṃ karaṇanti attho. **Ñāṇatejenāti** pāramīpavicayañāṇappabhāvena. Mahānubhāvaṃ hi taṃ ñāṇaṃ bodhisambhāresu anāvarenaṃ anācariyakaṃ mahābodhisamuppattiyā anurūpapubbanimittabhūtaṃ. Tathā hi taṃ manussapurisabhāvādi-ādihārameva jātaṃ. Kāyādisu asubhasaññādibhāvena **suddhagocarā**. “Aññathā”ti padassa pakaraṇaparicchinnaṃ atthaṃ dassento “**līnatā**”ti āha. Līnatāti ca saṅkoco vīriyāhāni vīriyārambhassa adhippetattā. Tenāha “**esā me vīriyapāramī**”ti.

Nidānakathāvaṇṇanā niṭṭhitā.

1. Cittuppādaṅga

Tikamātikāpadavaṇṇanā

1. **Tenā**ti vedanāsaddena. **Sabbapadehī**ti tīhi padehi laddhanāmo hoti avayavadhammenāpi samudāyassa apadisitabbato yathā “samam cuṇṇan”ti. Codako yathādhippetamattham appaṭipajjamāno vibhatti-antasseva padabhāvaṃ sallakkhetvā “**nanu sukhāyā**”ti-ādinā codeti. Itaro “**avippetappakāratthagamakassā**”ti-ādinā attano adhippāyaṃ vivarati. Tena “vākyam idha padanti vuttan”ti dasseti. **Hetupadasahetukapadādīhī**ti ādi-saddena nahetupada-ahetukapadahetusampayuttapadāni hetuvippayuttapadampi vā saṅgaṇhāti.

Ubhayekapadavasenāti ubhayapadavasena hetudukasambandho, ekapadavasena sahetukadukasambandho. **Tathā**ti ubhayekapadavasena. Ettha ca sahetukahetusampayuttadukāti-ādinā yathā hetugocchake paṭhamadukasambandhā dutiyatatiyadukā, paṭhamadukadutiyadukasambandhā catutthachattadukā, paṭhamaduka tatiyadukasambandho pañcamo, duko, evaṃ āsavagocchakādīsupīti nayaṃ dasseti. Sakkā hi imināva nayaṃ tesupi dukantarasambandho viññātum, kevalam pana āsavagocchakādīsu dutiyadukatatiyadukasambandho osānaduko, kilesagocchake ca dutiyacatutthadukasambandhoti. Dhammānam sāvasesaniravasesabhāvena tikadukānam sappadesanippadesatā vuttāti yehi tikadukā sāvasesāti padissanti apadissanti, te asaṅgahitadhammāpadeso. Evaṃ sati “asaṅgahito”ti visesanam kimatthiyanti? Etassevatthassa pākaṭakaraṇattham daṭṭhabbam. Atha vā padissati etena samudāyoti padeso, avayavo. “Sāmaññajotanā visese avatiṭṭhati”ti yathādhippetam visesam dassento “**asaṅgahito**”ti āha.

Anavajjattho avajjavirahattho. **Nāman** saññā, **kiriya** karaṇam, **payojanam** ratharathaṅgavibhāvanena tesam pakārato yojanam. Kusena ñāṇena lātabbāti kusalāti ayamattho ñāṇasampayuttānam tāva hotu, ñāṇavippayuttānam kathanti āha “**ñāṇavippayuttānampī**”ti-ādi.

Ñāṇavippayuttāpi hi ñāṇeneva pavattiyanti hitasukhahetubhūtāya pavattiyā paññavantānaṃ paṭipattibhāvato. Na hi antarena yonisomanasikāraṃ kusalappatti atthīti. “Yadi kusalassa ubhayabhāgagataṃ saṅkilesalavanaṃ pākaṭaṃ siyā, kusā viya lunantīti kusalāti ayamattho yutto siyā”ti koci vadeyyāti āsaṅkāya āha **“sammappadhānadvayaṃ viyā”**ti.

Na cāti-ādinā “sabhāvaṃ dhārentī”ti ettha paramatthato kattukamassa ca bhedo natthi, kappanāsiddho eva pana bhedoti dasseti. Tattha **nāmasasena viññātāviññātetī** yesaṃ “dhammā”ti iminā pariyāyena aviññātā sabhāvā, “sabhāvaṃ dhārentī”ti iminā ca pariyāyena viññātā, tesam vasena evaṃ vuttaṃ. Ettha ca paṭhamo attho saṅkhatāsaṅkhatādharmavasena vutto, dutiyo saṅkhatavasena, tatiyo saṅkhatāsaṅkhatapaññattidharmavasenāti daṭṭhabbaṃ.

Kusalapaṭisedhanaṃ kusalābhāvo eva. Abhāvo hi sattāpaṭisedhoti. **Dhammoti** sabhāvadhammo. **Akusalavacanena na koci attho** sabhāvadhammassa abodhakattāti adhippāyo. Atha siyā akusalavacanena koci attho asabhāvadhammabodhakattepi “paññattidhammā”ti-ādīsu viya, evaṃ sati “anabyākatā”ti ca vattabbaṃ siyā, tato cāyaṃ catukko āpajjati, na tiko. **Tasmāti** yasmā dukacatukkabhāvo anabyākatavohāro ca natthi, so ca vuttanayena abhāvamattavacane āpajjati, tasmā. **Sabhāvadhāraṇādīti ādi-**saddena “dhāriyanti paccayehī”ti ayamattho saṅgahito. Ñeyyapariyāyena pana **dhamma-**saddenāyaṃ dosoti nanu añeyyapariyāyepi **dhamma-**sadde na koci dosoti? Na, vuttadosānativattanato.

Pārisesenāti ettha nanu ayamakāro na-atthattayasseva jotako, atha kho “ahetukā dhammā, abhikkhuko āvāso”ti taṃyoganivattiyā, “appaccayā dhammā”ti taṃsambandhibhāvanivattiyā. Paccayuppannaṃ hi paccayasambandhīti appaccayuppannattā asambandhitā ettha jotiyati. “Anidassanā dhammā”ti taṃsabhāvanivattiyā. Nidassanaṃ hi daṭṭhabbatā. Atha cakkhuvīññāṇaṃ nidassanaṃ, taggayahbhāvanivattiyā, tathā “anāsavā dhammā”ti. “Appaṭighā dhammā anārammaṇā dhammā”ti taṃkiccanivattiyā. “Arūpino dhammā

acetasikā dhammā”ti tabbhāvanivattiyā. Tadaññatā hi ettha pakāsīyati. “Amanusso”ti tabbhāvamattanivattiyā. Manussattamattam natthi aññaṃ samānanti sadisatā hettha sūciyati. “Asamaṇo samaṇapaṭiñño aputto”ti taṃsambhāvanaguṇanivattiyā. Garahā hi ettha ñāyati. “Kacci nu bhoto anāmayā, anudarā kañña”ti tadappabhāvanivattiyā. “Anuppannā dhammā”ti taṃsadisabhāvanivattiyā. Atītānaṃ hi uppannapubbattā upādidhammānañca paccayekadesanipphattiyā āradhuppādabhāvato kālavinimattassa ca vijjamānattā uppannānukūlatā, pageva paccuppannānanti tabbidhurabhāvo ettha viññāyati. “Asekkhā dhammā”ti tadapariyosānanivattiyā. Taṃniṭṭhānaṃ hettha pakāsīyatīti evamanekesaṃ atthānaṃ jotako, tattha kiṃ vuccate atthadvayameva vatvā pārisesenāti? Itaresaṃ ettha suvidūrabhāvato. Na hi kuslavippayuttādīnaṃ dhammānaṃ akusalabhāvo yujjati.

Akusalasaddassa uccāraṇānantaram vinyeyānaṃ kusalaṭṭipakkhabhūte atthe paṭipattibhāvato tattha **nirulhatā** daṭṭhabbā. “**Viruddhasabhāvattā**”ti vuttaṃ kiccavirodhādīnampi tadantogadhattā, viruddhasabhāvattepi vināsakavināsitabbabhāvo kusalākusalesu niyatoti dassetuṃ “**tappaheyyabhāvato**”ti āha. Itarathā kusalānampi akusalehi pahātabbabhāve accantaṃ samucchinnakusalamūlattā apāyapūrakā eva sattā siyuruṃ. Yaṃ pana “dhammāpi vo bhikkhave pahātabbā”ti¹ vuttaṃ, taṃ “rūpaṃ bhikkhave na tumhākaṃ, taṃ pajahathā”ti-ādīsu² viya tadārammaṇasaṃkilesappahānavasena pariyāyena vuttaṃ. Yathāha “na hi kusalā akusalehi pahātabbā”ti³.

Phassādivacanehi taṃnididesabhūtehi. **Tabbacanīyabhāvenāti** tehi “sukhāya vedanāya sampayuttā dhammā”ti-ādivacanehi abhidheyyabhāvena. Yathā anavajjasukhavipākādi-attho kusalādivacanehi, evaṃ avipākatthā abyākatavacanena bodhitā evāti āha “**abyākatavacaneneva cā**”ti. **Kāraṇaṃ avatvāti** idha vuttabhāvena anuvattamānattāti kāraṇaṃ avatvā. **Añña -panivāretabboti** etena kusalākusalasaddā viya

1. Ma 1. 188 piṭṭhe.

2. Saṃ 2. 28 piṭṭhe.

3. Mūlaṭṭi 1. 29 piṭṭhe.

kusalākusalasabhāvānaṃ tadubhayaviparītasabhāvānaṃ dhammānaṃ abyākatasaddo bodhakoti dasseti. Na hi avipākavacanaṃ vuttaṃ, akusalavacanaṃca avuttaṃ. Yato avipākavacanaṃca adhikatabhāvo akusalassa ca tabbacanīyabhāvena akathitabhāvo siyā, tasmā na akusalānaṃ abyākatatāti ayaṃ akusalānaṃ anabyākatabhāve yojanā.

Taṃ pariharitunti abyākatanivattanamāha. Yadi evaṃ “sukhavipākānavajjā”ti vattabbaṃ. Anavajjā hi byabhicāritāya visesitabbāti? Na, sukhavipākavacanaṃca visesanabhāvena aggahitattā. Sukhavipākavacanaṃca hi kusalahāve samatto viññāyati, anavajjavacanaṃ panettha kusalānaṃ agarahitabbatāsāṅkhātānaṃ kañci visesamāha. Teneva ca tassa visesanabhāvena vuttassa pavattisukhatādidassanabhāvaṃ sayameva vakkhatīti. Manosamācāravisesabhūtā phaladhammā visesena paṭippassaddhāvajjā nāma hotīti samācārattayavasena tasmim̃ sutte anavajjadhammānaṃ vuttattā ca te anavasesato saṅgahetvā dassetuṃ “**virahitāvajjamattā**”ti vuttaṃ. **Avajjavināsanabhāvo dassito** kaṇhasukkadhammānaṃ vajjhaghātakabhāvassa niyatattā. **Savipākatā** vipākadhammatā. **Sukho vipāko etesanti sukhavipākāti** iminā samāseṇa kusalānaṃ sukhavipākavantatā vuttā. Sā ca nesam̃ na taṃsamaṅgitāya asahavattanatoti taduppādanasamatthatāti viññāyatīti vuttaṃ “**sukhavipākavipaccanasabhāvaṃ dasseti**”ti. **Yuttametanti** paramatthato bhedaḥbhāvepi yathāvuttavacanaṃca anīyabhāvasāṅkhāto bhedo tasmim̃ abhidheyyatthabhūte vatthusmim̃ upacārena hotīti yuttamettha lakkhaṇalakkhitabbabhāvena bhedavacanaṃ. Bhavati hi saddatthavisesamattenapi abhinne vatthusmim̃ bhedavacanaṃ yathā “silāputtakassa sarīraṃ”ti.

Vināpi bhāvābhidhāyinā saddena bhāvappadhāno niddeso hotīti vuttaṃ “**anavajjavacanaṃca anavajjattam̃ āhā**”ti. Evañcetha padaviggaho gahetabbo—na avajjānaṃ anavajjānaṃ, avajjapaṭipakkhatāya agarahitabbasabhāvo. Sukho vipāko assāti sukhavipākānaṃ, sukhavipākavipaccanasamatthatā. Anavajjaṃca taṃ sukhavipākānaṃca anavajjasukhavipākānaṃ, taṃ lakkhaṇaṃ etesanti **anavajjasukhavipākālakkaṇā**. Atha vā pubbe viya anavajjānaṃ, vipaccanaṃ vipāko, sukhasa vipāko sukhavipāko, anavajjaṃca

sukhavipāko ca anavajjasukhavipākaṃ ekattavasena. Taṃ lakkhaṇaṃ etesanti **anavajjasukhavipākalakkhaṇā**. Kiṃ panettha kāraṇaṃ padadvayapariggāhe, nanu ekeneva padena iṭṭhappasiddhi. Yadi pi “avajjarahitaṃ anavajjan”ti imasmim̄ pana pakkhe abyākatanivattanatthaṃ sukhavipākaggahaṇaṃ kattabbaṃ siyā, sukhavipākaggahaṇe pana kate anavajjaggahaṇaṃ na kattabbameva. “Avajjapaṭipakkhā anavajjā”ti etasmim̄ pana pakkhe sukhavipākaggahaṇaṇcāti codanaṃ manasi katvā āha “**tattha anavajjavacanena**”ti-ādi. Tena pavattisukhasukhavipākatā-attasuddhivissuddhavipākatā-akusala-abyākatasabhāvanivattirasapaccupaṭṭhānapadaṭṭhānavisesadīpanato evaṃ vipulappayojanatto padadvayapariggāhoti dasseti. **Sukha**-saddassa iṭṭhappariyāyatā viya “nibbānaparamaṃ sukhaṃ¹, sukhā virāgatā loke², tesāṃ vūpasamo sukho”ti-ādīsu³ saṅkhāradukkhūpasamapariyāyatāpi vijjati, taṃvipākatāya pana idha sukhavipākabhāvo na sakkā vattunti dassento āha “**saṅkhā -pa- natthi**”ti. Idaṃ puttaṃ hoti—tebhūmakakusalānampi vivaṭṭasannissayabhāvena pavattisabhāvattā kiñcāpi sabbe kusalā saṅkhāradukkhūpasamasukhanipphādakā sambhavanti, yathāvuttasukhassa pana avipākabhāvato na etena padena kusalānaṃ sukhavipākatā sambhavatīti. Vipakkabhāvamāpannesu arūpadhammesu niruḷhattā **vipāka**-saddassa “**yadi panā**”ti sāsāṅkaṃ vadati.

Yathāsambhavanti saha avajjenāti sāvajjā, garahitabbabhāvayuttā. Tena nesāṃ garahitabbasabhāvāṃ dasseti. Aññepi atthi dukkhabhāvena garahitabbasabhāvā akusalavipākāti sāvajjavacanamattena tesampi akusalatāpattidosāṃ disvā taṃ pariharitūṃ **dukkhavipākavacanamāha**. **Avajja**-saddo vā rāgādīsu ekantākusalesu niruḷhoti taṃsahavattidhammānaṃ eva sāvajjabhāve kusalābyākatehi akusalānaṃ viseso sāvajjavacaneneva dassito. Abyākatehi pana visiṭṭhaṃ kusalākusalānaṃ sādharmaṇaṃ savipākatālakkaṇanti tasmim̄ lakkhaṇe visesadassanattthaṃ dukkhavipākalakkhaṇaṃ vuttaṃ. Ito param̄ “dukkho vipāko etesanti dukkhavipākā”ti-ādinā sukhavipāka-anavajjakusalapadānaṃ ṭhāne dukkhavipākasāvajja-akusalapadāni ṭhapetvā yathāvuttanayena attho

1. Khu 1. 43 piṭṭhe Dhammapade. 2. Khu 1. 88 piṭṭhe. 3. Dī 2. 129, 161 piṭṭhesu.

veditabbo. Yojanā ca sāvajjavacanena akusalānaṃ pavattidukkhataṃ dasseti, dukkhavipākavacanena vipākadukkhataṃ. Purimañhi attano pavattisabhāvavasena lakkhaṇavacanāṃ, pacchimāṃ kālantare vipākuppādanasamatthatāyāti. Tathā purimena akusalānaṃ avisuddhasabhāvataṃ dasseti, pacchimena avisuddhavipākataṃ. Purimena ca akusale kusalasabhāvato nivatteti, pacchimena abyākatasabhāvato savipākattadīpakattā pacchimassa. Purimena vā avajjavantatādassanato kiccaṭṭhena rasena-anatthajananarasataṃ dasseti, pacchimena sampatti-atthena aniṭṭhavipākaraṣataṃ. Purimena ca upaṭṭhānākāraṭṭhena paccupaṭṭhānena saṃkilesapaccupaṭṭhānataṃ, pacchimena phalaṭṭhena dukkhavipākapaccupaṭṭhānataṃ. Purimena ca ayonisomanasikāraṃ akusalānaṃ padaṭṭhānaṃ pakāseti. Tato hi te sāvajjā jātāti. Pacchimena akusalānaṃ aññesaṃ padaṭṭhānabhāvaṃ vibhāveti. Te hi dukkhavipākassa kāraṇaṃ hotīti. Ettha ca **dukkha**-saddo aniṭṭhāpariyāyavacananti veditabbaṃ. Aniṭṭhacatukkhandhavipākā hi akusalā, na dukkhavedanāvipākāva. **Vipāka**-saddassa phalāpariyāyabhāve pana nissandavipākena aniṭṭharūpenapi dukkhavipākātā yojetabbā. Vipākadhammatāpaṭisedhavasena abyākatānaṃ avipākalakkhaṇāti lakkhaṇaṃ vuttanti tadatthaṃ dassento “**avipākārahasabhāvā**”ti āha. **Evampakārānanti** abhiññādike saṅgaṇhāti.

Chahi padehi tikesu, catūhi dukesu yathākkamaṃ cha cattāro atthā vuttā. **Chakkabhāvo na bhavissatīti** etena catukkabhāvābhāvo dassitanayattā coditoyevāti daṭṭhabbaṃ. **Atthabhedo upapajjatīti** kasmā evaṃ vuttaṃ, nanu tīhi dhammasaddehi vuccamāno sabhāvadhāraṇādi-atthena abhinno eva so atthoti? Na, jāti-ādibhedena bhedasabhāvato. Bhedakā hi jāti-ādayo.

Māsapadatthatāyāti māsasaddābhidheyyabhāvena.

Tabbacanīyabhinnatthānanti tehi kālasaddādīhi vattabbānaṃ viṣiṭṭhatthānaṃ. Idaṃ vuttaṃ hoti—“yathā kālasaddādi-abhidheyyānaṃ kālādi-atthānaṃ bhinnasabhāvānampi māsa-saddābhidheyyabhāvena abhedo, evaṃ jāti-ādibhedena bhinnānampi tesāṃ tiṇṇaṃ dvinnāṅca atthānaṃ dhammasaddābhidheyyabhāvena natthi bhedo”ti. **Vini -pa- mānāti** dhammasaddassa rūpābhedeṇi bhedakāraṇamāha. Bhinnajātiyatthavacanīyatāya hi tassevatthabhedoti.

Sādhetunti bodhetum. Hotu asambandho, kā no hānīti kadāci vadeyyāti āsaṅkāya āha “**pubbā -pa- nāma hontī**”ti. **So cāti** sabhāvadhāraṇapaccayadhariyamānatāsaṅkhāto attho na sakkā vattunti yathāvuttassa abhāvassa apekkhāvuttitāya vuttam. Na hi apekkhāvuttino antarena apekkhitabbaṃ labhanti. Satipi sabhāvadhāraṇādi-atthasāmaññe kusalajāti-ādivisiṭṭhasseva tassa idha adhippetattā ekatthatā na anuññātāti vuttam, vacanasilesavasena vā. **Atha vāti**-ādinā tiṇṇam dhammasaddānam abhāvattam asampaṭicchanto nānatthatābhāvadosam pariharati.

Ñāpakahetubhāvato upapatti idha kāraṇanti vuttāti āha “**kāraṇam nāma yutti**”ti. **Punaruttīti**-ādinā nanu “kusalādīnampi ekattam āpajjati”ti vuttattā ekattāpattipi vattabbāti? Saccam vattabbā, sā pana abhāvāpattiyam eva antogadhā nānatthatābhāvavadanāsāmaññena. Bhedābhedanibandhanattā visesanavisesitabbabhāvassa so accantamabhinnesu niyamena natthīti visesanavisesitabbābhāvena accantābhedaṃ dasseti, na pana accantam abhinnesuyeva visesanavisesitabbābhāvam. Atha vā accantam abhinnesu avivaṭṭasaddatthavivaraṇattham pavattā. Kasmā? Visesanavisesitabbābhāvato evam yojanā kātabbā. Amittam abhibhavitum sakuṇṭatīti **sakko**, indatīti **indo**, purime¹ dadātīti **purindadoti** evam kiriyāguṇādipariggahavisesena.

Bhedābhedavantesūti visesasāmaññavantesu. **Nīla**-saddo hi uppallasaddasamāyogo rattuppalasetuppalādi-uppalajātisāmaññato vinivattetvā nīlaguṇayuttameva uppala-jātivisesam joteti. **Uppala**-saddopi nīla-saddasamāyutto bhamaraṅgārakokilādīgatanīlaguṇasāmaññato avacchindītvā uppala-vatthugata meva nīlaguṇam pakāsetīti visesatthasāmaññatthayuttatā padadvayssa daṭṭhabbā. Iminā nayena itaratrāpi bheda-bhedavantatā yojetabbā. **Tāya tāya anumatiyāti** tena tena saṅketena. **Te te vohārāti** accantam abhinne atthe pariya-bhāvena accantam bhinne yathāsakam atthavivaraṇabhāvena bheda-bhedavante visesanavisesitabbābhāvena tā tā samaññā paññattiyo siddhāti

1. Purimo (Ka)

attho. **Samāneti** ekasmim. **Kusalādibhāvanti** kucchitasalanādibhāvaṃ. Abhidhānatthopi hi anavajjasukhavipākādi-abhidheyattho viya sabhāvadhāraṇādisāmaññattham visesetīti.

Etthāha “kim pana kāraṇaṃ tikā eva paṭhamaṃ vuttā, na dukā, tikesupi kusallattikova, na añño”ti? Vuccate—sukhaggahaṇato appabhedato ca tikā eva paṭhamaṃ vuttā. Yasmā tikehi bodhite kusalādibhede tabbibhāgabhinnaṃ hetu-ādayo vuccamānā suviññeyyā honti. Tathā hi “tayo kusalahetū”ti-ādinā kusalladimukhena hetu-ādayo vibhattā, katipayabhedā ca tikā dvāvīsati-parimāṇattā.

Tesu pana sabbasaṅgha-asaṅkara-ādikalayāṇabhāvena paṭhamaṃ kusallattikaṃ vuttaṃ. Niravasesā hi rūpārūpadhammā kusallattikena saṅgahitā, na tathā vedanāttikādīhi. Nanu vipākattikādīhipi niravasesā dhammā saṅgahitāti? Saccametaṃ, tesu pana anavajjasāvajjadhammā na asaṅkarato vuttā yathā kusallattike. Nanu ca saṅkiliṭṭhasaṅkilesikattikādīsipi te asaṅkarato vuttāti? Evametaṃ, te pana akalyāṇabhūte pāpadhamme ādim katvā vuttā, na evamayaṃ. Ayaṃ pana kalyāṇabhūte puṅgabhavapariniḅbutinipphādake puññadhamme ādim katvā vutto. Iti bhagavā saṅhasukhumaṃ rūpārūpadesanaṃ ārabhanto sabbasaṅgha-asaṅkara-ādikalayāṇaguṇayogato paṭhamaṃ kusallattikaṃ deseti, kiñca tadaññattikānaṃ sukhaggahaṇato. Tathā hi kusallattikamukhena “kāmaṇvacarakusalato cattāro somanassasahagatacittuppādā”ti-ādinā vedanāttikādayo vibhattāti.

Kusallattikepi ca padhānapāsaṃsa-ubhayahitabhāvato kusallā dhammā paṭhamaṃ vuttā. Kusallā hi dhammā sukhavipākattā sabbasaṅkhatadhammānaṃ uttamā avajjaviddhamanato viññuppasatthā idhalokaparalokesu atthāvahā nissaraṇāvahā ca, tasmā padhānādibhāvena paṭhamaṃ vuttā, tappaṭipakkhattā tadanantaraṃ akusallā, tadubhayaviparītasabhāvā tadanantaraṃ abyākatā vuttā. Kusallavasena vā assādo, akusallavasena ādīnavo, abyākatadhammesu nibbānavasena nissaraṇanti iminā assādādikkamena, kusallesu paṭiṭṭhāya paṇḍitā akusale pajahantā abyākatadhammabhūtamaggaphalaṃ nibbānañca sacchikarontīti iminā vā paṭipattikkamena ayamanupubbī ṭhapitāti veditabbā.

Kasmā panettha sekkhattikādīsu viya sarūpato purimapadadvayapaṭikkhepavasena tatiyapadam na vuttam “nevakusalā nākusalā”ti? Visesaḍipānattham. Yathā hi sekkhāsekkhasabhāvesu dhammesu kocipi dhammo tadubhayasabhāvena kenacipi pariyāyena kadāci abyākaraṇīyo nāma natthīti sekkhattike padadvayapaṭikkhepavasena “nevasekkhā nāsekkhā”tveva vuttam, na evam idha. Idha pana kuslasabhāvā eva dhammā aggaphaluppattiyā tathā na byākaraṇīyā hontīti imassa visesassa dīpanattham “abyākatā”ti vuttam. Vacanamatte eva vā idam nānākaraṇam “abyākatānevakusalā nākusalā”ti byākata-saddena kusalākusalānam bodhitattāti.

Ettha ca akusalesu taṇhāya sabbākusalehi, tebhūmakakusalākusalehi vā samudayasaccam, taṃtamavasitṭhatebhūmakadhammehi dukkhasaccam, lokuttarakusalena maggasaccam, avasitṭha-abyākatavisesena nirodhasaccam dassitam hoti. Tattha samudayena assādo, dukkhena ādīnavo, magganīrodhehi nissaraṇam. Kiñcāpi nāmarūpaparicchedabhāvato sabbhāvadhammaniddhāraṇapadhānā abhidhammakathā, tesam pana kusalādivisese niddhārite tassa upasampādetabbatādīpi atthato vuttameva hoti. Akusalānam dhammānam pahānāya kusalānam dhammānam upasampādāya “sabbapāpassa akaraṇam, kusalassa upasampādā”ti¹ evamādivacanato hi kusalādīnam upasampādanādīdassanaparam bhagavato sāsanaṃ, tasmā kusalānam upasampādanam akusalānam pahānañca upāyo, abyākatavisesassa sacchikiriyā phalaṃ, kusalādīnam upasampādanādi-atthā desanā āṇatthīti ayam **desanāhāro**.

Ārogyaṭṭhena anavajjaṭṭhena kosalyasambhūtaṭṭhena ca kusalā, tappaṭipakkhato akusalā, tadubhayaviparītato abyākatā, sabbhāvadhāraṇādi-atthena dhammāti anupadavicinanam **vicayo hāro**.

Pujjabhavaphalapariniḅbutinipphati kusalehīti yujjati sukhavipākattā, apāyadukkhasamsāradukkuppatti akusalehīti yujjati aniṭṭhaphalattā, tadubhayaphalānam anuppatti abyākatehīti yujjati avipākadhammattāti ayam **yutti hāro**.

1. Khu 1. 41; Dī 2. 42 piṭṭhe.

Kusalā dhammā sukhavipākassa padaṭṭhānaṃ, akusalā dukkhavipākassa, abyākatā kusalākusalābyākatadhammānanti ayaṃ **padaṭṭhāno hāro**.

Kusalaggahaṇena ye anavajjasukhavipākā sukhāya vedanāya sampayuttā adukkhamasukhāya vedanāya sampayuttā vipākadhammadhammā anupādinupādāniyā anupādinna-anupādāniyā -pa-araṇā dhammā, te bodhitā bhavanti kusalalakkhaṇena ekalakkhaṇattā. Tathā akusalaggahaṇena ye sāvajjadukkhavipākā sukhāya vedanāya sampayuttā dukkhāya vedanāya sampayuttā adukkhamasukhāya vedanāya sampayuttā vipākadhammadhammā anupādinupādāniyā saṃkiliṭṭhasaṃkilesikā -pa-saraṇā dhammā, te bodhitā bhavanti akusalalakkhaṇena ekalakkhaṇattā. Tathā abyākataggahaṇena ye avipākārahā sukhāya vedanāya sampayuttā dukkhāya vedanāya sampayuttā adukkhamasukhāya vedanāya sampayuttā vipākā dhammā nevvavipākanavipākadhammadhammā upādinupādāniyā anupādinupādāniyā anupādinna-anupādāniyā -pa-araṇā dhammā, te bodhitā bhavanti abyākatalakkhaṇena ekalakkhaṇattāti ayaṃ **lakkhaṇo hāro**.

“Kucchite pāpadhamme salayanti”ti-ādinā nirutti veditabbā, kusalādimukhena rūpārūpadhamme pariggahetvā visuddhiparamparāya “kathaṃ nu kho sattā anupādisesanibbānabhāgino bhaveyyun”ti ayamettha bhagavato adhippāyo, nidānaṃ asādhāraṇato kusalā dibhedena bujjanakasattā. Sādhāraṇato pana pākaṭameva. Paṭhamāṃ kusalattikassa desanā vicāritāyevāti ayaṃ **catubyūho hāro**.

Kusalaggahaṇena kalyāṇamittapariggaho yonisomanasikārapariggaho ca. Tattha paṭhamena sakalaṃ brahmacariyamāvattati, dutiyena ca yonisomanasikāramūlakā dhammā. Akusalaggahaṇena vuttavipariyāyena yojetabbaṃ. Abyākataggahaṇena pana sakalasaṃkilesavodānapakkho yathārahamāvattatīti ayaṃ **āvatto hāro**.

Tattha kusalā bhūmito catudhā vibhattā, sampayuttapavatti-ākārādito pana anekadhā. Akusalā bhūmito ekadhā pibhattā, sampayuttādito anekadhā. Abyākatā pana vipākakiriyarūpanibbānavasena catudhā bhūmisampayuttādito anekadhā ca vibhattāti ayaṃ **vibhatti hāro**.

Kusalā dhammā akusalānaṃ tadaṅgādippahānāya
vītikamādippahānāya ca saṃvattanti, akusalā dhammā kusalānaṃ
anupasampajjanāya, abyākatesu asaṅkhatadhātu sabbasaṅkhatanissaraṇāyāti
ayaṃ **parivatto hāro**.

Kusalā anavajjā puññānīti pariyāyavacanāṃ, akusalā sāvajjā apuññānīti
pariyāya vacanāṃ, abyākatā avipākārahā neva-ācayagāmī na-
apacayagāmīnoti pariyāyavacananti ayaṃ **vevacano hāro**.

Kusalādayo “yasmīṃ samaye”ti-ādinā
pabhavabhūmivevacanapaññattivāsena yathāsambhavaṃ
pariññādiapaññattivāsena ca paññattāti ayaṃ **paññatti hāro**.

Akusalānaṃ kucchitānaṃ pāpadhammānaṃ salānaṃ kusānaṃ viya
kusānaṃ vā rāgādīnaṃ lavanaṃ evaṃdhammatāti ayaṃ
paṭiccasamuppādamukhena avataraṇaṃ, tathā kusena lātabbā
kosallasambhūtā cāti paccayapaṭibaddhavuttitāya paṭiccasamuppāda -pa-
avataraṇaṃ, paccayapaṭibaddhavuttitāya vā ādi-antavantā aniccantikā cāti
aniccatāmukhena avataraṇaṃ, aniccata eva udayabbayapaṭipīlitatāya
dukkhāti dukkhatāmukhena avataraṇaṃ, nissattanijjivaṭṭhena dhammāti
abyāpārato suññatāmukhena avataraṇaṃ, evaṃ kusalāti cattāro khandhā
dvāyatanāni dve dhātuṭṭoti-ādinā khandhāyatanadhātādīmukhenapi
avataraṇaṃ veditabbaṃ. Iminā nayena akusalābyākatesupi avataraṇaṃ
dassetabbanti ayaṃ **avataraṇo hāro**.

Kusalāti ārambho, dhammāti padasuddhi, no ārambhasuddhi. Tathā
akusalā dhammā abyākatāti, dhammāti pana padasuddhi ārambhasuddhi cāti
ayaṃ **sodhano hāro**.

Dhammāti sāmāññato adhiṭṭhānaṃ, taṃ avikappetvā visesavacanāṃ
kusalākusalābyākatāti. Tathā kusalā dhammāti sāmāññato adhiṭṭhānaṃ, taṃ
avikappetvā kāmāvacaraṃ somanassasahagatanti-ādi visesavacanāṃ.
Akusalā dhammāti-ādīsipi eseva nayoti ayaṃ **adhiṭṭhāno hāro**.

Kusalānaṃ dhammānaṃ navamo khaṇo cattāri ca sampatticakkāni
yonisomanasikāro eva vā hetu, vuttavipariyāyena akusalānaṃ dhammānaṃ
hetu, kusalākusalā dhammā yathāsambhavaṃ abyākatānaṃ dhammānaṃ
hetūti ayaṃ **parikkhāro hāro**.

Kusalāti pariññeyyaggahaṇaṇceva bhāvetabbaggahaṇaṇca. Akusalāti pariññeyyaggahaṇaṇceva pahātabbaggahaṇaṇca. Abyākatāti pariññeyyaggahaṇaṇceva sacchikātabbaggahaṇaṇca. Dhammāti pariññādīnaṃ pavattanākāraggahaṇaṇaṃ. Tena pariññeyyappahānabhāvanāsacchikaraṇāni dīpitānīti tadaṅgādivītikkamādippahānāni lokiyalokuttarā ca bhāvanā dassitāti ayam **samāropano hāro**.

Kāmañcetaṃ avisesato sabhāvadhammakathanāṃ, visesavanto pana dhammā visesato niddhāritā. Tathā hi citteneva samayo niyamito, tasmā kusalaggahaṇena visesato sādhiṭṭhāno samatho vipassanā ca dassitāti. Tathā tappaṭipakkhato akusalaggahaṇena sādhiṭṭhānā taṇhā avijjā ca, abyākataggahaṇena saparivārā cetovimutti paññāvimutti cāti ayam **nandiyāvattassa nayassa bhūmi**.

Tathā kusalaggahaṇena mūlabhāvavisesato tīṇi kusalamūlāni, tesu ca adosena sīlakkhandho, alobhena samādhikkhandho, amohena paññākkhandho nīyati. Tathā akusalaggahaṇena tīṇi akusalamūlāni, tesu ca lobhena tadekaṭṭhā akusalā dhammā. Tathā dosamohehi taṃtadekaṭṭhā. Abyākataggahaṇena appaṇihitānimittasuññatā nīyantīti ayam **tipukkhalassa nayassa bhūmi**.

Tathā kusalaggahaṇena yato kosallato sambhūtā kusalā, taṃ paññindriyaṃ. Taṃsahajāta tadupanissayā ca saddahanussahanāpīlāpāvikkhepā saddhindriyādīni. Tehi ca sabbe saddhammā bodhitā bhavanti. Akusalaggahaṇena akosallapaṭicchādītādīnavesu kāyavedanācittadhammesu subhasukhanicca-attābhīnivesabhūtā cattāro vipallāsā. Abyākabhaggahaṇena yathāvutta-indriyapaccayāni yathāvuttavipallāsappahānabhūtāni ca cattāri sāmāññaphalāni bodhitānīti ayam **sīhavikkīṭitassa nayassa bhūmi**”ti ime tayo atthanayā.

Tehi ca siddhehi dve kammanayāpi siddhā honṭīti. Ayam tiko sabbadhammasaṅgahitasabbabhāgiyo veditabboti idaṃ **sāsanapaṭṭhānaṃ**.

Ayam tāva nettinayena kusalattikavaṇṇanā.

Evam vedanāttikādīsupi yathāsambhavaṃ catusaccaniddhāraṇādividhinā soḷasa hārā pañca nayā niddisitabbā, ativittthārabhayena pana na vittthārayāma. Sakkā hi iminā nayena tesu tesu tikadukesu taṃtaṃhāranayayojanānurūpadhammaniddhāraṇavasena te te hāranayā viññunā niddisitunti.

2. **Tañca** sukhindriyaṃ **sukhavedanā eva hoti** sāmāññassa bhedapariyādānato, bhedassa ca sāmāññapariccāgatoti adhippāyo. Yasmā pana visesasāmāññāni avayavasamudāyā viya aññamaññato bhinnāni, tasmā “**na pana -pa- samānatthattā**”ti vuttam. Idāni tameva nesaṃ bhinnatvatvaṃ “**ayaññhi**”ti-ādīnā vivarati. **Tanti** sukhahetūnaṃ kāraṇaṃ. Tena sukhasa kāraṇaṃ sukhahetu, sukhasa kāraṇakāraṇaṃ sukhamūlanti dasseti. **Sukhahetūnanti** ettha **hetu**-saddena kāraṇabhāvasāmāññato hetupaccayā saṅgahitāti āha “**puññapassaddhi-ādīna**”ti. Ettha ca sukhamūlasukhahetūsu phalūpacārena, sukhārammaṇasukhapaccayaṭṭhānesu sukhasahacariyāya, abyāpajjanibbānesu dukkhāpagamabhāvena sukhapariyāyo vuttoti daṭṭhabbo. **Iṭṭhāsū**ti sukhupekkhānaṃ vipariṇāmāññānaṃsaṅkhādūkkhatāya aniṭṭhabhāvopi atthīti viseseti. Upekkhameva vā apekkhitvā visesanaṃ kataṃ. Sā hi akusalavipākabhūtā aniṭṭhāpi atthīti. **Evamādīsū**ti **ādi**-saddena “sovaggaikaṃ sukhavipākaṃ”ti¹ evamādim saṅgaṇhāti. Iṭṭhapariyāyo hi ettha sukha-saddoti.

Saṅkhāradūkkhādīsūti ettha **ādi**-saddena “ṭhitisukhaṃ vipariṇāmadūkkhaṃ, akusalaṃ kāyakammaṃ dukkhudrayaṃ dukkhavipākaṃ”ti-ādike saṅgaṇhāti. Yathākkamaṃ sukhavedanā dukkha-aniṭṭhapariyāyo hi ettha dukkha-saddoti. Dukkavedanādūkkhavatthu-ādīsū dukkhasaddappavatti vuttanayeneva yojetabbā. Vipākāvipākabhedāya sabbāyapi sukhavedanāya vasena lakkhaṇassa vuttattā tadubhayānukūlamatthaṃ vivaranto “**sabhāvato**”ti-ādīmāha. Tattha vipākā sabhāvato iṭṭhassa anubhavanalakkhaṇā. Itarā sabhāvato saṅkappato ca iṭṭhassakārassa vā anubhavanalakkhaṇāti daṭṭhabbaṃ.

1. Dī 1. 48 piṭṭhe.

Asamānapaccayehi ekajjhaṃ uppattitosamānapaccayehi ekajjhaṃ uppatti sātisayāti ukkaṃsagativijānanavasena “**samānapaccayehi saḥuppattikāti attho**”ti vuttaṃ. Atha vā uppajjanāṃ uppādo, uppajjati etasmāti uppādoti duvidhopi uppādo ekuppādāti ettha ekasesanayena saṅgahitoti iminā adhippāyena “**samā -pa- attho**”ti vuttaṃ siyā. **Tena tāni ekavattukāni**ti etassa ca “kappentassā”ti-ādinā sambandho. Tattha purimavikappe ekaṃ vatthu nissayo etesanti yojanā, na ekaṃyeva vatthūti. Ekekabhūtaṃ bhūtattayanissitattā catubhūtanissitattā ca upādārūpanāṃ. Dutiyavikappe pana ekaṃyeva vatthu etesu nissitanti yojanā. Nissayanissitatasāṅkhāta-upakāropakattabbabhāvādīpanāṃ ekavattukavacananti dutiyavikappe mahābhūtavasena yojanā katā. Itarathā **ekaṃ vatthu etesūti** samāsattabhāvena upādārūpanāṃpi pariggaho vattabbo siyā. **Pañcaviññāṇasampañchanānanti** idaṃ nidassananti daṭṭhabbāṃ. Kiriyamanodhātucakkhuvīññāṇādayopi hi ekārammaṇābhinnavattukā cāti pākaṭṭoyamatthoti. **Santīraṇādīnanti ādi**-saddena voṭṭhabbanajavanatadārammaṇāni saṅgayhanti, etāni ca sampañchanādīni cuti-āsannāni idhāhippetānīti daṭṭhabbāṃ. Tāni hi taduddhaṃ kammajarūpassa anuppattito ekasmiṃyeva hadayavatthusmiṃ vattanti, itarāni pana purimapurimacittakkhaṇuppanne hadayavatthusmiṃ uttaruttarāni pavattantīti. Chasu vā vatthūsu ekaṃ hadayavatthuyeva vatthu etesanti evaṃ pana atthe sati cuti-āsannato itaresaṃ sampañchanādīnaṃ gahaṇaṃ siyāti ñātābbaṃ.

Etthāha—“kasmā panettha kusalattikānantaraṃ vedanāttikova vutto”ti? Kismiṃ pana vuccamāne ayamanuyogo na siyā, apica avayavānaṃ anekabhedatādassanattā tikantaradesanā. Sammāsambuddhena hi kusalattikena sabbadhammānaṃ tidhā vibhāgaṃ dassetvā puna tadavayavānaṃ kusalādīnāṃpi anekabhedabhinnataṃ dassentena tesāṃ vedanāsampayogavibhāgavibhāvanatthaṃ “sukhāya vedanāya sampayuttā”ti vuttaṃ. Kusalā hi dhammā siyā sukhāya vedanāya sampayuttā, siyā adukkhāmasukhāya vedanāya sampayuttā. Akusalā dhammā siyā sukhāya vedanāya sampayuttā, siyā dukkhāya vedanāya sampayuttā, siyā adukkhāmasukhāya vedanāya, sampayuttā, tathā abyākātā sampayogārahāti. Evam

kusalādidhammānaṃ paccekaṃ vedanābhedenā vibhāgadassanattamaṃ kusallattikānantaraṃ vedanāttikaṃ vatvā idāni sukhasampayuttādīnaṃ paccekaṃ vipākādibhedabhinnataṃ dassetuṃ vedanāttikānantaraṃ vipākattiko vutto. Sukhasampayuttā hi dhammā siyā vipākā, siyā vipākadhammadhammā, siyā nevavipākanavipākadhammadhammā. Tathā adukkhamasukhasampayuttā, dukkhasampayuttā pana siyā vipākā, siyā vipākadhammadhammāti iminā nayena avasesattikānaṃ dukānañca tassa tassa anantaravacane payojanaṃ vibhāvetabbaṃ.

3. **Vipākāniruttiñca labhantīti** tesu vipākasaddassa niruḥhataṃ dasseti. **Sukkakaṇhādīti ādi-**saddena akaṇha-asukkaphassādibhāvo pariggahito. Sati pana pāka-saddassa phalapariyāyabhāve rūpaṃ viya na nihīno pakkaṃ viya viṣiṭṭho pākoti **vipākoti** evaṃ vā ettha attho daṭṭhabbo. **Sabyāpāratāti** sa-ussāhatā. **Santāne sabyāpāratāti** etena cittappayogasaṅkhātena kiriyābhāvena vipākadhammānaṃ santānavidhasasamāha “yato yasmim cittuppāde kusalākusalā cetanā, taṃsantāne eva tassā vipākuppattī”ti. Ettha ca “sabyāpāratā”ti etena āvajjanadvayaṃ vipākañca nivatteti, “anupacchinnāvijjātaṇhāmāne”ti iminā avasiṭṭhaṃ kiriyānaṃ nivatteti. Ubhayenapi anusayasahāyasa-ussāhatālakkaṇā vipākadhammadhammāti dasseti. Lokuttarakusalānampi hi anusayā upanissayā honti, yato “katame dhammā kusalā. Yasmim samaye lokuttaraṃ -pa- tasmim samaye avijjāpaccayā saṅkhārā”ti-ādinā¹ ariyamaggacetanāya avijjā-upanissayatā paṭiccasamuppādavibhaṅge pakāsītā. Nirussāhasantabhāvalakkaṇā vipākā, ubhayaviparītalakkaṇā nevavipākanavipākadhammadhammāti.

Abhiññādikusalananti ādi-saddena “ahosi kammaṃ nāhosi kammavipāko”ti² iminā tikena saṅgahitaṃ gati-upadhikālapayogābhāvena avipākaṃ diṭṭhadhammavedanīyaṃ upapajjavedanīyañca saṅgaṇhāti. Aparāpariyavedanīyaṃ pana saṃsārappavattiyaṃ ahosikammādibhāvaṃ na bhajati. **Bhāvanāya pahātabbādīti ādi-**saddena dassanena pahātabbānaṃ saṅgaṇhāti. Ubhayampi “vipākānuppādane”ti vacanato gati-upadhikālapayogābhāvena anuppannavipākameva adhippetānaṃ bhāvanāya pahātabbassapi

1. Abhi 2. 193 piṭṭhe.

2. Khu 9. 271 piṭṭhe Paṭisambhidāmagge.

pavattivipākassa anujānato. Yesaṃ pana bhāvanāya pahātabbā avipākā, tesāṃ matena ādi-saddena dassanena pahātabbassa ahosikammanti evampakārasseva pariggahoti veditabbaṃ.

4. “Kathamādinna”ti ayampi paṇho labbhati. “Phalabhāvenā”ti hi ādānappakāravacanaṃ. Kesañci gotrabhupaccavekkhaṇādīnaṃ upetakiriyabhūtānaṃ taṃkattubhūtānañca atthānaṃ upetabbasambandhabhāvato tadabhidhāyinopi saddā sambandhā evāti “**upetasaddasambandhinā**”ti vuttaṃ. **Upetanti** hi upetabbatthe vuccamāne avassaṃ upetakiriyā upetā ca ñāyatīti. “Rūpadhātuyā kho pana gahapati yo chando yo rāgo yā nandī yā taṇhā ye upayupādānā, cetaso adhiṭṭhānā abhinivesā anusayā”ti-ādīsu “upayo”ti taṇhādiṭṭhiyo adhippetāti āha “**upaya-pa-diṭṭhī**”ti. **Yathāsambhavanti** “ārammaṇakaraṇavasena”ti-ādīnā aṭṭhakathāyaṃ vutta-atthesu yo yo sambhavati yojetuṃ, so soti attho. **Na vacanānupubbenāti** “kiṃ pana taṃ upetan”ti-ādīnā vuttavacanānupubbena na yojetabbo. **Sabbapaccayuppannānanti** sabbatebhūmakapaccayuppannānaṃ. **Nāpajjati** sāmāññajotanāya visese avaṭṭhānato visesatthīnā ca viseso anupayujjati taṃ pana visesaṃ vuttappakāraṃ niyamevā dassetuṃ “**bodhaneyyā**”ti-ādi vuttaṃ.

Upetaṃ dīpetīti yathā “pācariyo”ti ettha pagato ācariyo pācariyoti **pa-**saddo pagataṃ dīpeti, evaṃ **upa-**saddo upetaṃ dīpeti eva, na cetthagatādi-atthānaṃ ekantena paccattavacanayogo icchitoti. **Atisaddo viyāti** ca idaṃ sasādhana-kiriyādīpanasāmāññena vuttanti daṭṭhabbaṃ. **Paccayabhāvenāti** etena purimanibbattiṃ viseseti. Tena saha-jātassapi upādānassa saṅgaho kato hoti. Saha-jātopi hi dhammo paccayabhūto purimanipphanno viya voharīyati yathā “ekam mahābhūtaṃ paṭicca tayo mahābhūtā”ti, “ekam khandham paṭicca tayo khandhā”ti¹ ca. **Dhātukathāyaṃ pakāsītanti** “upapattibhavo pañcahi khandhehi ekādasahāyatanehi sattarasahi dhātūhi saṅgahito. Katihi asaṅgahito. Na kehici khandhehi ekenāyataneha ekāya dhātuyā asaṅgahito”ti²

1. Abhi 8. 19 piṭṭhe.

2. Abhi 3. 13 piṭṭhe.

evamādiṃ sandhāyāha. **Tasmā evāti** upādinnaśaddānapekkhattā eva. **Avisesetvāti** upādinnaṇupādinnavisesaṃ akatvā. Upādānaṇaṃ ārammaṇabhāvānativattanato upādānehi upādātābbāti vā **upādāniyā**, upādātuṃ vā arahantīti **upādāniyā**, upādātuṃ vā arahantīti **upādāniyā**, upādāne niyuttāti vā **upādāniyā ka-kārassa ya-kāraṃ** katvāti evamettha attho daṭṭhabboti.

5. **Vibādhanaṃ** pīlanaṃ kilamanaṃ **upatāpo** pariāho appassaddhibhāvo. **Vidūsitā malīnā** ca yato keci akilesasabhāvāpi aniṭṭhaphalā gārayhā ca jātā.

6. “Sīlamattakaṃ, paraṃ viya mattāyā”ti-ādīsu mattā-saddassa pamāṇavācakatā daṭṭhabbā. Mariyādavācako vā mattā-saddo. Vicāro hettha jhānaṅgesu heṭṭhimamariyādo, na paṭhamajjhāna-upacārajjhānesu viya vitakko. Sā pana vicāramariyādatā vitakkābhāvena etesaṃ jātāti avitakkaggaṇaṃ kataṃ. Idaṃ vuttaṃ hoti—avitakkā hutvā vicāramariyādajjhānaṅgesu vicāraheṭṭhimakoṭṭikāti. Atha vā īsadattho **mattā-saddo** “mattāsukhapariccāgā”ti-ādīsu¹ viya. Ayañhettha attho—vitakkarahitā bhāvanāya atisukhumabhūtavicārattā īsamvicārā ca avitakkavicāramattāti. Na hi ito paraṃ vicāro atthīti. Yadi vitakkavisesarahitā vicāramattā, evaṃ sante avitakkavacanaṃ kimatthiyanti āha “**vicāramattavacanaṇā**”ti-ādi. Yadi vicāramattato aññesaṃpi avitakkānaṃ atthibhāvajotanaṭṭhaṃ avitakkavacanaṃ, avitakkā ca vicāramattā avicārāti nivattetabbā gahetabbā ca, evaṃ satī vicāramattā visesaṇaṃ, avitakkā visesitābbāti vicāramattāvitakkāti vattābbanti codanaṃ manasi katvā āha “**visesaṇavisesitābbabhāvo**”ti-ādi. **Yathākāmaṇi** vattu-icchānurūpaṃ. Yena yena hi pakārena dhammesu nivattetabbagahetābbabhāvā labbhanti, tena tena pakārena dhammesu nivattetabbagahetābbabhāvā labbhanti, tena tena pakārena visesaṇavisesitābbabhāvo sambhavaṭṭīti. Padānaṃ anukkamo **padānukkamo**.

Avitakkā savitakkā ca savicārā avicārācāti avitakkā savicārā savitakkā avicārāti yojetābbāṃ. Ubhayekadesadassaṇaṃpi ubhayadassaṇanti adhippāyena “**yadi savitakkasavicārā**”ti-ādi vuttaṃ. **Itaraṃpi**

1. Khu 1. 55 piṭṭhe Dhammapade.

pakāsetunti idaṃ yathā savitakkasavicāresu cittuppādesu vitakko avitakkasavicāratāya “avitakkavicāramatto”ti vutto, evaṃ yathāvuttacittuppādesu vicāro “savitakka-avicāro”ti sakkā viññātunti imamatthaṃ sandhāya vuttam. **Vitakkābhāvena ete vicāramattāti** ayampi attho visesanivatti-atthamyeva **mattā**-saddaṃ gahetvā vutto. **Vicāramattāti** hi vicāramattavantoti viññāyamānattā tadaññavisesavirahasāmaññato nivattetvā vitakkavisesavirahasāṅkhāte **avitakka**-saddo sannidhāpito viseseti dutiyajjhānadhammeti. Yathāha “**na vicārato**”ti-ādi.

7. **Vedayamānāti** anubhavamānā. **Sukhākāreti** iṭṭhākāre, iṭṭhānubhavanākāre vā. **Udāsināti** nati-apanatirahitā. **Sukhadukkhānaṃ aviruddhā** tesam byavadhāyikābhāvato. Sukhadukkhāni viya hi sukhadukkhānaṃ anantaraṃ pavattanato byavadhāyikābhūtā na tehi virujjhati, na pana sukhadukkhāni anantarāpavattito. “Upapattito ikkhatīti upekkhā”ti ayaṃ panattho idha **upekkhā**-saddassa sabbupekkhāpariyādānato na vutto. Na hi lobhasampayuttādi-upekkhā upapattito ikkhatīti. **Tasmāti** yasmā pītisahagatāyeva na sukhasahagatā, sukhasahagatāpi na pītisahagatā evāti pītisahagatā sukhasahagatā ca aññamaññaṃ bhinnā, tasmā. Satipi sukhasahagatānaṃ yebhuyyena pītisahagatabhāve yena sukhena samannāgatā sukhasahagatā eva honti, na pītisahagatā, taṃ sukhaṃ nippītikasukhanti ayaṃ viseso iminā tikena dassitoti imamatthaṃ vibhāvento “**pītisahagatāti vatvā**”ti-ādimāha.

Siddhoti sāvasesaṃ niravasesaṅca sukhapītiyo saṅgahetvā pavattehi paṭhamadutiyapadehi yo pītisahagato dhammaviseso, taṃ sukhaṃ, yo ca sukhasahagato dhammaviseso, sā pītīti satipi aññamaññaṃ saṃsaṭṭhabhāve padantarasaṅgahitabhāvādīpanato siddho ñāto viditoti attho. “Catutthajjhānasukhaṃ atipaṇītasukhanti oḷārikaṅgato nīharitvā tassa paṇītabhāvaṃ dassetuṃ ayaṃ tiko vutto”ti keci vadanti, tadetam sabbesaṃ sukhavedanāsampayuttadhammānaṃ idha “**sukhasahagatā**”ti vuttattā vicāretabbaṃ. Tathā hi “sukhabhūmiyaṃ kāmāvacare”ti-ādinā¹

1. Abhi 1. 253 piṭṭhe.

“kāmāvacarakusalato cattāro somanassasahagatacittuppādā”ti-ādinā¹ ca niddeśo pavattoti.

8. **Nibbānārammaṇakam sandhāyāha**, na nibbānapaṭivijjhanam, itarathā gotrabhussa dassanabhāvāpatti acodanīyā siyāti adhippāyo. Nanu ca disvā kattabbakiccakaraṇena sotāpattimaggova dassananti ukkaṃsagativijānana nibbānassa paṭivijjhanameva dassananti gotrabhussa dassanabhāvāpatti na codetabbāvāti? Na, dassanasāmaññasveva suyyamānattā dassanakattabbakiccakaraṇānaṃca bhedenā vuttattā. Tattha yadipi “paññāya cassa disvā āsavā parikkhīṇā hontī”ti-ādīsū² viya abhinnakālassapi bhinnakālassa viya bhedopacāradassanato bhedavacanam yuttam, dassanaviseśe pana adhippete dassanasāmaññavacanam na kattabbanti dassanasāmaññamattam gahetvā codanā katāti “**nibbānārammaṇatam sandhāyāhā**”ti vuttam. Dutiyatatiyamaggānampi dhammacakkhupariyāyasabbhāvato “**bhāvanābhāvam appattan**”ti vuttam. Tattha **bhāvanā** vaḍḍhanā. Sā ca bahulam uppattiyā hotīti āha “**punappunam nibbattanena**”ti. **Tathā hi satīti** “ubhayapaṭikkhepavasenā”ti padassa dassanabhāvanāpaṭikkhepavasenāti atthe sati. nanu lokiyasamathavipassanāpi yathābalaṃ kāmaccchandādīnam pahāyakā, tatra kathamidam vuttam, na ca añño pahāyako atthīti codanam sandhāyāha “**aññehī**”ti-ādi.

9. **Appahātabbahetumattesūti** appahātabbahetukamattesu. Sabbo kusalābyākatadhammo **yathādhippetattho. Samāso na upapajjati** asamatthabhāvato. **Yesanti** tatiyarāsibhāvena vuttā dhammā, attho tesam. **Ubhinnanti** visum visum yojetabbatāya dve pahātabbahetusaddāti katvā vuttam. **Etanti** “nevadassanena nabhāvanāya pahātabbo hetu etesam atthī”ti etam vacanam. **Tehi** dassanabhāvanāpadehi **yuttena** pahātabbahetukapadena. **Evañca katvāti** evam dassanabhāvanāpadehi pahātabbahetukapadassa visum visum yojanato. Evañhi³ purimapadadvaya -pa- dassanametam hotīti. **Evanti** dassanabhāvanāhi napahātabbo hetu etesanti evam atthe sati. “Hetu -pa-

1. Abhi 1. 296 piṭṭhe.

2. Ma 2. 143 piṭṭhe.

3. Viya hi (Mūlaṭṭikāyam)

siyā”ti etassa “purimasmiñhi atthe”ti-ādinā ahetukānaṃ
aggahitabhāvadassanavasena atthaṃ vatvā idāni “atha vā”ti-ādinā
dutiya-seva atthassa yuttabhāvaṃ vibhāvento “**gahetabbatthassevā**”ti-
ādimāha. So hi “evamattho gahetabbo”ti vuttattā gahetabbattho.

10. **Aññathā**ti ārammaṇakaraṇamatte adhippete. Kathaṃ panetaṃ
jānitabbaṃ “**ārammaṇaṃ katvāti** etena catukiccasādhakaṃ
ārammaṇakaraṇaṃ vuccatī”ti? Sāmaññajotanāya visese avaṭṭhānato
ariyamaggadhammānaṃyeva ca apacayagāmiabhāvato. “Cattāro maggā
apariyāpannā apacayagāmino”ti¹ hi vuttaṃ. Tenevāha “ariyamaggānaṃ
etaṃ adhivacanaṃ”ti. Eteneva vā visesupalakkhaṇahetubhūtena vacanena
yathāvutto ārammaṇakaraṇaviseso viññāyati. Ukkamsagativijānanena vā
ayamattho veditabbo. **Paccavekkhaṇādīnanti** vodānādayo saṅgaṇhāti.
Hetubhāvenāti sampāpakahetubhāvena. Nāpako kārako sampāpakoti tividho
hi hetu, tathā nāpetabbādibhāvena phalaṃ. Yathā
nirayādimanussabhāvādigāmipaṭipadābhāvato akusalalokiyakusalacittuppādā
“ācayagāmino dhammā”ti vuttā, na micchādīṭṭhi-ādilokiyasammādīṭṭhi-
ādiddhammā eva, evaṃ nibbānagāmipaṭipadābhāvato
lokuttarakusalacittuppādā “apacayagāmino”ti daṭṭhabbā, na
ariyamaggadhammā evāti imamatthaṃ dassento āha
“**purimapacchimānan**”ti-ādi. Tattha ariyamaggasseva
nibbānagāmipaṭipadābhāvo paribyatṭi tasseva apacayagāmiabhāvo yutto,
tadanuvattakattā pana sesadhamma saṅgahetvā vuttaṃ. apacaye
dukkhaparijānanādinā sātisayaṃ gamaṇaṃ yesante apacayagāminoti “maggā
eva apacayagāmino”ti vuttaṃ. **Purimapacchimānanti** ca imasmiṃ tike
paṭhamapadadutiya-padasaṅgahitānaṃ atthānanti attho. “Jayaṃ veraṃ
pasavati², caraṃ vā yadi vā tiṭṭhan”ti-ādīsu³ viya sānunāsiko ācaya-saddoti
“**anunāsikalopo kato**”ti vuttaṃ. Ettha ca “ācinan”ti vattabbe “ācayan”ti
byattayavasena vuttanti daṭṭhabbaṃ. **Ācayā hutvā gacchantī**ti etena
apacinantīti apacayā, apacayā hutvā gacchanti pavattantīti ayamattho nayato
dassitoti daṭṭhabbaṃ.

1. Abhi 1. 210, 270 piṭṭhe.

2. Khu 1. 43 piṭṭhe Dhammapade.

3. Khu 1. 250, 273, 307 piṭṭhesu.

11. **Lokiyesu asekkhabhāvānāpatti daṭṭhabbā**ti kasmā evaṃ vuttaṃ, nanu—

“Sikkhatīti kho bhikkhu tasmā sekkhoti vuccati. Kiñca sikkhati, adhisīlampi sikkhati adhiccittampi sikkhati adhi-aññampi sikkhati. Sikkhatīti kho bhikkhu tasmā sekkhoti vuccati¹. Yopi kalyāṇaputhujjano anulomapaṭipadāya paripūrakārī sīlasampanno indriyesu guttadvāro bhojane mattaññū jāgariyānuyogamanuyutto pubbarattāpararatthaṃ bodhipakkhiyānaṃ dhammānaṃ bhāvanānuyogamanuyutto viharati ‘ajja vā sve vā aññataraṃ sāmāññaphalaṃ adhigamissāmī’ti, sopi sikkhatīti sekkho”ti—

vacanato yathāvuttakalyāṇaputhujjanassapi sīlādiddhammā sekkhāti vuccantīti? Na, pariyāyabhāvato. Nippariyāyena hi sekkhāsekkhabhāvo yathāsambhavaṃ maggaphaladhammesu evāti lokiyesu sekkhabhāvāsaṅkābhāvato asekkhabhāvānāpatti vuttā. Tenevāha “**sīlasamādhi**”ti-ādi. Arahattaphaladhammāpi sikkhāphalabhāvena pavattanato heṭṭhimaphaladhammā viya sikkhāsu jātāti-ādi-atthehi sekkhā siyūṃ, heṭṭhimaphaladhammāpi vā sikkhāphalabhāvena pavattanato arahattaphaladhammā viya asekkhāti codanaṃ manasi katvā “**pariniṭṭhasikkhākiccattā**”ti vuttaṃ, tathā “**heṭṭhimaphalesu panā**”ti-ādi. “Taṃ eva sālīṃ bhuñjāmi, sā eva tittirī, tāni eva osadhānī”ti-ādīsu taṃsadisesu tabbohāro daṭṭhabbo. Etena ca sekkhasadisā asekkhā yathā “amanusso”ti vuttaṃ hotīti aññe. Aññattha “ariṭṭhan”ti-ādīsu vuddhi-atthepe a-kāro dissatīti vuddhipattā sekkhā asekkhāti ayampi attho vutto.

12. **Kilesavikkhambhanasamatthatāyā**ti idaṃ nidassanamattaṃ daṭṭhabbaṃ. Vitakkādivikkhambhanasamatthatāpi hettha labbhatīti. Akusalaviddhaṃsanarasattā vā kusalānaṃ tattha sātisayakiccayuttataṃ parittadhammehi mahaggatānaṃ pakāsetuṃ “kilesavikkhambhanasamatthatāyā”ti vuttaṃ. **Vipākakiriyesu dīghasantānatāva**, na kilesavikkhambhanasamatthatā vipulaphalatā

1. Am 1. 232 piṭṭhe.

cāti attho. “Vipulaṃ phalaṃ vipulaphalan”ti evaṃ pana atthe gayhamāne vipākesupi vipulaphalatā labbhateva. Sopi ekasesanayena aṭṭhakathāyaṃ vuttoti veditabbo. **Mahantehi gatā paṭipannā**ti ayaṃ panattho tiṇṇampi sādharmaṇoti. Guṇato ayaṃ ettakoti sattānaṃ pamāṇaṃ karontā viya pavattantīti oḷārikā kilesā “**pamāṇakarā**”ti vuttā. Tehi parito khaṇḍitā paricchinnāti **parittā**. Satipi kehici paricchinnatte mahāpamāṇabhāvena gatā pavattāti **mahaggatā**. Paricchedakarānaṃ kilesānaṃ sukhumānampi agocarabhāvato tehi na kathaṅcīpi paricchinnā vītikkantāti **aparicchinnā appamāṇā**, yato te “apariyāpannā”tipi vuccanti.

14. **Tittim na janenti** santataratāya asecanakabhāvato. Ettha ca “pamāṇakarehī”ti-ādiko atthavikappo “atappakatthenā”ti-ādikāya hīnattikapadavaṇṇanāya parato bahūsu potthakesu likhīyati, yathāṭṭhāne eva pana ānetvā vattabbo.

15. Lokiyasādhujanehipi atijigucchanīyesu ānantariyakammanatthikavādādīsū pavatti vinā vipallāsabalavabhāvena na hotīti “**vipariyāsadaḷhatāyā**”ti vuttaṃ. **Etenā**ti “vipākadāne satī”ti-ādinā satipi kālaniyame vipākuppādane sāsaṅkavacanena. **Tasmāti** yasmā yathāvuttanayena niyatatāya atippasaṅgo dunnivāro, tasmā. **Balavatā -pa-pavattī**ti etena asamānajātikena anivattanīyavipākataṃ, samānajātikena ca vipākānuppādanepi anantaraṃ vipākuppādanasamatthatāya avihantabbataṃ anantarikānaṃ dasseti. Yato tesaṃ vipākadhammatā viya sabhāvasiddhā **niyatānantariyatā**. **Aññassa -pa- dānatoti** imināpi asamānajātikādīhi anivattanīyaphalataṃ eva vibhāveti.

Codako adhippāyaṃ ajānanto “nanū”ti-ādinā atippasaṅgameva codeti. Itaro “nāpajjati”ti-ādinā attano adhippāyaṃ vivarati. **Ekanteti** avassambhāvini. **Sanniyatattā**ti sampādane janane niyatabhāvato. Uparatā avipaccanasabhāvāsāṅkā yesu tāni uparatāvipacca -pa- saṅkāni, tabbhāvo **upa -pa- saṅkattaṃ**, tasmā. “Na

samatthatāvighātattāti balavatāpi ānantariyena anupahantabbatāṃ āha. **Upatthambhakāni** anubalappadāyakāni honti uppattiyā santānassa visesitattā. Tena nesāṃ vipākānuppādanepi amoghavuttitaṃ āha.

16. **Maggakiccaṃ** pariññādi.

Atṭhaṅgikamaggasammādiṭṭhimaggasampayuttālobhādosasaṅkhātehi maggahetūhi maggasampayuttakhandhasesamaggaṅgasammādiṭṭhīnaṃ sahetukabhāvadassanato tiṇṇaṃ nayānaṃ **asaṅgahitasāṅgaṇhanavasena**ti vuttaṃ. **Hetubahutāvase**nāti bahuhetukassa paṭhamaṇayassa anantaraṃ bahuhetukatāsāmaññaṇa **nikkhepaṇḍapāḷiya**ṃ tatiyaṃ vuttanayo idha **aṭṭhakathāya**ṃ dutiyaṃ vutto. Yathāsakaṃ paccayehi pavattamānesu nirīhakesu dhammesu kesañci anuvattanīyabhāvo na kevalaṃ dhammasabhāvatoyeva, atha kho purimadhammānaṃ pavattivisesenapi hotīti āha “**pubbābhisāṅkhāravase**nā”ti. Pavattiviseso hi purimapurimānaṃ cittacetāsikānaṃ uttaruttaresu visesādhānaṃ bhāvanāpubbābhisāṅkhāroti. **Anuvattayamā**noti garukārayamāno. **Udāharaṇavase**nāti nidassanavasena, na niravasesadassanavasena. **Yasmā panā**ti-ādinā yathāvuttaṃ atthaṃ pāṭhantarena sādheti. Tattha hi adhipatipaccayassa paccanīye ṭhitattā maggo adhipati maggādhīpatīti ayamattho labbhatīti. **Samānasaddatthavase**nāti satipi aññapadatthasamānādhikaraṇasamāsattabhede maggādhīpatisaddatthabhedābhāvaṃ sandhāya vuttaṃ.

17. **Uppanna**-saddo uppādādiṃ paṭipajjamāno, patvā vigato cāti duvidhesu atthesu ubhayesampi vācako, na purimānaṃyevāti tamatthaṃ dassetuṃ “**anuppannā**”ti-ādimāha. Tattha **uppannabhāvo** uppādādippattatā. Tena atītāpi saṅgahitā honti. Tenevāha “**sabbo uppannabhāvo**”ti **uppannadhammabhāvoti** evamettha attho daṭṭhabbo. Uppannadhamme vatvā “anuppannā”ti vacanaṃ na yathādhigatapaṭisedhananti kathamidaṃ paccetabbanti āha “**yadi hī**”ti-ādi. Keci panettha “uppannāti padena atītāpi saṅgahitā. Yadi na saṅgahitā, nibbānaṃ viya tepi navattabbāti vattabbaṃ

siyā, na ca tathā vuttan”ti vadanti, taṃ pana tesaṃ matimattameva. Ayaṃ pana tiko dvinnam addhānam vasena pūretvā dassitoti aṭṭhakathāyaṃ vakkhatīti. Evaṃ sante kasmā atītā navattabbāti na vuttāti? Dhammavasena asaṅgahitattābhāvato. Dhammavasena hi asaṅgahitam nibbānam tattha navattabban jātam, na ca niyogato atītā nāma dhammā keci atthi, ye idha asaṅgahitattā navattabbā siyunti. Phalanibbattito kāraṇassa puretaram nibbatti idha pariniṭṭhitasaddena vuccati, na tassa hutvā vigatabhāvoti āha “anāgate vā”ti. Yato metteyyassa bhagavato uppajjanakaphalampi “uppādī”ti vuccati.

20. **Yassa jhānā vuṭṭhahitvāti**-ādinā “tenānandā”ti-ādipāliyā khetṭhāpālim atthavasena dasseti. Ayañhi tattha pāḷi¹—

“Kathañcānanda bhikkhu ajjhattameva cittaṃ santṭhapeti sannisādeti ekodim karoti samādahati. Idhānanda bhikkhu vivicceva -pa- catuttham jhānam upasampajja viharati. Evaṃ kho -pa- samādahati. So ajjhattam suññatam manasi karoti, tassa ajjhattam suññatam manasikaroto suññatāya cittaṃ na pakkhandati -pa- muccati. Evaṃ santametaṃ ānanda bhikkhu evaṃ sampajānāti ajjhattam kho me suññatam manasikaroto ajjhattam suññatāya cittaṃ na pakkhandati -pa- muccatīti, itiha tattha sampajāno hoti. So bahiddhā suññatam -pa- ajjhattabahiddhā suññatam -pa-. So āneñjam manasi karoti, tassa āneñjam manasikaroto āneñjāya cittaṃ na pakkhandati -pa- muccatīti, itiha tattha sampajāno hoti. Tenānanda bhikkhunā”ti¹.

Tattha **ajjhattasuññatādīsūti** ajjhattam bahiddhā ajjhattabahiddhā ca suññatāya āneñje ca. **Paṭhamajjhānādisamādhinimitteti** pādakabhūtapāṭhamajjhānādisamādhinimitteti. Apaguṇapādakajjhānato vuṭṭhitassa hi ajjhattam suññatam manasikaroto tattha cittaṃ na pakkhandati. Tato “parassa santāne nu kho kathan”ti bahiddhā manasi karoti, tatthapi na pakkhandati. Tato “kālena attano santāne, kālena parassa santāne na kho

1. Ma 3. 153 piṭṭhe.

kathan”ti ajjhatabhiddhā manasi karoti, tatthapi na pakkhandati. Tato ubhatobhāgavimutto hotukāmo “arūpasamāpattiyam nu kho kathan”ti āneñjam manasi karoti, tatthapi na pakkhandati. “Idāni me cittam na pakkhandati”ti vissaṭṭhavīriyena na bhavitabbam, pādakajjhānameva pana sādhuḥkaṃ punappunam manasi kātabbam, evamassa rukkham chindato pharasumhi avahante punappunam nisitanisitam kāretvā chindantassa chijje pharasu viya kammaṭṭhāne manasikāro vahaṭṭi dassetuṃ “**tasmimyevā**”ti-ādi vuttanti.

Atthato ca asamānattāti idam kasmā vuttam. nanu yesu atthesu ajjhata-saddo vattati, te sabbe dassetvā idhādhippetatthaniddhāraṇattham atthuddhāravasentaṃ vuttam. Cakkhādīsu ca ajjhattika-saddo ajjhattānam abhantaratāvisesamupādāya pavattati, yato te ajjhata-ajjhattāti vuccanti. Apica “cha ajjhattikāni”ti idam ajjhattika-saddassa cakkhādīnam ajjhatabhāvavibhāvanasabbhāvato idha udāharaṇavasena vuttam. Teneva hi aṭṭhakathāyam ajjhattikaduke “ajjhattāva ajjhathikā”ti vuttam. Evañca sati na ettha saddato asamānatāpi siyā, tasmāyeva yathāvuttacodanam visodhento “**ayam panetthā**”ti-ādimāha. **Tenā**ti tasmā. **Tamvācakassāti** ajjhatajjhattavācakassa **sakkā vattum** tadatthassa ajjhatabhāvasabbhāvato.

“Na kho ānanda bhikkhu sobhati saṅgaṇikārāmo saṅgaṇikārato saṅgaṇikārāmatam anuyutto”ti-ādinā¹ pabbajitāsārūppassa nekkhammasukhādīnikāmalābhītāya abhāvassa ca dassanena saṅgaṇikārāmatāya, “nāham ānanda ekaṃ rūpampi samanupassāmi, yattha rattassa yathābhīratassa rūpassa vipariṇāmaññathābhāvā na uppajjeyyūṃ sokapari -pa- yāsā”ti² evam rūpādiratīyā ca ādīnavam vatvā sace koci duppaññajātiko pabbajito vadeyya “sammāsambuddho khetto pavitṭhā gāviyo viya amheyyeva gaṇato nīharati, ekībhave niyojeti, sayam pana rājarājamahāmattādīhi parivuto viharatī”ti, tassa vacanokāsupacchedanattham cakkavālapariyantāya parisāya majjhe nisinnopi tathāgato ekakovāti dassanattham “ayam kho panā”ti desanā āradhāti āha “**tappaṭipakkhavihāradassanatthan**”ti. Tattha **sabbanimittānanti** rūpādīnam

1. Ma 3. 152 piṭṭhe.

2. Ma 3. 153 piṭṭhe.

saṅkhatanimittānaṃ. **Ajjhattanti** visayajjhattaṃ. **Suññatanti** anattānupassanānubhāvanibbattaphalasaṃpattim̄. Tenevāha “**ajjhattan**”ti-ādi. Tattha dutiye vikappe **thāna**-saddo kāraṇapariyāyo daṭṭhabbo.

Saccakasuttenāti mahāsaccakasuttena. Tattha hi—

“Abhijānāmi kho panāhaṃ aggivessana anekasatāya parisāya kammaṃ desetā, apissu maṃ ekameko evaṃ maññati ‘mamevārabba samaṇo gotamo dhammaṃ desetī’ti. Na kho panetaṃ aggivessana evaṃ daṭṭhabbaṃ. Yāvadeva viññāpanatthāya tathāgato paresaṃ dhammaṃ desetīti. So kho ahaṃ aggivessana tassāyeva kathāya pariyosāne tasmiṃyeva purimasmiṃ samādhinimitte ajjhattameva cittaṃ saṅghapemi sannisādemi, ekodiṃ karomi, samādahāmi ‘yena sudāṃ niccakappaṃ viharāmi’ti”¹—

āgatanti.

22. Aññehi anidassanehi aññaṃ viya katvā yathā “silāputtakassa sarīraṃ”ti. **Dhammasabhāvasāmaññenā**ti-ādinā kiñcāpi rūpāyatanato añño nidassanabhāvo nāma natthi, dhammasabhāvo pana atthi. Tato ca rūpāyatanassa viseso nidassanabhāvena katoti tadaññadhammavisesakaro nidassanabhāvo rūpāyatanato anaññopi añño viya katvā upacaritoti dasseti. **Atthaviseso** sāmaññavisesatthabhedo. **Sayaṃ sampattānaṃ** phoṭṭhabbadhammānaṃ, **nissayavasena sampattānaṃ** ghānajiṃvḥākāyānaṃ gandharasānaṃca, itaresaṃ asampattānaṃ, **aññamaññāpatanaṃ** aññamaññaṃ yogaḍese avaṭṭhānaṃ, **yena** paṭihanaṃbhāvena. **Byāpārādī**ti cittaṃkiriyāvāyodhātuvipphārasena akkhipaṭalādīnaṃ heṭṭhā upari ca saṃsīdanalaṅghanādippavattimāha. **Vikāruppatti** visadisuppatti, visayassa iṭṭhāniṭṭhabhāvena anuggaho upaghāto cāti attho.

Tikamātikāpadavaṇṇanā niṭṭhitā.

1. Ma 1. 316 piṭṭhe.

Dukamātikāpadavaṇṇanā

1-6. **Samānadesaggahaṇānaṃ** ekasmiṃyeva vatthusmiṃ gahetabbānaṃ, ekavatthuvisayānaṃ vā. Atha vā samānadesānaṃ ekavatthukattā

samānagahetabbabhāvānaṃ ekuppāditoti attho. Ye dhammā hetusahagatā, te hetūhi saha saṅgayhanti. Yo ca tesāṃ sahetukabhāvo, so sahajātādīhi hetūhi katoti katvā vuttaṃ “**samā -pa- sabbhāvan**”ti. **Ādi**-saddena cettha suppatiṭṭhitabhāvasādhanādihetubyāpāre pariggaṇhāti.

Ekībhāvūpagamananti ekakalāpabhāvena pavattamānānaṃ cittacetāsikānaṃ saṃsaṭṭhatāya samūhaghanabhāvena duviññeyyanānākaraṇatāmyeva sandhāya vuttaṃ. **Dhammanānattābhāvepīti** sabhāvatthabhedābhāvepi.

Padatthanānattenāti nānāpadābhidheyyatābhedenā. Etena pakārantarāpekkhaṃ dukantaravacananti dasseti. Anekappakārā hi dhammā. Teneva “sabbe dhammā sabbākārena buddhassa bhagavato ñāṇamukhe āpāthaṃ āgacchanti”¹ti vuttaṃ. Ayañca attho tikesupi daṭṭhabbo. Yesāṃ vineyyānaṃ yehi pakāravisesehi dhammānaṃ vibhāvane kate paṭivedho hoti, tesāṃ tappakārabhedehi dhammānaṃ vibhāvānaṃ. Yesāṃ ana yena ekeneva pakārena vibhāvane paṭivedho hoti, tesampi taṃ vatvā dhammissarattā tadaññāniravasesappakāravibhāvānañca desanāvilāsoti āha “**desetabbappakārajānanan**”ti-ādi. Nanu ekena pakārena jānantassa tadaññāppakāravibhāvānaṃ aphalaṃ hotīti? Na hoti paṭisambhidāppabhedassa upanissayattā. Te pakārā etesanti tappakārā, tabbhāvo **tappakāratā**. Iminā dhammānaṃ vijjamānasseva pakāravisesassa vibhāvānaṃ desanāvilāsoti dasseti.

Aññatthāpīti “ahetukā ceva dhammā na ca hetū”ti-ādīsu. Yathā paṭhamadukekadese gahetvā dutiyatatiyadukehi saddhiṃ chaṭṭhadukanaye yojanā “hetū dhammā sahetukāpi ahetukāpi”ti-ādayo tayo dukā labbhanti, evaṃ dutiyatatiyadukekadese gahetvā paṭhamadukena saddhiṃ yojanāya “sahetukā dhammā hetūpi na hetūpi, ahetukā dhammā hetūpi na hetūpi, hetusampayuttā dhammā hetūpi na hetūpi, hetuvippayuttā dhammā hetūpi na hetūpi”ti cattāro

1. Khu 7. 277; Khu 8. 175; Khu 9. 376 piṭṭhesu.

dukā labbhanti, te pana vuttanayeneva sakkā dassetunti na dassitāti daṭṭhabbā. Atha vā pāliyaṃ vuttehi catutthapañcamehi aṭṭhakathāyaṃ dassitehi purimehi dvīhi ninnānākaraṇato ete na vuttā.

Sannivesavisesamattameva hettha visesoti. Teneva hi ninnānatthattā pāliyaṃ āgatadukesu yathāniddhāritadukānaṃ yathāsambhavaṃ avarodhanena avuttataṃ dassetuṃ “**etesu panā**”ti-ādīmāha.

Atha vā “etena vā gatidassanena”ti-ādīnā vakkhamānanayena “hetū ceva dhammā ahetukā cā”ti-ādīnaṃ sambhavantānaṃ dukānaṃ saṅgahe sati etesampi saṅgaho siyā. Yato vā dukato padaṃ niddhāretvā dukantaraṃ vuccati, tena sati ca nānatte dukantaraṃ labbhati, na cettha koci viseso yathāvuttadukehīti samvaṇṇanāsu na dassitanti daṭṭhabbaṃ. Ettha ca yathā sahetukadukato hetusampayuttadukassa, hetusahetukadukato ca hetuhetusampayuttadukassa padatthamattato nānattaṃ, na sabhāvatthato. Evaṃ santepi sahetukahetusahetukaduke vatvā itarepi vuttā, evaṃ hetusampayuttahetusampayuttadukādīhi sabhāvatthanānattābhāvepi padatthanānattasambhavato dhammanānattābhāvepi padatthanānattena dukantaraṃ vuccatīti vuttattā “hetusahagatā dhammā, na hetusahagatā dhammā, hetusahajātā dhammā, na hetusahajātā dhammā. Hetusaṃsaṭṭhā dhammā, hetuvisaṃsaṭṭhā dhammā. Hetusamuṭṭhānā dhammā, na hetusamuṭṭhānā dhammā. Hetusahabhuno dhammā, na hetusahabhuno dhammā”ti-ādīnaṃ, tathā “hetū ceva dhammā hetusahagatā cā”ti-ādīnaṃ, “na hetū kho pana dhammā hetusahagatāpi, na hetusahagatāpi”ti-ādīnañca sambhavantānaṃ anekesaṃ dukānaṃ saṅgaho anuññāto viya dissati. Tathāhi vakkhati “etena vā gatidassanena”ti-ādi. Evaṃ āsavagocchakādīsipi ayamatto yathāsambhavaṃ vattabbo. Dhammānaṃ vā sabhāvakkiccādiṃ bodhetabbākārañca yāthāvato jānantena dhammasāminā yattakā dukā vuttā, tattakesu ṭhātabbaṃ. Addhā hi te dukā na vattabbā, ye bhagavatā na vuttāti veditabbaṃ. Na hetuhetusampayuttaduko chaṭṭhadukena ninnānatthoti adhippāyo. **Tesūti** paṭhamadukatatiyadukesu. Yadi dukantarehi dukantarapadehi ca samānatthattā etesaṃ dukānaṃ dukantarapadānañca

avacanaṃ, evaṃ sati chaṭṭhaduke paṭhamapadampi na vattabbaṃ catutthaduke duttiyapadena samānatthattā. Tathā ca chaṭṭhadukoyeva na hotīti codanaṃ sandhāyāha “**catutthaduke**”ti-ādi. **Dukapūraṇatthanti** idam samānatthataṃyeva sandhāya vuttaṃ, desanāviseso pana vijjatiyeva. Atthantaratābhāvepi pakārabhedahetukaṃ dukantaravacanaṃti dassito hi ayamatthoti. **Etena gatidassanenāti** atthavisesābhāvepi chaṭṭhadukapūraṇasaṅkhātena nayadassenena. **Paṭhamaduke -pa- dassito** pāḷiyam vuttehi catutthapañcamehi, aṭṭhakathāyaṃ dassitehi purimehi dvīhi, idha dassitehi catūhi. **Tesūti** duttiyatatiyadukesu. **Paṭhamadukapakkepena dassito** pāḷiyam chaṭṭhadukena itaratra ca itaradukehīti veditabbaṃ.

7-13. **Paccayabhāvamattena -pa- atthitanti** etena na paṭiladdhattatāsaṅkhātā sasabhāvatāva atthitā, atha kho paṭipakkhena anirodho appahīnatā anipphāditaphalatā kāraṇāsamugghātena phalanibbattanārahatā cāti imamattam dasseti. Tathā hi “imasmiṃ sati idam hoti”ti ettha “sati”ti iminā vacanena yena vinā yaṃ na hoti, taṃ atītādipi kāraṇaṃ saṅgahitamevāti. Tenevāha “**na sahetu -pa- kālānamevā**”ti. **Same -pa- dīpeti** samecca sambhūya paccayehi katanti **saṅkhatanti**. **Ayapetesam visesoti** ayam paccayanibbattānaṃ paccayavantatā anekapaccayanipphāditatā ca dukadvaye purimapadatthānaṃ bhedo, itaresam pana purimapadasaṅgahitadhammavidhurasabhāvatāyāti. **Avini -pa- thapanatoti** “ettakā”ti pabhedaparicchedaniddhāraṇavasena abhidhammamatikāyaṃ dhammānaṃ avuttattā vuttaṃ. suttantamatikāyaṃ pana nidhāritasarūpasāṅkhāvisesattā vinicchitatthaparicchedāyeva avijjādayo vuttāti. “**Pathavī-ādi rūpan**”ti etasmim atthavikappe anekahetukesu cittuppādesu hetūnaṃ sahetukabhāvo viya sabbesaṃ pathavī-ādīnaṃ rūpibhāvo siddhoti āha “**purima -pa- pajjati**”ti. Na hi tesu niyato katthaci saṃsāribhāvoti. Aniccānupassanāya vā lujjati chijjati vinassatīti gahetabbo lokoti taṃgahaṇarahitānaṃ lokuttarānaṃ natthi lokatā. **Tenevāti** dukkhasaccabhāvena pariññeyyabhāvenāti attho.

Dukabahutā āpajjatiti kasmā vuttaṃ, nanu vīsati dukā vibhattā, “avuttopi yathālābhavasena veditabbo”ti ca vakkhatīti

dukabahutā icchitā evāti? Saccametaṃ tamyeva pana dukabahutaṃ anicchanto evamāha. Apica dukabahutā āpajjati, sā ca kho viññāṇabhedānusārini, tatrāpi kāmāvacarakusalato ñāṇasampayuttāni, tathā mahākiriyaṃ manodvārāvajjananti evaṃpakārānaṃ sabbadhammārammaṇaviññāṇānaṃ anāmasanato na byāpinīti dasseti “**dukabahutā**”ti-ādinā. Abyāpibhāve pana dosaṃ dassento “**tathā ca -pa-siyā**”ti āha. **Niddesena ca viruddhanti** “ye te dhammā cakkhuviññeyyā, na te dhammā sotaviññeyyā”ti-ādinā rūpāyatanādīnaṃ paccekacakkhuviññāṇādīna kenaci viññeyyataṃ, sotaviññāṇādīna kenaci navivññeyyatañca dassentena nikkheparāsinniddesena “dvinnampi padānaṃ atthanānattato dukko hoti”ti idaṃ vacanaṃ viruddhaṃ, tathā atthuddhāraniddesena atthato na sametīti attho. **Tatthāti** tassaṃ nikkheparāsisaṃvaṇṇanāyaṃ. Yo ca paṭisedho kato atthanānattato dukkaṃ dassetunti adhippāyo. **Na hi sama -pa- sedhetunti** etena “ye te dhammā cakkhuviññeyyā, na te dhammā sotaviññeyyā”ti ettakesu niddesapadesu dukkapadadvayappavatti pālito eva viññāyatīti dasseti.

Tathevāti ubhinnaṃ kecina-saddānaṃ aniyamato cakkhusotādinissayavohārena cakkhusotaviññāṇādiko bhinnasabhāvoyeva dhammo atthoti dassanavasena. Rūpāyatanaṃ eva hi cakkhusotaviññāṇehi viññeyyaviññeyyabhāvato “kenaci viññeyyaṃ kenaci navivññeyyan”ti ca vuccatīti. Yadi evaṃ imasmimpi pakkhe dukabahutā āpajjati codanaṃ manasi katvā āha “**na cetthā**”ti-ādi. **Viññāṭabbabhedenāti**¹ viññāṭabbavisesena, viññeyyekadesenāti attho. **Dukabhedoti** dukaviseso, kenaci viññeyyaduko, tappabhedoyeva vā. **Samatto** pariyatto paripuṇṇoti attho. **Yattakā viññāṭabbā tattakā dukkā**ti dukabhedāpajjanappakāradassanaṃ. **Evañca satīti**-ādinā imissā samvaṇṇanāya laddhaguṇaṃ dasseti. “Ye te dhammā cakkhuviññeyyā, na te dhammā sotaviññeyyā”ti rūpāyatanasseva vuttattā atthabhedābhāvato kathamayaṃ dukko hotīti āha “**viññāṇanānattenā**”ti-ādi. Yadi pana sabbaviññāṭabbasaṅgahe dukko samatto hoti, nikkheparāsinniddeso kataṃ nīyatīti āha “**etassa panā**”ti-ādi.

1. Viññāṭabbadhammabhedenāti (Mūlaṭīkāyaṃ)

Ettha pana yathā viññāṇanānattena viññātabbaṃ bhinditvā duke vuccamāne satipi viññātabbānaṃ bahubhāve yattakā viññātabbā, tattakā dukāti natthi dukabahutā dukasaṅgahitadhammekadesesu dukapadadvayappavattidassanabhāvato. Evaṃ dvinampi padānaṃ atthanānattena duke vuccamānepi yattakāni viññāṇāni, tattakā dukāti natthi dukabahutā dukasaṅga -pa- bhāvato eva. Na hi ekaṃyeva viññāṇaṃ “kenaci kenacī”ti vuttaṃ, kintu aparampīti sabbaviññāṇasaṅgahe duko samatto hoti, na ca katthaci dukassa pacchedo atthi indriyaviññāṇaṃ viya manoviññāṇassapi visayassa bhinnattā. Na hi atītārammaṇaṃ viññāṇaṃ anāgatādi-ārammaṇaṃ hoti, anāgatārammaṇaṃ vā atītādi-ārammaṇaṃ, tasmā yathāladdhavesena viṣiṭṭhesu manoviññāṇabhedesu tassa tassa visayassa ālambanānālamnavasena dukapadadvayappavatti na sakkā nivāretuṃ. Teneva ca aṭṭhakathāyaṃ “manoviññāṇena pana kenaci viññeyyañceva aviññeyyañcāti ayamatto atthi, tasmā so avuttopi yathālābhavasena veditabbo”ti bhūmibhedavasena yathālābhaṃ dassessati. “Vavatthānābhāvato”ti idampi anāmaṭṭhavesaṃ manoviññāṇasāmaññameva gahetvā vuttaṃ. Pāḷi pana indriyaviññāṇehi nayadassanavasena āgatāti daṭṭhabbaṃ. Evañca katvā imissāpi atthavaṇṇanāya “kenacī”ti padaṃ aniyamena sabbaviññāṇasaṅgāhakanti siddhaṃ hoti, niddesena ca na koci virodho.

Cakkhuviññeyyanasotaviññeyyabhāvehi dukapadadvayappavatti dassitā, na pana cakkhuviññeyyācakkhuviññeyyabhāvehi visesakāraṇābhāvato. Kiñca “ye vā panā”ti padantarasampiṇḍanatopi “ye te dhammā cakkhuviññeyyā -pa- na te dhammā cakkhuviññeyyā”ti¹ ettāvatā dukapadadvayappavatti dassitāti viññāyati. Padantarabhāvadassanattho hi yevāpana-saddo yathā “ye keci kusalā dhammā, sabbe te kusalamūlā. Ye vā pana kusalamūlā, sabbe te dhammā kusalā”ti-ādīsu². Aññathā “ye te dhammā cakkhuviññeyyā, na te dhammā sotaviññeyyā. Ye te dhammā sotaviññeyyā, na te dhammā cakkhuviññeyyā”ti pāḷi abhaviṣṣa. Yaṃ pana vadanti “ye te dhammā cakkhuviññeyyā -pa- na te dhammā cakkhuviññeyyāti iminā atthato

1. Abhi 1. 220 piṭṭhe.

2. Abhi 5. 1 piṭṭhe Yamake.

dve dukā vuttā hontī”ti, tadapi cakkhuviññeyyācakkhuviññeyyatam
 sotaviññeyyāsotaviññeyyatañca sandhāya vuttam, na pana
 “cakkhuviññeyyanasotaviññeyyatam sotaviññeyyanacakkhuviññeyyatañcā”ti
 daṭṭhabbam. Etena pāḷiapaṭisedhanañca nivāritam daṭṭhabbam
 paṭisedhanasseva abhāvato. Tathā yassa ārammaṇassa vijānanabhāvena yo
 attho vuccamāno aniyamadassanattham “kenaci”ti vutto, soyeva tato
 aññassa avijānanabhāvena vuccamāno aniyamadassanattham puna “kenaci”ti
 vuttoti tadatthadassane tenevāti ayam padattho na sambhavatīti na sakkā
 vattunti. Evamettha yathā atṭhakathā avatṭhitā, tathā attho yujjatīti
 veditabbam.

14-19. Santānassa ajaññamalīnabhāvakarāṇato

kaṇhakammavipākahetuto ca aparisuddhattā “**asucibhāvena sandanti**”ti
 vuttam. **Tatthā**ti vaṇe. **Paggharaṇaka -pa- saddoti** etena āsavo viya āsavoti
 ayampi attho dassitoti daṭṭhabbam. **Gotrabhu -pa- vuttānī**ti etena
 gotrabhuggahaṇam upalakkhaṇam yathā “kākehi sappi rakkhitabban”ti
 dasseti. Gotrabhusadisā gotrabhūti pana atthe sati guṇappadhānatthānam
 ekena saddena avacanīyattā vodānādayova vuttā bhaveyyum. Atha vā
gotrabhūti ekasesena sāmāññena vā ayam niddesoti veditabbam.
 Abhidhivisayam avadhinti vibhattim pariṇāmetvā vattabbam.

Sampayuttehi āsavehi **taṃsahitatā** āsavasahitatā. Idam vuttam hoti—
 yathā sahetukānam sampayuttehi hetūhi sahetukatā, na evam sāsavāti
 vuttadhammānam sampayuttehi āsavehi sāsavatā, atha kho vippayuttehīti.
 Dukantare avuttapadabhāvoyevettha dukayojanāya nāyāgatatā. Yadi evam
 hetugocchake kathanti āha “**hetugocchake panā**”ti-ādi. **Paṭhame duke**
dutiyassa **pakkhepe ekoti** catutthadukamāha. **Paṭhame duke tatiya**ssa
pakkhepe dveti “āsavā ceva dhammā āsavavippayuttā ca, āsavavippayuttā
 ceva dhammā no ca āsavā”ti iminā saddhim pañcamadukamāha. **Paṭhamassa**
dutiye duke pakkhepe ekoti “no āsavā dhammā sāsavāpi anāsavāpi”ti
 ayameko. **Tatiye paṭhamassa pakkhepe dveti** “āsavā dhammā

āsavasampayuttāpi āsavavippayuttāpi, no āsavā dhammā āsasampayuttāpi āsavavippayuttāpi”ti ime dve. **Tatiye dutiyassa pakkhepe ekoti** “sāsavā dhammā āsasampayuttāpi āsavavippayuttāpi”ti eko. **Dutiye tatiyassa pakkhepe ekoti** chaṭṭhadukamāha. **Tīhīti** catutthapañcamachaṭṭhehi. **Itareti** tadavasitṭhā pañca. Te pana paṭhame tatiyadukadutiya padapakkhepe eko, dutiye paṭhamadukadutiya padapakkhepe eko, tatiye paṭhamassa ekeka padapakkhepe dve, tatiye dutiyadukapaṭhamapadapakkhepe ekoti evaṃ veditabbā. “Sāsavā dhammā āsavāpi no āsavāpi. Āsasampayuttā dhammā āsavāpi no āsavāpi. Āsavavippayuttā dhammā āsavāpi no āsavāpi”ti etesampi, “āsavasahagatā dhammā no āsasahagatā dhammā”ti evamādīnañca aggahaṇe kāraṇaṃ gahaṇanayo ca pubbe vuttanayeneva veditabbaṃ.

Esa nayoti yo esa paṭhamaduke dutiyadukapakkhepādiko upāyo idha āsavagocchake vutto, esa nayo saṃyojanagocchakādīsu dukantaraniddhāraṇeti attho. Tatha pāḷiyaṃ anāgatadukā saṃyojanagocchake tāva “saṃyojanā ceva dhammā saṃyojanavippayuttā ca, saṃyojanavippayuttā ceva dhammā no ca saṃyojanā, saṃyojanā dhammā saṃyojanasampayuttāpi saṃyojanavippayuttāpi, no saṃyojanā dhammā saṃyojanasampayuttāpi saṃyojanavippayuttāpi, no saṃyojanā dhammā saṃyojaniyāpi asaṃyojaniyāpi, saṃyojaniyā dhammā saṃyojanasampayuttāpi saṃyojanavippayuttāpi”ti pañca. Evaṃ gantha-oghayoga-upādānagocchakesu paccekaṃ pañca. Nīvaraṇagocchake pana nīvaraṇaṇaṃ nīvaraṇavippayuttabhāvābhāvato “no nīvaraṇā dhammā nīvaraṇiyāpi anīvaraṇiyāpi, no nīvaraṇā dhammā nīvaraṇasampayuttāpi nīvaraṇavippayuttāpi, nīvaraṇiyā dhammā nīvaraṇasampayuttāpi nīvaraṇavippayuttāpi”ti tayo. Tathā parāmāsagocchake “no parāmāsā dhammā parāmaṭṭhāpi aparāmaṭṭhāpi, no parāmāsā dhammā parāmāsasampayuttāpi parāmāsavippayuttāpi, parāmaṭṭhā dhammāparāmāsasampayuttāpi parāmāsavippayuttāpi”ti. Kilesagocchake “no kilesā dhammā saṃkilesikāpi asaṃkilesikāpi, no kilesā dhammā saṃkiliṭṭhāpi asaṃkiliṭṭhāpi, no kilesā dhammā kilesasampayuttāpi kilesavippayuttāpi, saṃkilesikā

dhammā saṅkiliṭṭhāpi asaṅkiliṭṭhāpi, saṅkilesikā dhammā
kilesasampayuttāpi kilesavippayuttāpi, asaṅkiliṭṭhā dhammā saṅkilesikāpi
asaṅkilesikāpi”ti cha dukāti evaṃ veditabbā. Sesam vuttanayameva.

20-25. **Paccayabhāvenā**ti saṃyojanattham dasseti. Yathāsakam
paccayabhāvo eva hi kāmarāgādīnam vaṭṭasaṃyojananti. Yadi evaṃ katham
kāmarāgādīnamyeva saṃyojanabhāvoti āha “**satipī**”ti-ādi. **Aññesanti**
saṃyojanehi aññesam kilesābhisāṅkhārādīnam. **Tappaccayabhāveti** tesam
kilesakammavipākavaṭṭānam paccayabhāve.

Orambhāgiyuddhambhāgiyabhāvena saṅgahitā paricchinnā **ora -pa-**
saṅgahitā, tehi kāmarāgādīhi visesapaccayabhūtehi.

Kāmakammabhavādīnam kāmūpapattibhavādīnippḥadanepi niyamoti katvā
āha “**taṃtaṃ -pa- hotī**”ti. Tena saṃyojanānam bhāve yathāvuttaniyamānam
kāmūpapattibhāvānam bhāvaṃ dassetvā tadabhāve abhāvaṃ dassento “**na**
cā”ti-ādimāha. **Bandhanam** aseribhāvakaraṇam andubandhanādayo viya.

Ganthakaraṇam avacchinnatākaraṇam. **Cakkalakam**

pādapuñchanarajjumaṇḍalam. **Na codetabbanti** paññācakkhunā
pacurajanassa passitum asakkuṇeyyattā yathāvuttavisesassa saddheyyatam
āha. Tividho hi attho koci paccakkhasiddho yo rūpādīdhammānam
paccattavedanīyo aniddisitabbākāro, sabbadhammānam sabhāvalakkhaṇanti
vuttam hoti. Koci anumānasiddho yo ghaṭādīsu paṭādīsu ca pasiddhena
paccayāyattabhāvena ghaṭapaṭa-saddādīnam aniccatādi-ākāro, koci
okappanasiddho yo pacurajanassa accantamadiṭṭho saddhāvisayo
sagganibbānādi. Tattha yassa satthuno vacanam paccakkhasiddhe
anumānasiddhe ca atthe na visamvādeti aviparītappavattiyā, tassa vacanena
saddheyyatthasiddhīti tathārūpo ca bhagavāti “**dhammānam sabhāva -pa- na**
codetabban”ti vuttam. Esa nayo ito paresupi evarūpesu.

26-37. Yathā sarabhehi atikkamitabbā pabbatarāji sarabhaniyā, evaṃ
oghaniyāti saddasiddhīti āha “**tenā**”ti-ādi.

50-54. Vipariyesaggāho parāmasananti “parato”ti ettha na
dhammasabhāvato aññathāmattam paranti adhippetam, atha kho
tabbipariyāyoti āha “**paratoti niccādito**”ti.

55-68. Yadi sabhāvato avijjamānaṃ, kathamārammaṇabhāvoti āha “**vicittasaññāya saññītan**”ti, parikkappanāmattasiddhanti attho. Duviññeyyanānattatāya nirantarabhāvūpagamaṇaṃ saṃsaṭṭhabhāvoti “**suviññeyyanānattatā na saṃsaṭṭhatā**”ti vuttaṃ. **Tesaṃ** arūpakkhandhānaṃ. **Itarehi** rūpanibbānehi. Kiṃ pana kāraṇaṃ samānuppādanirodhānaṃ ekakalāpabhūtānaṃ arūpadhammānameva aññamaññaṃ saṃsaṭṭhatā vuccati, na pana tathābhūtānampi rūpadhammānanti āha “**esa hi tesaṃ sabhāvo**”ti. Tena yadipi keci arūpadhammā visuṃ ārammaṇaṃ honti, dandhappavattikattā pana rūpadhammānaṃyeva suviññeyyanānattatā, na arūpadhammānanti tesaṃ saṃsaṭṭhabhāvo tadabhāvo ca itaresaṃ sabhāvasiddhoti dasseti. Samūhaghanatāya vā dubbibhāgatarattā tesaṃyeva saṃsaṭṭhatā. **Amuñcivā** tadadhīnavuttitāya **gahetabbato** buddhiyā.

83-100. Kāmatāṇhā **kāmo** uttarapadalopena yathā rūpabhavo rūpaṃ. Evaṃ sesesupi. **Ārammaṇakaraṇavasenā**ti etena kāmarūpārūpataṇhānaṃ visayabhāvo yathākkamaṃ kāmarūpārūpāvaccaratāya kāraṇanti dasseti. Avassañcetamevaṃ sampañcchitabbaṃ, aññathā kāmāvacarādibhāvo aparipuṇṇavisayo siyā. yadi hi ālambitabbadhammavasena bhūmiparicchedo, evaṃ sati anārammaṇānaṃ saṅgaho na siyā. Atha vipākādānavasena, evampi avipākānaṃ saṅgaho na siyā, tasmā ārammaṇakaraṇavasena pariyāpannānaṃ bhūmiparicchedo kātabbo. Evañhi sati kāmāvacarādibhāvo paripuṇṇavisayo siyā. Tenevāha “**evañhi sati**”ti-ādi. Apariyāpannānaṃ pana lokato uttiṇṇabhāvena anuttarabhūmitā. **Akāmāvacarādītā nāpajjatī**ti abyāpitadosaṃ pariharati, **kāmāvacarādītā nāpajjatī**ti atibyāpitadosaṃ. Nanu ca imasmiṃ pakkhe kāmatāṇhā katamā, kāmāvacarammorammaṇā taṇhā, kāmāvacaradhammā katame, kāmatāṇhāvisayāti itarītaraṇissayatā dosoti? Na, avīci-ādi-ekādasokāsaninnatāya kiñci taṇhaṃ kāmatāṇhābhāvena gahetā taṃsabhāvāya visayabhāvena kāmāvacaradhammānaṃ upalakkhetabbatā.

Idāni yathāvuttamatthaṃ pāṭhena samatthento “**nikkhepakaṇḍepī**”ti-ādimāha. Tattha hi kāmatāṇhāya ālambitabbatā kāmādhātupariyāpannadhammā ca

kāmabhavasāṅkhāte kāme ogāḷhā hutvā caranti, nāññatthāti **etthāvacarāti** vuttanti. Visesatthinā viseso anupayujjati imamattham dassento āha “**lokassa vasena pariyaṅpannicchayato**”ti. Tena lokiyadhammesu pariyaṅpanna saddassa niruḷhakaṃ dasseti bhagavato taduccāraṇānantaraṃ vineyyānaṃ tadatthapaṭipattito. Paricchedakāpekkhā paricchinnatāti “**paricchedakārikāya taṇhāyā**”ti vuttaṃ. Sā hi dhammānaṃ kāmāvacarādibhāvaṃ paricchindati. **Pari**-saddo cettha “upādinnā”ti-ādīsu upa-saddo viya sasādhanam kiriyam dīpetīti ayamattho vuttoti daṭṭhabbam.

Niyyānakaraṇasīlā **nīyyānikā** yathā “apūpabhakkhanasīlo apūpiko”ti, niyyānasīlā eva vā. Rāgadosamohāva gahitāti nāyati, itarathā pahānekaṭṭhatāvacaṇam nippayojanam siyā. “Raṇohatā na jotanti, candasūriyā satārakā”ti-ādīsu raṇa-saddassa reṇupariyāyatā daṭṭhabbā. Sampahārapariyāyattā yuddha-saddassa sampahāro ca paharitabbādharoti akusalasenāva “saraṇa”ti vuttā. **Dukkhādīnanti** phalabhūtanam dukkhavighāta-upāyāsapariḷhānaṃ sabhāgabhūtāya ca micchāpaṭipadāya. **Tannibbattakasabhāvānaṃ akusalānanti** etena sabbesampi akusalānaṃ saraṇataṃ dasseti.

Abhidhammadukamātikāpadavaṇṇanā niṭṭhitā.

Suttantikadukamātikāpadavaṇṇanā

101-108. **Vijjāsabhāgatāya**, na saṅkappādayo viya vijjāya upakāraḷabhāvato. “**Abhejjaṃ -pa- ruhatī**”ti ubhayampi anavaśesappahānameva sandhāya vuttaṃ. Kiñcāpi hi heṭṭhimamaggehipi pahīyamānā kilesā tena tena odhinā anavaśesameva pahīyanti, ye pana avasiṭṭhā bhinditabbā, te lobhādīkilesabhāvasāmaññato puna viruḷhā viya honti. Arahattamagge pana uppanne na evam avasiṭṭhābhāvato. **Tadupacārena** nissayavohārena. Kusalehi tāpetabbāti vā **tapaniyā**, tadaṅgādivasena bādhitabbā pahātābbāti attho. **Samānatthāni** adhivacanādīnaṃ saṅkhādibhāvato. “Sabbeva dhammā adhivacanapathā”ti-ādīnā adhivacanādīnaṃ visayaḷbhāve na koci dhammo vajjito, vacanabhāvo eva

ca adhivacanādīnaṃ vakkhamānena nayena yujjatīti adhippāyenāha
 “sabbañca vacanaṃ adhivacanādibhāvaṃ bhajati”ti.

109-110. Aññaṃ anapekkhitvā sayameva attano nāmakaraṇasabhāvo
 nāmakaraṇaṭṭhoti, tena arūpadhammānaṃ viya opapātikanāmatāya pathavī-
 ādīnampi nāmathāvo siyāti āsaṅkāya nivattanatthaṃ
 “**nāmantarānāpajjanato**”ti āha. na hi vinā pathavī-ādīnāmenapi rūpadhammā
 viya kesādināmehi vinā vedanādināmehi aññaena nāmena arūpadhammā
 piṇḍakārato voharīyantīti. Yaṃ pana parassa nāmaṃ karoti, tassa
 aññāpekkhaṃ nāmakaraṇanti nāmakaraṇasabhāvatā natthīti
 sāmaññaṃādīkaraṇānaṃ nāmathāvo nāpajjati. Yassa caññehi nāmaṃ
 karīyati, tassa nāmakaraṇasabhāvatāya abhāvovoyevāti natthi nāmathāvo. ye
 pana anāpannānāmantarā sabhāvasiddhanāmā ca, te vedanādayova nāmaṃ
 nāmāti dassento “**attanāvā**”ti-ādīmāha. Phassādīnaṃ ārammaṇābhimukhatā
 taṃ aggahetvā appavattiyevāti dassetuṃ “**avinābhāvato**”ti vuttaṃ.
Adhivacanasamphasso manosamphasso, so nāmamantarena gahetuṃ
 asakkuṇeyyatāya pākaṭoti nidassanabhāvena vutto. **Ruppanasabhāvenāti**
 nidassanamattaṃ daṭṭhabbaṃ. Pakāsakapakāsītābbabhāvenapi hi vināpi
 nāmena rūpadhammā pākaṭā hotīti. Atha vā pakāsakapakāsītābbabhāvo
 visayivisayabhāvo cakkhurūpādīnaṃ sabhāvo, so ruppanasabhāve sāmañña
 antogadhoti daṭṭhabbaṃ.

119-123. **Ito pubbe parikammanti**-ādīnā samāpattivuṭṭhānakusalatā viya
 samāpattikusalatāpi jhānalābhīnamyeva hotīti vuttaṃ viya dissati.
 “Itaresampi anussavavasena samāpattīnaṃ appanāparicchedapañña
 labbhati”ti vadanti. “Evaṃ silavisodhanādīnā samāpattim appetīti
 jānanakapañña saha parikammaena appahāparicchedajānanakapañña”ti keci.
Vuṭṭhāne kusalahāvo vuṭṭhānavasitā. **Pubbeti** samāpajjanato pubbe.

124-134. Sobhane rato surato, tassa bhāvo soraccanti āha
 “**sobhanakammaratā**”ti. Suṭṭhu vā orato virato

sorato, tassa bhāvo soraccanti. Ayaṃ panattho aṭṭhakathāyaṃ vutto eva. **Appaṭisaṅkhānaṃ** moho. **Kusalabhāvanā** bodhipakkhiyadhammānaṃ vaḍḍhanā. **Saññānaṃ** upalakkhaṇaṃ. **Saviggahaṃ** sabimbakam. **Upalakkhetabbākāraṃ** dhammajātaṃ, ārammaṇaṃ vā. **Avikkhepoti** cittavikkhepapaṭipakkho. Ujuvipaccanikatāya hi pahānavuṭṭhānena ca avikkhepo vikkhepaṃ paṭikkhipati, pavattitum na detīti.

135-142. **Kāraṇasīlaṃ** lokiyaṃ. **Phalasīlaṃ** lokuttaraṃ tena sijjhatīti katvā, lokiyassapi vā sīlassa kāraṇaphalabhāvo pubbāparabhāvena daṭṭhabbo. **Sampannasamudāyassa** paripuṇṇasamūhassa. **Akusalā sīlā** akusalā samācārā. **Sīlasampadā** sīlasampatti sīlaguṇāti attho. **Sahottappaṃ** **ñānanti** ottappassa ñāṇappadhānataṃ āha, na pana ñāṇassa ottappasahitatāmattaṃ. Na hi ottapparahitaṃ ñāṇaṃ atthīti. **Adhimuttatā** abhirativasena nirāsankāpavatthi. **Nissaṭatā** viśamūyuttatā. Ettha ca adhimuttatānissaṭatāvacaṇehi tadubhayapariyāyā dve vimuttiyo ekasesanayena idha “vimuttī”ti vuttāti dasseti. Tathā hi vuttaṃ “cittassa ca adhimutti nibbānañcā”ti. Uppajjati etenāti uppādo, na uppādoti **anuppādo**, tabbhūte anuppādapariyosāne vimokkhante anuppādassa ariyamaggassa kilesānaṃ vā anuppajjanassa pariyoṇeti ṭhānaphalehi ariyaphalameva upalakkhīyatīti daṭṭhabbaṃ.

Mātikāpadavaṇṇanā niṭṭhitā.

Kāmāvacarakusalapadabhājanīyavaṇṇanā

1. **Appetunti** nigametuṃ. “Padabhājanīyaṃ na vuttan”ti padabhājanīyāvacaṇena appanāvarodhaṃ sādhetvā padabhājanīyāvacaṇassa kāraṇaṃ vadanto “**sarūpenā**”ti-ādimāha. Tattha “phasso hotī”ti-ādīsu hoti-saddo atthi-saddena anānatthoti adhippāyena vuttaṃ “**dutiyena hoti-saddenā**”ti. Pubbe aṭṭhakathādhippāyena vatvā yathāvuttassa pālippadesassa appanāvarodho samatthitoti attano adhippāyaṃ dassento “**saṅkhepenā**”ti-ādimāha.

Ñāturū icchitoti lakkhaṇassa pucchāvisayataṃ dasseturū vuttamū. **Yena kenacīti** dassanādivisesayuttena, itarena vā. Avatthāviseso hi ñāṇassa dassanatulanatīraṇāni. “**Adiṭṭhatan**”ti-ādīsu āhāti yojetabbaṃ, sabbattha ca lakkhaṇassāti. Tañhettha adhikatanti. **Adiṭṭham jotiṃyati etāyāti** etena diṭṭham sāmsandati etāyāti diṭṭhasāmsandaṇā. Vimatiṃ chindati etāyāti vimaticchedanāti etāsampi saddattho nayato dassito, atthato pana sabbāpi tathāpavattamū vacanamū, taduppādako vā cittuppādoto veditabbaṃ.

Aññamaññato pabhiṃjatiṃ pabhedo, viseso, tena **pabhedena**. **Dhammānam desananti** kiñcāpi samayabhūmijati-ārammaṇasabhāvādivasena anavasesappabhedapariggahato niddesadesanāva vuttamū yuttā, tathāpi kusalādimātikāpadasaṅgahitavisesoyeva idha pabhedoti adhippetoti vuttamū “**pabheda -pa- desanam āhā**”ti. Tenevāha **aṭṭhakathāyam**¹ “kusala -pa- dīpetvāti phasso hoti -pa- avikkhepo hoti”ti. “Phasso phusanā”ti-ādinā ca pabhedavantova sātisayam niddiṭṭhā, na pana mātikāyam vuttappabhedoti pabhedavantadassanam niddeso. **Idam vuttam hoti**ti-ādinā “pabhede -pa- dassanatthan”ti imassa vākyassa piṇḍatthamāha. Yadi dhammā eva pucchitabbā vissajjetabbā ca, kasmā kusalāti pabhedavacananti āha “**te panā**”ti-ādī. na hi pabhedehi vinā pabhedavanto atthīti. “Ime dhammā kusalā”ti etena “phasso hoti”ti, “phasso phusanā”ti ca ādinā uddiṭṭhaniddiṭṭhānam dhammānam kusalabhāvo vissajjito hoti iminā adhippāyena “**ime dhammā kusalāti vissajjanepī**”ti āha. **Imasmiñhīti hi-**saddo kāraṇattho. Tena yasmā dhammāva desetabbā, te ca kusalā -pa- bheda desetabbā, tasmāti-evam vā yojanā. **Dhammānamevāti** avadhāraṇaphalam dasseti “**avohāradesanāto**”ti. **Atthānañcāti ca-**saddena “phasso phusanā”ti evamādisabhāvaniruttim yathāvuttadhammādiñāṇaṇca saṅgaṇhāti. “Iti evam ayaṃ pavattetabbo nivattetabbo cā”ti tathā tathā vidhetabbabhāvo itikattabbatā, tāya yutto **iti -pa-**

1. Abhi-Ṭṭha 1. 150 piṭṭhe.

yutto, tassa vidhetabbassāti attho, **visesanattā** pabhedassāti adhippāyo.

Itikattabbatāyuttassa visesitabbattā **uddeso dhammappadhāno**, tasmā tattha dhammassa visesitabbattā “kusalā dhammā”ti ayaṃ padānukkamo kato. **Pucchā saṃsayitappadhānā** anicchitanicchayanāya pavattetabbattā. Tena sabbadhammesu samugghāṭitavicikicchānusayānampi pucchā desetabbapuggalagatasāṃsayāpattim attani āropetvā saṃsayāpannehi viya pavattiyatīti dasseti. Kāmāvacarādibhedo viya kusalādibhāvena kusalādibhedo dhammabhāvena niyatoti dhammāti vutte nicchayābhāvato “kusalā nu kho akusalā nu kho”ti-ādinā saṃsayo hotīti āha **“kusalādibhedo pana saṃsayito”**ti. Dhammabhāvo pana kusalādīsu ekantikattā nicchitoyevāti vuttaṃ **“na ca dhammabhāvo saṃsayito”**ti. Tena saṃsayito nicchetabbabhāvena padhāno ettha kusalabhāvo, na tathā dhammabhāvoti dhammā kusalāti vuttanti dasseti.

Cittuppādasamayeti cittassa uppajjanasamaye. “Atha vijjamāne”ti ettha atthasaddassa atthamāha **“pacchā”**ti. Bhojanagamanādīhi samayekadesanānattaṃ dassetvā avasesanānattaṃ dassetuṃ **“samavāyādī”**ti vuttaṃ. **Visesitāti** etena “niyamitā”ti padassa atthaṃ vivarati, tasmā yathāvuttacittavisesitabbato samayatoti attho. **Yathādhippetānanti** kāmāvacarādivisesayuttānaṃ. “Tasmiṃ samaye”ti cittuppattiyā visesitabbopi samayo yena cittena uppajjamānena visesiyati, tasveva cittassa “yasmim samaye”ti ettha sayam visesanabhāvaṃ āpajjati. Tathā “tasmiṃ samaye”ti ettha visesanabhūtaṃ cittaṃ attanā visesitabbasamayassa upakāratthaṃ “yasmim samaye -pa- cittaṃ”ti visesitabbabhāvaṃ āpajjati. Upakāroti ca aññamaññaṃ avacchedakāvacchinditabbabhāvoti daṭṭhabbaṃ. Purimadhammānaṃ saṅgasamakālaṃ, bhaṅgānantarameva vā pacchimadhammānaṃ uppatti **purimapacchimānaṃ nirantaratā** kenaci anantaritatā. Yāya bhāvapakkhassa balavabhāvena paṭicchādito viya hutvā abhāvapakkho na paññāyatīti tadevetanti gahaṇavasena pacurajano vipariyesito, so-

yamattho alātacakkena supākaṭo hoti. Tenevāha “**ekībhūtānamivā**”ti. Ekasamūhavasena ekībhūtānamiva pavatti **samūhaghanatā**, dubbīññeyyakiccabhedavasena ekībhūtānamiva pavatti **kiccaghanatā**ti yojanā. Ettha ca paccayapaccayuppanabhāvena pavattamānānam anekesaṃ dhammānam kālasabhāvabyāpārārammaṇehi dubbīññeyyabhedatāya ekībhūtānamiva gahetabbatā yathākkamaṃ santatighanatādayoti daṭṭhabbam.

Sahakārīkāraṇasanniijham sametīti **samayo**, samavetīti atthoti **samaya**-saddassa samavāyatthataṃ dassento “**paccayasāmaggin**”ti āha. Sameti samāgacchati ettha maggabrahmacariyaṃ tadādhārapuggalehīti **samayo**, khaṇo. Samenti ettha, etena vā, samāgacchanti dhammā sahaṇādammehi uppādādīhi vāti **samayo**, kālo. Dhammappavattimattatāya atthato abhūtopi hi kālo dhammappavattiyā adhikaraṇaṃ karaṇaṃ viya ca parikkappanāmatasiddhena rūpena voharīyatīti. Samaṃ, saha vā avayavānaṃ ayaṇaṃ pavatti avatṭhānanti **samayo**, samūho yathā “samudāyo”ti. Avayavasahāvattṭhānameva hi samūho. Paccayantarasaṃgāme eti phalaṃ etasmā uppajjati pavattati cāti **samayo**, hetu yathā “samudayo”ti. Sameti sambandho eti savisaye pavattati, sambandhā vā ayanti etenāti **samayo**, diṭṭhi. Diṭṭhisamyojanena hi sattā ativiya bajjhantīti. Samayaṇaṃ saṅgati samodhānanti **samayo**, paṭilābho. samassa nirodhassa yānaṃ, sammā vā yānaṃ apagamo appavattīti **samayo**, pahānaṃ. Abhimukhabhāvena sammā etabbo abhisametabbo adhigantabboti aviparīto sabhāvo **abhisamayo**. Abhimukhabhāvena sammā vā eti gacchati bujjhatīti **abhisamayo**, avirādhavā dhammānaṃ aviparītasabhāvāvabodhi. Ettha ca upasaggānaṃ jotakamattatā tassa tassa atthassa vācako **samaya**-saddo evāti sa-upasaggopi vutto. **Tānevāti** pīḷanādīneva. **Vipphārikatā** seribhāvena kiriyāsu ussāhanapariniḷḷanno.

Kesucīti akusalavipākādīsu. Khaṇassa asambhavo tena vinābhāvoti āha “**nanū**”ti-ādi. **Dhammenevāti** visesantararahitena. Tamyeva hi avadhāraṇena nivattitaṃ visesaṃ dasseti “**na tassa pavattitthā**”ti-ādinā. **Yathā vā tathā vāti** kālena loko pavattati nivattatīti vā kālo nāma bhāvo vattanalakkhaṇo bhāvānaṃ

pavatti-okāsadāyakoti vā yena tena pakārena. Idha uttamahetuno sambhavo eva natthīti hetuhetusādhāraṇahetūyeva paṭisedheti. **Tappaccayatam** anekapaccayatam.

Pakatissaravādaggahaṇam nidassanamattam daṭṭhabbam. Pajāpatipurisakālavādādayopi “**ekakāraṇavādo**”ti. **Vā**-saddena vā tesampi saṅgaho daṭṭhabbo. **Avayava -pa- dāyo vutto** avayavadhammena samudāyassa apadisitabbatā, yathā “samaṃ cuṇṇam, alaṅkato devadatto”ti ca. **Anipphādanam** nipphādanābhāvo ahetubhāvo. Nipphādetum asamatthassa pana paccayantarānam sahassepī samāgate nattheva samatthatāti āha “**nipphādanasamatthassā**”ti. Ettha ca sahakārīkāraṇāyattā phaluppādanā paccayadhammānam aññamaññāpekkhāti vuttāti apekkhā viyāti apekkhā daṭṭhabbā.

Nibyāpāresu abyāvaṭesu. **Ekasminti** aṭṭhakathāyaṃ āmedītavacanassa luttaniddiṭṭhatam dasseti. Sati ca āmedīte siddho bahubhāvoti. Andhasatam passatīti ca paccattavacanam niddhāraṇe bhummavasena pariṇāmetvā “**andhasate**”ti āha. Tathā ekekasminti iminā visum asamatthatā jotitāti andhasatam passatīti samuditam passatīti atthato ayamatto āpannoti āha “**andhasatam sahitam passatīti adhippāyo**”ti. **Aññathāti** yathārutavasena atthe gayhamāne. Yasmā **asā -pa- siddho** sivikubbahanādīsu, tasmā nāyamatto sādhetabbo. Idāni tassatthassa supākaṭabhāvena asādhettabbatam dassento “**visun**”ti-ādimāha.

Etenupāyenāti yoyam khaṇasaṅkhāto samayo kusaluppattiyā dullabhabhāvam dīpeti. **Attano dullabhatāyāti** ettha khaṇatto vā samaya-saddo khaṇasaṅkhāto samayoti attho vutto. Etena upāyabhūtena nayabhūtena. **Yojanā kātabbāti** etthāyaṃ yojanā—**samavāya -pa- vuttim dīpeti** sayam paccayasāmaggibhāvato, samavāyattho vā samaya-saddo samavāyasaṅkhāto samayo. So yāya paccayasāmaggiyā satīti imassa atthassa pakāsanavasena dhammānam anekahetuto vuttim dīpeti. **Kāla -pa- parittatam dīpeti** attano atiparittatāya. **Samūha -pa- sahuppattim dīpeti** sayam dhammānam samudāya bhāvato. **Hetu -pa- vuttitam dīpeti** sati eva attani attano

phalānaṃ sambhavatoti. Atthapakkhe ca saddapakkhe ca yasmiṃ atiparitte kāle yasmiṃ dhammasamudāye yamhi hetumhi satīti etassa atthassa nāpanavasena tadādhārāya tadadhīnāya ca kusaladhammappavattiyā duppaṭivijjhataṃ anekesaṃ sahuppattim parādhīnappattiṅca dīpetīti.

Daḷhadhammā dhanuggahāti daḷhadhanuno issāsā. **Daḷhadhanu** nāma dvisahassathāmaṃ vuccati. **Dvisahassathāmanti** ca yassa āropitassa jiyābaddho lohasīsādīnaṃ bhāro daṇḍe gahetvā yāva kaṇḍappamāṇā ukkhittassa pathavito muccati. **Sikkhitāti** dasadvādasavassāni ācariyakule uggahitasippā. **Katahatthāti** dhanusmiṃ ciṇṇavasībhāvā. Koci sippameva uggahāti, katahattho na hoti, ime pana na tathāti dasseti. **Katupāsanāti** rājakulādīsu dassitasippā. **Catuddisā ṭhitā assūti** ekasmiṃyeva padese thambhaṃ vā rukkhaṃ vā yaṃ kiñci ekamiyeva nissāya catuddisābhimukhā ṭhitā siyunti attho. **Evaṃ vuttajanavapurisassāti** na evarūpo puriso koci bhūtapubbo aññatra bodhisattena. So hi javanahaṃsakāle evarūpamakāsi. Sutte pana abhūtaparikappanavasena upamāmatāṃ āhaṭaṃ. **Tapparabhāvāti** tapparabhāvato hetusaṅkhātassa samayassa parāyattavuttidīpane ekantabyāvaṭasabhāvatoti attho. Ye pana “tapparabhāvo”ti paṭhanti, tesāṃ paccayāyattavuttidīpanato tapparabhāvo hetusaṅkhātassa samayassa, tasmā tassa parāyattavuttidīpanatā vuttāti yojanā. Samudāyāyattatādīpane tapparo, tadekadesāyattatādīpane tapparo na hotīti āha “**atapparabhāvato**”ti.

Nanu ca taṃ upādāya paññatto kālo vohāramattako, so kathaṃ ādhāro tattha vuttadhammānanti āha “**kālopi hī**”ti-ādi. Yadi kiriyāya kiriyantaralakkhaṇaṃ bhāvenabhāvalakkhaṇaṃ, kā panettha lakkhaṇakiriyāti āha “**ihāpī**”ti-ādi. **Lakkhaṇabhūtabhāvayuttoti iti**-saddo hetu-attho. Idaṃ vuttaṃ hoti—yasmā sattāsaṅkhātāya lakkhaṇakiriyāya yutto samayo, tasmā tattha bhūminiddesoti.

Uddānatoti yadi saṅkhepatoti attho. Nanu ca avasiṭṭhakilesādayo viya kilesakāmopi assādetabbatāya vatthukāme samavaruddho nāṇaṃ viya ñeyyetaṃsaṅkhepato ekoyeva

kāmo siyāti anuyogaṃ sandhāyāha “**kilesakāmo**”ti-ādi. **Sahitassāti** visayavisayibhāvena avaṭṭhitassa. “Uddānato dve kāmā”ti kiñcāpi sabbe kāmā uddiṭṭhā, “catunnaṃ apāyānan”ti-ādinā pana visayassa visesitattā orambhāgiyakilesabhūto kāmārāgo idha kilesakāmoti gahitoti “**tenā**”ti-ādimāha. Codako tassa adhippāyaṃ ajānanto “**nanu cā**”ti-ādinā anuyuñjati. Itaro pana “**bahalakilesassā**”ti-ādinā attano adhippāyaṃ vivarati.

Kāmāvacaradhammesu vimānakapparukkhādippakāresu parittakusalādīsu vā. Nanu ca “catunnaṃ apāyānan”ti visayassa visesitattā rūpārūpadhātuggahaṇassa asambhavoyevāti? Na, “uddānato dve kāmā”ti niravasesato kāmānaṃ uddiṭṭhattā. Uddiṭṭhepi hi kāmasamudāye yathā tadekadesova gayhati, taṃ dassetuṃ “**duvidho**”ti-ādimāha. **Kāmārāgo** pañcakāmaguṇiko rāgo. **Kāmataphā** kāmāvacaradhammavisayā taṇhā. **Nirodhataṇhā** ucchedadiṭṭhisahagato rāgo. **Idhāti** ekādasavidhe padese. Yadi anavasesappavatti adhippetā, “duvidhopeso”ti na vattabbaṃ vatthukāmekadesassa idha appavattanatoti anuyogena yebhuyyabhāvato anavaseso viya anavasesoti vā attho gahetabboti dassento “**vatthukāmopi**”ti-ādimāha. Anavasesasadisatā cettha sabhāvabhinnassa kassaci anavasesato. **Evañca katvāti** kilesakāmavattukāmānaṃ anavasesaparipuṇṇabhāvena abhilakkhitattāti attho. **Cāsaddassa rassattaṃ katanti** kāmāvacara-sadde hetukattu-attho antonītoti dasseti.

Visayeti vatthusmiṃ abhidheyyattheti attho. **Nimittaviraheti** etena ruḥḥisu kiriyā vibhāgakaraṇāya, na attakiriyāyāti dasseti. **Kusalabhāvanti** jātakabāhitikasutta-abhidhammapariyāyena kathitaṃ kusalattaṃ. **Tassāti** sukhavipākabhāvassa. **Tassa paccupaṭṭhānataṃ vatthukāmatāyāti** etena “anavajjasukhavipākakalakkhaṇaṃ”ti ettha sukhasaddo iṭṭhāpariyāyo vuttoti dasseti. Saññāpaññākiccaṃ saññāṇakaraṇapaṭivijjhanāni, tadubhayavidhurā ārammaṇūpaladdhi “vijānāti”ti iminā vuccatīti āha “**saññā -pa- gahaṇaṃ**”ti. Nanu ca phassādikiccatopi visiṭṭhakiccaṃ cittanti? Saccametaṃ, so pana viseso na tathā duravabodho,

yathā saññāpaññāviññānānanti saññāpaññākiccavisiṭṭhalakkhaṇatāya viññāṇalakkhaṇamāha. Anantaradhammānaṃ paṇḍabalavabhāvassa kāraṇabhāvena pavattamāno santānaṃ cinoti nāma. Tathāpavatti ca āsevanapaccayabhāvoti āha “**āsevanapaccayabhāvena cinoti**”ti.

Cittakatamevāti abhisāṅkhāraṇaviññāṇakatameva. **Nānattādīnaṃ vavatthānanti** ettha vavatthānaṃ paccekam̐ yojetabbam̐. **Vavatthānaṃ** paricchedo asaṅkarabhāvo. Tena ca dhammo nicchito nāma hotīti āha “**nicchitatā**”ti. **Liṅganānattādīnī**ti ettha itthipurisasaṅghānavasena liṅganānattaṃ. Devamanussatiracchānādivasena itthiliṅgassa puthuttaṃ, tathā purisaliṅgassa. Devādibhede itthiliṅge paccekam̐ nānattakāyatāsaṅkhātassa aññamaññāvisadisasabhāvassa desādibhedabhinnassa ca visesassa vasena pabhedo veditabbo. Tathā purisaliṅge. Liṅganibhattakassa vā kammaṃ yathāvuttanānattādivasena liṅgassa nānattādīni yojetabbāni. Liṅganānattādīsu pavattattā saññādīnaṃ nānattādīni. Tenevāha “kammanānattādīhi nibbattāni hi tāni”ti. Apadādinānākaraṇadassanena liṅganānattaṃ dassitaṃ. Tasmīṅca dassite saññānānattādayo dassitā evāti āvattati bhavacakkanti dassento āha “**anāga -pa- ghaṭento**”ti. Itthiliṅgapurisalīṅgādi viññāṇādhiṭṭhitassa rūpakkhandhassa sannivesaviseso. Saññāsīsenā cattārokkhandhā vuttā. Vohāravacanena ca pañcannaṃ khandhānaṃ voharitabbabhāvena pavatti dīpitā, yā sā taṇhādhiṭṭhi-abhinivesahetūti imamatthaṃ dassento “**liṅgādi -pa- yosānāni**”ti āha.

“Ye keci bhikkhave dhammā akusalā akusalabhāgiyā, sabbete manopubbaṅgamā”ti¹, “manopubbaṅgamā dhammā”ti² ca evamādivacanato cittahetukam̐ kammanti āha “**kammaṃ hi cittato nibbattan**”ti. **Yathāsaṅkhyanti** kammato liṅgaṃ liṅgato saññāti attho. Na purimavikappe viya kammato liṅgasaññā liṅgato liṅgasaññāti ubhayato ubhayappavattidassanavasena. “Bhedam̐ gacchanti itthāyaṃ purisoti vā”ti bhedassa visesitattā itthādibhāvena voharitabbabhāvo idha bhedoti “**itthipurisādivohāraṃ gacchanti**”ti vuttaṃ. **Addhadvayavasenā**ti atītapaccuppannaddhadvayavasena.

1. Am̐ 1. 11 piṭṭhe.

2. Khu 1. 13 piṭṭhe Dhammapade.

Guṇābhivyāpanam kittīti āha “**patthāṭayasatan**”ti. Kammanānākaraṇena vinā kammanibbattanānākaraṇābhāvato “**kammajehi -pa- nānākaraṇan**”ti vuttam. **Avipaccanokāso** aṭṭhānabhūtā, gatikālopi vā. Kāmāvacaram abhisankhāraviññānam rūpadhātuyā cakkhuviññāṇādīm janetvā anokāsātāya tadārammaṇam ajanentam ettha nidassetabbam. Ekaccacittakaraṇassa adhippetattā cakkhādivekallena cakhuviññāṇādīnam ajanakam kammaviññānam avasesapaccayavikale anogadham daṭṭhabbam. Tadapi **kālagatipayogādīti ādi**-saddena saṅgahitanti. Ettha ca “sahakārikāraṇavikalam vipākassa accantam okāsameva na labhati, itaram vipākekedesassa laddhokāsanti, idametesam nānattan”ti vadanti, tam vipākassa okāsālābhe sati sahāyakāraṇavikalatāva natthīti adhippāyena vuttam.

Bhavatu tāva bhavitvā apagatam bhūtāpagatam, anubhavitvā apagatam pana kathanti āha “**anubhūtabhūtā**”ti-ādi. Tena **anubhūta**-saddena yo attho vuccati, tassa **bhūta**-saddoyeva vācako, na **anu**-saddo, **anu**-saddo pana jotakoti dasseti. Sākhābhaṅgasadisā hi nipātopasaggāti. Kiriyāvisesakattañca upasaggānam anekatthattā dhātu-saddānam tehi vattabbavisesassa jotanabhāveneva avacchindananti yattakā dhātusaddena abhidhātābhā atthavisesā, tesam yaṁ sāmāññam aviseso, tassa visese avaṭṭhāpanam tassa tassa visesassa jotanamevāti āha “**sāmāñña -pa- visesīyātī**”ti. **Anubhūta**-saddo bahulam kammathe eva dissatīti tassa idha kattu-atthavācitam dassetum “**anubhūtasaddo cā**”ti-ādimāha. Satipi sabbesam cittuppādānam savedayitabhāvato ārammaṇānubhavane, savipallāse pana santāne cittābhisaṅkhāravasena pavattito abyākatehi viṣiṭṭho kusalākusalānam sātisayo visayānubhavanākāroti ayamatto idhādhippetoti dassento “**vatthum adhippāyavasena**”ti āha. **Bhūtāpagatabhāvābhidhānādhippāyenāti** kusalākusalassa ākaḍḍhanupāyamāha.

Uppatitakiccanipphādanato uppattitasadisattā “**uppatitan**”ti vuttam. **Uppajjitum āraddhoti** anāgatassapi tasseva uppanna-saddena vuttatāya kāraṇamāha. Ettha ca rajjanādivasena ārammaṇarasānubhavanam sātisayanti akusalañca kusalañca uppajjitvā niruddhatāsāmāññena “sabbasankhatam

bhūtāpagatan”ti vuttam. Sammohavinodaniyam pana
 “vipākānubhavanavasena tadārammaṇam. Avipakkavipākassa sabbathā
 avigatattā bhavitvā vigatatāmattavasena kammañca bhūtāpagatan”ti vuttam.
 Teneva tattha okāsakattuppannanti vipākamevāha. Idha pana kammampīti.
 Ārammaṇakaraṇavasena bhavati ettha kilesajātanti **bhūmīti** vuttā
 upādānakkhandhā. **Aggi-āhito viyāti** bhūmiladdhanti vattabbatāya upāyam
 dasseti. **Etenāti** kammam. **Etassāti** vipāko vuttoti daṭṭhabbam.

Avikkhambhitattāti avinoditattā. **Sabhūmiyanti** sakabhūmiyam.
Vicchindivāti puna uppajjitum adavā. **Khaṇattayekadesagatam**
khaṇattayagatanti vuttanti yathāvuttassa udāharaṇassa upacārabhāvamāha.
 Tena uppannā dhammā paccuppannā dhammāti idamettha udāharaṇam
 yuttanti dasseti. **Padhānenāti** padhānabhāvena. **Desanāya cittam**
pubbaṅgamanti lokiyadhamme desetabbe cittam pubbaṅgamam katvā
 desanā bhagavatā ucitāti dasseti. **Dhammasabhāvam vā sandhāyāti**
 lokiyadhammānam ayaṁ sabhāvo yadidaṁ te cittajeṭṭhakā citta-pubbaṅgamā
 pavattantīti dasseti. k Tena tesam tathādesanāya kāraṇamāha, sabbe akusalā
 dhammā cittavajjāti attho. **Kecīti** padakārā. **Phassādayopīti pi-saddena**
 rāgādayo sampiṇḍeti. kālabhedābhāvepi paccayabhāvena apekkhito dhammo
 purimanipphanno viya vohariyātīti āha “**paṭhamam uppanno viyā**”ti.
 Anupacaritamevassa pubbaṅgamabhāvam dassetuṁ
 “**anantarapaccayamanam**”ti-ādi vuttam. “Khīṇā bhavanettī”ti-ādivacanato¹
 nettibhūtāya taṇhāya yuttam cittam nāyakanti āha “**taṇhāsampayuttam vā**”ti.

“Yam tasmim samaye cetasikam sātan”ti niddiṭṭhattā somanassavedanā
 sātasabhāvāti āha “**sabhāvavasena vuttan**”ti. Nippariyāyena **madhurasaddo**
 rasavisesapariyāyo, iṭṭhabhāvasāmaññena idha upacārena vuttoti āha
 “**madhuram viyā**”ti. paramatthato taṇhāvinimutto nandirāgo nandirāgabhāvo
 vā natthīti “**na ettha sampayogavasena sahaगतabhāvo atthī**”ti,
 “**nandirāgasahagatā**”ti ca vuccati. Tena viññāyati “sahagatasaddo taṇhāya
 nandirāgabhāvam jotetī”ti. Avatthāvisesavācako

1. Dī 2. 77; Khu 10. 144 piṭṭhesu.

vā saha-saddo “sanidassanā”ti-ādīsu viya, sabbāsūpi avatthāsu nandirāgasabhāvāvijahanadīpanavasena nandirāgabhāvaṃ gatā nandirāgasahagatāti taṇhā vuttā. Gata-saddassa vā “diṭṭhigatan”ti-ādīsu viya atthantarābhāvato nandirāgasabhāvātāṇhā “**nandirāgasahagatā**”ti vuttā, nandirāgasabhāvāti attho. **Idhāpi**ti imissāṃ aṭṭhakathāyaṃ. **Imasmimpi padeti** “somanassasahagatan”ti etasmimpi pade. **Ayamevatthoti** saṃsaṭṭho eva. **Yathādassitasāṃsaṭṭhasaddoti** atthuddhārappasaṅgena pālito aṭṭhakathāya āgatasāṃsaṭṭhasaddo. **Sahajāteti** sahajātatthe.

Kālavisesānapekkho kammaśādhano **ābhaṭṭha**-saddo bhāsita-pariyāyoti dassento āha “**abhāsita-bbatā anābhaṭṭhatā**”ti. **Pāliya**nti imissā paṭhamacittuppādapāliyaṃ. **Abhāsita**tā evāti asaṅkhārikabhāvassa avuttattā eva. Kāraṇa-pariyāyattā vatthusaddassa paccayabhāvasāmaññato dvāra-kūta-dhammānampi siyā vatthupariyāyoti āha “**dvāraṃ vatthūti vuttan**”ti. Tena vatthu viya vatthūti dasseti. Manodvāra-bhūtā dhammā yebhuyyena hadaya-vatthunā saha carantīti **dvārena -pa- hadaya-vatthu vuttanti** āha yathā “kuntā pacarantī”ti. **Sakiccabhāvenāti** attano kiccabhāvena, kiccasa-hitāya vā. **Aññāsādhāraṇoti** sa-saddassa atthamāha. Sako hi raso sarasoti.

Anantaracittahetukattā cittaassa ekasamuṭṭhānatā vuttā, sahajātacittaphassa-hetukattā cetasa-kānaṃ dvisamuṭṭhānatā. “Cittasamuṭṭhānā dhammā, phuṭṭho bhikkhave vedeti, phuṭṭho sañjānāti, phuṭṭho ceteti”ti¹ hi vuttaṃ.

Sukhumarajādīrūpanti aṇu-tajjārīrūpamāha. Paramāṇurūpe pana vatta-bbameva natthi. **Vatthuparittatāyāti** etena anekakalāpagatāni bahūniyeva rūpāyatanāni samuditāni saṃhaccakāritāya sivikubbanāñāyena cakkhuviññāṇassa ārammaṇapaccayo, na ekaṃ katipayāni vāti dasseti. Nanu ca evaṃ sante cakkhuviññāṇaṃ samudāyārammaṇaṃ āpajjatīti? Nāpajjati samudāyasseva abhāvato. Na hi paramatthato samudāyo nāma koci atthi. Vaṇṇāyatanameva hi yattakaṃ yogyadese avatṭhitaṃ,

1. Saṃ 2. 292 piṭṭhe.

sati paccayantarasmāyoge tattakaṃ yathāvuttena ñāyena cakkhuviññāṇassa ārammaṇapaccayo hoti avikappakattā tassa. Tadabhinihaṭaṃ pana manoviññāṇaṃ anekakkhattuṃ uppajjamānaṃ purimasiddhakappanāvasena samūhākārena saṅghānādi-ākārena ca pavattatīti kiṃ cakkhuviññāṇassa ekaṃ vaṇṇāyatanam ārammaṇam, udāhu anekānīti na codetabbametam. Na hi paccakkhavisaye yuttimagganā yuttā. Kiñca bhīyyo accharāsaṅghātakkaṇaṇena anekakoṭisaṅkhāya cittuppattiyā pavattanato cittassa lahuparivattitāya samānēpi ghaṭasarāvādivaṇṇānaṃ yogyadesāvattāhāne purimamanasikārānurūpaṃ “ghaṭo”ti vā “sarāvo”ti vā paṭhamam tāva eko manoviññāṇasantānena paricchijjati, pacchā itaro cakkhuviññāṇavīthiyā byavahitenāti avisesavidutāya pana ghaṭasarāvādibuddhiyā abhedāpattiparikappanāti. Īdisīpettha codanā acodanāti daṭṭhabbā. **Khaṇaparittatāyāti** pabandhakkhaṇassa ittaratāya. Pabandhavasena hi paccēkaṃ rūpārūpadhammā virodhi-avirodhipaccayasamāyoge lahuṃ dandhañca nirujjhanato parittakālā dīghakālā ca honti, sabhāvalakkhaṇavasena pana ekaparicchedā evāti. Yathā ca rūpāyatanam, evam itarānīpi. Saddādayopi hi vatthuparittatādibhāvena labbhantīti. **Accāsannāditāyāti ādi-**saddena anāvajjanaṃ kenaci paṭicchannatāti evamādiṃ saṅgaṇhāti. Visayidhammaṃ visesato sinoti bandhatīti visayoti anaññatthabhāvāpekkho visayoti āha “**visayo anaññatthabhāvenā**”ti. na hi cakkhuviññāṇādayo rūpāyatanādito aññasmiṃ ārammaṇe pavattantīti. Gāvo caranti etthāti gocaro, gocaro viyāti gocaroti sambahulacāritāpekkho gocaroti āha “**gocaro tattha caraṇenā**”ti. Bahulam hi cakkhuviññāṇādīhi rūpādayo gayhanti, na tathā manoviññāṇenāti. **Tesanti** manoviññāṇena gayhamānānaṃ rūpāyatanādīnaṃ. “Vacanassa anupapattito”ti kasmā vuttam, nanu pañcadvāre pavattamanoviññāṇadhātum sandhāya tesam gocaravisayaṃ paccanubhotīti vacanaṃ upapajjatiyevāti? Na, niyamābhāvato. Na hi pañcadvārābhinihaṭaṃyeva mano idha “mano”ti vuttanti niyamahetu atthīti, etaṃyeva vā codanaṃ manasi katvā dībbacakkhuññādiggaṇaṇam kataṃ. **Evamvaṇṇoti-**ādivacanato pubbenivāsa-atītānāgatamsaññādayopi idha sambhavanti. **Itarathāti** rūpaṃ saddanti-ādinā.

Bhojana -pa- ussāhādīhīti idaṃ yāya kammaññatāya rūpakāyassa kallatā hoti, tassā paccayanidassanaṃ. Bhojane hi sammāpariṇate sappāye ca utubhojane sammupayutte sammāpayogasaṅkhāte kāyikacetasikavīriye ca samāraddhe lahutādisabbhāvena kāyo kammakkhamo hoti sabbakiriyaṅnukūloti. Atha vā **bhojana -pa- ussāhādīhī**ti idaṃ kāyassa kalyatāya viya upaddutatāyapi kāraṇavacanaṃ. Visamabhojanāpariṇāmādito hi kāyassa upaddavakarā vātādayo uppajjantīti. **Anuvattantassā**ti padaṃ “jayaṃ veraṃ pasavahī”ti-ādīsu¹ viya hetu atthavasena veditabbaṃ. Jāgaraṇanimittaṅhi idha anuvattanaṃ adhipetanti. Atha vā **anuvattantassā**ti idaṃ pakatiyā diṭṭhādivasena āpāthagamanupanissayaṇaṃ kalyatādinibbattānaṃ kāyikasukhādīnaṃ sambhavadassanaṃ. Kāyakalyatādīṃ anuvattantassa hi yathāvutta-upanissayābhogābhāvena vuttappakāraṃ āpāthagamaṇaṃ na siyāti. Yathānubhūte rūpādivisaye cittassa ṭhapanāṃ āpajjanaṃ cittapaṇidahaṇaṃ. Yathānubhūtena rūpādīnaṃ sadisaṃ asadisāṃ sambandhaṅca sadisāsadisāsambandhaṃ, tassa dassanādi sadisāsadisāsambandhadassanādi, cittapaṇidahaṇaṅca sadisāsadisā -pa- dassanādi ca **citta -pa- dassanādayo** te paccayāti yojetabbaṃ. **Dhātukkhobhādī**ti **ādi**-saddena devatūpasamhārādīṃ saṅgaṇhāti. **Taṃsadisatā** diṭṭhasutasadisatā. **Taṃsampayuttatā** diṭṭhasutapaṭibaddhatā. **Kenaci vutteti** iminā saddhāya anussavanibbattataṃ āha. **Ākāravacāraṇanti** tesāṃ tesāṃ atthānaṃ upaṭṭhānākāravacāraṇaṃ. **Katthaci** atthe.

Niyamitassāti kusalameva mayā uppādetabbanti evaṃ niyamitassa. Pasādasinehābhāvo dosabahulātāya hotīti **lūkhapuggalā dosabahulāti** āha.

Āyatanabhāvatoti kāraṇabhāvato.

Vijjamānavatthusmīti etena “vināpi deyyadhammapariccāgena cittuppādamatteneva dānamayaṃ kusalaṃ upacitaṃ hotī”ti kesaṅci atidhāvaṇaṃ nivattitaṃ hotīti.

1. Khu 1. 43 piṭṭhe Dhammapade.

Dhammasavanassa ghosanaṃ **dhammasavanaghosanaṃ**. **Tassāti** “saddadānaṃ dassāmī”ti saddavatthūnaṃ ṭhānakaraṇabheri-ādīnaṃ sasaddappavattikaraṇassa. **Cintanaṃ** tathā tathā cittuppādanaṃ. **Aññatthāti** suttesu. **Aparatthāti** abhidhammapadesu. **Apariyāpannāti** padassa atthavaṇṇanā “paribhogaraso”ti-ādikāya atthavaṇṇanāya parato bahūsu potthakesu likhīyati, yathāṭhāneyeva pana ānetvā vattabbā. Tattha paramatthato avijjamānattā lakkhaṇapaññattiyo aññāyatanattā cha ajjhattikāyatanāni asaṅgahitā dhammāyatanenāti yojetabbari.

“Ekadvārikakammaṃ aññasmiṃ dvāre uppajjati”ti kasmā vuttaṃ, nanu rūpādīsu ekārammaṇaṃ cittaṃ yathā na aññārammaṇaṃ hoti cittavisesassa adhippetattā, evaṃ kammavisesa adhippete kāyadvārādīsu ekadvārikakammaṃ aññasmiṃ dvāre na uppajjati tattheva pariyoṣitattā, atha kammaśāmaññaṃ adhippetam, rūpādīsu ekārammaṇanti idaṃ udāharaṇaṃ na siyāti? Na, asadisabhāvavibhāvanavasena udāhaṭṭatā, itarathā manoviññābhūtaṃ idaṃ cittaṃ chasupi visayesu pavattanato anibaddhārammaṇanti ārammaṇaṃ sadisūdāharaṇabhāvena vucceyya ārammaṇaṃ viya dvārampi anibaddhanti. Yasmā pana satipi kammānaṃ dvārantaracaraṇe yebhuyyena vuttiyā tabbahulavuttiyā ca dvārakammānaṃ aññamaññaṃ vavatthānaṃ vakkhati, tasmā paṇātipātādibhāvasāmaññaṃ kammaṃ ekattanayavasena gahetvā tassa vacīdvārādīsu pavattisabbhāvato kammaṃ anibaddhattāti vuttanti āha “**kāyadvārādīsu ekadvārikakammaṃ aññasmiṃ dvāre na nuppajjati**”ti. Rūpādīsu pana ekārammaṇaṃ cittaṃ tenevārammaṇena paricchinnanti viṣiṭṭhameva gahitanti ārammaṇameva nibaddhanti vuttanti cittaviseso eva gahito, na cittaśāmaññaṃ. “Nanu ca rūpārammaṇaṃ vā -pa- dhammārammaṇaṃ vā yaṃ yaṃ vā panā”ti ārammaṇampi aniyameneva vuttanti? Saccametaṃ, tattha pana yaṃ rūpādīsu ekārammaṇaṃ cittaṃ, taṃ tena vinā nappavattati, kammaṃ pana kāyadvārikādibhedam vacīdvārādīsu na nappavattatīti imassa visesassa jotanaṭṭhaṃ pāḷiyam ārammaṇameva gahitaṃ, dvāraṃ na gahitanti imamatthaṃ dasseti “**ārammaṇameva nibaddhan**”ti-ādīnaṃ. **Vacīdvāre uppajjamānampi** paṇātipātādīti attho.

Kāmāvacarakusala

Kāyakammadvārakathāvaṇṇanā

Kammadvārānanti-ādinā pakāsetabbassa sarūpaṃ pakāsanupāyañca dasseti. **Niyatarūparūpavasenā**ti dhammasaṅgahe niddiṭṭhaniyatarūparūpavasena. Aññathā kammamuṭṭhānikakāye hadayavatthupi gahetabbaṃ siyā. Ekasantatipariyāpanno upādinnaṅkāyo idha gahitoti cakkhāyatanādīti vuttessu eko bhāvo hadayavatthu ca gahitanti na sakkā vattum “cakkhāyatanādīni jīvitapariyantāni”ti sannivesassa vibhāvitattā.

Vipphandamānavāṇṇagahaṇānantaraṃ viññattiggahaṇassa icchittā calanākārāva vāyodhātu viññattivikārasahitāti kadāci āsankeyyāti tannivattanatthaṃ “**paṭhamajavanasamuṭṭhitā**”ti āha.

Desantaruppattihetubhāvena cāletunti etena desantaruppatti calanaṃ, taṃnimitte ca kattubhāvo upacaritoti dasseti, aññathā khaṇikatā abyāpārātā ca dhammānaṃ na sambhaveyyāti. **Tadabhimukhabhāvavikāravatī**ti taṃdisamabhimukho tadabhimukho, tassa bhāvo tadabhimukhabhāvo, so eva vikāro, taṃsamaṅginī vāyodhātu tadabhimukhabhāvavikāravatī. Idāni tadabhimukhabhāvavikā rassa viññattibhāvaṃ dassento āha “**adhippāyasahabhāvī**”ti-ādi. **Evañca katvāti**-ādinā imissā atthavaṇṇanāya laddhaguṇaṃ dasseti. Tattha **āvajjanassāti** manodvārāvajjanassa. **Yato bāttimsāti**-ādinā tassa viññattisamuṭṭhāpakatā na sakkā paṭisedhetunti dasseti.

Paccayo bhavitum samatthoti etena yathāvuttavāyodhātuyā thambhanacalanasaṅkhātakiccanipphādane tassa ākāravisesassa sahakārīkāraṇabhāvamāha. Anidassanasappaṭighatādayo viya mahābhūtānaṃ avatthāvisesamattaṃ so ākāravisesoti paramatthato na kiñci hotīti “**paramatthato abhāvaṃ dasseti**”ti āha. Paramatthato cittasamuṭṭhānabhāvo paṭisedhito. Kammasamuṭṭhānādibhāvassa pana sambhavoyeva natthīti yathāvuttavikārassa paramatthato sabbhāve nakutocisamuṭṭhitattā appaccayattaṃ āpannaṃ. Na hi rūpaṃ appaccayaṃ atthi, appaccayatte ca sati niccabhāvo āpajjati, na ca nibbānavajjo attho

sabhāvadhammo nicco atthi. **Cittasamuṭṭhānabhāvo viyāti** viññattiyā cittasamuṭṭhāna-upādārūpabhāvo upacārasiddhoti dasseti.

Viññattiyā karaṇabhūtāya. **Yaṃ karaṇanti** yaṃ cittakiriyāya cittabyāpāraṃ. **Viññattiyā viññātattanti** idamesa kāretīti yadetam adhippāyavibhāvanam, etaṃ viññattivikārahitesu rukkacalanādīsu na diṭṭham, hatthacalanādīsu pana diṭṭham, tasmā vipphandamānavañṇavinimutto koci vikāro atthi kāyikakaraṇasaṅkhātassa adhippāyassa nāpakoti viññāyati. Nāpako ca hetu nāpetabbamattham sayam nātōyeva nāpeti, na sabbhāvamattenāti vaṇṇaggahaṇānantaram vikāraggahaṇampi viññāyati. Tathā hi visayabhāvamāpanno eva saddo attham pakāseti, netaro. Tenevāha “**na hi viññatti**”ti-ādi. Yadi pana cittajarūpānam calanākāro viññatti, cakkhuvīññāṇassa vipphandamānavañṇārammaṇattā tenapi sā gahitā siyāti āsaṅkāya nivattanattham āha “**cakkhuvīññāṇassā**”ti-ādi.

Tālapaṇṇādīrūpānīti-ādināpi viññattiyā viññātabbatam manovīññāneva ca viññātabbatam dasseti. Sañjānāti etenāti saññānam, tassa udakādino saññānam taṃsaññānam, tassa ākāro taṃsaññāṇākāro, udakādisahacārippakāro ca so taṃsaññāṇākāro cāti **udakā -pa- kāro**, tam **gahetvā** jānitvā. **Tadākārassāti** udakādīnāpanākārassa. Yadi yathāvuttavikāraggahaṇāmyeva kāraṇam adhippāyaggahaṇassa, atha kasmā aggahitasaṅketassa adhippāyaggahaṇam na hotīti? Na kevalam vikāraggahaṇameva adhippāyaggahaṇassa kāraṇam, kiñcarahīti āha “**etassa panā**”ti-ādi.

Atha panāti-ādinā viññattiyā anumānena gahetabbatam dasseti. **Sādhippāya -pa-** nantaranti adhippāyasahitavikārena sahajātavaṇṇāyatanaggahaṇasaṅkhātassa cakkhudvārikaviññāṇasantānassa anantaram. **Adhippāyatanaggahaṇasaṅkhātassa** cakkhudvārikaviññāṇasantānassa anantaram. **Adhippāyaggahaṇassāti** adhippāyavavathāpakassa tatiyavāre javanassa. **Adhippāyasahabhū vikārābhāve abhāvatoti** etena yathāvuttavikāram adhippāyaggahaṇena anuminoti. **Evam satīti**-ādinā yathānumitamattham nigamanavasena dasseti. Tattha **udakādiggahaṇenevāti** tālapaṇṇādīnam vaṇṇaggahaṇānantarena purimasiddhasambandhānuggahitena udakādīnam tattha atthibhāvavijānaneneva. Yathā tālapaṇṇādīnam

udakādisahacārippakāratam saññāṇākāro viññātoyeva hoti nānantariyakattā, evam vipphandamānavañṇaggahaṇānantarena purimasiddhasambandhānuggahitena gantukāmatādi-adhippāyavijānaneneva viññatti viññātā hoti tadabhāve abhāvatoti upamāyojanā.

Sabhāvabhūtanti anvatthabhūtam. **Dvidhā**ti viññāpanato viññeyyato ca. Kāyaviññattiyā tathāpavattamānāya cetanāsaṅkhātassa kammassa kāyakammabhāvo nipphajjati tāya upalakkhitabbattā, na pana catuvīsatiyā paccayesu kenaci paccayabhāvatoti dassento “**tasmim dvāre siddhā**”ti-ādimāha. Tena vacīdvārappannāpi pāṇātipātādayo saṅgahitāti tesam saṅgahitabhāvam dasseti. Atha vā kāyadvārappannāya kāyakammabhūtāya cetanāya vasena “**tena dvārena viññātabbabhāvato**”ti vuttam, tassāyeva dvārantarappannāya vasena “**tena dvārena nāmalābhato**”ti. Manodvārāvajjanassapi viññattisamuṭṭhāpakabhāvo nicchitoti “**ekādasannaṃ kiriyacittānaṃ**”ti āha.

Dvārantaracārīnoti dvārantarabhāvena pavattanakā. **Dvārasambhedā**ti dvārānaṃ saṅkaraṇato. Dvārānañhi dvārantarabhāvappattiyā sati kāyadvārassa vacīdvārādibhāvo, vacīdvārassa ca kāyadvārādibhāvo āpajjatīti taṃtamdvārappannakammānampi saṅkaro siyā. Tenāha “**kammasambhedopī**”ti. Evam sati kāyakammaṃ -pa- vavathānaṃ na siyā. Yadi kammāni kammantaracārīni honti, kāyakammādikassa vacīkammādisabhāvāpattito “**kammasambhedā dvārasambhedopī**”ti kāyakammaṃ kāyakammadvāranti aññamaññavavathānaṃ na siyāti imamatthamāha “**kammānampi kammantaracaraṇe eseva nayo**”ti. Kammantaracaraṇaṃ kammantarūpalakkhaṇatā. Tenevāha “**dvārabhāvenā**”ti. **Dvārantaracaraṇaṃ** dvārantaruppattī. **Dvāre**ti attano dvāre. **Aññasminti** dvārāntare. **Kammānī**ti taṃtamdvārikakammāni. **Aññānī**ti aññadvārikakammāni. **Dvāre dvārāni na carantī**ti dvārantarabhāvena nappavattanti, dvārāntaraṃ vā na saṅkamanti. Kiñcāpi viññattiyā catuvīsatiyā paccayesu yena kenaci paccayena cetanāya paccayabhāvo natthi, tathā pana viññattiyā pavattamānāya eva pāṇātipātādi hoti, nāññathāti siyā viññattiyā hetubhāgo cetanāyāti vuttam “**dvārehi kāraṇabhūtehi**”ti. Kāyakammaṃ vacīkammanti kammavavathānasseva

vā kāraṇabhāvaṃ sandhāya “**dvārehi kāraṇabhūtehi**”ti vutta. Yadi pi “dvārehi kammāni”ti vuttam, “aññamaññaṃ vavatthitā”ti pana vuttattā kammehi pi dvārāni vavatthitānīti ayamatthopi siddhoyevāti dassetuṃ “**na kevalan**”ti-ādi vuttam. **Advāracārīhī**ti dvārānaṃ sayam vavatthitabhāvamāha, na pana avavatthānaṃ, vavatthānamevāti adhippāyo. Idāni taṃ vavatthānaṃ vibhāveti **kammānapekkhāti**-ādinā. Tattha samayaniamitena cittaena samayo viya dvārānyamitehi kammehi dvārāni niyamitānīti ayam saṅkhepattho.

Evamsabhāvattāti dvārabhūtehi kāyādīhi upalakkhaṇīyasabhāvattā. **Āṇatti -pa- mānassāti** kāyavacīkammānaṃ vacīkāyaviññattīhi pakāsetabbataṃ āha. **Kāyādīhī**ti kāyavacīviññattīhi. **Tasmāti** yasmā dvārāntare carantānīpi kammāni sakena dvārena upalakkhitāneva caranti, tasmā. **Nāpi kammaṃ dvārassāti** yasmim dvārāntare kammaṃ carati, tassa dvārassa anattaniyassa. **Tarītaṃdvārāmevāti** sakadvārāmeva. **Kammassāti** sakasakakammasa. Yadi kammehi dvārāni vavatthitāni, “kammassa anibaddhattā”ti idaṃ katham nīyatīti āha “**pubbe panā**”ti-ādi.

Sāti viññatti. **Tassāti** kammassa. **Kenaci pakārenāti** catuvīsatiyā paccayappakāresu kenaci pakārena. **Tāmsahajātāti** etena kāyaviññattiyā sabbhāveveva kāyakammasa sabbhāvo, nāññathāti pariyāyena viññattiyā kammassa kāraṇabhāvaṃ vibhāveti. Tenevāha “**uppattiṭṭhānabhāvena vuttā**”ti. **Yathāvuttaniyamenāti**-ādinā kammassa uppattiṭṭhānabhāve byabhicārābhāvamāha. Tattha **yathāvuttaniyamenāti** aṭṭhakathāyam vuttappakārena vavatthānayuttisaṅkhātena niyamena. **Dvāracarāṇeti** aññadvārāraṇe.

Kāyakammadvārakathāvaṇṇanā niṭṭhitā.

Vacīkammadvārakathāvaṇṇanā

Catūhi aṅgehīti ettha “subhāsitaṃyeva bhāsati, no dubbhāsitaṃ. Dhammaṃyeva, piyaṃyeva, saccaṃyeva bhāsati, no alikan”ti¹ yāni aṅgāni

1. Saṃ 1. 190; Khu 1. 344 piṭṭhesu.

sutte vuttāni, tesam cetanāsabhāvaṃ dassetuṃ “**subhāsita bhāsanā**”ti-ādi vuttaṃ. **Tathā pavattā**ti subhāsita bhāsanādibhāvena pavattā. **Saha sambhūtattā**ti saheva uppannattā. Na hi vacīviññatti saddarahitā atthi. Tathā hi “**yā tāya vācāya viññattī**”ti¹ vuttaṃ. “Vācā girā byapatho”ti-ādinā¹ nāṭisukhumaṃyeva saddavācaṃ vatvā “yā tāya vācāya viññattī”ti, tāya saddhim yojetvā vacīviññattiyā vuttattā rūpāyatanam viya vatthuparittatādinā saddāyatanampi anindriyagocaro atthīti ca adhippāyena “**yā tāya -pa- viññāyati**”ti āha.

Idāni avisesena cittasamuṭṭhānasaddassa sotaviññāṇārammaṇatā pāḷiyam vuttāti vitakkavipphārasaddo na sotaviññeyyoti mahā-aṭṭhakathāvādassa pāḷiyā virodham dassetuṃ “**cittasamuṭṭhānan**”ti-ādi vuttaṃ. Evaṃ saṅgahakārassa adhippāye ṭhatvā mahā-aṭṭhakathāvādassa paṭisedhetabbatam dassetvā idāni attano adhippāye ṭhatvā tam pariharitum “**mahā-aṭṭhakathāyam panā**”ti-ādimāha. Saṅghaṭṭanākārena pavattānam bhūtānam saddassa nissayabhāvato saṅghaṭṭanena saheva saddo uppajjati. **Tappaccayabhāvoti** upādinnakaghaṭṭanassa paccayabhāvo. Cittajapathavīdhātuyā upādinnakaghaṭṭane paccayo bhavitum samattho cittasamuṭṭhānamahābhūtānam eko ākāraviseso atthi. Tadākārattā hi tesam pathavīdhātu upādinnakam ghaṭṭetīti imamattham vuttānusārena veditabbattā “vuttanayeneva veditabbo”ti vatvā tameva vuttanayam “**tabbikārānan**”ti-ādinā vibhāveti. Tattha aññamaññasa paccayabhāvo tapaccayabhāvo vuttoti attho. **Aññampi sabbam vidhānanti** “na cittasamuṭṭhānāti etena paramatthato abhāvaṃ dassetī”ti-ādinā attanā vuttavidhānam. Aṭṭhakathāyam pana vuttavidhānam “hetṭhā vuttanayeneva veditabban”ti aṭṭhakathāyam vuttamevāti.

Attano attano paccayuppannassa desantare pārampariyena uppādanam **desantaruppādanaparamparatā**. **Laddhāsevanenāti** laddhapubbābhisāṅkhārena. **Cittenevāti** paṭhamacitteneva. “Satta javanāni satta akkharāni nibbattentīti vādam paṭikkhipitvā ekajavanavārapariyāpannāni cittāni ekamakkharam nibbattentī”ti vadanti. Kiñcāpi paṭhamacittenapi ghaṭṭanā nipphajjati, ekasseva pana bahuso

1. Abhi 1. 168 piṭṭhe.

pavattanena atthi koci visesoti purimajanavasamuṭṭhitāhi ghaṭṭanāhi
 paṭiladdhāsevanena sattamajavanena samuṭṭhitā ghaṭṭanā
 pari-byattamakkharam nibbattetīti upatthambhanam natthīti na sakkā vattum.
 Laddhābhisaṅkhārena pana paṭhamacittenapi ghaṭṭanā balavatī hotīti
 aṭṭhakathāyam “upatthambhanakiccam natthī”ti vuttam siyā, sabbametam
 vīmaṁsitvā gahetabbam.

Vacīkammadvāarakathāvaṇṇanā niṭṭhitā.

Manokammadvāarakathāvaṇṇanā

“Sabbāyapi kāyavacīviññattiyā kāyavacīdvārabhāvo viya sabbassapi
 cittassa manodvārabhāvo sambhavatī”ti dassanattham aṭṭhakathāyam “ayam
 nāma mano manodvāram na hotīti na vattabbo”ti vatvā
 tamdvāravantadhammadassanattham “aryam nāma cetanā”ti-ādi vuttanti āha
“yassa dvāram mano, tam dassanattham vuttan”ti. Yathā pana
 tividhacatubbidhakāyavacīkammānam dvārabhāvato
 kāyakammadvāravacīkammadvārāni vuttāni, evam manokammanti vutta-
 abhijjhādīnam dvārabhāvato
 vaṭṭahetubhūtalokiyakusalākusalasampayuttamano eva manokammadvāranti
 sannīṭṭhānam katanti daṭṭhabbam. Cetanāya attano kiccam āradhāya
 sampayuttāpi tam tam sakiccam ārabhantīti sā ne sakicce pavatteti nāma,
 tathā pavattentī ca sampayutte ekasmiṁ ārammaṇe avippakiṇṇe karoti
 byāpāreti cāti vuccati, tathā sampayuttānam yathāvuttam
 avippakiṇṇakaraṇam sampiṇḍanam āyūhanam byāpārāpādanam byāpāraṇam
 cetayananti āyūhanacetayanānam nānattam dassento **“phassādidhammehī”**ti-
 ādimāha. **Tathākaraṇanti** yathā phassādayo sakasakacicce pasutā bhavanti,
 tathā karaṇam. Teneva yathāvuttena avippakiṇṇabyāpāraṇākārena
 sampayuttānam karaṇam pavattananti daṭṭhabbam. **Kammakkhayakarattāti**
 kammakkhayakaramanassa kammadvārabhāvo na yujjatīti adhippāyo. Yato
 “kamma-pathakathā lokiyā evā”ti vadanti.

Manokammadvāarakathāvaṇṇanā niṭṭhitā.

Kammakathāvaṇṇanā

Samānakālāpi karaṇaphalakiriyā pubbāparakālā viya vattum yuttāyeva. Seyyathāpi paṭiccasamuppāde¹ “cakkhuñca paṭicca rūpe ca uppajjati cakkhuvīññānan”ti dassetuṃ **“atha vā”**ti-ādimāha. **Copanakiriyanti** vīññattidvayaṃ āha. Tassā hi cittasamuṭṭhānakāyasaddavācāhi kāyavacīvīññattīhi eva vā purimapurimāhi pavattetabbattā “kāyavācāhi copanakiriyam karotī”ti vuttam tabbikārānam bhūtānam tathāpavattanato. Atha vā **kāyavācāhīti** kāyavacīvīññattīhi. **Copanakiriyanti** rūpakāyassa thambhanacalanakiriyam upādinnakaghaṭṭanakiriyāñca. Esā hi kiriyā “rūpakāyam thambhetum cāletum paccayo bhavituṃ samattho”ti, “upādinnakaghaṭṭanassa paccayabhūto”ti ca vuttatā kāyavacīvīññattīhi nipphajjati. Evañca katvā “copanakiriyānissayabhūtā kāyavācā”ti, “kāyādīhi karaṇabhūtehi copanābhijjhādikiriyam karonti vāsi-ādīhi viya chedanādin”ti ca idampi vacanam samatthitam bhavati. na kevalam dharamānatāva sabbhāvo, atha kho maggena asamucchinnatāpīti dassento **“anirodhitevā”**ti āha. Asamucchinnatā ca kāyādīnam tadupanissayakilesāsamucchedenevāti daṭṭhabbam. “Kāyādīhi karaṇabhūtehi copanābhijjhādikiriyam karontī”ti etena copanābhijjhādikiriyānibbattidvārena cetanānibbattiyeva vuttāti iminā adhippāyena **“evañca -pa- yujjantī”**ti āha. Evañca katvā **kāye sati vācāya satīti**-ādivacanam anulomitam hoti. **Yāya cetanāyāti** karaṇaniddeso pana kāyādīnam copanābhijjhādikiriyāya ca cetanāhetukattadassanattham vuttoti.

Sabhāvato upakārakato magge sati sabbhāvato ca bojjhaṅgā magge antogadhāti āha **“na ca na sakkā”**ti-ādī.

Kammapatham appattānampi tamtamdvāre saṃsandananti yathā kammapatham pattānam, evam kammapatham appattānampi satipi dvārantaruppattiyam yathāsakam dvāreheva nāmaggaṇanti vadanti, evam sati aṭṭhakathāya virodho. Dutiyatthassa ca abhāvo siyā, tasmā **tamtamdvāre saṃsandananti** yasmim yasmim dvāre kammapatham appattā akusalacetanādayo pavattā, tāsam tena teneva dvārena nāmaggaṇam. Tam pana tamtamdvārapakkhikabhāvakarāṇato tattha

1. Paṭiccasamuppādo (?)

avarodhananti vuttaṃ. Yathā hi kammaṭṭhānaṃ pattā kāyakammādisaṅkhātā cetanā dvārantare uppannāpi kāyakammādināmeva labhanti, na evaṃ kammaṭṭhānaṃ appattā. Tā pana yattha yattha dvāre uppajjanti, tena teneva dvārena kāyaduccaritaṃ vacīduccaritanti-ādināmaṃ labhanti. Evaṃ nāmaggaḥaṇameva hi tesāṃ taṃtaṃdvārapakkhikakaraṇaṃ vuttaṃ. Teneva hi **aṭṭhakathāyaṃ** “kiñcāpi vacīdvāre copanappattaṃ kammaṭṭhānaṃ, appattatāya pana kāyakammaṃ na hoti, kevalaṃ vacīduccaritaṃ nāma hoti”ti vuttaṃ.

Satipi pāṇātipātādicetanāya vacīdvārādīsū pavattiyāṃ yathāvuttayebhuyyatabbahulavuttiyā kāyakammādi bhāvavavattahāpanaṃ kāyādikassa taṃtaṃdvārābhāvavavattahāpanaṃca **kammadvārābhedaṇaṃ**. Tañhi kammadvārānaṃ asaṃkiṇṇabhāvena paṭiṭṭhāpanaṃ. Yaṃ sandhāya “āṇattisaṃmuṭṭhitesū”ti **aṭṭhakathāyaṃ** vakkhati. Keci pana “eekasmiṃ dvāre anekesaṃ kammānaṃ pavattidassanampi dvārasaṃsandanaṃ”ti vadanti. yathā pavattobyāpādo kammaṭṭhānaṃ hoti, taṃ dassetuṃ “**ime sattā haññantū**”ti pavatti byāpādassa dassitā. Kāyadvārikacetanāya sahaṅgikāraṇabhāvato **kāyakammavohārābhā**, abhijjhādīnaṃ parasantaḥkassa attano pariṇāmanavasena “ime sattā haññantū”ti-ādinā ca appavattatā **manokammavohāravirahā**, acetanāsabhāvato vā pāṇātipātādivasena abbohārikā, pāṇātipātādi bhāvena na vattabbāti attho. **Etthā**ti abbohārikabhāve.

Dasavidhā iddhi -pa- tabbā vitthārenāti adhippāyo.

Tenādhippetanti “akusalaṃ vacīkammaṃ manodvāre samuṭṭhātī”ti vadantena adhippetāṃ. “**Na uposathakkhandhake vuttan**”ti kasmā vuttaṃ, nanu tena uposathakkhandhakato suttāṃ āhaṇanti? Kiñcāpi āhaṇaṃ, tattha avuttoyeva pana sotena vuttoti gahitoti dassento “**tattha avuttamevā**”ti-ādimāha.

“Sugatiduggatīsū upapajjanaṃ sukataḍḍakkaṭṭakammato na hoti, khandhasivādīhi pana hotīti gahetvā ‘natthi dinnan’ti-ādinā parāmasantassa vasena ‘**micchādīṭṭhi -pa- paribhaṇḍādīni karotī**’ti vuttan”ti vadanti. **Abhijjhādīpadhānattā**ti etena vijjamānesupī byāpādādīsū yadā kāyavacīdvāresu

cetanā balavatī hoti, na tathā itare, tadā padhānabhāvato cetanā kāyakammaṃ vacīkammanti ca vohāraṃ labhati. So kho panassā padhānabhāvo paṇātipātādisiddhiyā viññāyati. Yadā pana tesuyeva dvāresu abhijjhādayo balavanto honti, na tathā cetanā, tadā tattha vijjamānāpi cetanā apadhānabhāvato kāyakammaṃ vacīkammanti ca vohāraṃ na labhati. Abhijjhādayo pana padhānabhāvato satipi kāyaṅgavācaṅgacopane sakena vavatthānena manokammantveva vuccantīti dasseti. Ye pana “tīsupi dvāresu kammaṃ pathabhāvena appattiyā dvārattayepi kammaṃ pathappattamanokammena saha pavattiyā ca cetanā ettha kammanti na vuccatī”ti vadanti, tehi abhijjhādīnaṃ padhānasabhāvaṃyeva sandhāya vuttaṃ siyā. Atha vā cetanāya nipariyāyakammabhāvato pariyāyakamme anavarodhetabbattā **“abbohārikā”**ti vuttaṃ. Attano sabhāveneva pana sā etthāpi kammanti vuccati. Yathāha “cetanāhaṃ bhikkhave kammaṃ vadāmi”ti-ādi¹. **Atthakathāyañca** “tasmim dvāre siddhā cetanā”ti-ādinā cetanāyeva padhānaṃ katvā vuttaṃ. Tenevāha **“sabhāveneva sāmanokammaṃ”**ti-ādi. Atha vā kammaṃ pathappatta-abhijjhādīhi kāyavacīdvāre saha jātā cetanā kāyavacīkammavasena abbohārikā cetanāsaṅkhātamanokammattāti. Yadi abhijjhādayo padhānā, na cetanā, evaṃ sati abhijjhādayo cettha kammaṃ, na cetanā, abhijjhādipakkhikā vā sā siyāti anuyogaṃ manasi katvā āha **“tividhā bhikkhave”**ti-ādi. “Cetanāpi -pa-manodvāre eva samuṭṭhahanti”ti idaṃ manodvāre cetanāya abhijjhādīhi manokammabhāve nibbisesabhāvadassananti katvā **“cetanā -pa-adhippāyo”**ti āha. Cetanā cetanākammaṃ, abhijjhādayo cetanāsampayuttakammanti ettakameva hi ettha visesoti. Ettha ca cetanāya kāyavacīkammabhāvo siyāti āsaṅkāya abhāvato manodvāre akusalakāyavacīkammānaṃ anuppattito ca abbohārikāti na vuttanti daṭṭhabbānaṃ.

Virativisiṭṭhāti viratito cetanāya padhānabhāvamāha. Tattha “tividhā bhikkhave kāyasañcetanā”ti-ādinā² āgamamhi **“paṇātipātādiṭṭhābhūta”**ti yuttim dasseti. Yasmā ca paṭṭhāne cetanāva

1. Ma 3. 251; Abhi 4. 290 piṭṭhesu.

2. Abhi 4. 290 piṭṭhe.

“kammaṃ paccayo”ti vuttā, na virati, abhijjhādayo vā, tasmā nippariyāyena kammaṃ “cetanā”ti anabhijjhādayo “cetanāpakkkhikā vā”ti vuttāti veditabbaṃ. Asaṅkarato kammadvārāni vavatthapento **“rakkhati”**ti, vipariyāyena **“bhindati”**ti vuttoti rakkhaṇabhindanāni anāsetvā nāsetvā ca kathananti vuttānīti.

Kammakathāvaṇṇanā niṭṭhitā.

Tatiyo vikappo paṭhamacatutthaviññāṇadvāresuyeva labbhati, na itaratha “sotaṃ ghānaṃ”ti-ādinā avuttattā, itarathāpi vā avibhattike niddese labbhati. Yato saṃvaravasena pātimokkhasīlaṃ pavattati, taṃ dussīlyanti āha **“dussīlyaṃ pāṇātipātādicetanā”**ti. Itarā saṃvaravinimuttā abhijjhādomanassayuttā tappadhānā vā akusaladhammā **satipaṭipakkhā akusalā dhammā**. Ārammaṇe cittavossaggavasena pavatto akusalacittuppādo **pamādo**. Vīriyapanodanabhāvato thinamiddhaṃ **“kosajjan”**ti vuttaṃ, thinamiddhappadhāno vā cittuppādo.

Asuddhatī akevalatā aññena sammissatā. Dvārāñhi dvārantarikakammassa dvāraṃ hontaṃ tena missitaṃ viya hoti. Tenevāha **“musāvādādinopi kāyadvāre pavattisabbhāvā”**ti. Keci pana “aviññeyyamānantarānaṃ dvārantaracittānaṃ antarantarā appavattito suddhanti vuttan”ti vadanti, taṃ anekassapi javanavārassa kāyakammādibhāvena pabbandhanavasepavatti atthīti katvā vuttaṃ. **Aviruddhaṃ hotīti** akusalakāyakammādibhāvena avadhāretvā asaṃvaraṃ vatvā puna tasseva vācā-asaṃvaradvārādīsu uppattivacanaṃ kāyadvārūpalakkhito asaṃvaro dvārantare pavattopi kāyadvāriko evāti evaṃ saṃvaṇṇanāya sati na virujjhatīti attho. Idāni taṃ avirujjhanākāraṃ **“asaṃvaro dvārantare uppajjamānopi sadvāravasena uppannoti vuccatīti** etena vācā-asaṃvaradvāre uppannopi kāyiko-asaṃvaro copanakāya-asaṃvaradvāravasena uppannotveva vuttoti daṭṭhabbaṃ. Esa nayo itarathāpi. **Kammaṃ aññadvāreti** kammassa dvārantaracaraṇaṃ pākaṭanti katvā vuttaṃ.

Evam satīti copanasāṅkhāte kāya-asamvaradvāre asamvaroti ettake eva gahite. Kammapathabhāvappattasseva kammabhāvo aṭṭhakathāyaṃ vuttoti āha “**kammapathabhāvappattatāya vacīmanokamman**”ti. **Sesanti** dvārantarānupalakkhitam. **Tathā na vuccatīti** kāyakammanti na vuccatīti attho. **Tattheva vakkhāmāti** kammapathasamsandane vakkhāma. “So hi kāyadvāre copanappatto akusalam kāyakammaṃ hotī”ti-ādinā¹ “copanakāya-asamvaradvāravasena uppanno akusalam kāyakammameva hotī”ti-ādinā¹ ca vacīkammādīnañca kammapathappattānam asamvarabhūtānam kāyakammādibhāve āpanne “catubbidham vacīduccaritam akusalam vacīkammameva hotī”ti-ādinā apavādena nivatti daṭṭhabbāti evam vakkhamānataṃ sandhāyāha. **Antogadhatā daṭṭhabbā** paccayasannissita-ājīvapārisuddhisīlānam nāṇavīriyehi sādhetabbatī adhippāyo.

Akusalakammapathakathāvaṇṇanā

Sarasena attano sabhāvena. Yāya cetanāya pavattamānassa jīvitindriyassa paccayabhūtesu mahābhūtesu upakkamakaraṇahetu taṃmahābhūtapaccayā uppajjanakamahābhūtā nuppajjissanti, sā tādīsapayogasamuṭṭhāpikā cetanā pāṇātipāto nāma. Laddhupakkamāni hi bhūtāni na purimabhūtāni viya visadānīti samānajātiyānam bhūtānam kāraṇam na hontīti. Ekassapi payogassa sahasā nipphādanavasena kiccāsādhikāya bahukkhattum pavattajavanehi laddhāsevanāya ca sannīṭṭhāpakacetanāya vasena payogassa mahantabhāvo. Satipi kadāci khuddake ceva mahante ca pāṇe payogassa samabhāve mahantaṃ hanantassa cetanā tibbatarā uppajjatīti vatthussa mahantabhāvoti tadubhayaṃ cetanāya balavabhāveneva hotīti āha “**payoge -pa- bhāvato**”ti. **Yathāvuttapaccayavipariyāyepīti** payogavatthu-ādīpaccayānam amahattepi. **Taṃtamāpaccayehī**”ti guṇavantatādīpaccayehi. Ettha ca hantabbassa guṇavantatāya mahāsāvajjatā vatthumahantatāya viya daṭṭhabbā. Kilesānam upakkamānam dvinnāñca mudutāya tibbatāya ca appasāvajjatā mahāsāvajjatā ca yojetabbā. Pāṇo pāṇasaññitā vadhakacittañca pubbabhāgasambhārā,

1. Abhi-Ṭṭha 1. 148 piṭṭhe.

upakkamo vadhakacetanāsamuṭṭhāpito, pañcasambhāravatī
pāṇātipātacetanāti sā pañcasambhāravanimuttā daṭṭhabbā. Esa nayo
adinnādānādīsipi.

Mantaparijappanena parassa santakaharaṇaṃ **vijjāmayo**, vinā mantena
parasantakassa kāyavacīpayogehi ākaḍḍhanaṃ tādisa-iddhiyogena
iddhimayo payogoti adinnādānassapi cha payogā sāhatthikādayo veditabbā.

Abhibhavitvā vītikkamane micchācāro mahāsāvajjo, na tathā ubhinnaṃ
samānacchandabhāve. “**Cattāro sambhārāti** vuttattā abhibhavitvā
vītikkamane satipi maggenamaggapaṭipatti-adhivāsane
purimuppannasevanābhisandhipayogābhāvato micchācāro na hoti
abhibhuyyamānassā”ti vadanti. Sevanacitte sati payogābhāvo na pamāṇaṃ
itthiyā sevanappayogassa yebhuyyena abhāvato. Purisasseva hi yebhuyyena
sevanappayogo hotīti itthiyā puretaraṃ sevanacittaṃ upaṭṭhāpetvā
nipannāyapi micchācāro na siyāti āpajjati, tasmā purisassa vasena
ukkāmsato cattāro sambhārā vuttāti daṭṭhabbaṃ. Aññathā itthiyā
purisakicckaraṇakāle purisassapi sevanappayogābhāvato micchācāro na
siyāti. Keci pana “attano ruciyā pavattitassa tīṇi aṅgāni, balakkārena
pavattitassa tīṇīti sabbāni aggahitaggahaṇena cattārī”ti vadanti, vīmaṃsitvā
gahetabbā.

Duṭṭhacittassa amaraṇādhippāyassa
pharusakāyavacīpayogasamuṭṭhāpikā pharusa cetanā **pharusavācā**.
Maraṇādhippāye pana sati atthasiddhitadabhāvesu pāṇātipātā byāpādā ca
hontīti. Yaṃ pati pharusavācā payujjati, tassa sammukhāva sīsaṃ eti.
“Parammukhepi pharusavācā hotī”ti vadanti.

Yadi cetanāya sabbadā kammaṭṭhābhāvābhāvato aniyato
kammaṭṭhābhāvoti kammaṭṭharāsīmhi avacanaṃ, nanu abhihādīnampi
kammaṭṭhaṃ appattānaṃ atthitāya aniyato kammaṭṭhābhāvoti tesampi
kammaṭṭharāsīyaṃ avacanaṃ āpajjati? Nāpajjati,
kammaṭṭhatātāmsabhāgatāhi tesāṃ tattha vuttattā. Yadi evaṃ cetanāpi
tattha vattabbā siyāti? Saccametāṃ, sā pana pāṇātipātādīkāti pākaṭo

tassā kammaṭṭhabhāvoti na vuttaṃ siyā. Cetanāya hi “cetanāhaṃ bhikkhave kammaṃ vadāmi”, “tividhā bhikkhave kāyasañcetanā akusalaṃ kāyakammaṃ”ti-ādivacanehi kammabhāvo dīpito. Kammanīyeva ca sugatiduggatīnaṃ taduppajjanasukhadukkhānañca ṭṭhabhāvena pavattaṃ kammaṭṭhoti vuccatīti pākaṭo tassā kammaṭṭhabhāvo. Abhijjhādīnaṃ pana cetanāsamīhanabhāvena sucaritaduccaritabhāvo, cetanājanitataṃbandhatibhāvena sugatiduggatitaduppajjanasukhadukkhānaṃ ṭṭhabhāvo cāti na tathā pākaṭo kammaṭṭhabhāvoti te eva kammaṭṭharāsibhāvena vuttā. Atathājātiyattā vā cetanā tehi saddhiṃ na vuttā siyā. Vicāretvā gahetabbaṃ.

Pāṇātipātādīnaṃ ārammaṇāneva tabbirati-ārammaṇānīti **pañca sikkhāpadā parittārammaṇā evā**ti vacanena adinnādānādīnaṃ sattārammaṇatāvacanassa virodhaṃ codeti. Tathā hi vakkhati “vītikkamitabbatoyeva hi veramaṇī nāma hotī”ti. **Sayameva pariharissatīti sikkhāpadavibhaṅge** pañhapucchakavaṇṇanaṃ sandhāya vadati. Tattha hi “yasmā sattoti saṅkhyāṃ gate saṅkhāreyeva ārammaṇaṃ karoti, tasmā parittārammaṇāti vuccantī”ti vuttaṃ.

Duggatatādīnīti ādi-saddena “aladdhālābho laddhavināso icchitānaṃ bhogaṇaṃ kicchapaṭilābho rājādīhi sādharāṇabhogatā dukkhavīhāro sāsāṅkavīhāro”ti evamādayo saṅgahitā. Keci pana “diṭṭheva dhamme bhogajāni-ādayo nissandaphalaṃ”ti vadanti.

Kusalakammaṭṭhakathāvaṇṇanā

Tāsañca viratīnaṃ cetanāsampayuttattā cetanādvārena sugatiduggatitaduppajjanasukhadukkhānaṃ ṭṭhabhāvo yuttoti adhippāyo.

Kammaṭṭhasaṃsandanakathāvaṇṇanā

Tathāti kammaṭṭhappattānaṃ. **Kecīti** dhammasirittheraṃ sandhāyāha. So hi kammaṭṭhappattānameva dussīlyādīnaṃ susīlyādīnañca kammaṭṭhehi atthato nānattābhāvadassanaṃ, tesāṃ vā phassadvārādīhi avirodhabhāvena dīpanaṃ kammaṭṭhasaṃsandanaṃti vadati. **Kammaṭṭhatā natthīti** etena yathāvuttānaṃ

asaṅvarasaṅvarānaṃ tesāṃ vāde kammaṭṭhasaṅsandane asaṅgahitataṃ dasseti. Ye pana saṅgahaṃ labhanti, tesāṃ gahaṇe payoṇābhāvaṃ dassetuṃ “**tividha -pa- dassanenā**”ti vuttaṃ. Evaṃ purimaṭṭhā kṛtā saṅkheṭṭhā dosāṃ vatvā dutiyapaṅkheṭṭhā vattuṃ “**na ca duccharitānaṃ**”ti-ādimāha. Tena ye duccharitasucarita-asaṅvarasaṅvarā anucariyanti, tesāṃ kāyakaṃmāditā vidhiyanti dasseti. “Paṅcaphassadvārasena uppanno asaṅvaro akusalaṃ manokammameva hoti”ti-ādinā hi vuttanti. **Yadi cāti-ādinā** anavaśesapariyādānābhāvaṃ māha. **Uppatti na vattabbāti** kammaṭṭha -pa- vadantehi “manokammaṃ chaphassadvārasena uppajjati”ti na vattabbanti attho. Atha vā yadi kammaṭṭhappattāneva dussilyādini kāyakaṃmādināmehi aṭṭhakathāyaṃ vuttānīti evaṃ vadantehi aṭṭhakathācariyehi manokammaṃ chaphassadvārasena uppattina vattabbāti attho. **Taṃtaṃkammabhāvassa vuttattāti** “tividhaṃ kāyaduccharitaṃ akusalaṃ kāyakaṃmameva hoti”ti-ādim¹ sandhāyaḥa.

Kammantarampi taṃdvārikakammameva siyāti paṅṅatipātādikassa vacīkaṃmādhāvaṃsaṅkati. **Tasmāti** yasmā keśaṅci asaṅvarānaṃ saṅvarānaṅca kammaṭṭhatā natthi, kāyaduccharitādīnaṅca kammaṭṭhehi nānattābhāvadassanena payoṇaṃ natthi, na ca duccharitādīnaṃ phassadvāraṅca vasena uppatti dīpitā, na cāyaṃ vidhi niravaśesasaṅgāhikā, kammānaṅca saṅkaro āpajjati, aṭṭhakathāyaṅca pubbāparavirodho, tasmāti attho. **Samānaṅmatā** kāyakaṃmāditā. **Sāmaṅṅānāmāvijahaṅaṃ** kāyakaṃmādhāvāvijahaṅaṃ. **Ubhavesanti** kammaṭṭhākaṃmāṅca. **Uppattipariyāyavacanābhāvatoti** etena phassadvāra-asaṅvaradvāradīnaṃ taṃdvārikakammānaṅca atthato nānattābhāvepi tathā tathā pavattadesanāvasena te vicāritāti dasseti. “Akusalaṃ kāyakaṃmaṃ paṅcaphassadvārasena na uppajjati”ti-ādiko dutiyavinicchayo.

Kāye vācāya ca -pa- siddhitoti etena copanappattaṃ akusalaṃ manokammaṃ copanaṃ appattato viśeṭṭvā dassetuṃ “**kāyavacīkaṃmaṃ**”ti vuttaṃ, na pana kāyavacīkaṃmabhāvatoti dasseti. Tena kāyavacīgahaṅaṃ yathāvuttacopanappattaṃ eva vibhāvetīti daṭṭhabbaṃ. Tenevāha “copanappattaṃ akusalaṃ kāyadvāre vacīdvāre ca manokammaṃ hoti”ti.

1. Abhi 2. 378 piṭṭhe.

taṃ-sadde vutte **yaṃ**-saddo abyabhicāritasambandhatāya vuttoyeva hotīti katvā “**yaṃ uppajjati**”ti vuttaṃ. **Uppādamattaparicchinnenā**ti chaphassadvārikakammenāti attho. **Matta**-saddena visesanivatti-atthena manokammatāvisesaṃ nivatteti. **Niyamassa eva**-saddassa **akatattā** “kāyavacīkammameva hotī”ti avuttattā. Idāni niyamākaraṇena laddhaguṇaṃ dassento “**na pana sabbampī**”ti-ādimāha.

“Niyamassa akatattā”ti-ādi **purimanayoti** adhippeto. Vattu- adhippāyānurodhinī saddappavattīti samāsapade ekadesopi ākaḍḍhiyati adhikāravasenāti adhippāyena “**kammasaddamattena sambandham katvā**”ti vuttaṃ. **Yaṃ pana vadanti**ti-ādinā ettha padakāramatassa ayuttataṃ dasseti. Tattha **cetanāpakkhikānanti** kāyavacīkammabhūtacetanāpakkhikānaṃ. **Satanti** samānānaṃ. **Taṃtaṃdvārakammamapathānañcā**ti idaṃ imassa cittassa kammamapathabhāvena pavattaṃ kālaṃ sandhāya vuttaṃ, na sabbadā, kammamapathabhāveneva pavattanato. **Ca**-saddena vā akammamapathasaṅgaho daṭṭhabbo. Atha vā taṃtaṃdvārā ca taṃtaṃdvārakammamapathā ca taṃtaṃdvārakammamapathāti “taṃtaṃdvārā”ti padena akammamapathānaṃ saṃvarānaṃ saṅgaho daṭṭhabbo. **Tena sabhāvenā**ti manokammasa dvārabhāvena, na attanoti adhippāyo. **Evamidhāpī**ti cittajanito cittaśampayuttassa kammasa dvārabhāvo cittepi upacaritoti attho. **Vattabbameva natthi** anantarapaccayabhūtamanorahitassa cittassa abhāvatoti.

Dvārakathāvaṇṇanā niṭṭhitā.

Kamābhāvanīyamābhāve **sabbārammaṇatādīti ādi**-saddena saṅgaṇhāti. **Na hi -pa- atthī**ti padhāna asambhavato appadhānaṃ adhikarīyatīti dasseti.

Dhammuddesavārakathā phassapañcamakarāsivaṇṇanā

“Tasmiṃ samaye phasso hotī”ti-ādikāya pāḷiyā phassādīnaṃ kāmāvacaratādidassane na tapparabhāvo, sabhāvadassane eva pana tapparabhāvoti dasseti “**na hi phassādīna**”ti-ādinā.

Cittakiriyābhāvenāti cittabyāpārabhāvena. Phassassa sampajjanamuppajjanameva. **Sannipatitappavattiyā paccayo hotī**ti etena cittārammaṇasannipātakāraṇaṃ phasso cittārammaṇasannipātoti vuttoti dasseti. Phasso hi cittassa ārammaṇe phusanākāreṇeva pavattito tassa ārammaṇe sannipatitappavattiyā paccayoti ca vuccati. Sā cassa phusanākārappavatti sākhaḅge ṭhitam̐ disvā bhūmisaṅṭhitassa avīrakapurisassa jaṅghacalanam̐, ambulambapakkādīm̐ khādantaṃ disvā mukhe kheḷupatti, dayālukassa param̐ haññamānaṃ disvā sarīrakampananti evamādīsu paribiyattā hoti. **Tabbisesabhūtā rūpadhammā**ti yathā paṭihanavasena aññaṃaññaṃ āsannataraṃ uppajjamānesu rūpadhammavisesesu saṅghaṭṭanapariyāyo, evaṃ cittārammaṇānaṃ visayakaraṇavisayabhāvappatti paṭihanānākāreṇa hoti. So ca cittanissito dhammaviseso saṅghaṭṭanapariyāyena vutto, yadāha “**evan**”ti-ādi. Keci pana “saṅghaṭṭanaraso phasso pañcadvārikova, na itaro vatthārammaṇasaṅghaṭṭanābhāvato”ti vadanti, taṃ na yujjati upacārasiddhattā saṅghaṭṭanassa. Itarathā pañcadvārikassapi taṃ na sambhaveyyāti. Indriyamanasikāresu yathāpavattamānesu taṃtaṃārammaṇe viññānaṃ uppajjati, tesam̐ tathāpavattiyeva **viññānaṃ visayabhāvakaraṇam̐**.

“Yaṃ kho bhikkhave ime pañca kāmagaṇe paṭicca uppajjati sukhaṃ somanassaṃ, ayaṃ vuccati kāmānaṃ assādo”ti-ādivacanato¹ sukhavedanāva assādoti āha “**assādabhāvato**”ti. **Phusanādibhāvena ārammaṇaggahaṇam̐ ekadesānubhavananti** anupacaritameva phassādīnaṃ anubhavanakiccamāha.

Nimittenāti nīlādīnā dīghādīnā ca nimittena. **Etenupāyenā**ti yathā ñāṇappadhāne cittuppāde saññā ñāṇamanuvattati, evaṃ samādhippadhāne samādhinti dasseti.

Pabandhatīti paṭṭhapeti sampayuttadhamme sakasakacicce paṭṭhapeti. Teneva hi tadattham̐ vivaranto “**pavatteti**”ti āha.

Vijjamānatāvācī **hoti**-saddo, vijjamānatā ca saṅkhatadhammānaṃ uppajjanena vinā natthīti “cittam̐ na tathā atthato nuppajjatī”ti vuttam̐. Tena yasmā

1. Am̐ 3. 213 piṭṭhe.

cittaṃ na nuppajjati uppajjati eva, tasmā cittaṃ hotīti vuttanti ayamettha aṭṭhakathāya attho. Evamavaṭṭhite **hoti-uppajjati**-saddānaṃ samānatthattena na kiñci payojanaṃ dissati. Atha vā bhavanaṃ nāma sattā, sattā ca uppādādīnā samaṅgitāti phassādīnaṃ khaṇattayapariyāpannatā “phasso hotī”ti-ādīsu **hoti**-saddena vuttā. Tattha yo bhāvo uppādasamaṅgī, na so na hoti nāma, tasmā **uppajjati**-saddena vuccamānassa atthassa **hoti**-saddavacanīyatā na na sambhavati. **Uppannaṃ hotīti** ettha pana kiñcāpi **uppanna**-saddeneva uppādādisamaṅgitā vuccati, tabbhāvānativatti pana **hoti**-saddena vuttā khaṇattayavīvattepi **uppanna**-saddassa vattanato, tasmā na ettha **uppajjati**-saddena samānatthatāsabbhāvadassanaṃ viya uppajjatidassanampi virujjhati pākaṭakaraṇabhāvato. Itarathā “cittaṃ uppannaṃ hotī”ti imināva cittassa vijjamānabhāvo dassitoti kiṃ puna vijjamānabhāvadassanenāti na na sakkā vattum, samayavavatthānavasena savisesaṃ vuttampi cittaṃ phassādīhi sahuppattiyā suṭṭhutarāṃ nibbisesanti dassetum cittassa puna vacanaṃ. Uddiṭṭhadhammānaṃyeva cettha niddesavāre vibhajaṇaṃ, na vibhaṅge viya pāliya āruḥhasabbapadānanti “uddesavāre saṅgaṇhanatthaṃ niddesavāre vibhajanatthan”ti ayampi attho niccalo. Tathā hi “yasmim samaye rūpūpapattiyā maggaṃ bhāveti”ti-ādīsu maggādayo na vibhattā. Apica adhipatibhāvena indriyesu viya phassavedanāsaññācetanāhi saha sabbacittuppādasādhāraṇarāsiyaṃ gahetabbatā samayavavatthāne vuttampi cittaṃ phassapañcamake vuttanti daṭṭhabbā.

Jhānaṅgarāsivaṇṇanā

Vitakkananti vitakkanakiriyā, sā ca vitakkassa attano paccayehi pavattimattamevāti bhāvaniddeso vasavattibhāvanivāraṇāya hoti. Yasmim ārammaṇe cittaṃ abhiniropeti, taṃ tassa gahaṇayogyāṃ karonto vitakko ākoṭento viya parivattento viya ca hotīti tassa ākoṭanalakkhaṇatā pariyāhananarasatā ca vuttā. Idañca lakkhaṇaṃ kiccasaṇṇissitaṃ katvā vuttaṃ. Dhammānaṃhi sbhāvavinimuttā kāci kiriyā nāma natthi, tathā gahetabbākāro. Bodhaneyyanānurodhena pana paramatthato kesabhāvopi sabhāvadhammo pariyāyavacanehi viya samāropitarūpehi bahūhi pakārehi pakāsīyati. Evañhi so suṭṭhu pakāsito hotīti.

Vipphāro nāma vitakkassa thinamiddhapaṭipakkho ārammaṇe anolīnatā asaṅkoco, so pana abhiniropanabhāvato calanaṃ viya hotīti adhippāyena “**vipphāravāti vicalanayutto**”ti vuttaṃ. **Upacārappanāsu santānena pavattiyanti** etena yathā apubbārammaṇe paṭhamābhiniṭṭābhūto vitakko vipphāravā hoti, na tathā ekasmiṃyeva ārammaṇe nirantaraṃ anuppabandhavasena pavattiyam, nātivipphāravā pana tattha hoti sannisinnabhāvatoti dasseti. Tenevāha “**niccalo hutvā**”ti-ādi.

“Pītisukhena abhisandeti”ti-ādivacanato¹ pītiyā pharaṇaṃ kāyavisayanti yathā taṃ hoti, taṃ dassetuṃ “**paṇītarūpehi**”ti vuttaṃ.

Visārassa byaggabhāvassa paṭipakkho sabhāvo avisāro, na visārābhāvamattaṃ. Avisārāvikkhepānaṃ samādhānabhāvato atthato visesābhāvepi samukhena sampayuttamukhena ca ubhayaṃ vuttanti dassetuṃ “**avisā -pa- vikkhepo**”ti vuttaṃ. **Visesatoti** atisayenāti vā attho gahetabbo. Sukhañhi samādhissa visesakāraṇaṃ “sukhino cittaṃ samādhiyati”ti vacanato².

Indriyarāsivaṇṇanā

Tatthāti saddahanasaṅkhāte adhimokkhalakkhaṇe. **Puggalo saddahatīti** imināpi saddhāya āhitavisesānaṃ taṃsampayuttadhammānaṃ saddahanakiriyaṃ kattubhāvameva vibhāveti. Avayavabyāpāro hi samudāye voharīyatīti. Na kevalaṃ pasādanīyavatthusmiṃ appasādanākārappavattameva akusalaṃ assaddhiyaṃ, atha kho appasādanīyavatthusmiṃ pasādanākārappavattampīti dassetuṃ “**micchādhimokkho**”ti vuttaṃ. Tena pūraṇādīsu pasādassa assaddhiyatamāha. **Pasādabhūto** etena appasādabhūtaṃ assaddhiyaṃ nivatteti. **Vatthugatoti** iminā micchādhimokkhaṃ. “Pasādabhūto nicchayo”ti iminā pana vibhāvitamevatthaṃ pākaṭaṃ karonto “**na yevāpanakācimokkho**”ti āha. Akālussiyaṃ pasādo, taṃ pana asaṅkhobhabhāvato “**anāvilabhāvo**”ti vuttaṃ. Tañhi sampayuttesu vidahantī saddhā akālussiyapaccupaṭṭhānā. **Evametanti** adhimuccanākārena pana

1. Dī 1. 70; Ma 1. 344 piṭṭhesu.

2. Dī 3. 252; Aṃ 1. 245; Aṃ 2. 253; Aṃ 3. 535 piṭṭhesu.

gahetabbattā adhimuttipaccupaṭṭhānā. **Buddhādivatthūnī**ti ettha idhalokaparalokakammaphalasambandhāpi saṅgahitāti daṭṭhabbam. “Saddhāhattho mahānāma ariyasāvako”ti, “saddhīdha vittaṃ purisassa seṭṭhan”ti¹, “saddhā bījaṃ tapo vuṭṭhī”ti² evamādivacānato kusaladhammānaṃ ādānādīsu hatthādayo viya saddhā daṭṭhabbā.

“Idha bhikkhunā kammaṃ kattabbaṃ hoti. Tassa evaṃ hoti ‘kammaṃ kho me kattabbaṃ bhavissati, kammaṃ kho pana me karontassa na sukaraṃ buddhānaṃ sāsanaṃ manasi kātuṃ, handāhaṃ vīriyaṃ ārabhāmi appattassa pattiyaṃ anadhigatassa adhigamāya asacchikatassa sacchikiriyāya’”ti³—

ādikā-anurūpapaccavekkhaṇā.

Tammūlakānīti gantabbamaggādimūlakāni. Ettha ca **maggo gantabbo hotī**ti-ādayo aṭṭhakathāyaṃ dassanavaseneva vuttā, na pāliyaṃ āgatānukkamenāti daṭṭhabbam.

Karaṇādikāle viya cirakatādi-ārammaṇaṃ vibhūtaṃ katvā pavattantī sati taṃ upagantvā tiṭṭhantī anissajjantī ca hoti. Yaṃ ārammaṇaṃ sammuṭṭhaṃ, taṃ pilavitvā gataṃ viya calitaṃ viya ca hoti, tappaṭipakkhabhāvena pana asammuṭṭhanti imamatthaṃ dassento “**udake alābu viyā**”ti-ādimāha. Tattha **sāraṇanti** etena “saranti tāyā”ti imamevatthaṃ vibhāveti. Saraṇakiriyāya hi pavattamānānaṃ dhammānaṃ tattha ādhipaccabhāvena sati paccayo. Tassā hi tathā paccayabhāve sati te dhammā sārītā asammuṭṭhakatā apilāvitā hontīti. “Imehi nāma hetūti paccayehi ca ete dhammā sambhavanti”ti **sambhavato**. “Imaṃ nāma phalaṃ nibbattenti”ti **phalato** dhammā uppajjanena vipaccanena ca nipphannā nāma hontīti. **Vatthūbhūtā**ti ārammaṇabhūtā.

Satipi sabbesaṃ sārammaṇadhammānaṃ ārammaṇaggahaṇe na cittaṃ viya pare paricchi jagāhinoti “**paricchinopaladdhivasena jānāti**”ti cittaṃ vuttaṃ. Cetasikesu hi keci visayaṃ paricchi ja gahetuṃ na sakkonti, keci pana

1. Saṃ 1. 216; Khu 1. 306 piṭṭhesu.

2. Saṃ 1. 175; Khu 1. 291 piṭṭhesu.

3. Dī 3. 212 piṭṭhe.

paricchedamatteyeva tiṭṭhanti, na viññānaṃ viya visayaṃ gaṇhantīti ye āsaṅkitabbā, tesu tadabhāvaṃ dassento “**na saññā -pa- vijjhanavasena**”ti āha.

Pītiyā ca somanassabhāvo āpajjatīti idaṃ pīti ca somanassañca pītisomanassanti pītisomanassānaṃ tulyayogaṃ sandhāya vuttaṃ. Somanassasseva pana “ājaññaratho”ti viya pītiyuttaṃ somanassaṃ pītisomanassanti padhānabhāvo icchitoti na pītiyā somanassabhāvappatti. Na hi padhāne vijjamāne appadhānaṃ upayujjati, pītiggaḥaṇaṅcetta pītiyuttassa somanassassa yebhuyyena bhāvato paribyattakiccato ca kataṃ, na ca nippītikasomanassassa asaṅgaho. Ruḥīsaddesu kiriyāya anaccantikabhāvato. Pītiyā pana upalakkhaṇabhāvena ayamatto suṭṭhu yujjatīti dassento āha “**pīti-upalakkhitaṃ vā**”ti-ādi.

Pavattaṃ upādinnakkhandhaṃ. **Ciraṭṭhitaṃ hotīti** etena na kevalaṃ anupāletabbadhammānaṃ khaṇaṭṭhitiyāyeva, atha kho pabandhānupacchedassapi jīvitaṃ kāraṇanti dasseti. Aññathā hi āyukkhayamaṇaṃ na yujjeyyāti. **Avisesenāti** kāraṇavisesānapekkena jīvitindriyatāsāmaññena. Yadipi arūpāsaññabhavesu rūpārūpadhammā nappavattanti, tehi pana purimacchimabhavesu carimi-apaṭṭhamadhammā samānajātiyena abyavahitatāya nirantarāyeva nāma hontīti “**yāva parinibbānaṃ avicchinnāṃ pavattatī**”ti vuttaṃ. **Anupālanādikassāti** anupālanapavattanaṭṭhapanāniyeva vadati. **Jīvamānavisesappaccayabhāvato** sahaajātānaṃ jīvamānatāvisesassa paccayabhāvato. Indriyabaddhassa hi matarūpato kammajassa ca utujādito viseso jīvitindriyakatoti.

Maggaṅgarāsivaṇṇanā

Aviparītaniyyānikabhāvenāti idaṃ sammā-saddassa **diṭṭhi-**ādisaddānañca samānādhikaraṇatāvasena diṭṭhi-ādīnaṃ avisesabhūtaṃ niyyānikabhāvassa sammā-saddena visesitabbatā vuttaṃ. Aviparītattho hi sammā-saddo, na niyyānikatthoti. Aviparītaniyyānikattho eva vā sammā-saddo. Anekatthā hi nipātāti. **Evamevāti** aviparītaniyyānikabhāvena.

Balarāsivaṇṇanā

Patissavo vacanasampañiggahoti adhippāyena “**sappatissavaṃ patissavabhūtaṃ tamsabhāgañca yaṃ kiñci gāraṇaṃ**”ti āha. **Tattha tattha pākāṭabhāvenāti** ajjhatabhūtesu jātiyādīsu bahiddhābhūtesu bhikkhu-ādīsu hirottappānaṃ anurūpapaccavekkhaṇavasena sasambhārapathavī-ādīsu pathavīdhātu-ādīnaṃ viya vibhūtakiccabhāvenāti attho.

Mūlarāsivaṇṇanā

Evañhi upamāya sametīti yathā asucimhi patitapurisassa satipi kāyena alliyane bhāvo anallīno, evaṃ alobhopi ārammaṇakaraṇavasena gahitepi ārammaṇe alaggabhāvena anallīnabhāvo anallīnākāro eva pavattati. Evaṃsabhāvo hi so dhammoti. Kiñci dussīlyaṃ dosasamuṭṭhānaṃ sabbampi dussīlyaṃ dosūpanissayanti “**dosasamuṭṭhānataṃ dosūpanissayatañcā**”ti vuttaṃ. Tena adoso dosasseva ujuvipaccanīko, taṃmukhena dussīlyassāti dasseti.

Tattha jātānaṃ dhammānaṃ anativattanaṭṭhena -pa- āsevanaṭṭhena bhāvanāti yo so ekattupagato paṭhamajjhānādi-appanācittuppādo āsannūpacārāhitaviseso nīvaraṇādi-paripanthavisuddhiyā visuddho, tadāvaraṇavisayavirahena ca samappavatta-appanāsamādhisaṅkhātā majjhimaṃ samathanimittā paṭipanno, evaṃ paṭipannatā eva tatthupagamanena tattha ca pakkhando, visodhetabbassa vikkhepassa kilesasaṃsaggassa ca abhāvato visodhanasamādhāna-ekattupaṭṭhānabyāpāravirahena visuddhisamathapaṭipatti-ekattupaṭṭhānākāre ajjupekkhanto abhibyattarūpāya saha-jātatatramajjhattupekkhāya kiccavasena upekkhānubrūhito, tasmimīyeva jātā samādhipaṇṇāsāṅkhātā yuganaddhadhammā. Te yathā aññaṃ anativattamānā hutvā pavattanti, evaṃ bhāvanā brūhanā. Tathā yāni tattha saddhādīni indriyāni nānākilesehi vimuttatā vimuttirasena ekarasāni hutvā pavattāni. Yañca tattha tadupagaṃ, tesāṃ anativattana-ekarasabhāvānaṃ anucchavikaṃ vīriyaṃ vāhīyati pavattīyati, yā cassa tasmimī khāṇe pavattā paṇṇabalavabhāvāpattisaṅkhātā āsevanā. Sabbesaṃ etesaṃ ākāraṇaṃ bhāvanā uppādanā vaḍḍhanā, ayaṃ **tattha jātānaṃ -pa- āsevanaṭṭhena bhāvanā** nāma.

Yasmā paṇāyaṃ bhāvanākāro “paṭhamassa jhānassa paṭipadāvisuddhi ādī”ti-ādināpi **pāḷiyam**¹ āgato eva, ñāṇena ca saṃkilesavodānesu taṃ taṃ ādīnavam ānisaṃsaṅca disvā tathā tathā nipphādetabbo, tasmā “**evam vuttāya paññāsādhanaḃya bhāvanāyā**”ti vuttam. **Appavattīti** yasmim dhamme sati yathāvuttā bhāvanā nappavattati, so dhammo paṭipakkhabhāvanāparāmasanena abhāvanāti vuttoti adhippāyo. Na hi abhāvamattassa amoho paṭipakkhoti yujjati. **Tappaṭipakkhabhūtā akusalā** kāmaccchandādayo daṭṭhabbā. Pamādaviseso vā **abhāvanā**. So hi “kusalānam vā dhammānam anāsevanā abhāvanā abahulīkamman”ti-ādinā niddiṭṭhoti.

Ekantena alabbhaneyyadassanattam “**jarādhammo**”ti vuttam. Tathā hi pāḷiyam “jātidhammānam bhikkhave sattānam evam icchā uppajjati”ti-ādinā² icchitālābho vibhatto. Alobhānubhāvena kāyānupassanāya, amohānubhāvena cittadhammānupassanāya siddhi pākāṭāyevāti apākāṭam adosānubhāvena vedanānupassanāsiddhim vibhāpento “**sukhavipariṇāme**”ti-ādimāha. Ayaṅca yojanā alobhādīnam visesapaccayataṃ sandhāya katā, avisesena pana sabbe sabbesaṃ paccayā. Sabhāvato saṅkappato ca uppannassa dukkhassa asahanavaseneva uppajjati doṣo taṃdassanassa **āsannaṭipakkho**, na rāgo viya dūrapaṭipakkho.

Kammaṭharāsivaṇṇanā

Abhijjhādayo viya anabhijjhādayopi na ekantaṃ kammaṭhabhūtāyevāti āha “**kammaṭhatātāmsabhāgatāhi**”ti. Manokammaṭhabhāvena pavattanakammabhāvato hi etesaṃ kammaṭharāsibhāvena saṅgaho, na sabbadā kammaṭhāyevāti. Tena yo aññopi dhammo aniyato kammaṭhabhāvena pākāṭo ca, tassapi kammaṭhatāvacaṇam na virujjhatīti dasseti.

1. Khu 9. 167 piṭṭhe Paṭisambhidāmagge.

2. Ma 3. 293; Khu 9. 293 piṭṭhesu.

Passaddhādiyugalavaṇṇanā

Samanti sammā. Cetiyavandanādi-atthanti cetiyavandanādi hetu. Samathacatusaccakammaṭṭhānavasena tabbhedavasena ca sabbakammaṭṭhānabhāvanābhīyuttānaṃ mudumajjhimatikkhindriyatādibhedavasena sabbayogīnaṃ cittassa līnuddhaccādikālavasena sabbadā hitāhitadhammūpalakkhaṇabhāvato yathāsabhāvaṃ paṭivedhabhāvato ca satisampajaññānaṃ pāribandhakaharaṇabhāvanāvaḍḍhanāni avisesato daṭṭhabbāni. Yathā appanākosallena vinā samatho samathamantarena yathābhūtāvabodho ca natthīti nānakkhaṇikā samādhipaññā aññamaññassa visesakāraṇaṃ, evaṃ paṭivedhe ekakkaṇkāpīti dassento āha “**aññamaññānaṃ nimittabhāvenā**”ti. Paññāya hi sātisaṃsaṃ avabhāsiyamāne visaye samādhi ekattavasena appetuṃ sakkoti, samādhimhi ca majjhimānaṃ samathanimittānaṃ paṭipanne paññā ārammaṇesu visadā vahaṭīti. **Samaṇaṃ pavattāti** aññamaññānavattanena samaṇaṃ avisamaṇaṃ ekarasabhāvena pavattā. Aññamaññāsaḥāyabhāvūpagamanena yogino manorathadhurākaḍḍhane rathadhurākaḍḍhane viya ājāneyyayugo yugalako hutvā aññamaññānavattamānena naddhā baddhā viyāti vā **yuganaddhā**. Adhicittamanuyuttehi vīriyasamādhayo samaṇaṃ yojetabbāti imassa visesassa dassanattamaṃ pubbe gahitāpi te puna gahitāti dassetuṃ vīriyasamādhiyojanattāyāti aṭṭhakathāyaṃ vuttaṃ. Taṃ pana samādhivīriyayogassa vibhāvaṇaṃ hotīti “**yogavacanattāyāti attho**”ti āha.

Yevāpanakavaṇṇanā

Yathā tathā vāti sammā micchā vā. Anadhimuccantoti “idaṃ karissāmi, etaṃ karissāmi”ti evaṃ pavattapubbabhāgasanniṭṭhānahetukena payogakālasanniṭṭhānena anicchinanto. Yattha hi anicchayo, tattha appaṭipatti evāti. **Saṃsappanaṃ** saṃsayo. So hi “āsappanā parisappanā”ti vutto. Asatīpi byāpāre tatramajjhataṭṭhāya satī taṃsappayuttadhammā sakasakakiccavasena anūnānadhikatāya alīna-anuddhatatāya ca saṃvattantīti sā tesānaṃ tathāpavattiyā paccayabhūtā unādhikabhāvaṃ nivāreti viyāti **unādhikanivāraṇarasā** vuttā. Tathā pavattipaccayattāyeva tesu dhammesu majjhataṭṭhāti ca vuttā.

Jhānapadassāti jhānasaddassa. Tesūti pañcasu. Pañcahi aṅgāni jhānapadassa atthoti idaṃ saṁvaṇṇiyamānattāyeva imaṃ cittuppādaṃ sandhāya vuttaṃ. Na hi sabbasmim̃ cittuppāde pañceva jhānaṅgāni. **Padasamūho** vākyam̃, **padakoṭṭhāso vā** phassapañcamakādi dhammarāsi. **Vuttaṃ pūritanti** chapañṇāsāditāya pūraṇavasena. Phassapaccayā vedanā “phuṭṭho vedeti, phuṭṭho sañjānāti”ti-ādivacanato¹ phasso vedanādīnam paccayo. Yadiipi chandādayo yathāvuttarāsikiccābhāvato tesu na vattabbā, visum̃ rāsi-antarabhāvena pana sarūpato vattabbāti codanam̃ manasi katvā “vuttānampī”ti-ādimāha.

Dhammuddesavāarakathāvaṇṇanā niṭṭhitā.

Kāmāvacarakusala niddesavāarakathāvaṇṇanā

2. **Santeti** sabhāvato vijjamāne. Phassassa visayavisayīnam sannipatanākārena gahetabbattā phusanam̃ visaye cittassa sannipatanam̃ vuttaṃ. “Cintanaṭṭhena cittam̃, mananaṭṭhena mano”ti-ādinā cittādisaddā cintanādibyāpāramukhena attano attham̃ vibhāventīti āha “**cittam̃ manoti-ādisu viya kiccavisesam̃ anapekkhitvā**”ti. Yathā loke vikatameva vekatam̃, visayo **eva** vesayanti vuccati, evam̃ mano eva mānasanti saddamattaviseso. **Nīlādi-saddā viya vatthādisu** cittesu parisuddhabhāvanibandhanā **paṇḍarasaddassa** pavattīti tassa **guṇavisesāpekkhatā** vuttā. yathā kāyikam̃ sātanti ettha kāyappasādanissitanti attho, evam̃ **cetasikam̃ sātanti** ettha cetonissitam̃ sātanti **nissayavisesāpekkhatā** vuttā. Ekakkhaṇikā nānākkhaṇikā ca cittassa ṭhīti nāma, tassa avatthāvisesoti **avatthāvisesāpekkho** cittassa ṭhīti evampakāro niddeso. “Na lubbhati”ti vuttassa cittassa, puggalassa vā pavatti-ākārahāvena alubbhanāti alobho vuttoti **aññassa kiriyābhāvavisesāpekkho alubbhanāti** niddeso. Vuttanayeneva alubhitassa bhāvo **alubhitattanti** ayam̃ niddeso **aññassa bhāvabhūtatāvisesāpekkho** vutto. Kattukaraṇabhāvādayo sabhāvadhammānam̃ ajjhāropanavaseneva

1. Saṃ 2. 292 piṭṭhe.

sijjhanti, bhāvaniddeso pana ajjhāropanānapekkho, tatoyeva ca visesantaravinimutto vinivatto visesato nijjivabhāvavibhāvato sabhāvaniddeso nāma hotīti phassoti idaṃ phusanaṭṭhena **“dhammamattadīpanaṃ sabhāvapadan”**ti vuttaṃ. Ārammaṇaṃ phusantassa cittassa pavatti-ākāro phusanabyāpāro hotīti **“phusanakiriyā phusanākāro”**ti vuttaṃ. Samphusanāti saṃ-saddo “samudayo”ti-ādīsu viya samāgamatthadīpakoti āha **“samāgamaphusanā”**ti. “Phusāmi nekkhammasukhan”ti-ādīsu¹ paṭilābhopi phusanā samphusanāti ca vuccatīti āha **“na paṭilābhasamphusanā”**ti.

Aparena vevacanena. Bahussutabhāvasampādikāya paññāya **paṇḍicca-**pariyāyo. Sippāyatanādīsu dakkhatābhūtāya **kosallapariyāyo**, yattha katthaci tikkhasukhumāya **nepuññapariyāyo**, sammā dhamme paññapentiyā **vebhabyā**pariyāyoti evamādinā tesu tesu paññāvīsesesu te te pariyāyavīsesā vīsesena pavattāti tesam paññāvīsesānaṃ nānākāle labbhamānatā vuttā, **itarepi anugatā honti** yebhuyyēnāti adhippāyo. **Atthanānattena** paññādi-atthavīsesena. **Kodho kujjhanā kujjhitattanti** evampakārā niddesā sabhāvākārabhāvadīpanavasena byañjanavaseneva vibhāgavacanāṃ. Paṇḍiccanti-ādayo paññāvīsesanibandhanattā atthavasena vibhāgavacananti imamatthamāha **“atha vā”**ti-ādinā. **Evamākāro panāti** purimākārato vīseso atthato vibhattigamanassa kāraṇaṃ vuttaṃ.

Paṭikkhipanaṃ paṭisedhanaṃ paṭikkhepo, tassa nānattaṃ vīseso paṭikkhepanānattaṃ, saddhammagarutāya paṭikkhepo saddhammagarutāpaṭikkhepo, tena saddhammagarutāpaṭikkhepena nānattaṃ **saddhammagarutāpaṭikkhepanānattaṃ**. Taṃ saddhammagarutāpaṭikkhepanānattaṃ pana kodhagarutādibhedabhinnanti **“kodhagarutādivisiṭṭhenā”**ti vuttaṃ. Kodhādīhi visiṭṭho bhinno saddhammagarutāya paṭikkhepo paṭisedhanaṃ kodhādivisiṭṭhapaṭikkhepo. Kodhagarutādiyeva, tassa nānattena **saddhammagarutāpaṭipakkhanānattēnāti** kodhagarutā saddhammagarutāya paṭipakkho. Makkhalābhasakkāragarutā saddhammagarutāya paṭipakkhoti saddhammagarutāya paṭipakkhabhāvavīsesena asaddhammagarutā

1. Khu 1. 52 piṭṭhe Dhammapade.

tabbhāvena ekībhūtāpi nānattaṃ gatā. Yasmā pana **kodho** atthato dosoyeva. **Makkho** dosappadhānā paraguṇaviddhamāsanākārappavattā akusalā khandhā. Taggarutā ca tesāṃ sādara-abhisāṅkharāṇavasena pavattanameva.

Lābhagarutā catunnaṃ paccayānaṃ sakkāragarutā, tesāmyeva susāṅkhatānaṃ laddhakāmatā. Tadubhayesu ca ādarakiriya tathāpavattā icchāyeva, tasmā “saddhammagarutāpaṭipakkhanānattena asaddhammā nānattaṃ gatā”ti vuttaṃ. Tathā hi cattāro asaddhammā icceva uddiṭṭhā.

Asaddhammagarutāti ettha ca purimasmiṃ vikappe “na saddhammagarutā”ti saddhammagarutā na hotīti attho. Dutiyasmim saddhammagarutāya paṭipakkhoti saddhammagarutā eva vā paṭipakkho, tassa nānattena **saddhammagarutāpaṭipakkhanānattenā**ti evamettha attho daṭṭhabbo. Kodhamakkhagarutānaṃ hi saddhammavisesā pavattibhedabhinnā mettā paṭipakkho. Lābhasakkāragarutānaṃ appicchatā santosā. Tena kodhagarutā na saddhammagarutāti kodhagarutā kāyaci saddhammagarutāya paṭipakkhoti ayamattho vutto hoti. Tathā makkhagarutādīsupi. Evañca katvā “cattāro saddhammā saddhammagarutā na kodhagarutā -pa- saddhammagarutā na sakkāragarutā”ti¹ āgatantipi samatthitā bhavati. Lobho na hotīti **alobho** lubbhanā na hotīti **alubbhanā**ti evamādiko alobhoti-ādīnaṃ lobhādivisiṭṭho paṭikkhepo “phasso phusanā”ti-ādikehi visadisabhāvato “**phassādīhi nānattan**”ti vutto. **Phassādīhī**ti cettha alubbhanādayopi **ādi**-saddena saṅgahitāti daṭṭhabbari.

Lobhādipaṭipakkhenāti “lobhapaṭipakkho alobho”ti-ādīnā yojetabbari. Sesāṃ purimasadisameva. Alobhādosāmohānaṃ vidhuratāya paṭipakkhabhāvena ca labbhamāno aññamaññavisadiso lobhādivisiṭṭhapaṭikkhepabhāvena lobhādipaṭipakkhabhāvena ca viññāyatīti āha “**alobhā -pa- yojetabban**”ti. Bahūhi pakārehi dīpetabbatthatā **mahatthatā**. **Ādaravasena** sotūnaṃ.

3. Yadipe ekasmim khaṇe ekāmyeva ārammaṇaṃ hoti, chasupi pana ārammaṇesu uppattirahattā “**tehi vā**”ti-ādi vuttaṃ. **Tassā**ti sātassa sukhassa. **Jātā**ti etassa atthaṃ dassetuṃ “**kāraṇabhāvena phassatthaṃ pavattā**”ti vuttaṃ. Idaṃ vuttaṃ hoti—yathā cetasikasātasāṅkhātā

1. Am 1. 356 piṭṭhe.

somanassavedanā saheva uppajjati, evaṃ tadanurūpaphassasahitā hutvā pavattā tajjāti vuttā. **Sādayatī**ti adhigamāsīsāya anaññaninnaṃ karoti.

5. **Na tassā tajjatāti** tassā manoviññāṇadhātuyā tassārubbā “tassa jātā”ti vā ubhayathāpi tajjatā na yujjati. Yadi pi phasso viññāṇassa visesapaccayo na hoti, tathāpi so tassa paccayo hotiyevāti tassa tajjāmanoviññāṇadhātusamphassajatā vattabbāti codanaṃ sandhāyāha “**na ca tadevā**”ti-ādi. **Tehi ārammaṇehi jātā tajjāti** imināpi atthena tajjā manoviññāṇadhātusamphassajāti vattuṃ na sakkā. Viññāṇassa pana tajjatāpaññatti labbhaveva. Tathā hi “kiṃ vā etenā”ti-ādinā phassādīnaṃ tathā desetabbataṃ āha.

7. Cittassa ārammaṇe ānayanākārappavatto vitakko atthato ārammaṇaṃ tattha ākaḍḍhanto viya hotīti “**ārammaṇassa ākaḍḍhanaṃ vitakkanan**”ti vuttaṃ.

8. Ārammaṇassa anumajjanākārappavatto vicāro tattha paribbhamanto viya samantato caranto viya ca hotīti “**samantato caraṇaṃ vicaraṇan**”ti vuttaṃ.

11. **Tathā upaṭṭhānamattabhāvatoti** pāṇavadhādisādhana-upaṭṭhānamattabhāvato na balavabhāvatoti adhippāyo.

14. Yena dhammena citte ārammaṇaṃ upatiṭṭhati jotati ca, so dhammo upaṭṭhānaṃ jotananti ca vuttoti āha “**upaṭṭhānaṃ jotanañca satiyevā**”ti.

16. **Saṇhaṭṭhenāti** sukhumaṭṭhena.

30. **Bhāvoti** hiriyaṇaṃ vadati.

33. **Na byāpādetabboti abyāpajja**-saddassa kammatthataṃ āha.

42-43. Yadi anavajjadhammānaṃ sīghasīghaparivattanasamatthatā lahutā, sāvajjadhammānaṃ kathanti āha “**avijjānīvaraṇānan**”ti-ādi. **Tesaṃ**

bhāvo garutāti etena satipi sabbesaṃ arūpadhammonaṃ samānakhaṇatte mohasampayuttānaṃ sātisayo dandho pavatti-ākāroti dasseti. So pana tesāṃ dandhākāro santāne pākaṭo hoti.

44-45. Appaṭighāto avilomanāṃ.

46-47. **Kilinnanti** avassutaṃ.

50-51. **Paccosakkanaṃ** māyā yā accasarātipi vuccati. **Arumakkhanaṃ** vaṇālepanaṃ. Veḷu eva dātabbhāvena pariggahito **veḷudānaṃ** nāma.

Niddesavāra-kathāvaṇṇanā niṭṭhitā.

Koṭṭhāsavāra-kathāvaṇṇanā

58-120. Teti phassapañcamakādayo. **Saṅgahagamanenevāti** sādharmaṇatādīnā kenaci sadisatālesena, na phassādayo viya visuṃ dhammabhāvenevāti attho. **Tathā avippakiṇṇattāti** phassādayo viya sarūpena visuṃ visuṃ avuttattā. Yadi pi chandādayo saṅgahasuññatavāresupi sarūpena na vuttā, khandhāyatanadhāturāsītu pana saṅgahitāyevāti dassetuṃ “**yasmā panā**”ti-ādimāha. **Taṃniddeseti** saṅkhārakkhandhaniddese. Khandhānaṃ dhātāyatanabhāve byabhicārābhāvato adhandhabhāvanivāraṇena anāyatanādhātubhāvanivāraṇampi daṭṭhabbaṃ. **Na yevāpanakā ṭhapetabbāti** khandhādirāsi-antogadhataṃ sandhāya vuttaṃ. uddesādīsu pana “yevāpanātveva vuttānaṃ tesāṃ tathāyeva saṅgaho yutto”ti aṭṭhakathāyaṃ “ṭhapetvā yevāpanake”ti vuttaṃ. Sarūpena avuttānampi cittuppādapariyāpanānaṃ khandhādibhāvo na vāretabboti na yevāpanakā ṭhapetabbāti vuttanti ubhayesampi adhippāyo veditabbo.

Āhārapaccayasāṅkhātenāti upatthambhakapaccayasāṅkhātena. So ca āhārānaṃ upatthambhakabhāvo pākaṭoti katvā vutto, na janakattābhāvato. Ojaṭṭhamakarūpassa hi vedanādīnañca āhāraṇato tesāṃ janakattaṃ labbhatīti. Yadi upatthambhako idha paccayoti adhippeto, kabaḷikārāhārassa tāva hotu, itaresāṃ katanti āha “**yathā**

hī”ti-ādi. **Sahajātādipaccayeti** sahajāta-aññamaññanissayasampayutta-atthi-avigatapaccaye vadati, mahācatukkaṃ vā. **Ekenākārenāti** rūpārūpanaṃ upatthambhakattena upakāraabhāvamāha. So eva ca nesam āharaṇakiccaṃ. “Saṅkhārapaccayā viññāṇaṃ”ti vacanato cetanāya viññāṇassa paccayabhāvo sātisayoti āha “**viññāṇaṃ visesenā**”ti.

Yathāgatamaggoti vutto kāraṇaphalānaṃ abhedūpacārenāti daṭṭhabbaṃ, nānākkhaṇiko aṭṭhaṅgikamaggo upanissayo etassāti **aṭṭhaṅgikamaggūpanissayo**. Ariyamaggassa yathāgatamaggapariyāyo vuccamāno tassa yā purimakālabhūtā abhedopacārasiddhā āgamanāvattā tato nātivilakkhaṇāti imamattaṃ vibhāvetīti āha “**pubbabhāga -pa-dīpitā**”ti. Viññāṇassa cittavicittatā vijānaṇabhāvavisesā evāti āha “**vijānaṇameva cittavicittatā**”ti. **Vedanākkhandhādīnanti ādi**-saddena “dvāyatanāni hontī”ti-ādīsu vuttamanāyatanādayopi saṅgaṇhāti. **Tappaṭikkhepoti** tassa jātiniddesabhāvassa paṭikkhepo. **Kato hotīti** etena āhārindriyajhānamaggaphalāhetuyo yattakā imasmiṃ citte labbhanti, te sabbepi “eko viññāṇāhāro hotī”ti-ādīnā avuttāpi atthato vuttāyevāti dasseti. Esa nayo aññatthāpi.

Koṭṭhāsavāraṇakathāvaṇṇanā niṭṭhitā.

Suññatavārādivaṇṇanā

121-145. **Yathāvutte samayeti** vuttappakārasamūhe.

146. **Ussāhanaṃ** pesanaṃ niyojanaṃ.

156-159. **Nātisamāhitāyāti** nānāvajjanūpacāraṃ sandhāya vadati. **Yevāpanakehipi nibbisesataṃ dasseti** karuṇāmuditānampi uppajjanato.

Kāyavacīkiriya kāyavacīpavatti, viññatti eva vā. **Asamattabhāvananti** pubbabhāgabhāvanamāha.

Kāmāvacarakusalavaṇṇanā niṭṭhitā.

Rūpāvacarakusala

Catukkanaya-paṭhamajjhānakathāvaṇṇanā

160. **Uttarapadalopam katvā “rūpabhavo rūpan”**ti vutto, “rūpī rūpāni passati¹, rūparāgo”ti-ādīsu² viyāti daṭṭhabbam. Payogayampāditassa rūpajjhānassa rūpabhavātikkamassapi upāyabhāvato yathā rūpūpavattiyā eva maggoti ayam niyamo na yujjati, evam paccayantaravikalatādīhi rūpūpapattiyā anabhinipphādakassapi atthibhāvato rūpūpapattiyā maggo evāti ayampi niyamo na yujjati. Evañca sati yadeva rūpūpapattiyā nipphādam, tasseva sampayuttassa rūpāvacarakusalabhāvo, na anabhinipphādakassāti ayamatto āpannoti codanam samuṭṭhāpeti **na sabbassa kusalajjhānassāti-ādinā**. Tattha sāmāññasaddopi adhikāravasena visesaniddiṭṭho hotīti **“kusalajjhānassa maggabhāvo”**ti vuttam.

Rūpūpapattijanakasabhāvo rūpabhavavipaccanasabhāvoti tassapi vipākadhamabhāve satipi sabbakusalākusalasādhāraṇam vipākadhamabhāvasāmāññam “vipākadhamabhāvo viyā”ti udāharaṇabhāvena vuttam. Sāmāññampi hi visesato bhinnam katvā voharīyatīti. **Sabbasamānoti** rūpūpavattiyā nipphādakassa paccayantaravikalatādīhi anipphādakassa ca sabbassa yathādhigatassa jhānassa sādāraṇo. Etena uttarapadāvadhāraṇassa pariggahitātam dasseti. “Ito añño maggo nāma natthī”ti imināpi sajātiyā sādāraṇo aññajātivinivattiyā anaññasādāraṇo imassa jhānassa rūpūpapattiyā upāyabhāvo vuttoti daṭṭhabbam. **Itare dve** saddhā hirī ca. Yadi paṭipadāya sādhetabbato puggalapubbaṅgamāya desanāya bhāventena समयavavattānam katam. Paṭipadārahitesu kathanti āha **“kesañcī”**ti-ādi. Tattha **kesañcī**ti samathabhāvanāya katādhikārānam. Tesañhi maggādhigamanato pubbe anadhigatajjhānānam paṭisambhidādayo viya maggādhigameneva tāni samijjhanti.

Aññānīti ariyamaggasiddhito aññāni. **Tesupī**ti ariyamaggena siddhattā paṭipadārahitesupi. Nanu ca ariyamaggasiddhassapi āgamanavasena paṭipadā upalabbhatīyeva. Itarathā “na kāmāvacaram viya vinā paṭipadāya

1. Ma 2. 205; Ma 3. 264; Abhi 1. 65; Khu 9. 231 piṭṭhesu.

2. Abhi 1. 89 piṭṭhe.

uppajjati”ti, “bahutaram lokiyajjhānampi na vinā paṭipadāya ijjhati”ti ca vacanam virujjheyāti? Na, yebhuyyena gahaṇato puggalavisesāpekkhattā ca. Ariyamaggasamijjhanakam hi jhānam kassacideva hoti, tasmā itaram bahutaram lokiyajjhānam puthujjanassa ariyassa ca akatādhikārassa na vinā paṭipadāya sijjhatīti tesam vasena vuttam. Ariyamaggasiddhassapi jhānassa vipākānam viya kusalena ariyamaggena sadisattābhāvato atabbipākattā ca na maggāgamanavasena paṭipadā yujjati, evamassa paṭipadāviraḥo siddho. Evañca katvā suddhikanavakadesanāpi suṭṭhu nītā hoti. Tathā ca vakkhati lokuttarakathāyaṃ “lokiyajjhānampi”ti-ādi¹.

Vaṭṭāsayaṃ visesapaccayabhūtāya taṇhāya tanukaraṇavasena vivatṭāsayaṃ vaḍḍhananti āha “**taṇhāsaṃkilesasodhanena āsayapōsanam**”ti. Āsayapōsananti ca jhānabhāvanāya paccayabhūtā pubbayogādivasena siddhā ajjhāsayasampadā. Sā pana taṇhapatāpavigamena hotīti āha “**taṇhāsaṃkilesasodhanenā**”ti.

Thinamiddhādīnanti thinamiddha-uddhaccakukkucavicikicchānam.
Pahānanti pahāyakam.

Tamsadisēsūti mahaggatabhāvādīnā paṭhamajjhānasamādhisadisēsu.

Pītisukhavantam jhānam pītisukhanti vuttam yathā arisoti dassento “**pītisukha -pa- akāro vutto**”ti āha. Maggassapi vā nibbānārammaṇato tathalakkhaṇūpanijjhānatā yojetabbā. **Asammosadhammanti** avināsabhāvaṃ.

Dutiyajjhānakathāvaṇṇanā

161-162. Diṭṭhādīnavassa taṃtamjkhānakkhaṇe anuppajjanadhammatāpādanam vūpasamanam virajjanam pahānañcāti idhādhippetavitakkādayoyeva jhānaṅgabhūtā tathā karīyanti, na taṃsampayuttaphassādayoti vitakkādīnamyeva vūpasamādivacanam nāyāgataṃ. Yasmā pana vitakkādayo viya taṃsampayuttadhammāpi etena etaṃ oḷārikanti diṭṭhādīnavā eva, tasmā avisesena vitakkādīnam taṃsahajātānañca vūpasamādike vattabbe vitakkavicārādīnamyeva vūpasamādīkam vuccamānam “adhikavacanamaññamattham bodheti”ti kiñci visesam dīpetīti tam dassento “**yehi vitakkavicārehī**”ti-ādīmāha.

1. Mūlaṭī 1. 111 piṭṭhe.

Visuṃ visuṃ ʘitānīpi vitakkavicārasamatikkamavacanādīni paheyyaṅganiddesatāsāmaññena cittena samūhato gahetvā avayavena samudāyopalakkaṅgaṇaṃ katanti dassento “**tesaṃ -pa- taṃ dīpakanti vuttan**”ti āha. Idāni avayavena samudāyopalakkaṅgaṇaṃ vinā vitakkavicāravūpasamavacanena pītivirāgādivacanānaṃ savisaye samānabyāpārataṃ dassento “**atha vā**”ti-ādimāha.

Tasmīn dassiteti “saddhā saddahanā”ti-ādinā jhānavibhaṅge sampasādane dassite. **Samānādhikaraṅganiddesenevā**ti tattheva vibhaṅge uddesapaduddhārādīsu saddhājhānānaṃ “sampasādanan”ti ekādhikaraṅgaṇatāvacaneneva.

Oḷārikaṅgamukhena “**tadanudhammatā satī**”ti¹ vuttāya taṃtaṃjhānanikantiyā vikkhambhanaṃ vitakkavicāravūpasamavacanādīhi pakāsīnti āha “**taṅhāppahānaṃ etesaṃ vūpasamanan**”ti. Yato vitakkavicāresu virattabhāvadīpakāṃ vitakkavicāravūpasamavacananti tadubhayābhāvadīpanaṃ puna katanti dassetuṃ “**ye cā**”ti-ādi vuttaṃ.

Tatiyajjhānakathāvaṅgaṇā

163. **Vīriyaṃ upekkhāti vuttaṃ** “paggahaniggahesu byāpārākaraṅgena upekkhiyati”ti. Gahaṇe majjhatabhāvena saṅkhāre upekkhatīti saṅkhārupekkhā, tathāpavattā vipassanā paññā. Tassā pana visayato pabhedo “aṭṭha saṅkhārupekkhā”ti-ādinā yassaṃ **pāḷiyaṃ**² vutto, taṃ pāḷisesaṃ dassento “**paṭhamajjhānan**”ti-ādimāha. Tattha **uppādanti** purimakammaṇapaccayā idha uppattīṃ. **Pavattanti** tathā uppannassa pavattīṃ. **Nimittanti** sabbampi saṅkhārāgataṃ nimittabhāvena upaṭṭhānato. **Āyūhananti** āyatīṃ paṭisandhihetubhūtaṃ kammaṃ. **Paṭisandhanti** āyatīṃ upapattīṃ. **Gatinti** yāya gatiyā sā paṭisandhi hoti. **Nibbattinti** khandhānaṃ nibbattaṇaṃ. **Upapattinti** “samāpannassa vā upapannassa vā”ti evaṃ vuttaṃ vipākappavattīṃ. **Jātinti** jarādīnaṃ paccayabhūtaṃ bhavapaccayā jātiṃ. **Jarāmarāṇādayo** pākaṭā eva. Ettha ca uppādādayo pañceva saṅkhārupekkhāñṇassa visayavasena vuttā, sesā tesaṃ vevacanasena.

1. Abhi 2. 343 piṭṭhe.

2. Khu 9. 62 piṭṭhe Paṭisambhidāmagge.

“Nibbatti jāti”ti idañhi dvayaṃ uppādassa ceva paṭisandhiyā ca vevacanaṃ.
 “Gati upapatti cā”ti idaṃ dvayaṃ pavattassa. Jarādayo nimittassāti.

Bhūtassāti khandhapañcakassa. **Etehīti** jhānacittasamuṭṭhitarūpehi.

Catukkanayavaṇṇanā niṭṭhitā.

Pañcakanayavaṇṇanā

167. **Ākārabhedanti** ākāravisesaṃ. Anekākārā hi dhammā, te ca niravasesaṃ yāthāvato bhagavatā abhisambuddhā. Yathāha—“sabbe dhammā sabbākārena buddhassa bhagavato ñāṇamukhe āpāthaṃ āgacchanti”ti¹. **Dutiyajjhānapakkhikaṃ** na paṭhamajjhānapakkhikanti adhippāyo. Tenevāha “**paṭhamajjhānameva hī**”ti-ādi. Atthato hi catukkapañcakanayā aññamaññānuppavesino. Pañcakanaye dutiyajjhānaṃ kiṃ savicāratāya paṭhamajjhānapakkhikaṃ udāhu avitakkatāya dutiyajjhānapakkhikanti siyā āsaṅkāti tadāsaṅkānivattanatthamidaṃ vuttam. **Kasmāti**-ādinā tattha kāraṇamāha. Suttantadesanāsu ca dutiyajjhānameva bhajantīti sambandho. Ca-saddena na kevalaṃ idheva, atha kho suttantadesanāsupīti desanantarepi yathāvuttajjhānassa paṭhamajjhānapakkhikattābhāvaṃ dasseti. Idāni bhajanampi dassetuṃ “**vitakkavūpasamā**”ti-ādi vuttam. Tena suttantepi pañcakanayassa labbhamānataṃ dasseti.

Nanu ca suttante cattāriyeva jhānāni vibhattānīti pañcakanayo natthiyevāti? Na, “savitakkasavicāro samādhī”ti-ādinā samādhittayāpadesena pañcakanayassa labbhamānattā. Catukkanayanissito pana katvā pañcakanayo vibhattoti tatthāpi pañcakanayo niddhāretabbo. Vitakkavicārānaṃ vūpasamāti hi vitakkassa vicārassa vitakkavicārānañca vitakkavicārānanti sakkā vattum. Tathā avitakka-avicārānanti ca vinā saha ca vicārena vitakkappahānena avitakkaṃ saha vinā ca vitakkena vicārappahānena avicāranti avitakkaṃ avicāraṃ avitakka-avicārañcāti vā tividhampi sakkā saṅgaṇhitum.

1. Khu 7. 277; Khu 8. 175; Khu 9. 376 piṭṭhesu.

Dutiyanti ca vitakkarahite vitakkavicāradvayarahite ca ñāyāgatā desanā. Dutiyam̐ adhigantabbattā vicāramattarahitepi dvayappahānādhigatasamānadhammattā. Evañca katvā pañcakanayaniddese dutiyevūpasantopi vitakko tasahāyavicārāvūpasamena na sammāvūpasantoti vitakkavicāradvayarahite viya vicāravūpasameneva tadupasamaṃ sesadhammasamānatañca dassentena “vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ tatiyaṃ jhānaṃ upasampajja viharatī”ti tatiyaṃ catukkanaye dutiyena nibbisesaṃ vibhattaṃ. Duvidhassapi saḥāyavirahena aññathā ca vitakkappahānena avitakkattaṃ samādhijaṃ pītisukhattaṃca samānanti samānadhammattāpi dutiyanti niddeṣo. Vicāramattampi hi vitakkavicāradvayarahitaṃ viya “yasmiṃ samaye rūpūpapattiyā maggaṃ bhāveti avitakkavicāramattaṃ samādhijaṃ pītisukhaṃ dutiyaṃ jhānaṃ upasampajja viharatī”ti avitakkaṃ samādhijaṃ pītisukhanti vibhattaṃ. Paṭhamajjhāne vā saḥacārisu vitakkavicāresu ekaṃ atikkamitvā dutiyampi tatraṭṭhameva dosato disvā ubhayampi saḥātikkamantassa pañcakanaye tatiyaṃ vuttaṃ tatiyaṃ adhigantabbattā. Paṭhamato anantarabhāvena panassa dutiyabhāvo ca uppajjati. Kasmā panettha sarūpato pañcakanayo na vibhattoti? Ca uppajjati. Kasmā panettha sarūpato pañcakanayo na vibhattoti? Vineyyajjhāsayato. Yathānulomadesanā hi suttantadesanāti.

Paṭipadācatukkādīvaṇṇanā

176-180. **Tadanurūpatā**ti tassa paṭhamādījjhānassa anurūpasabhāvā. Yathāladhajjhānaṃ santato paṇītato disvā assādayamānā nikanti taṃsampayuttā khandhā vā tadārakkhabhūtā satiyeva vā tassa jhānassa anucchavikatāya “tadanudhammatā satī”ti vuttattāti. **Kadācī**ti yadā paṭhamam̐ adhigantvā yathānisinnoyeva vinā payogantaraṃ dutiyādīni adhigacchati, īdise kāleti attho.

186. Kusalajjhānassa adhigatattā “sekkhā”ti vuttaṃ. **Na hi te uppādentī nāmā**ti ariyamaggakkhaṇe rūpāvacarajjhānānaṃ anuppajjamānataṃ sandhāyāha.

Kasiṇakathāvaṇṇanā

203. **Āruppapādatā ca dassitā** vinā abhāvato. Na hi tesam āruppapādatāya vinā nirodhapādatā atthīti. Nimminituṃ icchitassa vatthuno nimmānavasena khippanṃ nisanti nisāmanam ālocanam adhigamo etassāti khippanisanti. Tabbhāvo “khippanisantibhāvo”ti āha “**khippadassanam khippābhiññatā**”ti.

Kasiṇakathāvaṇṇanā niṭṭhitā.

Abhibhāyatanakathāvaṇṇanā

204. Paṭibhāganimittabhūtam kasiṇārammaṇasaṅkhātam āyatanam kāraṇam etassāti **kasiṇāyatanam**, jhānam. Atha vā ārammaṇassa anavasesapharaṇaṭṭhena kasiṇaṅca tam āyatanaṅca yogino sukhavisesānam adhiṭṭhānabhāvato manāyatanadhammāyatanabhāvato cāti sasampayuttam jhānam **kasiṇāyatanam**. Tenevāha “satipi abhibhāyatanānam kasiṇāyatanatte”ti. Bhāvanāya nimittam bhāvanānimittam, ārammaṇassa parittappamāṇatā suvisuddhanīlādītā ca, tadeva nānattam. Bhavanā eva vā pubbhāgabhūtā bhāvanānimittam, tassa nānattam bhāvanānimittanānattam. Pubbhāgabhāvanā hi yathāvuttavisesa ārammaṇe pavatti-ākāravisesato nānāsabhāvāti. Kasiṇanimittassa abhibhavanakabhāvanānimittanānattam **kasiṇa -pa- nānattam**, tatoti yojetabbam.

Ettha ca purimāni cattāri abhibhāyatanāni bhūtakasiṇārammaṇāni, bhūtakasiṇesu ca yaṃ suvaṇṇam dubbaṇṇanti ca na sakkā vattum. Tattha pavattitāni sabbattha vā vaṇṇābhogarahitena pavattitāni paṭhamatatiyābhibhāyatanānīti dutiyacatutthāni vaṇṇakasiṇārammaṇāni.k
Yadi evam dutiyacatutthehi pañcamādīnam ko visesoti “pañcamādīni vaṇṇato ramaṇīyatarāni, na tathā itarāni”ti vadanti. Purimānīpi cattāri aṭṭha kasiṇārammaṇāneva, tasmā tam nesam matimattam “aṭṭhasu kasiṇesū”ti vuttattā. Vimokkhesu ca paṭhamadutiyavimokkhā aṭṭha kasiṇārammaṇā. Tatiyā vaṇṇakasiṇārammaṇo. Paṭhamadutiyāpi vā vaṇṇakasiṇārammaṇā eva “bahiddhā

nīlakasiṇādirūpāni jhānacakkhunā passatī”ti vuttattā.

Ārammaṇamanuññatāya hi tattha anigatitabhāvena tesam pavattīti. Evaṃ sante tatiyassa itarehi ko visesoti? Subhākārābhogo. Tatiyo eva hi subhanti ābhujanavasena pavattati, na itareti.

Ñāṇam appanāpaññā. **Vijjamānepīti** api-saddena avijjamānepīti dasseti. **Parittappamāṇatā abhibhavanassa kāraṇam** imesu catūsu abhibhāyatanesūti adhippāyo. Nanu ca sabbattha “**suvaṇṇadubbaṇṇāni**”ti vacanato vaṇṇābhogasahitāniyeva gahitānīti? Na gahitānīti dassento “**tattha cā**”ti-ādimāha. **Tatthāti** āgamesu. **Tathā appamāṇānīti** vaṇṇābhogarahitāni ca sabbāni appamāṇāni suvaṇṇadubbaṇṇānīti attho. Yadi evaṃ katham viṣiṭṭhānam vaṇṇābhogena rahatānam sahitānañca ekajjham manasi karoti? Na ekajjham, visumyeva pana tesu manasikāro. Yadi visum kathamekanti? Parittabhāvasāmaññato. Yadi evaṃ “suvaṇṇadubbaṇṇaggahaṇam atiricchatī”ti, nātiricchatīti dassento “**atthi hi eso pariyāyo**”ti-ādimāha. Tattha yadidaṃ vaṇṇābhogajanitaṃ visesaṃ aggahetvā parittasāmaññena ekattaṃ netvā “parittāni abhibhuyyā”ti vatvā puna tadantogadhadhammappabhedam vineyyavasena dassetuṃ “tāni ce kadāci vaṇṇavasena ābhujitāni honti suvaṇṇadubbaṇṇāni abhibhuyyā”ti vattabbatāya vaṇṇābhogarahitaparittābhibhavane taṃ sahitaparittābhibhavane ca parittābhibhavanassa sāmaññaṃ gahetvā ekanti vacanaṃ, eso pariyāyo vijjatīti ayamadhippāyo.

Evaṃ suttantābhidhammapāṭhavisesato aṭṭhakathāya virodhābhāvam dassetvā idānisuttantābhidhammapāṭhānam avirodham adhippāyavibhāvanena dassetuṃ “**tattha cā**”ti-ādimāha. Evaṃ abhidhamme vaṇṇābhogarahitāni sahitāni ca visum vuttāni. Suttante pana “ubhayāni ekajjhan”ti vuttaṃ, taṃ katham viññāyatīti āha “**tadetan**”ti-ādi. Tattha **āgatassāti** suttante āgatassa. Tattha hi “ajjhattaṃ rūpasaññī”ti āgataṃ. **Avacanototi** abhidhamme avacanato. Yadi pi vimokkhā visum desitā, kasiṇāyatanabhāvo viya pana abhibhāyatanānam vimokkhakiccatāpi atthīti abhibhāyatanavimokkhānam idāpi saṅkaro dunnivāroti codanaṃ manasi katvā

āha “**sabbavimokkhakiccāsādhāraṇavacanabhāvato**”ti. Tena yathā abhibhāyatanadesanāyaṃ abhibhāyatanakiccāni niravasesato vuttāni, evaṃ vimokkhadesanāyaṃ vimokkhakiccānīti idha tesāṃ asaṅkaroyevāti dasseti.

Ye ca yathāvuttaṃ vavatthānaṃ na sampañcchanti, tehi suttantābhidhammapāṭhabhede aññaṃ kāraṇaṃ vattabbaṃ siyā. Kimettha vattabbaṃ, nanu aṭṭhakathāyaṃ “kasmā pana yathā suttante”ti-ādiṃ vatvā “ajjhatarūpānaṃ anabhibhavanīyato”ti kāraṇaṃ vuttanti. Na taṃ tassa kāraṇavacananti dassento “**ajjhatarūpānaṃ**”ti-ādimāha. Tattha yanti idha suttante ca “bahiddhā rūpāni passaṭī”ti¹ vuttavacanaṃ sandhāyāha. Bahiddhā rūpāniyeva hi abhibhavanīyānīti. **Aññahetukanti** desanāvilāsato aññaṃ abhibhavanīyahetu etassāti aññahetukaṃ. Ajjhata-arūpasaññitāya eva, na suttante viya ajjhatarūpasaññitāya cāti attho. **Avibhūtattāti** idaṃ ñāṇuttarānaṃ saha nimittuppādanena appanānibbattaṃ āramaṇassa abhibhavo na suṭṭhu vibhūtabhāvamantarena sambhavaṭīti katvā vuttaṃ. Nanu ca aṭṭhakathāyaṃ pāṭhadvayavisesassa desanāvilāso kāraṇabhāvena vuttoti āha “**desanāvilāso ca yathāvuttavavattānavasena veditabbo**”ti. Desanāvilāso hi nāma vineyyajjhāsayanurūpaṃ vijjamaṇasseva pariyāyassa vibhāvanaṃ na yassa kassacīti. Tattha ca “pariyāyadesanattā”ti-ādinā vuttappakāravavatthānaṃ desanāvilāsanibandhanamāha. Tathā ceva hi purato desanāvilāso vibhāvito.

Abhibhāyatanakathāvaṇṇanā niṭṭhitā.

Vimokkhakathāvaṇṇanā

248. **Tanti** “sasantatipariyāpannarūpan”ti vuttakesādivaṇṇamāha. Taṃ pana yasmā khalaṃaṇḍalādi viya paramparāya jhānassa kāraṇaṃ, tasmā “**jhānassa hetubhāvenā**”ti āha. **Yenāti** yathāvuttarūpavisesena. **Visiṭṭhenāti** atisayappattena “rūpūpapattiyā”ti-ādīsu² viya

1. Am 3. 125, 126 piṭṭhesu.

2. Abhi 1. 44, 64; Abhi 2. 276 piṭṭhesu.

uttarapadalopena “rūpan”ti vuttena rūpajhānena. “Visiṭṭhenā”ti iminā hi atisayarūpayutto rūpīti vuttoti dasseti. “Paṭhamam jhānam upasampajja viharati pathavīkasiṇan”ti-ādinā¹ **jhānānameva kasiṇabhāvena pavattā. Sutte ārammaṇānam** kasiṇabhāvena pavattā “pathavīkasiṇameko sañjānāti”ti-ādinā².

Vimokkhakathāvaṇṇanā niṭṭhitā.

Brahmavihāarakathāvaṇṇanā

251. Aññāṇasampayuttāpi vā upekkhāvedanā **aññāṇupekkhā, upekkhāti** aññāṇasampayuttā upekkhāvedanā, aññāṇupekkhātipi etāsanyeva nāmanti³ hi **sammohavinodaniyam** vakkhatīti. Appaṭibhāganimittattepi ekaṃ katipaye vā satte odissa pavattā paricchinnarūpādi-upādānavisaye pavattattā kathamappamāṇagocarāti āha “**na ca sammutisacca-asenā**”ti-ādi. Evampi yathā natthi sattā opapātikātisattavasena pavattāyapi micchādiṭṭhiyā saṅkhārārammaṇatā vuccati upādānavasena, evam sattivasena pavattānampi mettādīnam saṅkhārārammaṇatāpi siyāti ce? Na, aparāmasanavasena pavattānam mettādīnam sa-upādānaggahaṇāsambhavatotidassento āha “**aparāmāsā**”ti-ādi.

Brahmavihāarakathāvaṇṇanā niṭṭhitā.

Asubhakathāvaṇṇanā

263. “Ekāhamatam vā dvīhamatam vā”ti-ādinā⁴ vuttāsu navasu sivathikāsu vaṇṇavasena pavattajjhānam **sivathikāvaṇṇajjhānam**. Nanu cetassa vaṇṇakasiṇehi gahaṇam yuttam, na asubhehīti? Na, sivathikāvaṇṇam upamam katvā attano kāye paṭikūlattam amuñcitvāva vaṇṇavasena

1. Abhi 1. 116 piṭṭhe.

3. Abhi-Ṭṭha 2. 489, 490 piṭṭhesu.

2. Dī 3. 257; Am 3. 293 piṭṭhesu.

4. Dī 2. 235; Ma 1. 73 piṭṭhesu.

pavattanato. Tenevāha “**paṭikūlamanasikārasāmaññenā**”ti. Ayamatto **sivathikāvannañjāhānassāti** etthāpi yojetabboti vibhāvento “**tampī**”ti-ādimāha.

Rūpāvacarakusalavañṇanā niṭṭhitā.

Arūpāvacarakusalakathāvañṇanā

265. **Rūpanimittanti** rūpahetu rūpādhikaraṇaṃ. **Rūpārūpanimittesūti** rūpadhammesu ca pathavīkasiṇādinimittesu ca. **Tadā rammañajjhānesūti** ettha **taṃ**-saddena rūpanimittaṃ paccāmasati rūpampi vā rūpadhammārammañānampi rūpāvacarañjāhānānaṃ sambhavato. **Rūpādīsūti** rūpārūpanimittatadārammañajjhānesu rūpapaṭibaddhadhammesu ca. **Anāvajjitukāmatādināti ādi**-saddena asamāpajjitukāmatādiṃ saṅgaṇhāti.

Cutito uddham uppatirahānaṃ -pa- anuppattidhammatāpādanena samatikkamoti etena samatikkamitabbattena rūpāvacarakusalānaṃ rūpāvacaravipākakiriyehi visesābhāvaṃ dasseti anadhigatabhāvato. Yesañhi rūpasaññādīnaṃ arūpabhāvanāya samatikkamādiko labbhati, te dassetuṃ “arūpabhāvanāya abhāve cutito uddham uppatirahānaṃ”ti vuttanti. **Yāti** ekantarūpanissitā avasiṭṭhaparittavipākasaññādayo.

Āneñjasantasamāpattisukhānubhavanabhavavisesūpapajjanādayo āruppasamāpattīnaṃ atthāti āha “**rūpasaññā -pa- na attho**”ti.

Idha ugghāṭitakasiṇavasena parittānantatā hoti nippariyāyadesanattāti adhippāyo. Yadi evaṃ parittakasiṇugghāṭite kathamākāsānañcāyatanavacananti? Tatthāpi anantapharaṇasabbhāvato. Tenevāha “**anantapharaṇatāsabbhāve**”ti. Yadi sabbattha anantapharaṇatā atthi, atha kasmā “ananto ākaso”ti na vuttanti āha “**samayavavattapanā**”ti-ādi. Tattha **paṭipattīti** jhānabhāvanākāramāha.

266. Ugghāṭabhāvo **ugghāṭimaṃ**. Yathā pākimaṃ.

268. Ākāse pavattitaviññāṇātikkamato tatiyāti paduddhāraṃ katvā yuttito āgamato ca tadatthaṃ vibhāvetuṃ “**tadatikkamato hī**”ti-ādimāha. Āruppasamāpattīnaṃ ārammaṇātikkamena pavattabbattā visesato ārammaṇe dosadassanaṃ tadeva atikkamitabbanti ayaṃ yutti, ārammaṇe pana atikkante tadārammaṇaṃ jhānampi atikkantameva hoti. Bhāvanāya ārammaṇassa vigamaṇaṃ apanayanaṃ vibhāvanā. **Pāḷiyanti** vibhaṅge. Nanu ca pāḷiyaṃ “taññeva viññāṇaṃ”ti avisesena vuttaṃ “na ākāśānañcāyatanaviññāṇaṃ”ti. “Na taññeva viññāṇanti visesavacanena ayamatto siddho”ti dassento “**viññāṇañcāyatanan**”ti-ādimāha.

Arūpāvacarakusalakathāvaṇṇanā niṭṭhitā.

Tebhūmakakusalavaṇṇanā

269. Sattahi mahāvārehi

paṭiccasahajātapaccayanissayasamaṣṭhasampayuttapañhāvārehi anulomapaccanīya anulomapaccanīya paccanīyanulomādinayā **anulomādinayā**. Bhāradvājagotamādayo aṭṭhacattālīsa loke gottāni mūlabhūtāni, tathā kaṭṭhakālāpādayo aṭṭhacattālīseva caraṇānīti āha “**aṭṭhacattālīsan**”ti-ādi. Tattha **tesanti** bhābbābhābbānaṃ. Dvārasīseṇa dvāravantāni gayhantīti adhippāyenaṃha “**taṃtaṃdvārāni vā kāyādīni**”ti. Acittikārena vā kataṃ **hīnaṃ**, ajjupekkhanaṇaṇa kataṃ **majjhimaṃ**, sakkaccakataṃ **paṇītaṃ**. Āmisakiñjakkhādihetu vā kataṃ **hīnaṃ**, puññaphalakāmatāya kataṃ **majjhimaṃ**, kattabbamicceva ariyabhāve ṭhitena kataṃ **paṇītaṃ**. Bhavasampattilobhena vā pavattitaṃ **hīnaṃ**, alobhajjhāsayena pavattitaṃ **majjhimaṃ**, parahitāya pavattitaṃ **paṇītaṃ**. Parittakataṃ vā **hīnaṃ**, mattato kataṃ **majjhimaṃ**, adhimattato kataṃ **paṇītaṃ**. Mahaggatesu pana paṭiladdhamattaṃ **hīnaṃ**, nātisubhāvitāṃ **majjhimaṃ**, subhāvitāṃ vasippattaṃ **paṇītaṃ**. Imesupi ekekassa hīnādikassa āyūhananānattādivasena hīnādibhedo labbhatiyevāti daṭṭhabbaṃ. **Sampayuttadhammānaṃ** vāsenāti yo cittappabhāvitocittasampayuttānaṃ cittādhipateyyabhāvo, so taṇnimitte citte upacaritoti evaṃ vā ettha attho.

Tebhūmakakusalavaṇṇanā niṭṭhitā.

Lokuttarakusalavaṇṇanā

277. “Kenatṭhena lokuttaran”ti-ādi paṭisambhidāvacanaṃ¹ aṭṭhakathāya ābhataṃ, tasmā tattha “tividhopi anuttaradhammo lokarṃ taratī”ti-ādinā saṅgahitoti taṃ tīhi padehi yojetvā dassetuṃ “**lokarṃ taratīti etenā**”ti-ādimāha. Ekekasmim yojetabbo lokassa antagamanāditāya maggādīsupi labbhamānattā. Maggeyeva vā tividhopi attho yojetabboti sambandho. **Anativattanādīti ādi**-saddena indriyānaṃ ekarasatā tadupagavīriyavāhanaṃ āsevanāti ime tayo bhāvanāvisese saṅgaṇhāti. Yasmā cete bhāvanāvisesā saṃkilesavodānesu vaṭṭavivaṭṭesu ca taṃtaṃādīnavānisaṃsadassanabhūtāya pubbhāgapaññāya sampādītena ṇāṇavisesena nipphajjanti, tasmā vuttaṃ “**aññamaññāṃ -pa- vadḍhetī**”ti.

Nissayo hotīti rukkho viya sākḥāya ādhārabhāvena voharīyatīti attho. Phalañāṇaphalaṅgāni nissayavacanaṃ nissayapaccayattā. Tatoyeva nissayabhāvato patiṭṭhābhāvato. Ariyaphalasannissayena hi ariyā katakiccā suṭṭhu nibbinasabbabhāvāpi cirataraṃ loke parahitāya tiṭṭhanti. Kilesānaṃ odhiso pajahanakāpi ariyamaggā avisesena sabbākusalānaṃ sabbakusalapaṭipakkhatāya aññamaggappahātābbesupi kenaci pahānākārena pavattantīti taṃ pahānākāraṃ dassento “**itaresaṃ vijjutobhāseṇa viya tamassā**”ti āha. Yena **pāḷiyam**² heṭṭhimamaggañāṇānaṃ vijjūpamatā dassitā. Yadi evaṃ uparimaggavajjhā kilesā itareti idhādhippetā. Na tesāṃ samucchēdāvacanaṃ yuttaṃ. Na hi bhāvanāya pahātābbe dassanamaggo samucchindituṃ sakkoti. Tathā ca sati dassanena pahātābbā eva te siyūṃ. Atha tadaṅgappahānaṃ adhippetāṃ, yena “vijjutobhāseṇa viya tamassā”ti vuttaṃ, taṃ pubbhāgavipassanāya eva siddhaṃ na ca yuttaṃ lokuttaramaggo tadaṅgavasena kilese pajahatīti. Vikkhambhanepi eseva nayo, anulomañāṇeneva tassa sātīsayāṃ sādhitattā. Atha pana paṭhamamaggavajjhā eva kilesā itareti adhippetā, evaṃ sante tesāṃ itarabhāvova na siyā, na ca

1. Khu 9. 349 piṭṭhe.

2. Abhi 1. 255 piṭṭhe.

anapāyagamanīyā nāma kilesā dassanena pahātabbā atthi, nāpi paṭhamamaggavajjhā kilesā tena vijjutobhāsenā viya tamo samucchinditabbāti vattum yuttanti upaparikkhitabboyam “itaresam -pa-samucchedo”ti. Lokiyajjhānampi **na vinā paṭipadāya ijhatīti** idam adhippāyavasena netabbam neyyatthattāti tam adhippāyam vibhāvento “**akatādhikārassā**”ti āha. Tena yathāvuttavacanassa ca sappadesatam dasseti. Nanu ca katādhikārassa ariyassa maggena samijjhamānampi jhānam maggapaṭipadāvasena paṭipadāsahitamevāti. Na vinā paṭipadāya ijhatīti sakkā vattum, tenetaṃ vacanaṃ nippadesamevāti anuyogaṃ adhippāyavasena gahetabbatthatā pāṭitopi viññāyatīti dassento āha **yathā vutta -pa- katā**”ti.

“Yo kocīti avisesavacanan”ti tassa apavādam dassento “**sakim dvikkhattun**”ti-ādimāha. Paricchinditvā gahaṇam pariṇānam. **Nāmarūpavavattthāpanādīnanti** nāmarūpavavattthāpanapaccayapariggahalakkhaṇapaṭivedhanikantipariyādānānam. **Kicchāsiddhitoti** nāmarūpavavattthāpanādīnam kesañci sabbesampi vā kicchāsiddhito. Esa nayo dutiyavārādīsupi yathāsambhavaṃ. **Sukhasiddhiyampīti** nāmarūpavavattthāpanādīnam kicchāsiddhi maggapātubhāvadandhabhāvassa kāraṇabhāve anekantikā. Vipassanāsahagatindriyānam pana mandatā tassa ekantakāraṇanti dasseti.

Etadantattā paṭipadāyāti etena nippariyāyato paṭipadāñāṇadassanavisuddhisāṅkhātāya vipassanāpaññāya cirācirappavattivasena maggassa khippadandhābhiññatā vuttāti dasseti. **Purimānanti** purimavārānam, lakkhaṇapaṭivedhādīnamyeva vā. Heṭṭhimakoṭiyā tikkhattum kilesavikkhambhane sati dukkhāpaṭipadābhāvo, na tato heṭṭhāti nicchitattā āha “**tikkhattum vikkhambhanavāratāvasenā**”ti. **Tassa sukhāpaṭipadā veditabbā** ukkaṃsavasenāti adhippāyo.

Yasmim puggale visamvādanabhedanāniṭṭhānatthaniyojanānam pavatti, tattha sinehaviraheneva tesam pavatti, so ca puggalo asaṅgahito hotīti musāvādādīnam visamvādanādikicatāya lūkhātā ca apariggahatā ca vuttā. Tappaṭipakkhaviruddhasabhāvattā sammāvācāya siniddhabhāvātā

pariggāhakasabhāvatā. Saddhāvisesayogato vā tassā siniddhabhāvo daṭṭhabbo. **Samuṭṭhāpetīti** pavatteti. Jīvamāno vā satto, **sampayuttadhammā vā vodāyanti** etena sayam vā vodāyatīti vodānam.

285. Taṇhādiṭṭhihi **patiṭṭhānam**. Avasesakilesābhisaṅkhārehi **āyūhanā**. Sassatadiṭṭhiyā **patiṭṭhānam**. Uccedadiṭṭhiyā **āyūhanā**. Līnavasena **patiṭṭhānam**. Uddhaccavasena **āyūhanā**. Kāmasukhānuyogavasena **patiṭṭhānam**. Attakilamathānuyogavasena **āyūhanā**. Sabbākusalābhisaṅkhāravasena **patiṭṭhānam**. Sabbalokiyakusalābhisaṅkhāravasena **āyūhanā**ti oghataraṇasuttavaṇṇanāyaṃ vuttetu pakārañtesu idha avuttānam vasenapi patiṭṭhānāyūhanā veditabbā.

Atha vā kilesaggahaṇena taṇhāsassatadiṭṭhisabbākusalābhisaṅkhārā gahitā taṃsabhāgatāya tadekaṭṭhatāya ca. Tathā abhisaṅkhārāggahaṇena avasesakilesa-uccedadiṭṭhisabbalokiyakusalābhisaṅkhārā. Līnuddhaccakāmasukhattakilamathānuyogānam visum vuttattā tehi na yojetabbanti kilesābhisaṅkhāravasena patiṭṭhānāyūhane vatvā taṇhādiṭṭhinam tattha visesapaccayataṃ dīpetum tadubhayavasenapi yojanā katā. Nayadassanaṃ vā etaṃ tattha daṭṭhabbam. Evamitarepi pakārā yojetabbāti. “Catūhi bhikkhave aṅgehi samannāgato puggalo”¹ti-ādīsu¹ **aṅga**-saddassa kāraṇatthatā daṭṭhabbā.

299. Musāvādādīni bhāsamāno karoti nāma kiṃ vakkhamānam kiriyam, kā pana sāti? Musāvādādikiriyābhi viditovāyamattho. Evaṃ vā ettha yojanā daṭṭhabbā.

301. **Nipphāditapaccayānanti** cīvarādipaccayānam. **Kuhanavatthūnīti** pāpicchataṃ nissāya lkūkhacīvarādisevanavasena “yo te vihāre vasati, so arahā”²ti-ādīnā² attānam ariyaguṇasāmantaṃ katvā bhaṇanavasena visesalābhino viya attano pariharaṇavasena ca pavattā akusalacittuppādā paresam vimhāpanakāraṇāni kuhanavatthūni.

1. Am 1. 428, 431 piṭṭhesu.

2. Vi 1. 140 piṭṭhe.

343. Satipi sakuṇṇārammaṇehi maggassa animittanāmalābhe na nippariyāyena vipassanā animittanāmikāti āgamanato maggo animittanāmaṃ na labhatīti āha “**na pana sakuṇṇārammaṇehi -pa- siddham hotī**”ti. Yasmā pana āgamanato suññataṃ appaṇihitanti laddhanāmassa maggassa sakuṇṇato ārammaṇato ca tanāmābhāvo na kadācīpi atthi, tasmā nāmatayapāripūrihetu-āgamanato nāmalābhoti adhippāyenāha “**paripuṇṇanāmasiddhihetuttā**”ti. **Sabbesanti** sabbavimokkhamukhāgatānampi maggānaṃ. **Nāmatayayogoti** suññatāpaṇihitānimittanāmayogo. **Vavatthānaṃ** asaṅkaro.

350. Nimittadhammā saṅkhārā tehi sanimittā saviggahā viya upaṭṭhahantīti tesāṃ abhāvītabhāvanassa bhāvītabhāvanassa ca upaṭṭhahanākāraṃ dassento “**samūhādī**”ti-ādimāha. Tena ca “vimokkhena saddhindriyaṃ adhimattaṃ hotī”ti¹ vuttaṃ, na “tasmim vimokkhe”ti, tasmā “**animittavimokkhoti aniccānupassanaṃ āhā**”ti vuttaṃ. Itarathāpi eseva nayo. Animittassa animittabhāvābhāvo natthīti kasmā vuttaṃ, nanu ca aniccānupassanāya animittavimokkhabhāvo pariyāyenāti nippariyāyadesanāya tassā animittabhāvābhāvo atthi eva, evaṅca sati “animittassa animittanāmadānābhāvo”ti ca na na sakkā vattunti upamāsaṃsandanaṃ suṭṭharaṃ yujjati, tathā animittena maggassa animittabhāvo na yujjatiyeva. Tenāha “paramatthato nāmaṃ dātum na sakkotī”ti? Saccametaṃ, pariyāyasiddhamyeva pana aniccānupassanāya animittabhāvaṃ gahetvā maggasodhanavasenāyamanuyogo kato “animittavimokkhassa animittabhāvābhāvo natthīti viruddham viya hotī”ti. Evaṅca katvā “animittaṃ -pa- dīpito hotī”ti sayameva vakkhatīti. **Sāmaññanti** upamopamītabbānaṃ sambandhamāha. **Na maggādhipatīti** maggo adhipati maggādhipatīti chandacittānaṃ ayaṃ samaññā natthīti attho. **Na ca tehi maggassāti** chandacittehi maggo adhipati etassāti maggādhipatīti ayaṃ samaññā maggassa natthi. Kasmā? Tesāṃ chandacittānaṃ amaggaṅgattā.

Jhānassa suññatādināmakattāti etena indriyabalādīnampi maggasampayogato suññatādināmakatā dassitāti daṭṭhabbānaṃ. Satipi

1. Abhi-Ṭṭha 1. 268 piṭṭhe.

paccanīkāmasane na tassa maggassataṃ paribyattaṃ yathāsarasatāti āha “**sarasappadhāno**”ti. **Dvīhīti** sarasapaccanīkehi. **Aññānirapekkhahīti** āgamananirapekkhehi. **Tasmāti** yasmā sarasatova nāmalobhe avavatthānāpatti sabbassa maggassa sabbanāmabhāvāpatti hoti, tasmā. **Attābhi -pa- maggāti** tena āgamanato nāmalābhassa paccanīkato nāmalābhābhāvāṃ dasseti. **Sarasantareti** animittabhāvādike. **Paccanīkasahitena sarasenāti** suññatāppaṇihitabhāvehi tadāgamanehi. **Nimittaggahaṇānivāraṇāti** saṅkhāranimittaggāhassa anisedhanato. Suññatāppaṇihitasseva maggassa vuttatā aniccatō vuṭṭhahantassa maggo idha asaṅgahito siyāti āsaṅkitvā āha “**aniccānupassanā**”ti-ādi. Saṅkhārehivuṭṭhānaṃ na siyā, lakkhaṇehi eva vuṭṭhānaṃ siyāti adhippāyo, lakkhaṇapaṭivedho na siyā atadārammaṇattāti attho. Saṅkhārānañhi hutvā abhāva-udayabbayaṭṭipīlanāvasavattanākāresu aniccatādilakkhaṇavohāro.

Ākāravantesu gahitesu tadākāropigahitoyeva hotīti āha “**lakkhaṇānīpi paṭividdhāni honti tadākārasaṅkhāraggaṇato**”ti. **Yathāvuttādhippāyenāti** “aniccan”ti-ādinā “saṅkhāresū”ti-ādināva vuttappakārādhippāyena. **Visunti** saṅkhārehi vinivattetvā.

Lokuttarakusalapakiṇṇakakathāvaṇṇanā

Pañcadhā uddisati pañcupādānakkhandhe ajjhattadukavasena rūpadukavasena ca bhinditvā abhinditvā ca nimittavacaneneva uddisati pavattassapi saṅkhāranimittabhāvānativattanato vuṭṭhātābbatāsāmaññato ca. Teneva upādinnānupādinnavasena pavattaṃ dvidhā katvā niddisitvāpi “ayam tāva nimitte vinicchayo”ti nimittavaseneva nigameti. Ettha ca nimittaṃ ajjhattabahiddhā, pavattaṃ pana ajjhattamevāti ayametesam viseso. **Bojjhaṅgādivisesanti** bojjhaṅgajhānaṅgamaggaṅgānaṃ asadisataṃ. Asamāpajjitukāmatāsaṅkhātā vitakkādivirāgabhāvanā **asamāpajjitukāmatāvīrāgabhāvanā**. **Itarassāti** pādakajjhānādikassa. **Atabbhāvatoti** yathāvuttavirāgabhāvanābhāvassa abhāvato. Idam vuttaṃ hoti—yathā maggāsannāya vipassanāya somanassasahagatatte maggassa paṭhamādijjhānikatā ca

upekkhāsahagatatte pañcamajjhānikatā eva ca tabbasena ca bojjaṅgādīnaṃ viśesoti tesāṃ niyame āsanna-kāraṇaṃ padhāna-kāraṇaṃ ca vuṭṭhāna-gāminivipassanā, na evaṃ pāda-kajjhānādayoti.

Idāni apāda-kapaṭhamajjhānapāda-kānaṃ pakiṇṇakasaṅkhārapaṭhamajjhānāni sammasitvā nibbattitānaṃ ca maggānaṃ ekantena paṭhamajjhānikabhāvato vipassanā-niyamoyevettha ekantiko padhānaṃcāti imamatthaṃ vibhāvento “vipassanā-niyamenevā”ti-ādimāha. Tattha itareti dutiyajjhānikādimaggā. Pāda-kajjhānā-tikkantānaṃ aṅgānaṃ asaṃpajjitukāmatāvira-gabhāvanābhūtā vuṭṭhāna-gāminivipassanā adhiṭṭhāna-bhūtena pāda-kajjhānena āhitavisesā maggassa jhānaṅgādivisesaniyāmikā hotīti “pāda-kajjhānavipassanā-niyamehī”ti vuttaṃ. Yathā ca adhiṭṭhāna-bhūtena pāda-kajjhānena, evaṃ ārammaṇa-bhūtena sammasitajjhānena ubhaya-sabbhāve ajjhāsayavasena āhitavisesā vipassanā nyame-tīti āha “evaṃ sesavādesupī -pa- yojetabbo”ti.

Pāda-kajjhāna-saṅkhāresūti paṭhamajjhāna-saṅkhāresu. “Paṭhamajjhānaṃ pāda-kāṃ katvā”ti¹ hi vuttaṃ. Taṃtaṃvirāgāvira-gabhāvanābhāvenāti vitakkādīnaṃ virajjanāvira-jjanabhāvanābhāvena. Tena ārammaṇajjhāna-sapi vipassanāya viśeśadhānaṃ upanissayatamaṃha.

Pāda-kajjhāna-sammasitajjhānāniyeva bojjaṅgādivisesānaṃ upanissayo kāraṇanti pāda-kajjhāna-sammasitajjhānupanissayo, tassa sabbhāve. Tadabhāvābhāvatoti tassa ajjhāsayassa abhāvābhāvato.

Catutthajjhānikassa maggassa āruppe arūpajjhānameva pāda-kāṃ siyāti āha “catutthajjhānikavajjānaṃ”ti. Ariyamaggassa oḷārikaṅgā-tikkamanūpanissayā vipassanāya adhiṭṭhāna-rammaṇa-bhūtā dutiyajjhānādayo. Pañcahi aṅgehīti pañcahi jhānaṅgehi. “Taṃtaṃvādehi paññāpiyamānāni pāda-kajjhānādīni vādasahacāritāya ‘vādā’ti vuccantī”ti adhippāyena “tayopete vāde”ti āha. Vadanti etehīti vā vādakaraṇa-bhūtāni pāda-kajjhānādīni vādā.

1. Abhi-Ṭṭha 1. 272 piṭṭhe.

Vipākasantānassa -pa- susaṅkhatattāti etena yasmim̄ santāne kammaṃ uppajjati, tattha uppajjamānameva kiñci visesādhānaṃ karotīti dīpeti. Yato tasmim̄yeva santāne tassa vipāko, nānaññattha.

Purimānulomaṃ viya tanti yathā gotrabhuṭṭhāne uppannānulomato purima-anulomañāṇaṃ taṃ gotrabhuṭṭhāne uppannānulomaṃ anubandhati, evaṃ. **Tadapīti** gotrabhuṭṭhāne uppannānulomañāṇampi aññaṃ anulomañāṇameva anubandheyya, tassa anantaraṃ uppajjeyya. **Sā bhūmīti** sā pañcupādānakkhandhasaṅkhātā kilesānaṃ uppattiṭṭhānatāya bhūmi. **Eko bhavoti gahetvā vuttanti** etena satta bhava dve bhaveti idampi adhippāyavasena netabbatthaṃ, na yathārutavaseṇāti dasseti. Tatthāyaṃ adhippāyo—ekavāraṃ kāmāvacaradevesu ekavāraṃ manussesūti evampi missitūpapattivasena tesu ekissā eva-upapattiyā ayaṃ¹ paricchedo. Yaṃ pana “na te bhavaṃ aṭṭhamamādiyaṃ”²ti vuttaṃ, tampi kāmāvacarabhavaṃyeva sandhāyāha. Mahaggatabhāvānaṃ paricchedo natthīti vadanti. Tathā “ṭhapetvā dve bhava”³ti etthāpi kāmāvacaradevamanussabhavānaṃ missakavaseneva, tasmā **kāmadhātuyaṃ ye dve bhavāti** kāmāvacaradevamanussavasena ye dve bhavāti attho. Purimavikappesu puggalabhedena paṭipadā bhinditvā kassaci calatīti, kassaci na calatīti katvā “calati evā”³ti avadhāraṇamantarena attho vutto. Yasmā pana **aṭṭhakathāyaṃ**³ “yathā ca paṭipadā, evaṃ adhipatipi calati evā”³ti vuttaṃ, tasmā sabbesampi paṭipadāsu abhedena gahitāsu ekantena calanaṃ sambhavanti **“calaticceva vuttaṃ, na na calatī”**ti tatiyavikappo calanāvadhāraṇo vutto.

Lokuttarakusalapakiṇṇakakathāvaṇṇanā niṭṭhitā.

Paṭhamamaggavīsati mahānaya vaṇṇanā

357. Jhānamaggādipariyāyehi kathite bojjanakāti adhippetā, visesato pubbabhāge “jhānaṃ bhāvēmi maggaṃ bhāvēmi”³ti pavattajjhāsayaṃ hontīti adhippāyena **“yassa pubbabhāge”**ti-ādimāha.

1. Nāyaṃ (Ka)

2. Khu 1. 6, 313 piṭṭhesu.

3. Abhi-Ṭṭha 1. 280 piṭṭhe.

385. **Upanissayavasenā**ti tathā cittappavattisaṅkhātena pubbhāgābhisaṅkhārena. Tenevāha “**yassa hī**”ti-ādi. **Tadanurūpabalā**ti adhipatipaccayaalābhena sattivisesayogamāha. Yadi pubbhāgābhisaṅkhāravasena chandādīnaṃ adhipatibhāvo, kimatthameteveva evaṃ vuttā, nanu saddhādīnampi pubbhāgābhisaṅkhāro labbhatīti āha “**sesadhammānan**”ti-ādi. **Atamsabhāvattā**ti sampayuttehi sātisayamanuvattitabbabhāvarahitattā. Kiñcāpi hi saddhādayopi indriyapaccayatāya sampayuttehi anuvattayanti, ekasmiṃ pana cittuppāde samadhurena aññena vinā sampayuttehi anuvattanīyabhāvo na tesāṃ yathā chandādīnanti teyeva adhipatibhāvena vuttā. Evañca katvā indriyasahajātādhipatipaccayānaṃ viseso pariyyatto hoti.

Catumagganayasahassavaṇṇanā

362. **Mānassa diṭṭhisadisā pavatti**. Tathā hi so adhipati viya aññādhipatinā diṭṭhiyā saha nappavattatīti. **Ekadesa -pa- upamā hoti**, na sabbasāmaññaena, itarathā sūriyatthaṅgamane andhakārāvattaraṇaṃ viya aggamaggatirodhāne saccapaṭicchādakatamappavatti āpajjeyyāti adhippāyo. **Aññamaññanti** aññe aññe. “**Ānītaṃ idaṃ suttan**”ti vibhatti pariṇāmetabbā. **Yathāvuttanayenā**ti imissā aṭṭhakathāyaṃ vuttanayena. **Na upamāya vuttattā**ti imasmim̐ sutte na upamāya vuttabhāvato. **Yathāvuttanayenā**ti vā etasmim̐ sutte vuttappakārena nayena imissā aṭṭhakathāyaṃ upamāya na vuttattā. **Avayavā viya honti**, yena te cetasi niyuttā, cittassa eteti ca **cetasikā**ti-ādinā vuccanti, na pana “**phassikā**”ti-ādināti daṭṭhabbam̐.

Kusalakathāvaṇṇanā niṭṭhitā.

Akusalapada dhammuddesavāra

Paṭhamacittavaṇṇanā

365. Khaṇattayassa akusalesu asambhavato samavāyākālahetusamūhattho **samaya**-saddo. Lobhābhībhūtāya eva iṭṭhārammaṇasmim̐

itaratra ca iṭṭhākāraggaḥavasena somanassasahagatabhāvoti evamādim sandhāya “**yathānurūpan**”ti vuttaṃ. “Kilesāturatāya anārogyaṭṭhena kilesavajjasabbhāvato sāvajjaṭṭhena avijjāsambhūtāya akosalyasambhūtaṭṭhena akusalan”ti ca “sāvajjadukkhavipākakalakkhaṇaṃ, anattahajananasam, saṃkilesapaccupaṭṭhānaṃ, ayonisomanasikārapadaṭṭhānaṃ, gārayhabhāvato vā sāvajjalakkhaṇaṃ, saṃkilesabhāvarasaṃ, aṇiṭṭhavipākapaccupaṭṭhānaṃ, yathāvuttapadaṭṭhānamevā”ti ca evamādinā vuttanayena anugantabbatāya vuttaṃ “**vuttanayaṃ anugantvā**”ti.

Gataṃ gamanaṃ pavattīti katvā vuttaṃ “**gatamattaṃ gatimattaṃ gahaṇamattaṃ**”ti. Diṭṭhiyā hi gati pavatti evāti. **Āsannakāraṇattāti** padaṭṭhānatāya. Yonisomanasikāro viya hi kusalassa ayonisomanasikāro akusalassa accāsannahetu. Tathā hi satipi asaddhammasavanādikāraṇe ayoniso anāvajjite avavatthāpīte ca natthi akusalappavatti. Tathā ca vakkhati **aṭṭhakathāyaṃ** “ayoniso akusalan”ti. Etena ekantakāraṇatā ca vuttatthā hoti. Paṭisaṅkhā sītādikhamaṇaṃ appamādavihāroti vuttaṃ “**appamajjanaṃ khamanaṃ**”ti. Tena satisaṃvaroti idha khantisaṃvaro vuttoti adhippāyo indriyasamvarassa vuttattā. **Pahānasamvaroti vīriyasamvaro**. So hi “uppannaṃ kāmavitakkaṃ nādhivāseti pajahatī”ti-ādinā¹ vuttoti.

Sammāpaṭipattiyā paṭipakkhabhāvena gahetabbatākāro moho **sammāpaṭipattipaṭipakkhabhāvaggahaṇākāro**. Tena hi nivutā na sammā paṭipajjanti. Abhiṃjhāya visesayogo **kammaphappatti**.

Anupaparikkhā moho. So cettha diṭṭhirahito veditabbo. Diṭṭhisahitassa pana diṭṭhiyā anuvidhāyakattā taggaḥaṇeneva gahaṇanti. **Avatthusminti-**asaddahanīye vatthusmiṃ. **Sānunayo adhimokkhoti** mohadiṭṭhīnaṃ saddhāpatirūpatamāha. Ahirikānottappamohādīhi pamajjanato **ahirikādīhi** kāraṇehi. **Ārakkharahitacitteti** cittassa sativirahataṃyeva dasseti. **Ārakkhapaccupaṭṭhānā** hi satīti. Etena “assaddhiyacitte andhabālacitte”ti padadvayaṃ vuttatthaṃ hoti. **Upanāhādīti**

1. Ma 1. 14; Am 1. 323; Am 2. 342 piṭṭhesu.

ādi-saddena rāgādayo saṅgayhanti. Rāgādīnaṃ pariyuṭṭhānādisabhāvatāya “**avisesenā**”ti vuttaṃ visesassa ekaccassa asambhavato. **Idhāti**, imasmim̐ citte. **Nippādetabbe payojane bhummaṃ** “cammasmim̐ dīpinaṃ hantī”ti¹ viya **ārammaṇaṃ vā avūpasamo** phalūpacārena “semho guḷo”ti viya.

Dhammuddesavāra-kathāvaṇṇanā niṭṭhitā.

Niddesavāra-kathāvaṇṇanā

390. Sabhāvapaṭicchādavasena pakati-attādi-asantaggahaṇassa nissayattā nimittattā **asantaṃ bujjhati**, niccādivisamaggahaṇassa saññādivipariyesassa nissayattā **asamaṃ bujjhatī**ti moho vutto nimittassa kattubhāvena upacāritattā, ayaṅca attho diṭṭhisahitamohavasena daṭṭhabbo. Ettha ca **pakatī**ti kāpilānaṃ padhānaṃ.

Tatīyacittavaṇṇanā

400. Apaṇṇakapadaṃ viya avirajjhanakapadampi kadāci niyatabhāvaṃ dīpeyyāti aniyatataṃ dīpetuṃ “**uppatti-araḥaṅgānī**”ti vuttaṃ mānassa aniyatattā. Yadi hi māno niyato siyā, kāmarāgassa mānarahitā pavatti na siyā, tathā bhavarāgassa. Evaṃ sati paṭṭhāne catukkhattuṃ kāmarāgena yojanā na siyā, tikkhattumyeva siyā, bhavarāgamūlikā ca na siyā, evaṅca saṃyojanānaṃ saṃyojanehi aṭṭhavidhena yojanā siyā, na dasavidhā dassitāti yathāvuttāhi yojanāhi mānassa aniyatabhāvo pakāsito. Atha vā mānena saddhim̐ pañca honti yathāvuttāni apaṇṇakaṅgāni, kiṃ pana hontīti apekkhāyaṃ yevāpanakāti viditovāyamattho. Yevāpanakānaṃ hi pañcabhāvo idha vidhīyati, na apaṇṇakaṅgānanti so yathā hoti, tathā yojetabbaṃ. Kilesaduke paṭicavārādīsu “kilesaṃ dhammaṃ paṭicca kilesa dhammo uppajjatīhetupaccayā ti-ādīsu”² “lobhaṃ paṭicca moho māno thināṃ uddhaccaṃ ahirikaṃ anottappaṃ. Lobhaṃ paṭicca moho māno

1. Vajira-Ṭī 57 piṭṭhepi.

2. Abhi 11. 1 piṭṭhe Paṭṭhāne.

uddhaccaṃ ahirikaṃ anottappaṃ. Lobhaṃ paṭicca moho thināṃ uddhaccaṃ ahirikaṃ anottappaṃ. Lobhaṃ paṭicca moho uddhaccaṃ ahirikaṃ anottappaṃ”ti¹ vibhattattā **“tathā kilesadukepi”**ti vuttaṃ. Diṭṭhivippayuttasasaṅkhārīkāsaṅkhārīkacittavasena hi ayaṃ pāṭhabhedoti.

“Kāmarāgo catudhā ekato uppajjati, paṭigho tidhā, māno ekadhā, tathā vicikicchā bhavarāgoti uddisitivā kāmarāgo mānasamyojana-avijjāsamyojanehi ceva avijjāsamyojanamatteneva ca saddhim māno bhavarāgāvijjāsamyojanehi saddhim bhavarāgo avijjāsamyojanena saddhin”ti **atṭhakathākaṇḍavaṇṇanāyam**² vakkhamānattā **“idha ca vakkhati”**ti-ādi vuttaṃ. Tattheva “lobho chadhā ekato uppajjati, paṭigho dvedhā, tathā moho”ti³ uddisitivā “lobho asaṅkhārīko diṭṭhivippayutto moha-uddhacca-ahirikānottappehi, asaṅkhārīko mohathina-uddhacca-ahirikānottappehi, asaṅkhārīko eva mohamāna-uddhacca-ahirika-anottappehi, asaṅkhārīko eva ca mohamānathina-uddhacca-ahirika-anottappehi”ti³ vakkhamānattā **“hathā dasavidhā kilesānan”**ti vuttaṃ. “Ahan”ti gahaṇatāya avamkatvā gahaṇampi **“sampaggaho”**ti vuttaṃ.

Catutthacittavaṇṇanā

402. **Ussāhaṃ janentāti** ettha cittapayogasaṅkhāto saṅkhāro eva ussāho, na vīriyussāhoti.

Navamacittavaṇṇanā

413. **Visappanāniṭṭharūpasamuṭṭhānaṃ** yena kupitassa sakalasarīraṃ kampati, kupitākāro paññāyati. Etena sampatti-attho raso dassito hoti, pavatti-ākāravasena vā visappanaraso. Tathā hi yassa kuppati, tassa amittassa sampatti yebhuyyena paṭighuppattihetu hotīti. Etena kiccattho raso vutto hotīti.

418. **Vacanatthameva** vacanapariyāyameva.

1. Abhi 11. 1 piṭṭhe Paṭṭhāne.

2. Abhi-Ṭṭha 1. 451 piṭṭhe.

3. Abhi-Ṭṭha 1. 452 piṭṭhe.

Ekādasamacittavaṇṇanā

424. **Nicchayābhāvā**ti adhimokkhābhāvā. **Asaṅṭhahanatoti** antānavasena ekasmim ārammaṇe anavaṭṭhānato.

Dvādasamacittavaṇṇanā

429. Sahajātādhipati natthi “chandavato ce vicikicchā uppajjati, sā mayhaṃ uppajjeyyā”ti-ādippavattiyā abhāvā. **Anuddhaṭattā paṭisiddhatā**, yathādhammasāsane avacanampi abhāvaṃ dīpeti.

Avacanatoti a-kārassa tadaññavacanataṃ dasseti. Etena ca dassanena pahātabbesu abhāvavacanena kāraṇasiddhiyā phalasiddhīti tattha abhāvassa kāraṇameva tāva dassetuṃ “**paṭisandhi-anākaḍḍhanato**”ti vuttaṃ. Tena taṃsabhāvātā tassa cittuppādassa vuttā hoti. Tatoca “balavaṃ paṭisandhiṃ ākaḍḍhati, dubbalaṃ nākaḍḍhati”ti idaṃ paṭisandhidānasabhāvesu. Yassa pana paṭisandhidānasabhāvo eva natthi, na tassa balavabhāvo paṭisandhi-ākaḍḍhane kāraṇanti ayamatto dassito hoti. Anākaḍḍhanaṃ sādheti “yadi hi ākaḍḍheyā”ti-ādinā. Yasmā ca nāgataṃ, tasmā nākaḍḍhatīti adhippāyo. “Yasmā pana taṃ paṭisandhidānaṃ natthi, tasmā nāgatan”ti vuttattā “**anākaḍḍhanato anāgamaṃ sādhetun**”ti vuttaṃ.

Apāyagamanīyassāti apāyaṃ gametīti apāyagamanīyaṃ, taṃsabhāvanti attho. Paṭisandhi-ākaḍḍhane sati uddhaccasahagataṃ ekantena apāyagamanīyaṃ siyā. Tena vuttaṃ **aṭṭhakathāyaṃ**¹ “itarassāpi ettheva paṭisandhidānaṃ bhaveyyā”ti. Na hi akusalapaṭisandhi sugatiyaṃ sambhavatīti. “Catūhi apāyehi ca vippamutto² avinipātadhammo”ti³ vacanato apāyagamanīyaṃca dassanena pahātabbaṃ. Tenāha “apāyagamanīyassa dassanena pahātabbattā”ti. Na cetam dassanena pahātabbaṃ, na so tassa apāyagamanīyo rāgo doso moho tadekaṭṭhā ca kilesāti etena saṅgahoti sakkā vattum niyogato bhāvanāya pahātabbabhāvena vuttattā. Vuttañhetam “katame dhammā bhāvanāya pahātabbā, uddhaccasahagato cittuppādo”ti⁴.

1. Abhi-Ṭṭha 1. 302 piṭṭhe.

3. Saṃ 1. 297; Saṃ 3. 299, 311 piṭṭhesu.

2. Khu 1. 6, 314 piṭṭhesu.

4. Abhi 1. 269 piṭṭhe.

“Kusalākusalaṃ kammaṃ vipākānaṃ khandhānaṃ kaṭattā ca rūpānaṃ kammaṃ paccayena paccayo”¹ti vuttakammaṃ paccayabhāvo nānākkhaṇikakammaṃ paccayabhāvo. So ca yadi uddhaccasahagataṃ paṭisandhiṃ ākaḍḍheyya, tassāpi siyā. Tathā ca sati uddhaccasahagataṃ dassanena pahātabbaṃ siyā dassanena pahātabbānaṃ yeveva nānākkhaṇikakammaṃ paccayabhāvassa vuttattā. **Na cetam dassanena pahātabbanti** sabbaṃ pubbe viya āvattati.

Sahajātaṃ eva vibhattanti yathā dassanena pahātabbavibhaṅge “dassanena pahātabbo dhammo neva dassanena na bhāvanāya pahātabbassa dhammassa kammaṃ paccayena paccayo”²ti saḥajātaṃ nānākkhaṇikanti uddisitvā “saḥajātā dassanena pahātabbā cetanā cittasamuṭṭhānānaṃ rūpānaṃ kammaṃ paccayena paccayo, nānākkhaṇikā dassanena pahātabbā cetanā vipākānaṃ khandhānaṃ kaṭattā ca rūpānaṃ kammaṃ paccayena paccayo”²ti vibhattaṃ, evaṃ avibhajitvā “bhāvanāya pahātabbā cetanā cittasamuṭṭhānānaṃ rūpānaṃ kammaṃ paccayena paccayo”³ti ettakameva vuttaṃ, na vuttaṃ “nānākkhaṇikā cetanā vipākānaṃ khandhānaṃ kaṭattā ca rūpānaṃ kammaṃ paccayena paccayo”⁴ti. Tena na bhāvanāya pahātabbassa nānākkhaṇikakammaṃ paccayabhāvoti viññāyati. **Paccanīyepi** yathāsambhavaṃ saṅgāhakaṃ paccayānaṃ vasena paccayuddhāre kariyamāne. **Itaratta cāti** dassanena pahātabbapade. Tattha hi “dassanena pahātabbo dhammo neva dassanena na bhāvanāya pahātabbassa dhammassa ārammaṇapaccayena paccayo, saḥajāta-
upanissayapaccayānaṃ kammaṃ paccayena paccayo”⁴ti kammaṃ paccayopi vuttoti.

Tadabhāvāti nānākkhaṇikakammaṃ paccayattābhāvo. Na ca nānākkhaṇikakammaṃ paccayam vinā paṭisandhi-ākaḍḍhanaṃ atthīti “**paṭisandhi-anākaḍḍhanato tattha anāgatā**”¹ti vuttaṃ. **Etthāti** “ṭhapetvā uddhaccasahagataṃ sesāni ekādaseva paṭisandhiṃ ākaḍḍhantī”²ti ettha. **Pavattivipākassāti** pavattiyam vipāko pavatti-ekadesatāya pavattibhūto vā vipāko etassāti **pavattivipākam**, kammaṃ, tassa. Atha vā pavattiyam vipāko pavattivipāko. Imasmim pana atthe nānākkhaṇikakammaṃ paccayo etassāti nānā -pa- yo, **tabbhāvo -pa- tāti** evaṃ padacchedo daṭṭhabbo. **Na sakkā nivāretum** nānākkhaṇikakammaṃ paccayam vinā vipākassa anuppajjanato.

1. Abhi 8. 154 piṭṭhe.

3. Abhi 9. 172 piṭṭhe.

2. Abhi 9. 171 piṭṭhe.

4. Abhi 9. 159 piṭṭhe.

Idāni pavattivipākānaṃ nānākkhaṇīkakkammaṃpaccayaḷābhīṭāya āhaccabhāsītatāṃ dassetuṃ “**vuttañcā**”ti-ādimāha. Vipākādānaṃ paṭīsandhīvipākadhammatāti maññamāno “**yadi bhāvanā**”ti-ādimāha. Itaro vipākādānābhāvepi siddho vipākadhammabhāvo tādisānaṃ aññesampi labbhamānattāti āha “**abhiññācittādīnaṃ**”ti. **Ādi**-saddena attano kālamatikkantaṃ diṭṭhadhammavedanīyaṃ upapajjavedanīyaṃca saṅgaṇhāti. **Vuttaṃ siyāti** idaṃ saḥāyapaccayaḷābhato puthujjanasantānavuttino uddhaccasahagatassa vipākuppādanaṃ, tadabhāvā sekkhasantatiyaṃ tassa vipākānuppādanaṃca yuttaṃ siyāti vuttaṃ. Tenevāha “**idaṃ pana ṭhānaṃ suṭṭhu vicāretabban**”ti-ādi. Tathā ca vakkhati “puthujjanesu uppajjamānānaṃ sakabhaṇḍe chandarāgādīnaṃ uddhaccasahagatacittuppādassa ca saṃyojanattayatadekaṭṭhakilesānaṃ anupacchinatāya aparikkhīṇasahāyānaṃ vipākuppādanaṃ na sakkā paṭikkhipitunti uddhaccasahagatadhammānaṃ vipāko vibhaṅge vutto”ti. Tassa tādisasseva satī saḥāye vipākuppādanavacanaṃ, asatī vipākānuppādanavacanaṃ virujjhatīti ca pavattivipākādāyikaṃ vā uddhaccasahagatassa manasi katvā “**vuttaṃ siyā**”ti vuttaṃ. “Pavattivipākāñhisandhāya ‘tesaṃ vipāke ñāṇaṃ’ti **paṭīsamḃhidāvibhaṅge**¹ vuttan”ti eke vaṇṇayanti. Evaṃ uddhaccacetanāpi na hoti, sāpi viññāṇapaccayaḷābhāve apānetabbāti idampi paṭīsandhīviññāṇameva sandhāya vuttanti.

Akusalapadavaṇṇanā niṭṭhitā.

Abyākatapada ahetukakusalavipākavaṇṇanā

431. **Kāmāvacara -pa-** ādi vuttanti ettha **ādi**-saddena “upacitattā”ti padaṃ saṅgayhati “asādhāraṇakammaṃpaccayaḷāvasenā”ti vuttattā. “**Upacitattā**ti laddhāsevanattā”ti keci vadanti, taṃ paṭhamajavanassa na yujjati anāsevanattā. Tathā ca satī tassa vipākādānameva na siyāti tato aññathā atthaṃ dassento “**yathā**”ti-ādimāha. Tattha **vipākābhīmukhanti** vipākādānābhīmukhaṃ katokāsaṃ. Katokāsatā ca anādimhi saṃsāre anekesaṃ kammānaṃ katānaṃ atthīṭāya parassa paṭībāhanena hotīti “**aññassa vipākāṃ paṭībāhitvā**”ti-ādi vuttaṃ.

1. Abhi 2. 309 piṭṭhe.

Vaḍḍhitatā ca sakamassa baladānasamatthatāvasena attano kāraṇehi abhisankhatatā. **Asādhāraṇena nāmaṃ uddhaṭaṃ** “bherisaddo yavaṅkuro”ti yathā. **Viññāṇānanti** cakkhuviññāṇādīnaṃ. **Visesapaccayattāti** adhikapaccayattā.

Cakkhusannissitaṅca taṃ rūpavijānanañcāti etena samānādhikaraṇataṃ samāsassa dassento tattha ca “**cakkhusannissitaṃ**”ti-ādi padadvayassa nīluppasaddādīnaṃ viya aññamaññavisesanavisesitabbabhāvamāha. **Aññaviññāṇanti** rūpārammaṇaṃ manoviññāṇaṃ. Rūpaṃyevārammaṇanti pana atthe dibbacakkhuviññāṇaṃ daṭṭhabbaṃ taṃsadisānaṃ tadupacāraṃ katvā yathā “sā eva tittirī tāni eva osadhānī”ti. **Jhānapaccayattābhāve na jhānaṅgatā natthīti**¹ pañcaviññāṇesu upekkhādīnaṃ upacaritajhānaṅgataṃ sādheti. Na hi jhānaṅgānaṃ jhānapaccayataṃ vatvā tesāṃ jhānapaccayabhāvo paṭikkhittoti. Yadi evaṃ pañcaviññāṇesu upekkhādayo jhānarāsītthāne na vattabbā siyunti āha “**jhānapaccayattābhāve**”ti-ādi. **Upekkhādibhāvato**ti upekkhāsukhadukkhekaggatābhāvato. **Aññatthānābhāvato**ti cittaṭṭhitim eva sandhāya vuttaṃ.

436. Akusalaṃ bhavaṅganissandena “**paṇḍaraṇa**”ti vuccati, bhavaṅge apaṇḍare taṃmūlikā kuto akusalassa paṇḍaratāti “**akusalassa cā**”ti vuttaṃ. **Paṇḍaratāya kāraṇaṃ vattabbam**, yadi aññakāraṇā paṇḍaratā, **sabhāvovāyanti** cittassa akilesasabhāvatāya vuttaṃ, na cettha phassādīnampi paṇḍaratāpatti. Yato dhammānaṃ sabhāvakkiccavisesaññunā bhagavatā viññāṇaṃyeva tathā niddiṭṭhanti.

439. **Anatikkamanena** bhāvanāya. Pasādaghāṭṭanaṃ visayassa yogyadese avaṭṭhānanti “**pasādaṃ ghaṭṭetvā āpāthaṃ gantvā**”ti vuttaṃ. **Mahābhūtesu paṭihaññatīti** ettha na sayāṃ kiñci paṭihaññati, nāpi kenaci paṭihaññīti aphoṭṭhabbasabhāvattā. Visayavisayībhūtaṃ pana abhimukhabhāvappattiyā viññāṇupattiyā hetutāya visiṭṭhabhāvappattaṃ paṭihatapaṭighātakabhāvena voharīyati, tasmā tesu sappatighavohāro. “Upādārūpaṃ ghaṭṭetīti evamādi ca upacāravaseneva veditabbam. “Mahābhūtārammaṇena

1. Atthīti (Mūlaṭīkāyaṃ)

pana kāyappasādanissayabhūtesu mahābhūtesu ghaṭṭiyamānesu pasādopi ghaṭṭito eva nāma hotīti vatvā vīmaṁsitabban”ti vadanti. Yathādhīppetena ekadesasāmaññaena upamāvacanato nissitanissayaghaṭṭanānaṁ satipi pubbāparabhāve upamatte upamābhāvena gahetabbabhāvaṁ dassento “ubhayaghaṭṭanadassanattan”ti āha.

455. **Dassanādippavattibhāvato**ti manodhātumanoviññādhātūnaṁ adassanādītāya sā etesaṁ eva vireso. **Aññanissayamanopubbaṅgamatāyāti** aññanissayamanopubbaṅgamattābhāvato. **Aññanissayaviññāṇassa anantarapaccayattābhāvenāti** iminā kiriyāmanodhātutopi viresassa vuttattā “**manodvāraniggamanamukhabhāvābhāvato**”ti vuttaṁ, na vuttaṁ “**niggamanapavesamukhabhāvābhāvato**”ti. Tividhenapi hi manodhātuvīññādhātūhi manoviññādhātuyā vireso dassitoti. **Tato eva** vijānavisesavirahato yeva. Yadi manodhātu “**manoviññāṇan**”ti na vuccati, chaviññāṇakāyāti kathaṁ manodhātuyā tattha saṅgaho hotīti? Saṅgaho eva pariyāyadesanattā. Atthi hi esa pariyāyo “**mananamattam viññāṇam manoviññāṇan**”ti yathā “**mananamattā dhātu manodhātū**”ti. Apica vatthukiccehi manoviññāṇasabhāgattā tassa uparamuppādabhāvato antodibhāvato ca manoviññāṇakāyasaṅgahitā manodhātu, na sesaviññāṇakāyasaṅgahitā atamsabhāgattā, idha pana nippariyāyakatattā manaso sambhūya viṣṭhamanokiccayuttaṁ manoviññāṇanti tadabhāvato “**manoviññāṇantipi na vuccatī**”ti imamevattham sādhetuṁ “**na hi taṁ viññāṇam manato**”ti-ādi vuttaṁ. Tena manodhātuyā nippariyāyato manoviññāṇakiccavirahamyeva dasseti. **Dassanādīnam panāti**-ādinā aññaviññāṇavidhuram manodhātuyā ca sabhāvaṁ dasseti.

Yadi janakasadisatā nāma mahāvīpākesu vitakkādīnam sammāsaṅkappādītā, tihetukato nibbattānaṁ tihetukānaṁ, duhetukato nibbattānaṁ duhetukānaṁca bhavatu sammāsaṅkappādītā, tihetukato pana nibbattaduhetukānaṁ kathanti āha “**tattha hī**”ti-ādi. **Taṁsotapatitā na siyā** tassā anānantarattā. **Tato eva hīti**-ādinā vuttasotapatitam evānantarena vacanena samatthayati. Yadi

vijjamānānampi manodhātu-ādīsu vitakkapaḍīnaṃ pañcaviññāṇesu viya aḡaṇanūpagabhāvo, evaṃ sante paṭṭhāne kathāṃ tesāṃ jhānapaccayatāvacaṇaṃ. “Abyākato dhammo abyākatassa dhammassa jhānapaccayena paccayo”¹, “vipākābyākatāni kiriyābyākatāni jhānaṅgāni sampayuttakānaṃ khandhānaṃ cittasamuṭṭhānānaṃ rūpānaṃ jhānapaccayena paccayo”¹ hi vuttaṃ. Paccanīyepi “abyākataṃ dhammaṃ paṭicca abyākato dhammo uppajjati na jhānapaccayā, pañcaviññāṇasahitaṃ ekaṃ khandhaṃ paṭicca tayo khandhā”² ti-ādīna² pañcaviññāṇāni eva uddhaṭāni, na manodhātu-ādīnīti āha “**jhānapaccayakiccāmattato**”³ ti-ādi. Na hettha jhānaṅgānaṃ balavadubbalabhāvo adhikato, atha kho jhānapaccayabhāpamattanti adhippāyo.

469. **Samānavatthukaṃ anantarapaccayaṃ labhivāti** dassanādito manodhātuyā ca balavabhāve kāraṇavacaṇaṃ. **Yathārammaṇanti** ārammaṇānurūpaṃ. Yadi samānanissayatāya manodhātuto balavatarattaṃ vipākamanoviññāṇadhātuyā somanassasahagatāya, voṭṭhabbanāṃ kathāṃ majjhattavedananti anuyogaṃ manasi katvā tassa balavabhāvaṃ sampācchitvā santatipariṇāmanabyāpāravisesā na somanassavedananti parihāraṃ vadanto “**voṭṭhabbanan**”³ ti-ādīmāha. **Vipāko viya anubhavanameva na hotīti** sati samatthatāya vipākānaṃ ekantena ārammaṇarasānubhavanatāya vuttaṃ.

Ahetukakusalavipākavaṇṇanā niṭṭhitā.

Aṭṭhamāvipākacittavaṇṇanā

498. Vipākadharmānaṃ kammadvāraṃ vuttaṃ **dvārakathāyaṃ** “tebhūmakakusalākusalo ekūnatimsavidho mano”³. **Payogenāti** attanā parehi vā katena ussāhanapayogena. **Kusalākusalāni viya** yesaṃ taṃ tadārammaṇaṃ anubandhabhūtaṃ. Paṭhamapañcamacittānaṃ aññamaññabalavadubbalabhāvavicāreṇa dutiyachāṭṭhādīnampi so vicārito hotīti “**etesu balavaṃ dubbalaṃ vicāretun**”³ ti vuttaṃ. Yathā sāli-ādīnaṃ thaddhamudubhūmivasena

1. Abhi 8. 158 piṭṭhe.

2. Abhi 8. 37 piṭṭhe.

3. Abhi-Ṭṭha 1. 130 piṭṭhe.

tiṇḍādināṃ aṇīharaṇaṇīharaṇavasena utu-ādi-avasesapaccayānaṃ vipattisampattivasena ca phalavisesayogo, evaṃ kammassa sugatiduggativasena avisuddhavisuddhapayogavasena upapattiyā vipattisampattivasena ca viṣiṭṭhaphalatāya pariṇamaṇaṃ, evameva gimhavassakālādīsu bījānaṃ phalavisesayogo viya taṃtaṃkālavisesena kammassa phalavisesayogo hotīti āha “**kālavasena pariṇamati**”ti. **Sukkasoṇitapaccayānanti** kammavisesaparibhāvītasantānuppannatāya sukkasoṇitānaṃ āyuvīsesahetubhāvamaḥha sukkasoṇitavasenaṇi vaṇṇādivīsesadassanato, tena “pitūnaṃ ākāraṃ putto anuvidahatī”ti vuccati. **Tammūlakānanti** appāyukasaṃvattaniyakammamūlakānaṃ. **Āhārādīti ādi-**saddena visamūpakkamādayo pariggaṇhāti.

Vipākuddhārahakathāvaṇṇanā

Yato tihetukādīkammato. **Yasmkiṇca ṭhāneti** paṭisandhi-ādiṭṭhāne, sugatiduggatīyaṃ vā. **Tihetukato duhetukaṃ anicchanto** paṭisandhīnti adhippāyo. Pavattīvipākāṃ pana tihetukato duhetukampi icchatī eva. Tathā hi vakkhati **aṭṭhakathāyaṃ**¹ “yaṃ purīmāya hetukittanaladdhiyā na yujjati”ti.

Ye “tasseva kammassa vipākāvasesenā”ti, “ekapupphaṃ yajitvāna, asīti kappakoṭīyo. Duggatīṃ nābhījānāmi”ti² ca evamādivacanassa adhippāyaṃ ajānantā “kiṃ nu kho ekenapi kammaṇaṃ anekā paṭisandhi hotī”ti, “disvā kumāraṃ satapuññalakkhaṇaṃ”ti-ādivacanassa³ atthaṃ asallakkhetvā “kinnu kho nānākammehi ekā paṭisandhi hotī”ti saṃsayapakkhanda, tesāṃ bījaṅkuropamāya “ekasmā ekā, anekasmā ca anekā paṭisandhi hotī”ti vinicchitattā kammaṇapaṭisandhivavattānato sāketaṇaṃ he vipākuddhārahakathāya ussadakittanaḡaṇassa sambandhaṃ āha “**kammavasena -pa- dassetun**”ti. Paṭisandhījanakakammavasena paṭisandhīvipāko eva alohalobhādīḡuṇadosātīreka bhāvahetūti attho daṭṭhabbo. Tathā hi vuttaṃ “so tena kammaṇaṃ dīnnaṇapaṭisandhīvasena nībbatto luddho hotī”ti-ādi. Ettha ca lobhavasena, dosa,

1. Abhi-Ṭṭha 1. 327 piṭṭhe.

2. Khu 2. 240; Khu 4. 37 piṭṭhesu.

3. Dī 3. 122 piṭṭhe.

moha, lobhadosa, lobhamoha, dosamoha, lobhadosa-mohavasenāti tayo ekakā, tayo dvikā, eko tikoti lobhādidassanavasena akusalapakkheya satta vārā. Tathā kusalapakkhe alobhādidassanavasenāti cuddasa vārā labbhanti.

Tattha “alobhadosa-mohā, alobhadosa-mohā, alobhadosa-mohā balavanto”ti āgatehi kusalapakkhe tatiyadutiya-ṭhamavārehi dosussadamohussadadosamohussadavārā gahitā. Tathā akusalapakkhe “lobhadosa-mohā, lobhadosa-mohā, lobhadosa-mohā balavanto”ti āgatehi tatiyadutiya-ṭhamavārehi adosussada-amohussada-adosamohussadavārā gahitāyevāti akusalakusalapakkhe tayo tayo vāre antogadhe katvā aṭṭheva vārā dassitā. Ye pana ubhayesaṃ vomissatāvaseneva lobhālobhussadavārādayo apare ekūnapaññāsa vārā dassetabbā, te asambhavato eva na dassitā. Na hi ekasmiṃ santāne antarena avatthantaraṃ lobho balavā alobho cāti yujjati. Paṭipakkhatoyeva hi etesaṃ balavadubbalabhāvo, saha-jātadhammato vā. Tesu lobhassa tāva paṭipakkhato alobhena anabhibhūtātāya balavabhāvo, tathā dosamohānaṃ adosa-mohehi. Alobhādīnaṃ pana lobhādi-abhibhavanato sabbesañca samānajātiyaṃ samabhibhūya pavattivaseneva saha-jātadhammato balavabhāvo. Tena vuttaṃ **aṭṭhakathāyaṃ** “lobho balavā, alobho mando, adosa-mohā balavanto, dosamohā mandā”ti. So ca tesāṃ mandabalavabhāvo purimūpanissayato āsayassa paribhāvitātāya veditabbo. Ettha ca paṭhamadutiyehi, sattama-ṭhamehi vā vārehi tihetukakammato paṭisandhipavattivasena tihetukavipāko, itarehi tihetukaduhetukakammato yathā-sambhavaṃ paṭisandhipavattivasena duhetukāhetukavipākā dassitāti ayampi viseso veditabbo.

Idhāti vipākuddhāramātikāyaṃ. Tena hetukittanaṃ viseseti. **Jaccandhādivipattinimittaṃ** moho, sabbākusalaṃ vā. Yaṃ pana vuttanti sambandho. **Tena** Paṭisambhidāmaggavacanena. **Gatisampattiyā** sati **ñānasampayutte**

paṭisandhimhi nipphādetabbe. **Aññatthā**ti nikantipaṭisandhikkhaṇesu. **Kammasarikkhakoti** idha sātisayo sarikkhabhāvo adhippetoti daṭṭhabbo. Itarathā tihetukaduhetukāpi aññamaññaṃ sarikkhāyevāti dassitametanti. **Cakkhuvīññānādīnī**ti ettha pañcaviññāṇāni viya apubbanissayapavattinī vijānanavisesarahitā ca manodhātu iṭṭhādibhāgaggahaṇe na samatthāti “pākaṭāyevā”ti na vuttā, **ādi**-saddena vā saṅgahitā.

Tadārammaṇapaccayasabbajavanavatāti tadārammaṇassa paccayabhūtasakalajavanappavattisahitena. Yam sandhāya “idha paripakkattā āyatanānan”ti vuttaṃ. **Aññakā**leti abuddhipavattikāle.

Anulometi dhammānulome. **Āsevanapaccayā**ti āsevanabhūtā paccayā. **Na magge** amaggapaccaye. **Sopi moghavāro labbheyyā**ti yadi voṭṭhabbanampi āsevanapaccayo siyā, yathā “sukhāya vedanāya sampayuttaṃ dhammaṃ paṭicca sukhāya vedanāya sampayutto dhammo uppajjati āsevanapaccayā¹ na maggapaccayā”² anulomapaccanīye, paccanīyānulome ca “sukhā -pa- na maggapaccayā āsevanapaccayā”ti ca vuttaṃ hasituppādacittavasena, evaṃ voṭṭhabbanavasena “adukkhamasukhāya vedanāya sampayuttaṃ dhammaṃ paṭiccā”ti-ādinā pubbe vuttanayena pāṭho siyā, tathā ca sati vāradvayavasena gaṇanāyam “āsevanapaccayā na magge dve. Na maggapaccayā āsevane dve”ti ca vattabbaṃ siyā, na pana vuttaṃ, tasemā na labbheyyāyam moghavāroti adhippāyo.

Voṭṭhabbanampi yadi āsevanapaccayo siyā, dutiyamoghavāre attano viya tatiyacatutthavāresupi siyā, tathā sati-attanāpi kusalākusalānaṃ siyā. **Na hi -pa- avutto atthi** “purimā purimā kusalā dhammā”ti-ādinā anavasesato vuttattā. **Voṭṭhabbanassa -pa- avutto** “abyākato dhammo kusalassa dhammassa āsevanapaccayena paccayo. Akusalassa -pa- paccayo”ti vacanābhāvato. Na kevalaṃ avutto, atha kho **kusalaṃ -pa- paṭikkhittova**. **Athāpi siyā**ti-ādi maggasodhanatthameva vuccati. Samānavedanānaṃ eva āsevanapaccayabhāvassa dassanato “**asamānavedanānaṃ vasenā**”ti vuttaṃ. **Evaṃ “āsevana-**

1. Abhi 8. 294 piṭṭhe.

2. Abhi 8. 298 piṭṭhe.

paccayena paccayo”**tipi vattabbaṃ siyā**, samānavedanāvasenāti adhippāyo. **Abhinna****jātikassa cāti ca-saddo** abhinnavedanassa cāti sampiṇḍanatto. Vedanāttikepi voṭṭhabbanassa āsevanapaccayattassa abhāvāti yojanā. Kusalattikādīsu yathādassitapāḷippadesesupīti sampiṇḍanatto **pi-saddo**. **Gaṇanāya** kāraṇabhūtāya gaṇanāya **niddhāriyamānāya** sati gaṇanāya vā abbhantare. **Dutiyo moghavāro vīmaṃsitabboti** āsevanapaccayattābhāvā javanaṭṭhāne ṭhātum na yujjati. Na hi vinā āsevanam javanappavatti atthīti adhippāyo.

Apicettha “yaṃ javanabhāvappattaṃ, taṃ chinnaṃlakarukkhapupphaṃ viyā”¹ vakkhamānattā anupacchinnabhavamūlānaṃ pavattamānassa voṭṭhabbanassa kiriyabhāvo na siyā, vutto ca “yasmim samaye manoviññāṇadhātu uppannā hoti kiriyā neva kusalā nākusalā na ca kammavipākā upekkhāsahagatā”², tasmā “javanaṭṭhāne ṭhatvāti javanassa uppajjanaṭṭhāne dvikkhattum pavattitvā, na javanabhāvenā”^{ti}, “āsevanam labhitvāti ca āsevanam viya āsevanam”^{ti} vuccamāne na koci virodho, vipphārikassa pana sato dvikkhattum pavattiyevettha āsevanasadisatā. Vipphārikatāya hi viññattisamuṭṭhāpakattañcassa vuccati. Vipphārikampi javanam viya anekakkhattum appavattiyā dubbalattā na nipariyāyato āsevanapaccayabhāvena pavatteyyāti na imassa pāṭhe āsevanattham vuttam, aṭṭhakathāyam pana pariyaṃyato vuttam yathā “phalacittesu maggaṅgam maggapariyaṃpannam”^{ti}. Ayamettha attanomati. Ayampi porāṇakehi asaṃvaṇṇitattā sādhuṃkaṃ upaparikkhitabbo.

Evañca katvāti voṭṭhabbanāvajjanānaṃ anantantarabhāvato “**āvajjanā**”**icceva vuttam**, voṭṭhabbanaṭṭhānepīti adhippāyo. **Tasmāti** yasmā voṭṭhabbanam āvajjanāyeva atthato upekkhāsahagatāhetukakiriyamanoviññāṇadhātubhāvato, tasmā. Tam āvajjanā viya sati uppattiyam kāmāvacarakusalākusalakiriyajavanānaṃ ekantato anantarapaccayabhāveneva vatteyya, no aññathāti adhippāyena “**voṭṭhabbanato**”^{ti}-ādimāha. **Catunnanti** muñchāmarāṇāsannavelādīsu mandībhūtavegatāya cattāripi javanāni uppajjeyyunti adhippāyena vuttam. **Ayametassa**

1. Abhi-Ṭṭha 1. 331 piṭṭhe.

2. Abhi 1. 141 piṭṭhe.

sabhāvoti ārammaṇamukhenapi cittaniyāmaṇyeva dasseti. Yadi pi “**javanāpāripūriyā -pa- yutto**”ti vuttaṃ, “**āvajjanādīnaṃ paccayo bhavituṃ na sakkoti**”ti pana vuttattā cittappavattivasena paṭhamamoghavārato etassa na koci viseso. Tenevāha “**ayampi -pa- retabbo**”ti. Paṭisandhicitteyeva pavattiyāṃ “bhavaṅgaṇa”ti vuccamāne na tassa hetuvasena bhedoti “sahetukaṃ bhavaṅgaṇaṃ ahetukassa bhavaṅgassa anantarapaccayena paccayo”¹ti na sakkā vattuṃ vuttañca, tasmā **sahetukaṃ bhavaṅganti** tadārammaṇaṃ vuttanti viññāyati.

Sabhāvakiccehi attano phalassapaccayabhāvo, sabhāvakiccānaṃ vā phalabhūtānaṃ paccayabhāvo **sabhāvakiccapaccayabhāvo. Appaṭisiddhaṃ daṭṭhabbanti** “duhetukasomanassasahagata-asaṅkhārikajavanāvasāne evā”ti imassa atthassa anadhippetattā. Yathā ca ahetukaduhetukapaṭisandhikānaṃ tihetukajavanāvasāne ahetukaduhetukatadārammaṇaṃ appaṭisiddhaṃ, evaṃ tihetukapaṭisandhikassa tihetukajavanānantaraṃ duhetukatadārammaṇaṃ duhetukapaṭisandhikassa ca duhetukānantaraṃ ahetukatadārammaṇaṃ appaṭisiddhaṃ daṭṭhabbaṃ. “Tihetukakammaṃ tihetukampi duhetukampi ahetukampi vipākāṃ deti”²ti hi vuttaṃ. **Paripuṇṇavipākassāti** imināpi tihetukajavanato yathāvuttatadārammaṇassa appaṭisiddhaṇyeva sādheti. Na hi paccayantarasāmaggiyā asati tadārammaṇaṃ sabbaṃ avipaccantaṃ kammaṃ paripuṇṇavipākāṃ hotīti. **Mukhanidassanamattameva** yathāvuttatadārammaṇappavattiyā avibhāvitattā. Tihetukādikammaṃ hi ukkaṭṭhasa tihetukakammaṃ soḷasa, itarassa dvādasa, ukkaṭṭhasseva duhetukakammaṃ dvādasa, itarassa aṭṭhāti evaṃ soḷasavipākacittādīni yojetabbāni. **Tasmāti** yasmā paripuṇṇavipākassa paṭisandhijanakakammaṃ vasena vipākavibhāvanāya mukhanidassanamattamevetāṃ, tasmā.

Evañca katvāti nānākammato tadārammaṇuppattiyāṃ ito aññathāpi sambhavatoti attho. “Upekkhā -pa- uppajjati”ti ettha kena kiccena uppajjati? Tadārammaṇakiccaṃ tāva na hoti javanārammaṇassa anālambaṇato, nāpi santīraṇakiccaṃ tathā appavattanato, paṭisandhicutīsu

1. Abhi 10. 42 piṭṭhe.

2. Abhi-Ṭṭha 1. 327 piṭṭhe.

vattabbameva natthi, pārisesato bhavaṅgakiccanti yuttaṃ siyā. Na hi paṭisandhibhūtamyeva cittaṃ “bhavaṅgan”ti vuccatīti.

Tanninnanti āpāthagatavisayaninnaṃ āvajjananti sambandho. **Aññassa viya** paṭhamajjhānādikassa viya. Etassapi sāvajjanatāya bhavitabbanti adhippāyo. **Atadatthāti** ettha **taṃ**-saddena nirodhaṃ paccāmasati. **Uppattiyāti** uppattito. **Tanti** nevasaññānāsaññāyatanam. **Tassa** nirodhassa. **Tathā ca uppajjati** “anantarapaccayo hoti”ti padassa atthaṃ vivarati. **Yathāvuttā** vuttappakārā. **Vodānaṃ** dutiyamaggādīnaṃ purecārikañānaṃ. **Etesanti** ariyamaggacittamaggānantaraphalacittānaṃ. **Etassāti** yathāvuttavipākacittassa.

Upanissayato tasseva cakkhuviññādivipākassa dassanattaṃ **cakkhādīnaṃ dassanādi-atthato** dassanādiphalaṭo, dassanādippayojanato vā. **Purimacittāni** āvajjanādīni. Vatthantararहितatte dassetabbe vatthantare viya ārammaṇantarepi na vattatīti “**vatthārammaṇantararहितan**”ti vuttaṃ.

Yadi vipākena kammasarikkheneva bhavitabbaṃ, evaṃ sati imasmim vāre ahetikavipākānaṃ asambhavo eva siyā tesam akammasarikkhakattāti imamatthaṃ manasi katvā āha “**ahetikānaṃ panā**”ti. **Abhinipātamattanti** pañcannaṃ viññānaṃ kiccamaḥa. Te hi āpāthagatesu rūpādīsu abhinipātanamatteneva vattanti. **Ādi**-saddena sampaṭicchanaḍīni saṅgaṇhāti. Kusalesu kusalākusalakiriyesupi vā vijjamānā sasaṅkhārikāsasaṅkhārikatā aññamaññaṃ asarikkhattā pahānāvattānato ca viruddhā viyāti vipākesu sā tadanukūlā siyā, sā pana mūlābhāvena na suppatiṭṭhitānaṃ savisayābhinipātanamattādivuttīnaṃ natthīti vuttaṃ “**na sasaṅkhārikaviruddho**”ti-ādi. **Ubhayenapi tesam nibbattiṃ anujānāti** yathā “kaṭattārūpānaṃ”ti adhippāyo. “Vipākadhammadhammo vipākassa dhammassa ārammaṇapaccayena paccayo. Vipākadhammadhamme khandhe aniccato dukkhato anattato vipassati, assādeti abhinandati, taṃ ārabha rāgo uppajjati, domanassaṃ uppajjati, kusalākusale niruddhe”ti-ādinā¹ vipākattike viya siyā kusalattikepi pālīti katvā “**kusalattike cā**”ti-ādi vuttaṃ. Tattha hi “kusalo dhammo abyākatassa dhammassa ārammaṇapaccayena paccayo”ti uddisivā “sekkhā vā puthujjanā vā kusalaṃ

1. Abhi 8. 365 piṭṭhe.

aniccato dukkhato anattato vipassanti, kusale niruddhe vipāko tadārammaṇatā uppajjati, kusalaṃ assādeti abhinandati, taṃ ārabba rāgo uppajjati, diṭṭhi, vicikicchā, uddhaccaṃ, domanassaṃ uppajjati, akusale niruddhe vipāko tadārammaṇatā uppajjati”¹ vuttaṃ. Avijjamānattā eva avacananti adhippāyena tattha yuttim dasseti “**vipphārikañhī**”²ti-ādinā.

Ettha keci “chaḷaṅgupekkhāvatoṇi kiriyamayacittatāya kiriyajavanassa vipphārikakiriyabhāvo na sakkā nisedhetunti nidassanabhāvena paṇṇapuṭamupanītaṃ asamānaṃ. Kiriyajavanānantaraṃ tadārammaṇābhāvassa pāliyaṃ avacanampi akāraṇaṃ labbhamānassapi katthaci kenaci adhippāyena avacanato. Tathā hi dhammasaṅgahe akusalaniddese labbhamānopi adhipati na vutto, tasmā kiriyajavanānantaraṃ tadārammaṇābhāvo vīmaṃsitabbo”³ti vadanti. Satipi kiriyamayatte sabbattha tāḍibhāvappattānaṃ khīṇāsavānaṃ javanacittaṃ na itaresaṃ viya vipphārikaṃ, santasabhāvātāya pana sannisinnarasaṃ siyāti tassa paṇṇapuṭaṃ dassitaṃ. Dhammasaṅgahe akusalaniddese adhipatino viya paṭṭhāne kiriyajavanānantaraṃ tadārammaṇassalabbhamānassa avacane na kiñci kāraṇaṃ dissati. Tathā hi vuttaṃ tattha aṭṭhakathāyaṃ “heṭṭhā dassitanayattā”²ti². Na cettha dassitanayattāti sakkā vuttuṃ vipākadhammadhammehi kusalākusalehi atamaṃsabhāvānaṃ nayadassanassa ayujjamānakattā. Apica tattha vīmaṃsāya kesuci sabbesaṅca adhipatīnaṃ abhāvato ekarasaṃ desanaṃ dassetuṃ “uddhaṭo”³ti ca sakkā vuttuṃ, idha pana na tādisaṃ avacane kāraṇaṃ labbhatīti “**avacane kāraṇaṃ natthī**”³ti vuttaṃ.

Adhippāyenāti akusalānantaraṃ sahetukatadārammaṇaṃ natthīti tassa therassa matimattanti dasseti. “Kusalākusale niruddhe sahetuko vipāko tadārammaṇatā uppajjati”³ vacanato pana akusalānantaraṃ sahetukatadārammaṇampi vijjatiyevāti uppattim vadantassa yuttaḡahaṇavasenaṇi adhippāyo.

Na ettha kāraṇaṃ dissatīti etena tihetukajavanānantaraṃ tividhampi tadārammaṇaṃ yuttanti dasseti. **Yena adhippāyenāti** paṭṭhamatherena tāva

1. Abhi 8. 133 piṭṭhe.

2. Abhi-Ṭṭha 1. 302 piṭṭhe.

3. Abhi 10. 39 piṭṭhe.

ekena kammunā anekataḍārammaṇaṃ nibbattamānaṃ kammavisesābhāvā taṃtaṃjavanasaṅkhātappaccayavisesena viṣiṭṭhaṃ hotīti iminā adhippāyena javanavasena taḍārammaṇassa asaṅkhārādividhānaṃ vuttaṃ, vipākena nāma kammasarikkhena bhavitabbaṃ, na kammaviruddhasabhāvena. Aññathā aniṭṭhappasaṅgo siyāti evamadhippāyena dutiyatthero kammavaseneva taḍārammaṇavisesaṃ āha. Ñāṇassa jaccandhādiduggativipattinimittapaṭipakkhatā viya sugativipattinimittapaṭipakkhatāpi siyāti maññamāno tatiyatthero “tīhetukakammato duhetukapaṭisandhimpi nānujānātī”ti iminā nayena tesu vādesu adhippāyāvirodhavasena yuttaṃ gaheṭṭabbaṃ. **Mahāpakaraṇe āgatapāḷiyāti** “sahetuko dhammo ahetukassa dhammassa anantarapaccayena paccayo”¹ imassa vibhaṅge “sahetukaṃ bhavaṅgaṃ ahetukassa bhavaṅgassa anantarapaccayena paccayo, sahetukā khandhā vuṭṭhānassa anantarapaccayena paccayo”¹ evamādinā paṭṭhāne sahetukadukādīsu āgatapāḷiyāti attho.

Kāmāvacarakusalavipākavaṇṇanā niṭṭhitā.

Rūpāvacarārūpāvacaravipākakathāvaṇṇanā

499. **Tasmim khāṇe vijjamānānaṃ chandādīnanti** etena vipākajjhāne dukkhāpaṭipadādibhāvassa avijjamānataṃ dasseti. Na hi kusalajjhānaṃ viya vipākajjhānaṃ parikammavasena nibbattatīti. Na cettā paṭipadābhedo viya kusalānurūpo vipākassa ārammaṇabhedopi na paramatthiko siyāti sakkā vattuṃ ekantena sārammaṇattā arūpadhammānaṃ vipākassa ca kammanimittārammaṇatāya aññatrāpi vijjamānattā. **Nānākkhāṇesu nānādhipateyyanti** “yasmiṃ khāṇe yaṃ jhānaṃ yadadhipatikaṃ, tato aññasmim khāṇe taṃ jhānaṃ ekantena tadadhipatikaṃ na hotī”ti katvā vuttaṃ. **Catutthajjhānassevāti** ca paṭipadā viya adhipatayo na ekantikāti imamevatthaṃ dasseti.

Rūpāvacarārūpāvacaravipākakathāvaṇṇanā niṭṭhitā.

Lokuttaravipākakathāvaṇṇanā

505. Taṇhāvijjādīhi āhitavisesaṃ lokiyakammaṃ vipākuppādanasamatthaṃ hoti, na aññathāti vuttaṃ “**taṇhādīhi abhisāṅkhatan**”ti. **Itarassāti** suññatappaṇihitanāmarahitassa. Yo suddhikapaṭipadāya vibhāvito, yo ca suttantapariyāyena animittoti vuccati. Tenevāha “**aniccānupassanānantarassapi maggassā**”ti-ādi. **Vaḷaṅjana -pa-bhedo hoti** maggāgamanavasenāti adhippāyo. “Maggānantaraphalacittasmiṃyevā”ti vacanaṃ apekkhitvā “**suññatādināmalābhe sati**”ti sāsāṅkaṃ āha. **Añmittanāmañca labhati** maggāgamanato phalassa nāmalābhe visesābhāvato adhippāyo. **Tādisāya evāti** yādisā magge saddhā, tādisāya eva phale saddhāya.

555. “Katame dhammā niyyānikā? Cattāro maggā”ti vacanato¹ aniyyānikapadaniddese ca “catūsu bhūmīsu vipāko”ti² vuttattā na nipariyāyena phalaṃ niyyānasabhāvaṃ, niyyānasabhāvassa pana vipāko kilesānaṃ paṭippassaddhippahānavasena pavattamāno pariyaṃyato tathā vuccatīti āha “**niyyānikasabhāvassā**”ti-ādi. **Pañcaṅgiko cāti** etena maggavibhaṅge sabbavāresupi phalassa maggapariyāyo āgatoti dasseti. Tattha hi ariyamaggakkhaṇe vijjamānāsupi viratīsu tadavasiṭṭhānaṃ pañcannaṃ kārāpakaṅgānaṃ atirekakiccatādassanatthaṃ pāḷiyam pañcaṅgikopi maggo uddhaṭoti. **Evam bojjaṅgāpīti** yathā maggo, evam maggabojjaṅgavibhaṅgesu phalesu ca bojjaṅgā uddhaṭāti attho.

Lokuttaravipākakathāvaṇṇanā niṭṭhitā.

Kiriyābyākatakathāvaṇṇanā

586. **Purimā pavattīti** mahākiriya-cittappavattim āha. Tāya hi khīṇāsavo evaṃ paccavekkhati. Tenevāha “**idam pana cittaṃ vicāraṇapaññārahitan**”ti. **Evanti** yathā sotadvāre, evaṃ ghānadvārādīsipi mahākiriya-cittehi tasmim tasmim visaye idamatthikatāya paricchinnāya idam cittaṃ

1. Abhi 1. 254, 298 piṭṭhesu.

2. Abhi 1. 298 piṭṭhe.

vattatīti dasseti. **Pañcadvārānugataṃ hutvā labhamānanti** pañcadvāre pavattamahākiriya-cittānaṃ piṭṭhivaṭṭakabhāvena imassa cittassa pavattim sandhāya vuttam, pañcadvāre evavā idameva pavattanti sambandho. **“Loluppa -pa- bhūtan”**ti vuttattā pañcadvāre paṭhamam iminā cittena somanassito hutvā pacchā mahākiriya-cittehi taṃ taṃ attham vicinotīti ayamatto vutto viya dissati. Pubbeyeva pana manodvārikacittena padhānasārappaṭṭhānādīm paricchindantassa pañcadvāre tādisasseva tādisesu rūpādīsu idaṃ cittam pavattatīti vadanti. Ayampi attho pañcadvāre eva pavattam loluppaṭṭhānādīpaccavekkhaṇāhetu yathāvuttakāraṇabhūtam jānti evam yojetvā sakkā vuttum. Evañca sati imassa cittassa paccayabhūtā purimā pavattīti idampi vacanam samatthitam hoti.

Ettha ca pañcadvāre iminā cittena somanassuppādanamattam daṭṭhabbam, na hāsuppādanam pañcadvārikacittānaṃ aviññattijanakkattā, manodvāre pana hāsuppādanam hoti. Teneva hi **aṭṭhakathāyam** pañcadvāre “somanassito hoti”ti ettakameva vuttam, manodvāre ca “hāsayamānan”ti. Iminā hasituppādacittena pavattiyamānampi bhagavato sitakaraṇam pubbenivāsa-anāgataṃsasabbaññūtaññāṇam anuvattakattā ñāṇanuparivattiyevāti. Evam pana ñāṇanuparivattibhāve sati na koci paḷi-aṭṭhakathānam virodho, evañca katvā **aṭṭhakathāyam** “tesam ñāṇanam ciṇṇapariyante idaṃ cittam uppajjati”ti vuttam. Avassañca etaṃ evam icchitabbam, aññathā āvajjanacittassapi bhagavato pavatti na yujjeyya. Tassapi hi viññattisamuṭṭhāpakabhāvassa nicchitattā, na ca viññattisamuṭṭhāpakatte saṃsamuṭṭhitāya viññattiyā kāyakammādibhāvam āvajjanabhāvo vibandhatīti.

Tato evāti mūlābhāvena na suppatiṭṭhitattā eva. “Ahetukānaṃ jhānaṅgāni balāni cā”ti sampiṇḍanattho **jhānaṅgāni cāti ca-saddo**. Yadi aparipuṇṇattā balabhāvassa imasmim ahetukadvaye balāni anuddiṭṭhāni asaṅgahitāni ca, atha kasmā niddiṭṭhānīti āha **“yasmā panā”**ti-ādi. Sammā niyyānikasabhāvānaṃ kusalānaṃ paṭibhāgabhūto vipākopi phalam viya taṃsabhāvo siyāti sahetukavipākacittāni aggahetvā kiriya-cittakattā vā **“mahākiriya-cittesu”**ti vuttam. Atha vā **mahākiriya-cittesu cāti ca-saddena** sahetukavipākacittānīpi gahitānīti veditabbāni.

574. “**Indriya -pa- imassānantaram uppajjamānānī**”ti vuttaṃ tesam ñāṇānam kāmāvacarattā. Itaresam mahaggatattā “**parikammānantarānī**”ti vuttaṃ.

577. Āhito aham māno etthāti attā, so eva bhavati uppajjati, na paraparikappito viya niccoti **attabhāvo**. Attātivā diṭṭhigatikehi gahetabbākārena bhavati pavattatīti **attabhāvo**.

Kiriyābyākatakathāvaṇṇanā niṭṭhitā.

Cittuppādakaṇḍavaṇṇanā niṭṭhitā.

2. Rūpakaṇḍa

Uddesavaṇṇanā

Kenacīti rūpena vā arūpena vā. Cittuppādena tāva rūpassa samayavavatthānaṃ na sakkā kātuṃ abyāpitāya anekantikātāya cāti imamatthaṃ dassento “**acittasamuṭṭhānasabbhāvato**”ti-ādimāha. Tattha acittasamuṭṭhānaṃ rūpaṃ cittassa tīsu khaṇesu uppajjatīti imasmiṃ tāva vāde cittuppattisamayena rūpūpapattisamayassa vavatthānaṃ mā hotu, cittassa uppādakkhaṇeyeva sabbampi rūpaṃ uppajjatīti imasmiṃ pana vāde kathanti? Etthāpi acittasamuṭṭhānaṃ rūpaṃ cittena sahuppādepi anindriyabaddharūpaṃ viya acittapaṭibandhuppādatāya na cittena vavatthāpetabbasamayanti vuttaṃ “**acittasamuṭṭhānasabbhāvato**”ti. Tena cittuppādena rūpassa samayavavatthānaṃ na byāpīti dasseti. Anekacittasamuṭṭhānatāya vavatthānābhāvato sambandho. Niyate hi samuṭṭhāpakacitte cittasamuṭṭhānarūpassa siyā vavatthānanti.

Kesañcīti kāmāvacarakusalādīnaṃ. **Katthacīti** āruppe. **Kesañcīti** vā kesañci pañcavokāravipākānaṃ. **Katthacīti** paṭisandhikkhaṇe carimakkhaṇe ca. “Tasmiṃ samaye phasso hotī”ti-ādinā¹ cittasahabhāvaṃ eva cittena samayavavatthānaṃ katanti vuttaṃ “**acittasahabhūbhāvato**”ti. **Tesanti** upādārūpānaṃ. Yo yassa sahabhāvena upakārako, so eva tassa samayavavatthāpakabhāvena vuttoti āha “**sahajāta -pa- ttanato**”ti. **Nāpi mahābhūtehi**-ādinā vavatthānābhāvameva dasseti. **Kesañcīti** akammajādīnaṃ. **Kehicīti** ammajādīhi. **Pavattitoti** pavattanato. **Sahāti** ekasmiṃ kāle. **Abhāvāti** niyogato abhāvā.

Viññatti -pa- na sakkā vattum mahābhūtehi samayavavatthānekariyamāne tehi ayāvabhāvitatāyāti adhippāyo. **Ekasmiṃ kāleti**-ādināpi mahābhūtehi samayaniamane vavatthānābhāvameva vibhāveti. “Tathā vibhajanatthan”ti, “avibhattaṃ abyākataṃ atthīti dassetun”ti ca imesaṃ padānaṃ “vibhattaṃ avibhattaṃca sabbaṃ saṅgaṇhanto āhā”ti iminā sambandho. Samayavavatthānaṃ katvā niddisiyamānassa nippadesatāya

1. Abhi 1. 17 piṭṭhe.

asambhavato ekadesaṃ niddisitvā sāmaññena nigamanam yuttam, akatvā pana समयavavattānam sarūpato niddisanena tathāti imamattam āha “**samayavavattānenā**”ti-ādinā. **Avibhatteti** vipākakiriyaḅyākataṃ viya na pubbe vibhatte. **Vibhajitabbeti** bhedavantatāya vibhajanārahe. **Dassiteti** uddisanavasena dassite. Vuttamevattham vitthāratarena dassetuṃ “**ettha panā**”ti-ādimāha.

Vipākādidhammānam nayanam nayo, sova dassananti nayadassanam. “Desanā”ti vuttam **hetthā gahaṇameva nayadassananti**. Dutiya vikappe pana kāmāvacarādibhāvena nīyatīti nayo, kiriyābyākataṃ. Tassa dassanam nayadassananti yojetabbaṃ. Dukādīsu niddesavāre ca hadayavatthuno anāgatattā taṃ aggahetvā paṭhamavikappo vutto, ekake pana vatthupi gahitanti “**hadayavatthuñcā**”ti dutiya vikappe vuttam. Kim pana kāraṇam dukādīsu niddesavāre ca hadayavatthu na gahitanti? Itaravatthūhi asamānagatikattā desanābhedato ca. Yathā hi cakkhuviññāḅādīni ekantato cakkhādinissayāni, na evaṃ manoviññāḅam ekantato hadayavatthunissayam, nissitamukhena ca vatthudukādidesanā pavattā. Yampi ekantato hadayavatthunissayam, tassa vasena “atthi rūpam manoviññāḅassa vatthū”ti-ādinā dukādīsu vuccamānesupi tadanukūla-ārammaṇadukādayo na sambhavanti. Na hi “atthi rūpam manoviññāḅassa ārammaṇam, atthi rūpam na manoviññāḅassa ārammaṇan”ti-ādinā sakkā vattunti vatthārammaṇadukadesanā bhinnagatikā siyūṃ, samānagatikā ca tā desetum bhagavato ajjhāsayo. Esā hi bhagavato desanā pakati. Teneva hi **nikkhepaḅe** cittuppādavibhāgena avuccamānattā avitakkāvicārapadavissajjane vicāroti vattum na sakkāti avitakkāvicāramattapadavissajjane labbhamānopi vitakko na uddhaṭo, aññathā vitakko cāti vattabbaṃ siyāti. Evaṃ itaravatthūhi asamānagatikattā desanābhedato ca dukādīsu uddese na gahitam. Uddiṭṭhasseva hi niddisanato niddeseḅi na gahitam hadayavatthūti vadanti.

Cakkhādidasakā sattāti cakkhusotaghānajivhākāya-itthibhāvapurisabhāvasakā satta, ekasantānavasena vā cakkhusotaghānajivhākāyabhāvavatthudasakā satta. Nibbānassa asatipi paramatthato bhede

parikappitabhedopi bhedoyeva vohāraṅvisayeti katvā **sopādisesādibhedo** vutto.

584. Kiñcāpi aññattha kukkuṭaṅḍasaṅḥāne parimaṅḍala-saddo dissati, cakkasaṅḥānatā pana vaṭṭasaṅḥāne cakkavāḷe vuccamāno parimaṅḍala-saddo vaṭṭapariyāyo siyā. Anekatthā hi saddāti adhippāyenāha “**vaṭṭam parimaṅḍalan**”ti. Ettha ca sineruyugandharādīnaṃ samuddato sineru caturāsītiyojanasahassaparimāṇova. Yathāha “sineru bhikkhave pabbatarājā caturāsītiyojanasahassāni āyāmena, caturāsītiyojanasahassāni vitthārenā”¹ti. Sinerum pākāraparikkhepavasena parikkhipitvā ṭhitā yugandharādayo, sineruyugandharādīnaṃ antarepi sītasamuddā nāma. “Te visālato yathākkamaṃ sineru-ādīnaṃ accuggamanasamānaparimāṇāti vadanti.

Koṭṭisatasahassacakkavāḷasseva āṇākhettabhāvo dasasahassacakkavāḷassa jātikhettabhāvo viya dhammatāvaseneva veditabbo. Vikappasamānasamuccayavibhāvanesu viya avadhāraṇe aniyameva ca **vā-**saddo vattatīti tathāyojanā katā. Anekatthā hi nipātāti. Tattha anekantikattho **aniyamattho**.

Sīlādivisuddhisampādanena, catudhātuvavatthānavaseneva vā mahākiccatāya **mahantena vāyāmena**. Satipi lakkhaṇādibhede ekasmiṃ eva kāle ekasmiṃ santāne anekasatasahassakalāpavuttito mahantāni bahūni bhūtāni paramatthato vijjamaṇānīti vā **mahābhūtāni** yathā “mahājano”ti. **Evanti** “upādāya pavattan”ti atthe sati **paṭiccasamuppannatā vuttā hoti** paccayasambhūtatādīpanato. **Upādāyatīti**-upādāyati-evāti adhippāyo. Tenevāha “**ekantanissitassā**”ti. **Bhavati hi nissayarūpānaṃ sāmibhāvo**”ti ādhārādheyyasambandhavacanicchāya abhāve ādhārabhūtopi attho saṃsāmīsamandhavacanicchāya sāmibhāvena vuccati yathā “rukkhassa sākha”ti adhippāyo.

1. Am 2. 474 piṭṭhe.

Tividharūpasaṅgahavaṇṇanā

585. **Viññattiduko cāti ca-saddena**

cittasahabhucittānuparivattidukāpisaṅgahitāti veditabbā. **Sakkā hi etena nayena -pa- viññātunti** ettha pañcavīsāya tāva vatthudukesu paṭhamadukapañcakādayo cuddasahipi pakiṇṇakadukehi avasiṭṭhehi vatthudukehi pañcavīsāya ārammaṇdukehi pañcahi bāhirāyatanadukehi rūpadhātudukādīhi pañcahi dhātudukehi pacchimakehi tīhi indriyadukehi dvādasahipi sukhumarūpadukehi paṭhamādivajjehi avasiṭṭhehi āyatanadhātu-indriyadukehi ca yojanaṃ gacchanti. Pañcavīsāya pana ārammaṇadukesu purimako dukapañcako upādinna-upādinnupādānīyasanidassanacittasamuṭṭhānacittasahabhucittānuparivattidukavajjehi pakiṇṇakadukehi sabbehipi vatthudukehi rūpāyatanarūpadhātudukavajjehi āyatanadhātudukehi sabbehipi indriyadukasukhumarūpadukehi yjanaṃ. Gacchati. Dutiyadukapañcakādīsū yathākkamaṃ saddāyatanasaddhatudukādayo yojanaṃ na gacchanti, rūpāyatanarūpadhātudukādayo gacchanti. Pakiṇṇakadukesu sanidassanadukañcāti ayameva viseso. Yathā ca vatthudukesu, evaṃ cakkhāyatanacakkhuhātucakkhundriyādidukapañcakesu. Yathā ca ārammaṇadukesu, evaṃ rūpāyatanarūpadhātu-ādidukapañcakesu tikayjanā. Itthindriyapurisindriyajīvitindriyadukā sukhumarūpadukā ca sabbehipi dukehi yojanaṃ gacchantīti evaṃ tāva tikayojanā veditabbā. Nanu cāyampi yojanā bhagavatā na desitāti na kātabbāti? Nayidaṃ ekantikaṃ. Kasmā? Bhagavatā dinnanayena yojanāpi bhagavatoyeva desanā. Tathā hi vuttaṃ **mātikāvaṇṇanāyam**¹ “hetū ceva dhammā ahetukā cāti idampi sambhavatī”ti-ādi. Sambhavo hi gahaṇassa kāraṇanti ca.

Tividharūpasaṅgahavaṇṇanā niṭṭhitā.

Catubbidhādirūpasaṅgahavaṇṇanā

586. Cittato eva samuṭṭhātīcittasamuṭṭhānanti imameva atthaṃ gahetvā “**viññattidukādīhi samānagatiko cittasamuṭṭhānaduko**”ti

1. Abhi-Ṭṭha 1. 89 piṭṭhe.

vuttaṃ. Vinivattitehi sāmaññe yaṃ rūpaṃ janakapaccayesu cittato samuṭṭhāti, taṃ cittato eva samuṭṭhātīti. **Viññattidukādīhīti ādi-**saddena cittasahabhucittānuparivattiduke saṅgaṇhāti. **Labbamānoti** yaṃ taṃ rūpaṃ upādā, taṃ atthi cittasamuṭṭhānaṃ, atthi na cittasamuṭṭhānaṃ. Yaṃ taṃ rūpaṃ nupādā, taṃ atthi cittasamuṭṭhānaṃ, atthi na cittasamuṭṭhānanti evaṃ labbamāno. **Sanidassanadukādīnanti ādi-**saddena sappatiṅghamahābhūta dukādayo saṅgaṇhāti. **Tenāti** cittasamuṭṭhānadukena. **Tassāti** cittasamuṭṭhānadukasseva. **Aññe panāti** viññatticittasamuṭṭhānacittasahabhucittānuparivattidukehi aññepi pakiṇṇakadukā.

Saddāyatanassa ekantato anupādinnattā “**sotasamphassārammaṇadukādayo vajjetvā**”ti vuttaṃ. **Catukkā labbhantīti** yaṃ taṃ rūpaṃ upādinnaṃ, taṃ atthi cakkhusamphassassa ārammaṇaṃ, atthi cakkhusamphassassa nārammaṇaṃ. Yaṃ taṃ rūpaṃ anupādinnaṃ, taṃ atthi cakkhusamphassassa ārammaṇaṃ, atthi cakkhusamphassassa nārammaṇanti evamādayo sabbārammaṇabāhirāyatanādīlabbamānadukehi yojanāyaṃ catukkā labbhantīti sambandho. **Avasesehīti** ārammaṇabāhirāyatanarūpadhātudukādīto labbamānadukehīti vuttadukarāsīto avasesehi. **Tesanti** upādinna-upādinnupādāniyacittasamuṭṭhānadukānaṃ. **Aññesanti** upādinnadukādīto aññesaṃ upādādudukādīnaṃ. **Vatthudukādīhīti ādi-**saddena cakkhāyatanadukādayo saṅgaṇhāti. Etthāpi avasesehi tesāṃ aññesaṅca yojanāya catukkā na labbhantīti sambandho.

Catubbidhādirūpasāṅgahavaṇṇanā niṭṭhitā.

Uddesavaṇṇanā niṭṭhitā.

Rūpavibhatti ekakaniddesavaṇṇanā

594. Pathavī-ādīnaṃ dhammānaṃ ruppanasabhāvo viya na hetu-ādibhāvopi sādharmaṇoti na hetūsu vibhajitattoti vuttaṃ “**avijjamānavibhāgassā**”ti. Tassa pana vibhāgābhāvadassanasarūpadassanameva niddeso. Evañca katvā nibbānassapi vibhāgarahitattā “asaṅkhatā dhātū”ti ettakameva niddesavasena vuttaṃ.

Yadipi hitoti etena paṭiṭṭhāti kusalādiko dhammoti alobhādayo kevalaṃ hetupadavacanīyā, kāraṇabhāvasāmaññato pana mahābhūtādayopi hetusaddābhidheyyāti mūlaṭṭhavācinā dutiyena **hetu**-saddena visesetvā āha “**hetu**hetū”ti. Suppaṭiṭṭhitabhāvasādhanato kusalādhidhammānaṃ mūlatthena upakāradhammā “tayo kusalahetū”ti-ādinā¹ paṭṭhāne ca teyeva “hetupaccayo”ti vuttāti āha “**mūlahetu paccayahetūti vā ayamattho**”ti. Hinoti etena, etasmā vā phalaṃ pavattatīti hetu, paṭicca etasmā eti kpavattatīti paccayoti evaṃ **hetupaccaya**-saddānaṃ anānatthataṃ sandhāya hetu-saddapariyāyabhāvena **paccaya**-saddo vuttoti āha “**hetupaccayasaddānaṃ samānatthattā**”ti. Bhūtattayanissitāni ca mahābhūtāni catumahābhūtanissitaṃ upādārūpanti sabbampi rūpaṃ sabbadā sabbattha sabbākāraṃ catumahābhūtahetukaṃ mahābhūtāni ca anāmaṭṭhabhedāni sāmaññato gahitānīti vuttaṃ “**rūpakkhandhassa hetū**”ti.

Kammasamādānānanti samādānānaṃ kammānaṃ, samādiyivā katakammānaṃ vā. **Aññesu paccayesu** vipākassa taṇhāvijjādīsu.

“Aṭṭhānametaṃ bhikkhave anavakāso, yaṃ kāyaduccaritassa iṭṭho kanto manāpo vipāko nibbatteyya, netam ṭhānaṃ vijjati. Ṭhānañca kho etaṃ bhikkhave vijjati, yaṃ kāyaduccaritassa aniṭṭho akanto amanāpo vipāko nibbatteyya. Ṭhānametaṃ vijjati. Vacī -pa-. Mano -pa- vijjati -pa-. Aṭṭhānametaṃ bhikkhave anavakāso, yaṃ kāyasucaritassa aniṭṭho akanto amanāpo vipāko nibbatteyyā”ti²,

“Kammaṃ satte vibhajati yadidaṃ hīnapañītatāyā”ti³ ca—

evamādivacanato kammaṃ vipākassa iṭṭhāniṭṭhataṃ niyametīti āha “**iṭṭhāniṭṭhavipākaniyāmakattā**”ti. **Gati-upadhikālapayogasampattivipattiyoyeva ṭhānaṃ** vipākassa okāsabhāvato. Na hi tehi vinā koci vipāko nibbattatīti. Yathāvuttaṭṭhāne sati adhigantabbaṃ iṭṭhāniṭṭhārammaṇaṃ “**gati -pa- nipphāditan**”ti vuttaṃ. Vipākassa ārammaṇena vinā abhāvato

1. Abhi 1. 214 piṭṭhe. 2. Ma 3. 111; Abhi 2. 350 piṭṭhesu. 3. Ma 3. 244 piṭṭhe.

ārammaṇampi tassa padhānaṃ kāraṇaṃ. **Anaññasabhāvato**ti hetu-
ādisabhāvābhāvato.

Ruppanaṃ rūpaṃ. Taṃ assa atthīti ettha “assā”ti vuccamāno pathavī-
ādi-atthoyeva ruppatītipi vuccatīti āha “**ruppanalakkhaṇayuttasseva
rūpīrūpabhāvato**”ti. **Etam sabhāvanti** etam uppanabhāve sati chahi
viññāṇehi viññeyyasabhāvaṃ rūpe niyameti rūpasseva taṃsabhāvattā. **Na
rūpaṃ etasminti** kālabhedavasena ataṃsabhāvassapi rūpassa atthitāya na
rūpaṃ tattha niyantabbanti dasseti. **Atthi hīti**-ādinā tattha rūpasseva
niyantabbatābhāvanyeva vivarati. **Etamevāti**-ādinā uddesena niddesaṃ
saṃsandeti. Ettha etameva rūpe yathāvuttasabhāvaṃ niyametabbaṃ niddese
eva-saddena niyameti avadhāretīti attho. **Yathāvutto niyamoti** uppanabhāve
sati chahi viññāṇehi viññeyyabhāvo niyantabbatāya “niyamo”ti vutto, so
rūpe atthi eva rūpasseva taṃsabhāvattā. Viṣiṭṭhakālassa vuttappakāraṃ
avadhāraṇanyeva vā yathāvutto niyamo, so rūpe atthiyeva sambhavatiyeva,
na arūpe viya na sambhavatīti attho daṭṭhabbo. **Kālabhedanti** kālavisesaṃ.
Anāmasitvāti aggahetvā. **Taṃ sabbanti** anāmaṭṭhakālabhedam tatoyeva
arūpehi samānaviññeyyasabhāvaṃ sabbaṃ rūpaṃ. **Uppannanti** etena
kālabhedāmasanena viseseti “**uppannaṃ -pa- mevā**”ti.

Vattamānakālikaṃ sabbaṃ rūpaṃ diṭṭhasutamutaviññātasabhāvaṃ, taṃ
yathāsakaṃ chahi viññāṇehi viññeyyasabhāvameva, na tehi aviññeyyaṃ.
Nāpi uppannameva chahi viññāṇehi viññeyyasabhāvaṃ
ekantalakkhaṇaniyamābhāvāpattitoti evaṃ aviparīte atthe vibhāvitepi
codako adhippāyaṃ ajānanto “**nanu evan**”ti-ādinā sabbassa
sabbārammaṇatāpattim codeti. Itaro “**rūpaṃ sabbaṃ sampiṇḍetvā**”ti-ādinā
attano adhippāyaṃ vibhāveti. Ettha **ekībhāvena gahetvāti** idaṃ
“sampiṇḍetvā”ti etassa atthavacanaṃ. Ekantalakkhaṇaṃ chahi viññāṇehi
viññeyyasabhāvoyeva. Idaṃ vuttaṃ hoti—kiñcāpi pañcannaṃ viññāṇānaṃ
visayantare appavattanato na sabbassa sabbārammaṇatā, sabbassapi pana
rūpassa chaviññāṇārammaṇabhāvato yathāsakaṃ chahi viññāṇehi
viññeyyatāya chahi viññāṇehi viññeyyatāva atthi, taṃ ekato
saṅghaṇavasena gahetvā “uppannaṃ sabbaṃ rūpaṃ chahi viññāṇehi

viññeyyan”ti vuttaṃ yathā “abhiññāppattaṃ pañcamajjhānaṃ chaḷārammaṇaṃ hotī”ti. Yathā hi dibbacakkhudibbasotādi-abhiññāppattassa pañcamajjhānassa visum asabbārammaṇattepi ekantalakkhaṇavasena ekībhāvena gahetvā ārammaṇavasena paṭhamajjhānādito visesaṃ dassetuṃ “abhiññāppattaṃ pañcamajjhānaṃ chaḷārammaṇaṃ hotī”ti vuccati, evaṃ arūpato rūpassa visayavasena visesaṃ dassetuṃ “**uppa -pa- viññeyyan**”ti vuttanti. Chahi viññāṇehi viññeyyabhāvo rūpe niyametabbo, na pana rūpaṃ tasmim niyametabbaṃ, aniyatadeso ca eva-saddoti **aṭṭhakathāyam**¹ “paccuppannarūpameva cakkhuvīññāṇādīhi chahi veditabbaṃ”ti vuttaṃ. “Paccuppannarūpamevā”ti-ādinā tattha dosamāha. **Tasmāti** yasmā pāḷiyam viññeyyamevāti eva-saddo vutto, na ca tassa aṭṭhānayojanena kāci iṭṭhasiddhi, atha kho aniṭṭhasiddhiyeva sabbarūpassa ekantalakkhaṇaniyamādassanato, tasmā. Yathārutavaseneva niyame gayhamāne uppa -pa- patti natthi, tato ca sotapatitātāyapi payojanam natthīti. **Vuttanayenāti** “arūpato vidhuraṇ”ti-ādinā vuttanayena.

Ñāṇassa vā uttarassa purimañāṇam vatthukāraṇanti **ñāṇavattu**. “Sajātī”ti ettha sa-kāro samānasaddatthoti dassetuṃ “**samānajātikānan**”ti vuttaṃ. Samānajātītā ca sammā vācādinam silanatto eva. Etena samānasabhāvatā sajātisaṅgahoti veditabbo. Ārammaṇe cetaso avikkhepappavattiyā upaṭṭhānussāhanāni viya tesam avikkhepopi atisayena upakārakoti “**aññamaññopakāravasenā**”ti vuttaṃ. Teneva vijjamānesupi aññesu sahaṇādammesu etesaṃyeva samādhikkhandhasaṅgaho dassito. Yam pana **saccavibhaṅgavaṇṇanāyam**² **visuddhimaggādīsu**³ ca “vāyāmasatiyo kiriyato saṅgahitā”ti vuttaṃ, tam asamādhisabhāvatam tesam samādhissa upakārakattaṅca sandhāya vuttaṃ. Teneva ca tattha “samādhiyevettha sajātito samādhikkhandhena saṅgahito”ti⁴ vuttaṃ. Idha pana **sajātisaṅgahoti** samādhitadupakārakadhammānam uppattidesavasena saṅgaho vuttoti. Avirādhethvā visayasabhāvāvaggahaṇam **paṭivedho, appanā** ca ārammaṇe dalhanipāto tadavagāhoyevāti “**paṭivedhasadisam kiccan**”ti vuttaṃ. Atha vā ārammaṇapaṭivedhassa

1. Abhi-Ṭṭha 1. 343 piṭṭhe.

2. Abhi-Ṭṭha 2. 86 piṭṭhe.

3. Visuddhi 2. 146 piṭṭhe.

4. Visuddhi 2. 146; Abhi-Ṭṭha 2. 86 piṭṭhesu.

tadāhananapariyāhananamanuṅaṭāya samānanti paññāvitakkānaṃ
kiccasarikkhatā vuttā.

Ekakaniddesavaṅṅanā niṭṭhitā.

Dukaniddesa upādābhājanīyavaṅṅanā

596. Samantato sabbaso dassanaṭṭhena cakkhu **samantacakkhū**ti
imamatthaṃ dassetuṃ “**sabbasaṅkhatā saṅkhatadassanaṃ**”ti vuttaṃ.
Evamādināti ettha **ādi**-saddo “dukkhaṃ pariññeyyaṃ pariññātan”ti tīsupi
padesu paccekaṃ yojetabbo. “Idaṃ dukkhanti me bhikkhave pubbe
ananussutesu dhammesu cakkhuṃ udapādi, ñāṇaṃ udapādi”ti-ādinā¹ hi pāḷi
pavattāti. **Ākārenā**ti dvādasavidhena ākārena. **Tampi kāmāvacaraṃ**
vipassanāpaccavekkhaṇañābhāvato. “Ñāṇacakkhu saha-ariyamaggam
vipassanāñānantipi yujjati”ti vadanti. Aggamaggena pana saha vipassanā
paccavekkhaṇañānti yuttaṃ viya dissati.

Yathāvutte maṃsapiṇḍe sasambhāre cakkhuvohāro santānavasena
pavattamāne catusamuṭṭhānikarūpadhamme upādāya pavattoti “**catu -pa-**
sambhārā”ti vuttaṃ. **Sanṭhānanti vaṅṅāyatana**mevāti tena tena ākārena
sanniviṭṭhesu mahābhūtesu taṃtaṃsanṭhānavasena vaṅṅāyatana
viññāyamānattā vuttaṃ, na vaṅṅāyatana-seva sanṭhānapaññattiyā
upādānattā. Tathāhi andhakāre phusitvāpi sanṭhānaṃ viññāyatīti. Tathā ca
vakkhati “dīghādīni phusitvāpi sakkā jānitun”ti², “dīghādisannivesaṃ
bhūtasamudāyaṃ nissāyā”ti³ ca. **Tesaṃ** sambhavasānṭhānānaṃ
āpodhātuvaṅṅāyatanehi anattantarabhāvepi tehi **visuṃ vacanaṃ**
tathābhūtānaṃ sambhavabhūtānaṃ sanṭhānabhūtānaṃca. Etena
āpodhātuvaṅṅāyatanaṃ vasena vattamāna-avatthāviseso sambhavo
sanṭhānañcāti ayamatto dassito hoti. Tattha sambhavo catusamuṭṭhāniko
soḷasavassakāle uppajjati. Tassa rāgavasena ṭhānā cavanaṃ hotīti vadanti.

1. Saṃ 3. 269; Vi 3. 15; Khu 9. 331 piṭṭhesu.

2. Abhi-Ṭṭha 1. 354 piṭṭhe.

3. Mūlaṭī 1. 150 piṭṭhe.

Atathābhūtānaṃ tato aññathābhūtānaṃ. **Yathāvutte** sambhāravatthusāṅkhāte. **Vijjamānattā**ti bhīyovuttivasena vuttam. Tathā hi khīṇāsavānaṃ brahmānaṃca sambhavo natthīti. Āpodhātuvīsesattā sambhavo-āpodhātusambandhī āpodhātutannissayanissitopi hotīti tassa catudhātunissitatāya avirodho vutto.

Utucittāhārehi upatthambhiyamānanti ettha “kalāpantaragatā utu-āhārā adhippetā”ti vadanti. **Anekakalāpagatabhāvaṃ cakkhussa dasseti** yato upaddutapaṭale nirākaraṇepi cakkhu vijjatīti. **Paṭighaṭṭanaṃ** visayābhīmukhabhāvo nighamsapaccayattā. **Nighaṃso** nissayabhāvāpatti. Yato cakkhādinissitā saññā “**paṭighasaññā**”ti vuccati.

Anekattāti idaṃ avacanassa kāraṇaṃ, na hetukiriyāya viññāyamānabhāvassa. So pana apekkhāsiddhito eva vedītabbo. Hetukiriyāpekkhā hi phalakiriyāti. **Cakkhum saṅgaṇhātī**ti cakkhuviññāṇassa nissayabhāvānupagamanepi taṃsabhāvānativattanato tassā samaññāya tattha niruḷhabhāvaṃ dasseti. Dassanapariṇāyakaṭṭho cakkhussa indaṭṭhoyevāti “**yathā hi issaro**”ti-ādinaṃ issaropamaṃ vuttā. Cakkhuviññāṇaṃ dassanakicce pariṇāyantaṃ cakkhu taṃsahajāte cakkhusamphassādayopi tattha pariṇāyatīti vuccatīti “**te dhamme -pa- pariṇāyatī**”ti vuttam, na pana cakkhusamphassādīnaṃ dassanakkiccatā. Atha vā cakkhusamphassādīnaṃ indriyapaccayabhāvena upakāraṇaṃ cakkhuviññāṇaṃ dassanakicce pariṇāyantaṃ cakkhu tattha cakkhusamphassādayopi tadanuvattake pariṇāyatīti atthāyaṃ pariṇāyoti dassento āha “**te dhamme -pa- ṇāyatī**”ti. Anekattattā dhātūnaṃ **cakkhatī**ti imassa”pariṇāyati pakāsetī”ti ca atthā vuttā. Saṅghānampi rūpāyatanaṃevāti “**samavisamāni rūpāni cakkhatīti cakkhū**”ti vuttam. Taṃdvārikānaṃ phassādīnaṃ upanissayapaccayabhāvo eva **vaḷaṅjanattho**.

599. **Taṃdvārikā -pa- uppatti vuttā**ti cakkhuviññāṇe uppanne sampaṭicchanaḍḍini balavārammaṇe javanaṃ ekantena uppajjatīti katvā vuttam. Tathā ceva hi antarā cakkhuviññāṇe vā sampaṭicchane vā santīraṇe vā ṭhatvā nivattissatīti netam ṭhānaṃ vijjatīti nicchitam. **Tena paccayenā**ti taṃpakārena paccayena. **Taṃsadisānanti** garuṃ katvā assādanādippavattivisesarahitatāya dassanasadisānaṃ manodhātusantīraṇavoṭṭhabbanānaṃ.

Pañcadvārikajavanānaṃ assādanādito aññathā garuṃ katvā pavatti natthi rūpadhammavisayattāti “**assādanābhinandanabhūtāni**”ti ettakameva vuttaṃ. Manodvārikajavanapiṭṭhivaṭṭakānampi hi pañcadvārikajavanānaṃ assādanābhinandanabhāvena rūpaṃ garuṃ katvā pavatti natthīti na sakkā vattunti. Rūpaṃ ārammaṇādhipati akusalasseva hoti. Tathā hi **paṭṭhāne** “abyākato dhammo akusalassa dhammassa adhipatipaccayena paccayo. Ārammaṇādhipati cakkhuṃ garuṃ katvā assādeti abhinandatī”ti-ādinā¹ rūpadhammopi ārammaṇādhipati vibhatto. “Abyākato dhammo abyākatassa dhammassa abyākato dhammo kusalassā”ti¹ ettha pana phalanibbānāneva ārammaṇādhipatibhāvena vibhattānīti. k Gaṇanāya ca “ārammaṇa ārammaṇādhipati upanissaya purejāta atthi avigatanti ekan”ti² vuttaṃ. Yadi kusalassapi siyā, dveti vattabbaṃ siyāti. **Tānīti** yathāvuttajavanāni paṭiniddiṭṭhāni. **Tāmsampayuttāni cāti** javanasampayuttāni. **Aññāni** cakkhusamphassādīni. Yadi rūpassa ārammaṇapaccayabhāvamattaṃ adhippettaṃ, “taṃ rūpārammaṇeti eteneva sijjheyyā”ti ettakamevadeyya. Yasmā pana rūpaṃ taṃdvārikajavanānaṃ paccayavisesopi hoti, tasmā tassa visesassa dīpanatthaṃ “ārabbhā”ti vacanaṃ vuttaṃ siyāti āha “**ārammaṇapaccayato aññapaccayabhāvassapi dīpakan**”ti.

600. Sotaviññāṇappavattiyāṃ savanakiriyāvohāroti sotassa savanakiriyāya kattubhāvo sotaviññāṇassa paccayabhāvenāti vuttaṃ “**sotaviññāṇassa nissayabhāvena suṇāti**”ti. Jīvitanimittamāhāraraṣo jīvitaṃ, tasmim̄ ninnatāya taṃ avhāyatītijivhāti evaṃ siddhena jivhā-saddena pakāsiyamānā rasāvahāyanasaṅkhātā sāyanakiriyā labhatīti katvā vuttaṃ “**jivhāsaddena viññāyamānā kiriyāsāyanan**”ti. Tathā ca vakkhati “jīvitamavhāyatīti jivhā”ti³. **Āyoti** uppattideso. Pasādakāyassa kāyikānaṃ dukkhasukhānaṃ nissayabhāvato itaresaṃ upanissayabhāvato “**dukkhadukkhavipariṇāmadukkhānaṃ āyo**”ti vuttaṃ. **Byāpitāyāti** byāpibhāve, byāpibhāvena vā. **Kāyappasādabhāvoti** kāyappasādasabbhāvo. **Anuviddhattāti** anuyuttabhāvato, saṃsaṭṭhabhāvato attho. **Tasmāti** yasmā yāvata

1. Abhi 8. 137 piṭṭhe.

2. Abhi 8. 166 piṭṭhe.

3. Abhi-Ṭṭha 2. 42 piṭṭhe.

imasmiṃ kāye upādinnakapavattaṃ nāma atthi, sabbattha kāyāyatanam kappāsapaṭale sneho viyāti vuttaṃ, tasmā. Paṇḍarasabhāvā pasādā āpāthagataṃ visayaṃ viññāṇupattihetubhāvena pakāsentā viya hontīti tesaṃ visayāvabhāsanakiccatā vuttā. **Samānanissayānanti** ekanissayānaṃ. Avinibbhuttesu hi rūparasādīsu yaṃnissayaṃ rūpaṃ, taṃnissayo eva rasādīti. **Aññamaññasabhāvānupagamena**ti lakkhaṇasaṅkarābhāvamāha.

Yasmā paccayantarasaḥitoyeva cakkhuppasādo rūpābhīhananavasena pavattati, na paccayantararahito, tasmā rūpābhīghāto hotu vā mā vā hotu, evaṃsabhāvo so rūpadhammoti dassetuṃ “**rūpābhīghātāraho**”ti vuttaṃ yathā “vipākārahasabhāvā kusalākusalā”ti. Visayavisayīnaṃ aññamaññaṃ abhimukhabhāvo abhīghāto viyāti abhīghāto, so rūpe cakkhussa, cakkhumhi vā rūpassa hotīti vuttaṃ “**rūpe, rūpassa vā abhīghāto**”ti. Tenevāha “yamhi cakkhumhi anidassanamhi sappaṭighamhi rūpaṃ sanidassanam sappaṭigham paṭihaññi vā”ti¹, “cakkhu anidassanam sappaṭigham rūpamhi sanidassanamhi sappaṭighamhi paṭihaññi vā”ti¹ ca ādi. Ettha ca taṃtaṃbhavapatthanāvasena cakkhādīsu avigatarāgassa attabhāvanipphādakasādhāraṇakammavasena purimaṃ cakkhulakkhaṇam vuttaṃ, sudūrasukhumādibhedassapi rūpassa gahaṇasamatthameva cakkhu hotūti evaṃ nibbattita-āveṇīkammavasena dutiyaṃ. Esa nayo sesesupi. Atha vā satipi kpañcannaṃ pasādabhāvasāmaññe savisayāvabhāsanasaṅkhātassa pasādabyāpārassa dassanavasena purimaṃ vuttaṃ, pasādakāraṇassa satipi kammabhāvasāmaññe attano kāraṇabhedena bhedadassanavasena dutiyaṃ.

Kāmatanḥāti kāmabhāve taṇhā. Tathā rūpataṇhā daṭṭhabbā. Tassa tassa bhavassa mūlakāraṇabhūtā taṇhā tasmim tasmim bhāve uppajjanārahāyatanavisayāpi nāma hotīti **kāmatanḥādīnaṃ daṭṭhukāmatādivohārārahata** vuttā. **Daṭṭhukāmatā**ti hi daṭṭhumicchā rūpataṇhāti attho. Tathā sesāsupīti. Ettha ca daṭṭhukāmatādīnaṃ taṃtaṃmattabhāvanibbattakammāyūhanakkhaṇato sati purimanibbattiyam vattabbaṃ natthi. Asatipi tassa maggena asamugghātītabhāveneva kāraṇanti daṭṭhabbam.

1. Abhi 1. 157 piṭṭhe.

Yato maggena asamucchinnam kāraṇalābhe sati uppajjitvā attano phalassa kāraṇabhāvūpagamanato vijjamānamevāti uppanna-atthitāpariyāyehi vuccati “ariyam aṭṭhaṅgikam maggam bhāvento ariyam aṭṭhaṅgikam maggam bahulīkaronto uppannuppanne pāpake akusale dhamme antarāyeva antaradhāpeti”¹, “santaṃ vā ajjhantaṃ kāmaccandaṃ atthi me ajjhantaṃ kāmaccandoti pajānāti”² ca evamādīsu.

Etthāha—cakkhādīnam indriyānam kiṃ ekakammunā uppatti, udāhu nānākammunāti? Ubhayathāpīti porāṇā. Tattha nānākammunā tāva uppattiyam cakkhādīnam visese vattabham natthi kāraṇassa bhinnattā. Ekakammunā pana uppattiyam tesam katham visesoti? Kāraṇassa bhinnattāyeva. Taṃtaṃbhavapatthanābhūtā hi taṃhā taṃtaṃbhavapariyāpannāyatanābhilāsātāya sayam vicittarūpā upanissayabhāvena taṃtaṃbhavanibbattakakammasa vicittabhedatam vidahati. Yato tadāhitavisesam taṃ tathārūpasamatthātāyogena anekarūpāpannam viya anekam viṣiṭṭhasabhāvam phalam nibbatteti. Tathā ca vakkhati “kammameva nesam visesakāraṇaṃ”³ti. Na cettha samatthātābhāvato aññaṃ veditabham kāraṇavisesenāhitavisesassa viṣiṭṭhaphalanipphādanayogyatābhāvato. Tathā hi sati ekassapi kammasa anekindriyahetutāvisesayogam ekampi kammanti-ādinā yuttito āgamatopi parato sayameva vakkhati. Tathā ca ekasseva kusalacittassa soḷasādivipākacittanibbattihetubhāvo vuccati. Lokepi ekasseva sālibījassa paripuṇṇāparipuṇṇataṇḍulaphalanibbattihetutā dissati. Kiṃ vā etāya yutticintāya, na cintitabbamevetam. yato kammavipāko cakkhādīni kammavipāko ca sabbākārato buddhānamyeva kammavipākañāṇaphalayuttānam visayo, na aññesaṃ atakkāvacaratāya. Teneva ca bhagavatā “kammavipāko acinteyyo na cintetabbo, yo cinteyya ummādasā vighātassa bhāgī assā”³ti ādinavam dassetvā paṭikkhittam. **Āviñchanam puggalassa viññāṇassa vā taṃninnabhāvappattiyā hetubhāvo.**

Sabbesanti padassa pakaraṇato pārisesato vā labbhamānam atthavisesam ajānanto yathārutavaseneva attham gahetvā “ko ettha

1. Sam 3. 47 piṭṭhe.

2. Dī 2. 238; Ma 1. 77 piṭṭhesu.

3. Am 1. 392 piṭṭhe.

viseso”ti-ādinā codeti. Itaro tejādīnaṃ paccekam̐ adhikabhāve viya dvinnam̐ tiṇṇam̐ vā adhikabhāvepi yathāvuttādhikabhāvene va ekakādivasena abbhamaṇāya omattatāyapi kāyappasādo na hotīti viññāyamānattā pakaraṇato pārisesato vā catunnampi bhūtānaṃ samabhāvena kāyo hotīti ayamatto siddhoti sabba-saddo idha samabhāvādīpakoti dassetuṃ **“idaṃ panā**”ti-ādimāha. **Imamattham̐ dīpetīti** ca yathāvuttena ñāyena “sabbesa nti vacanato ayamatto labbhati, na tassa vācakattāti dasseti. Tenevāha **“anuvatta -pa- vasena vuttattā**”ti. Ekadesādhikabhāvanivāraṇenevahi ekadesomattatānivāraṇampi viññāyatīti. **Ekadeso** avayavo. Catudhātusamudāyanissayassa hi pasādassa tadekadhātu-adhikatā avayavādhikatā hotīti.

“Purimā cettha dvepi vādino nikāyantariyā”ti vadanti. Āokādisahakārikāraṇasahitānaṃyeva cakkhādīnaṃ rūpādi-avabhāsanamasatthātā vivarassa ca sotaviññāṇupanissayabhāvo guṇoti tesam̐ laddhīti adhippāyena **“taṃtaṃbhūtaguṇehī**”ti-ādi vuttam̐. Tejādīnaṃ viya vivarassa bhūtabhāvābhāvato **“yathāyogan**”ti vuttam̐. Atha vā rūpādayo viya vivarampi bhūtaguṇoti parādhippāyam̐ dassento **“taṃtaṃbhūtaguṇehī**”ti āha. Tejassa pana ālokarūpena, ākāsaṅkhātassa vivarassa saddena, vāyussa gandhena, udakassa rasena, pathaviyā phoṭṭhabbenāti imamattham̐ sandhāya **“yathāyogaṃ taṃtaṃbhūtaguṇehī**”ti vuttam̐ siyā. **Rūpādiggahaṇeti** rūpādivisaye cakkhuviññāṇādike nipphādetabbeti attho. **Upakaritabbatoti** sahakārikāraṇabhūtehi yathāvuttabhūtaguṇehi cakkhādīnaṃ sakiccarāṇe upakaritabbato. **Sabhāvena suyyamānassāti** kenaci anuccāriyamānasseva labbhamānattā vuttam̐. Ghaṭṭanaṃ pana vinā vāyusaddopi natthīti. Atha vā vāyimhi saddo sabhāvena suyyatīti āpe raso madhuroti ca tassa laddhiyevāti daṭṭhabbam̐. **Dutiyavādissapi niggaho hoti** tassapi tejādiguṇā rūpādayoti evamladdhikattā.

Rūpādivisesaguṇehīti rūpādivisesaguṇayuttehi. **Teja -pa- vāyūhīti** sahakāsehi tejādiparamāṇūhi. **Kappāsato**

visadisāyāti kappāsapathavito visesayuttāya tato adhikasāmatthiyayuttāyāti adhippāyo. **Tassāyevāti** kappāsapathaviyāyeva. Yasmā sā vijjamānānīpi avisesabhūtāni atthīti gahetuṃ asakkuṇeyyabhāvena abhibhavitvā t̥hitā, tasmā tassāyeva gandho adhikataro bhavyeyyāti attho. Ayañca sabbo uttaro “tassa tassa bhūtassa adhikatāyā”ti-ādinā **aṭṭhakathāyam**¹ vuttattā tathāgatānaṃ vādaṃ sampaṭicchitvā vadantassa kaṇādasassa vasena vutto. “Attano pana matena kaṇādakapilādayo kevalaṃ pathavādīdrabyamevāti-ādi laddhi. Kaṇādasāsānāya adhimuttānaṃ sāsane anavagāḷhānaṃ kesañci ayam vādo”ti ca vadanti. **Etassubhayassāti** āsavagandhato kappāsaḡandho adhiko sītudakavaṇṇato uṇhodakavaṇṇo ca adhikoti etassa ubhayassa. Tejādi-adhikesu ca sambhāresu rūpādīnaṃ visesassa adassanato na rūpādayo tejādīnaṃ visesaguṇoti siddhanti āha “**tadabhā -pa- ttitā**”ti. Tena na rūpaṃ tejassavisesaguṇo ekantato tejādike sambhāre visesena adassanato, yo yassa visesaguṇo, na so tadadhike sambhāre ekantato visesena dissati yathā pathavī-adhike sambhāre āpodhātūti dasseti. Evaṃ sesesupi yathāyogaṃ yojetabbaṃ. **Ko pana vādo nānākalāpeti** sabhāvato nānattābhāvepi mūlakāraṇānānattavasena atthi koci viseso asaṅghāteti dasseti, yato paramaraṇādikiriyāsamatthatā nesam kesañciyeva dissatīti.

Ekampīti pi-saddena anekasmiṃ vattabbameva natthīti dasseti. Pañcāyatanikattabhāve patthanā yā daṭṭhukāmatādibhāvena vuttā, tāya nipphannaṃ. Etena kāraṇavisesena phalavisesamāha. **Na hīti**-ādinā vuttamevatthaṃ samatthayati. **Tanti** kammaṃ. **Visesenāti** attano kāraṇena āhitātīsayena. Teneva sotassa nahoti paccayo, tato aññeneva pana hotīti adhippāyo. Tena anekasabhāvena kāraṇena āhitavisesaṃ ekampi kammaṃ anekasabhāvaṃ phalaṃ nipphādetuṃ samatthaṃ hotīti dasseti. Idāni kammaṃ

1. Abhi-Ṭṭha 1. 350 piṭṭhe.

vuttappakāravisesābhāve dosamāha **“indriyantarābhāvappattito”**ti. Tassattho—kāraṇavisesābhāve phalavisesassa asambhavato yaṃ visesayuttam kammaṃ cakkhussa kāraṇam, tassa tato aññavisesābhāve tadaññindriyuppādka-atāpi na siyāti sotindriyādīnam tato anuppatti eva siyā. Evamitaratthāpi. **Visesoti** cettha kammassa taṃtamindriyuppādanasamatthātā adhippetā, sā ca pubbe dassitasabhāvova.

Anekāhi mahaggatacetanāhi ekāya vā parittacetanāsahitāya paṭisandhikkhaṇe kaṭattārūpānam nibbattīti na sakkā viññātunti **“sabbesam -pa- viññāyati”**ti vuttam. Idāni tameva asakkuṇeyyataṃ vitthārato dassetuṃ **“nānācetanāyā”**ti-ādi vuttam. Tassāyaṃ saṅkhepattho—**“paṭisa -pa- paccayo”**ti ettha yadi nānākammavasena indriyānam uppatti adhippetā, evaṃ sati mahaggatakammaena ca kāmāvacarakammaena ca taṃtampaṭisandhikkhaṇe kaṭattārūpaṃ uppannam siyā, na cetam yuttam **“mahaggatacetanā kammappaccayo”**ti¹ vuttattā. Nāpi taṃtambhavanīyatarūpindriyehi vikalindriyatā gatisampattiyā opapātikayoniyam paṭisandhikkhaṇe yuttā. Atha mahaggatāhi eva nānācetanāhi nibbattam, na cekā paṭisandhi anekakammanibbattā hoti. Nicchitam hetam sāketapañhenāti. Evaṃ ekena mahaggatakammunā cakkhundriyasotindriyahadayavatthūnam uppattiñāpakena iminā vacanena parittakammunāpi ekena yathāraham anekesam indriyānam uppatti siddhāvāti vuttam **“siddhamekena kammaena anekindriyuppatti hoti”**ti.

Sampattoyeva nāma sampattikiccakaraṇatoti imamattham dassetuṃ **“paṭi -pa- nakato”**ti vuttam. Atisukhumabhāvato maṃsacakkhu-agocarena rūpāyatanena samannāgatasāṅghātavuttitāya ca **“vāyu viyā”**ti vuttam. **Cittasamuṭṭhānam saddāyatanam sotaviññāṇassa kadācīpi ārammaṇapaccayo na siyā** dhātuparamparāya ghaṭtentassa utusamuṭṭhānattā. Tenāha **“na hi -pa- pajjati”**ti. **Paṭṭhāne**² ca **“saddāyatanam sotaviññāṇassa ārammaṇapaccayena paccayo”**ti avisesena vuttam.

Nanu cirena suyantīti dūre ṭhitānam lahukam savanam natthi, tesampi vā lahukam savanena dūrāsannabhāvānam viseso na siyāti adhippāyo.

1. Abhi 9. 335 piṭṭhe.

2. Abhi 8. 1 piṭṭhe.

Na, dū -pa- toti na dūre ṭhitehi rajakādisaddā cirena sotaviññāṇena suyyanti, sace savanūpacāre so saddo dūre āsanne ca ṭhitānaṃ yathābhūte āpāthagate sadde manoviññāṇasaṅkhātato gahaṇavisesato cirena suto sīghaṃ sutoti abhimānoti attho. Etamevatthaṃ vitthārato dassento “**yathā hī**”ti-ādimāha.

Nicchaya -pa- abhimāno hoti, sotaviññāṇappavatti pana ubhayatthāpi samānā, yasmā so pana saddo **-pa-** āgacchatīti. Yadi dhātuparamparāya saddo nappavattati, kathaṃ paṭighosādīnaṃ uppattīti āha “**dūre -pa-** paccayo hoti”ti. Uppattivaseṇa āgatānīti etena rūpadhammāpi yattha uppajjanti, tattheva bhijjanti, na desantaraṃ saṅkamaṇīti dasseti.

Ghaṭṭanasabhāvānevāti tesam bhūtānaṃ saddasamuppattihetubhāvamāha. **Sotapadesassā**ti sotadesassa, sotadesa ṭhitassāti attho.

Cakkhumato puggalassa ajjhāsayavaseṇāti citravicitrarūpāyatane yebhuyyena sattānaṃ cakkhudvārikajavanassa anukaḍḍhanavasena pavattim sandhāya vuttaṃ. **Kaṇṇakūpacchiddeyeva pavattanatoti** etena adhiṭṭhānatobahiddhā indriyaṃ pavattīti vādaṃ paṭisedheti. Adhiṭṭhānadese eva hi indriyaṃ vattati tattha kiccādippayogadassanato. Satipi panassa bahiddhā vuttiyaṃ na visayaggahaṇe samatthatā, aññathā adhiṭṭhānapidahanepi visayaggahaṇaṃ bhaveyyāti.

Ārammaṇaggahaṇahetuto cāti kaṇṇakūpacchiddeyeva ṭhatvā ārammaṇakaraṇassa viññāṇassa vā hetubhāvato.

Tabbohārenāti gandhagandhaggahaṇassa saharitāya gandhopi tathā vuttoti adhippāyo. **Gandho paccayoti** gandho saharīpaccayoti attho. Kheḷādiko paccayoti yojetabbaṃ. **Tathā pathavī**ti saharīpaccayantarabhūtā ajjhattikabāhirā pathavī ārammaṇaggahaṇe paccayoti attho. **Ādhārabhūtā**ti tejovāyodhātūnaṃ ādhārabhūtā. **Nissabhūtānanti** nissayamahābhūtānaṃ āpotejovāyodhātūnaṃ. **Sabbadā**ti uppīlanakāle ca anuppīlanakāle ca. **Tatthāti** caturāsītipabhede uparimakāyasaṅkhāte rūpasamūhe. **Vinibbhujjitum asakkuṇeyyānanti** idaṃ cakkhudasakaṃ idaṃ kāyadasakaṃ idaṃ bhāvadasakanti evaṃ kalāpatopi vinibbhujjitum asakkuṇeyyānaṃ.

616. **Dīghādīnaṃ phusitvā jānitabbatoti** idaṃ dīghādīnaṃ na kāyaviññāṇagocarattā vuttaṃ, dīghādivohārarūpādīnaṃ pana phoṭṭhabbaṃ phusitvā kāyaviññāṇavīthiyā parato pavattena manoviññāṇenapi jānitabbattā vuttaṃ. **Dīghādisannivesanti** dīghādisannivesavantaṃ. **Ekasmim itarassa abhāvāti** chāyātapānaṃ ālokandhakārānañca asaṭṭhāyitaṃ āha. Kathaṃ pana āloko andhakāraṃ vidhamatīti? “Ālokappavattisamānakālaṃ andhakārasabhāvena pavattamānaṃ vaṇṇāyatanam bhijjati. Andhakārassa nissayo hutvā pavattamānāni bhūtāni kamena tathārūpassa vaṇṇāyatanassa nissayabhāvaṃ gacchanti”ti keci. Saha andhakārena tannissayabhūtānaṃ nirodhasamanantaraṃ taṃsantatiyaṃ tādise paccayasannipāte-ālokanissayabhūtānaṃ uppattīti veditabbaṃ. Na hi nissayamahābhūtehi vinā ālokappavatti atthi, nāpi andhakārasaṅkhātāṃ vaṇṇāyatanam eva nirujjhati taṃnissayehi payujjamānaka-ekakalāpabhūtopādārūpānaṃ saheva nirujjhanato. Paḍīpasikhāmaṇiraṃsiyo viya pathavīpākāraruḅhādīni muñcitvāpi andhakāro pavattatīti vadanti. Mandaṃ pana pākārādi-ādihārahitaṃ na suṭṭhu paññāyati, bahalaṃ ādhāraṃ nissāya pavattatīti yuttanti ca vadanti.

620. “**Amanussasaddo**”ti ettha a-kāro na manussatāmattanivatti-attho sadisabhāvādīpanatāya anadhippetattā, manussato pana anaññatānivatti-atthoti dassetuṃ “**amanussa -pa- ṭṭhādayopī**”ti āha. **Tathā kittetabboti** “vaṃsaphālanasaddo”ti-ādinaṃ vatthuvaseṇa kittetabbo.

632. **Kammacittādināti ādi-saddena** utu-āhāre saṅgaṇhāti. **Taṃtadākārānīti** itthilingādi-ākārāni. **Itthindriyaṃ paṭicca samuṭṭhahantīti** aññamaññapaccayānipi itthilingādīni yebhuyyena itthindriyasahite eva santāne sabbhāvā itaratta ca abhāvā indriyahetukāni vuttāni. **Aññathāti** itthilingādi-ākārato aññathā, itthindriyābhāve vā. **Itthiggahaṇassa cāti** itthīti cittappavattiyā. **Tesaṃ rūpānanti** itthilingādi-ākārārūpānaṃ. Yadi itthindriyaṃ itthilingādi-ākārārūpānaṃ sahakārīkārānaṃ, atha kasmā tassa indriyādipaccayabhāvo tesaṃ na vuttoti? Neva taṃ sahakārīkārānaṃ, atha kho tesaṃ tabbhāvabhāvitāmattena taṃ kāraṇanti vuccatīti dassetuṃ āha “**yasmā panā**”ti-ādi.

633. Liṅgaṃ parivattamānaṃ purimaliṅgādhārajāti-anurūpameva hutvā parivattatīti katvā vuttaṃ “**paṭisandhiyaṃ viya pavattepi**”ti. Yassa -pa- noti-**ādivacanatoti ādi**-saddena “yassa vā pana purisindriyaṃ uppajjati, tassa itthindriyaṃ uppajjatīti no”ti¹ saṅgaṇhāti.

635. Dvārabhāvena kucchitānaṃ āsavadhammānaṃ pavattiṭṭhānatāya pasādavisese viya viññattiviseṣepi kāyavohārappavatti daṭṭhabbā. Vitthambhanasabhāvatāya vāyodhātuyā thambhanaṃ “**vāyodhātukiccan**”ti vuttaṃ. Kiccampi hi dhammānaṃ sabhāvoyevāti. Pathaviḍdhātuyā ākāro vacīviññattīti vuttuṃ vaṭṭatīti yojanā.

636. **Vitakka -pa- gahitā**ti yathādhippetatthābhibyañjikāya vācāya samuṭṭhāpanādhippāyappavattiṃ sandhāya vuttaṃ. Tadā hi sā tehi pariggahitā nāma hotīti. Ekassapi akkharassa anekehi javanehi nibbattetabbattā tathā nibbattiyamānatāya asamatthasabhāvattā na viññātavisesā na bhinnā evāti āha “**sava -pa- bhinnā**”ti. **Abbokiṇṇeti** antarantarā uppajjamānehi asaṃsaṭṭhe. “Pacchimacittan”ti avisesena cuticittāṃ vuttanti adhippāyena “**aññesampi cuticittāṃ -pa- ñāyatī**”ti vuttaṃ.

Atha vā “ye ca rūpāvacaraṃ arūpāvacaraṃ upapajjitvā parinibbāyissanti, tesāṃ cavantānaṃ tesāṃ vacīsaṅkhāro nirujjhissati, no ca tesāṃ kāyasaṅkhāro nirujjhissatī”ti² rūpārūpabhavūpapajjanakānaṃ kāmāvacaracuticittassapi kāyasaṅkhārāsamuṭṭhāpanavacanena khīṇāsavehi **aññesampi -pa- ñāyatī**”ti vuttaṃ. Yasmā ca—

“Yassa kāyasaṅkhāro nirujjhati, tassa vacīsaṅkhāro nirujjhissatīti āmantā”ti³,

“Yassa kāyasaṅkhāronirujjhati, tassa cittasaṅkhāro nirujjhissatīti āmantā”ti⁴ ca,

“Pacchimacittassa bhaṅgakkhaṇe tesāṃ kāyasaṅkhāro ca na nirujjhati cittasaṅkhāro ca na nirujjhissatī”ti⁵—

1. Abhi 7. 117 piṭṭhe.

2. Abhi 6. 28 piṭṭhe.

3. Abhi 6. 35 piṭṭhe.

4. Abhi 6. 36 piṭṭhe.

5. Abhi 6. 38 piṭṭhe.

ādivacanato ca pacchimacittassa purato soḷasamena cittena tato orimena vā saddhiṃ assāsapassāsā na uppajjantīti siddham. Yadi uppajjeyyū, “pacchimacittassa bhaṅgakkhaṇe tesam kāyasaṅkhāro na nirujjhatī”ti na vadeyya, vuttañcetaṃ, tasmā heṭṭhimakoṭiyā cutito purimena sattarasamena uppannā assāsapassāsā cutiyā heṭṭhā dutiyena cittena saddhiṃ nirujjhanti. Tena “yassa cittassa anantarā kāmāvacarānaṃ pacchimacittaṃ uppajjissatī”ti cuticittassānantarapaccayabhūtaṃ cittaṃ kāyasaṅkhārāsamuṭṭhāpanatā vuttā.

Atha vā **yassa cittassā**ti yena cittena sabbapacchimo kāyasaṅkhāro uppajjati. Taṃ cittaṃ vuttanti gahetabbaṃ, na pacchimacittassa anantarapaccayabhūtaṃ. **Anantarā**ti hi kāyasaṅkhārappādanam antaram vinā, yato pacchā kāyasaṅkhārappādanena anantaritam hutvā pacchimacittaṃ uppajjissatīti attho. Kasmā? “Itaresam vacīsaṅkhāro ca nirujjhissati kāyasaṅkhāro ca nirujjhissatī”ti¹ vuttatā. Aññathā pacchimacittato purimatatiyacittasamaṅginam kāyasaṅkhāro uppajjatīti āpajjatīti. Evaṃ sabbesampi cuticittassa rūpajanakatābhāve āgamaṃ dassetvā idāni yuttim dassetuṃ “**na hī**”ti-ādimāha. Tattha **gabbhagamanādīti ādi**-saddena udakanimugga-asaññībhūtakālakatacatutthajjhānasamāpannarūpārūpabhavasamaṅgīnirodhas amāpannabhāve saṅgaṇhāti.

637. Anekesam kalāpānam ekato hutvā ekaghanapiṇḍabhāvena pavattanato kalāpantarabhūtanam kalāpantarabhūtehi samphuṭṭhabhāvo vutto. Yato tesam duviññeyyanānattam, na pana avinibbhuttabhāvato. **Tamtaṃbhūtavivittatā**ti tesam tesam bhūtanam vibhattabhāvo kalāpantarabhūtehi vibhattasabhāvataṃ asaṃkiṇṇatāti attho. Yasmā pana yathāvuttā vivittatā rūpānam osānam, hoti, tasmā “**rūpapariyanto**”ti vuttam. Atha vā tamtaṃbhūtasuññatā. Yesañhi paricchedo ākāso, tesam pariyantatāya tehi suññabhāvoti lakkhitabbo. Tatoyeva ca so bhūtantarehi viya tehi asamphuṭṭhoti vuccatīti. **Aññathā**ti paricchinditabbehi asamphuṭṭhabhāvābhāve.

1. Abhi 6. 29 piṭṭhe.

638. **Tamtaṃvikārādhikarūpehī**ti ettha kathaṃ cammasuvaṇṇesu mudutākammaññatā labbhanti, nanu lahutādivikārā ekantato indriyabaddharūpe eva pavattanato anindriyabaddhe na labbhantīti? Saccametaṃ, idha pana taṃsadisesu tabbohāravasena vuttaṃ. Tathā hi tūlapicu-ādīsu garubhāvādihetūnaṃ bhūtānaṃ adhikabhāvābhāvato lahu-ādivohāro. Niddisitabaddhammanissayarūpe eva vā sandhāya **“tamtaṃvikārādhikarūpehī”**ti vuttanti daṭṭhabbaṃ. **Sabbe sabbesaṃ paccayā** lahutādīnaṃ aññamaññāvijahanatoti adhippāyo.

641. **Ācayasaddenevā**¹ niddese vutta-ācayasaddeneva. Yo āyatanānaṃ ādicayattā ācayo punappunaṃ nibbattamānānaṃ, sova rūpassa uparicayattā upacayoti adhippetam attham pāliyam yojetvā dassetuṃ **“pāliyam panā”**ti-ādi vuttaṃ. **Upa-saddo paṭhamattho** “dānaṃ bhikkhave paṇḍitupaññattan”ti-ādīsu² viya. **Aññathā**ti upa-saddassa upari-atthasseva gahaṇe.

643. **Phalavipaccanapakatiyā**ti phalavipaccanasabhāvena. **Phalameva vā pakatī**ti āyusamhānādīna phalasabhāvena jarāniddesoti attho. Tathā hi “phalūpacārena vuttā”ti vuttaṃ. **Supariṇatarūpaparipākakāle** hānidasakādīsu.

645. **Kattabbasabhāvato**ti mūlaphalādīnaṃ idhādhippeta-āhāravatthūnaṃ mukhena asanādīkattabbasabhāvato. Visabhūte saṅghāte oḷamandā hotīti **savisattābhāvato sukhumatā vuttā**. **Aṅgamaṅgānusārino rasassa sāro**ti rasaharaṇīdhamanijālānusārena sarīrāvayave anuppaviṭṭhasa āhārarasassa abhantarāhārapaccayo sneho, yo loke rasadhātūti vuccati.

Upādābhājanīyakathāvaṇṇanā niṭṭhitā.

1. Upacayasaddenevāti (Mūlaṭikāyam)

2. Am 1. 149 piṭṭhe.

No-upādābhājanīyakathāvaṇṇanā

646. “Ekam mahābhūtam paṭicca tayo mahābhūtā tayo mahābhūte paṭicca ekam mahābhūtan”¹ti-ādivacanato¹ ekam mahābhūtam avasesamahābhūte nissayati, tehi upādārūpena ca nissīyatīti āha “**nissayati ca nissīyati cā**”ti.

647. Mahābhūtānaṃ aññamaññāvijahanato ekasmimpi kalāpe anekam phoṭṭhabbam atthīti phoṭṭhabbasabhāvesuyeva anekesupi ārammaṇesu āpāthagatesu ābhogādivasena ekamyeva viññāṇupattihetu hotīti ayam vicāro dassito. Itaresupi pana yathāyogam dassetabbo. Tattha rasārammaṇam tāva indriyanissayam allīyitvā viññāṇupattihetubhāvato satipi anekesam rasānam āpāthagamane ekasmim kkhāṇe ekappakāraṇyeva yathāvuttanayena jivhāviññāṇupattihetu hoti, tathā gandhārammaṇam. Rūpasaddārammaṇāni pana indriyanissayam asampatvā viññāṇupattihetubhāvato yogyadese avaṭṭhitāni yattakāni sahakārīpaccayantaragatam upakāram labhanti, tattakāni ekasmim khāṇe ekajjham ārammaṇam na hontīti na vattābbāni. Tathā hi saddo nigghosādiko anekakalāpagato tathā vaṇṇopi sivikubbahananiyāmena ekajjham ārammaṇam hotīti. Etthāpi ca ābhujitavasena ārammaṇādhimattatāvasena anekakalāpasannipātepi katthaci viññāṇupattihotiyeva. **Pasādādhimattatā** pittādivibandhābhāvena pasādassa tikkhatā. **Katham pana cittassāti** cittasāmaññāto ekattanayavasena pucchati.

651. **Tādisīyāti** yā pacurajanassa atthītipi na gahitā. **Santī** samānā. **Evanti** yathā sasambhārudakam sasambhārapathaviyā ābandhakam, evam paramatthudakam paramatthapathaviyāti dasseti. **Tadanurūpapaccayehīti** attano ābandhanānugūṇehi ābandhiyamānehi sandhāraṇādīkiccehi purimehi ca pathavī-ādīhi. **Aphusitvā patitṭhā hoti, aphusitvā ābandhatīti** iminā phusitabbaphusanakabhāvo āpodhātuyam natthīti phoṭṭhabbavasena ubhayadhammatam āha. Aññamaññam nissayatā **aññamaññānissayatā**. Atha

1. Abhi 8. 19 piṭṭhe.

vā aññamaññatā ca nissayatā ca **aññamaññanissayathā**. Yadi phoṭṭhabbāphoṭṭhabbhadhātūnaṃ phoṭṭhabbabhāvena vinā aññamaññanissayatā, pathavī-ādīnaṃ kakkhaḷādisabhāvo eva phoṭṭhabbabhāvoti tabbiraheṇa kathaṃ tesam āpodhātuyā nissayādibhāvoti āha **“avinibbhogavuttīsū”**ti-ādi. **Aññamaññapaccayabhūtesū**ti etena upādārūpaṃ nivatteti. Atha vā pubbe aṭṭhakathādhippāye ṭhatvā phoṭṭhabbāphoṭṭhabbhadhātūnaṃ viṣiṭṭhaṃ aññamaññanissayatam vatvā idāni attano adhippāye ṭhatvā avisesena taṃ dassento āha **“avinibbhogavuttīsū”**ti-ādi. Tamyeva aviṣiṭṭhaṃ aññamaññanissayatam dalhaṃ katvā dassento **“nāpi sahaḷātesū”**ti-ādimāha. Tattha aphaṇaṇaṃ tāva ekalāpagatattā na vicāretabbam, phaṇaṇaṃ pana kathanti? Ekakalāpagatattā eva. Viṣum siddhānaṃyeva hi visayamaḥbhūtānaṃ kāyappasādanissayabhūtesu phaṇaṇaṃ dissati.

Jhāyatīti paripaccati. **Na uṇhā hutvā**ti etassa uṇhasabhāvā hutvāti ayamatthoti katvā **“tejosabhāvatamyeva paṭikkhipatī”**ti vuttam. Uṇhapaṭipakkhattā sītassa uṇhatāya paṭikkhepe sītāsaṅkā siyāti āha **“na sītattam anujānātī”**ti. Tejosabhāgatamyeva vā sītātāyapi dassetuṃ **“na sītattam anujānātī”**ti vuttam. Tenevāha **“tejo eva hi sītam”**ti. Mande hi uṇhabhāve sītābuddhīti **tejo eva hi sītam**. Kathaṃ paṇetaṃ viññāyatīti? Sītābuddhiyā avavatthitabhāvato pārāpāraṃ viya. Tathā hi ātape ṭhatvā chāyaṃ pavitṭhānaṃ sītābuddhi hoti, tattheva pathavīgabbhato niggatānaṃ uṇhabuddhīti. Yadi tejoyeva sītam, uṇhabhāvena saddhiṃ sītābhāvopi ekasmiṃ kalāpe upalabbheyāti āha **“sītūṇhānañcā”**ti-ādi. Uṇhasītakalāpesu sītūṇhānaṃ appavatti. **Dvinnam -pa- yujjati**, na āpodhātuvāyodhātūnaṃ sītābhāveti adhippāyo. Āpodhātuyā hi vāyodhātuyā sītābhāve uṇhabhāvena saddhiṃ ekasmiṃ kalāpe sītābhāvo labbheyya, na pana labbhati. Na cettha āpodhātu-adhike vāyodhātu-adhike vā kalāpe sītābhāvoti sakkā viññātum tādisepe katthaci kalāpe alabbhamānattā sītābhāvassāti.

Kharatādisabhāvādhikassa bhūtasāṅghātassa davatādisabhāvādhikatāpatti **bhāvaññathattam**. Tam pana yathā hoti, tam dassetuṃ **“pacca -pa- ppattī”**ti āha.

652. **Ekantanacittasamuṭṭhānādīti ādi-**saddena ekanta-anupādinnupādāniyādiṃ saṅgaṇhāti. **Purimānampī**ti “yam vā panaññampī”ti etasmā vacanato purimānaṃ anupādinnānaṃ saddāyatanakāyaviññatti-ādīnaṃ nacittasamuṭṭhānānañca cakkhāyatanasotāyatanādīnaṃ. **Nakammassakatattābhāvādīkanti** nakammassakatattābhāvaṃ nacittasamuṭṭhānabhāvanti evamādikaṃ. **Ekantākammajādīsūti ādi-**saddena ekantācittajaṃ gayhati. **Tā** jaratā-aniccatā. **Anekantesu na gahitāti** ekantato akammajesu saddāyatanādīsū acittajesu ca cakkhāyatanādīsū gahetvā catusamuṭṭhānikattā anekantesu rūpāyatanādīsū na gahitāti attho.

666. **Anipphannattāti** aññaṃ anapekkhitvā sabhāvato asiddhattaṃ. **Tassāti** viññattidvayassa.

No-upādābhājanīyakathāvaṇṇanā niṭṭhitā.

Dukaniddesavaṇṇanā niṭṭhitā.

Catukkaniddesavaṇṇanā

966. “Sabbam rūpaṃ manasā viññātan”ti vacanato yadi viññātato aññaṃ diṭṭhādi na hotīti “katamaṃ taṃ rūpaṃ diṭṭhan”ti-ādīnā pucchā na katā, evaṃ sante catukkabhāvo kathanti anuyogaṃ manasi katvā āha “**dassanādiggahaṇavisesato**”ti. Dassanaṃ savanaṃ minitvā jānanaṃ vijānanañcāti etasmā **dassanādiggahaṇavisesato**. Etena gāhakabhedena gahetabbabhedoti dasseti. Idāni samukhenapi gahetabbabhedo labbhatīti dassetuṃ “**diṭṭhā -pa- bhāvato**”ti vuttaṃ.

Pañcakaniddesavaṇṇanā

969. **Tadidaṃ** nayakaraṇaṃ chabbidhādīsū tīsu saṅgahesu yojitaṃ.

Pakiṇṇakakathāvaṇṇanā

975. Ekantato nīvaraṇattā middhassa “natthī nīvaraṇā”ti vacanena gahaṇanti dassetuṃ “**middhassapi nīvaraṇassā**”ti vuttaṃ. **Na ca rūpaṃ pahātabbāṃ**

nippariyāyappahānassa idha adhippetattā. Ettha keci “nāmakāyarūpakāya gelaññasabhāvato duvidham̐ middham̐. Tattha purimam̐ ‘nīvaraṇā’ti vacanena vuttam̐, itaram̐ rūpasabhāvan”ti vadanti. Tattha yam̐ tam̐ arūpato aññam̐ middham̐ parikappitam̐, tampi nīvaraṇam̐ middhasabhāvato itaram̐ middham̐ viyāti parikappitamiddhassapi na sakkā nīvaraṇabhāvam̐ nivattetunti tesam̐ vacanassa nīvaraṇappahānavacanena virodham̐ dassento “**na ca rūpakāyan**”ti-ādimāha. Atha vā khīṇāsavānam̐ soppanasabhāvato soppassa ca middhahetukattā atthi middharūpanti vādam̐ sandhāya uttaramāha “**na ca rūpakāyagelaññan**”ti-ādinā. Tattha middhameva soppahetūti nāyam̐ avadhāraṇā icchitā, soppahetu eva middhanti pana icchitāti middhato aññopi soppahetu atthi, ko pana so? Rūpakāyagelaññam̐. Na ca rūpa -pa- vacanatoti yojanā datṭhabbā.

Vacīgho-ādīti ādi-saddena humkāṛādisaddo saṅgayhati.

Aṅguliphoṭādisaddo utusamuṭṭhānoyeva, cittapaccayo pana hoti.

Rūpabhāvamattānīti jarāmarāṇasabhāvānam̐ rūpānam̐ tamdhammamattāni, tato eva na jāti-ādidhammavantānīti āha “**na sayam̐ sabhāvavantānī**”ti.

Yathā jarā aniccātā ca rūpabhāvamattam̐, evam̐ jātipīti jātiyā rūpabhāvamattatāya upasam̐haraṇattho **tathā**-saddo.

Tesam̐ rūpadhammānam̐. Saṅkhātādi-saddo viya **abhinibbattita**-saddopi vattamānakālikopi hotīti “**abhinibbattiyamānadhammakkaṇasmin**”ti vuttam̐. **Evamapīti** yadipi jiraṇabhijjanabhāvā jiraṇādisabhāvānam̐ dhammānam̐ janakapaccayakiccānubhāvakkhaṇe abhāvato tappaccayabhāvavohāram̐ abhinibbattivohāraṇca na labhanti, evamapi tesam̐ upādinnatā vattabbāti sambandho. “Jarāmarāṇam̐ paṭiccasamuppannan”ti vacanato tassa pariyāyatam̐ vivarati “**tesam̐ uppāde sati**”ti-ādinā.

Yadi evanti yadi nissayapaṭibaddhavuttikā jāti-ādayo, evam̐ sati. “Mahābhūtānam̐ upādāyarūpan”ti¹ vacanato bhūtanissitesu kevalo upādāyavohāroti upādāye nissitāpi aparena upādāya-saddena visesetvā vattabbāti adhippāyena “**upādāyupādāyabhāvo āpajjati**”ti āha. Kāraṇakāraṇepi kāraṇe viya vohāro

1. Abhi 1. 145 piṭṭhe.

hoti “corehi gāmo daḍḍho”ti yathāti dassento **“bhūta -pa- ttanato”**ti āha. Idāni paramparā vinā nipariyāyato uppādādīnaṃ bhūtaṭṭibaddhabhāvaṃ saha nidassanena dassetuṃ **“api cā”**ti-ādīma voca. Vikāraparicchedāpi upādāyarūpavikārādibhāve bhūtaṭṭibaddhabhāvāvinivattito ekasmiṃ kalāpe ekekāva vikārādayoti jīvitindriyaṃ viya kalāpānupālakaṃ kalāpavikārādibhāvato ca “upādāyarūpāni” icceva vuccantīti āha **“evaṃ vikā -pa- yojetabbāni”**ti.

Asanekhatabhāvanivāraṇattham parinipphannatā vuttāti idaṃ aparinipphannasabhāvato anupalabbhamānakāya sasavisāṇaṃ viya kenaci na saṅkhatanti asaṅkhatam nāma siyāti imissā āsaṅkāya nivattanavasena vuttam. Atha vā rūpavikārādibhāvato rūpabhāvo viya rūpe sati santi, asati na santīti siddhāya paṭiccasamuppannatāya ādhitā parinipphannatā tesam saṅkhatabhāvaṃ sādhetī asaṅkhatabhāvaṃ nivāraṇattham jāyatīti vuttam **“asaṅkhatabhāvanivāraṇattham parinipphannatā vuttā”**ti.

Pakiṇṇakakathāvaṇṇanā niṭṭhitā.

Rūpakaṇḍavaṇṇanā niṭṭhitā.

3. Nikkhepaṇḍa

Tikanikkhepakathāvaṇṇanā

985. Yathāvuttaphassapañcamakādirāsikiccarahitattā keci dhamme visum ṭhapetvā sovacassatādi-avuttavisesasaṅgaṇhanatthañca, veneyyajjhāsayavasena vā chandādayo “yevāpanā”ti vuttāti yevāpanakānaṃ paduddhārena niddesānarahatāya kāraṇaṃ vuttanti hadayavatthussa tathā niddesānarahatāya kāraṇaṃ vadanto “**sukhumupā -pa- hitassā**”ti āha. Sukhumabhāvepi indriyādisabhāvāni upādāyarūpāni ādhipaccādivasena pākaṭāni honti, na taṃsabhāvaṃ sukhumupādāyarūpanti hadayavatthussa paduddhārena kusallatikapadabhājanena niddesānarahatā vuttā. Sukhumabhāvato yeva hi taṃ **mahāpakaraṇepi** “yaṃ rūpaṃ nissāya manodhātu ca manoviññādhātu ca vattantī”ti¹ nissitadhammamukhena dassitanti. Veneyyajjhāsayavasena vā hadayavatthu paduddhārena na dassitanti daṭṭhabbaṃ. Yena pana adhippāyena rūpaṇḍe hadayavatthu duvidhena rūpasāṅghādīsu na vuttaṃ, so rūpaṇḍavaṇṇanāya vibhāvito evāti. **Nikkhipitvāti** padassa pakkhipitvāti atthoti adhippāyena “**vitthāradesanaṃ antogadhaṃ katvā**”ti vuttaṃ. Mūlādivasena hi desitā kusallādidhammā taṃtaṃcittuppādādivasenapi desitā eva nāma honti taṃsabhāvānavattanatoti.

Mūlavasenāti suppatiṭṭhitabhāvasādhana vasena. Etāni hetupadādīni hinoti phalaṃ etasmā pavattatīti **hetu**, paṭicca etasmā etīti **paccayo**, janetīti **janako**, nibbattetīti **nibbattakoti** sesānaṃ vacanatto. “**Mūlaṭṭhassa -pa-vuttan**”ti kasmā vuttaṃ, nanu “pīḷanaṭṭho”ti-ādīsu viya mūlabhāvo mūlaṭṭho, tīṇi kusalamūlānīti ayañca mūlato nikkhepoti? Na, mūlassa attho mūlaṭṭho, so eva mūlaṭṭhoti suppatiṭṭhitabhāvasādhanaṭṭhena mūlasabhāvānaṃ alobhādidhammānaṃ kusalladhammesu kiccavisesassa adhippetattā. Tenevāha “**atthoti dhammakiccaṃ**”ti. Atha vā **atthavasenāti** “tīṇ kusalamūlānī”ti vuttānaṃ tesāṃ mūlānaṃ sabbhāvasāṅkhāta-atthavasena, na gāthāya vutta-atthavasena.

1. Abhi 8. 5 piṭṭhe.

Yasmā pana so mūlaṭṭhoyeva ca hoti, tasmā vuttaṃ “**alobhādīnan**”ti-ādi. Alobhādayo viya vedanākkhandhādayopi adhikatattā **taṃ**-saddena paṇiniddisitabbāti vuttaṃ “**te kusalamūlā taṃsampayuttā**”ti¹. **Tehi alobhādīhī**ti ettha **ādi**-saddena vā vedanākkhandhādayopi saṅgahitāti dassetuṃ “**te kusalamūlā taṃsampayuttā**”ti¹ vuttaṃ.

“Katame dhammā kusalā”ti pucchitvā phassādibhedato cattāro khandhe dassetvā “ime dhammā kusalā”ti² vuttattā khandhā ca kusalanti vuttaṃ “**khandhehi sabhāvatho kusale pariyādiyati**”ti. **Vedanākkhandho vā**ti³ kusalam -pa- viññāṇakkhandho vāti. **Aññassa** attano phalassa. **Mūlehi kusalānaṃ anavajjatāya hetuṃ dasseti**ti idaṃ na mūlānaṃ kusalassa anavajjabhāvasādhakattā vuttaṃ, atha kho tassa anavajjatāya suppatiṭṭhitabhāvasādhakattā. Yadi hi mūlehi kato kusalānaṃ anavajjabhāvo bhaveyya, taṃsamuttānarūpassapi so bhaveyya, mūlānaṃ vā tesam paccayabhāvo na siyā, hoti ca so. Vuttañhetam “hetū hetu -pa- paccayo”ti⁴. Kiñca bhiiyo kusalānaṃ viya akusalābyākatānampi tabbhāvo mūlapaṭibaddho bhaveyya, tathā sati ahetukānaṃ akusalābyākatānaṃ tabbhāvo na siyā, tasmā kusalādīnaṃ yonisomanasikārādipaṭibaddho kusalādibhāvo, na mūlapaṭibaddho, mūlāni pana kusalādīnaṃ suppatiṭṭhitabhāvasādhanānīti veditabbaṃ. Sahetukā hi dhammā viruḷhamūlā viya pādapā suppatiṭṭhitā thirā honti, na tathā ahetukāti.

Taṃsampayogakataṃ anavajjasabhāvanti idampi na anavajjasabhāvassa taṃsampayogena nipphādittā vuttaṃ, anavajjasabhāvaṃ pana visesetvā dassetuṃ vuttaṃ. Alobhādisampayogato hi kusalādīnaṃ khandhānaṃ anavajjabhāvo suppatiṭṭhito jāyati, na ahetukābyākatānaṃ viya na suppatiṭṭhitoti. Yadi evaṃ na tesam khandhānaṃ kusalādibhāvo dassito siyā? Na, adhikārato kusalabhāvassa viññāyamānattā. **Kamma**-saddo viya vipākadhammatāvācino na mūlakkhandhasaddā, so ca idha avisesato vuttoti āha “**kammehi sukhavipākataṃ dasseti**”ti. Ādikalyāṇatam

1. Kusalamūlataṃsampayuttāti (Mūlaṭṭikāyaṃ)

3. Idaṃ padaṃ mūlaṭṭikāyaṃ na dissati.

2. Abhi 1. 17 piṭṭhe.

4. Abhi 8. 1 piṭṭhe.

kusalānaṃ dasseti yojanā.

Anavajjahetusabhāvasukhavipākabhāvanidānādisampattiyo daṭṭhabbā, yonisomanasikāra-avajjapaṭipakkhatā-iṭṭhavipākatāvasenapi nidānādisampattiyo yojetabbā. Yonisomanasikārato hi kusalā alobhādīmūlakā, alobhādisampayogato ca lobhādipaṭipakkhasukhavipākāva jātāti.

986. “**Kasmā vuttan**”ti anuyuñjivā codako “**nanū**”ti-ādinā attano adhippāyaṃ vivarati. Itaro yathāvuttamohassa idha **sampayuttasaddena** avuccamānataṃ “**saccametan**”ti sampācchitvā “**tenā**”ti-ādinā parihāramāha. Tassattho—“taṃsampayuttā”ti padena kiñcāpi yathāvuttamoho padhānabhāvena na gahito, nānantariyakatāya pana guṇabhāvena gahitoti. **Aññattha abhāvāti** yathāvuttasampayuttato aññattha abhāvā. Na hi vicikicchuddhaccasahagato moho vicikicchuddhaccādidhammehi vinā hotīti.

987. Uppādādisaṅkhatalakkhaṇavinivattanattham “**aniccadukkha-anattatā**”ti vuttam. Uppādādayo pana tadavatthadhammavikārabhāvato taṃtaṃdhammaggaṇena gahitāyeva. Tathā hi vuttam “jarāmaṇaṃ dvīhi khandhehi saṅgahitan”ti¹, “rūpassa upacayo”ti ca ādi. Kesakumbhādi sabbaṃ nāmaṃ **nāmapaññatti**, rūpavedanādi-upādānā brahmavihārādigocarā upādāpaññatti **sattapaññatti**, taṃtaṃbhūtanimittam bhāvanāvīsesaṅka upādāya gahetabbo jhānagocaraviseso **kaṣiṇapaññatti**. **Paramatthe amuñcivā vohariyamānāti** iminā vihāramañcādipaññattīnam sattapaññattisadisataṃ dasseti, yato tā sattapaññattiggahaṇena gayhanti. Hutvā abhāvapaṭipīḷana-avasavattanākārabhāvato saṅkhatadhammānam ākārabhāvato saṅkhatadhammānam ākāravisesabhūtāni lakkhaṇāni viññatti-ādāyo viya vattabbāni siyūṃ, tāni pana nissayānapekkham na labbhantīti paññattisabhāvāneva tajjāpaññattibhāvato na vuttāni, sattaḡhaṭṭadito visesadassanattham pana aṭṭhakathāyaṃ visūṃ vuttānīti. **Na hi ko -pavattum yuttam kusalattikassa nippadesattā.**

988. Bhavati etthāti bhūmi, nissayapaccayabhāvato sukhasa bhūmi **sukhabhūmi**. Sukhavedanāsahitam cittam. Tassa bhūmibhedena niddhāraṇattham

1. Abhi 3. 13 piṭṭhe.

taññissayabhūtā sampayuttadhammā “**kāmāvacare**”ti vuttā. Tassa vā ekadesabhūtassa samudāyabhāvato ādhāraṇabhāvena apekkhitvā taññissamānabhūmi “**kāmāvacare**”ti vuttā. Tattha “sukhabhūmiyam kāmāvacare”ti dvepi bhummavacanāni bhinnādhikaraṇabhāvena aṭṭhakathāyaṃ vuttānīti ubhayesampi samānādhikaraṇabhāvena atthayogaṃ dassetuṃ “**sukhatūmīti kāmāvacarādayopi yujjanti**”ti vuttaṃ. Yatheva hi cittaṃ, evaṃ sabbepi parittasukhena sampayuttā dhammā tassa nissayabhāvato bhūmi kāmāvacarāti. Aṭṭhakathāyampi vā ayamattho vuttoyevāti daṭṭhabbaṃ. “Cittan”ti hi cittuppādopi vuccati. Tena vuttaṃ “cittaṃ uppannanti ettha cittameva aggahetvā paropaññāsakusaladhammehi saddhimyeva cittaṃ gahitan”ti¹. **Evañca katvāti** sukhabhūmiyanti cittuppādassa viññāyamānattā. **Vibhāgadassanaṃ** visesadassanaṃ. Bhāsitaḥḥaṃ bhāsitaṃ, tadeva atthoti **bhāsitaṭṭho**. Abhidheyyattho. **Tadatthaviññāpanenāti** tikadukānaṃ kucchitānaṃ salanādi-atthadīpakena.

994. **Ko pana vādo khandhārammaṇassāti** pubbāparabhāvena vattamāne arahato khandhe ekattanayavasena santānato “amhākaṃ mātulatthero”ti-ādinā ālambitvā pavattamānaṃ upādānaṃ tassa upādānakkhandheya gāṇhāti. Satipi taññissantatipariyāpanne lokuttarakkhandhe tattha pavattitum asamatthabhāvato kā pana kathā khandhe ārabba pavattamāne. Etena natthi maggo visuddhiyā, natthi nibbānanti evamādivasena pavattā micchādiṭṭhi-ādayo na maggādivisayā taññissamānāntivisayāti dīpitaṃ hoti.

998. **Evaṃ saṃ -pa- lesikāti** anupādāniyehi asaṃkilesikānaṃ bhedābhāvamāha.

1006. Avijjamāno ca so niccādivipariyāsākāro cāti **avi -pa- sākāro**ti padacchedo. Diṭṭhiyā niccādi-avijjamānākārena gayhamānattepi na tadākāro viya paramatthato avijjamāno, atha kho vijjamāno kāyo sakkāyoti avijjamānaniccādivipariyāsākārato visesananti **lokuttarāna idam visesanaṃ arahanti** “santo

1. Abhi-Ṭṭha 1. 109 piṭṭhe.

vijjamāno kāyo sakkāyo”ti. **Vatthu avisesitaṃ hotīti** idam “sati kāye”ti ettha kāya-saddo samūhatthatāya anāmasitavisesaṃ khandhapañcakaṃ vadatīti adhippāyena vuttaṃ. Pasādakāyo viya kucchitānaṃ rāgādīnaṃ uppattiṭṭhānatāya kāyoti vuccatīti evaṃ pana atthe sati diṭṭhiyā vatthu visesitameva hotīti lokuttarāpi apanīta. Na hi lokuttarā khandhā uppattiṭṭhānatāya “kāyo”ti vuccantīti. **Suddhiyā ahetubhūtenāti** gosilādina, lokiyasīlena vā lokuttarasīlassa apadaṭṭhānena.

“Avītikkaṃaṇīyatāsataṃcaritabbatāhi vā **sīlaṃ**, tapocaraṇabhāvena samādinnaṭṭhāya **vataṃ**. Attano gavādibhāvādhiṭṭhānaṃ **sīlaṃ**, gacchantoyeva bhakkhanādigavādikiriyākaraṇaṃ **vataṃ**. Akattabbābhīmato nivattanaṃ vā **sīlaṃ**, taṃsamādānavato vesabhojanakiccacaraṇādivisesapaṭipatti **vataṃ**”ti ca sīlabbatānaṃ visesaṃ vadanti.

1007. Imassuppādā idam uppajjatīti uppādoti na jananamattaṃ adhippetam, atha kho anirodhopīti “**avighātaṃ janasaddo vadati**”ti āha. Tatthāyaṃ **jana**-saddo nayo, janitāti **janā**, avihatāti attho. **Puthū janā etesanti puthujjanāti** puthusatthumānino sattā. **Abhisankharaṇādi-attho vā janasaddo** anekatthattā dhātūnaṃ. Khandhāyatanādīnaṃ savanādhīnattā paññācakkhupaṭilābhassa tesam savanābhāvādīpakaṃ “assutavā”ti idam padaṃ andhataṃ vadati.

Kataṃ jānantiti attanā parehi ca kataṃ kusalākusalaṃ tehi nipphāditam sukhadukkhāṃ yāthāvato jānanti. Paresam attanā, attano ca parehi kataṃ upakāraṃ yathāvuttākārena **pākaṭam karonti**. Byādhi-ādīhi dukkhitassa upaṭṭhānādīkātābbaṃ, saṃsāradukkhadukkhitasseva vā yathāvuttākārena **kātābbaṃ karonti**. Ariyakaradhammā ariyasaccānīti purimasaccadvayavasena vuttaṃ “**vipassiyamānā aniccādayo**”ti. Pariññādivisesena vā passiyamānāti atthe sati **aniccādayoti ādi**-saddena niccāmpī nibbānaṃ gahitanti catusaccavasenaṃ yojetabbam, aniccattādayo vā “**aniccādayo**”ti vuttāti daṭṭhabbam.

Avasesakilesā **kilesasotaṃ**. **Ñānanti** yāthāvato jānanaṃ. Yathābhūtāvabodhena hi tassa tāni anuppattidhammataṃ āpāditatāya

santāne appavesārahāni “saṁvutāni pihitāni”ti ca vuccanti. **Tathāti** sabbasaṅkhārānaṃ vippakārassa khamanākārena. Aviparītadhammā etāya niṃjjhāyaṃ khamantīti **paññā khaṇṭīti**. Aduṭṭhasseva titikkhābhāvato tathāpavattā khandhāti adosappadhānā khandhā vuttāti “**adoso eva vā**”ti tatiyo vikappo vutto. Satipaṭipakkhattā abhiṃjjhādomanassānaṃ “muṭṭhassaccaṃ”ti vuttā. **Akkhanti** doso. Sassatādi-antavinimuttā dhammaṭṭhitīti **sassatucchedādigāho tappaṭilomabhāvo** vutto. Diṭṭhadhammanibbānavādo **nibbāne paṭilomabhāvo**. Carimānulomaññāvajjhataṇhādiko kilesoti vutto, paṭipadāññadassanaññadassanāni viya gotrabhuññānaṃ kilesānaṃ appavattikaraṇabhāvena vattati, kilesavisayātilaṅghanabhāvena pana pavattatīti katvā vuttam “**saṅkhāra -pa- pahānaṃ**”ti.

Diṭṭhiyādīnaṃ samudayasabhāgatā kammassa vikuppādane sahakārīkaraṇabhāvo, dassanādibyāpāraṃ vā attānañca dassanādikkiccam kakkhādīnanti evaṃ hi yathātakkitaṃ attānaṃ rūpanti gaṇhāti. **Yathādiṭṭhanti** takkadassanena yathopaladdhanti adhippāyo. Na hi diṭṭhigatiko rūpāyatanaṃ eva attāti gaṇhātīti. **Imissā pavattiyāti** sāmāññena rūpaṃ attāti sabbasaṅgāhakabhūtāya pavattiyā. **Rūpe -pa- mānanti** kakkhādīsu tamsabhāvo attāti pavattamānaṃ attaggahaṇaṃ. **Anaññattādiggaṇanti** anaññattaṃ attaniya-attanissita-attādhāratāgahaṇaṃ. **Vaṇṇādīnanti** vaṇṇarukkhapupphamaṇīnaṃ. Nanu ca rukkhapupphamaṇīyo paramatthato na vijjanti? Saccam na vijjanti, tadupādānaṃ pana vijjatīti taṃ samuditā dipakāraṃ idha rukkhadīpariyāyena vuttanti rukkhadīnidassanepi na doso chāyārukkhadīnaṃ viya rūpassa attano ca saṃsāmibhāvādimattassa adhippetattā.

1008. **Jāti-ādisabhāvanti** jātibhavādīnaṃ nibbattinibbattanādisabhāvaṃ, **uppādanasamatthātā** paccayabhāvo.

1009. Sāmāññena “tadekaṭṭhā kilesā”ti¹, parato “avaseso lobho”ti-ādivacanato¹ pārisesato sāmattihiyato vā labbhamānatāya satipi āgatatte sarūpena pabhedena vā diṭṭhi-ādayo viya anāgatattā lobhādayo “anāgatā”ti vuttāti āha

1. Abhi 1. 209 piṭṭhe.

“**idha -pa- ssetun**”ti. **atthato viññāyati** lobhādīhi saha-jātā hutvā diṭṭhiyā eva pāḷiyam vuttakilesabhāvato. **Itipi attho yujjati** saṃyojanakilesānampi paṭiniddesārahattā sampayuttasamuṭṭhānabhāvato ca. **Saṃyojanarahitehīti** saṃyojanabhāvarahitehi thina-uddhacca-ahirikānottappehi, thina-ahirikānottappehi vā.

1013. **Ekade -pa- vadati** avayavenapi samudāyo vuccatīti. Hetu etesaṃ atthīti vā **hetukā**. **Aniyatoti** na avadhārito. Purimapadāvadhāraṇavasena gahetabbatthattā **vivaraṇīyatthavā**. **Atthato nikkhipitunti** “tayo kusalahetu alobho adoso amoho”ti-ādīsu¹ viya purimanayena dassitadhammeyeva hetupahātabbahetukabhedato atthadassanavasena niddisitunti attho.

1029. Abhiññāyuttavajjānaṃ mahaggaṭānaṃ parittārammaṇattābhāvā “**mahaggaṭā vā iddhividhādayo**”ti vuttaṃ. Atītaṃsaññāssa kāmāvacarattā “**ceto -pa- ñāṇasampayuttā**”ti āha.

1035. **Anantare niyuttānīti** cuti-anantaram phalaṃ anantaram, tasmim niyuttāni taṃ ekantena nipphādanato anatikkamanakānīti attho. Vuttappakāraṣṣa anantarassa karaṇaṃ anantaram, taṃ sīlānīti yojetabbaṃ. Anekesu ānantariyesu katesu kiñcāpi balavatoyeva paṭisandhidānaṃ, na itaresaṃ, attanā pana kātabbakiccassa teneva katattā tassa vipākassa upatthambhanavasena pavattanato na itarāni tena nivāritaphalāni nāma honti, ko pana vādo paṭipakkhesu kusalesūti vuttaṃ “**paṭipakkhena anivāraṇīyaphalattā**”ti. “**Anekasmimpi -pa- natthī**”ti kasmā vuttaṃ, nanu anekesu ānantariyesu katesu balavaṃyeva paṭisandhidāyakanti tena itaresaṃ vipāko paṭibāhito hotīti āha “**na ca tesan**”ti-ādi. Tañca tesam aññaṃaññaṃ appaṭibāhakattaṃ mātikāvaṇṇanāyaṃ vitthārena vicāritameva.

Atthato āpannaṃ aggahetvā yathārutavaseneva pāḷiyā atthaṃ gahetvā tesam vādānaṃ tapparabhāvena pavattiṃ sandhāya ahelukavādādīnaṃ

1. Abhi 1. 214 piṭṭhe.

visesaṃ dassetuṃ “**parimavādo**”ti-ādi vuttaṃ. Aniyyānikaniyyānikabhedaṃ pana sambhāarakammaṃ bandhamokkhaḥetūti bandhamokkhaḥetum paṭisedhenti kammaṃ paṭisedheti. **Sumaṅgalavilāsiniyam**¹ pana vipākassa kammakilesasamādhipaṇṇānaṃ hetubhāvato vipākopi bandhamokkhaḥetūti “natthi hetūti vadanto ubhayaṃ paṭibāhatī”ti vuttaṃ. Tattha kammaṃ paṭisedhenti napaṭi vipāko paṭisedhito hoti, vipākam paṭisedhenti napaṭi kammanti tayopi ete vādā atthato ubhaya paṭisedhakāti veditabbā. **Niyatamicchādiṭṭhinti** ahetu kavādā dipaṣaṃyutte asaddhamme uggahapari pucchāvini chhayapasutassa “natthi hetū”ti-ādinā raho nisīditvā cintentassa tasmim ārammaṇe micchāsati santiṭṭhati, cittaṃ ekaggaṃ hoti, javanāni javanti. Paṭhamajavane atekicchā hoti, tathā dutiyādīsu. Sattame atekicchabhāvam patto nāma hoti. Yā evaṃ pavattā diṭṭhi, taṃ sandhāya vuttaṃ “niyatamicchādiṭṭhin”ti. Tato purimabhāvā aniyatā.

1039. Sahajātā aññamañña nissaya atthi avigatādivisiṭṭhabhāvepi maggapaccayassa sampayogavisiṭṭhatādīpaneneva sahajātādivisiṭṭhatāpi viññāyatīti pāḷiyam “sampayutto”ti vuttanti “**sampayogavisiṭṭhenā**”ti vuttaṃ. **Magga -pa- dassetuṃ**, na pana maggaṅgānaṃ aññamaññaṃ maggapaccayabhāvābhāvatoti adhippāyo. **Evaṃ satīti** yadi maggaṅgānaṃ maggaṅgānaṃ maggapaccayalābhītāya pakāsano paṭhamanayo, evaṃ sante. Maggaṅgānapi vedanādayo viya maggaḥetukabhāvena vattabbattā amaggasabhāvānaṃ alobhādi-ānaṃ tadaññesaṃ tadubhayasabhāvānaṃ dhammānaṃ paccayabhāvādīpane tatiyanaye viya na ṭhapetabbānīti āha “**ṭhapetvāti na vattabbaṃ siyā**”ti. **Pubbeti** purimanaye.

Dutiyanayepīti pi-saddena paṭhamanayam sampiṇḍeti. Tena sammādiṭṭhiyā purimasim nayadvaye ṭhapitattā tassa sahetukabhāvadassano tatiyanayo āraddhoti dasseti. Tatiyanaye sammādiṭṭhiyā sahetukabhāvadassanaṃ anicchanto codako “**katham dassito**”ti codetvā “**nanū**”ti-ādinā attano adhippāyam vivarati. Itaro “**yathā hī**”ti-ādinā dassanena pahātabbāhetubhāvena vuttānampi lobhādīnaṃ aññamaññaṃ sahajekattasampayuttasaṅkhārakkhandhapariyāpannato dassanena

1. Dī-Ṭṭha 1. 150 piṭṭhe.

pahātabbahetukasaṅgaho viya maggahetubhāvena vuttāyapi sammādiṭṭhiyā maggahetukabhāvopi yujjati maggahetusampayuttasaṅkhārakkhandha pariyāpanabhāvatoti dasseti.

Tato aññassevāti tato sammādiṭṭhisāṅkhātahetuto aññassa alobhādosasseva. **Aññenāti** “maggo hetū”ti ito aññena. Alobhādosānamyeva adhippetattā tesāmyeva āveṇikena maggahetūti iminā **pariyāyena**. **Sādhāraṇena pariyāyena**ti tiṇṇampi hetūnaṃ adhippetattā maggāmaggasabhāvānaṃ sādhāraṇena maggahetumaggahetūti iminā pariyāyena. **Tesanti** hetūnaṃ. **Aññesanti** hetusampayuttānaṃ. **Atthavisesavasena**ti “maggahetukā”ti pāḷiyā atthavisesavasena. amohena alobhādosāmohehi ca sesadhammānaṃ sahetukabhāvadassanavasena pavattā dutiyatatiyanayā “**sarūpato hetuhetumantadassanan**”ti vuttā. **Tathā-adassanatoti** sarūpena adassanato. **atthena -pa- gamanatoti** “maggāṅgāni ṭhapetvā taṃsampayutto”ti¹ vacanato maggasabhāvānaṃ dhammānaṃ maggapaccayatāsaṅkhāto sampayuttānaṃ hetubhāvo sarūpato dassito. Maggahetubhūṭāya pana sammādiṭṭhiyā sampayuttānaṃ hetuhetubhāvo atthato ñāpito hotīti attho.

1040. Asabhāvadhammo garukātabbo na hotīti “**sabhāvadhammo**”ti vuttaṃ. Teneva **paṭṭhānavañṇanāyaṃ**² “ārammaṇādhipati jātibhedato kusalākusalavipākakiriyarūpanibbānavasena chabbidho”ti vakkhati. **Maggādīni ṭhapetvāti** maggādīni pahāya. **Aññesanti** maggādito aññesaṃ. **Adhi -pa- vassāti** ārammaṇādhipatipaccayabhāvassa. Paññuttarattā kusalānaṃ lokuttarakathāya ca paññādhurattā vīmaṃsādhipatiṣṣa sesādhipatīnaṃ padhānatā veditabbā.

1041. Padesasattavisayattā paṭhamavikappassa sakalasattavasena dassetuṃ “**kappasahassātikamepi vā**”ti-ādi vuttaṃ. **Laddhokāsaṃ yaṃ bhavissatīti** laddhokāsaṃ yaṃ kammaṃ pāpuṇissati. Kappasahassātikame avassaṃ uppajjanavipākattā **tadapi -pa- vuccatīti**. Aladdhattalābhatāya

1. Abhi 1. 212 piṭṭhe. 2. Abhi-Ṭṭha 3. 361 piṭṭhe.

uppādādikkhaṇaṃ appattassa vipākassa anuppanabhāvo natthibhāvo
pākaṭabhāvābhāvatoti vuttaṃ “**nattha nāma na hotīti anuppanno nāma na
hotī**”ti. **Tatthāti** arūpabhavaṅge.

Avipakkavipākam kammaṃ sahakārikāraṇasamavāyālābhena
akatokāsaṃ vipākābhimukhabhāvābhāvato
vipakkavipākakammasarikkhanti vuttaṃ “**aladdho -pa- deyyā**”ti.
Kiccanipphattiyā asati upannampi kammaṃ anuppannasamānanti “**okāso na
bhaveyyā**”ti etassa **samatthatā na siyāti** atthamāha. Tena
apacayagāmikammakicassa okāsābhāvo dassito. Pubbe niratthakattā
uppattiyā okāso na bhaveyyāti payoanābhāvato kammupattiyā okāsābhāvo
vutto. “**Vipākato aññassa pavatti-okāso na bhaveyyā**”ti iminā asambhavatoti
ayametesam viseso. **Dhuvavipākassa** kammassa **vipākena**
nidassanamattabhūtenāti adhippāyo. Ariyamagga-ānantariyakammānaṃ viya
mahaggatakammānaṃ niyatasabhāvatābhāvā aṭṭhasamāpattīnaṃ
“**balavavirahe**”ti-ādinā savisesanadhuvavipākatā vuttā. Ettha ca “pañca
ānantariyakammāni”ti nidassanamattaṃ daṭṭhabbaṃ niyatamicchādīṭṭhiyāpi
dhuvavipākattā. Yassa kammassa katattā yo vipāko niyogato uppajjissati, so
tassa anāgatakālepi uppādivohāraṃ labhati. So ca uppādivohāro
āyūhitakammavasena vuccamāno bhāvinā āyūhitabhāvena maggo
anuppannoti ettha vuttoti dassetuṃ “**yaṃ āyūhitam bhavissati**”ti-ādi vuttaṃ.

1050. Upādānehi ādinnāti sabandho. **Aññeti** upādānārammaṇehi aññe
anupādāniyāti attho. **Ādikenā gahaṇenāti** “aham phalaṃ sacchākāsin”ti
evaṃ paccavekkhaṇāññasaṅkhātena gahaṇena. Idāni upetattadīpakassa
upa-saddassa vasena **upādinna-saddassa** atthaṃ vuttuṃ “**upādinna-saddena
vā**”ti-ādi vuttaṃ. Tattha nibbānassa anajjhatabhāvato
“**amaggaphaladhammāyeva vuttā**”ti āha. **Itarehīti** ajjhattapadādīhi.

Tikanikkhepakathāvaṇṇanā niṭṭhitā.

Dukanikkhepakathāvaṇṇanā

1062. Mettāya ayanam upagamanam mettāyanam, tañca attano santāne mettāya lābho uppādanam sattānam anupagamo atthato majjanamevāti “mettā, medanan”ti vatvā “**sinehanan**”ti āha.

1065. Tasmim tasmim visaye cittam saṃrañjatīti **cittassa saṃrañjanam**. **Taṇhāvicaritādīti ādi**-saddena esanādayo saṅgahitā. Taṇhāya vipulatā visayavasena pavattivasena vā veditabbā. Aniccādisabhāvassa rūpādikassa niccādito gahaṇam abhiniveso visesato taṇhāvasena hoti taṇhārahitāya diṭṭhiyā abhāvāti upacāravasena nimittassa kattubhāvamāha “**niccādito gaṇhantī visamvādikā hotī**”ti. Pākaṭena saddena labbhamānattā yathārutaviññāyamānattā ca **visattikā**-saddassa visatasabhāvo “**padhāno attho**”ti vutto. “Antalikkhacaro pāso, yvāyam carati mānaso. Tena tam bādhayissāmī”ti-ādivasena¹ **mārena gahitatāya**.

1066. Anattacaraṇādi-anabhisandhānakatāya aṭṭhānabhūtesu ca vassavātādisaṅkhāresu uppannakopo viya sattesu atthācaraṇādinā āropanādhippāyesuyeva tadajjhāropanavasena pavatto yadipi anāyatanuppattiyā aṭṭhānāghātoyeva hoti, sattavisayamntā pana sati cittassa ekantabyāpattiyam kammaopathabhedo hotiyevāti sakkā viññātum, aṭṭhānuppattiyam panassa na siyā kammaopathabhedoti āha “**sattesu uppanno aṭṭhānakopo karotī**”ti. Paṭighādipadānam ghaṭṭanāpurimayānavikāruppattisamaññādisupi dassanato “**paṭivirodhādipadāni tesam visesanatthānī**”ti vuttam.

1091. Dve dhammā tayo dhammāti saddantarāsannidhānena paricchedavato bahuvacanato dassanato “**aparicchedena bahuvacanenā**”ti vuttam. **Uddeso katoti iti**-saddo hetu-attho. Tena bahuvacanena uddesakaraṇam bahuvacanena pucchāya kāraṇanti dīpeti. Uddesānuvidhāyini hi pucchāti. Tathā hi saṅkhāparicchinne uddese “katame vā tayo”ti saṅkhāparicchinnāva

1. Saṃ 1. 113; Vi 3. 28 piṭṭhesu.

pucchā karīyatīti. Uddesena dhammānaṃ atthitāmattavacanicchāyaṃ sabhāvabhūmikāraṇaphalādi-paricchedo viya saṅkha-paricchedopi na kātabboti adhippāyena “**aniddhāritaparicchede**”ti-ādi vuttam. “Apaccayā dhammā”ti padato pana heṭṭhā anekabhedabhinnā dhammā aparicchedena bahuvacaneneva uddiṭṭhā, uddhañca tathā uddisīyanatīti taṃ sotapatitatāya bheda-bhāvepi paramatthato appaccayadhammassa asaṅkhatadhammassa ca sopādisesanirupādisesarāgakkhayādi-asaṅkhatādivacanavacanīyabhāvena upacaritabhede gahite padadvayena atthi kāci bheda-mattāti **aparicchedena bahuvacanena uddeso katoti** vuttam siyā. Uddesānusārīni pucchini-gamanānīti tānīpi tathā pavattāni. Niddeso pana yathā-dhippetasabhāvādi-pariccheda-vibhāvanavasena kātabboti asaṅkhatā dhātu icceva kato paramatthato bheda-bhāva-dīpanatthanti daṭṭhabbam. Kathetukāmatāvasena pucchanto yassa katheti, tena kātabbapucchāya karaṇato taggataṃ ajānanaṃ saṃsayam vā anuvidhāyayeva pucchati “**sabhāva -pa- ajānantassa vasena pucchā karīyatī**”ti vuttam. **Niddesato pubbeti**-ādinā aṭṭhakathāyaṃ vuttam pucchānusandhimyeva vibhāveti.

1101. **Bhinditvāti** vibhajitvā. **Rūpāva -pa- viññeyyāti** kāmāvacarakusalamahākiriya-viññāṇena mahaggatadhammānaṃ sammasanavasena yathāyogaṃ mahaggatappamāṇadhammānaṃ paccavekkhaṇādivasena rūparāgārūparāgasampayuttena akusalamanoviññāṇena mahaggatadhammānaṃ abhinivesana-assādanavasena taṃtāmpaññattiyañca taṃtānvohārasena pavattena āvajjanaena ca yathāvuttaviññāṇānaṃ purecārikena kāmāvacaradhammā na viññeyyā. **Itarenāti** parittārammaṇena. **Kāmāvacarānameva ārammaṇānanti** niddhāraṇe sāmivacanaṃ. Rūpārammaṇādīhi viññāṇehi tattha rūpārammaṇena viññāṇenapi saddādīnaṃ aviññeyyatā rūpassa ca viññeyyatā. Evaṃ sesesupi yojanā daṭṭhabbā. Cakkhudvārikena saddādīnaṃ aviññeyyatā rūpassa viññeyyatāti-ādinā **dvārabhedavasena** yojetabbam. **Itaranti** iṭṭhamajjhataṃ aniṭṭhamaniṭṭhamajjhatañca. **Rūpāvacarādayo kāmāvacaravipākādīhiti** rūpāvacarārūpāvacaralokuttarapaññattiyō kāmāvacaravipākehi lokuttarā kāmāvacarato ñāṇavippayuttakusalakiriyehi akusalehi ca aviññeyyāti yojetabbam. Nibbānassa avijānana-sabhāvo eva **attasambhavo**.

1102. Rūpārūpāvacarakmmūpapattibhave diṭṭhirahito lobho bhavāsavoti yathāvuttavisayo diṭṭhisahito sabbakāmāvacaradhammavisayo ca lobho kāmāsavo bhavitum yuttoti vuttam **“bhavāsavam -pa- siyā”**ti. Kāmāsavabhavāsavavinimuttassa hi lobhassa abhāvam sayameva vakkhatī. **Pāliyanti** aṭṭhakathakaṇḍapāliyam. Tattha yathā “kāmāsavo aṭṭhasu lobhasahagatacittuppādesu uppajjati”ti vuttam, evam “bhavāsavo aṭṭhasu lobhasahagatacittuppādesu uppajjati”ti avatvā “catūsu diṭṭhigatavippayuttalobasahagatacittuppādesu uppajjati”ti¹ vuttattā “bhavāsavo -pa- yutesu eva uppajjati”ti pāliyam vuttoti sāvadhāraṇam vuttam. Tathā ca vakkhati “bhavāsavo catūsu diṭṭhigatavippayutesu avijjāsavena saddhim ekadhāva ekato uppajjati”ti². **Sopi rāgoti** sassatadiṭṭhisahagato rāgo. Kāmabhavapatthanā viya kāmāsavoti yuttam vuttam. Sassatadiṭṭhisahagatarāgakāmabhavapatthanānampi hi bhavāsavoti vattabbapariyāyo atthīti “sassatadiṭṭhisahagato rāgo bhavarāgavasena patthanā bhavāsavo nāmā”ti vuttam, na tesam idha adhippetabhavāsavabhāvadassanatthanti **aṭṭhakathāyam** adhippāyō daṭṭhabbo. Tathā hi “rūpārūpasaṅkhāte kammato ca upapattito ca duvidhepi bhavē āsavo bhavāsavo”ti vuttanti. Tattha kāmabhavapatthanāya tāva kāmāsavabhāvo hotu, rūpārūpabhavesu sassatābhinivesasahagatarāgassa kathanti? Sopi yathāvuttavisaye kāmanavasena pavattito kāmāsavoyeva nāma. Sabbepi hi tebhūmakā dhammā kamanīyaṭṭhena kāmāti. Na cettā aniṭṭhappasaṅgo diṭṭhivippayuttalobhassa bhavāsavabhāvena visum uddhaṭattā. Avassañcetamevam viññātabbam, itarathā rūpārūpabhavesu ucchedadiṭṭhisahagatassapi lobhassa bhavāsavabhāvo āpajjeyyāti. Kāmāsavādayo eva diṭṭhadhammikasamparāyikāsavabhāvena³ dvidhā vuttā.

1103. Idha pāliyāpi bhavāsavavinimuttalobhassa kāmāsavabhāvo nana sakkā yojetunti dassetum **“kāmāsavaniddese cā”**ti-ādi vuttam. “Dhammacchando saddhā”ti keci.

1. Abhi 1. 278 piṭṭhe.

2. Abhi-Ṭṭha 1. 451 piṭṭhe.

3. Diṭṭhadhammikasamparāyikā kāmāsavabhāvena (Ka)

1105. **Upādānakkhandhesveva pavattati** tabbinimuttassa dhammassa jīvaggaṇaṇavisayassa paramatthato abhāvā. **Rūpe -pa- viññāṇe vā pana na patitthāti** rūpādānaṃ aviparītasabhāvamatte aṭṭhatvā sayam samāropitassa tesu parikkappanāmattasiddhassa kassaci ākāssa abhinivesanato. Tenevāha “tato aññaṃ katvā”ti. **Tato** upādānakkhandhato. Vedanādayopi hi keci diṭṭhigatikā aniccāti passantīti. **Tatoti** vā sarīrasaṅkhātarūpakkhandhato. “Aññaṃ jīvaṃ aññaṃ sarīraṃ”ti hi vuttaṃ. **Hotīti** bhavati sassataṃ attāti attho. **Aññanti** brahma-issarādito aññaṃ.

Arūpabhavo viya rūparāgappahānena rūpabhavo kāmarāgappahānena pattabbo. Rūpībrahmānaṃca pañcakāmaguṇiko rāgo pahīyati, na vimānādisu rāgoti so akāmarāgoti katvā kāmāsavo na hotīti aṭṭhakathāyaṃ paṭikkhittaṃ. Ṭikākārehi pana kāmāsavabhavāsavavinimuttalobhābhāvadassanena rūpībrahmānaṃ vimānādirāgassapi kāmaccchandādibhāvato diṭṭhivippayuttarūpārūpabhavarāgavinimutto sabbo lobho kāmāsavoti dassito. Tattha yuttaṃ vicāretvā gahetabbaṃ. Siyā āsavasampayutto kāmarāgena bhavarāgena vā sahuppattiyam, siyā āsavavippayutto tadaññarāgena sahuppattiyam, “catūsu diṭṭhigatā”ti-ādipāliya abhāvadassanena kāmāsavabhavāsavavinimuttalobhābhāvaṃ dassetvā “kāmāsavo”ti-ādipālidassanena diṭṭhirāgassa kāmāsavabhāvaṃ sādheti. **Pahātabbadassanattanti** pahātabbatādassanattam. **Pahāneti** pahānanimittam.

1121. **Jātiyāti** khattiyasabhāvādi jātisampattiyā. **Gottenāti** gotamagottādi-ukkaṭṭhagottena. **Kolaputtiyenāti** mahākulabhāvena. **Vaṇṇapokkharatāyāti** vaṇṇasampannasarīratāya. “Pokkharan”ti hi sarīraṃ vuccatīti. **Mānaṃ jappetīti** mānaṃ pavatteti karoti. Pavatto māno **pavattamāno**. **Puggalavisesanti** seyyassa seyyoti-ādibhedam puggalavisesam. Seyyam bhinditvā pavattamāno **seyyamāno**. **Tiṇṇanti** seyyassa seyyādānaṃ tiṇṇam “seyyohamasmī”ti-ādinaṃ aññaṃ puggalam anissāya vuttānaṃ. Seyyādivasena attano mananaṃ paggaho māno, tassa karaṇam seyyohamasmīti-ādipavattiyevāti vuttaṃ “seyyoti ādikiccakaraṇam”ti.

1140. Sabbopi lobho abhijjhāsabhāvoti abhijjhā āsavadvayasabhāvo, kāmārāgo kāmāsavasabhāvo evāti **āsavadvaya-ekāsavabhāvo** abhijjhākāmārāgānaṃ viseso vutto. Na-abhijjhāca dhammā ṭhapetvā diṭṭhiṃ avijjañca no-āsavasabhāvā. Abhijjhā ca āsavadvayasabhāvā eva, na abhijjhāsabhāvo ca lobho natthīti adhippāyena “**no-āsavalobhassa sabbhāvo vicāretabbo**”ti āha. **gaṇanāya hetuyā sattāti vuttanti** pañhāvārapāṭhaṃ sandhāya vuttaṃ. Tattha hi “āsavo dhammo āsavassa dhammassa hetupaccayena paccayo. Āsavo dhammo no-āsavassa dhammassa. Āsavo dhammo āsavassa ca no-āsavassa ca. No-āsavo dhammo no-āsavassa. No-āsavo dhammo āsavassa. No-āsavo dhammo āsavassa ca no-āsavassa ca. Āsavo ca no-āsavo ca dhammā no-āsavassa hetupaccayena paccayo”ti¹ imesaṃ vārānaṃ vasena “gaṇanāya sattā”ti vuttaṃ. Tattha yadi no-āsavasabhāvopi lobho siyā, diṭṭhisampayuttacittassa vasena “āsavo ca no-āsavo ca dhammā mohayathāvuttalobhā āsavassa dhammassa diṭṭhiyā hetupaccayena paccayo”ti sattamo, pāḷiyaṃ āgataṃ sattamaṃ aṭṭhamaṃ katvā “āsavo ca no-āsavo ca dhammā āsavassa ca no-āsavassa ca dhammassa hetupaccayena paccayo”ti navamo pañho vucceyya, na pana vuttoti. evaṃ diṭṭhisampayuttalobhassa no-āsavabhāvābhāvamaṃ dassetvā itarassapi taṃ dassetuṃ “**diṭṭhivippayutte cā**”ti-ādi vuttaṃ.

1162. Yathārūpe rūpappabandhe vattamāne puggalo gacchati tiṭṭhati nisīdatīti vuccati, tathā visadarūpassa uppādakaṃ cittaṃ **iriyāpathūpatthambhakaṃ**. Taṃ pana kusalato kiriyato ca pañcamajjhānacittaṃ abhiññāpattaṃ appattañca bhinditvā sattapaññāsa javanāni voṭṭhabbanañcāti **aṭṭhapaññāsavidham**. Sahajātadhammānaṃ akammaññabhāvakarattā thinamidhasahagatacittaṃ visadāni rūpāni na samuṭṭhapeti na upatthambheti cāti vuttaṃ “**iriyāpathaṃ sandhāretuṃ asakkontan**”ti.

1163. Vipakkhepi bhāvato anekantikattā **rūpattāsādhakattaṃ**. **Garubhāvappatti** lahutāviraḥo daṭṭhabbo. Satipi aññesampi akusalādīnaṃ

1. Abhi 10. 159, 160 piṭṭhesu.

lahutāvirahe thinamiddhānaṃ ekantato lahutāpaṭipakkhattā kāraṇānurūpattā ca phalassa “**thinamiddhasamuṭṭhitarūpehi**”ti vuttaṃ. **Na jāgara -pa-santatinti** etena nāmakāye supanassa asiddhataṃ dasseti. **Middhassa phalattāti** ettha middhamyeva niddākāraṇanti nāyaṃ niyamo icchito, niddākāraṇameva pana middhanti niyamo icchitoti daṭṭhabbo. Tathā hi khīṇāsavānaṃ niddāya middhato aññaṃ kāraṇaṃ karajakāyassa dubbalabhāvo aṭṭhakathāyaṃ dassitoti.

Chādanaṃ, avattharaṇaṃ vā onāho, so rūpasseva sabhāvoti parassa āsaṅkaṃ manasi katvā āha “**tena saha vuttā onāhapariyonāhā cā**”ti. Asaṅkocavasena visadā pavatti **vipphārikabhāvo**. **Āvaraṇabhāvo viyāti** etena āvaraṇasabhāvattepi middhassa tabbidhuro anaññasādhāraṇattā onahanādibhāvoti dasseti. Sāmaññaṃ hi pañcannampi kāmaccchandādīnaṃ āvaraṇasabhāvoti āvaraṇabhāvasadisassa onahanādibhāvassa nāmakāye labbhamānassa gahitatāti etthādhippāyo.

Pānanti anuyogoti ca taṅkiriyaśādhikā cetanā adhippetāti surāpānassa surā -pa- yogassa ca akusalabhāvena upakkilesadubbalīkaraṇabhāvo yuttoti vutto. “Surāmerayassa ajjhoharaṇaṃ pānaṃ pamādaṭṭhānānuyogo cā”ti **parassa adhippāyo**. **Nīvaraṇaṃ hutvā vāti**-ādinā idaṃ dasseti “nīvaraṇasabhāvānaṃ nīvaraṇasampayuttabhāvadassanaparāya codanāya nīvaraṇanti katthaci aditṭhapayogassa asampayuttassa rūpassa yathālābhato gahaṇaṃ ñāyoyeva na hoti, siddhanīvaraṇabhāvasampayuttasabhāvānaṃyeva pana gahaṇanti taṃsabhāvā arūpadhammāyeva dassitā, na rūpanti thinaṃ viya middhampi arūpamevāti viññāyati”ti. **Yanti** yena vacanena. **Asambhavavacanatoti** asambhavavacanabhāvato.

Tenāti tena rūpārammaṇassa chandarāgassa pahānavacanena. rūpappahānato aññti katvā rūpe chandarāgappahānaṃ “**añño kāro**”ti vuttaṃ. Yaṃ aṭṭhakathāyaṃ “**aññathā**”ti vuttaṃ. **Idanti**-ādinā¹ “**taṃ pajahathā**”ti pāḷiyā na nippariyāyappahānaṃ adhippetanti dasseti. **Arūpasseva**

1. Na evanti-ādinā (?)

yujjatiti sududdasaṃ dūraṅgamādippavattakaṃ cittaṃ taṃsampayutto arūpadhammoyeva vibandhituṃ samatthoti dasseti. **Cetaso pariyuṭṭhānanti** kusalacittassa gahaṇaṃ. Nīvaraṇāni hi uppajjamānāni uppajjituṃ appadānena kusalavāraṃ gaṇhanti vuccanti. Gahaṇaṅcetha **pariyuṭṭhānaṃ** “corā magge pariyuṭṭhimsū”ti-ādīsu viya.

1176. **Uddhaccaṃ kukkucaṅca saha vuttanti** uddesapucchānigamane sandhāya vuttaṃ. Yaṃ pana aṭṭhakathāyaṃ uddhaccassa kukkucena vinābhāvakāraṇaṃ vatvā “bhinditvā vuttan”ti vuttaṃ, taṃ “nīvaraṇā ceva nīvaraṇasampayuttā cā”ti padassa niddese uddhaccakukkuccānaṃ visuṃ niddiṭṭhataṃ sandhāya vuttaṃ. Kāmacchandassa ukkaṭṭhanīvaraṇatā orambhāgiyabhāvo. so hi rūparāgarūparāgappakārakāmacchandaṃ upādāya tato tibbakiccatāya “ukkaṭṭhanīvaraṇan”ti vuccati. Kāmacchandanivaraṇantveva lobho vutto, na bhinditvā. Kāmacchandanivaraṇassa ca anavasesato anāgāmimaggena pahāne vuccamāne catutthamaggavajjho lobho anīvaraṇasabhāvo āpajjati āha “**yadi -pa- siyā**”ti. **Nonīvaraṇo** rūparāgarūparāgappakāro lobhadhammo **nīvaraṇassa** avijjādikassa. **Ādi**-saddena “nonīvaraṇo dhammo nīvaraṇassa ca nonīvaraṇassa ca dhammassa. Nīvaraṇo ca nonīvaraṇo ca dhammā nīvaraṇassa dhammassa. Nīvaraṇo ca nonīvaraṇo ca dhammā nonīvaraṇassa dhammassa. Nīvaraṇo ca nonīvaraṇo ca dhammā nīvaraṇassa ca nonīvaraṇassa ca dhammassa hetupaccayena paccayo”ti¹ ime pañhe saṅgaṇhāti. **cattārīti vuttaṃ** nīvaraṇapadamūlakānaṃ tiṇṇaṃ no nīvaraṇamūlakassa ekassa vasena. Nīvaraṇanonīvaraṇatadubhayamūlakaṃ pana tiṇṇaṃ tiṇṇaṃ vasena **navāti vuttaṃ**. **Tasmāti** yathādassitanayāya pāliyaṃ abhāvā nonīvaraṇalobhābhāvā.

1219. **Tenevāti** purimadiṭṭhi-ākāreneva uppajjamānena. Diṭṭhigatikehi vuccamānānaṃ “niccaṃ subhan”ti evamādivacanānaṃ, diṭṭhirahitehi vuccamānānaṃ gaganakusumādilokavohāravacanānaṃca vatthūni vācāvattumattānīti āha “**vācā -pa- vā**”ti.

1. Abhi 10. 305 piṭṭhe.

1221. **Cittena paraloke ʒhitoti** yasmim loke nibbattivasena sayam ʒhito, tato aññaṃ lokam paralokoti cittena gahetvā ʒito.

1236. **Na hi purimehīti**-ādinā paṭhamamaggādīhi samugghāṭita-apāyagamaniyaabhāvādikā eva rāgādayo dutiyamaggādīhi pahīyantīti dasseti.

1287. Upaṭṭhitepi duggatinimittādike na tathā tibbo lobho uppajjati, yathā sugatinimittādiketi āha “**balavanikantivirahenā**”ti.

1301. Ekasmim cittuppāde uppannānam viya ekasmim santāne uppannānampi sahapavattipariyāyo atthīti pahānenatṭhena rāgaraṇena vicikicchuddhaccasahagatamohassa saraṇatā vuttā. Uddhaccavicikicchāhi yo moho sahaṇāto bhava, sopi rāgena saraṇo pahānekaṭṭhabhāvato. Lobhadosaṃhatadekaṭṭhakilesatamaṃsampaṇṇuttakkhandatamaṃsamuṭṭhānakam mabhedato sabbassapi akusalassa saṅghaṇavasena pavatto saraṇapadaniddeso araṇavibhaṅgasuttanapi aññadatthu saṃsandatīti dassetuṃ “**araṇavibhaṅgasutte**”ti-ādimāha. Yam pana aṭṭhakathāyam sampayogappahānekaṭṭhabhāvādīpanena rāgādīnam sabbesaṃ vā akusaladhammānam saraṇabhāvadassanaṃ, taṃ pāṇiyā yathā dasseti adhammānam aññaṃ aññaṃ saraṇabhāvadassanaṃ, tadaññadhammānam saraṇabhāvapaṭisedhanaparanti **araṇavibhaṅga**suttavirodhoti daṭṭhabbam. Suttantadesanāya vā pariyāyakathābhāvato nipariyāyato saraṇabhāvo viya araṇabhāvopi akusaladhammānamyevāti tathāpavattāya **aṭṭhakathāya** na koci suttavirodhoti daṭṭhabbam.

Suttantikadukanikkhepakathāvaṇṇanā

1313. **Ahaṃ-saddena hetubhūtena yo atthoti** ettha **ahaṃ**saddo atthoti adhippeto. Atthāvabodhanattho hi saddappayogo. atthaparādhīno kevalo atthapadatthako, so padatthavipariyesakārinā pana iti-saddena parato payuttena saddapadatthako jāyati yathā gāvīti ayamāhāti go-saddaṃ āhāti viññāyati. Tena viññattavikārasahito saddo paññattīti dasseti. Tathā hi “buddhassa

bhagavato vohāro lokiyasote paṭihaññatī”ti-ādinā¹ paññattiyā vacanabhāvaṃ sādhayati. **Aññathā**ti-ādinā paññattiyā asaddasabhāvatte dosamāha.

Adhivacanādītā siyā, tathā ca adhivacanādīnaṃ adhivacanapathādito viseso na siyāti dukoyeva na sambhaveyyāti adhippāyo. Aṭṭhakathāyaṃ pana sakasantatipariyāpanne rūpādayo dhamme samūhato santānato ca ekattavasena gahetvā ahanti vohariyamānā upādāpaññatti saṅkhāyati voharīyatīti saṅkhāti adhippetā. Tathā sesesu yathāsambhavaṃ daṭṭhabbam. tenevāha “**dattoti ettāvatā sattapaññattim dassetvā aññampi upādāpaññattim dassetun**”ti-ādi. **Padatthassāti** ahaṃ-saddādīpadābhidheyyassa, paramatthassa vā. Adhivacanaṃ saddoti adhippāyena “**vadantenā**”ti-ādi vuttam. so hi attanā nāpetabbamattham sayam nāto eva nāpetīti agghitasambandhassa na saddo atthappakāsanasamatthoti vuttam “**pubbe gahitasaññenā**”ti. **Visesena nāyatīti samaññāti sam-**saddassa visesatthataṃ āha.

Karīyatīti idam imassatthassa adhivacanaṃ evaṃ nikkhipīyati. Nāmahūtam vacanameva tam tam attham niddhāretvā sahetukam katvā vadati byañjayati cāti āha “**nāmamicceva vuttam hotī**”ti. Tenevāha “**na hi pathavī**”ti-ādi. **Pathavīsāṅkhātanti** pathavī-sddābhidheyyam.

Ācariyāti aṭṭhakathāya samvaṇṇanakā ācariyā, na aṭṭhakathācariyāti adhippāyena vadati. **Mātikāyanti** mātikāvaṇṇanāyam. **Tenāti** mātikāvaṇṇanāvacaṇena. Imissā pāliyā aṭṭhakathāya ca atthadassanassa etassa yathā-avuttassa ācariyavādassa virodho siyā, tameva virodham “**na hī**”ti-ādinā vivarati. Tattha adhivacanapathādībhāvena vuttānaṃ dhammānaṃ pakāsakassa sabhāvassa viññattivikārasahitasaddasseva vacanamattam adhikāram katvā pavatti-ādi yujjati, na asabhāvassāti adhippāyena “**uppādavayakiccarahitassā**”ti-ādi vuttam. Tattha **aniddhāritasabhāvassāti** paramatthato anupaladdhasabhāvassa.

Duvidhāti paññāpanapaññāpitabbhedato duvidhā. **Yathāvuttappakārāti** uppādavayakiccarahitāti-ādippakārā. **Aṭṭhakathāyaṃ** puggalapaññattivaṇṇanāyam.

1. Abhi 4. 169 piṭṭhe.

Nanu ca tattha upanidhāpaññatti-ādayo aparāpi paññattiyō vuttā, atha kasmā “**cha paññattiyova vuttā**”ti vuttam? Saccam vuttā, tā pana vijjamānapaññatti-ādīsu chasu eva antogadhāti “**aṭṭhakathāyaṃ vijjamānapaññatti-ādayo cha paññattiyova vuttā**”ti vuttam.

Tattha rūpādi viya avijjamānattā paññāpitabbattā ca avijjamānapaññatti, avijjamānassa ca sattarathādi-atthassa paññāpanato avijjamānapaññattīti evam avijjamānapaññattivacanena yathāvuttā duvidhāpi paññatti saṅgahitāti āha “**avijjamāna -pa- vuttā**”ti. **Itarehīti** vijjamānapaññatti-ādīhi avasesehi pañcahi, rūpavedanādīnam sattarathādīnañca atthānam pakārehi nāpanato taṃtaṃvācako saddoyeva visayabhedato vijjamānapaññatti-ādibhedā paññatti saṅkhādīhi dasahi padehi vuttāti ayaṃ purimo attho, so ca yathārutavaseneva pāḷiyā viññāyamānatta “**pāḷi-anugato ujuko**”ti ca vutto. **Yadi cāti**-ādīsu sattādikā yathāvuttappakārā upādāpaññatti yadi avijjamānapaññatti, **sā atthīti na vattabbā**. Avijjamānā ca sā paññāpitabbato paññatti cāti tesam ācariyānam laddhīti adhippāyo. Idāni tassā laddhiyā vasena paññattipathāti vuttadhammānampi vijjamānapaññattibhāvāpatticodanena tattha dosam dasseti “**yathā cā**”ti-ādīnā. **tatoti** yasmā avijjamānattā paññāpitabbattā ca sattarathādīnam avijjamānapaññattibhāvo viya vijjamānattā paññāpitabbattā ca sabbesam sabhāvadhammānam vijjamānapaññattibhāvo āpajjati, tasmāti attho.

“**Athā**”ti-ādīnā paññattipathaniddesato visiṭṭhassa paññattidhammaniddesassa sayameva kāraṇamāsaṅkati, “**Nāpī**”ti-ādīnā tassa kāraṇassa asiddhataṃ dasseti. “**Purisoti saṅkhā**”ti-ādīsu saṅkhādayopi nāmādīhi atthato avisiṭṭhā vuttāti āha “**saṅkhādisaddānam samānatthattā**”ti. **Vacanaggahaṇam** vacanuccāraṇam. **Aññassāti** nāmapaññattim sandhāyāha. **tesanti** saṅketaggahaṇavacanaggahaṇānam. Asamatthatā na sambhavatīti yojanā. Tameva asambhavam “**yadi hī**”ti-ādīnā vivarati. **Paññattiyāti** nāmapaññattiyā. **Paññattipaññāpaneti** yāya nāmapaññattiyā upādāyapaññatti rūpādayo ca paññāpīyanti, yā ca sotadvāra viññānasantānānantaramuppannena gahitapubbasāṅketena manodvāra viññānasantānāna gayhati, sā ayaṃ nāmāti

tassā paññāpane asaṅkarato ṭhapane. Atha vā
 sotadvāra viññāṇasantānānantaramuppannena manodvāra viññāṇasantānena
 paññattiyā gāhāpane paricchindane. **Tassā aññā paññatti vattabbā siyāti**
 kassā nāmapaññattiyā ñāpane saṅketaggahaṇavacanaggahaṇānaṃ
 sahakārikāraṇabhūtā aññā nāmapaññatti atthīti vattabbā anuññātabbā siyā.
Tato atthavijānanameva na siyāti kevalāni saṅketaggahaṇavacanaggahaṇāni
 atthapaññāpane viya paññattiñāpanepi asamatthāni, paññatti ca ñātāyeva
 tesam sahakārikāraṇaṃ tamjānanattham paññatti-anantaraparikkappane ca
 anavatthānāpattīti atthādhigamassa sambhavo eva na bhavēyya.

Saṅketo rūpādīsu na kiñci hoti, bhūtādinimittam bhāvanāvīsesaṅca
 upādāya vohariyamānā kasiṇādīpaññatti viya tam tam saṅketitabbam
 saṅketakaraṇaṅca upādāya vohāramatto, tassa ca paññāpikā nāmapaññattīti
 yathāvuttadosāpattim dassento “**nāpi saṅketaggahaṇaṃ**”ti avoca. Nanu ca
 atthavijānanāsambhavacodaneneva saṅketaggahaṇābhavopi dassitoti?
 Saccametaṃ, saṅkete pana ācariyānaṃ matibhedo vijjati. Tattha
 ekapakkhiko ayaṃ dosoti dassanattham tassa visum vacanaṃ vuccamānā
 rūpādāyo dhammāvacanatthā paññāpitabbā ca, tadabhidhāyako saddo
 paññattīti. Ettāvata sabbavohāro sijjhatīti adhippāyena “**vacana -pa- janam
 natthī**”ti āha. **Paññattiyā vacanabhāvo siddho** paṭihananasotabbatādīpakattā
 tesam pāṭhānanti adhippāyo. **Ādisaddena** “atthi keci buddhassa bhagavato
 vohāraṃ suṇanti, nirutti paṭisambhidā paccuppannārammaṇā”ti¹ evamādim
 saṅgaṇhāti. **Tasmāti** yasmā “paññattidhammā”ti padassa
 yathāvuttapaññattiyo atthoti etasmim pakkhe mātikāvaṇṇanāya virodho,
aṭṭhakathāyam avuttatā, paññattipathapadassa navattabbatā,
 anavatthānāpattito atthavijānanāsambhavoti aneke dosā,
 viññattivikārasahitassa pana saddassa paññattibhāve yathāvuttadosābhāvo
 anekesaṃ pāṭhappadesānaṅca anulomanam, tasmā. Tattha yuttam
 gahetabbanti adhippāyenāha “**pāli -pa- tabbo**”ti.

1. Abhi 2. 320 piṭṭhe.

Yadi sattāti-ādinā saddassa paññattibhāve aṭṭhakathāya virodhamāha. Evaṃ paññattibhāve yadi saddassa paññattibhāvo, tassa paramatthato vijjamānattā rūpādi-atthassa ca paññāpanato vijjamānapaññattibhāvo eva siyā, na avijjamānapaññattibhāvo. Na hi te sattādayo paññattīti. evañca avijjamānapaññattiyā abhāvo eva siyā. Vuttā ca **aṭṭhakathāyaṃ**¹ “avijjamānapaññattī”ti. Itaro visayassa avijjamānattā tassa avijjamānapaññattibhāvoti yathāvuttavirodhābhāvaṃ dassento “**avijjamānanan**”ti-ādimāha. Itaro visayassa avijjamānattā tassa avijjamānapaññattibhāvoti yathāvuttavirodhābhāvaṃ dassento “**avijjamānanan**”ti-ādimāha. Idāni sattādivisayassa kenacipi pariyāyena atthitāya abhāvadassanena tabbisayāya paññattiyā avijjamānapaññattibhāvamyeva vavatthapeti “**ayañca vādo**”ti. vijjamānā eva sattādayo rūpādisabhāvābhāvavasena “avijjamānā”ti vuccanti, na sabbathā abhāvato. Tathā hi tathā tathā paññāpiyamānabhāvena viññāyantīti yathāvuttarūpo vādo “rūpaṃ atthīti? Hevatthi heva natthīti. Sevatti seva natthīti. Na hevaṃ vattabbe. Sevatti seva natthīti. Āmantā. Atthaṭṭho antthaṭṭo”ti² evaṃ pavattāya **hevattikathāya**. Tattha hi rūpādayo dhammā rūpādisabhāvena atthi, vedanādisabhāvena natthi tasmā sabbamevidam evaṃ atthi evaṃ natthīti evaṃladdhike sandhāya “rūpaṃ atthī”ti pucchā sakavādissa. “Hevatthi heva natthī”ti vissajjanam paravādissa. Atha nam sakavādī yadi rūpameva evaṃ atthi evaṃ natthīti laddhi, evaṃ sante so eva atthi so eva natthi nāmāti pucchanto “sevatthī”ti āha. Itaro teneva sabhāvena atthitam, teneva natthitam sandhāya paṭikkhipati. Dutiyam puṭṭho sakabhāvena atthitam, parabhāvena natthitam sandhāya paṭijānāti. Tato sakavādī “atthaṭṭho natthaṭṭho”ti-ādinā atthitā vā natthitā vā aññamaññaviruddhā ekasmiṃ dhamme vinā kālābhedenā asambhavattāti kiṃ ekattam āpajjatīti dassento paravādim niggaṇhātīti. **Paṭisiddhoti** ca “rūpaṃ rūpan’ti hevatthi, ‘rūpaṃ vedanā’ti heva natthī”ti-ādinā³ vuttāya rūpavedanāsaññāsankhāraviññāṇanam sakabhāvena atthitāya parabhāvena natthitāya ca paṭisedhanena sattādīnampi tathābhāvo paṭisedhito hotīti katvā vuttam.

1. Abhi-Ṭṭha 3. 26 piṭṭhe.

2. Abhi 4. 125 piṭṭhe.

3. Abhi 4. 126 piṭṭhe.

Rūpādayo na hontīti rūpādisabhāvā na honti. **Tathā tathāti** samūhasantānādivasena. **Vicittasaññā** parikappavasena uppajjati. Yadi sattarathādisaññāvalambito vacanatto vijjamāno na hoti, nanu sattarathādi-abhilāpā anariyavohārā jāyantīti āha “**na ca te abhilāpā**”ti-ādi. Attano vasena kiñci ahontaṃ paññāpakassa vacanasseva vasena paññāpitabbattā **paññāttivohāraṃ labhati**. **Imināva adhippāyenāti**-ādi “sayam avijjamāno”ti-ādinā vuttamevatthaṃ sandhāyāha. **Tanti** sattādiggaṇaṃ. “Brahmavihāracatukkaṃ sattapaññāntim ārabha pavattattā navattabbārammaṇaṃ nāma hotī”ti-ādinā **aṭṭhakathāyaṃ**¹ tattha tattha **na vattabbanti vuttam**. Yadi parittādiabhāvena na vattabbaṃ, kathaṃ avijjamānassa sattādikassa paccayabhāvoti āha “**khandhasamūhasantāna**”ti-ādi. **Tanti** khandhasamūhasantānaṃ. **Tadupādānabhūtaṃ** puggaloti gahaṇapaññāntinaṃ kāraṇabhūtaṃ. Yadi puggalasaññāya sevamānassa kusalādi-uppatti hoti, kathaṃ puggaladassanaṃ micchādassananti paṭisiddhanti āha “**yasmā panā**”ti-ādi. **Pathavīdhātu upalabbhatīti** puggalābhāve vipakkhasena nidassanamāha. Idañhettha anumānaṃ. **Na rūpādayo vivecivā puggalo upalabbhati** tesam aggahaṇe tathārūpāya buddhiyā abhāvato sevanādayo viyāti. Puggalo upalabbhati sacchikaṭṭhaparamatthena yo chaviññānaviññeyyoti saṃsarati muccati cāti evaṃ diṭṭhiyā parikappitapuggalova paṭisedhito, na vohārapuggaloti dassento “**paṭise -pa- diṭṭhī**”ti āha.

Gāthāya pañcasu khandhesu rūpaṃ vedanā saññā cetanā viññāṇanti etesu kaṃ nāma dhammaṃ sattoti jānāsi nu, etesu ekampi sattoti gaṇhitum nārahatīti dasseti. atha etehi añño eko satto atthīti paccesi. evampi māra diṭṭhigataṃ nu te. Nu-saddo diṭṭhigatameveti avadhāraṇatto. Kasmā? Yasmā **suddhasaṅkhārapuñjayaṃ**. tamevatthaṃ vivarati “**nayidha sattūpalabbhatī**”ti. Yasmā paccakkhato vā anumānato vā anupaladdhito natthi ettha koci satto nāmāti adhippāyo. Yadi satto natthi, kathaṃ satto saṃsāramāpādīti-ādi nīyatīti. Kimettha netabbaṃ, sattoti vohārasatto adhippeto, yasmā satta-saddo

1. Abhi-Ṭṭha 1. 440 piṭṭhe.

vohāre pavattatīti. Dutiyagāthāya sambandham dassento “**satto panā**”ti-ādimāha. **Aṅgasambhārā**ti aṅgasambhārato akkhacakka-īsādi-aṅgasambhāramupādāyāti attho. **Sattoti** vohāro.

Avijjamānassāti accantaṃ avijjamānassa sasavisāṇādikassa. Yadi accantaṃ avijjamānaṃ, kathaṃ taṃ gayhatīti āha “**parikappitaṃ**”ti. **Lokasaññātā**ṃ ghaṭṭādi. Ettha pana yathā attānaṃ ārabba uppajjamānakadhammānaṃ taṃsantatipatitānaṃca kilesupatāpābhāvena asatthabhāvapaccayatāya uppādādirahitampi nibbānaṃ “assāsanakarasaṃ”ti vuccati, evaṃ attānaṃ ārabba pavattanakadhammavasena uppādādirahitāpi paññatti pavattāti vuttā. Hetu-attho vā antonītoti pavattitā vohāritāti attho daṭṭhabbo. Tathā nāmapaññatti paññāpetabbamatthaṃ gahitāyeva paññāpeti, viññatti viya adhippāyaṃ viññāpetīti sā gahetabbābhāvato vuccamānatthadvārena vuccamānāti vuttā. Paññāpitabbapaññattiyā pana vuccamānabhāve vattabbameva natthi. Tathā pakārato ñāpanabhāvena ñāpetabbañāpananti katvā gahetabbattāyeva ca tassā aniddhāritasabhāvataṃ paṭikkhittā daṭṭhabbā. Na hi sabhāvadhammānaṃ kakkhaḷaphusaṇādi sarūpato saddena vacanīyabhāvaṃ bhajati, apica kho nesaṃ kāladesādibhedabhinnānaṃ vinivatta-aññajātiyako sajātiyasādhāraṇo pubbasāṅketānurūpaṃ ajjhāropasiddho sāmāññākāro vacanīyo. Tatthāpi na vinā kenaci pavattinimittena saddo pavattatīti tassa pavattinimittabhūto lokasaṅketasiddho taṃtaṃvacanatthaniyato sāmāññākāraviseso nāma paññattīti pubbācariyā. so hi tasmim tasmim atthe saddaṃ nāmeti, tassa tassa vā atthassa nāmasaññaṃ karotīti nāmaṃ, pakārehi ñāpanato paññatti cāti.

Kassa pana so ākāravisesoti? Paññāpetabbatthassāti veditabbaṃ. Anekākārā hi atthāti. Evaṃca katvā tassā paññattiyā gahetabbatāvacaṇaṃca samatthitaṃ bhavati, avassaṇca etamevaṃ sampaṭicchitabbaṃ. Aññathā vacanagacaniyabhedānaṃ saṅkaro siyā, sabbopi attho sabbassa saddassa vacanīyo, sabbo ca saddo sabbassa atthassa vācakoti na cettha saṅketaggahaṇeneva tesāṃ pavattāti sakkā vattum vavatthitesu eva tesu saṅketaggahaṇassa pavattito.

Apare pana “yathā dhumato aggi-anumāne na kevalena dhūmeneva aggi viññāyati, dhūmassa pana agginā avinābhāvasaṅkhāto sabbandho viññāyamāno dhūmena aggi viññāyati, evaṃ saddena atthavijānane na kevalena saddena tadattho viññāyati. Taṃtaṃsaddassa pana tena tena atthena avinābhāvasaṅkhāto sambandho viññāyamāno tena tena saddena atthaṃ ñāpetīti veditabbaṃ. Aññathā aggahitasambandhenapi saddasavanamattena tadattho viññāyeyyāti. Yo yamettha yathāvuttarūpo sambandho, so tassa tassa atthassa saññāpanabhāvena nāmantī paramatthato abhāvā lokasaṅketavasena lokasaṅketoti vā siddho ñātoti lokasaṅketasiddhoti, saddena pakāsiyamānānaṃ atthappakāraṇaṃ adhigamahetutāya pakārato ñāpanato paññattīti ca vutto”ti vaṇṇayanti.

Saṅkhatāsaṅkhataavinimuttassapi ñeyyavisesassa abhāve ghaṭṭādisaddābhidheyyā viya pathavīphassādisaddavacanīyopi na labbhatiyevāti sabbavohāralopo siyā. Yasmā ca rūpārūpadhammā pabandhasaṅkhātataṃtaṃviseśākāravaseneva pavattanti, na kevalā, tasmā tesāṃ te saṅghānasamūha-avatthāviseśākārā yadipi paramatthato kiñci na honti, paramatthata ana vijjāmānānaṃ rūpādīnaṃ upādānānaṃ vasena vijjāmānabhāvaṃ labhitvā taṃtaṃgahaṇānurūpaṃ taṃtaṃabhilāpādhikaraṇaṃ bhavati. Upādāyapaññatti hi upādānato yathā aññā anaññāti ca na vattabbā, evaṃ sabbathā atthi natthīti ca na vattabbā. Tayopi hi ete santāyevāti evaṃ tāva mātikāvaṇṇanāya na koci virodho. saṅkhāyati saṅkathiyatīti saṅkhāti ayamattho kathetabbabhāvena vacanatheyeva niruḷho, na vacanasminti vacanapakkhassa ujukatā sambhavati. Vacanapakkhoyeva pāḷi-anugato, na paramparāgato yathāvutto atthoti kuto panetaṃ labbhā. Na hi anīto attho pāḷi-ananugato, nāpi sabbā pāḷinītatthā evāti yathāvuttā duvidhā paññattiyo aṭṭhakathāyaṃ chahi paññattīti yathā sambhavaṃ vuttāyevāti siddhametaṃ atthīti na vattabbāti.

Yadi paramatthato atthitāpaṭisedho, iṭṭhametaṃ. Atha vohārato sattarathaghāṭṭhīhi sattarathādivacanappayogoyeva na sambhaveyyāti

na hi vacanīyarahito vacanappayogo atthi. Paramatthadhammānaṃ asabhāvadhammabhūtāya paññattiyā vibhāgadassanattā adhivacanādudukattayadesanāti na paramatthadhammānaṃ rūpādīnaṃ paññattibhāvāpattīti. Na ca paññattipathapaññattidhammaniddesānaṃ avisesavacanaṃ yuttaṃ, saddasseva pana paññattibhāve siyā kāci tesam visesamattā. Paññāpitabbassa aparamatthasabhāvasseva paññattibhāvo adhippetoti na sabbo paññattipatho paññattisaddena vutto, paññatti ca paññāpetabbabhāvena vuttāti paññattipathapadaṃ vattabbameva. Evañcetam icchitabbaṃ. Itarathā saddassa ca paññāpitabbatāya paññattipathabhāvoti paññattipadaṃ na vattabbaṃ siyāti ca sakkā vattuṃ, nikkhepakaṇḍe vibhattāyeva paññatti “puriso māgaṇḍiyo”ti etthāpi dassitāti na na sakkā vattuṃ. Tathāpi hi yathāvutta-upādāyapaññattināmapaññattīnaṃ sabhāvasambhavatoti saṅkhādisaddānaṃ samānatthatāpi tesam matimattameva, viññatti viya adhippāyaṃ viññāpentā sayam ñātāyeva nāmapaññatti paññāpetabbamatthaṃ paññāpeti gahitasarūpatāya padī-āpo viya rūpagatavidhaṃsaneti na paññatti antaraparikkappanena payojanaṃ atthi paññāpetabbatthapaññāpane, nāmapaññattipaññāpane pana upādānabhedabhinnā upādāyapaññatti viya taṃtaṃvacanavacanatthabhedabhinnā nāpaññattīti aññā paññatti icchitā eva. Na ca anavatthānadoso taṃtaṃvacanassa tadatthavibhāvane sahakārikāraṇabhāvena paṭiniyatasarūpattā. Etena saṅketaggahaṇābhāvopi paṭisiddho daṭṭhabbo, tathā nāmapaññattiyā payojanābhāvo. Dassitappayojanā hi sā pubbeti.

Vohāro lokiyasote paṭihaññati”ti-ādīsu sotabbassa saddassa vasena tabbisayabhūtā vohārādayo paṭihananasotabbatāpariyāyena vuttāti daṭṭhabbā. Saddoyeva vā tattha vohārādisahacāritāya tathā vutto. Na hi sakkā sabbattha ekarasā desanā pavattīti vattuṃ. Tathā hi katthaci sukhā dukkhā, sukhāpi vedanā dukkhāti vuccanti, dukkhā sukhā, dukkhāpi sukhāti, evaṃ yathāvuttā duvidhāpi paññatti adhivacanādīpāṭhassa atthabhāvena aṭṭhakathāyaṃ vuttāyevāti. Ayaṃ saṅkhatāsaṅkhatavinimuttaṃ ñeyyavisesaṃ icchantānaṃ vasena vinicchayo.

1316. Satipi paresaṃ sāmāññādināmakāraṇānaṃ nāmakaraṇabhāve parānapekkhatāya tato ativiya yutto idha nāmakaraṇasabhāvo

ukkaṃsaparicchedena nāmakaraṇatthoti adhippetoti dassetuṃ “**aññaṃ anapekkhitvā**ti-ādimāha. **Nāmakaraṇasabhāvatā na hoti** asabhāvikatāya kadācīdeva pavattito cāti adhippāyo. **Sabhāvasiddhattā**ti vedanādīnaṃ vedanādīnāmakaraṇadhammataṃ āha. Yadi vedanādīnaṃ kenaci akataṃ sakanāmaṃ ādāyayeva pavattanato opapātikanāmānaṃ nāmakaraṇatthena nāmaabhāvo, evaṃ sati pathavī-ādīnampi nāmaabhāvo āpajjati, aññathā pathavī-ādīnidassanameva na siyāti anuyogaṃ manasi katvā āha “**pathavī-ādīnidassanenā**”ti-ādi. Ekadesasāmaññaena hi yathādhippetena upamā hoti, na sabbasāmaññaenāti. evampi yadi sabhāvasiddhanāmattā edanādayo nāmaṃ, pathavī-ādīnampi anivattanīyo nāmaabhāvoti āha “**nirulhattā**”ti-ādi. Tena yaṃ nimittaṃ vedanādīsu nāmasaddappavatti, satipi tadaññesaṃ taṃnimittayoge go-saddo viya kukkuṭādisattapiṇḍe nirulhato vedanādīsu nāma-saddo pavattoti dasseti. Tathā hi anekesu suttapadesesu tesāmyeva nāmavohāro dissati. **Nāmatānāpatti vuttā** kesakumbhādīnāmantarāpajjanato. Etamevatthaṃ nidassanabhāvena “**na hī**”ti-ādīnā vivarati. Yadi pi samūhādighanavinibbhogābhāvato vedanādi-arūpadhammesupi piṇḍākārena gahaṇaṃ pavattati, taṃ pana yebhuyyena atthātiparikappamukhena ekadhammavaseneva, na samūhavasenevāti vuttaṃ “**aññaena -pa- natthī**”ti.

Pakāsakapakāsitabbabhāvo visayivisayabhāvo eva.

Adhivacanasamphasso manosamphasso. So nāmamantarena gahetuṃ asakkuṇeyyatāya pākaṭoti nidassanabhāvena vutto. “Adhivacanasamphasso viyā”ti vacanena manosamphassatappakārānameva nāmaabhāvo siyā, na paṭighasamphassatappakārānanti āsaṅkāya nivattanatthaṃ “**paṭighasamphassopi**”ti-ādimāha. Tatha pañcaviññāṇasahagato phasso paṭighasamphasso. **Pi**-saddo sambhāvane. Idaṃ vuttaṃ hoti— visayivisayasamghaṭṭa-asamuppattiyā aññaphassato oḷārikopi paṭighasamphasso na rūpadhammā viya vibhūtākāro, tato nāmāyattagahaṇiyabhāvo nāmassevāti. **Arūpatāya vāti**-ādīnā sāmaññaato visesato ca paṭighasamphassassa upacāravasena nāmaabhāvamāha. **Pacchimapurimānanti** “nāmañca rūpañcā”ti imaṃ anupubbim sandhāya vuttaṃ. **Satipi rūpassāti**-ādīnā

nāmvohārahetum̄ anaññasādhāraṇam̄ nibbānassa adhipatipaccayabhāvaṃ
eva vibhāveti, yato ariyānaṃ aññavisayavinissaṭam̄
ninnapoṇapabbhārabhāvena asaṅkhatadhātuyam̄ eva cittaṃ pavattatīti.

1318. Vaṭṭasmim̄ ādīnavapaṭicchādanato tadassādanābhīnandanato ca
vaṭṭassa mūlaṃ padhānakāraṇanti **vaṭṭamūlaṃ**.

1320. **Ekekasmim̄** rūpādike yathābhīniviṭṭhe vatthusmim̄
ahaṃmānādhāranimittataṃ kusalākusalatabbipākalokādhāratañca
samāropetvā **pavattaggahaṇaviseso**. Yā kāci diṭṭhi nīvisamānā
dhammasabhāvaṃ aticcaparāmasanākāreṇeva nīvisatīti vuttaṃ
“**parāmasantīti attho**”ti.

1332. Cetanāppadhāno saṅkhārakkhandhoti katvā “**yāya cetanāyā**”ti-ādi
vuttaṃ.

1333. **Dunnāmaṃ** gārayhanāmaṃ. **Anupasaṅkamantassāti**-ādīnā
sevanabhājanānaṃ viśesamāha.

1336. Āpatti-āpattivuṭṭhānaparicchedajānanūpāyadassanaṃ saha
vatthunā saha kammavācāyādivacananti imamatthaṃ dassento
“**vatthuvītikkamato**”ti-ādīmāha. “Āpattikusalatā āpattivuṭṭhānakusalatā”ti¹
vuttanti. Kāraṇajānanena phalaṃ suṭṭhu ñātaṃ hotīti taṃ dassetuṃ “**āpattiyā
vā**”ti-ādīmāha.

1342. **Tassāti** manasikārakusalatāya.

1344. **Anuppajjamānāneva** anuppajjantāneva.

1348. **Akaraṇena** anādaravasenāti adhippāyo.

1350. **Pheggurukkhassa** siggu-ādikassa.

1352. **Cakkhundriyāsaṃvarassāti** cakkhundriyāsaṃvaraṇassa.
asaṃvutacakkhundriyasseva hetūti cakkhudvārikassa abhijjhādi-
anvāssavanassa

1. Abhi 1. 14 piṭṭhe.

taṁdvārikapiññāṇassa viya cakkhundriyaṁ padhānakāraṇaṁ. Sati hi asaṁvutatte cakkhundriyassa te te anvāssavantīti asaṁvariyamānacakkhundriyahetuko so asaṁvaro tathāvuttoti aṭṭhakathāya adhippāyaṁ dasseti. Idāni yathāvutte adhippāye ṭhatvā **“yatvādhikaraṇanti hi”**ti-ādinā pāḷiyā yojanaṁ dasseti. **Kassa cāti** pakāraṁ pucchati, kathamvidhassa kathamaṇṭhitassāti attho. Na hi sarūpe vutte puna sarūpapucchāya payojanaṁ atthi. **Anvāssavanti** abhijjhādayo. **Tadupalakkhitanti** anvāssavūpalakkhitaṁ cakkhundriyaṁ asaṁvutanti yojanā.

Yathāsambhavanti dussīlyāsaṁvaro manodvāravasena, sesāsaṁvaro chadvāravasena yojetabbo. Muṭṭhassaccādīnaṁ satipaṭipakkhākusalahammādibhāvato siyā pañcadvāre uppatti, na tveva kāyikavācasikavītikkamabhūtassa dūssīlyassa tattha uppatti pañcadvārikajavanānaṁ aviññattijanakattāti tameva yathāsambhavaṁ **“na hi pañcadvāre”**ti-ādinā vivarati.

Yathā kinti yena pakārena javane uppajjamāno asaṁvaro “cakkhundriye asaṁvaro”ti vuccati, taṁ nidassanaṁ kinti attho. Tatthāyaṁ pavattikkamo – pañcadvāre rūpādi-ārammaṇe āpāthagate niyamitādivasena kusalākusalajavane uppajjitvā bhavaṅgaṁ otiṇṇe manodvārikajavanaṁ taṁyevārammaṇaṁ katvā bhavaṅgaṁ otarati, puna tasmīnyeva dvāre “itthipurito”ti-ādinā vavatthapetvā javanaṁ bhavaṅgaṁ otarati. Puna vāre pasādarajjanādivasena javanaṁ javati. Puna yadi taṁ ārammaṇaṁ āpātham āgacchati, taṁsadisameva pañcadvārādīsu javanaṁ tadā uppajjamānakaṁ sandhāya “evameva javane dussīlyādīsu uppannesu tasmīn asaṁvare sati dvārampi aguttan”ti-ādi vuttaṁ. Ayaṁ pana ukkaṭṭhanayo paricītarammaṇaṁ sandhāya vutto, aparicite antarantarā pañcadvāre uppajjitvā tadanurūpaṁ manodvārepi uppajjatīti. Dvārabhavaṅgādīnaṁ javanena sambandho ekasantatipariyāpannato daṭṭhabbo.

Sati dvārabhavaṅgādiketi paccayabhāvena purimanipphannaṁ javanakāle asantampi bhavaṅgādi cakkhādi viya phalanipphattiyā santaññeva nāmāti vuttaṁ. Na hi dhamaṇānyeva santanti vuccatīti. **Bāhiraṁ viya katvāti** paramatthato javanassa bāhirabhāve itarassa ca abbhantarabhāve asatipi

“pabhassaramidaṃ bhikkhave cittaṃ, tañca kho āgantukehi upakkilesehi upakkiliṭṭhan”ti-ādivacanato¹ āgantukabhūtaṃ kadāci kadāci uppajjamānaṃ javanaṃ bāhirabhāvo tabbidhurasabhāvassa itarassa abhantarabhāvo pariyāyato vuttoti dasseti. **asaṃvarahetubhāvāpattitoti** dvārādīnaṃ asaṃvarahetubhāvāpajjanassa pākāṭabhāvaṃ sandhāyāha. Uppanne hi asaṃvare dvārādīnaṃ tassa hetubhāvo paññāyatīti.

Dvārabhavaṅgādīmūsananti dvārabhavaṅgādīsu mūsaṇaṃ. Yaṃ hi dvāre asaṃvaro uppajjati, so tatha dvārādīnaṃ saṃvarūpanissayabhāvaṃ upacchindantoyeva pavattatīti. Tenevāha “**kusalabhaṅḍavināsanā**”ti.

Ettha ca “cakkhunā rūpaṃ disvā”ti-ādipāḷiyaṃ saṃvaro, saṃvaritabbaṃ, saṃvaraṇupāyo, yato ca so saṃvaro, yattha ca so saṃvaroti imaṃ pabhedāṃ dassetvā yojetabbā. Kathaṃ? “Rakkhati -pa- saṃvaraṃ āpajjati”ti etena **saṃvaro** vutto. Satiṃ paccuṭṭhapetīti ayaṃ hettha atthoti. Cakkhādi **saṃvaritabbaṃ**. Na nimittaggāhī hoti nānubyañjanaggāhī **saṃvaraṇupāyo**. “Yatvādhikaraṇaṃ”ti-ādīnaṃ **saṃvaraṇāvadhi**. Rūpādayo **saṃvaravisayoti**. Kiñci paṭisaṅkhābhāvanābalasaṅgahitabhāvena duvidhopi indriyasāṃvaro? Tattha purimena visayesu ādīnavadassanaṃ, itarena ādīnavappahānaṃ. Tathā purimena pariyuṭṭhānappahānaṃ, itarena anusayappahānaṃ. Tathā purimo lokiyamaggasaṅgahito, dutiyo lokuttaramaggasaṅgahitoti ayampi viseso veditaḥ.

1355. **Davatthādi-abhilāso**ti davo eva attho payojananti davattho, so ādi yesaṃ te davatthādayo. Tesu, tesāṃ vā abhilāso, davo vā attho etassāti davattho, tadādiko davatthādi, ko pana soti āha “**abhilāso**”ti. **Āhāraparibhoge asantussanā**ti āhāraparibhoge atitti. Bahuno uḷārassa ca patthanāvasena pavattā bhīyokamyatā asantussanāti evamettha attho yujjati.

1355. Majjanākārena pavatti mānassevāti katvā “**mānova mānamado**”ti vuttaṃ. Tathā hi jātimadādayo “māno maññanā”ti-ādīnaṃ

1. Am 1. 9 piṭṭhe.

mānabhāveneva vibhattāti. **Khudā** nāma kammajatejo. Tam pana abhutte bhutte ca uppajjātīti yaṃ tattha āmāsayaśāṅkhātassa sarīradesassa pīlanato vihiṃsāsaddavacanīyaṃ, tadeva dassetabbaṃ, itarañca nivattetabbanti abhuttapaccayā uppajjanakattena khudā visesitāti āha “**khudāya visesanā**”ti. Ye pana “kammajatejapaccayā dukkhā vedanā khudā”ti vadanti, tesāṃ abhuttapaccayā uppajjanakāti visesanameva na yujjati. Satipi tasmim bhutatthakathane vihiṃsūparatipurāṇavedanāpaṭihanānānaṃ visesābhāvo āpajjātīti purimoyevettha attho. **Etāsaṃ kovisesoti** abhuttapaccayā uppajjanakavedanā, bhuttapaccayā na uppajjanakavedanāti dvepi cetā vedanā yāvatā anāgatāyevāti adhippāyo. Satipi anāgatatte purimā uppannasadisī, itarā pana atāṃsadisī accantaṃ anuppannāvāti ayamettha viseso. Teneva “**yathā pavattā**”ti purimāyaṃ vuttaṃ, itarattha ca “**appavattā**”ti. Atha vā abhuttapaccayā uppajjanakavedanā pubbe katakammaṃ vipākattā **purāṇavedanā** nāma. Appaccavekkhaṇādi-ayuttaparibhogapaccayā paccavekkhaṇādiyuttaparibhogato āyatim na uppajjissatīti bhuttapaccayā na uppajjanakavedanā **navavedanā** nāma. **Vihimsānimittatā** vihiṃsānibbattatā.

Yāpenti etenāti yāpanāti vuttassa sarīrayāpanakāraṇassa jīvitindriyassapi yāpanakāraṇanti imassa visesassa dassanattamaṃ “jīvitindriyayāpanatthāyā”ti vatvā na kevalaṃ jīvitindriyasēva yāpanakāraṇamāhāro, atha kho ṭhānādipavatti-ākāravisesayuttassa sakalasarīrassapi yāpanakāraṇanti taṃdīpanattham yātrāti vacananti yāpanā me bhavissatīti avisesena vuttanti dassento “**catunnaṃ iriyāpathānaṃ avicchedasaṅkhātā yāpanā yātrā**”ti āha. Atṭhānayojana-aparibhogadupparibhogādivasena saddhādeyyassa vināsaṃ **saddhādeyyavinipātanaṃ**. **Yenāti** gaṇabhojanalakkhaṇappattassa thūpikatādikkassa vā paṭiggahaṇena. Sāvajjaṃ sanindaṃ paribhogaṃ karotīti vā attho.

Iriyā -pa- vuttanti sukhaṃ pavattamānehi iriyāpathehi tesāṃ tathāpavattiyā kāraṇanti gahitattā veditattā yathāvuttabhūñjanapivanāni pubbakālakiriyābhāvena vuccamānāni iriyāpathakattukāni viya vuttānīti attho. Yathā hi “paññāya cassa disvā āsavā parikkhīṇā

hontī”ti¹ dassanassa khayahetutā, “ghataṃ pivitvā balaṃ bhavati, sīhaṃ disvā bhayaṃ bhavati”ti ca pānadassanānaṃ balabhayaahetutā vuccati, evaṃ bhuñjanapivanānaṃ iriyāpathasukhappavattihetubhāvo vuttoti evamettha attho daṭṭhabbo. sulabhānavajjabhāvo viya appabhāvopi paccayānaṃ paramasallekhavuttīnaṃ sukhavihārāya pariyattoti cīvarasenāsanānaṃ appabhāvukkaṃ sājānānavasena pavattāhi anantaragāthāhi idhāpi dhammasenāpatinā sukhavihārāya pariyatto appabhāvukkaṃso anuññātoti viññāyatīti “**punapī**”ti-ādinā “bhutvā nā”ti pāṭhaṃ samatthayati.

1368. **Sati-ādidhammā**ti satipaññāsamādhivīriyasammāvācādidhammā, ye chahi dukehi pariggahitā.

1373. **Paṭkivijjhita**bbhehi **paṭivedho vutto**. visayenapi hi visayī vuccati saha-carabhāvato. Yathā—

“Uppādetvāna samvegāṃ, dukkhenassa ca hetunā.
Vaḍḍhayitvā sammasitvā, muttiyā maggamabravī”ti,
“Saccapariyosāne”ti ca.

Yathā dukkhādīnaṃ pariññādivasena pavattamānaṃ paṭivedhaññānaṃ asammohato te avilometvā avirodhetvā pavattati nāma, evaṃ thadupanissayabhāvaṃ vipassanāññānampi yathābalaṃ te avilometvā pavattatīti **catunnaṃ saccānaṃ anulomanti vuttanti** dutiyo atthavikappo vutto. Ettha ca “catunnaṃ saccānaṃ”ti padaṃ vinā upacārena vuttaṃ, purimasmiṃ upacārenāti daṭṭhabbaṃ. Sammādiṭṭhippadhānattā vā sesamaggaṅgānaṃ maggasaccekadesassa paṭivedhassa anulomaṃ samudāyānulomaṃ vuttaṃ, catusaccekadesassa maggassa vā.

1380. **Khayasamayeti** khayasaṃmūhe. “Kilesānaṃ khayavasena pavattadhammapuñje”ti ca vadanti.

1381. Aparibandhabhāvena nirāsaṅkā, ārammaṇe abhiraṭṭibhāvena ca pavatti adhimuccanaṭṭhoti āha “**ani -pa- ttanaṭṭhenā**”ti.

1382. Ariyamaggappavattiyā uttarakālaṃ pavattamānaṃ phalaññāṇaṃ taṃtaṃmaggavajjhakilesānaṃ khayapariyosāne pavattattā “khīṇante ñāṇaṃ”ti vuttaṃ. Yasmā pana taṃ maggānantaraṃ uppajjati, tasmā maggena ṭhānaso khīṇesu kilesesu tesam khīṇabhāvānantaraṃ pavattamānaṃ khīṇabhāvānaṃ paṭhamakāle pavattantipi vuccatīti dutiyo vikappo vutto.

Dukanikkhepakathāvaṇṇanā niṭṭhitā.

Nikkhepakaṇḍavaṇṇanā niṭṭhitā.

4. Aṭṭhakathākaṇḍa

Tika-atthuddhāraṇṇanā

1384. **Nayagamananti** nīyati, neti, nīyanti vā etenāti nayo, gammati etenāti gamanam, nayova, nayassa vā gamanam nayagamanam. Gati eva vā gamanam. Paṭhamena **ādi**-saddena abhidhammabhājanīyādisaṅgahāsaṅgahādi-ekakādisuddhikasacchikaṭṭhādīmūlamūlādikā pañcapakaraṇikā nayagati saṅgayhati. **Anulomādīti** pana paccanīya-anulomapaccanīyapaccanīyanulomapakārā ekamūlādippakārā ca. **Ettha atthesu nicchitesūti** etasmim aṭṭhakathākaṇḍe cittuppādavasena bhūmantaravisesayogato sabbesaṃ mātikāpadānam atthesu saṅkhepato vavatthāpitesu.

Pañhuddhāranti-ādīsu “siyā kusalam dhammam paṭicca kusalo dhammo uppajjeyya hetupaccayā”ti-ādinā¹ kusalapadam ādim katvā kusalākusalābyākatantā tisso kusalādikā, kusalābyākata-akusalābyākatakusalākusalantā tisso, kusalākusalābyākatantā ekāti kusalādikā satta pucchā, tathā akusalādikā, abyākatādikā, kusalābyākatādikā, akusalābyākatādikā, kusalākusalādikā, kusalākusalābyākatādikāti sattannaṃ satta kānaṃ vasena dhammanulome kusalattikaṃ nissāya hetupaccaye ekūnapaññāsa pucchā, tathā sesapaccayesu sesatikesu dhammapaccanīyādīsu ca. Tam sandhāya “**ekūnapaññāsāya ekūnapaññāsāyā**”ti vuttam. “Siyā hetum dhammam paṭicca hetudhammo uppajjeyya hetupaccayā”ti-ādinā² “hetum paṭicca hetu, hetum paṭicca nahetu, hetum paṭicca hetu ca nahetu ca. Nahetum paṭicca nahetu, nahetum paṭicca hetu, nahetum paṭicca hetu ca nahetu ca. Hetuñca nahetuñca paṭicca hetu, hetuñca nahetuñca paṭicca nahetu, hetuñca nahetuñca paṭicca hetu ca nahetu cā”ti ekekasmim duke hetupaccayādīsu ekamekasmim paccaye nava nava pucchā honti. Tā sandhāya “**navasu navasu pañhesū**”ti vuttam.

Labhamānassāti kusalattike tāva paṭiccavāre hetupaccaye “kusalam dhammam paṭicca kusalo dhammo uppajjati hetupaccayā, kusalam

1. Abhi 8. 10 piṭṭhe.

2. Abhi 10. 1 piṭṭhe.

ekaṃ khandhaṃ paṭicca tayo khandhā”ti-ādinā¹ kusalena kusalaṃ, kusalena abyākataṃ, kusalena kusalābyākataṃ, akusalena akusalaṃ, akusalena abyākataṃ, akusalena akusalābyākataṃ, abyākatena abyākataṃ, kusalābyākatena abyākataṃ, akusalābyākatena abyākatanti navannaṃ navannaṃ pañhānaṃ atthato sambhavantassa pañhassa vissajjanavasena **uddharaṇaṃ**, tathā sesapaccayavārattikādisu. **Tesevāvāti** yathāvuttesu eva pañhesu atthasambhavato yathāvibhattānaṃ pañhavissajjanānaṃ “hetuyā navā”ti-ādinā **gaṇaṇāthapaṇaṃ**. **Pasaṭe dhammeti** yathā heṭṭhā kaṇḍadveye “yasmim̐ samaye kāmāvacaraṃ kusalaṃ cittaṃ”ti-ādinā² vippakiṇṇe muttapupphe viya phassādayo dhamme. Avisiṭṭhaniddeso sāmaññaniddeso. **viññātadhammassa** puggalassāti adhippāyo.

Yadi cittuppādarūpakaṇḍesu catubhūmicittuppādādivasena viññātadhammassa atthuddhāradesanā āraddhā, evaṃ sante idha kasmā kusalattikaniddeso vuttoti āha “**yadipi kusalattikavittthāro**”ti-ādi. **dhammavisesanabhāvatoti** “dhammā”ti padassa padhānabhāvaṃ dasseti. ato hi tadabhidheyyā pucchitabbā jātā. **Viññātāhīti** bhūmīnaṃ visesanalakkhaṇayogamāha. **Ettha padhānanti** kiñcāpi uddese kusalapadena dhammā visesitabbā, “catūsu bhūmīsu kusalan”ti imasmim̐ pana niddese bhūmīhi visesitabbattā kusalapadaṃ padhānanti visesanabhāvena vacanicchāya abhāvato satipi visesitabbadhammānaṃ kāmāvacarādiphassādibhede tadanapekkhaṃ anavajjasukhavipākatāsaṅkhātāṃ attano kusalākārameva gahetvā pavattamānattā “**ekattameva upādāya pavattati**”ti vuttam. Sabbepi hi kusalā dhammā anavajjasukhavipākatāya ekasabhāvāyevāvāti.

1385. **Yathāyogaṃ yojetabbanti** catūhi bhūmīhi ādhārabhūtāhi visesetvā samayaphassādibhedam̐ anāmasitvā vipākabhāvena ekattaṃ netvā “catūsu bhūmīsu vipāko”ti vuttanti yojetabbaṃ. Esa nayo “tūsu bhūmīsu kiriyābyākatan”ti-ādīsupi.

Uppajjati etthāti uppādo, cetasikā. Te hi cittassa sabbathāpi nissayādipaccayabhāvato ettha ca uppattiyā ādhārabhāvena apekkhitā.

1. Abhi-19 piṭṭhe.

2. Abhi 1. 17 piṭṭhe.

Yathā ca cetasikā cittassa, evaṃ cittampi cetasikānaṃ
nissayādi pacayabhāvato ādhārabhāvena vattabbataṃ arahatīti yathāvuttaṃ
uppādasaddābhidheyatāṃ na vinivattati. Idāṃ vuttaṃ hoti—“cittuppādo”ti
ettha uppādassa visesanabhāvena pavattamānampi cittaṃ attani yathāvutta-
uppāda-atthasambhavato apariccattavisesitabbabhāvameva hutvā tassa
visesanabhāvaṃ paṭipajjatīti. Yadāha “**avayavena
samudāyopalakkaṇavasena attho sambhavatī**”ti. Cittasamānagatikassa idha
cittaggaṇeṇa gahetabbatāya “dvepañcaviññāṇānī”ti nidassanena
vakkhamānattā “**citta -pa- gahaṇaṃ katan**”ti vuttaṃ. Tattha aññassāti
rūpassa.

1420. **Pañcadvāre vattabbameva natthi** ekantaparittārammaṇattā
pañcadvārikacittānaṃ. **Iṭṭhāniṭṭhārammaṇānubhavananti** vipākassa
pakappetvā ārammaṇaggahaṇābhāvamāha. Tato kammānurūpaṃ
pavattamāno vipāko parittakammavipākatāya parittārammaṇeveyeva
pavattitumarahati, na mahagga tappamāṇārammaṇeti adhippāyo.
Samādhippadhānassapi kassaci kammaṃ appanā-appattassa ekantena
sadisvipākatā abhāvato “**appanāppattassā**”ti kammaṃ visesitaṃ.
Vaṇṇalakkhaṇādīṃ aggahetvā lokasaññānurodheneva gahite pathavādike
parikkamasaññāya samuppāditattā paṭibhāganimittasāṅkhātāṃ saññāvasaṃ
ārammaṇaṃ assāti **saññāvasārammaṇaṃ. Tādisenevāti**
samādhippadhānatāya appanāppattīti viya saññāvasārammaṇatāya ca
nibbiseseneva. **Sopīti pi**-saddo sampiṇḍanattho. Tenetaṃ dasseti “attano
kammaṃ samānabhūmikadhammārammaṇatāya viya tassa
ārammaṇārammaṇatāyapi vipāko kammānurūpoyeva nāma hotī”ti.

Yadi evaṃ kasmā mahaggaṭappamāṇārammaṇassa parittakammaṃ
vipāko tadārammaṇārammaṇo na hotīti? Appanāppattakammavipākassa viya
tassa kammārammaṇārammaṇatāya niyamābhāvato kammānurūpatāya ca
anekarūpattā. Yathā attano kammaṃ sadisassa mahaggaṭajavanass
aparittārammaṇassapi tadārammaṇaṃ nānubandhakaṃ paricayābhāvato,
evaṃ attano kammaṃ nimittabhūtepi tassa sahakārīkāraṇāhi aparīyādinne
mahaggaṭappamāṇe ārammaṇe paricayābhāvato parittavipāko na pavattati,
kammanimittārammaṇo pana jāyamāno paritteneva tena hotīti

āha “**paṭisandhi-ādibhūto**”ti-ādi. **Yasmā panāti**-ādinā pāḷiyāva yathāvuttamattham nicchinoti. Nānākkhaṇikakammapaccayo hi ettha adhippeko paccayapaccayuppannānam bhinnārammaṇatāya vuttatā. **Na cāti**-ādinā parittavipākā eva idha paccayuppannabhāvena vuttāti dasseti. **Idhāti** imasmim atthuddhārakaṇḍe.

Sativepullappattānam sativirahitassa kāyakammassa sambhavam dassetuṃ “**vāsanāvasenā**”ti vuttam. Avītarāgānam aparittepī katthaci ārammaṇe siyā cetaso uppilāvitattanti “**kilesavirahe**”ti visesetvā vuttam. **Ādarākaraṇavasenevāti** ādarākaraṇamattavasenevāti visesanivatti-attho **eva**-saddo tameva nivattetabbm visesam dasseti, nāññathā. **Kosajjādīti ādi**-saddena dosādayo saṅgaṇhāti. **Ādarākaraṇam nirussukkatā evāti** ādaram karontā nirussukkabhāvene va na honti, na pana ādaram na karontiyevāti daṭṭhabbam. Ekacce pana “akammaññasarīratāya aññavīhitatāya ca khīṇāsavanam asakkaccadānādipavatti na anādaravasenā”ti vadanti.

1421. **Atipagaṇānanti** subhāvitānam suṭṭhutarānam vasippattānam. **Evam paguṇajjhānesupī pavatti hoti** tattha vicāraṇussāhassa mandabhāvatoti adhippāyo. **Pubbe dassitanti** “tīṇi lakkhaṇānīti ahanti vā”ti-ādinā pubbe dassitam. “**Avijjamāno** aparamatthabhāvato, **vijjamāno ca** lokasaṅketasiddhiyā sammutisaccabhāvato **attho** arīyati cittaena gammati ñāyati”ti ācariyā vadanti. Yato tabbisayā cittuppādā **navattabbam ārammaṇam etesanti navattabbārammaṇāti** aññapadatthasamāsavasena vuccanti. Ayam pana vādo hevattikavādo viya hotīti tassa accantam avijjamānatam maññanto ito ca aññathā avijjamānapaññattim dassetuṃ “**sammutisacce panā**”ti-ādimāha. Katham pana tassa accantamavijjamānatte tabbisayānam dhammānam pavatti navattabbārammaṇabhāvo cāti āha “**avijjamānampī**”ti-ādi. **Parittādi-ārammaṇāti na vattabbāti vuttāti** parittādayo viya tassa visum vatthitabhāvam nisedheti.

Vikkhipanam nānārammaṇesu cittassa pavattanam. **Anavaṭṭhānam** ekasmimyeva pavattitum appadānam. Dutiyādimaggapurecārikam phalasangāhāpattipurecārikaṅca

kāmāvacarañāṇaṃ nibbānārammaṇatāya lokuttaracittassa
āvajjanaṭṭhāṇiyatāya ca paṭhamamaggapurecārikañāṇena samānanti katvā
vuttaṃ “**gotrabhuvodāne gotrabhūti gahetvā**”ti.

Sabbatthapādakanti nipphādetabbe, payojane vā bhummaṃ “cetaso
avūpasame”ti-ādīsu viya. Tena sabbesu vipassanādīsu nipphādetabbesūti
attho. Tenevāha “**sabbesū**”ti-ādi. Atītaṃsañāṇassa kāmāvacarattā
iddhividhādīsu tassa aggahaṇaṃ daṭṭhabbaṃ. Tassa pana atītasattadivasato
heṭṭhā yāva paccuppannapaṭisandhi, tāva visayoti vadanti.
Atītasattadivasesupi khandhapaṭibaddhānaṃ tassa visayabhāvo yutto viya
dissati.

Pādakajjhānacittaṃ parikammehi gahetvāti pādakajjhānaṃ samāpajjitvā
vuṭṭhāya “idaṃ cittaṃ viya ayaṃ kāyo sīghagamano hotū”ti
pubbabhāgaparikammehi rūpakāyassa viya pādakajjhānacittassapi
gahetabbataṃ gahetabbataṃ sandhāya vuttaṃ. Idaṃ pana adhiṭṭhānaṃ evaṃ
pavattatīti veditabbaṃ. Adhippetatṭhānapāpuṇanattamaṃ gantukāmataṃ
purakkhatvā pādakajjhānaṃ samāpajjitvā vuṭṭhāya “idaṃ cittaṃ viya ayaṃ
kāyo sīghagamano hotū”ti karajakāyārammaṇaṃ parikammaṃ katvā
bhavaṅgaṃ otaritvā vuṭṭhāya pādakajjhānaṃ samāpajjitvā puna bhavaṅge
otiṇṇe manodvārāvajjanaṃ rūpakāyaṃ ārammaṇaṃ katvā uppajjati
anulomāni ca. Tato adhiṭṭhānacittampi tamevārammaṇaṃ katvā uppajjati.
Tassānubhāvena yathādhippetatṭhānaṃ gatoyeva hoti. Evaṃ adissamānena
kāyena gacchanto paṇāyaṃ kiṃ tassa adhiṭṭhānacittassa uppādakkaṇe
gacchati, udāhu ṭhitikkhaṇe bhaṅgakkhaṇe vāti? Tīsu khaṇesu gacchatīti
icchanti. **Citteti** pādakajjhānacitte. **Samodahatīti** cittānugatikaṃ cittaṃ viya
sīghagamanaṃ karotīti attho. Yathā hi cittaṃ icchitakkhaṇe atidūrepi
visayaṃ ārabha pavattati, evaṃ rūpakāyassapi lahuparivattibhāvāpādanaṃ
cittavasena kāyapariṇāmanaṃ. Na cettha rūpadhammaṇaṃ
dandhaparivattibhāvato ekacittakkhaṇena desantaruppatti na yujjatīti
vattabbā adhiṭṭhānacittena rūpakāyassa lahuparivattibhāvassa āpāditattā.
Tenevāha “cittavasena kāyaṃ adhiṭṭhahitvā sukhasaññaṇca lahusaññaṇca
okkamitvā adissamānena kāyena brahmalokaṃ gacchatī”ti¹. Acinteyyo hi
iddhimantānaṃ iddhivisayoti.

1. Visuddhi 2. 34 piṭṭhe.

Cittasantānaṃ rūpakāye samodahitanti yattakehi cittehi dissamānena kāyena yathādhippetaṭṭhānappatti, tattakānaṃ cittānaṃ pabandhassa dandhagamanakaraṇato imassa adhiṭṭhānassa karajakāye āropitaṃ tadanuguṇanti attho. Idampi adhiṭṭhānapādakajjhānaṃ samāpajjitvā vuṭṭhāya “ayaṃ kāyo viya idaṃ cittaṃ dandhagamanāṃ hotū”ti samāpajjitvā vuṭṭhitajjhānacittārammaṇaṃ parikkammaṃ katvā bhavaṅgaṃ otarivā bhavaṅgato vuṭṭhāya pādakajjhānaṃ samāpajjitvā puna bhavaṅge otiṇṇe manodvārāvajjanaṃ pādakajjhānaṃ ārammaṇaṃ katvā uppajjati anulomānaṃ ca. Tato adhiṭṭhānacittampi tavevārammaṇaṃ katvā uppajjati. Tassānubhāvena antarā pañcaviññānādīsu uppannesupi apatanto icchitaṭṭhānaṃ gacchati. Evaṃ gacchanto ca sace icchati, pathavīkaṣiṇavasena ākāse maggaṃ nimminivā padasā gacchati. Sace icchati, vāyokaṣiṇavasena vāyumaṃ adhiṭṭhahitvā tūlapicu viya vāyunaṃ gacchati Apica gantukāmatāva ettha pamāṇaṃ. Sati hi gantukāmatāya evaṃ katādhiṭṭhāno adhiṭṭhānavegakkhittoveso issāsapakkhitto saro viya dissamāno gacchatīti. Tattha ākāse maggaṃ nimminivā gacchanto vināpi abhiññānāṇena pakatipathaviyaṃ viya gacchati. Teneva “padasā gacchatī”ti vuttaṃ. Vāyumaṃ adhiṭṭhahitvā gacchanto abhiññānāṇasamuṭṭhitavāyodhātuparamparāya gacchati. Ubhayatthāpi antarā vanarāmaṇiyakādīni pekkhamāno āpāthagate sadde ca suṇamāno gacchatīti vadanti. Keci pana “adissamānena kāyena ekacittakkhaṇeneva icchitaṭṭhānagamane dissamānena kāyena padasā vāyunaṃ ca gamane abhiññācittasamuṭṭhitakāyaviññattivipphārena gamanaṃ”ti vadanti. Apare “abhiññācittassa viññattinibbattanakkiccaṃ natthī”ti vadanti.

Adhiṭṭhānadvayanti cittakāyavasena kāyacittapariṇāmanabhūtaṃ rūpakāyapādakajjhānacittārammaṇaṃ ubhayaṃ adhiṭṭhānaṃ. **Tamsampayuttāyāti** yathāvutta-adhiṭṭhānadvayasampayuttāya. **Sukhasaññālahusaññābhāvato**ti sukhasaññālahusaññāsabbhāvato, tabbhāvaṃ āpajjanatoti attho. **Sukhasaññāti** cettha upekkhāsampayuttā saññā. Upekkhā hi “santaṃ sukhaṃ”ti vuttā. Sāyeva ca saññā nīvaraṇehi ceva vitakkādīhi paccanīkehi ca vimuttattā “lahusaññā”tipi veditabbā. Tāhi samokkantāhi rūpakāyopi tūlapicu viya sallahuko hoti. So evaṃ

vātakkhitatūlapicunā viya sallahukena ekacittakkhaṇena adissamānena ca kāyena yathārucci gacchatīti.

“Mutto vatamhi tāya anathasamhitāya dukkarakārikāya, sādhu vatamhi sammāsambodhim sambujjhan”¹ti pavattam bhagavato cetoparivitakkamaññāya māro “amuttabhāvamassa karissāmī”²ti,

“Tapokammā apakkamma, yaṃ na sujjhanti māṇavā.

Asuddho maññasi suddho, suddhimaggā aparaddho”¹—

āhāti evamādiṃ sandhāya “**mārādīnampi bhagavato cittajānanam vuttan**”²ti vuttam. Nibbānapaccavekkhaṇaṅca pubbenivāsānussatiñāṇena nibbānā -pa-ñātesu pavattatīti sambandho. **Nibbānā -pa-ñātesū**ti idaṃ abhiññāñāṇassa parato pavattamānam paccavekkhaṇam abhiññāñāṇassa visaye viya abhiññāñāṇavisayavisayepi kadāci pavattitum arahatīti katvā vuttam.

Appamāṇārammaṇatanti appamāṇakhandhārammaṇatanti attho. **Tasmāti** yasmā pubbenivāsānussatiñāṇassa nibbānārammaṇabhāvadīpako koci pāṭho natthi, tasmā. **Paccavekkhaṇakicce vuccamāneti** ruḷhim aggahetvā maggādīnam atītānam pati pati avekkhanam anussaraṇam paccavekkhaṇanti pubbenivāsānussatiñāṇassa kiccaṃyeva paccavekkhaṇanti vuccamāneti attho. **Anuññātāti dīssatīti** “maggaphalanibbānapaccavekkhaṇato”²ti idameva sandhāya vuttam. Ayañhettha attho – pubbenivāsānussatiñāṇena nibbānārammaṇe khandhe disvā “ime dhammā kiṃ nu kho ārabha pavattā”²ti āvajjentaṃ pubbenivāsānussatiñāṇam nibbānārammaṇe pavattatīti. Anāgataṃsañāṇepi eseva nayo.

Yadi evaṃ kasmā parittattike “appamāṇo dhammo mahaggaṭṭassa dhammassa ārammaṇapaccayena paccayo”²ti ettha “appamāṇā khandhā cetopariyañāṇassa pubbenivāsa-anāgataṃsañāṇassa ārammaṇapaccayena paccayo”²ti ajjhattattike ca “bahiddhādhammo bahiddhādhammassa, bahiddhādhammo ajjhattassa dhammassa ārammaṇapaccayena paccayo”²ti etesaṃ vibhaṅgesu “bahiddhā

1. Saṃ 1. 104 piṭṭhe.

2. Abhi 9. 324 piṭṭhe.

khandhā iddhividhañāṇassa cotopariyapubbenivāsayaṭṭhākaṃmūpaga-anāgataṃsa āvajjanāya ārammaṇapaccayena paccayo”¹ti ethakameva vuttaṃ, na vuttaṃ nibbānanti. Cetopariya-iddhividhādīñāṇehi saha vuttattāti ce, evampi visum vibhajitabbaṃ siyā. Na hi visum vibhajanārahaṃ saha vibhajatīti? Na, avacanassa aññakāraṇattā. Yāni hi puthujjanānaṃ pubbenivāsa-anāgataṃsañāṇāni, tesāṃ avisayo eva nibbānaṃ. Ariyānaṃ pana maggaphalapaccavekkhaṇehi sacchikatanibbānānaṃ imehi ñāṇehi paccakkhakaṇe payojanaṃ natthīti sādharmaṇena iddhividhañāṇādīnaṃ gahitattā nibbānaṃ na vuttanti daṭṭhabbaṃ. **Nibbattakkhandhajānanamāha**, na nibbattakakkhandhajānanam. Yathākaṃmūpagaññakiccaṃ hi tanti. **Attho sambhavatīti** idaṃ anāgataṃsañāṇassapi anibbānārammaṇataṃ sandhāya vuttaṃ.

1429. Maggārammaṇattike yasmā cittuppādakaṇḍe bodhitesu cittuppādesu ekantato maggārammaṇāyeva keci natthi, maggārammaṇāyeva pana kadāci maggādhipatino honti, tasmā “katame dhammā maggārammaṇā”²ti ekameva pucchaṃ katvā tayopi koṭṭhāsā labbhamānavasena vibhattā. Iminā nayena paratopi evarūpesu ṭhānesu attho vedittabbo. “Cittuppādā”²ti, “maggārammaṇā”²ti ca vuttadhammānaṃyeva maggahetukattābhāvaṃ sādhetum **“asahajātattā”**ti idaṃ hetuvacananti **“asampayuttattāti attho”**ti vuttaṃ. Tenevāha **“na hi arūpadhammānaṃ”**ti-ādi. “Aññadharmārammaṇakāle evā”²ti avadhāraṇassa aggahitattā garuṃ akatvā maggārammaṇakālepi maggādhipatibhāvena na vattabbāti āyampi attho aṭṭhakathāyaṃ pariggahitoyevāti daṭṭhabbaṃ. “Garuṃ katvā paccavekkhaṇakāle”²ti hi vuttattā garuṃ akatvā paccavekkhaṇakālepi atthi eva. Tadā ca maggādhipatibhāvena na vattabbā te dhammāti bhīyyopi siddhovāyamatto.

1434. **Atītārammaṇāvāti** uddhaṭaṃ, “atītārammaṇā”²ti pana aṭṭhakathāpāṭho bahūsu potthakesu dissati. **Tasmāti** yasmā **paṭiccasamuppādavibhaṅgavaṇṇanāyam**² “maraṇasamaye ñātakā ‘ayaṃ tāta tavatthāya buddhapūjā karīyati, cittaṃ pasādehi’²ti vatvā”²ti-ādinā pañcadvāre rūpādi-ārammaṇūpasamharaṇaṃ tattha tadārammaṇapariyosānānaṃ

1. Abhi 8. 443 piṭṭhe.

2. Abhi-Ṭṭha 2. 151 piṭṭhe.

cuddasannaṃ cittānaṃ pavattiṅca vatvā tasmimyeva ekacittakkhaṇaṭṭhitike ārammaṇe paṭisandhicittaṃ uppajjatīti paccuppannārammaṇabhāvaṃ paṭisandhiyā vakkhati, tasmāti attho. Dve bhavaṅgāni āvajjanaṃ maraṇassāsannabhāvena mandībhūtavegattā pañca javanāni dve tadārammaṇāni cuticittanti ekādasa cittakkhaṇā atītāti āha **“pañcacittakkhaṇāvasiṭṭhāyuke”**ti. **Itaratthā**ti aññatadārammaṇāya cutiyā. Idāni tameva “itaratthā”ti saṅkhepato vuttamatthaṃ vitthārato dassetuṃ **“yadā hi”**ti-ādimāha. Cutiyā tadārammaṇarahitattā paṭisandhiyā ca paccuppannārammaṇattā **“rūpā -pa- jjantassā”**ti udāhaṭaṃ. **Cha bhavaṅgāni paccuppannārammaṇāni honti**, nava cittakkhaṇā atītāti sattacittakkhaṇāvasiṭṭhāyuke gatinimutte paṭisandhiyā pavatattāti daṭṭhabbaṃ.

Vijjamānameva kāyaṃ ārammaṇaṃ karotīti etena sukhalahusaññokkamanena paccuppannasseva bhūtopādāyarūpasaṅghātassa lahuparivattibhāvāpādanāṃ, na bhāvinoti dasseti.

Etthantareti apākaṭakālato paṭṭhāya yāva pākaṭakālo, etasmim antare. Yasmā pana kassaci kiñci sīghaṃ pākaṭaṃ hoti, kassaci dandhaṃ, tasmā **“ekadvesantativārā”**ti aniyametvā vuttaṃ. “Vacanasiliṭṭhatāvasena vuttan”ti eke, keci pana “etthantare pavattā rūpadhammā arūpadhammā ca paccuppannāti gahite eko santativāro hoti, taṃ pana dvidhā vibhajivā apākaṭakālaṃ ādim katvā yebhuyyena pākaṭakālato orabhāvo eko koṭṭhāso yebhuyyena pākaṭakālaṃ ādim katvā yāva supākaṭakālo ekoti ete dve santativārā. Iminā nayena sesasantativārabhedāpi veditabbā. Tattha kālavasena sabbesaṃ samānabhāvaṃ aggahetvā dhammānaṃ sadisappavattivasena santatiparicchedo dīpitabbo”ti vadanti. Kiñci kiñci kālaṃ sadisaṃ pavattamānāpi hi utucittādisamuṭṭhānā rūpadhammā santativārāti vuccanti. Yadāha **“atiparittā”**ti-ādinā, arūpasantatipi cettha yathāvuttarūpasantatiparicchinnā saṅgahitāyevāti daṭṭhabbaṃ.

Paccuppannesu dhammesu saṃhīratīti taṇhādiṭṭhīhi ākaḍḍhanīyaṭṭhānabhāvena vuttaṃ. “Yo cāvuso mano ye ca dhammā”ti visayivisayabhūtā ekabhavabhūtā ca ekasantatipariyāpannā dhammā vibhāgaṃ akatvā gayhamānā addhāpaccuppannaṃ hoti, sati pana

vibhāgakarāṇe khaṇasantatipaccuppannatā labbhatīti āha
 “**addhāpaccuppannaṃ hontaṃ etaṃ ubhayaṃ hotī**”ti.

Tassāti mahājanassa. **Atītādivibhāgaṃ akatvā**ti āvajjanādīnaṃ samānākārappavattiyā upāyaṃ dasseti. **Saddhaṃ hotī**ti khaṇapaccuppannārammaṇattepi parikammacetopariyañāṇānaṃ ayaṃ pālī suṭṭhu nītā hotīti attho. **Atītattiko ca evaṃ abhinno hotī**ti evaṃ khaṇapaccuppanneyeva dhamme idha paccuppannoti gayhamāne aññapadasaṅgahitasseva anantarapaccayabhāvaṃ pakāsento atītattiko ca paṭṭhāne abhedato sammā atthassa uddhaṭṭatā avināsito hoti. Atha vā **atītattikoti** paṭṭhāne atītattikapālī, imāya atītattikapālīyā yathāvuttakāraṇatoyeva abhinno avasiṭṭho aññadatthu sāmsandati sametīti attho.

Yathāsambhavanti āvajjanāya anāgatārammaṇatā, javanānaṃ paccuppannātītārammaṇatā anāgatapaccuppannātītārammaṇatāti yojetabbaṃ. **Nānārammaṇatā na siyā** addhāvasena paccuppannārammaṇattāti adhippāyo. Ayañca attho ekissā javanavīthiyā ekasmiṃyeva citte pavattiyaṃ āvajjanādīnaṃ anāgatādi-ārammaṇatā sambhavatīti sambhavadassanavasena vuttoti yathādhippetassa abhiññācittassa khaṇapaccuppanne pavattim yojetvā dassetuṃ “**tenā**”ti-ādīmāha. **Tīṇī**ti “atītārammaṇo dhammo atītārammaṇassa dhammassa āsevanapaccayena paccayo, anāgatārammaṇo dhammo anāgatārammaṇassa dhammassa, paccuppannārammaṇo dhammo paccuppannārammaṇassa dhammassa āsevanapaccayena paccayo”ti¹ padantarasaṅgahitadhammānapekkhā dhammā tīṇi pañhavissajjanānīti attho. **Anāsevanam natthī**ti āsevanalābhe satī yathādhammasāsane avacanassa kāraṇam natthīti avacanena tatha itaresam pañhānam paṭisedho viññāyatīti adhippāyo.

Etassa vādassāti “āvajjanajavanānaṃ anāgatapaccuppannārammaṇattepi cetopariyañāṇam siddhan”ti vādassa. **Nissayabhāvoti** atthasambhavato yathāvuttanayassa jotakabhāvo. **Yanti** cittaṃ. **Tassā**ti

1. Abhi 9. 430 piṭṭhe.

āvajjanajavanānaṃ khaṇapaccuppannaniruddhārammaṇatāvacaṇassa. Ettha ca kālavisesaṃ āmasati, anāgatāyeva ca āvajjanā pavattatīti nayidaṃ yujjamānakaṃ. Atha “yaṃ imassa cittaṃ bhavissati, taṃ jānāmi”ti ābhogaṃ karoti, evaṃ sati parikkammābhiññācittānampi anāgatārammaṇattamevāti sabbattha-āvajjanajavanānaṃ anāgatapaccuppannārammaṇatā na sijjhatīti āha “**pavatti -pa- vuttattā**”ti. **Dosāpattiyāti** dosāpajjanena, dosāpattito vā. **Rāsi-ekadesāvajjanapaṭivedheti** dosāpajjanena, disāpattito vā. **Rāsi-ekadesāvajjanapaṭivedheti** yathārutavaseneva purimavāḍipakkhamāha, **sampattasampattāvajjanajānaneti** attanā niddhāritapakkaṃ. **Purimavāḍino nānujāneyyunti** addhāsantatipaccuppannapadatthatā abhidhammamātikāyaṃ āgatapaccuppannapadassa natthīti adhippāye ṭhatvā nānujāneyyuntī. Ettha ca satipi sabhāvabhede ākārabhedābhāvato ekattanayavasena āvajjanaparikkammābhiññācittānaṃ nānārammaṇatādosā natthīti khaṇapaccuppannārammaṇatā cetopariyañāṇassa purimavāḍinaṃ adhippāyavibhāvanamukhena dassitā. **Aṭṭhakathāyaṃ** pana “sabhāvabhede sati nānārammaṇatādosābhāvo natthi evāti ekasmiṃ eva citte addhāsantativasena paccuppannārammaṇatā vibhāvītā”ti dvīsupi vādesu yaṃ yuttaṃ, taṃ vicāretvā gahetabbaṃ.

Tenevāti yasmā atītattike uppannattike ca cetopariyañāṇassa vattamānadhammārammaṇabhāvajotano pāṭho na dissati, teneva kāraṇena. **Dvīsu nīṇesūti** pubbenivāsacetopariyañāṇesu. **Kammamukhena gayhantīti** satipi ārammaṇabhāve cattāro khandhā yathākammūpagañāṇena kammadvārena kusalākusalā icceva gayhanti, na pana vibhāgasoti dasseti. Lobhādisampayogavisesena duccharitabhāvo, alobhādisampayogavisesena ca sucaritabhāvo lakkhīyatīti duccharitasucaritāni vibhāventāṃ lobhādayopi vibhāvetiyeva nāma hotīti āha “**duccarita -pa- bhāvanāṃ hoti**”ti.

1435. Asabhāvadhammassa “ahan”ti-ādipaññattiyā ajjhattadhammupādānatāya siyā koci ajjhattapariyāyo, na pana sabhāvadhammassa asattasantāneva tassāti vuttaṃ “**sabhāva -pa- ahontan**”ti. Tathā hi “attano khandhādīni paccavekkhantassā”ti ettha “ajjhattārammaṇā”ti padassa atthavivaraṇavasena “ajjhattaṃ gayhamānaṃ ahanti paññattim ādi-saddena

gaṇhātī”ti¹ vakkhati. Yadi evaṃ tassa ajjhattattikepi ajjhattabhāvo vattabbo siyā? Na, bahiddhābhāvassa viya ajjhattabhāvassapi ajjhattattike nippariyāyavasena adhippetattāti. Yadāha “**asabhā -pa- na vuttan**”ti. **Ākiñcaññāyatanādīti ādi**-saddena sāvajjanāni tassa purecārika-upacāraccittāni tassa ārammaṇena pavattanakapaccavekkhaṇa-assādanādicittāni ca saṅgaṇhātī.

Ākiñcaññāyatanam tam-saddena ākaḍḍhitvā vadati, na pana tam sabbanti vuttam, yañca tassa purecārikanti attho. **Lesavacananti** ekadesasāruppena samānārammaṇabhāvena ekadesasseva vacanam. Lissati silissati ekadesena allīyatīti hi **leso. Yesanti** kāmāvacarakusalākusalamahākiriya-vajjanacittānam kusalakiriya-bhedassa rūpāvacaracattutthassa ca. **Evaṃ upekkhāsahagataniddesādīsūti** yesam adukkhamasukhāya vedanāya sampayuttā vuttā, tesu ekameva upekkhāsahagataniddesam vatvā itaram na vattabham siyāti attho. **Ādi**-saddena hetusampayuttakāmāvacarādiniddese saṅgaṇhātī. Tatthāpi hi parittasahetukādibhāvena vuttasu dhammesu ekameva vatvā itaram na vattabham siyāti. **Abhāvanāniṭṭhappavattiyāti** abhāvanāniṭṭhappavattiyā abhāvanākāraṇassa ukkaṃsappavattiyāti attho, abhāvassa vā ukkaṃsappavattiyā. **Navattabham jātam** ajjhattārammaṇādibhāvenāti adhippāyo. **Tānīti** ākiñcaññāyatanena samānārammaṇāni āvajjanādīni. Yadi evaṃ “abhāvanāsāmaññe”ti kasmā vuttam. Na hi ākiñcaññāyatanārammaṇassa paccavekkhaṇa-assādanādivasena pavattacittānam abhāvanākārena pavatti atthīti? Na, abhāvetabbatāya adhippetattā. Na bhāvīyatīti hi abhāvanam, na na bhāvetīti.

Gahaṇavisesanimmitānīti-ādīsu ayamadhippāyo—yadipi bhāvanāñāṇanimmitākāramattesu sabhāvato avijjamānesu visayesu yebhuyyena mahaggatā dhammā pavattanti, bahiddhākāraggaṇavasena pana kasiṇādīnam bahiddhābhāvoti tadārammaṇadhammā bahiddhārammaṇāti vuttam. Kasiṇānam hi santānam muñcitvā upaṭṭhānam visesato vaḍḍhitakasiṇavasena viññāyati, paṭhamāruppaviññāṇabhāvassa pana na bahiddhākāro, nāpi

1. Pañatti ādisaddena saṅgayhatīti (Ka)

ajjhattākāroti ubhayākāravīdhure tasmim̐ anaññasādhāraṇena pavattiyākārena pavattamānaṃ ākiñcaññāyatanaṃ eva navattabbārammaṇaṃ vuttaṃ, na itare itarākārappavattitoti. **Kāmāvacarakusalānanti** nidassanamattaṃ daṭṭhabbān.

Ākiñcaññāyatanaṃ vipākānaṃ nevasaññānāsaññāyatanaṃ vipākādikassāti atthavasena vibhatti pariṇāmetabbā. **Abhinīhārāsambhavatoti** samāpatticcittassa abhinīhāraṇāsambhavato. Kusalamēva vipākassa ārammaṇanti katvā “**vipākassā**”ti-ādi vuttaṃ.

Asabhāvadharmattepi bahiddhākārena gahaṇīyabhāvato kasiṇānaṃ bahiddhābhāvo viya ekantato idha ajjhattadhammupādānatāya ahanti paññattiyā siyā ajjhattabhāvoti vuttaṃ “**ajjhattan**”ti-ādi. “**Khandhādīti ād-**saddena dhātu-āyatanaṃ saṅgahatī”ti ca vadanti. **Esa nayoti** “arūpakkhandhe khandhāti gahetvā”ti-ādikaṃ vaṇṇanānītiṃ āha. **Paresaṃ khandhādiggahaṇeti** paresaṃ khandhādīti imassa padassa kathane uccāraṇe. Sabbāma upādāpaññattim̐ āha ādisaddenāti sambandho.

Tika-atthuddhāraṇāni niṭṭhitā.

Duka-atthuddhāraṇā

1473. **Aññathāti** vuttappakārassa dassane. Vuttappakārassa dassanato eva hi aṭṭhakathāyaṃ sasaṅkhārikānaṃ thinamiddhavirahe asaṅkhārikasādisi yojanā na dassitā. **Bhavarāgādisūti** bhavarāgamūlikādisu yojanāsu.

1511. **Dveti** uddhaccāvijjānīvaraṇāni. **Tīṇīti** kāmaccandabyāpādavicikicchāsu ekekena uddhaccāvijjānīvaraṇāni. **Dve vā tīṇī vāti** pāḷiyāṃ **vā**-saddassa luttaniddiṭṭhataṃ āha. Atha vā nipātasaddasannidhānēpi nāmapadādīhi eva samuccayādi-attho vuccati, na nipātapadehi tesāṃ avācakattāti antarenapi nipātapadaṃ ayamatto labbhati. Tathā vacanicchāya sambhavo eva hettha pamāṇanti pāḷiyāṃ “dve tīṇī”ti vuttaṃ.

Yattha sahuppattīti-ādinā “dve tīṇī”ti lakkhaṇavacananti sabbasādhāraṇamatthamāha. Tathā hi “**evañcakatvā kilesagocchake cā**”ti vuttaṃ. Tassāyamadhippāyo – kilesadvayasahitasseva cittuppādassa abhāvepi pāḷiyam dviggahaṇaṃ kataṃ, kilesānañca sambhavantānaṃ sabbesaṃ sarūpena gahaṇaṃ na katanti dve tayoti lakkhaṇakaraṇanti viññāyatīti.

Yadi sabbākusale uppajjanakassapi uddhaccassa eko eva cittuppādo visayabhāvena vuccati, avijjānīvaraṇassapi tathā vattabbanti adhippāyena “**kasmā vuttan**”ti-ādinā codeti. Itaro uddhaccanīvaraṇasseva tathā vattabbataṃ avijjānīvaraṇassa tathā vattabbatābhāvañca dassetuṃ “**suttante**”ti-ādimāha. Tattha **suttante vuttasu pañcasu nīvaraṇesūti** uddhaccasahagate uddhaccassa avijjānīvaraṇena nīvaraṇasahitataṃ āsaṅkitvā vuttaṃ. Nanu ca suttante “avijjānīvaraṇānaṃ sattānaṃ”ti-ādīsu¹ avijjā “nīvaraṇaṃ”ti vuttāti? Saccametam, jhānaṅgānaṃ paṭipakkhabhāvena pana suttante bahulaṃ kāmaccchandādayo pañceva nīvaraṇāni vuttānīti yebhuyyavuttivasena etaṃ vuttanti daṭṭhabbam.

Keci pana “yathā nikkhepakaṇḍe kusalapaṭipakkhabhūtāni dubbalānīpi nīvaraṇāni paṭṭhāne viya dassitāni. Tathā hi **paṭṭhāne**² ‘nīvaraṇaṃ dhammaṃ paṭicca nīvaraṇo dhammo uppajjati na purejātapaccayā. Arūpe kāmaccchandānīvaraṇaṃ paṭicca thinamiddhanīvaraṇaṃ uddhaccanīvaraṇaṃ’ti-ādi vuttaṃ, na evaṃ aṭṭhakathākaṇḍe. Aṭṭhakathākaṇḍe pana jhānapaṭipakkhabhūtāniyeva nīvaraṇāni niddiṭṭhānīti ‘uddhaccanīvaraṇaṃ uddhaccasahagatecittuppāde uppajjati’ti vuttaṃ. Aṭṭhakathāyaṃ pana uddhaccanīvaraṇassa kāmaccchandādīhi ekato uppattidassanaṃ nikkhepakaṇḍānusārena kataṃ ekato uppattiyā pabhedadassanattham. Tattha hi pāḷiyaṃyeva tāni vitthārato vuttānī”ti vadanti. Ayañca vādo “uddhaccanīvaraṇaṃ uddhaccasahagate cittuppāde uppajjati”ti idameva vacanaṃ nīpākanti katvā vutto. Aññāthā avijjānīvaraṇaṃ viya vattabbaṃ siyā. Na hi ito aññaṃ pariyaṭṭhānapaṭṭhāyīniyeva nīvaraṇāni atthuddhārakaṇḍe adhippetānīti imassa atthassa sādhaṅgaṃ vacanaṃ atthi, idaṃ vacanaṃ dvetiṇivacanaṃ sāmāññaṃ sabbanīvaraṇasaṅgāhakattā yathāvuttavacanaṃ

1. Saṃ 1. 387 piṭṭhe.

2. Abhi 10. 300 piṭṭhe.

visayavisesappakāsanasaṅkhātena payoĵanantarena vuttabhāvassa dassitattā ca ñāpakam na bhavatīti dissati, tasmā vicāretvā gaĥetabbaṃ.

Aggaĥetvāti yathārutavaseneva atthaṃ aggaĥetvā yathā nikkĥepakaṇḍapaṭṭhānādihi na imissā pāḷiyā virodho hoti, evaṃ adhippāyo gavesitabboti yathāvuttamevatthaṃ nigameti.

1577. **Tesanti** lobhādito aññesaṃ. **Dassitā**ti kathaṃ dassitā? Māno tāva lobhamoha-uddhacca-ahirikānottappehi, lobhamohathina-uddhacca-ahirikānottappehi, tathā diṭṭhi, vicikicchā moha-uddhacca-ahirikānottappehi, thinaṃ lobhamohadiṭṭhi-uddhacca-ahirikānottappehi, lobhamohamāna-uddhacca-ahirikānottappehi, lobhamoha-uddhacca-ahirikānottappehi, dosamoha-uddhacca-ahirikānottappehi, uddhaccaṃ lobhamohadiṭṭhi-ahirikānottappehi, lobhamohadiṭṭhithina-ahirikānottappehi, lobhamohamāna-ahirikānottappehi, lobhamohamānathina-ahirikānottappehi, lobhamohathina-ahirikānottappehi, lobhamoha-ahirikānottappehi, dosamoha-ahirikānottappehi, dosamohathina-ahirikānottappehi, mohavicikicchā-ahirikānottappehi, moha-ahirikānottappehi ekato uppajjati.

Yathā ca uddhaccaṃ, evaṃ ahirikānottappāni ca yoĵetvā veditabbāni. Kathaṃ? Ahirikaṃ lobhamohadiṭṭhi-uddhaccānottappehi, lobhamohadiṭṭhithina-uddhaccānottappehi, lobhamohamāna-uddhaccānottappehi, lobhamohamānathina-uddhaccānottappehi, lobha-moha-thina-uddhaccānottappehi, lobhamoha-uddhaccānottappehi, dosamoha-uddhaccānottappehi, dosamohathina-uddhaccānottappehi, mohavicikicchā-uddhaccānottappehi, moha-uddhaccānottappehi ca ekato uppajjati. Anottappaṃ lobhamohadiṭṭhi-uddhaccā-hirikehi, lobhamohadiṭṭhithina-uddhaccāhirikehi, lobhamohamāna-uddhaccāhirikehi, lobhamohamānathina-uddhaccāhirikehi, lobhamohathina-uddhaccāhirikehi, lobhamoha-uddhaccāhirikehi, dosamoha-uddhaccāhirikehi, dosamohathina-uddhaccāhirikehi,

mohavicikicchā-uddhaccāhirikehi, moha-uddhaccāhirikehi ca ekato
uppajjati evamettha mānādinampi ekato uppatti veditabbā. Sesāṃ
uttānatthameva.

Iti dhammasaṅgaṇīmūlaṭīkāya līnatthapadaṅṅānā

Dhammasaṅgaṇī-anuṭīkā samattā.

Dhammasaṅgaṇī-anuṭṭikāya

Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akkhanti	177	Anuvattantassa	76
Aṅgasambhārā	195	Anuvattayamāno	49
Ajjhattaṁ	52	Anuviddhattā	156
Ajjhācaranti	17	Antaradhāpetvā	10
Aññakāle	137	Apāyagamaṇiyassa	129
Aññanirapekkhehi	122	Appaṭisaṅkhānaṁ	64
Aññaviññāṇaṁ	132	Appetuṁ	64
Aññahetukaṁ	114	Abhāvā	146
Aññāṇupekkhā	115	Abhāsittā	74
Atabbhāvato	122	Abhinnaṅgikassa	138
Atipaguṇānaṁ	208	Abhisamayo	23, 67
Attabhāvo	145	Arumakkhanaṁ	105
Attasambhavo	183	Alubbhitattaṁ	101
Atthitaṁ	55	Avacanato	113
Advāracārīhi	81	Avatthusmiṁ	126
Adhiṭṭhānadvayaṁ	210	Avikkhambhitattā	73
Adhimuttatā	64	Avikkhepo	64
Ananuyogo	17	Avijjamānassa	195
Anantarā	165	Avibhatte	147
Anavajjattho	27	Avibhūtattā	114
Anavaṭṭhānaṁ	208	Aviruddhaṁ	87
Anāmasitvā	152	Aviruddhā	44
Anipphannattā	169	Avisesetvā	43
Anipphādanāṁ	68	Asakkuṇeyyaṁ	11
Anuppādo	64	Asaṅghahanato	129
Anulome	137	Asaddhammagarutā	103

Padānukkamo	Piṭṭhaṅko	Padānukkamo	Piṭṭhaṅko
[A]		[E]	
Asammosadhammaṃ	108	Ekībhāvūpagamaṇaṃ	53
Asuddhatā	87	Evamsabhāvattā	81
[Ā]		[Ka]	
Ākārabhedam	110	Katahatthā	69
Ādhārabhūtā	162	Katupāsana	69
Āyatanabhāvato	76	Kammakkhayakarattā	83
Āyūhanaṃ	109	Kammadvārābhedaṇaṃ	85
Āyūhanā	120	Kammasarikkhako	137
Āraddho	72	Kasiṇāyanaṃ	112
Āsevanapaccayā	137	Kāmatanḥhā	70
[I]		Kāmarāgo	70
Iṭṭhāsu	39	Kāyakammavohāralābhā	85
Iddhimayo	89	Kālabhedam	152
Indo	33	Kāyavācāhi	84
Iriyāpathūpatthambhakaṃ	186	Kāraṇasīlaṃ	64
[U]		Kiccaghanatā	67
Udāsinā	44	Kicchāsiddhito	119
Uddānato	69	Kilinaṃ	105
Uddharaṇaṃ	206	Kusalabhāvaṃ	70
Upacitattā	131	Kusalabhāvanā	64
Upatāpo	43	Kodho	103
Upapattim	109	Kolaputtiyena	185
Upetaṃ	42	Kosajjaṃ	87
Uppatitaṃ	72	[Kha]	
Uppādaṃ	109	Khaṇaparittatāya	75
Ussāhanaṃ	106	Khanti	177
		Khayasamaye	203

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ta]	
Gatim	109	Tathāpavattā	82
Gambhīro	21	Tadanurūpatā	111
Gulho	21	Tadanurūpapaccayehi	167
Gottena	185	Tadādhāro	16
[Ca]		Tanninnaṃ	140
Cakkalakaṃ	60	Tapaniyā	62
Cakkhubhūto	18	Tappaṭikkhepo	106
Cittakatameva	71	Tapparabhāvā	69
Cittuppādasamaye	66	[Da]	
Citte	209	Daṭṭhukāmatā	157
Cetanāpakkhikānaṃ	92	Daḷhadhanu	69
Copanakiriyam	84	Diyaḍḍhakilesasahassaṃ	19
[Ja]		Dīghādisannivesaṃ	163
Janako	172	Dunnāmaṃ	199
Janā	176	Desanā	3, 23
Jappeti	185	Dosāpattiyā	215
Jātim	109	Dvāracaraṇe	81
Jāti-ādisabhāvaṃ	177	Dvārantaracaraṇaṃ	80
Jātiyā	185	Dvārantaracārino	80
[Ña]		Dvisahassathāmaṃ	69
Ñāṇaṃ	113	[Dha]	
Ñāṇatejēna	26	Dhammasavanaghosanaṃ	77
Ñāṇabhūto	18	[Na]	
[Ta]		Nandirāgasahagatā	74
Taṃmūlakānaṃ	135	Nayagamaṇaṃ	205
Taṃsahajātā	81	Nikkhipitvā	172

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nighaṃso	155	Padhānena	73
Nicchayābhāvā	129	Pabandhati	93
Ninnetā	18	Pamādo	87
Nibbattako	172	Payogena	134
Nimittam	109	Parittā	48
Nimittena	93	Pavattam	109
Niyatamicchādiṭṭhim	179	Pavattanam	23
Niyatarūparūpavasena	78	Pavattamāno	185
Niyamitassa	76	Pavattivipākassa	130
Niyyānikā	62	Pasādabhūto	95
Nirodhataṇhā	70	Pahānam	108
Nissaṭatā	64	Pahāne	185
Nissayabhūtānam	162	Pīti-upalakkhitam	97
Nīto	21	Purindado	33
Neyyo	21	[Pha]	
[Pa]		Pharusavācā	89
Pakati	127	Phalato	96
Paccayo	172	Phalasīlam	64
Paccosakkanam	105	Pheggurukkhassa	199
Pañcakhīlarahitena	18	[Ba]	
Paññatti	23	Byāpitāya	156
Paṭicchanno	21	[Bha]	
Paṭipatti	116	Bhāsitattho	175
Paṭividdhaṭṭhānam	25	Bhinditvā	183
Paṭivedho	153	Bhūtassa	110
Paṇāmakaraṇam	1	Bhūmi	73
Paṇītam	117		
Patitṭhānam	120		
Pathavīsāṅkhātām	190		

Padānukkamo	Piṭṭhaṅko	Padānukkamo	Piṭṭhaṅko
[Ma]		[Va]	
Makkho	103	Vipākābhimukhaṁ	131
Majjhimaṁ	117	Vipāko	41
Madhuraṁ	73	Vipphārikabhāvo	187
Mahaggatā	48	Vipphāro	95
[Ya]		Vibādhanāṁ	43
Yathādhammaṁ	22	Vibhajitabbe	147
Yathārammaṇaṁ	134	Virativisiṭṭhā	86
Yathāsaṅkhyāṁ	71	Visaye	70
Yuganaddhā	100	Visiṭṭhena	114
[Ra]		Visesato	95
Rūpattāsādhakattaṁ	186	Visesapaccayattā	132
[La]		Vedayamānā	44
Lābhagarutā	103	Veḷudānaṁ	105
Leso	216	[Sa]	
[Va]		Saṁrañjanaṁ	182
Vaṭṭamūlaṁ	199	Saṁvaṇṇanā	1
Vaḍḍhitatā	132	Saṁvaraṇupāyo	201
Vaṇṇapokkharatāya	185	Saṁvaravisayo	201
Vataṁ	176	Sakiccabhāvena	74
Vatthugato	95	Sakko	33
Vatthuparittatāya	74	Saṅkhatam	55
Vatthubhūtā	96	Saññāṇam	64
Vikkhipanaṁ	208	Saṇhaṭṭhena	104
Vicchinditvā	73	Sataṁ	92
Vijjāmayo	89	Satthā	1
Vitakkaṇam	94	Sadvāre	87
		Sante	101
		Sabyāpārata	41

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sabhāvabhūtaṃ	80	Siddho	44
Sabhūmiyaṃ	73	Sivathikāvaṇṇajjhānaṃ	115
Samayo	67	Sīlaṃ	176
Samūhaghanatā	67	Sīlasampadā	64
Samodahati	209	Sukhabhūmi	174
Sambhūtattā	82	Sukhasaññā	210
Sarasantare	122	Sukhākāre	44
Sarasena	88	Sukhumarajādirūpaṃ	74
Saviggahaṃ	64	Suññataṃ	52
Sahajāte	74	Seyyamāno	185
Sahatāñña	25	Sotapadesassa	162
Sahitassa	70		
Sādayati	104	[Ha]	
Sādhetaṃ	33	Hīnaṃ	117
Sāraṇaṃ	96	Hetu	172
Sikkhitā	69	Hetukā	178